

Новый Заветыт Акузипигыстун

(Чаплинский диалект)

Чукотский Автономный Округ
Российская Федерация

Wycliffe®

Новый Завет на эскимосском языке
Чукотский АО, РФ

Иллюстрации, использованные в этом издании,
принадлежат
Гордону Томпсону © 2012 Wycliffe Bible Translators Inc.

и лицензированы под Creative Commons
Attribution-NonCommercial-NoDerivs 3:0 Australia License.

Другие ресурсы Писания на эскимосском могут быть
найжены на сайте
www.ScriptureEarth.org/ess

New Testament in Yupik [ess]

Совместный проект
Yupik Translation Committee
и
Wycliffe Bible Translators, Inc.

©2020, Wycliffe Bible Translators, Inc.
Orlando, FL 35862-8200 USA
www.Wycliffe.org

Оглавление

От Матфея	1
От Марка	89
От Луки	141
От Иоанна.....	234
Деяния	297
От Иакова	381
1е Петра	391
2е Петра.....	401
1е Иоанна	408
2е Иоанна	417
3е Иоанна	419
От Иуды	421
К Римлянам.....	425
1е Коринфянам	465
2е Коринфянам	502
К Галатам	525
К Ефесянам	538
К Филиппийцам.....	552
К Колоссянам	561
1е Фессалоникийцам.....	570
2е Фессалоникийцам	578
1е Тимофею	583
2е Тимофею.....	593
К Титу	600
К Филимону	605
К Евреям	607
Откровение	637

Информация о Новом Завете на Эскимосском Языке

Новый Завет на Эскимосском Языке был переведен с греческого, который был использован первоначальными писателями Нового Завета.

Стихи, которые не были включены во все старые копии в Новом Завете, (такие как Марк 16:9-20) напечатаны курсивом.

В некоторых местах переводчики эскимосского языка соединили два и более стихов вместе, для выявления корректной череды событий.

Пинилгїт Уңипат Иисус Христосымың Аюқылгїт Матфейем Игақыхкї

Сивунгї Иисус Христосым

- 1** ¹ Укуңұт ныңльюгутыт, сивунгї Иисус Христосым.
Тагикәгуқ Давидым ныңльюгутаңаның. Давид,
Авраамынкуның пиңұқ.
- ² Авраам атакә Исаакым,
Исаак атакә Иаковым,
Иаков атакәт Иудалью аңлыгуткульхїт,
- ³ Иуда атакәк Фаресылью, Зарамлью (Нәңат Фамарь),
Фарес атакә Есромым,
Есром атакә Арамым,
- ⁴ Арам атакә Аминадавым,
Аминадав атакә Наассоным,
Наассон атакә Салмоным,
- ⁵ Салмон атакә Воозым, (Воозым нәкә Раав).
Вооз атакә Овидым, (Овидым нәкә Руфь),
Овид атакә Иессейем,
- ⁶ Иессей атакә Умїлгым Давидым.
Давид атакә Соломоным. (Соломоным нәкә Урия
нулихқысяқаңа.)
- ⁷ Соломон атакә Ровоамым,
Ровоам атакә Авиям,
Авия атакә Асам,
- ⁸ Аса атакә Иосафатым,
Иосафат атакә Иорамым,
Иорам атакә Озиям.
- ⁹ Озия атакә Иофамым,
Иофам атакә Ахазым,
Ахаз атакә Езекиям,

10 Езекия атакā Манассиям,
Манассия атакā Амосым,
Амос атакā Иосиям.

11 Иосия атакāt, Иехониялью аңлыгуткульхғйт
альхықāгут тамāни Иудеит тугулюки аглятақнатки
Вавилонымун.

12 Киңуңаның аглятыльхита Вавилонымун,
Иехония атакā Салафиилым,
Салафииль атакā Зоровавелым,

13 Зоровавель атакā Авиудым,
Авиуд атакā Елиаким,
Елиаким атакā Азора,

14 Азор атакā Садокам,
Садок атакā Ахимым,
Ахим атакā Елиудым,

15 Елиуд атакā Елеазарым,
Елеазар атакā Матфаным,
Матфан атакā Иаковым,

16 Иаков атакā Иосифым.
Иосиф угйкā Мариям.
Мария нāкā Иисусым.
Иисус Мессиянұқ.

17 Сивунғи Иисус Христосым хўатытут: 14ңукāгут
киңункульхғйт Авраамымың Давидымун. 14ңукāгутлью
киңункульхғйт Давидымың кынляңа Иудеит тугулюки
аглятыльхитнун Вавилонымун. Тāхкын Вавилонымун
аглятыльхитның 14ңукāгутлью киңункульхғйт кынляңа
Христосым альхыльханун.

Альхыльхā Иисус Христосым

18 Иисус Христос альхықāгуқ хўатын: нāңа
Мария āңгутнўāқак Иосифымун, иўырңа
ныңугутыльхильюкык Аглығналғим Тағнығам
қумиңыстыкā. 19 Угикахқан Иосифым
кынқиғныгутминың кайңусякныңмың Мария пилюку,
аксяқльюку пыхнақыхкā. 20 Сюмыхтағаткумалюку
таўатын пильыхқани, Атанғым яқулған
алиғвикльюку қаванукун пикā: «Иосиф, Давидым
киңунға, алиңыхпынаң нулихқиғу Мария

қаюқлъяк Аглыңналғым Тағнығам ақсяңыстыкақә.

²¹ Иғныңнақңұқ; атиғнакын Иисусымың қаюқлъяк лъми юни югулияхқақй сығлықкыльхитныңң.

²² Қамахлъюни таўатын аныхтыкәгуқ апығйғналюку Атанғым акузиткыхкә ўкналиқистыкун хўатын:

²³ «Ағнағақ югым атуқыльхилькаңа қумиңлюни,
иғныңыльықуқ.

Атқысяхқақә Еммануил» хўатын писиқ: «Кияғнық хўаңкунъилнуқ».

²⁴ Ынкәм Иосиф тахтуғлюни Атанғым яқулған пискыльхатун пикақ. Мария нулихқыхкә, ²⁵ иўырңа атуқумаңилькаңа кынляңа иғныңыльханун. Тәхкын Иосифым Иисусымың атиқә.

Иғалықытәғның Лйтқахлъягыт Ысхағьяхтуқаңат Иисус

2 ¹ Иисус альхығаққан Вифлеемыми Иудеямылңуғми, Ирод умйлгулғй. Альхылъхан киңуңаның иғалықытәғның лйтқахлъягыт асивағмың кәткат Иерусалимымун. ² Апқуғўәқат: «Нәгу тағнухәқ альхылғй умйлгат Иудеит? Иғалықытәға ысхәмәхпұт асивағмыльюку ынкәм манигуғьяхтуғақхпұт».

³ Умйлғым Иродым нагақуғлюку тыхылъхйхльякақ, қамахтыңўәғлютыңлью Иерусалимығмйт малигульютың.

⁴ Тахсиқльихтығлюки қамахлюки первосвященнигытлью, апыхтуғикаюгытлью Лйлихтўсяның әптыкй: «Нани Христос альхығьяхқаўа?»

⁵ Кймсиқәт: «Вифлеемыми Иудеямылңуғми.

Ўкналиқистым хўатын игақыхқақә:

⁶ “Лпык Вифлеем, Иудамылнуқ,
иглығутистыяхйтның Иудам
укавантыльыхпигәнғитутын,
қаюқлъяк лпынун тагинақңұқ иглығутиста,
иглығутияхқақ юмның Израилығмйныңң”».

⁷ Тәхкын Иродым аксяқльюку тахсиқльықй иғалықытәғның лйтқахлъягыт, лйгикналюку қавңақ алиғьюхўәқәтаңа иғалықытәқ. ⁸ Тәхкын пикй: «Вифлеемымун ағуляқльюси ынңәталъ ивахтыху тағнухәқ. Нәлькыхкуфсигу уңипәсяхтуғнакыфсиңа, хўаңалъю манигуғьяхтухльыққақ».



(От Матфея 2:11)

9-10 Таўатын умїлгым пийистың иглықтыкат. Ысхағлятақат атәсиқ тәна игалықытәқ асивағмыльюку, ынкәм ынңәталъ куятыхлякат. Малихтыкәт кынляңа ағулїльханун тағнухәм ныңан құлңани. 11 Итығлютың мыңтығамун ысхақат тағнухәк, нәңалью Мария. Сыгыскухқұльютың манигуқат. Тәхкын ақыфтағатың қыльпыхляюки тунқуқат тунусямың: золотамың, ладанымың, смирнамың.

12 Тәхкын Кияғныңым қаванукун йиткї Иродымун утығнифқита пискыльюки ынкәм агляқат нунамышнун альятхун тумытхун.

Иосифынкут Қималхәт Египетмун

13 Иғалықытәғның лїткахлягыт ағуляқсята, қаванукун Атанғым яқулған алиғвикльюку Иосиф пикә: «Макыльютын тағнухәкльо нәңалью анагутикык Египетмун. Таўәнльыхатын утығниқсылтымнун кынляңа қаюхляк Иродым ивахтыснакә тағнухәк тукутысналюку».

14 Ынкām унугми таўани Иосифым макылъюни ағуляқуткакык тағнухақлъю нāңалъю Египетмун.

15 Таўантыкақ кынляңанун Иродым туқульханун.

Ынкām апығйқāгуқ Атанғым акузиткыхкā
ўкналиқистыкун хўатын:

«Туқлъюқақақа иғнықа тагисқылъюку Египетмың».

Тағнухағның Туқукульхат

16 Иродым лйгиксямигу иғалықытағның лйткақлъягнун пўхсиманилюни саякшитықлъякақ. Тāхкын пильюўахтыт каяхтыкй Вифлеемымун, увитаңанунлъю туқуқйсқылъюки қамахлъюки мыкылғйхāt альхынхахағның, мālдугыгнун аюмикулъыхтуткалғйнун кынляңа. Тамāкут тағнухāt накмикыхкақй қаюқлъяк иғалықытағым альхылъханың мālдугуқлъыхйк аюмикулъык, иғалықытағның лйткақлъягыт апылъхитни.

17 Таўатын пильықкун ўкналиқистым Иеремиям ўкналиқыльхā апығйқāқ:

18 «Рамами нагақуқāt лығақлъягāтақ.

Рахилыңуфтук қиялғй авақутаминун,
рыпаль илютухсяғьяққāхāхпынани,
қаюқлъяк қамахлъютың туқуляғātкат».

Иосифынкут Утығнилғйт Израилмун

19 Иосифылью Египетымыльюки Ирод туқукақ, қаванукун Атанғым яқулған алиғвикыхкā Иосиф

20 пикā: «Макылъютын тағнухақлъю нāңалъю утығнитикык Израилымун, қаюқлъяк туқутинақсялғйт тағнухағмың туқуляғāсимāt». 21 Ынкām Иосифым макылъюни тағнухақлъю, нāңалъю агляткақи Израилмун.

22-23 Иўырңа Иосифым нагақуғлюку нутағак умйлга Иудеям, Архелайеңунилюку Иродым иғныға, алиңыхкақ таўавык аглянығмың. Қаванукун Кияғнығым уңипātкā Иосиф Иудейтыфқан пискыльюку, ынкām Назаретымун агляқат Галилеямылңугмун. Тамāнтыкат ўкналиқистыт хўатын пильхат, апығйғысқыльюку: «Мессия Назаретығмиңуяққāгуқ».

Иоанным Крестителым Уңипақилъха

3 ¹Тақўаниңани Иоанн Крестителым агляглюни килгәңанун Иудеям, пинлиқак уңипақимың. ²Хўатын пикақ: «Авутыққильюси тәқитык сығлыққынъығмың, қаюқлъяк Атанықпагулъха Қиягым кәсяхтүмәқ». ³Иоанныңуқ ўкналиқистым Исаиям акузиткыхкә хўатын пйқңами:

«Килгәни кина акилгўгақуқ хўатын:

“Ятәққитыху Атанғым түмқаққә,

таклъягрукыхсяхтыху иглығавихкә!”

⁴Иоанным әткі верблюдым мыльқўәның улимәғт, мықамың тафсилюни, нықыкльюни саранчамыңлью мёдымыңлью. ⁵Югыт агляхтўткат лъңанун Иерусалимымыңлью, Иудеямыңлью, увитаңаныңлью Кйўым Иорданым. ⁶Сығлыққылғытың қайвиҳқынғатки, Иоанным крестиғықыхқаңи Иорданығни.

⁷Иоанным ысхағлюки Фарисеилғутытлью, Саддукеилғутытлью тагилдїт лъңанун крестиғысқылъютың пикй: «Лпыси нымығъяни! Китум анагысқиси Кияғнығым нанқихтылғыққәның кәнбақылдймың? ⁸Сивукльюси пинитун пилғыхпысигун ипапихқитыху сығлыққылғыхпысиның авутыққылғыхси. ⁹Хўатынңам сюмыхтағахпынаси: “Кияғнығым нанқихнәңгитйлью қаюқлъяк киңунқйлью Авраамым”. Уңипәтамси Кияғнығым Авраам киңуныңльяңбаяғә мәкын уйғағның! ¹⁰Хўә мәтын қалъқалимаяқлғыхйнахльютың аюқут уқфигыт акўйтхун. Қамахльютың уқфигыт пинилдймың пйтыстингилңўт кыплъюки, кынғыгнун милёсяққәгут. ¹¹Мыққун крестиғағйқуңа авутыққыхқанун сығлыққылғығмыхның. Иўырңа тагияхқам киңумның крестиғылғықыси Аглыңналдйғныңлью Тағнығағның, кынығмыңлью. Ахтуғьяхқәңгитыхльяхтуқ хўаңамның, рыпаль талўа камыхкык тугумйқыпағниңитахка. ¹²Тәна тагияхқак нанқихтияқлғыхйнағуқ. Афсяхқакй пинилдйт югыт сығлығның, катам пйтысйғахтым пыкутамының малйльхәтун зернот. Кахпаглюки зернот малъяқ тамәна милёсяхқакә қәмьяхқәңгилңўгнун кынғыгнун».

Крестиғыльға Исусым

13 Тәхкын Исус Галилеямың тагикақ Иорданыгнун, Иоаннымун крестиғысқылъюни. 14 Иўырңа Иоанным акузинғакуткыхкақсықаңа хўатын: «Хўаңа лыпык крестиғыяхқақсығахпыңа. Сяңавык хўаңамнун тагизин?»

15 Иўырңа Исусым пика̄: «Лыган сьқсин крестиғыңа қаюхляк таўатын пикумтуң апығйхлықахпуң Кияғнығым пиюкыльға».

Ынкәм Иоанным крестиғыкә.

16 Исус крестиғыятни мығмың а̄ныхкақ. Тәхкын қиляк қыльпығлюни ысхақакык Кияғнығым Тағнығакык укилғйк голубытун аюқльютык, ынкәм лъңакун налюкак. 17 Тәхкын ма қилягмың пикақ: «Унаңўқ пиниқыхкахляка Иғнықа, ыфқуқыпихтақа».

Туғнығәм Сығлыхқыснакуткыхкаңа Исус

4 1 Тәхкын Аглығналғйм Тағнығам агулякуткә Исус килгәнун, Туғнығагмун сығлыхқыснакуткысқылъюку. 2 40 ағнық, 40 унук Исус нығумаңилнұқ; тәхкын тәкут ағнығыт киңуңитның игатақак. 3 Тәхкын Туғнығәм такулюку пика̄: «Кияғнығым Иғнықнуқаңатын, нықнухтысқики тамәкут уйғагыт».

4 Иўырңа Исусым пика̄:

«Акузитыт Игақыхкат пика̄гут:

“Юк кияхнәнғитұқ нықңинахаққун,
иўырңа кияхсяхқәгуқ тамаҳәкун Кияғнығым
акузитаңакун”».

5 Тәхкын Туғнығәм Исус агльяткә Иерусалимымун, Аглығналғймун Ныхлягмун. Таўани Храмым ўсқальхакун ныкывыслъюку 6 пика̄: «Кияғнығым Иғнықнуқаңатын, қытхығи тысямавык; қаюхляк Акузитыт Игақыхкат пика̄гут:

“Кияғнығымңуқ яқулыгминун
пақнасихтысяхтухлыықәтын;
йхмыхның нуқнықылъықәтын лӯрақ итығахтын
уйғахқўнъаюката”».

7 Исусым пика̄: «Иўырңа Акузитыт Игақыхкат хўатынлъю пика̄гут:

“Атанық Кияғнығын нанғиқухпынән сясқылъюку
лъңан пиюкыльқынғильқаңаның”».

8Тәхкын Тұғныңәм Исус маюльюку
ӯсқапихльғығимун нәйғамун кылгуткй
қамахтыңъуәғлюки атанықпагульҳи нунам,
пиниғналъыхльягилью. 9Ынкәм пикә:
«Қамахтыңъуәғлюки мәкут тўныльықанка лпынун,
сыгысқуҳльютын манигуғьяқувңа».

10Тәхкын Исусым пикә: «Тұғнығақ, иқитын! Акузитыт
Игақыхкат хўатын пикәгут:

“Манигуғьяққан Атанық Кияғнығын, лъңинағуқлью
қыпхәсяққан!”»

11Тәхкын Тұғныңәм унисягу Исус, яқулгыт
афльыңаксяқтуқат.

Исусым Пйнлиқаңа Уңипақилъыни Галилеями

12Исусым нагақуғлюку Иоанн
анусимиңльяғвигмынъилоку, Галилеямун
утығниқак. 13Назаретымың агляқак Капернаумымун
тамәнъалюни. Капернаум ысныңанитук Нәйвам
Галилеям, нунами Завулонылью, Неффалимылью
киңунғита кияқфигитни. 14-15Исусым
таўатын пильығмикун апығйқә ўкналиқистым
Исаиям ўкналиқыльҳа. Қавңарухльяк Исаиям
ўкналиқуткыхкақй югыт кияқльыхйт нунахкыни
Завулонылью, Неффалимылью. Тәкук нунак нәйвам
туңаңанилңўк, нальяңани Кйўым Иорданым,
Галилеямылңуғми язычнигыт кияқфигитни! 16Исаиям
пикақыхкаңи хўатын:

«Тамәкут кияқльыхйт сығльыққыльҳым
мамльықыстыльҳани ысхәсяққәгут
ниғухльягмың.

Алиңыльхита туқумың льяңақа нунаңат сйпңалғй
тағнығаңутыльҳаның туқульықым.

Иўырңа мәтын ахтағатақй».

17Галилеямун утығнилъығминың кынлыкльюку
Исусым пйнлиқә уңипақилъыни: «Авутыққыльюси
сығльыққынъанихтық, қаюхльяк Атанықпагульҳа Қилягым
кәсяқтўмәқ».

Иисусым Тахсиқаңи Стамат Иқалъинйхтыт

18 Иисусым иглыгуткыльюку ысныңани
 Найвам Галилеям, ысқақакык аңлыгуткульхйк,
 Симонынкунуфтук (атхан альха Петр), Андрейемлюю.
 Иқалъинйлдік нығапхатын миліотақлююку
 найвамун. 19 Тәхкын Иисусым пикақй: «Малихтыңа,
 апыхтухлықамси иқалъинйхтыңухтысқыльюси югнуң».
 20 Таўаниңинақ нығапхатың унильюки малихтыкāt.
 21 Тағаниқāгақ ысқақакит аңлыгуткульхйк, Иаковым,
 Иоанным игныгык Зеведейем. Аңьямыхни атакульхйт
 нығапхатың иляхтуғақыфтйт. Иисусым туқлюоқакык.
 22 Таўаниңинақ аңьяхтык униткāk атайыклюю ынкām
 Иисус малихтыкāk.

Иисус Апыхтуғилгйлю, Нальхуқулгйлюю

23 Иисус иглыгақак тамаңи Галилеями, синагогаңитни
 апыхтуғйқлююни. Нани алңунақ уңипақак Пинилдйның
 Уңипāмың Атаныхпагульхым, нальхуқуқак тамаҳāның
 ақниғнығныңлюю, қинууюғныңлюю. 24 Уңипақ
 миңиткālгй нальхуқульхā тамаҳāни Сириями. Ынкām
 югыт тагиткāt лъңанун қамахлбютың қинууюлгйт,
 альяхйнāғның ақниғнылгыт, икфиқңалгйт, туғнығалгыт,
 сяюхпахтақаюгыт, унйқатлюю. Қамахлбюки Иисусым
 нальхуткй. 25 Угльпихлбыхйми малихтыкāt Галилеямың,
 Десятиградиямың, Иерусалимымың, Иудеямың ынкām
 Иорданымлюю иңлюңаның тәхкын.

Иисус Апыхтуғилгй Қымими

5 1 Иисусым ысхағлюки юлдутыхлыягыт малигульхйт,
 қымимун маюғлюни ақумыхқак. Малихсйхтыми
 такуляғасятни, 2 апыхтуғикақ:

3 «Тамāкут лйсимакилгйт аклююкиңалығмыхның
 Кияғнығым каюсилъханың қуястылбьлгūt,
 қаюхлъяк юкй Атаныхпагульхан Қияғым.

4 Тамāкут қивгулгйт қуястылбьлгūt, қаюхлъяк
 Кияғнығым илютухсяғьяхқакй.

5 Тамāкут қусывығңалгйт қуястылбьлгūt, қаюхлъяк
 Кияғнығым тўньяхқакā нуна лъңитнун.

- 6 Тамāкут атуқиюпихльыҳīt Кияғныңым
пиюкыльханың қуястыльылгūt,
қаюқльяк Кияғныңым тўньяққақй пиюкыльхитның.
- 7 Тамāкут наңлыхталғīt қуястыльылгūt,
қаюқльяк Кияғныңым наңлыгыягусяққақй.
- 8 Тамāкут умьюгақыхтат қуястыльылгūt,
қаюқльяк ысқағьяққақāt Кияғның.
- 9 Тамāкут ныкыхмыльыңыстикаюгыт юғның
қуястыльылгūt,
қаюқльяк Кияғныңым авақутақнияхқақй.
- 10 Тамāкут амьōткыльыңылғīt атуқутмыхның
Кияғныңым пиюкыльха,
қātкутңатмыхның қуястыльылгūt,
қаюқльяк юкй Атаныҳпагульхан Қияғым.
- 11 Қуястыльылгўси югыт сығлыкўқаңиси,
амьōткыхқаңиси, иқлыыңиқуткыхқаңиси
малихсяқтыңутыхпысиның хўаңамнун.
- 12 Ынңātаль қуяқльяхтык қаюқльяк қияғми пама
акилыҳтўсяқалыхльягўси. Амынқун, нығиғлюку
ўкналиқистыт амьōткыхкйт катам мāтын
амьōткыльхистун лыпыси».

Тағьюқлюю, Ниғуклюю

13 «Тағьюстун аюқуси нунам югани. Иўырңа тағьюқ
тағьюғнићскуни, алья натын тағьюғниҳсяққанғитуқ.
Атўнаниҳльықуқ сямун алңунак ынкām ыхльықуқ тāхкын
югыт тутмāсқақыльықāt.

14 Ниғугыстун аюқуси нунам югани. Ныхльяк
қымим қайңанилңуқ талюғңаяққанғитуқ. 15 Талўа
китум алңунак кынылғутак кумақльюкык сяғныңмун
асиңйнбāнғитāk. Итупиль қўлвақун лыльықāk
ниғугутысқыльюкык тамақāнун илюғанилңуғнун.

16 Таўатыҳпигақ ниғухси кўкхутыстыху юғнун
ысхйсқыльюку анығнықильыҳси, ынкām усюқнақанат
Атази қияғмылңуқ».

Апыҳтўсяқыққаңи Лйлихтўсят

17 «Сюмыҳтағātкыхпынаңа тāқысяхтўнилюки
атуқныңмың Моисейем Лйлихтўсийлю

ӯкналиқистытлью апыхтӯсйт. Тагиңуңа апыхтӯткынъалюки ипа сямың писихпигатаңи. ¹⁸Ипа пїмси, қиягылью нунамлью кынлытхұтылтьыхкынун кынляңа, талўа сясқувығазақ альянухнāңгитук Лйлихтӯсянилнұқ кынляңа қамахльютың Лйлихтӯсянилнұт апығильхитнун. ¹⁹Ынкāңам китум алңунақ қаткынғилькумигу атāсиқ Лйлихтӯсяқ, апыхтӯсяқыхкумигулью югнун қаткыфқан писқыльюку, Кияғнығым пильықā укалихпигāнилюку Атаныҳпагульҳани Қиягым. Нақамынрақ китум алңунақ қаткыхкумики Лйлихтӯсят, апыхтукумикилью иляңи югыт қаткысқыльюки, Кияғнығым пильықā āңьяхқāнилюку Атаныҳпагульҳани Қиягым. ²⁰Ынкāм уңипāтамси, итыңнāңгитуси Атаныҳпагульҳанун Қиягым, ұыткуқун қаткутнāғатағақуфси Кияғнығмун, апыхтуғикаюгның Лйлихтӯсяның, Фарисеиныңлью».

Юхталықлью, Сякшитыльықлью

²¹«Нағақуқақаҳси сивунысиңуқ уңипātкақйт: “Юхтаҳпынаси. Кина алңунақ юхталғй нанқихсяқльыгўқ ағыўгьяхқālюни”. ²²Иўырңа хўаңа пїмси, китум алңунақ угумиягускумигу юлгутни, нанқихтивигмун агляхсяқльыгўқ. Китум алңунақ пикумигу юлгутни: “Уюқ нальюхльяқ”, аггистынун агляхсяқльыгўқ. Китум алңунақ сясйңгиньйкумигу юлгутни, агляхсяқльыгўқ кумағулғймун геенамун. ²³Ынкāңам аҳқыфигығни Кияғнығмун тўнинақумалютын тунусяхпының, нықāсқувгу сюгахсиманилюку юлгутын, ²⁴тунусян унильюку илялйгьяхтуғнакын. Тāхкын тагилютың тунусян тўнакын Кияғнығмун.

²⁵Китум авуткумақаңатын сығлытун пиманилюни, илялйғаҳнакын аглясималютын нанқихтивигмун, лўорақ авуткыстыхпык тўнаюқаңатын нанқихтистымун. Тāхкын нанқихтистым кылыңақистымун анусимиңльяхтыснаюқаңатын. ²⁶Ипа пїмкын, анусимиңльяхтысимақаңатын āнāңгитутын кынляңа нанқихтистым лывикысқыльхā қамахльюку лывикыхкувгу».

Гылгағниҗтыснанильық

27 «Нагақуқақақси хўатын пильық:

“Гылгағниҗпынаси”.

28 Иўырңа хўаңа пїмси, китум алңунак ысхағлюку ағнақ қилїқыхкумигу тāўа гылгағниҗгўқ қамагун илюмикун. 29 Ынкāм ағынқигнығым ийыхпык сығлыҗқыстыкаңатын, йкльюку ыхнакын! Итагнағьяҗқāгуқ югусин налиғнығитыңнāғми, йңунағми геенамун милїотыльыҗқāның. 30 Ағынқигнығым йыхпык сығлыҗқыстыкаңатын, кылльюки ыхнакытын! Пиниғатағағьяҗқāгуқ югусин налиғнығитыңнāғми, йңунағми геенамун пильыҗқāның.

Пильхутутыснанильық

31 «Нагақуқақақси хўатын пильық:

“Китум алңунак нулїни пыхтыкумигу,
игаңльянъакаңа кылгутусихқамың
пыхсиманилюку”.

32 Иўырңа хўаңа пїмси, юғым нулїни пыхсяҗқакыңгита ўытқукун гылгағниқан. Гылгағниңгитыңнāн пыхтыкумигу, гылгағниҗтыслыҗқā альяның югмың угїқан. Китум нулиҗкыхкумигу, тāна юк льңалью гылгағниҗгульықуқ».

Акықильығмун Апыхтўсяқ

33 «Нагақуқақақсилью сивунысиңуқ уңипātкақйт:

“Акықусян авылғахпынāн, иўырңа Атанығмун акықусян атуқақигу”. 34 Иўырңа хўаңа пїмси, акықихпынаң атуқльюку Кияғнығым āтҳа, налиғмың сякун алңунак. Акықихпынаң қияхкун қаюхльяк ақумутақā Кияғнығым игльцutilльығминун, 35 налиғмың нунакун қаюхльяк итыгағйтақā Кияғнығым, налиғмың Иерусалимыкун қаюхльяк ныхльякā Умїлыхпахльяғым. 36 Акықихпынаңлью нāсқуҗпыгун қаюхльяк талўа атāсиҗак нуяқ қатыхтыснāнгитан налиғмың тағныхтыснāнгитан. 37 Йығлыги лыган “āңғāси”, налиғмың “накāхāси”. Сяңўāt иляскуфсики тākунгун Тұғнығамың пиңўт».

Акинйхтыснанильык

38 «Нагақуқақахси хўатын пильық:

“Кина ййңиқувгу льпыклью ййңиғьяхқәгутын.

Китум хўтңа муғугахтыкувгу льпыклью хутын
муғугахсяхқәгуқ”.

39 Иўырңа хўаңа пїмси, сығлытун пистыси акитыхпынаки.

Китум қасяхтықаңатын ульюңахпыгун иңлюңалью тўнакын.

40 Ынкәм китум аглясқаңатын нанқихтистымун, хатыхкын
льми пиналюкык қасльихкынлью тўнакыхкын льңанун.

41 Китум алңунак қылгускагу акмахтани иглыгутысқыльюку
атәсимун километрамун, аля атәсиқ километра

илянъакын. 42 Китум сямың туңсиғвикыхқаңатын, тўнакын.

Китум сямың навғағвикыхқаңатын, навгінъакын”.

Пиниқльюки Угумикыстыси

43 «Нагақуқақахси хўатын пильық:

“Пиниқльюки илякумтәси, угумикльюки
угумиклїт льпысинун”.

44 Иўырңа хўаңа пїмси: “Пиниқльюки угумиклїт
льпысинун, юғатқақитыкилью амьїткыстыси

Кияғнығмун қуястысқыльюки”. 45 Таўатын пикуфси
югни лїсимакыльықїси авақутақутльюси Атахпыси
қиягмылңуғмун. Юк тамаҳән таўатыхльюўақ пїқә.

Сиқиныни пїтыстақә сығлығнунлью пинилгїнунлью.

Таўатыхпигақ ысльяльюгухтыстақә қаткуткаюгнунлью

қаткусигалңуғнунлью. 46 Кияғнығым акилыхтухльықисїи

пиниқистыңинахаси пиниқыхкуфсики? Талўа налогмың

қырңухтистыт пиниқакїт пиниқистытың. 47 Ынкәм

илякумтаҳїнаси қуякәтақуфсики, натын аляңулъықытси

иляңитның югни? Талўа манигүсигалңут Кияғнығмун

қуякақїт илякумтәтың! 48 Льпыси авақутақнутаңаның

Атахпыси қиягмылңум пиниқтык таўатыхпигақ

Атахпыси пинильхатун».

Апыхтүсяқ Тўнилъығмың Акльюмалгїнун

6 1 Иисусым апыхтүсяни нагныгуткї: «Ўатахльяк пинитун
пильыси ысҳахсяқыхпынаки. Ысҳахсяқыхкуфсики
Атахпыси қиягмылңум акилыхтуғнәнңитїси.

2 Ынкām тūникувык акльюмалг̃нун, пинийюгнығыстун пихпынаң. Қалғихтақтыстикаюгūt тūнивагилгамың ысх̃йсқылыютың. Таўатын пйкут, синагоганилью, тумынилью усуюқысқылыютың. Ипа уңипāтамси акилыхт̃саяңўағлютың аюкут. 3 Иўырңа тūникувык акльюмалг̃нун, кина алңунак уңипāтыхпынāн, 4 китумун алңунак нальюкысқыльюку тūнйльхын. Атахпык ысхапагақатын ынкām акилыхтухльықатын».

Апыхт̃сяк Юғалығмың

5 «Юғаныхпысини пинийюгнығыстун пихпынаси. Юғагьюныхтūt ныкывағмың синагоганилью, тумынилью ысх̃йсқылыютың югнун. Ипа уңипāтамси акилыхт̃саяңўағлютың аюкут. 6 Иўырңа юғагнақныхпыни, итығлютың ныхпынун ўмгульютын юғағақи Атахпынун алйнбығилгугмун. Атахпык лйсимака̃ аксяқльюку сяльхын ынкām акилыхтухльықатын.

7 Юғаныхпысини Киягныпигмун маниг̃усигалңуғыстун пихпынаси. Юғанығмыхни утыхпахтағақйт акузитыт сямың писйңгилңūt. Сюмығмыхни акузилыхльягмыхтыхун кймсихльықнилюки юғалытың пйқйт. 8 Льңистун аюқыхпынаси қаюхльяк Атахпыси лйсимака̃ акльюкыхкаҳси, талўа āптыстыхпынаси.

9 Ынкām хўатын юғағақитык:

“Хўаңкута Атавут қиягмылңуқ памани,
аглығналг̃й āтхын құлвалъыңли.

10 Юғахтукут Атаныхпагульхын тагисқыльюку,
пиюкыльхынлью апығйғысқыльюку нунами хўани,
катам қиягмылңуғыстун.

11 Нығьяхқалитақыхтикут ағнығми хўани.

12 Сығывутахтики сығлықылъыпут,
сығывусималюки сығлытун пистыпут.

13 Нанг̃йкулъыңыстыхпынāмта,
иўырңа югуликут тāхкын Сығлығмың.
Атаныхпагульық, ахтугьяхқāнгилыық, ниғухқылыық,
льпык пикатын кўнпырухльяк. Аминь”.

14 Сығывускуфсики сығлытун пистыси, Атахпыси қиягмылңўм сығывульықйси. 15 Иўырңа

сығывуньыгилькуфсики сығылтун пистыси, Атахпыси сығывуньангити сығылхкылыси».

Апыхтұсяқ Посталығмың

16 «Постаныхпысини йльқысюгнихкыпынаси пинийогныгыстун. Агмигигатут, мысїонагигатут лйгикыкылыгытың постаңунилютың. Ипа уңипатамси, акылыхтұсянұаглютың аюқут. 17 Постаныхпыни агмигакылю, мысїонакылю, 18 иляхпынун нальюкыкылыюку посталхын. Иўырға Атахпык алынъыгилцум лйсимака сйакутын ынкәм акылыхтухлықадын».

Қиягмылцут Аклююцит

19 «Нунами хўани кахпахпынаси аклююцимың қаюхляк киңугымлю, анахтальхымлю нафкылыкы, тыглыгнйхтытлю нафкйлютың тыглыхлыкут. 20 Иўырға лыпысиның катам қиягми кахпагитык аклююцимың қаюхляк молыңитук, анахтәңитук нафкйяхқамың, тыглыгнйхтыңитуклю нафкйлютың тыглыгугьяхқамың. 21 Сюмыхтағаткумаңинахлықахси аклююнихпысинун кахпагвихси».

Югусим Ниғуга

22 «Ийык кынылцутастун аюқук югусимун. Йскыхтыкувык йңунағми югусин ниғухлягулыкуқ, 23 иўырға ийылыюгмыскувык йңунағми югусин мамлыхлягулыкуқ. Ынкәм ниғук илюхпынилцук мамлыгукуми, ынңаталь мамлыпихтуқ!»

Кияғныңынкук, Манинкук

24 «Китум алңунак қышхәнъангитак мәлцук умйлгык. Мәлцугығның умйлылгукуми угумикылыкықә атәсиқ, пиникылыкықә иляңа. Қаткутңалыкуқ атәсимун, пикаткынъангитә иляңа. Ынкәм пиниқнәнгитахси Кияғнық пиниқумалюку мани.

25 Тамәкын апальюқлююку уңипатамси, нульқавйгукыхпынән уңвалгыхси, сямың нығылгыхқахси, мығылгыхқахси, налиғмың

сямың атылтыхқақси.
Сюмыхтагақаттықун,
уңувалтық
мыгнунагатағатук
нықмың, югусиқлыю
мыгнунагатағатук
атканың.

26 Ысхақақтыкиқун қаўағыт,
птысиғитатут, унатигатут,
кахпагиңигатут. Нақамлыю
Атахпыси қиягмылңум
ныққақй! Лпыси
мыгнунагатағангитсй
қаўағның? 27 Налихпыси
нульқавйгуткыльюку
уңувалтыни такухлықағу?

28 Сяңан

нульқавйхтақыстык
асяқхамың? Ысхақақтыкиқун птысиғат птыльхит,
қыпхйгатут талўа атқаңлығатут лңитның.
29 Уңипатамси талўа Соломон аклююңхльягмини
асигатук птысиғағыстун пинихтуткалғймың.
30 Кияғнығым асихтуғақй вығағыт, иўырңа ага унāми
кўқақйт. Кияғнығым асихтуқаюгуаки вығағыт,
асихтуғатағағнāнгитисй лпыси? Ухпығыюкыхтуси
қильыхқыстāпигуси! 31 Тамāкын апальюқлыюку
нульқавйхтыхпынаси хўатын: “Сямың нығнақыста?”
налиғмың: “Сямың мығнақыста?” налиғмың: “Сямың
āнбақыста?” 32 Язычнигыт тамāна нульқавйгуткақāt.
Атахпыси қиягмылңум лйсимакй қамахлыюки
аклююкыхкаси. 33 Тамāкын апальюқлыюку
кияхтылтыхпысини мыгнуналыхпигāхтыстыки
Кияғнығым Атаныхпагульхалью, пиюкыльхалью.
Таўатын пикуфси Кияғнығым тўнылтықй
қамахлыюки аклююкыхкаси. 34 Нульқавйгуткыхпынāн
унāмилтыхқақ, қаюхльяк унāмим сығлылйғи
итагнағьяхқагут таўавык ағнығмун. Сығлылйқ
пикаюгўқ ахутаңа тамаҳāн, иляғатағахпынāн унāмим
сығлылйлтыхқāның».



(От Матфея 6:26)

Нанқихтиснанильық

7 ¹Иисусым апыхтүсяни нагныгуткй: «Нанқихтихпынаси иляхпысиның ынкām Кияғнығым нанқихнығилъиси, ²қаюхлъяк Кияғнығым нанқихлъықйси таўатыңу̇ақ нанқихтилъыхпысистун иляхпысиның. Атуқылъықйлью лъпысинун атāсит тамāкут пикаси иляхпысинун. ³Сяңан ысхаҳсигу юлгутыхпык йсқугутңа, лъпык катам йсқугутын унаҳсиҳлъяк авылдағлюку? ⁴Сялғймың юлгутын пизигу: “Ынтāа йсқугутңиқағлякын”, лъпык паниның йсқугутылгулютын унаҳсиҳлъягмың? ⁵Уюқ пинйюгнық! Сивуклъюку унаҳсиҳлъяк ийыхпының нусюглоку ынңātаль хўатыҳлъюу̇ақ ысхағлюку юлгутын йсқугутңиғнакын».

Лыгасйғўахтынун Апыхтүсяқыхпынаки Кияғнығым Акузитаңи

⁶Тāхкын Иисусым пикй: «Лыгасйғўахтынун апыхтүсяқыхпынаки Кияғнығым Акузитаңи, қаюхлъяк қикмистунлью, куругағыстунлью аюқут. Сяңу̇ат аглыңналқйт тўныхпынаки қикминун лўрақ сюғугнаюкаңиси. Акитуқат сюңāt милўтыхпынаки куругағнун, лўрақ тутмāсхақнаюкатки».

Аптылъық, Ивағилъық, Тыңлюхтулъық

⁷«Аптык, альхыгулъықуси; ивағитык, нāлькулъықуси; тыңлюхтухтык амихкун, қыльпыгулъықйси. ⁸Қаюхлъяк кина алңунак āплъыхй, альхығусяҳқāгуқ; кина алңунак ивағилғй, нāлькусяҳқāгуқ, кина алңунак тыңлюхтулғй амихкун, қыльпыгулъықā. ⁹Китум юғым игныни туңсиқан нықыкшаңлъямың, тўныльықагў уйғагмың? ¹⁰Налиғмың туңсиқан иқальюгмың, тўныльықагў нымығъямың? ¹¹Сығлығугңаҳпыси, авақутаси тўньяҳқақаси пинилғймың тунусямың. Атази қияғмылнуқ тўниюгатағағлюни аюқуқ пинилғймың тунусямың тамāкунун апльыхинун лъңанун.

¹²Ынкām юлгутыхпысинун пинитун пистысюкуфси, лъпысылъю пинитун пйқитыки. Таўатын апыхтуғиңўт Моисейем Лйлихтүсйлью, ўкналиқистытлью игақыхкйт».

Кахпыстәһақ Амик

13 Тәхкын Иисусым пикй: «Итыхтык кахпыстәһақхун амихкун. Амик геенамун аюқылғй нукутӯқ, тӯмкыхтуқлью ынкәм угляқ тәкӯагун иглыхтауқ. 14 Иўырңа амик уңувальгыгмун аюқылғй кахпыстәһағуқ, тӯмльюгмытуқлью ынкәм қафсинкӯраҳәм нәлькақй тумыт уңувальгыгмун аюқылғйт».

Натын Лйгикылъыхқй Ұкналиқистысиғӯағыт

15 «Кылыңалюси ўкналиқистысиғӯағның. Такулъықйси пынййхсюгнихқылъютың, тәўаңинақ угиҳсялғйстун амәстун аюқут. 16 Лйгикылъықаси наңағныңитхун лйгикылъыхпысистун уқфигыт сямың пйтыстильхитхун. Сикухльюгыт пйтыстиңигатут виноградымың налиғмың смоквामың, таўатыхпигақ сығлыгыт югыт пинитун пиңигатут. 17 Уқфик пинилғй пйтыстияхқәғуқ пинилғймың, тәўаңинақ уқфик сығлық пйтыстияхқәғуқ сығлығмың. 18 Уқфик пинилғй пйтыстинәңгитуқ сығлығмың, уқфик сығлық пйтыстинәңгитуқ пинилғймың. 19 Ынкәм алңунақ уқфик пйтыстингилңуқ пинилғймың кыплъюни кумахсяхқәғуқ. 20 Ынкәңам таўатытыльхитхун лйгикылъықаси ўкналиқистысиғӯағутаңи».

Итыгьяхқат Атаныхпагульханун Қиялыгым

21 Иисусым апыхтӯсяни нағныңуткй: «Иляңи югым хӯаңамнун малихсяхтыкнйкут ынкәм пйқәтңа: “Атанқамкын” иўырңа итыгнәңгитут Атаныхпагульханун Қиялыгым. Тамәкуңинәт атуқилғйт пиюкылъханың Атама қиялыгмылңӯм итыгьяхқәгут Атаныхпагульханун Қиялыгым. 22 Нанқихтильхым Ағныңани, углям пияхқәқәңа хӯатын: “Атанық, Атанық! Атыхпыгун Кияғныңым уңипә әпқақахпут. Атыхпыгун анысқуқақапут туғныңәт углялғйның юғның. Атыхпыгун альяхльюхӯахтиғәтақәгукут угляғңән!” 23 Иўырңа хӯатын пилъықанка: “Нәльюкнӯағамси, иқитык хӯаңамның, сығлытун пистыни».

Аюгилңуқ Тунымақ

24 «Кина алңунак нагалъхї апыхтуғилъымнун, қаткыхкумики пыхқинылғїтун юхтун аюқуқ мыңтығаңлъяқак уйғагым қайңакун.

25 Ыслъялъюгухтыхлъягъялғїми, кїўыт улывумағмың, ануқлъихлъягъялғїмилъю, таўалъйма мыңтығақ ўлъхумаңилңуқ қаюхлъяк уйғахкун ныкыфтыкәлғї.

26 Иўырңа кина алңунак нагатығңәғми апыхтуғилъымнун, қаткынғилъкумики, налъюқатун юхтун аюқуқ мыңтығаңлъяқак қынәхлъюхкун.

27 Ыслъялъюгухтыхлъягъялғїми, кїўыт улывумағмың, ануқлъихлъягъялғїмилъю, ага мыңтығақ ўлъқак нәвнўәғлюни).

Иисус Апыхтуғилғї Ахтуғьяхқәнғилъылиғлюни

28 Иисус тамәкын апыхтуғинығмың тәқсян, юлгутыхлъягыт сяғїғаюкат, 29 қаюхлъяк апыхтуғикақ ахтуғьяхқәнғилъылиғлюни, апыхтуғикаюгыстун Лїлихтўсямың пихпынани.

Иисусым Нәлхұсқаңа Проказалык

8 1 Иисус қымимың укигъян, юлгутыхлъягым малихтыкә. 2 Тәхкын юк, проказалык, тагилюни лъңанун, сыгыскухфиклъюку, пикә: «Атанық, пиюкыльқыхкувңа, укмаңиқағңа».

3 Ынкәм Иисусым таўавык сяфлъюку пикә: «Пиюкыльқакә, укмаңїхтын!» Таўаниңинақ проказанїткақ. 4 Тәхкын Иисусым пикә: «Ўатахлъяк кина алңунак уңипәтыхпынән нәлхұтылтыхпының, йығлыги аглә священнигмун ысқағлигу нәлхұтылтыхын. Тәхкын ахқышәхәтын Моисейем Лїлихтўсян писқыльхәтун ипапихқысылъюку нәлхұтылтыхын».

Иисусым Нәлхұсқаңа Римым Умїлўәған Қыпшахтыңа

5 Тәхкын Иисус Капернауымун пикақ. Кәтақуқлъю, Римым умїлўәған такулюку каюситәхтысылъюни пикә: 6 «Атанық, хўаңкунъи қыпшахтыка, унїғумәк, икфиқыхлъягүк».

7 Иисусым пикā: «Нāльхусяҳтуғнақақа».

8 Иўырңа умилўағым пикā: «Атанық, итагнангитуңа лпынун итыгвиксяҳқālюңа мыңтығамнун. Лыган таўанлтытын нāльхутысқигу қыпхақтыка ынкām нāльхулы. 9 Қылқикаюгмың умилылыгўна ынкām хўаналью қылғақанка пильюўахтынка. Атāсиқ қыльқумкун: “Ағуляқи” ага ағуляқылбықуқ. Иляңа хўатын пикумкун: “Таги” тагилбықуқ. Қыпхақтыка қыльқумкун: “Уна пйхтигу”, ага пильықā».

10 Иисусым нагальюку сяғйғаюкақ, ынкām югыт малигульхйт лъңанун пикй: «Ипа уңипāтамси, нальясигатуңа китумың алңунак Израилығмймың, ўтун юхтун ухпықиныхтуткалғймың. 11 Уңипāтамси, асивағмыңлью, пакфальямыңлью юлгутыт тагиляғāсяҳқāгут Атаныхпагульханун Қиялығым. Таўани ақумўлтытың нығылгусихльықйт сивуныпут Авраамылью, Исаакылью ынкам Иаковым. 12 Иўырңа тамāкут Атаныхпагульығмысяҳқāялғйт āнысяҳқāгут мамлхльягмун, таўани ынңāталъ кийғўахльяхльықут хутытың тышқитāхтамйта авутыхқым аңталаңаның». 13 Тāхкын Иисусым пикā умилўақ: «Агляхāтын, ухпықилыхпытун апығйхльықуқ».

Ынкām таўаниңинақ умилўағым қыпхақтыңа нāльхуткақ.

Иисусым Нāльхускаңи Юлгутыт

14 Иисус Петырынкунун пилони, ысхақā ағнақ Петырым сякиңа қавағвигмытығтуқ пуқльығалюни. 15 Сяфсяқминигу йхакун пуқльығаңйткақ, ага макылыюни кыпсийкукā.

16 Иғивгағьягу Иисусымун тагиқўткйт туғнығалгыт илюмыхтыхун ынкām āнысқуқй туғнығйт акулзильығмикун, қамахльюкилью қинуоугыт нāльхуткй. 17 Таўатын пикақ апығйғналюку ўкналиқистым Исаиям хўатын пильха: «Тугукақй қинуоульыпут, иқиткақй ақниғныпут».

Иисусымун Малихсяҳтыңуҳсюлғйк

18 Иисусым ысхағлюки увитминилўт юлгутыхльягыт, ятāхқысқыхкй нāйвам иңлюңанун ағвигналютың.

19 Тәхкын апыхтуғикаюгым Лйлихтүсямың такулюку пикә: «Апыхтуғиста, малихлықамкын натмун алңунак пикувык».

20 Исусым пикә: «Кавйгыт рйхтылгүт, қаўагыт уңлютылгүт, иўырңа Иғныға Югым инахфигитақуқ».

21 Иляңан малихсәхтыңан пикә: «Атанық, малихлықамкын иўырңа сивукльюку атака лъивығьяхтуқағлякун».

22 Иўырңа Исусым пикә: «Малихтиңа. Тамәкут малигусюнғилңүт хўаңамнун туқукагут тағнығамыхтыхун; лъивығлитки туқумасльйтың».

Исусым Амсянахтыстыкаңа Нәфқылъыхлъяк

23 Тәхкын Исус аңьямун ўхсян малихсәхтыңилью ўхлығәткат. 24 Пуглыльхита кйңуңйхәның ыслья нўскахляган нәфқылъякақ, нәйвақлю имаҳлыюгухтыхлягумағми, рыпаль аңьяқ имиғәтақыхкә. Иўырңа Исус қавәлғй. 25 Малихсәхтыт такулюку тахтухтыкәт хўатын пимән: «Атанық, югуликут! Туқуляғәнбакукут!»

26 Исусым пикй: «Сяңафси алиңыстык? Ухпықилъыхқыстәпигүси!» Тәхкын ныкывлюни иныхтыкакык ануқалъю, имаҳлыюгытлъю ынкәм амсянаҳлыюгухтыкақ.

27 Қамахлыютың сяғйғаюкат. Хўатын пикат: «Натылңўўа юк уна? Талўа ануқымлъю, имаҳлыюгытлъю қәткыхқаңат!»

Исусым Нәльхускык Туғнығалгык

28 Исусылью кәсямың иңлюңанун нәйвам, агляқат Гадарағмит нунаңитнун. Тәхкын мәлцук югык туғнығалгык илюмығныгун тагилютык лъивығның нальяқәк Исус. Сўхлыюхлягык рыпаль кина алңунак тәхун тўмкун иглыхсигалңуқ. 29 Лыган ысхағлюку Исус акилгүкак: «Сянақсикут, Иғнығани Кияғнығым? Икфиқыснақсикут пилъыхқәк кәтыстыхпынән?»

30 Таўаңуқ қантағани куругалцутыт, нығақыфтут.

31 Туғнығәт манигүтыпихлыютың Исус пикәт: «Аныстыкуфкут, куругағнун итығәтыснакыфкут».

³² Ынкām Иисусым пикй: «Анлығатык!» Анлығальютың куругағнун итығаткат. Ага куругāt паңалгуткат аситмун найвамун нағнығлютың мығми туқуляғаткат.

³³ Куругағның афлыңакилғйт қимāгūtкат нымун. Таўани āпқажкыт сяматкык туғнығалгуялғйк илюмығныгун, сяматаңилью куругалгутыт. ³⁴ Ынкām қамахтыңўāғлютың тамāкумит ысхағьяхтūtкāt Иисус. Ысхағьямыхтыху манигūtыпихлыютың ағуляқысқыхкāt нунамыхның.

Иисусым Нальхускаңа Унйқақ

9 ¹ Тāхкын Иисус аңьямун ўхльюни инлюәнанун найвам ағвиқақ. Ынкām Капернауымымун агляқақ ныминун. ² Иляңита югыт льянанун тагиткāt унйқақ юк алығākун. Иисусым лйгикльюки ухпықилъыхтулңит, пикā унйқақ: «Иғнымни, қуя! Сығлықкыльыхтын сығывутут».

³ Тāхкын иляңи апыхтуғикаюгыт Лйлихтўсяның сюмыхтағат: «Уна юк сығлықкыльыхтуқ. Кияғнығуюхтуқ сығвутилъығмикун сығлықкыльығның!»

⁴ Иисусым лйсимакльюки сюмыхтағалъхит, пикй: «Сяңан сығлығмың сюмыхтағағыстык? ⁵ Налиқ акузилъық пиякнйта: “Сығлықкыльыхтын сығывутут” налиғмың: “Макыльютын пиюги”? ⁶ Лйгикыснақамси Иғныға Югым сығвутилъыхқалгутаңа сығлықкыльығмың нунами хўани». Ынкām унйқақ юк пикā: «Макыльютын, алыған тугулюку, агль!»

⁷ Юк макыльюни агляқақ. ⁸ Юлгутыт ысхапаглюку тальюгьюкат, усюқыхкāt Кияғнық таўатылңуғмың ахтуғьяхқāңгилъылискāңи югыт.

Иисусым Туқльюқаңа Матфей

⁹ Тām киңуңаның Иисусым иглыгуткыльюку ысхақā налогмың қырңухтистыңа, ақумлюни қыпшағвигмини; Матфейеңуфтуқ. Пикā: «Малихтиңа».

Ынкām Матфейем ныкывлюни малихтыкā.

¹⁰ Мулюхпынатың Иисусылью малихсәхтыкульхйт нығьяхтуқат Матфейенкунун. Нығўсималюки налогмың қырңухтистылгутытлью, сығлықкыстылгутытлью ақумлютың Иисусылью нығылгусиқйт. ¹¹ Иляңита

Фарисеит ысхағлюку нығылгусйғилгй, малихсәхтыңи аптыкйт: «Сяңан апыхтуғистывси нығылгусихтаки налогмың қырнухтистытлью, сығлықкыстытлью?»

12 Иисусым нагальюки кймсиқй: «Югунқыхтат ағалыхтахсюғнитут, тамәкуңинәт қинуюлғйт.

13 Лйсахтухтыху сямың писйтаңа уна Акузитнилнуқ Игақыхкақ хўатын пилгй: “Пиюкынғитанка ахқутыси, итупиль наңлыхтахтысюгамси”. Тагиңунғитуңа тахсиғналюки ыльқуғутңалғйт, иўырңа тагиңуңа тахсиғналюки сығлықкыстыт».

Апқуғалық Посталығмың

14 Тәхкын Иоанным Крестителым малихсәхтыңита такулюку Иисус аптыкәт: «Сяңан хўаңкуталью Фарисеитлью аўын постақыста, нақам малихсәхтытын постахпынатың?»

15 Иисусым кймсиқй: «Нулихтуғьяхқам тахсиқльықй қивғуңаяхқәўәт таўанльюку нулихтуғнақылқй? Йығлыгилью! Иўырңа пилыхқак кәсахқәгуқ нулихтуғнақылгй лңитның иқитыстыкумыхтыху, ынңәталъ тамәни ағныңни посталықут».

Иисусым Апыхтүсй Илясахқәнгитут Иудейт Апыхтүсйтнун

16 Тәхкын Иисусым пикй: «Китум алңунак иляғнәнгитәк әткалюгык нутағамың лйқныңмың. Иляльық қыльюхтыкуми пйгульықуқ, ынкәм пйльық сюльывыльықуқ. 17 Талўа китум алңунак винограғамың имиғнәнгитә аўатахпалюк қаюхляк аўатахпалюк имиқуми афкағлюни имйгульықуқ. Ынкәм аўатахпалюк атўяхқәнанихльықуқ. Иўырңа аўатахпаграғак имиқуми винограғамың қырңағмык нәвнәнгитук».

Иисусым Нәльхутильхалью, Уңувахтильхалью

18 Паниның Иисус акузималюку Иудейт иглығутистыңат итығлюни сыгысқухльюни мануңакун пикә: «Паника хўә туқунхәгуқ, иўырңа такулюку сәфтыкувгу уңувахльықуқ».

19 Ынкәм Иисусым ныкывлюни малихтыкә, малихсәхтыңилью малигуткат.

20-21 Аглямалюки, қинуулғим ағнам таукә Иисус тунутаңаның. Қуля мālгук сипнықльюку аюмиқулъық кйтыльқуңигалңуқ. Хўатын сюмыхтағақ: «Сяфтықықсяқумкун аткәкун, нәлхуньяахтуңа». Ынкәм сяфтыкә аткуяған кынйкун.

22 Иисусым қйвуткыльюку ысхағлюку ағнақ пикә: «Панимни алиңыхпынаң! Ухпықильыхпыгун нәлхутутын». Ага ағнақ нәлхутқақ.

23 Тәхкын Иисусым кәльюни игльгүтистынкунун, ысхақй туқйлғйни қалқихтақтытлью, юлгүтытлью қйяғүатыхльялғйт. 24 Таўавық пикй: «Анлығәтык! Ағнағазақ тукульхитуқ қавәгуқ!»

Иўырңа ныңляқықхкәт. 25 Анлығәтысята, итығлюни Иисусым тугукә йхакун, ынкәм ағнағазақ унувақақ. 26 Ынкәм тәна альяҳльюхўахтилъық уңипақықхкәт тамаңани.

Иисусым Нәлхускык Аякак Югык

27 Тәхкын Иисус ағуляқықхақ нымың. Аякак югык малихсяқәк, акилгүмәгмык хўатын: «Иғныңани Давидым, наңльыгыягүтикуң!»

28 Ага мыңтығамун итыгьян малихтыкәк, ынкәм Иисусым әптыкй: «Ухпықыстынбә нәлхутильыққақа?» Кймсиқәк: «Аә Атанық!»

29 Тәхкын Иисусым ийңитхун сяфльюкык пикақ: «Ухпықильыхпытыгытун апығйгли». 30 Ынкәм ысхағьягуткақ. Иисусым иныхтыңўәғак: «Уңипақынаси китумун алңунақ».

31 Иўырңа навык пинығмығни әпхақықхкәңит Иисусым апығйқә льмыгнун.

Иисусым Нәлхускаңа Акузиңигалңуқ Йөк

32 Тәкук югык ағуляқумалюкык, Иисусымун тагиткәт йөк акузиңигалңуқ қаюхльяк илюмикун туғнығалык. 33 Лыган Иисусым туғнығақ аныстә, йөк ага акузикақ. Ынкәм юлгүтыт сяғйғаюгульютың хўатын пикат: «Хўатылңуғмың альяҳльюхўахтилъығмың ысхәсигатукут Израилыми!»

34 Иўырңа Фарисеит пикат: «Умйлгита туғнығәт ахтуғьяқхкәңгилъылисимәт анықйсылъюку туғнығағның».

Иисусым Наңлыгыгьягускаңи Югыт

35 Тәхкын Иисус иглықтыкақ тамаҳәни Галилеями, апыхтуғимағми синагогаңитни, уңипақимағмилью Пинилғиның Уңипамың Атаныхпагульхым. Нәльхуқуқи қамахлыюки ақниғнылгытлью, қинуюлғитлью.

36 Ысхағлюки юлгутыхлягыт наңлыгыгьюткй, қаюхляк сығлылйғнахлягыт, каютңунатың; пынйғыстун пынйғнихтыңилңуғыстун. 37 Тәхкын малихсәхтыни пикй: «Углялғим югым ухпықсюгақит Пинилғит Уңипат. Тамәкуңт успутңалғит нунивахсығанун унатагьяқлыхйнахтыкат. Тәўаңинақ паляпигүт қыпхақты. 38 Ынкәнам юғақтык Атанғанун унатагьяхқат, каяхтисқылыюку қыпхақтыкаққамың унатагьяхқәнун».

Қуля Мәлдук Сйпнықлыюку Апостолыт

10 1 Иисусым қырңухлыюки қуля мәлдук сйпнықлыюку малихсәхтыни, ахтугьяхқәнгилылиткй аныстияхқәлюки туғнығағның, нәльхутияхқәлюки тамаҳәның ақниғнығныңлью, қинуюгныңлью. 2 Уқуңт қуля мәлдук сйпнықлыюку апостолыт: сивулик, Симон (алья атылык Петырымың), Андрей (аңлыгутаңа), Иаков Иоанн (Зеведейем игнығык), 3 Филипп, Варфоломей, Фома, Матфей (налогмың қырңухтистыңуялғй), Иаков (игныға Алфейем), Фаддейенлью, 4 Симонылью Зилот ынкәм Иуда Искариотлью (увыхпагутияхқак Иисусымың).

Қуля Мәлдук Сйпнықлыюку Апостолыт Қыпхақахқат

5 Иисусым, тәкут қуля мәлдук сйпнықлыюку апостолыт каяхтыкй қылғүмйта: «Язычнигытлью, Самариягмйтлью нунаңитнун пифқәфси. 6 Йығлыги Израилығмйнун пикатык қаюхляк ифлякастун пынйғыстун аюқут. 7 Навык алңунак пиныхпысини хұатын уңипағақитык: «Атаныхпагульха Қиягым кәсәхтүмәқ!» 8 Қинуюгыт нәльхутыки, туқукат уңувахтыки, проказалгыт нәльхутыки, туғнығәтлью анысқухтыки юғның. Акиңунән альхыгуткәгуси, ынкәм акиңунән тунитык. 9 Кыльқыхпынаси манымың: золотамың, серебромың,

талұа медмың. ¹⁰Кыльқыхпынаси акмахтамың, симйтқақхамың, камыгмың талұа аявїгмың, қаюхлъяк қыпшақта аклюкыхкәның тўнъяхқәгуқ.

¹¹Селениянун налиғмың нунахағмун кәнныңпысини ивағйкитык китумың пинилдїмың ынкәм лъңанитақитык кынляңа агуляқсаяхқәхтылбыхпысинун.

¹²Йтқуфси мыңтығәнун қуястақитыки таўанлыңұт хўатын: “Кияғнығым ныкихмылтъха лыпысинилтъ”.

¹³Упуғаскаңиси, қуястилбыхси таўантыснакыси. Йўырңа упуғанбығилькаңиси, қуястилбыхси выхнакыси.

¹⁴Китум алңунак упуғанбығилькаңиси налиғмың нағанбығилькаңиси, ануткыльюку мыңтығамың налиғмың агуляқуткыльюку нунахағмың, итыгахпыси пагуляңи уфсюгунъакыси. ¹⁵Ипа уңипатамси, Нанқихтильхым Ағнығани, Содомығмїтлю, Гоморағмїтлю ағыльбыхқыстәхәяхқәгут тәхкын юганың!»

Апостолыт Амьюкытәткысилбыхқәт

¹⁶«Укухси! Каяхтыкумси пынйғыстун қуңаңитнилңуғыстун амәстун лййғықуси ынкәм пыхқингулюси нымығьястун, ныкихмылбюси голубистун.

¹⁷Кылыңалюси, қаюхлъяк югыт тугулюси аглялбыхқыси агғистынун, кахсягмихлбыхқысылбю синагогамыхни.

¹⁸Хўаңа апальюқлбюңа, ныкывыслбыхқыси сивуңитхун иглыцутистытлбю, умїлгытлбю.

Ынкәм лйгикысаяхқәхлбыхқәхпысиңа лъңитнунлбю, язычнигынунлбю. ¹⁹Нанқихтыстымун агляскаңиси, тыгихлбыхпынаси натын акузилбыхқәхпысиның, налиғмың сямың пилбыхқәхпысиның.

Акузияхқәхтыкуфси акузиткаққалгулбыхқуси. ²⁰Акузитыт лыпыси пикынғитаси қаюхлъяк Атахпыси Тағнығакык акузилбыхқук лыпысигун.

²¹Югыт лбмың катам аңлыгutyтың туқутыслбыхқыт, ататлбю авақутатың таўатын пияхқәқит. Авақутат аңуийлбюки аңаюқатың туқутыслбыхқыт. ²²Хўаңамның апальюқлбюси югым қамахлбюни угумикылбыхқыси.

Йўырңа нуқынбыхтуқат кынляңа кынлымун югулилбыхыңхқәгут. ²³Такукахпысини амьюткыхкаңиси,

иляңанун нунамун қимахāси. Ипа уңипāтамси, қамахнāнғитаси Израилым нунағи, сивуңани Иғныған Юғым тагилъыхқāн.

24 Малихсѣхта қасхутиңаңгитук апыхтуғистыминың, талўа қыпхақта қасхутиңаңгитук умйлыгминың.

25 Итагнағияхқāгуқ малихсѣхта апыхтуғистымитун лъйқуми, қыпхахталъю умйлыгмитун лъйқуми.

Насқўтилғи ныңлыюгутминың, Веельзевулымың атимакатху, ныңлыюгутаңи сығлығатағāлюки атиғъяхқāйт.

26 Ынкāм аликихпынаки тамāкут амьюқытахтыт. Сяңўā алңунак нальюкыхкақ лйтысѣхқāгуқ, қамахлъюнилью аксѣкыхкақ қайвиҳқысѣхқāгуқ. 27 Лпысинун сяңўāt āпқанка апығъяхқāқаси тамаңанун. Сигутқўткыхканка лпысинун, уңипаксѣхқāқаси мыңтығат қайңитның.

28 Ынкāм аликихпынаки югыт туқутикаюгыт югусиҳйнағмың иўырңа туқутинāнғитут уңувасимың.

Итупиль аликитыху Кияғның, қаюхлъяк геенами нāфқйяхқāгуқ тамахāхкының югусимыңлъю уңувасимыңлъю. 29 Монетамың тукфиғъяхқāқаси қаўāхāк, нақамлъю āльха ифкақан Атахпыси лйсимакā.

30 Иўырңа лпыси афльыңақатағāглюси аюқйси, қаюхлъяк талўа нуяхпыси угляхталңи лйсимакй. 31 Ынкāм алиңыхпынаси, Атахпыси мыгнукатағāғйси қаўāхағның!»

Тугукльиғилъық Налиғмың Ихсѣкильық Христосымың

32 «Китум алңунак уңипāскаки югыт, хўаңамнун пикнилюни, хўаңалъю Атакā қиягмылңуқ уңипāльыққақа хўаңамнун пикнилюку. 33 Иўырңа китум алңунак уңипāскаки югыт хўаңамнун пикынғинъилюни хўаңалъю Атакā қиягмылңуқ уңипāльыққақа хўаңамнун пикынғинъилюку».

Иисус Ныкыхмыльыңыстияхтўнғитук

34 Иисусым паниның алыхқуқй: «Сюмыхтағāхпынаси ныкыхмыльыңыстияхтўнилюңа нунам юганун.

Йығлыгилью! Ныкыхмыльыңыстияхтўнғитуңа, тāўаңинақ пильюгутыстияхтўтуңа. 35 Тагиңўңа югмун аңуялйтысқыльюку атаңа, ағнамун аңуялйтысқыльюку

нāңа, укāғанун аңуялїтысқылыюку сякиңа агнақ.

³⁶Ынкāм юк ныңлыюгутаңита аңуялїлбықāt.

³⁷Китум алңунак пиниқыхкумигу атани налиғмың нāни пакихулыюку хўаңамның, хўаңа пикыпағниңитақа. Китум алңунак пиниқыхкумигу иғныни налиғмың панини пакихулыюку хўаңамның, хўаңа пикыпағниңитақа. ³⁸Китум алңунак қакўрани тугуюнғилъкумигу малихнāнғитāңа, ынкāм хўаңамни итагнанғитуқ. ³⁹Китум алңунак уңувалыни лъңанун пикниқумигу ифлъяхқақā. Иўырңа китум алңунак уңувалыни пыхтыкумигу хўаңа апалыюқлъяуңа альхыхсяхқақā уңувалыпик».

Акилығтўсят

⁴⁰«Китум алңунак упуғаскаңиси, хўаңалъю упуғалықāңа, ынкāм китум алңунак упуғаскумиңа, упуғалықā каяхтистыка. ⁴¹Китум алңунак упуғаскумигу ўкналиқиста ўкналиқистыңутаңаның, акилығтўсяңылбықуқ ўкналиқистытун. Китум алңунак упуғаскумигу ыльқуғутңалғї юк ыльқуғутңатаңаның, акилығтўсяңылбықуқ ыльқуғутңалғїтун юхтун. ⁴²Китум алңунак ныңлыкыхлхығмың мыхсикумигу укалихпиғақ малихсйхтыка апалыюқлъяуку малихсйхтыкутымның, ипа пїмси акилығтўсяңыпыстағьяхқағук».

Иоанным Крестителым Малихсйхтыни

Иисусымун Пистықаңи

11 ¹Иисусым қуля мālқук сїпнықлъяуку малихсйхтыни апығїғьямики апыхтуғанығмың, тамāкын ағуляқыхқақ иляңитнун нунагнун апыхтуғиналюнилью, уңипақиналюнилью.

²Анусимиңлъяғвигмыльюни Иоанным Крестителым нагақуғлюку Христос сйқутаңа, иляңи малихсйхтыни каяхтыкї Иисусымун. ³Аптыкāt Иисус: «Лпыңўā тагинақникāt, налиғмың кина тагияхқаўā?» ⁴Иисусым кїмсиқї: «Уңипāsхтухтыху Иоанн нагаткахпысиныңлъяу, ысхақахпысиныңлъяу: ⁵аякāялғїт ысхағьягутут, пиюгигасялғїт пиюгьягутут, проказалгуялғїт нāлхутут, тўслъяғьялғїт нагақўсягутут, туқукāялғїт уңувахтут,

акльюмалг̃инунлью Пинилд̃ит Уңипат уңипакут.
 6 Кина алңунак ухпықинаниңгилькуми х̃уаңамның
 қуястык̃агуқ!»

Иисусым А̃пқаңа Иоанн Югнун

7 Ага Иоанным малихс̃яқтыңи агуляқс̃ята, Иисусым
 акузиткыхк̃а Иоанн юлг̃утнун: «Килг̃анун п̃йқнафси,
 сяңў̃а ыс̃хаг̃ьях̃туғыстыху? Выг̃ақ ануқым уфсюгускаң̃а?
 8 Сякустыгми? Ыс̃хагналюк̃у а̃ткақыхтақ юк? Там̃акын
 а̃ткақылд̃ит кияхтақут ум̃илгыт мыңтыг̃итни!
 9 Сяңў̃ами ыс̃хаг̃ьях̃туғыстыху? У̃кналиқист̃а? А̃а,
 уңип̃атамси, ыс̃хақах̃си Иоанн у̃кналиқистыңин̃ангитук.
 Мыгнунагатағах̃туқ 10 қаюх̃льяк л̃яңаңў̃қ Акузитыт
 Игақыхкат а̃пқ̃ат х̃уатын:

“Кияг̃нық п̃йқ, Сивухпыни каях̃льықақа уңипах̃тыка,
 ят̃ах̃қыс̃ях̃т̃ис̃қылъюку т̃умках̃қан”.

11 Ипа уңип̃атамси, Иоанн Крестителым
 мыгнуналъых̃пиг̃агуқ югның альх̃ықаг̃ьях̃ағның.
 Иўыр̃на кина алңунак укалих̃пигақ Атаных̃пагульх̃ани
 Қиляг̃ым Иоаннымың мыгнунагатағах̃туқ. 12 Иоанн
 Крестителым уңипақиюх̃альх̃аның х̃уавымун кынляңа,
 с̃юх̃льюгыт у̃аяғнақуткақ̃ат Атаных̃пагульх̃а Қиляг̃ым.
 13 Қамах̃льютың у̃кналиқистытлью, Моисейемлью
 Лилих̃т̃үс̃ита у̃кналиқуткыңў̃у̃ат Атаных̃пагульх̃а
 Қиляг̃ым кынляңа Иоанным тагильх̃анун.
 14 Иоанныңў̃қ у̃кналиқистыт у̃кналиқуткых̃к̃ат
 тагинақнилъыг̃мых̃тыхун Илия. Ух̃пықсюкуфсигу
 у̃кналиқылъық, Иоанн Илияңў̃қ. 15 Сигутылг̃үси, нагатык!

16 М̃атын киях̃л̃ых̃ит югыт с̃ямун успун̃ьяқсиңи?
 Тағнух̃ағыстун аюқут ақум̃льютың акильпыгаг̃вигни,
 нағ̃алгутмых̃нун акилг̃үльх̃ит х̃уатын:

17 “Қалг̃их̃т̃атамси, тукалыгангитуси!

Қийиқутукут, қийиқынгитуси!”

18 Иоанн таг̃йқнами постақуқ, мыгигатуқлью виномың,
 ынк̃ам югыт х̃уатын пика̃гут: “Туғнығалг̃ў̃қ”. 19 Иғныға
 Югым таг̃йқнами, нығылгусиғақ̃и, мығылгусиғақ̃илью
 югыт, ынк̃ам югыт х̃уатын пика̃гут: “Юккун т̃ана
 ыс̃хақах̃тыху! Нығытупих̃туқ, мығытупих̃туқ,
 илякумт̃ақ̃атлью налогмың қыр̃нух̃тистыңита,

сығлықыстытлю!» Нақамлью Кияғнығым пыққинылхә ипапихқыңбақ сялхакун».

Иисусым Ағьёқәңи Авутыққылхәлиңүт Югыт

20 Иисусым альюльюки альялхлюхәўахтилъыни атуқыхкақй Хоразиними, Вифсаидами ынкам Капернаумымилью. Иўырңа югит авутыққылъютың тақылхәлиңүт сығлықынғығмың ынкәм Иисусым ағьёгмикй. 21 Пикй: «Сығлығәғунақңүси, Хоразинығмйни! Сығлығәғунақңүси, Вифсаидағмйни! Лпысини альялхлюўахтилъыхлъягыт апығйқат пикаяқата Тирымилью, Сидонымилью, ныгипихлъютың югит авутыққылъютың сығлықынғанянахтут. Тамәкын апальюқльюку сювиналғимың қйпағақхамың әлъятың ақумнаяхтут панытылхығтыхун. 22 Ипа уңипәтамси, Нанқихтилъхым Ағнығани Тирығмйтлю, Сидонығмйтлю ағыулхықыстахәяхқәгут лпысиның! 23 Ынкәм лпыси, Капернаумығмйни! Қайўа аңлистылхьягьяғңәхпыси лпысиның катам рыпаль сюмыхпысини усюқылъыңылъықнильюси қйлягми, йығлыги укихлъықйси геенамун. Альялхлюхәўахтилъыхлъягыт пикаяқата Содомыми, панының ағнығми хўани ныкывғанаяхтуқ! 24 Иўырңа уңипәтамси Нанқихтилъхым Ағнығани Кияғнығым наңлыкатағағяхқәқй Содомығмйт пакихульюки лпысиның!»

Хўаңамнун Тагилюси Мығнәлитык

25 Тәхкын Иисус пикақ: «Кәй Ата, Атанқатын қйляғымлю, нунамлю! Игамсиқаюгвикамкын қаюлхьяк лйткәңлиңүгнун лйтыстықақан ипапихқылъық йқан лйтканыңлю, пыққинығныңлю. 26 Әа, Атәй, ыфқуқылхыпытун пикагутын.

27 Атама тагивақәкә сяңўә қамахтыңўәғлюку. Китум алнунак нальюкә Иғнық, иўырңақун Атам. Китум алнунак нальюкә Ата, иўырңақун Иғнығым, ынкәм Иғнығым накмикыхкаминун лйтыслықә Ата.

28 Тагитык хўаңамнун қамахлъяси уғлыгилғйни, уқихтуқамыңлю акмалыхлъягни, мығнәлислықамси.

29 Ӣсқағм̄итахка а̄льюкык л̄итивикитыңға, қаюх̄ляк якумаңиңығитуңа, илюка қусывығңақ. Ынк̄ам мығн̄алилғықуси уңувасих̄пысинун. 30 Ӣсқағм̄итахка пияқнитук, акмакалью уқыңыст̄ах̄агуқ».

Апқуғалғық Субботамың

12 1 Т̄ахкын Субботам ағнығани Исус иглых̄тыкақ пшеницам п̄итфигакун. Малихс̄ях̄тыңи игатақат ынк̄ам пшеницамың қысюгутақльютың нығыхкат.

2 Фарисеит ысқағлюки малихс̄ях̄тыт пшеницамың қысюгутағалғит, Исус пика̄т: «Ии, Субботами малихс̄ях̄тытын қыпхах̄тут, Л̄илих̄т̄сяк н̄афқ̄ат!»

3 Исусым пик̄и: «Атих̄т̄маңистых̄у Давидылью юкульх̄ит сяк̄атаңи иятағақңамың? 4 Ит̄қ̄агуқ скиниямун ынк̄ам юкульх̄ит нығыхкақ̄ат нықыкшаңльяк Кияғнығмун т̄ұныхкақ. Тауатын пильығмых̄тыхун Л̄илих̄т̄сяк н̄афқ̄ыхкақ̄ат қаюх̄ляк священнигыт ныг̄ьях̄қаксяқаңат. 5 Атих̄т̄гастыхулью Л̄илих̄т̄сянилңуқ священнигыт Храмыми қыпханығмыхни Субботами н̄афқ̄ақыхқаңат Субботам Л̄илих̄т̄ся? Нақамлью священнигыт анахусигатут. 6 Уңип̄атамси, х̄ӯантуқ Храмыми кина аңатағалғи. 7 Акузитни Игақыхкани Кияғнық пика̄гуқ: “Наңльых̄т̄исқысюгамси юлгутыхпысинун пакихульюку ах̄кутыхпысиның”. Такут акузитыт л̄игикңӯаг̄ьякуфсики сямың пикатаңи, нанқихнаяңгитаси ағьюг̄ьях̄қ̄алюки анахутыльхилңут, 8 қаюх̄ляк Иғныға Югым, Атанқ̄а Субботам».

Юк Йхылык Унйқамың

9 Т̄акын Исус агляглюни синагогаңитнун йтқ̄ақ.

10 Тауаңуқ юк йхан иңлюңа унйқат. Иляңита югыт тауанлыңут аптык̄ат Исус н̄алькыфикналюку анахутыльығмың: «Л̄илих̄т̄сямн̄ьи итагнах̄таа н̄альхутильых̄қ̄ақ Субботами?»

11 Исусым к̄имсиқ̄и: «Налих̄пыси пыньйға калыфкахсяқан л̄яӯаг̄мун Субботами, нусюгнаядыстых̄у?

12 Юк мығнунағатағах̄туқ пыньйғмың! Ынк̄ам Л̄илих̄т̄сяни итагналғиңуқ пинитун пильых̄қ̄ақ Субботами».

13 Т̄ахкын юк унйғңалғиымың йхылык пика̄:

«Ныңугутики йхытын». Йхыни ныңугуткй̄, ага нāльхуткат, иңлюмыгыстун лъйқат. ¹⁴Тāхкын Фарисеит āнлютың агғисяхтуқат натын туқунъалюку Иисус.

Кияғныңым Накмикыхкā Қыпшақта

¹⁵Иисусым лй̄симаκльюку аггильхат, агуляқыхқақ. Юлдутыхльягыт малихльығаткāt, ынкām нāльхукукй̄ қинуюлгй̄т қамахльюки, ¹⁶иныхтыкй̄лью уңипақыфқāми писқылъюни. ¹⁷Таўатын пильығмикун апығй̄қā Кияғныңым пильха ўкналиқистыкун Исаиякун хўатын:

¹⁸«Уна ысха накмикыхқақā қыпшақтыңулюку.

Пиниқыхқақа уңувасигма ыфқуқыпихтā.

Тағнығаха лъңакун ныкыхльықахха.

Уңипāльықй̄ язычнигыт таўатыхльюўāқ

нанқихтилъықхамның тамаханун югнун.

¹⁹Ахтй̄рāғнāнгитук налиғмың акилгўнāнгитук,

тумыни игляхтупихльюни акузинāнгитук.

²⁰Йкнāнгитā вығāқ улығңалгй̄,

қāмьяхтўңыстақак кынылгутақ қāмнъāнгитāk.

Таўатын пияхқāгук кынляңа қамахльюни йок хўатын

пиюглюни лъйқан,

Кияғныңым нанқихтылъха югның авутаңитук.

²¹Ынкām Кияғныңым накмикыхкākун язычнигыт

сиғималъықут».

Иисусынкук, Веельзевулынкук

²²Тāхкын Иисусымун тагиткāt йок аяқак,

акузиңигалңуқ қаюхльяк илюмикун туғнығалык.

Иисусым нāльхуткā ынкām акузиягутқақлью

ысхāсягутқақлью. ²³Юлдутыхльягыт сядй̄ғаюхльякат

рыпаль лъңитның āпқуғāгуткат хўатын: «Уна Давидым

Иғнықынгитагў?»

²⁴Фарисеит нагальютың пикат: «Югның āныстақй̄

туғнығāt қаюхльяк атуқңуқаңа ахтуғьяхқāнгильха

Веельзевулым, иглығутистыңат Туғнығāt».

²⁵Иисусым лй̄симаκыхкәңи сюмыхтағальхит

ынкām пикй̄: «Алңунак атаныхпагулъық āфқўльюни

пильюгускуми, нāвыльықуқ. Танымльықа

ныхльягыт налиғмың ныңльюгутыт āфқўльютың

пильюгускумың, қырғағмынъангитут. ²⁶Таўатыхпигақ
Туғнығам аныстыкумигу Туғнығақ, таўа лъцаның
пильюўағуқ ынкәм атаныхпагульға кынлытхұлтықуқ.

²⁷Анысқўнукума туғнығағның Веельзевулкун,
натынми юхпыси анысқудақатки туғнығат? Ынкәм
юси нанқихтистыкылықықаси. ²⁸Иўырға Кияғнығым
Тағнығахкынка ахтуғьяхқангильхақун анысқўнукума
туғнығағның, таўа там ипапихқә Атаныхпагульға
Кияғнығым кәсимәқ лыпысинун.

²⁹Кина алңунак итығыюкуми икнақылғим юғым
мыңтығанун тыглыгуғналюни сягьяңаның, сивуклююку
юк асихқсыяхқә. Тахкын ўаяхтыхлықык сягьяңи.

³⁰Кина алңунак хўаңамниньыгилнуқ
кипульхинәхтыкақа; китум алңунак
қырнухтилгусингилькумиңа миңитистыңқ.

³¹Тамәкын апальюқлююку уңипатамси югыт
сығывутылыңьяхқәгут алңунак сығлыхқылтығмыхның,
алңунаклюю сығлықұлтығмыхның. Иўырға китум
алңунак сығлыққумикык Аглығналдық Тағнығақ,
сығывутылыңнәнгитуқ. ³²Китум алңунак кипульгмун
сямың пикумигу Иғныға Юғым, сығывутылыңьяхқәгуқ.
Иўырға китум алңунак кипульгмун сямың пикумикык
Аглығналдық Тағнығақ, сығывутылыңнәнгитуқ мәтын
кияхтәлтығми, налиғмың тўңлихәни».

Уқфигым Пйтыстыкй

³³«Уқфик афльыңақыхқақ пинилдіңқ,
пйтыстыкй пинихтут. Уқфик афльыңақылхилнуқ
сығлығуқ, пйтыстыкй сығлығут. Пйтыстильхақун
лйсимақылтықақси уқфигым натытуляңа. ³⁴Укухси
нымыгьяни! Натын акузйқыстык пинилдймың
сығлығуғнәхпыси? Сяңўә алңунак юғым илюңанилнуқ
аңыхкәюгүк акузильхақун. ³⁵Пинилдй юк пинилдймың
илюмикилдй пинилдймың аныстикаюгүк. Сығлық юк
сығлығмың илюмикилдй сығлығмың аныстикаюгүк.

³⁶Уңипатамси, Нанқихтильхым Ағнығани югыт
апыгьяхқапыстәқйт Кияғнығмун қамахлююки сығлығыт
акузитыт атуқыхкатың сяңита атукуматаңи. ³⁷Қаюхляк
Кияғнығым нанқихлтықатын акузитыхпыгун.

Акузитыпк ипапиқылғықатын авутңинъилютын налиғмың нанқихлығықатын ағьӊгьяхқалютын».

Иглығутистыт Альяҳльюхұахтитысқылғит

38 Тәхкын иляңита апыхтуғистыңита Лйлихтұсам, иляңиталью Фарисеит пикәт Иисус: «Апыхтуғиста, альяҳльюхұахтилғитын ысхапагыюамкын лигикналюку ахтуғьяхқангильхын Кияғнығмың пиңутаңа».

39 Иўырңа Иисусым пикй: «Ағнығым ўм юги сығлыхқумаңут, атәсйғнығилңут Кияғнығмун. Нақам альяҳльюхұахтитысқут хўаңамнун. Йығлыгилью! Тәнаңинаҳақ альяҳльюхұахтилғық ысхахлығықаси Кияғнығым альяҳльюхұахтильха Ионамун. 40 Иона иқальюгрухльяғым ақсяқхўаниткәгуқ пиңают ағнығыт, пиңают унугыт. Таўатыхпигақ Иғныға Югым сямансяхқәгуқ нунами пиңают ағнығыт, пиңают унугыт. 41 Нанқихтильхым Ағнығани Кияғнығым нанқихтықаңиси льпыси кияхлығыхйни ағнығми хўани, Ниневияғмит ныкывлютың анахунъильбықйси ағьӊгьяхқапыстағунилюси. Ыкналиқиста Иона уңипағьян Ниневияғмит авутыхқылъютың сығлыхқынъаниқәгут. Иўырңа льпыси авутыхқылъюси сығлыхқынъанильхитуси қайўа нагатқақыңәхпысигу кина аңатағалғй Ионамың. 42 Нанқихтильхым Ағнығани Кияғнығым нанқихтықаңиси льпыси кияхлығыхйни ағнығми хўани, акивақым царицаңан ныкывлюни нанқихсяхқәнилбықйси. Тагикәгуқ уявахпанилңуғмың нымының наганъалюку Соломоным пыхқиныхльяк апыхтуғилъха. Иўырңа кина аңатағалғй Соломонымың хўантуқ, таўалъйма ихсякақаси».

Утығнильха Туғнығам

43 «Туғнығақ югмың аныхқуми иглыхлығықуқ мықшахйлңуғми нунами, ивағилғықуқ мығнәливихкамьң. Иўырңа нәлькунъығисями, 44 пикақ: “Кияхфиксяқымнун утыхнақуңа”. Кәсялғйми пәхқитыфтуқ, альўағлюни, миңльхтыңьўағлюни аюқыфтуқ. 45 Тәхкын аңлюни тагиткй мәграғвинлык туғнығат лъңаның сығлығатағалғит. Итығалъютың

югмун таўантыкат. Ынкām тāна юк сивунғаның
 ўатақағак сығлығўағуҳтыкақ. Таўатыҳпигақ
 аюқсәхқәгут сығлығыт югыт кияхлғыхйт мāтын,
 ўатақағак сығлығуҳтағағьяхқәгут сивунғани
 пилығмыхның».

Иисусым Нāнāлю, Аңлыгутаңилъю

46 Паниның Иисусым алыҳқўмалюки югыт, Иисусым
 нāнāлю, аңлыгутаңилъю кāльютың мануғами
 алыҳқуғюкāt. 47 Ынкām китум уңипātкā: «Йи, қакма
 нāнлю, аңлыгутытынлю, алыҳқуғюгақатын».

48 Иисусым āптыкā: «Кинаңāўа нāка? Кинкуңāўат
 аңлыгутынка?» 49 Тāхкын кыниғлюки малихсәхтыни,
 пикақ: «Тāкуңўт нāкалю, аңлыгутынкалю! 50 Кина
 алңунак Атама қилягмылңўм пиюкылъхатун пикуми,
 аңлыгуткақа, наякақа, нāкақалю!»

Иисусым Уңипағātкыхкаңа Пйтысиғахта

13 1 Таўани атāсими ағнығми Иисус āнлюни
 мыңтығамың, нāйвам ысныңакун ақумлюни
 апыҳтуғикақ. 2 Юлғутыҳлъягыт қаңлыюқахсятни,
 аңьямун ўхлюни ақумыхкақ, ынкām юлғутыҳлъягыт
 ыснымыткат. 3 Уңипағātытхун альяҳйнағмың
 апыҳтуқй. Пикй: «Пйтысиғахта пйтысиғағвигминун
 аглялюни, ифкаҳқуқак пйтутның. 4 Пйтысиғағвигмини
 ифкаҳқиялғими пйтутның, иляңи тумытхун
 тыкиткат, ынкām қаўāгыт тагилютың нығуқйт. 5 Иляңи
 пйтутыт тыкиткат уйғағахтуқакун сюнапагилңуҳқун.
 Таўаниңинақ пйткат қаюхлъяк сюнаңа угмыстāхақ.
 6 Иўырңа сиқинық пйсялғими мātныған паныхтыкй
 қаюхлъяк акупагилңўт. 7 Иляңи пйтутым тыкиткат
 сикухлюхтуқакун, сикухлюыгыт пйсялғимың
 пйтфигикйт пйтутыт. 8 Иўырңа иляңи пйтутыт тыкиткат
 сюнакыхтакун пйтыстикат зерномың, иляңи 100, иляңи
 60, иляңи 30. 9 Сигутылгўси, нагатык!»

Уңипағātыт Апальйт

10 Тāхкын малихсәхтыңита такулюку Иисус āптыкāt:
 «Сяңан уңипағātмың атуқаксин апыҳтуныҳпыки югыт?»

11 Иисусым кїмсиқї: «Льпысинун Кияғнығым лїтыстыкақā талюғналғї ипапїхқылыҗа Атаныҗпагульҗан Қиляғым, иўырҗа лъңитнун лїтысимаңитā. 12 Ынкām юк лїгикылыҗыңхкақ, ўатақāғақ лїгикылыҗыңатағāғьаққāғуқ, иўырҗа юк лїгикылыҗыпагилнұқ лїгикылыҗа иқилыҗуқ. 13 Тамāкын апальюкльюку апыхтуғаканка уңипағātытхун, қаюхльяк ысхāтығңағмың ысхāсигалңўт, нагатығңағмың нагақїгалңўт, талўа лїгикигалңўт. 14 Ынкām лъңитхун Исаиям ўкналиқуткильҗа апығїхтуқ. Тāхун ўкналиқылыҗақун Кияғнық пикағуқ:

“Лъңит нагатыпыстāхльықут тāўаңинақ лїгикнāңгитїт;
ысхāтыпыстāхльықут, тāўаңинақ лїгикнāңгитїт
ысхāқатың,

15 қаюхльяк лъңита умьюгїт пиныхльюхтыкāгут.
Сигутңит тусяқныхльїохтыкāгут, ийытыңлью
қуныхтыкақїт.

Таўатылңўңгисяқумың иймыхның ысхāнбаяхтут,
сигутмыхның нагақўнбаяхтут, умьюгамыхтыхун
лїгикнаяхтут,

ынкām қївнаяхтут хўаңамнун нāльхутысқылыҗютың”.

16 Иўырҗа қянахалық льпыси! Ийыси ысхāтақут,
сигутысылью нагақўтақут. 17 Ипа уңипāтамси,
ўкналиқистылғутытлью, юлғутаңанлью Кияғнығым,
ысхāғыюкақсяғїт ысхāқаси, иўырҗа ысхāмаңитїт.
Нагақўғыюкақсяғїтлью нагақуқаси, иўырҗа
нагақўмаңитїт».

Иисусым Аҗқаңа Уңипағātкыхкани Пїтысиғахта

18 «Нагатыху сямың пїқутаңа уңипағātкыхкақа пїтысиғахта. 19 Пїтутыт тумыт сяғўитхун тыкиткат успутңāt китумун алңунак нагақўльхїмун уңипāмың Атаныҗпагульғмың аюқылғїмың. Лїгикынғилъкагу уңипақ Туғнығām тагилюни ўаяхльықā тыкиткāялғї илюақун. 20 Тамāкут пїтутыт уйғахтуқакун сюнақун тыкиткат успутңāt китумун алңунак нагақўльхїмун уңипāмың, таўаниңинақ уңипақ тугукльықā қякусиқльюку. 21 Иўырҗа уңипақ илюәни

мулюманцилңуқ қаюқлғьяк ақуңылғхилңуқ. Ынкәм сығлылїғьялғїми налиғмың амьюқытаткыльыңьялғїми, апальюқльюку уңипақ таўаниңинақ ухпықинанихтуқ. 22 Тамәкут пїтутыт сикухльюхтуқақун сюнақун тыкиткат успутңат китумун алңунақ нагақўльхїмун уңипәмың, тәўаңинақ тыхыльхїлғхан кияхтәгусихқамың, акльюңиғиюльхльяганлью пїтфигиғақә уңипақ. Тамәкын апальюқльюку пїтыстиңигатуқ. 23 Тамәкут пїтутыт тыкиткат сюнақыхтакун успутңат югнун нагақўльхїнунлью лїгикилғїнунлью уңипәмың. Ынкәм пїтысқуғақут иляңи 100, иляңи 60, иляңи 30».

Иисусым Уңипағаткыхқаңа Плевелы

24 Тәхкын Иисусым әпқә иляңа уңипаған лңитнун, пикї: «Атаныхпагульға Қилягым юхтун пїтысиғақатун пинилғїмың пїтутмың пїтысиғағвигмини аюқуқ. 25 Унугми атәсими қавасималюки, аңуяга тагилюни пїтысиғақак плевелымың акулңитхун пшеницат, тәхкын ағуляқыхқақ. 26 Нунивахсығат пїсялғїмың, пшеницат акуллютың плевелымың аюқыфтут. 27 Пїтысиғақта қыпхақтылғутған тақулюку әптыкәт: «Атанық, пинилғїмыңми пїтутмың пїтысиғақсин пїтысиғағвихпыни; накын плевелыт пїт?» 28 Югым кїмсиқї: «Аңуягым таўатын пикақї». Әптыкәт: «Плевелыт икўльтыкї?» 29 Кїмсиқї: «Накә, қаюқлғьяк плевелыт икуқуфсики қымаль пшеницатлью илялькїлғықаси. 30 Қырңита пшеницатлью, плевелытлью нагустыки кынляңанун унаталғыхқамун. Ынан унатағьяхқәхтыката унатахтыт уңипәнәғанка плевелыт сивуқысқылғыюки, қыпудлюки паныхсяхқәлюки. Ынкәм пшеницат унатахтыслғыюки кахпахтыснәғанка кахпагвимнун»».

Иисусым Уңипағаткыхқаңа Горчицам Пїтутаңа

31,32 Алғьямың Иисусым әпқә уңипаған:
«Атаныхпагульға Қилягым пїтутңатун горчицам аюқуқ. Пїтутым мыкыстәлғыхпигақә, иўырңа югым пїтысиғанығминигу пїтысиғағвигмикун нунивахсығағьяхағның аңыльыхпигақаюгўқ. Уқфигуғныңани қаўағыт тагиллютың аваяқун уңлюсиқут».

Иисусым Уңипағаткыхкаңа Закваска

33 Альямың Иисусым āпқā уңипаған: «Атаныхпагульха Қилягым закваскатун аюқуқ. Ағнам тугулюку акўтускаңа авляўахлягмун, ынкām акўтахлягя хўхтыстыхлякā».

Иисусым Атуқыхкаңи Уңипағатыт

34 Иисусым апыхтуныңминики юлғутыхлягыт қўнпың атуқақй уңипағатыт. Ипапыстāқ сяңўā қамахляюку апыхтўсяқыхкā уңипағатытхун аюқуқ. 35 Таўатын пикāлғй апығйғналюку ўкналиқистым пильха:

«Уңипағатыт атуқылықанка алыхқуқумки.

Уңипāлықанка Кияғнығым лйтысимаңилькаңаның има улимаюхāльханың нуна».

Иисусым Āпқаңи Уңипағаткыхкани Плевелыт

36 Тāхкын Иисусым унилюки юлғутыт йтқақ мыңтығамун. Малихсāхтыңита такулюку āптыкāt: «Сямың пийсйўат уңипағаткыхкахтын плевелыт пйтысиғағвигмылңўт?»

37 Иисусым кймсиқй: «Юк пйтысиғақақ пинилғймың пйтутмың, Иғныкā Югым; 38 пйтысиғағвиг нунаңўк; пинилғйт пйтутыт югўт Атаныхпагульхым пикй; плевелыт югўт Туғнығам пикй. 39 Аңуяк пйтыстикақ плевелымың Туғнығағуқ. Унаталық нунам кынлытхўтылғыкā, унатахтыт яқулғўт. 40 Унаталығми плевелыт қырнұхляюки паныхтақйт. Таўатыхпиғақ кынлытхўтылғыхани нунам, югыт Туғнығам пиңи қырнұхляюки паныхсяхқāгут. 41 Иғныға Югым яқулығминың каяхтияхқāгуқ иқитысқылғыюки Атаныхпагульғығминың қамахляюки сығлыхқуситлью, сығлытунлью пистыт. 42 Ынкām кынғыгнун миллилғыкйт, таўани қияғўахляхлыкут, хутытың тышкитāхтāмйта. 43 Тāхкын Кияғнығым юги кўкхулыкут сиқиныхтун Атаныхпагульхани Атамың. Сигутылгўси, нагатык!»

Иисусым Уңипағаткыхкаңа Йғналғй Акльюңи

44 «Атаныхпагульха Қилягым акльюңистун аюқуқ йғналғй пйтысиғағвигми. Югым нāлькылыюки

йнқихтыкй̄. Қуям аңталяңаның, ағуляқльюни қамахльюки сягъяни акикльюки, тӕхкын тӕна пйтысиғавик тукфиқ̄а».

Иисусым Уңипағӕткыхкаңа Жемчуг

45 «Хуӕатытуқлью Атаныхпагульха Қилягым: тукфихтухта ивагилдй̄ пинй̄пихльыҕимың жемчугымың тукфиғьяхқамың. 46 Нӕлькуньығмини пинй̄пихльыҕимың акитуқамың, акикудақ̄а қамахльюку сягъяни, тукфиғналюку тӕна жемчуг».

Иисусым Уңипағӕткыхкаңа Нығахпак

47 «Атаныхпагульха Қилягым, нығахпахтунлью аюқуқ. Иқальнинй̄хтыт нығахпахтың нӕйвамун атыхльюку ахқыльыҕут ынкӕм альыҕинағмың иқальюхтыхльыҕақут. 48 Нығахпак сяюглюку қутмун, ақумлютың иқальюгыт авудақйт, пинилдй̄т канахсимй̄та қальтанун, ынкӕм сығлыльыҕи ыхтақйт. 49 Тауӕатысяхқӕгуқ кынлытхӯтыльхани нунам. Яқулгыт тагилютың авухльықйт сығлыгыт югыт пинилдй̄ның. 50 Ынкӕм сығлыгыт кынғыгнун миллӕльықйт, таӯани қийдӕахльыҕахлықут, хутытың тышқитӕхтӕмй̄та».

Нутағатлью, Нығиҕтатлью Апыхтӕсят

51 Тӕхкын Иисусым ӕптыкй̄ малихсяхтыни: «Қамахльюки тамӕкут лй̄гикыстыкй̄?» Кй̄мсиқӕт: «Ӕа». 52 Тӕхкын пикй̄: «Тамахағми апыхтуғикаюқ Лй̄лихтӕсяның апыхтуқак Атаныхпагульханың Қилягым хуӕатылңуғуқ: мыңтығалық юк нусюгралдй̄ кахпагвигминың нутағамыңлью, нығиҕтамыңлью».

Назаретыми Ихсякыхкаңат Иисус

53 Иисус тӕқсями апыхтуғинығмың уңипағӕтның ағуляқыхкақ. 54 Аглядлюни ныминун апыхтуғиян синагогаңитни, югыт сядй̄аягуткӕт. Льмыхның ӕпқуғӕгуткат: «Накын пыхқинылъыңа? Накынлью ахтуғьяхқӕнҕилъыңа альыҕхльюхуӕхтимун? 55 Иғнықынҕитагӕӯ плотникым? Мария нӕкынҕитагӕӯ, ӯк аңлыгуткынҕитакй̄ Иаковлью, Иосифлью, Симонлью

ынкām Иудалью? ⁵⁶Наягилью мәнъыҗитāt? Накын лйтыльыңхлъяхталью, ахтугьяхқангилгыңалью?»
⁵⁷Ынкām тугукльыгъюнҗиткāt.

Иисусым пикй: «Нани алңунак югыт сйвакақāt ўкналиқиста иўырңақун лъңан катам нунаңанилью ныңльюгутаңанилью». ⁵⁸Тамāни альяҳльюхўахтипагумаңилңуқ қаюҳльяк ухпықыңгилькаңат.

Тукульҳа Иоанным Крестителым

14 ¹Тамāни пильығми Иродым, иглығутистыңан Галилеям, нагақуқā Иисусым апыхсығўмалъҳа.

²Иродым қыпхақтыни пикй: «Ипа уна Иоанныңўқ Крестителым, уңувāmāқ. Ысҳахуқун ахтугьяхқангилгылык альяҳльюхўахтилъығмун».

³⁻⁵Қавңанҳақ Иродым туқутыстыкақыхкаңа Иоанн Крестителым, қаюҳльяк Иоанным уңипātкақыхкаңа: «Қātкунъығитутын Лйлихтўсјмнъун тугулъыхпыгун Иродиада, аңлыгутыхпык нулиҳа». (Иродиадам угиксяқаңа Филипп, Иродым уюғā.) Иоанным уңипātыльҳа апальюқльюку Иродым тугусқыхкā Иоанн, асиҳқыльюку анусимиңльяғвигмун канахтысқыльюку. Иродым туқутысюгуяқаңа Иоанн, нақам алиқыхкй Иудейт сығлылйҳқйнаюката қаюҳльяк ухпықықкаңат Иоанн ўкналиқыстыңунилюку.

⁶Тāхкын Иродым альхығвиган ағнығани, Иродиадам панига тукалыгақак Иродымлью ақылъқитлью сивуңитни. Ынңātаль Ирод ыфқуғьохльякақ, ⁷рыпаль акықыхкā: «Ипапыстāқ сямың алңунак туңсиқувык тўныльықамкын».

⁸Нāми каяхтыльҳатун пикā: «Хўā мāтын тагиваху қаїтағрāхкун лйлиюку нāсқўа Иоанным Крестителым».

⁹Умйлык қивгукақ иўырңа акықикātминың ақылъқами сивуңитни пиюкыльҳа каягуткā. ¹⁰Ынкām Иродым анусимиңльяғвигми Иоанным нāсқўа кыпыстыкā.

¹¹Нāсқуқ қаїтағрāхкун лйлиюку тўныхкāt ағнағағмун, ынкām нāминун агльяткā. ¹²Иоанным малихсјхтыңи тагилютың югусй лъивығьяхтуқāt. Тāхкын Иисус уңипāсјхтуқāt.

Иисусым Нығыстильха 5,000ның Сйпңалдғйның Юғның

13 Иисусым нагақуғьямигу уңипақ, аңьямун ұхльюни ағуляқыхқақ пәхқилъханун лъңинахәналюни. Иўырңа юлғутыт нагақуғьямыхтыху нымыхның малихтыкәт пиюгмың. 14 Иисус қўтмун ұхльюни ысхағлюки юлғутыхльягыт наңлыгыягутыхльякй, ынкәм нәлхуқуқй қинуюльхит.

15 Хўаникуягу малихсәхтыңита такулюку пикәт: «Хўаникўә, мәна пәхқитук; агляхтўтысқики нынун лъңитның нықыңысқылъюки».

16 Иисусым пикй: «Мәнлбит. Лпыси нығьяхқалитыки».

17 Пикәт: «Хўә лыган тальиматхәгут нықыкшагыт, иқальюхәклью».

18 Иисусым пикй: «Тагитыки хўавык». 19 Тәхкын юлғутыт ақумўтысқыхкй выгәхқун. Тугулюки тальимат нықыкшагыт, иқальюхәклью, сивухльюни қиягмун Қияғның игамсиқаюгвикыхкә. Йхминың әвгуглюки нықыкшагыт, малихсәхтыминун тўныхкй уйыхтысқылъюки юлгутнун. 20 Қамахльюни нығўтқақ кыпсўльюни. Тәхкын малихсәхтыт тугукит қуля мәлцук сйпнықльюку корзинат ыслықңалдғит кагимлғытның нықыкшагыт сйпныгыт. 21 Ынтақун 5,000ңўт югыт нығўткат, ағнатлью, тағнухәтлью кысюткыхпынаки.

Иисус Пиюлдғй Мыхқун

22 Тәхкын Иисусым малихсәхтыни каяхтыкй аңьякун ағвиқыстйсқылъюки нәйвам иңлюңанун, лъңан агляхтўтысималюки юлғутыхльягыт. 23 Юлғутыхльягыт агляхтўтысымики лъңинағми нәйғамун маюқақ юғағналюни. Таўани иғивгағми Иисус лъңинәмалюку, 24 аңят унга нәйвами аўавағлютың, ынңәталъ имахльйқат қаюхльяк айгугнағусқаңи. 25 Акулыхкыни пиңают ағвинлыккыльяк унәңулюку Иисусым такукй малихсәхтыни мығым қайңақун пиюгмың. 26 Малихсәхтыт ысхағлюку мыхқун пиюлдғй какавнйқат. Ынкәм акилцўкат: «Тағныңәгук».

27 Таўаниңинақ Иисусым пикй: «Алиңыхпынаси, Хўаңаңўңа!»

28 Тәхкын Петырым пика̄: «Атанық, ипа льпыңукувык тахсиңа льпынун аглягляңа мығым қайңакун».

29 Исусым пика̄: «Таги». Ынкәм Петр атығлюни аңьямың, мығым қайңакун пиюгмың агляқак Исусымун. 30 Иўырңа ануқа льпыксямигу алиңыхкақ, калывуткыльюку акилдӯкақ: «Атанық, югулиңа!»

31 Таўаниңинақ Исусым акуқағлюку пика̄: «Ухпықилъыхқыста̄пигӯтын! Сяңавык малдүклъизин?»

32 Аңьямун ўхтақуклью ыльмәрахтыкақ. 33 Ынкәм аңьямылңұт манигуқат Исус. Пикат: «Ипапыстақ Кияғнығым Иғнықатын!»

Исусым Нәлхұскаңи Қинуюғт Геннисаретыми

34 Тәхкын нәйвақ ағвиғлюку тамлякат Геннисаретыкун. 35 Тамәкумит лисюксямыхтыху Исус, уңипәсәхтисқыхкит нунаҳағмун қинуюхтйғит тагитысқыльюки Исусымун. 36 Манигӯтуткит қинуюлғит ўаран сәфтысқыльюку кынйкун ынкәм қамахльютың тамәкут сәфтилғит нәлхұтылыңыхкат.

Сивулиғат Апыхтүсйт

15 1 Тәхкын иляңи Фарисейтлю, апыхтуғикаюгытлю 15 Лйлихтүсяның Иерусалимымың тагилютың апытыкәт Исус: 2 «Сяңамың малихсәхтытын қаткусигатат сивунымта апыхтүситнун? Нығнақнығмыхни ўхтигатут ыльқуғульютың апыхтүситнун».

3 Исусым апытыкә: «Сяңан льпыси қаткигатақыстики Кияғнығым қылғусй малихналюки льпыси катам апыхтүсяси? 4 Кияғнығым қылғусяқә: “Құлвағлюкык атанлю, нәнлю”. Хўатынлю пика̄гуқ: “Китум алңунак атани, налиғмың нәни сығлыпыста̄тун акузиткыхкумигу, туқусяққағуқ”. 5,6 Иўырңа льпыси апыхтуғйқуси: “Югым құлванғисяғңагу атани налиғмың нәни хўатын пика̄гу”, Каюйсәқалғуңа льпынун, иўырңа тўнәнғитақа қаюхльяк акықусяқыхкақақа тўныльықнилюку Кияғнығмун. Таўатын пилъыхпысигун пакигақаси Кияғнығым Лйлихтүсй апальюқлюки льпыси катам апыхтүсяси. 7 Укухси пинйюғнығни! Ыльқухльюси хўатын Исаям ўкналиқуткыхкақиси!

8 Кияғның пйқ: “Укут югыт акузитмыхтыхун
құлвағақатңа, накән илюмыхның.

9 Тымңи манигуғақатңа қаюхляк апыхтүсяқакйт
лйлихтүсяңляяқатың,
катам хўаңа Лйлихтүсяқыпихлыхыхйстун”».

Югым Нукихнахқусй

10 Тәхкын Иисусым юлгутыт тахсиғлюки пикй:
«Нагалъюңа лйгикитык! 11 Югым сяңўа қанығминун
канахтыкә нукихнахқиңигатуқ, иўырңа югым қанғаның
āныхкақ нукихнахқикаюгўқ».

12 Тәхкын малихсяхтыңита такулюку āптыкāt:
«Лйсимакынғисигў Фарисеит анахтыкит таўатын
пилгыхпыгун?»

13 Иисусым кймсиқй: «Нунивахсығақ қамахльюку Атама
қиягмылңўм пйтысиғāманилькаңа нусюгьяхқāгуқ.

14 Авылғақйнағлюки Фарисеит! Аякастун мағьяхқуғйқут.
Югым аякам иляңа аякақ тасльюкумигу, лягўāгмун
калыфкахтālьықук».

15 Петырым āптыкā: «Уңипāтахтикут, сямың
писйғўа уңипағатын югыт нукихнахқиганъикытын
нығыхкамыхтыхун?»

16 Иисусым пикй: «Лпысылъю сялин лйгикинғисык?
17 Лйсимакынғистыхў сяңўа алңунак югым қанығминун
канахтыкә ақсяқхўанун пйқук, тәхкын āнақук
югусйның? 18 Иўырңа сяңўа қамакын āныхкақ
қаныхқун нукихнахқикаюгўқ югмың. 19 Қаюхляк югым
илюңаның сығлық сюмыхтағалық пикаюгўт, юхтақ,
гылгағнйқ, альяниқ, тыглыгнйқ, иқлъяңиқутки ынкām
сығлықўқ югның. 20 Тамāкут нукихнахқикаюгыт югның,
иўырңа ўхтухпынани нығылъхым нукихнахқынъангитā
йок».

Ағнам Ухпықильха

21 Тәхкын Иисус ағуляқыхкақ тамākын нунамың
туңыхкынун Тирылью, Сидонылью. 22 Таўануқ
Ханааныгмй ағнақ. Иисус такукә акилғумағми: «Кāй
Атанық, Иғныңа Давидым, наңлыгыгягутықыхтыңа!
Паника туғнығām йтхумā, сығлығўāгўқ».

23 Иўырҕа Исусым авылҕақинақә. Малихсәхтыңита такулюку каяхтағуақат: «Иқитысқигу! Малихсәгумамта акилгүгуқ!»

24 Тәхкын Исусым пикй: «Кияғнығым каяхтыкақәңа Израилығмїнинағағнун, пынбйгыстун ифляжастун аюқылгїнун».

25 Иўырҕа ағнақ тагилюни Исусым сивуңакун қунұхтуткыльюку пикақ: «Атанық, каюсйтахтиңа!»

26 Исусым пика: «Анахутңақ тағнухат нықңит тугулюки қикминун милюскумың».

27 Ағнам пика: «Аа, Атанық, талўа юғым қикмй ифкаққылханың нығақут».

28 Тәхкын Исусым пика: «Ағнақ лпык, ухпықилыхтупихтутын! Апығйгли пиюкыльхпытун». Таўаниңинақ панига нәльхуткақ.

Исусым Нәльхускаңа Юк Углялгй

29 Тәхкын Исус ағуляқыхкақ тамакын нунамың, ысныңакун Нәйвам Галилеям. Қымимун маюғлюни ақумыхкақ. 30 Юлгутыхльягыт такуляғаткәт, тагисимйта Исусым сивуңанун пиюхпағниңилнұт, ақнихтыкат, аякат, акузиңигалнұт, иляңилью қинуюлгйт. Ынкәм нәльхуқуқй. 31 Юлгутыхльягыт сәйғәюкат ысхапағлюки акузиңигалнұт акузиягульхйт, ақнихтыкат нәльхулхйт, пиюхпағниңилнұт пиюгягульхйт, аякатлью ысхәсягульхйт. Ынкәм усюқыхкәт Кияғныға Израилым.

Исусым Нығыстильха 4,000 Сйпңалгйның Юғның

32 Тәхкын Исусым малихсәхтыни тахсиғлюки пикй: «Мәкут наңлыгыягутыпихтанка қаюхльяк хўаңамнитут пиңают ағнығыт, талўа нығьяхқйтут. Нығыстыхпынаки ағуляқысюнғитанка, лўорақ тумәңани кәйлинаюката».

33 Малихсәхтыңита әптыкәт: «Мәни килгәни накын нықыңнақыста нәмаяхқамың юлгутыхльягнун?»

34 Исусым әптыкй: «Натын угляхқакән нықыкшаңлгуси?» Кймсиқәт: «Мәғрағвинлыгйт, қафсинатлью иқальюхәт».

35 Ынкәм Исусым юлгутыхльягыт қылькй ақумўтысқыльюки нунакун. 36 Тәхкын тугулюки

мāғрағвинлык нықыкшагыт иқалъюгытлью,
 Кияғнық игамсиқаюгвикыхкā. А̄вгүглюки тўныхкī
 малихсѣхтыминун ынкām уйыхтыкīt юлғутыхльягнун.
 37 Қамахльютың нығўткат кыпсїольютың. Тāхкын
 малихсѣхтыт сїпнық қырңуҳльюку мāғрағвинлык
 корзинат имїкīt ыслъықагаҳльюки. 38 Угльяхталаңит
 нығўткат югыт 4,000ңуфтут, кысюткыхпынаки ағнатлью,
 тағнуҳātлью.

39 Тāхкын Иисусым юлғутыхльягыт агляхтўтыслъюки
 лънитнун лъңа аңьямун ўхльюни увитаңанун Магдалам
 агляқак.

Альѣхльюхўахтисқылық

16 1 Тāхкын иляңи Фарисеитлью, Саддукеитлью
 тагикат Иисусымун анагнїльқавигиғналюку.
 Ынкām альѣхльюхўахтисқыхкāt ысхāсихқāлюку
 ахтуғьяхқангильхā Кияғнығмың пиңутаңа. 2 Иўырңа
 Иисусым кїмсиқī: «Сиқинық тывиғьяхтуңыстанғани
 ыслъя кавигругунғани пїқуси: “Унāми
 пиниғнақуқ”. 3 Сиқинық пїтыкыстанғани қияяга
 кавигругунғанилью, қияягїнғанилью пїқуси:
 “Ағнығми ыслъя сығлыдунақуқ”. Ысхапаглюку
 қияяга лїсимакақаҳси ыслъя натынбақутаңа.
 Иўырңа ысхапаныхпысики сяльхыт ағнығни мāни
 лїгикыпағниңитаси сямың писїтаңи. 4 Ағнығым ўм
 юги сығлыхқумаңўт, атāсїғнығилңўт Кияғнығмун,
 нақам альѣхльюхўахтитыскут хўаңамнун.
 Йығлыгилью! Тāнаңинаҳақ альѣхльюхўахтилъық
 ысхаҳльықаҳси Кияғнығым альѣхльюхўахтилъхā
 Ионамун».

Тāхкын Иисусым унильюки агуляқыхкат.

Иисусым Кылыңасяқаңи Малихсѣхтыни

5 Малихсѣхтыкульхīt иңлюңанун нāйвам кāльютың,
 малихсѣхтыт пиялғїмың пуйгумалғīt нықыкшагмың
 кыльқыхпынатың. 6 Иисусым пикī: «Кылыңалюси
 Фарисеитлью, Саддукеитлью закваскаңитның».

7 Лъмыхның акузимхуткыхкāt: «Таўатын пїқ қаюхльяк
 кыльқынғилңўкут нықыкшагмың».

8 Иисусым лїсимакыхкаңи сямың пикатаңи ынкәм пикї: «Лпыси югни, ухпықилтъхқыстәпигүси! Сяңафси нықыкшаңлъягаси? 9 Таўа лїгикигатсї? Нықамикынғистыкї талымат нықыкшагыт әвгуқанка 5,000 югнун, қафсингутаңилью корзинат сїпнығмың имиқаси ыслықағахлыюки? 10 Такутлюю нықамикынғистыкї маграғвинлык нықыкшагыт 4,000 югнун нығыстыканка, қафсингутаңитлюю корзинат сїпнығмың имиқаси ыслықағахлыюки? 11 Натын сяңан лїгикынғитыстыху нықыкшаңлъянғилнуқ акузиткыхкыхка? Кылыңалюси Фарисейтлюю, Саддукейтлюю закваскаңитның!»

12 Тәхкын малихсәхтыт лїгикыхкәт сямың пїкутаңа. Закваскаңунғитыфтуқ нықыкшаңлъямылнуқ кылыңасягуткыхкә, иўырңа кылыңасқақыфти апыхтүсйтның Фарисейтлюю, Саддукейтлюю.

Петырым Иисус, Христосыңуникаңа

13 Тәхкын Иисус кәсями туңаңанун Кесария Филиппомам, әпткї малихсәхтыни: «Югыт кинаңунїқатху Иғныға Югым?»

14 Кїмсиқәт: «Иляңи пїқут Иоанныңунилюку Крестителым, иляңита Илия, паниның иляңита Иеремияңунїқәт налиғмың налїт ўкналиқистыт».

15 Әпткї: «Лпысими кинаңунїқыстыңа?»

16 Симон Петырым кїмсиқә: «Христосыңўтын, Иғныға уңуалқїм Кияғнығым».

17 Иисусым пикә: «Қуястыльылгўтын, Симон, иғныға Ионам! Қаюхлъяк югмың лїсимаңитан, Атама қилягмылнўм лпынун лїтыстыкақә. 18 Ынкәм пїмкын, Петырыңўтын, Уйғак. Хўагун уйғакун ныкыфлыықақа юғағвика, туқульхым ахтуғьяхқәнғилъхан каяльқысыхқақынғитңхўағә. 19 Лпынун тўнылыықанка қипыти Атаныхпагульхан Қилягым. Сяңўә алңунак асихтыкувгу нунами хўани, асихсәхқәгуқ қилягмилью. Сяңўә алңунак итымускувгу нунами хўани, итымусәхқәгуқ қилягмилью».

20 Тәхкын Иисус малихсәхтыминун апыхтыснаниғўәқак китумун алңунак Христосыңунилюни.

Иисусым Ӓпқаңа Икфиқлъюни Туқулғыхқани

21 ТӒхкын кынляңа Иисусым лйгикыснақыхкй малихсӒхтыни, ИерусалимтыпыстағьяхқӒанилюни, таўани альӒхйӒнакун икфиқыслықнилюни Старейшиныунун, первосвященнигнун, апыхтуғикаюгнунлю

ЛйлихтӒсямың. УңипӒткй тукусыхқӒанилюни тӒхкын пиңајни ағнығым Кияғнығмун уңувахсӒхқӒанилюни.

22 Петырым иқитульюку ағӒюӒиқӒа: «Атанық, Кияғнығым писнӒӒгитӒтын! Таўатын пинӒӒгитутын!»

23 Иисусым қйвлюку Петр пикӒа: «Туғнызақ, иқитын хўаңамның! Амигиғахпыңа, қаюхлъяк сюмыхтағалъхын юғым сюмыхтағалъқӒа, Кияғнығым сюмыхтағалъқынғитӒ!»

24 ТӒхкын Иисусым малихсӒхтыни пикй: «Китум алңунак малихсюкумиңа, лъми катам пиюкыльыни пыхлъюку, қақӒурани уямиглюку малихлъиңа. 25 Қаюхлъяк китум алңунак уңувалъыни лъңанун катам пикникумигу ифлъьяхқӒа. Китум алңунак пыхтыкумигу уңувалъыни хўаңа апальюқлъюңа альхыхлъықӒа. 26 СяңӒаңам юғым пинихқусиқылъықагу пилйльюку нунахлъяк, ифлъякумигу уңувасигни? Таўа аваңитуқ выхтусихқамың уңувасигминун. 27 Ӓпқанка тамӒкут лыпысинун қаюхлъяк Иғныға Юғым тагияхқӒагуқ Атамының ахтуғьяхқӒӒилъылиғлюни яқулыхтӒмағми. ТӒхкын тамаҳӒ юк налъяңихтухлъықӒа апығйгутыльхатун. 28 Ипа уңипӒтамси, хўӒнлыңӒт иляхпыси уңувалъығмыхни ысхағьяхқӒағӒ Иғныға Юғым тагилдй Умйлгулюни».

Иисусым Альяңухлъыға

17 1 Ағвинлык ағнық атуғлюку, Иисусым кыльқыхкй Петр, Иаковылью ынкӒм Иоанным, аңлыгуткульхйк, маюткй ӯсқалдймун нӒйғамун лъңинйта. 2 Ййңитның тӒхкын Иисус альяңухтыкақ: хинӒ кӒххуткақ сиқиныхтун, Ӓткйлью қатыгракхххтыкат ниғугыстун. 3 ТӒхкын малихсӒхтыт ысхақахкыт Моисейемлью, Илиямлью алиғлютык алыхқуқаңак Иисус. 4 ӒнкӒм Петырым пикӒа Иисус: «Атанық, итагнапихтуқ хўӒнтыльыхпут! Пиюкыльқыхкувгу ныкыфлъяңи пиңают азигутат, лыпынунлю, Моисейемунлю, Илиямунлю».

⁵Сялин акузималюку, қиялғуағым ниғугракыхтам сәпыхкй, ынкәм қиялғуағмың мым пикй: «Уна Иғнықақа, пиниқыпихтақа, ыфқуқыпихтақа, нагатақитыху!»

⁶Малихсәхтыт нагалюку ма, алиңрұғым аңталаңаның нйңгуткат нунамун. ⁷Тәхкын Иисусым такулюки сәфльюки, пикй: «Ныкывитык, алиңыхпынаси!»

⁸Сивухсялғймың Иисусыңиназақ ысхақат.

⁹Укигуткыльюку нәйғамың Иисусым иныхтыңуақй: «Китумун алңунак апығьякунән ысхағуағльық пинакыси кынляңа Иғныға Юғым унувахтыкан тукулъығмың».

¹⁰Тәхкын малихсәхтыт аптыкәт Иисус: «Сяңан апыхтуғистыңита Лйлихтүсят пйқатху Илия сивукльюни тагипыстәғьяхқәнилюку?»

¹¹Иисусым кймсиқй: «Ипа Илия тагипыстәғьяхқәгуқ, ынкәм сяңуа қамахтыңуағлюку нальхусянқихльықә.

¹²Иўырңа уңипәтамси Илия тагиңуақәгуқ, иўырңа югыт кинаңутаңа нальюкыхкақат, пиюкыльығмыгыстунлью пикақат. Таўатыхпигақ Иғныға Юғым икфиқыслъықат».

¹³Тәхкын малихсәхтыт лйгикыхкәт Иоанн Крестителым акузиткақыфтә.

Иисусым Нальхускаңа Мыкылғйқ Тугнығам Йтқә

¹⁴Юлгутыхлъягнун утығнигыята, юғым такулюку Иисус, ага сыгыскухтыңинәмағми мануңакун пикақ. ¹⁵Пикә: «Атанық, иғнықа наңлығыгутахтигу! Сяюпахталгүқ, ынңәталъ икфиқңуқ. Аўын кынғыгнун ұльхахтақуқ налиғмың мыққұтақуқ. ¹⁶Малихсәхтыхпынун тагисяғақа, иўырңа нальхутыпагниңиткәт».

¹⁷Иисусым пикй: «Лпыси югни, ухпыкильхитусилью, сығлығуағүсилью! Натын тахкән лпысининьяқсиңа ухпықысқыльюңа? Мыкылғйқ хўавык тагитыху!»

¹⁸Иисусым ағыоқә тугнығақ, тәхкын аныхкақ мыкылғйғмың ынкәм таўаниңинақ нальхуткақ мыкылғйқ.

¹⁹Тәхкын Иисус лъңинахсян малихсәхтыңита такулюку аптыкәт: «Сяңан хўаңкута анысныңмың ахтуғыстыху тугнығақ?»

²⁰Иисусым кймсиқй: «Қаюхляк ухпыкильыхқыстәхәлғйси. Ипа уңипәтамси, ухпыкильыльгуяқуфси горчицам пйтутыскухан

аңталнатун, уна нәйғақ пикуфсигу: “Иңавык нұхтын!”
 нұхнаяхтуқ. Ынкәм сяңұа алңунак ахтуғнаянғитахси!»
 21 *Иўырңа таўатылңуқ туғнызақ юғахїнахқунлтью,
 посталтьыхқунлтью анысяхқақаси.*

Иисусым Акузиткынқихтықаңа Тукулъыққани

22 Малихсәхтыт қырңуғусята Галилеями Иисусым
 пикї: «Иғныға Югым тугулюку тўныльықат югнун,
 23 ынкәм тукулъықат. Иўырңа пиңайїтаңани ағнығым
 уңувахтысяхқәгуқ».

Тәхкын малихсәхтыт қивғуҳлъякат.

Иисусым, Петырым Лъивикыхкат Храмым Налога

24 Тәхкын Иисус малихсәхтыкулъхїт Капернауымун
 тагията, Храмым налогмың қырңуғтистыңита такулюку
 Петр аґптыкәт: «Апыхтуғистызи Храмым налоганың
 лъивикйқә?»

25 Петырым кїмсиқї: «Аа, пїқуқ». Петр итығян
 мыңтығамун Иисусым алыхқуғьюхўақә: «Симон, натыта
 лъпык сюмыхпыни? Кинкуңўақат нунат умїлгита
 лъивикистақыхкаңит альяхїнағмың налогмың?
 Нуналгутмыхның пїқат налиғмың накумїның?»

26 Петырым кїмсиқә: «Накумїның».

Иисусым пика: «Ынкәм умїлгыт югит лъивикинәнғитут.
 27 Иўырңа сығлығьюхсюнғитапуң налогмың қырңуғтистыт.
 Ынкәм нулюғя нәйвамун иқальюхтақсюхәхпык қанғани
 нәлькыльықан мани. Тугулюку лъивикусяхтуғнакыфкуң».

Кина Аңыльыхпигәўа?

18 1 Тәм киңуңинаның малихсәхтыт Иисусымун
 тагилютың аґптыкәт: «Атаныхпагульхани Қиляғым
 кина аңыльыхпигәўа?»

2 Иисусым тахсиғлюку тағнухәк ныкывыстыкә
 қукїтхун. 3 Пикї: «Ипа уңипәтамси, итығнәнғитңўахтуси
 Атаныхпагульханун Қиляғым ұйтқукун тағнухәғыстун
 лъїқуфси. 4 Кина алңунак укалїхлъыхї ұтун
 тағнухәхтун, аңыльыхпигәгуқ Атаныхпагульхани
 Қиляғым. 5 Китум алңунак атымкун тугукльиныңминиғу
 хўатылңуқ тағнухәк, хўаңа тугукльиғақәңа. 6 Иўырңа

китум алнунак сығлыққыстыкагу наліт мыкыстāхāt ухпықиңалгит хўаңамның, итагнағнаяхтуқ юк қамқахфикльюку уяқўахкун уйғахльягмың калыфсяқумыхтыху ўсқалъханун кыльйм».

Якуғнальха Сығлықкыльхым

7 «Сығлығўағунақнўт югыт қаюхльяк нунами хўани нангйкулъхытупихтут сығлықкыльгмун. Нангйкулъхыт сығлықкистимун пияхқāгут, иўырңа сығлығўағунақнўк кина сығлықкыстилгй югның!

8 Йыхыпк налиғмың итыгахпык сығлыққыстыкаңатын, кыплъюки ыхнакытын! Итагнағатағнаяхтутын кынлыңилнўгмун уңуалъгмун йтқувык, йхитығнāхпык налиғмың итыгйтығнāхпык милботыльхқахпының кынлыңилнўгнун кынгыгнун, иңлюхтун йхылиғлютын налиғмың итыгалиғлютын.

9 Йыхыпклью сығлыққыстыкаңатын ипуглюку ыхнакын! Итагнағатағнаяхтутын кынлыңилнўгмун уңуалъгмун йтқувык иңлюпигақ йскыльюку, милботыльхқахпының кынғанун геенам иңлюхтун ийылгулютын.

10 Ыатахльяк, укаликыхпынаки налихйнйт укут мыкыстахāt. Уңипāтамси, қиялгми якулгита қўнпың Атама қиялгмылнўм хинā ысхағақāt. 11 *Иғныға Югым тагикāгуқ югулиналюки ифльякат».*

Уңипағātкыхкақ Ифльякақ Пынъйқ

12 «Сюмыхпысини сянаяхта юк юк талъимат пынъйлык, атāсиқ ағуляқсяқан? Ивағьяхтуғнаяхтагў ағуляқыхкақ унилъюки 99 пынъйни қыминилъюки? 13 Ипа пймси, налькыхкумигу қуякыхльягьяхқақā



(От Матфея 18:13)

пакихульюку 99ының агуляқумаңилңуғның.

14 Таўатыҗпигақ Атахпыси қиялғмылңўм пиюкыльқынғитā налиҳйнит мākут мыкыстахāt ифльясқыльюки».

Ухпықалгутым Анахутыльха

15 «Ухпықалгутыхпык сығлытун пикаңатын, лъңинаҳалюку уңипāнъақын анахутыльханың.

Нагаскумитын тāўа илялиғунъықихлъықутык.

16 Иўырңа нагасюңилъкаңатын, такунқиһнақын кыльқыльюку атāсиқ налиғмың мālғук ухпықалгутык лйсимакыстыңулюокык сямың пилъыҳпытығның.

Таўатын пилғатын қаюҳлъяк Акузитыт Игақыхкат апыхтўсяқāt мālғук налиғмың пиңают лйсимакистыт

ипапиҳқысяхқақāt анахутыльық. 17 Иўырңа

нагасюңилъкаки апыңнақиси юғағвигым

югитнун. Нагасюңилъкаки талўа юғағвигым юги,

кияғунъақиси язычнигыңулғйстун, налогомыңлъю

қырңухтистыңулғйстун.

18 Ипа уңипāтамси, сяңўā алңунак асиҳтыкуфсигу

нунами хўани, асиҳсяхқағук қиялғмылью. Сяңўā

алңунак итымускуфсигу нунами хўани, итымусяхқағук

қиялғмылью.

19 Иляңаныңлъю уңипāнъақамси, нунами хўани

мālғугулютык итагнакутңукуфтык āпналютык сямың

алңунак, Атама қиялғмылңўм апығйхлъықā лыпытығнун.

20 Қаюҳлъяк мālғухāt налиғмың пиңаюхāt қырңугуската

хўаңа атымкун, акулңитнисяхқағуңа».

Уңипағātкыхқақ Сығывутинғилңуқ Қыпхәхта

21 Тāхкын Петырым такулюку Иисус āптыкā:

«Атанық, ухпықалгутма сығлытун пимаңинақаңаңа

натын угляхқақāн сығывусяхқақсикун? Кытўыль

мāграғвинляк?»

22 Иисусым кймсиқā: «Мāграғвинлыхйнақ

сығывусяхқақынғитан, иўырңа 70 х 7. 23 Таўатын пймкын

қаюҳлъяк Кияғнығым иглығутилъха Атаныҳпагульхани

Қиялғым хўатытук: Умйлғым қыпхәхтыми игйт

ювғйгьяхтуқй ысҳағналюки асыңытуляңит. 24 Иўынлъю

игйт ювғйғакй, умйлығмун итхуткāt қыпхәхта асыңылык

10,000 манимың. ²⁵Таўатын аңкән маниңилңуқ лъивикӯсяхқамың асыңыминун. Ынкәм умйлгым акикысқыхкй лъңа, нулиҳа, авақутї, сягьяңилъю лъивикӯсялюки асыңыңанун. ²⁶Иўырңа қыпхақта сикмӯльюни умйлгым мануңакун манигӯтыпихлъюни пикә: “Утақйғақтың! Лъивикнәғақа қамахтыңъўағлюку!” ²⁷Умйлгым наңлгыгьягульюку пуйгусқыхкә асыңыңа ынкәм аныстыкә.

²⁸Тәхкын тәна қыпхақта аңлюни нальяқә қыпхақтылгутни юк талымат манимың асыңықәқ. Акуқағлюку уяқхўакун пикә: “Лъивикиңа асыңыхпының!” ²⁹Қыпхалгутаңан сикмӯльюни наңлгыхсипихлъюни пикә: “Утақйғақтың, лъивикыльтықамкын”. ³⁰Иўырңа югым нагасимаңилькаңа, йығлыги анусимиңльгяхтыстыкә кынляңа асыңыңа лъивикыльханун. ³¹Иляңита қыпхақтыт ысхапаглюку таўатын пильха, сығлыгьягутыхльглюку умйлгымыхнун апыгьяхтуқат. ³²Ынкәм умйлгым қыпхақта тәна тахсиқльглюку пикә: “Уоқ сығлыпыстәқ қыпхақта! Лығанңам сығвутамкын асыңыхльгяхпының, қаюхльгьяк наңлгыхсилғитын. ³³Қыпхалгутын наңлгыгьягусяқльгыгистун катам хўаңа наңлгыгьягутыльымтун льпык!” ³⁴Умйлгым сякшитыпихлъюни тәна қыпхақта аглятыстыкә амьюткистынун анусимиңльгягвигмылңуғнун кынляңа қамахтыңъўағлюку асыңыңа лъивикыльханун. ³⁵Ысха таўатыхпигақ Атама қиягмылңум қамахлъюси пияхқйси, қамакын илюхпысиның сығвуньыңилькуфсики юлгутыси).

Апқуғальхыт Пыльхутутыльгымың

19 ¹Иисусым тамәкут апыхтӯсяқныңмың тәқсямики агуляқыхқәқ Галилеямың, нунаңанун Иудеям, иңлюңанилңуғмун Кйўым Иорданым. ²Юлгутыхльгягит малихльгығаткәт ынкәм таўани нәлхуқуқй қинуюгыт. ³Иляңита Фарисеит такулюку анагнйльқавигиғналюку апытыкәт: «Лйлихтӯсямнби итагнахтә югым пыхтыкумигу нулйни сяңўә аңунак апальюқльюку?»

⁴Иисусым кймсиқй: «Атихтйгастыкй Акузитыт Игақыхқат хўатын пильхит: “Пйнлигьюхўальгыгми

Кияғның юңлъяғақнами улимакақыхкык югылью, ағнәмлью?»⁵ Ынкәм пикй: «Тәна апальюқльюку югым атанилью, нәнилью унильюокык, нулихқульхйк қырнуғульықук, ынкәм атәсйхльықук югусйк. ⁶ Ынкәнам мәлғугунанихтук, атәсйхтук югусйк. Тамәкын апальюқльюку Кияғныңым қырнуғутыстыкакык йықай югым пыльхутутыснығилыкык».

⁷ Фарисейт әптыкәт: «Сяңанми Моисейем Лйлихтүсялитилью югмун игалитысқыльюку нулиха пыхтусихқамың, әнысимәнлью?»

⁸ Исусым кймсиқй: «Моисейем пыхтысяхқәхтыстыкақй нульси қаюхльяк пиныхльюгульдйси. Иўырңа пйнлиғьюхәльығмың Кияғныңым таўатытысяхқәнгиньбилюку пикақсяғә. ⁹ Ынкәм хўаңа пймси, югым пыхсяхқакынцитә нульни ұйткукун гылдағнйқан. Пыхтыкумигу сямың альяның апальюлиғлюни, нулихтунқихтыкуми гылгағнйгульықук нулихқынҳамикун».

¹⁰ Малихсяхтыңита пикәт: «Тәнаңинахәкан апальюқ югым пыхтусихқә нульгминун, йок нулихтунгитығңәғми итагнағнаяхтук».

¹¹ Иўырңа Исусым пикй: «Тәна апальюқ тамахағми тугукльиғнәнцитәт, иўырңа Кияғныңым иляңитнун тугукльиғьяхқәхтыстыкақә. ¹² Иляңи югыт нулихтйгатут альыхқәтмыхның евнухыңьулютың. Иляңи нулихтйгатут қаюхльяк югыт евнухыңльяқакйт. Паниның иляңи евнухыңўәқут пиниғатағатун қыпхәнәлюку Кияғның Атаныхпагульхани Қилягым. Китум алңунак тәна тугукльиғьяхқакыхкумигу, тугукльиғлигу».

Исусылью, Тағнухәтлью

¹³ Тәхкын тағнухәт тагиткйт Исусымун сәфльюки юғәткысқыльюки. Тәўаңинақ малихсяхтыт иныхтыкйт тагитистыңит тағнухәт. ¹⁴ Иўырңа Исусым пикй: «Йықай тағнухәт тагилит хўаңамнун. Иныхтыхпынаки, қаюхльяк Атаныхпагульхә Қилягым тағнухәғыстун аюқылғйт пикәт».

¹⁵ Ынкәм сәфтақльюки қуястыкй, тәхкын ағуляқыхкақ.

Акльюңилңуқ Нукальпигақ

16 Тәхкын югым такулюку Иисус әптыкә: «Апыхтуғиста, сяңўә пинилгй пияхқақсикун альхыгутусихқәлюку кынлыңилңуғмың уңувалығмың?»

17 Иисусым пикә: «Сяңан әпсиңа сяңўә пинйтаңа? Атәсихәгуқ пинилгй. Кынлыңилңуғмың уңувалығныюкувык қәткики Кияғнығым қылғусй».

18 Нукальпигам әптыкә: «Накут?»

Иисусым кймсиқә: «Юхтахпынаң. Гылғағнйхпынаң. Тыглыхпынаң. Иқлыңиқуткихпынаң. 19 Құлвағлюкык атанлюю, нәнлюю. Пиниқльюки юлгутытын пиниқылғыхпытун лыпынун».

20 Нукальпигам пикә: «Қамахльюки тәкут қәткақанка. Сяңўәлюю пияхқақсикун?»

21 Иисусым кймсиқә: «Нәмихтыңўәғьюкувгу Кияғнығым писқылғыхә лыпынун, агляглютын қамахльюку сягян акикльюку, акиңа тамәна акльюмалгйнун тунқуғнакын. Ынкәм қиялгми акльюңилгульықутын, тәхкын тагилютың малихнакывңа».

22 Нукальпигам нагалъюку, агуляқыхқақ йльқыпихльюни қаюхльяк акльюңитыпихльыхй.

23 Тәхкын Иисусым малихсяхтыни пикй: «Ипа пймси, пияқнағьяхқәгуқ акльюңилңуғмун югмун итылғыхқә Атаныхпагульханун Қиялгым. 24 Уңипәнбақльятағамси иляңаның, пияқнйсяхқәгуқ верблюдым сюфльюгутылғыхқә сикӯм ййңакун, акльюңилңӯм югым итылғыхқәның Атаныхпагульханун Кияғнығым».

25 Малихсяхтыт нагасямыхтыху таўатын пилғык сягйғаюхльягумағмың пикат: «Кинаңам югулилғыңылғықа?»

26 Иўырңа Иисусым таўавыхльюўәқ ысхағлюки пикй: «Югыт пияхқақынғилықәнит, Кияғнығым пияхқақй».

27 Тәхкын Петырым пикә: «Ысхақахқутқун, сяңўә қамахльюку унильюку малихтықақамкын. Сяңўәңам альхыхльықыстыху?»

28 Иисусым пикй: «Ипа пймси, нутағами нунами Иғныға Югым ақумылғықуқ умйлгусигныкун ақумутагмикун ниғуқхылығымини. Тәхкын лыпысылью малигуткани

хўаңамнун ақумлюси қуля мālғук сїпнықльюку умїлгым ақумутїтхун, игльцутилъькуси қуля мālғук сїпнықльюку рамкыни Израилым. ²⁹ Ынкām хўаңа апальюқльюңа килью алңунак унискумыхтыки мыңтығатың, аңлыгutyтың, наятың, ататың, нāтың, авақутатың, налиғмың пїтысиғавитың, нуляльькут ѳк талъиматальпаглюку. Кынлыңилңуғмыңлью уңувалъьгмың альхығулъькут. ³⁰ Иўырңа аңылгїлцутыт укалїхльькут ынкām укаванлыңўт аңылъхухльькут».

Уңипағātкыхкат Қыпхақтыңи Пїтысиғавигым

20 ¹ Паниның Исусым пикї: «Атаныхпагульха Қиялгым юхтун аюқуқ виноградымың пїтысиғавилык. Унāнулюку āнлюни тугульсяхтуқак қыпхақтыкақхамың пїтысиғавигминун. ² Ағныңмун таўавык итагнақыхкї акилыхтуғналюки атāсикахтāн динарийемиң, тāхкын қыпхағьяхтыскї. ³ Стаманың иңлюлык кыльягми āнықихльюни ысхақї югыт ныкывгатағульхїт сяхпынатың акильпыгагвигми. ⁴ Ынкām пикї: “Лпысылъю пїтысиғавимнун қыпхағьяхтык, акилыхтуғнағамси қыпхалъьхпысистун”. ⁵ Ынкāңам қыпхағьяткат. Тāхкын ағныңым қукāнилью, пиңаюмилью кыльягмилью таўатын пилъятақак. ⁶ Иўынлью талъиматни кыльягми, акильпыгагвигмун пикақ, таўаңуқ паниның югым иляңи ныкывгатағакыфтут. Аптыкї: “Сяңафси хўантақыстык ағнылькусиқ сяхпынаси?” ⁷ Кїмсиқāt: “Қаюхльяк китум алңунак тугунгилькәңилью қыпхақтыңулюта”. Ынкām пикї: “Нақам лпысылъю қыпхағьяхтык пїтысиғавимнун”.

⁸ Иғивгағьягу пїтысиғавилгым пикā қыпхақтыт нāскўтистыңат: “Қыпхақтыт туқльюхтыңлюки акилыхтухтықхи киңулиғның сивулиғнун”. ⁹ Талъимами кыльягми қыпхағьяткат тагиляғāсымың акилыхтўсяңыхкат динарийякахтāн. ¹⁰ Ынкām сивулїт қыпхақтыт акилыхтўсяңатағағнақнилютың пикāялгїт, иўырңа тагиляғāсылгїмың льңитлью акилыхтўсяңыхкат динарийякахтāн. ¹¹ Акилыхтўсяңьямың қиврāгуткāt пїтысиғавигым юга. ¹² Пикāt: “Киңулїлюки тугукақтың қыпхақтут атāсиғагмун афльюмун. Хўаңкута

уғлығиҗтукут пуқлығхлыгми ағныльқусиқ, иўырңа акильхтуғатын хўаңкутыстун аңкән”. ¹³Иўырңа югим пикә атәсик: “Нагатахтын, илякумтәмни, пұхныңитамкын. Итагнақыхкақан қыпхағналютын атәсиҳағмун динарийемун. ¹⁴Ынкәм тугулюку акильхтүсян ағлә. Акильхтуғыюганка киңулит югыт тугуканка акильхтүсяхпытун аңкән. ¹⁵Пиюкылтымтун маника атуғьяхқақа. Ақиназйн иғлыгитутымның?”»

¹⁶Тәхкын Иисусым пикй: «Ынкәм тамәкут киңулит сивулиҗсяхқәгут, сивулит киңулиҗсяхқәгут».

Пиңайткун Иисусым Әпқана Туқулғыхқани

¹⁷Иисусым Иерусалимымун маёткыльюку юлгутның әфуткй қуля мәлдук сйпнықльюку малихсяхтыни алыхқуғнәлюки. ¹⁸Пикй: «Нагатык, Иерусалимымун маюгнакукут. Таўани Иғныға Югим тўныльықәт первосвященнигынунлью, апыхтуғикаюгнунлью Лйлихтүсяның ынкәм нанқихльюку туқусяхқәнилықәт. ¹⁹Тәхкын язычнигунун тўныльықәт. Таўани лыгасйғўәткыльықәт, кахсягмихльықәт, қақұрахльықәтлью. Иўырңа пиңайтаңани ағнығым уңувахтысяхқәгуқ».

Нәм Туңсилхә

²⁰Тәхкын Зеведейем иғнығыхкынка нәңат тагикақ Иисусымун иғныгығни кыльқыльюкык. Мануңакун сыгыскухтыкақ әпфикналюку.

²¹Иисусым әптыкә: «Сямың пйқсин?» Ағнам кймсиқә: «Акықйңа Атаныхпагульыхпыни иғнығыхка ақумыснакыхкын әльхә ағынқигныхпыгун, иляңа сяғумигныхпыгун».

²²Иўырңа Иисусым пикй: «Лйгикынғитахси сяңутаңа туңсиқахси. Мығвикнаягыстыхў қаюсиқ мығьяхқақа?»

Кймсиқәк: «Пияқльыгўкуң».

²³Иисусым пики: «Қайўа қаюсимның мығылғыкутык, иўырңа хўаңануңгитук накмиғьяхқақ кимлью ақумьяхқәткык ағынқигнымкунлью, сяғумигнымкунлью. Атама ятәхқыхқақәк тәкук ақумвихкак накмикыхкаминун».

24 Тәкут иляңита қуля малихсәхтыт
 нагақуғъямыхтыкык сяматкык аңлыгуткулъхйк
 угумиягуткахкыт. 25 Тәхкын Исусым туқлъюдлюки
 малихсәхтыни, пикй: «Лйсимакаси язычнигыт
 иглығутистыңита атанғутақйт ютың, аңўағухтыкатлъю
 югита юкықуткақйт. 26 Иўырңа лыпыси
 таўатысяхқанғитуси. Налихси иглығутистыңуюкуми
 қыпхақтыңуҳлы лыпысинун. 27 Налихси
 аңылъхыпигәюкуми қыпхақтылйғухсяхқәгуқ лыпысинун,
 28 катам таўатын Иғныған Югым пильхатун. Тагимаңитук
 қыпхәтысқылъюни иўырңа тагикәгуқ қыпхәтиналюни,
 тўналюкулъю уңвалъыни навыхқылъысиқналюку
 угляпихлъыхйнун югнун».

Исусым Нәлхускык Аякак Югк

29 Исусылъю малихсәхтыкулъхйт Иерихонымың
 ағуляқумалюки юлгутыхлъягым малихтыкәт Исус.
 30 Тәўаңуқ тумыт сяниңитни аякак югк ақумлютык.
 Нагақуғъямыгныгу Исус нағуҳнилюку акилғукак:
 «Атанық, Иғнығани Давидым, наңлъыгьягутахтикуң!»

31 Юлгутым иныхтыкакык, ныпйғысқылъюкык. Иўырңа
 қывўтағалъюку ўата акилғукак: «Атанық, Иғнығани
 Давидым, наңлъыгьягутахтикуң!»

32 Ынкәм Исусым ағулиғлюни туқлъюдлюкык
 аптыкакык: «Сясқылъютык пйқыстык хўаңамнун?»

33 Кймсиқәк: «Атанық, ийыпут ысхақтыстахтики!»

34 Исусым наңлъыгьягульюкык ййңит сәфтыкй.
 Таўаниңинақ ысхәсәгуткак ынкәм малихтыкәт.

Исусым Кәтылъха Иерусалимымун

21 1 Исусылъю малихсәхтыкулъхйт туғәгьялғймың
 Иерусалимымун, кәткәт Виффагиямун Елеоным
 найғаханун. Таўани каяхтыкакык мәлғук малихсәхтыгни
 иглыхтыкыстйсқылъюкык. 2 Хўатын пикй: «Иңавык нынун
 ағлялютык таўаниңинақ ысхахлъықахтык пытуғналғй
 осәл нугалык. Итымлъюкык тагинъакыхси хўаңамнун.
 3 Китум алңунак сямың пикаңистык, хўатын пинакыси:
 “Атанғым аклъюкәк”. Таўаниңинақ тагитыслъықәк
 хўаңамнун».

4 Хўатын пикафтуқ апығиғналюку ўкналиқистым пильха:

5 «Уңипәсяхтухқи, Сионығмит:

“Ысхақахтыхукун, умйлыхпыси такўақиси.

Қусывығңақ осёлыкун иглыхтақуқ,
осёлым нуғакун”».

6 Ынкām малихсяхтык иглыхтыкыстағлютык

сивуңитни, Иисусым писқылъхатун пикак. 7 Осёл нуғахтўман тагиткāk Иисусымун. Қасльйт āткатың матахльюки тыдикусяк қайңитхун льикйт. Тāхкын Иисус ақумыхкақ. 8 Юлғутыхльягым тумытхун āткатың сяхтыкйт, ынкām иляңи уқфигым аваяның икутақльютың тумыт льиляхтуғвிகыхкйт. 9 Юлғутығлягыт Иисусым сивуңанилңўтлью, киңуңанилңўтлью акилғўткат:

«Усюқнаҳалык Иғныға Давидым!

Кияғнығым қуясльигу тагилдй āтхакун Атанғым!

Усюқилтъық қиягмылңуғмун!»

10 Иисус итығьян Иерусалимымун, қамахльютың Иерусалимығмит кагайгунъықыхсяткат хўатын пимағмың: «Кинаңаўа уна юк?»

11 Иисусым малихтыстыңита юлғутыхльягыт кймсиқйт: «Иисусыңўқ, ўкналиқиста, Назаретымың Галилеямылңуғмың пиңўқ».

Иисус Храмымун Пилдй

12 Иисус Храмымун итығлюни āнысқуқй қамахльюки тукфихтулғйтлью, акикулдйтлью. Тāхкын манимың навыхқухтытлью қаюғвигит улъыхқуқй, ақумутйтлью қаўағмың акильпыгахтыт. 13 Ынкām пикй:

«Игақңақ Акузитни Игақыхкани:

“Мыңтығама атильқысяхқақā, Юғағвик”.

Иўырңа льпыси йғағвигухтахси тыглыгнйхтынун!»

14 Тāхкын аякатлью, иғульюгмылңўтлью такукāt Иисус Храмымун, ынкām нāльхуқуқй. 15 Первосвященнигытлью, апыхтуғикаюгытлью Лйлихтўсяның ысхапаглюки альъяхльюхўахтильхй Иисусым, нагальюкилью тағнухāt Храмыми акилдўлғйт хўатын: «Усюқилтъық Иғнығанун Давидым!» ынңātаль угумиюкат.

16 Ынкām Иисус āптыкāt: «Наганъыгисикй тағнухāt сямың пикатаңи?»

Иисусым кймсиқй: «Аа, нагатанка. Атихтйгастыху
Акузитыт Игақыхкат пильхит:

“Қаңгитхун тагнухәтлью, альхынхахәтлью
ятәхқыхкақан усюқилъық льпынун катам?”»

17 Тәхкын Иисусым унильюки, Иерусалимымың
Вифанияткақ қавағналюни тамәни.

Иисусым Палихтыстыкаңа Уқфик

18 Иисус унәңулюку утығниткыльюку Иерусалимымун
игатақақ. 19 Тумыт сйгүитни ысхақә смоквам уқфига.
Такулюку пияқминигу кукуңарәгинәфтуқ смокваңунани.
Ынкәм уқфик таўавык пикә: «Альямыңлью
пйтыстинәнгитутын». Таўаниңинақ уқфик палиқақ.

20 Малихсәхтыт таўатын пилці ысхапаглюку,
сйгйгаюгуткыльюку әптыкәт: «Натын уқфик
сюкатыпихльюни палихта?»»

21 Иисусым кймсиқй: «Ипа пймси, малгукльильңунән
ухпықильзылгукуфси, хұаңамтун пильықуси,
ысхапалыхпысистун смоквам уқфига. Таўатыңинақ
пинәнгитуси талұа уна нәйғақ каяхтыкуфсигу:
“Йкльютын льпынун мығмун миліотын”, лыған
пилықуқ. 22 Сямың алңунақ әптыкуфси юғакун
ухпықильзылгукуфси альхығусяхқәгуси».

Иглығутистыт Әпқуғәқаңат Иисус

23 Иисус кәльюни Иерусалимымун Храмымун
йтқақ. Апыхтуғималюку, первосвященнигытлью,
сйванльығытлью такулюку әптыкәт: «Уңипәтикут китум
қылыхтатын таўатын писқыльютын, налиғмың китум
қылыльхәкун таўатын пиңузин?»»

24 Иисусым кймсиқй: «Хұаңалъю әпнақамси.
Кймсиқуфсиңа хұаңалъю уңипәльықамси
китумун қылғуматка. 25 Китум қылыхтагу Иоанн
крестиғағисқыльюку? Кияғныхтәўә налиғмың югмың
пиңұа?»»

Тәхкын лңнитның акузимхуткат: «Сямың пинақыстыху?
Кймсиқумтыху Кияғныңмың пиңунилюку, хұатын
пилықйлью: “Сяңанңам ухпықынғистыху Иоанн?”»

26 Иўырңа: “Югмың пиңуникумтыху”, қымаль юлғутыт

сялбықйлью, қаюхльяк қамахльютың ухпықыхкāt Иоанн ўкналиқистыңунилюку». ²⁷ Ынкām кймсиқāt Иисус: «Нальюкаҳпут».

Иисусым пикй: «Хўаңалью уңипāнъāнғитамси китумун қылылтыңыхкātка таўатын пильымнун».

Иисусым Уңипағātкыхкык Югым Иғнығык

²⁸ Тāхкын Иисусым āптыкй: «Натын уна сюмыхтағātкылбықыстыху? Юғнуқ тāўа мālғугыгның иғнылык. Сивулиғмун пилюни пикā: “Иғнымни, ағнығми хўани виноградымың пйтысиғағвимнун қыпхағьяхāтын!”

²⁹ Иғныңан пикā: “Ўйн пиюңгитуңа”. Иўырңа ағнығми тākўани авутыхқылъюни қыпхағьяқак. ³⁰ Тāхкын тўңлихāнун иғнығми пилюни, таўатыхпигақ пикā. Иғныңан пикā: “Āа, пильықуңа”, иўырңа пимаңилңуқ».

³¹ Иисусым āптыкй: «Налйм иғныңан қātкыхкақагу атани?»

Кймсиқāt: «Сивулйм».

Ынкām Иисусым пикй: «Уңипāтамси налогмың қырнұхтыстытлью, ағнатлью акикикаюгыт югусимыхның сивухпысини итығātңўт Атаныхпагульханун Киягнығым.

³² Иоанным Крестителым уңипāсяхтуқақйси натын кияхтылтыхқамың Киягнығым пиюкылъхатун, иўырңа ухпықумаңитахси. Нақам налогмың қырнұхтистытлью, ағнатлью акикикаюгыт югусимыхның ухпықыхкақāt.

Талўа киңуңаның ысхапакақығнāхпысики ухпықыхкаңат Иоанн, паниның лыпыси авутыхқылъюсилью сығлыхқынъанильхитуси, ухпықумаңитахсилью».

Иисусым Уңипағātкыхкаңи Сығлығыт Пйтысиғахтыт

³³ Иисусым пикй: «Иляңа уңипағāн нагатыху.

Тāўаңуқ йок пйтысиғақак виноградымың нунамикун.

Миңльюлюку, лйгуткакык виноградымун қагыхқўсик,

ныкыфтыкālью ўсқалғй кылыңакивихкақ. Тāхкын

навғиткā виноградымың пйтысиғағвини пйтысиғахтынун

афльыңакысқылъюку. Тāхкын лъңа иляңанун нунам

агляқак. ³⁴ Сяғнаяхқāхсята виноградыт, пйтысиғағвилгым

қыпхахтыни каяхтыкй ныңини ақфасқылъюки.

³⁵ Иўырңа пйтысиғахтыт акуқағлюки қыпхахтыт,

атәсиқ анагулыхтәкәт, иляңа туқуткәт, пиңайт милюхпагәтахинақ туқуткәт. ³⁶Қыпхәхтыми иляңи каяхлъятақй, сивулиғның углягатағәглюки, лъңитлью таўатыңуәқ пилъятақйт. ³⁷Қынўат игныни каяхтыкә лъңитнун, хўатын пимағми: “Ипапыстәқ сйвакылъықәт игнықа”. ³⁸Иўырңа пйтысиғахтыт ысхәглюку пйтысиғағвилгым игныға хўатын пикат: “Ўм игныған пилйльықә уна нуна атани туқукан. Туқускумтыху хўаңкута пилйльықахпут уна виноградымың пйтысиғағвик”. ³⁹Ынкәнам акуқағлюку, пйтысиғағвигмың милёльюку туқуткәт».

40 Иисусым әптыкй: «Пйтысиғағвилгым тагикуми сяльықаки пйтысиғахтыт?»

41 Первосвященнигылтью, сйванльыгылтью кймсиқәт: «Сығлыпстәгун туқулъықй тәкут сығлыгылт югыт. Тәхкын навғилъықә пйтысиғағвини альянун пйтысиғахтынун. Сяғналъыхқақ кәскан ныңйльықәт».

42 Иисусым пикй: «Атихтйгастыкй Акузитыт Иғақыхкат хўатын пильхит?

“Уйғак тәна мыңтығаңльяхтыт ихсякыхкәт
мыгнуналъыхпигәхтыкәгуқ уйғак.

Тәна Атанғым пилькә, ураң пинилъыхпигәгуқ
хўаңкуньун!”

43 Ынкәнам уңипәтамси, Атаныхпагульхә Кияғныңым лъпысиның аўисяхқәгуқ, ынкәм тўняхқәгуқ югнун пйтыстияхқанун плодыңаның Атаныхпагульхым». ⁴⁴«Кина алңунак тәхун уйғажкун иқукуми, пылимьяхқәгуқ. Кина алңунак тәм уйғагым ифкағвикыхкумигу сифтәхқылъықә».

45 Первосвященнигылтью, Фарисейтью нагалъюки Иисусым уңипағәтәңи лйгикыхкәт Иисусымнуқ лъңит акузиткақыфтй. ⁴⁶Ынкәм тугуюақсықаңат, иўырңа алиңыхкат юлгутыхльяғның қаюхльяк ухпықыхқаңат Иисус ўкналиқистыңунилюку.

Иисусым Уңипағәткыхқаңа Ныңуҳнақылғйм Нықынғахқылъхә

22 ¹Тәхкын Иисусым апыхтуғлятақй тәкут югыт уңипағәтйтхун. Пикақ: ²«Атаныхпагульхә Қиялығым хўатытуқ, умйльгым игныни ныңуҳнақылғй

ятāхқуткā нықынғахқуньялюку. ³Қыпшақтыни каяхтыкй уңипāсяхтйскыльюки тахсиқльықат ныңуғутым нықынғахқылъханун тагиляғāтыскыльюки, иўырңа тагиюнғиткат. ⁴Тāхкын умйльгым пикй иляңи қыпшақтыни: “Уңипāсяхтухтыки тахсиқльықанка нықынғахқылъымнун, ныгьяхқанңуқ апығйхтут. Тукутйхтысимāнка юхтāнығның тығикусяның, қуўинталғиныңлью нуғағның. Ынкāм сяңўā қамахльюни апығйхтуқ. Тагилиннуқ ныңуғутым нықынғахқылъханун!” ⁵Иўырңа ақылъқахқат тахсиқльықит ўāкумаңилнўт. Йығлыги навык сяхтўткат, атāсиқ пйтысиғағвигминун пикақ, иляңа акильпығағвигмун, ⁶умйльгым қыпшақтыңи иляңита акуқағлюки сякусйқльюки тукуқуқит. ⁷Умйлык сякшитыхльякақ ынкāм пильюўахтыни каяхтыкй. Тукуқуқит юхтақат, кумахтыкātлью ныңат. ⁸Тāхкын қыпшақтыни пикй: “Ныңухнақым нықынғахқусихкй апығйхтут. Ақылъқаңльякақсяқынка сығлытун пикātмыхның тагипағниңитут. ⁹Ынкāңам āнлюси тумынун нальяқаси қамахльюки югыт нықынғахқысяхтйскитыки”. ¹⁰Қыпшақтыт āнлютың тумыни қамахльюки нальяқатың сығлыгуяғнāта, пинигьяғнāта ныгьяхтйскыхкй, ынкāм ныңуғутфик ыслъықағахтыкақ.

¹¹Умйльгым ысхағьяхтуғьяқминики ақылъқат, ысхақā йок āсимаңилнуқ ныңухнақылғим āткāмың. ¹²Ынкāм āптыкā: “Илякумтāмни, натын итыхсин ныңухнақылғим āткāмың āтыхпынаң?” Югым кймсихпағниңиткā. ¹³Тāхкын умйльгым қыпшақтыт пикй: “Йхилью, итыгйлью асйхльюки қагавык мамлыгмун милйотыху, таўани югыт қияльықут хутытыңлью тышқитāхтахльықит”.

¹⁴Иисусым тāқниқй акузилъыни хўатын: «Угльпыстāқ тахсиқльықāғнāн, иўырңа паляхāгут накмикыхкāt».

Апқуғўālъық Налогмың

¹⁵Тāхкын Фарисейт унильюку Иисус ағткат натын анагнйльқавигиғналюку Иисус акузилъақун. ¹⁶Ынкāм каяхтыкй иляңи малихсяхтытын, иляңилью Иродианыт Иисусымун. Хўатын пикāt: «Апыхтуғиста, лйсимакамкын акузйқутын ипаңулюку. Апыхтўсянлью натын Кияғныңым

кияқтысқысюльха ипаңуқ. Аңуагуяңа, укавансяңа паниның апыхтуғакатын тауатыхпигақ. ¹⁷Ынкәм уңипатахтикут натын сюмыхтағалыхпының. Кияғныңым Лйлихтүсяни ылькугутна лъивикильхқахпут налогмың Кесарымун? Лъивикильтаа налиғмың пингитыльта?»

¹⁸Иисусым лйсимакихкй сығлытун пиюгукаңат, ынкәм пикй: «Пинйюгныңни лыпыси! Сяңама анагнйльқавигиғнақуткыстыңа? ¹⁹Кылгувикитыңа манимың налогмун лъивикисихқамың.

Ынкәм тагиткāt манимың. ²⁰Тәхкын әптыкй: «Китум хинақагу уна? Китум әтқагу уна?»

²¹Кймсиқāt: «Кесарым».

Ынкәңам Иисусым пикй: «Түнитыки Кесарымун тамәкут Кесарым пиңи, түнитыки Кияғныңмун тамәкут Кияғныңым пиңи».

²²Нагасямыхтыху сяғйғаюкат тәхкын унильюку ағуляқыхкат.

Саддукеит Анагнйльқавигиғнақуткыхкаңат Иисус

²³Таўани ағныңми Саддукеит әпсяхтуқāt Иисус.

Тамәкунūt ухпықиңигалнūt тукукат уңувахтыкаюгутәңи.

²⁴Пикāt: «Апыхтуғиста, Моисейем Лйлихтүся пикәгут: “Юк нулихтуғлюни тукукан авақутихпынани, аңлыгутаңан тугуяхқақә угиңиғақ авақутињьялюку аңлыгутни тукукақ”. ²⁵Мәнсяхтут мағрағвинлык югыт аңлыгуткульхйт. Нуйыкльық нулихтуғлюни авақутихпынани тукукәгуқ. Ынкәм нулиха

аңлыгутаңан тугукә. ²⁶Түнлихәлью аңлыгутаңа туқуқ авақутихпынани. Ынкәм пиңаян аңлыгутаңан тугә тәна ағнақ. Қамахльютың тугәқльюку туқуляғәтут авақутихпынатың. ²⁷Киңулйлюни ағнақ тукукәгуқ.

²⁸Уңипатахтикут, уңувахтүтыльхым ағныңани китум ағнақ нулихқылбықагу, қамахльютыңқун тукукақыхкаңат?»

²⁹Иисусым кймсиқй: «Анахутнәси қаюхльяк лйгикигатаси Акузитыт Игақыхкат, талўа ахтуғьяхқәнғильха Кияғныңым. ³⁰Тукукат уңувахтүскумың ныңуғусяхқәнғитут, яқулгыстун қиягмылнұғыстун. ³¹Атихтйгастыху Кияғныңым

апыльха лыпысинун тукукат уңувахтүтыльықхитның?
Хұатын пикағуқ:

32 “Кияғнықәңа Авраамым, Кияғнықәңа Исаакым,
Кияғнықәңалю Иаковым”.

Кияғнық Кияғнықәт унувалдйт, накән тукукат».

33 Иисусым апыхтуғильха юлгутыхлыягыт нагалююку,
сяғйғаягутыхлыякәт.

Аңыльықпигақ Лйлихтүсяк

34 Фарисеит нагақуғьямыхтыки Саддукеит Иисусымун
ныпйхқұәнилюки қырңутат. 35 Атәсим Фарисеим
апыхтуғистыңан Лйлихтүсят әпқуғәкә Иисус
анагнйльқавигиғналюку. 36 Хұатын әптыкә: «Апыхтуғиста,
натуңәә аңыльықпигақ Лйлихтүсяни?»

37 Иисусым кймсиқә: «“Атаным Кияғныға
пиниқсяққақан қамахлююку илюхпыгун, қамахлююку
уңувасиқпыгун, қамахлююку умьюғақпыгун”. 38 Тәна
аңыльықпигәгуқлю, мыгнуналъықпигәгуқлю
Лйлихтүсяк. 39 Түңлихә аңыльықпигақ Лйлихтүсяк
сивулихтун аюқуқ: “Пиниқсяққатын юлгутытын
пиниқылъықпытун лыпынун катам”. 40 Тәкук
Лйлихтүсяк тунымәгук тамахйтнун Лйлихтүсянунлю,
апыхтүсйтнунлю үкналиқистыт».

Әпқуғәллық Христосымың

41 Тәхкын Иисусым әптыкй Фарисеит
қырңутатмалюки: 42 «Натын сюмыхтағәткақыстыху
Христос? Китум иғнықагу?»

Кймсиқәт: «Иғнықә Давидым».

43 Иисусым әптыкй: «Сяңанңам Давидым акузйқңами
Аглыңналдйғныкун Тағныцагныкун атихтагу:
“Атанығмың”? Хұатын пикалдй:

44 “Атанғым пй Атанқа, Ақуми ағынқигнымкун,
кынляңа аңуяхтын итығақпык асиңанун
лййхтыльымнун”.

45 Давидым атимакагу: “Атанығмың” натын иғнықагу?»

46 Налихйнитә Фарисеит кймсиқпагниңиткәт Иисус.
Тәхкын кынлыклююку китум алңунак тытутыгукәт
әпнығмың.

Иисусым Кылыңасягускаңи Апыхтуғикаюгыт
Лйлихтүсяның, Фарисейинлью

23 ¹Тәхкын Иисусым пикй юлгутытлью, малихсәхтынилью: ²«Апыхтуғикаюгытлью Лйлихтүсяның, Фарисейтлью ақумгәт Моисейем ақумутәкун. ³Тамәкын апальюқльюку қатқақитыки қамахльюки апыхтүсит льпысинун, иўырңа льңита сяльхит малихтыхпынаки. Сясақәси нақам льңита пиңигәтйт. ⁴Апыхтуғильхит Лйлихтүсяның пияқнапихтут югнун қатқысяқәлютың. Апыхтүсит уқихтуқастун амагыстун аюқут амахтыстақыхкаңит югнун, нақамлью талўа атәсиҳақ иғнығўахтың атуқигәтәт каюсйньәлюки амагитның.

⁵Қамахльюки пинитун пилғытың пйқйт ысҳәсәқналюки югнун. Тальимыхтыхунлью, қағумыхтыхунлью қильхутақйт патыхтәғәльюки сялңаўахәт Акузитның Игақыхканың ималгыт, қәслъимыңлью қуғәлькутйт тәкльюки улимәқйт.

⁶Нықынғақымьи,

ақумьюныхтүт
әңўағұхтыкат

ақумутитхун, синагоганилью таўатылңұхтыхун ақумьюныхтүт. ⁷Қўлвахтысюақут акильпыгағвигни, атйқсыюақутлью: “Апыхтуғистымың”. ⁸Иўырңа льпыси атихтыстыхпынаси: “Апыхтуғистымың” қаюхляк атәсйгуқ Апыхтуғистызи, аңлыгуткульхйстун аюқуси. ⁹Кина алңунак атихпынән: “Атамың” нунами хўани, қаюхляк атәсйгуқ Атази қиягмылңуқ. ¹⁰Талўа китумун алңунак атихтыстыхпынаси: “Иглыгутистымың” қаюхляк атәсйгуқ иглыгутистызи, Христосыңўқ. ¹¹Тәна аңылыхпигақ қыпхәхтыкаққақәси.



(От Матфея 23:5)

12 Кина алнунак лъңаның аңлистыкуми қусывыхтысяққағуқ, ынкәм кина алнунак лъңаның қусывыхтыкуми аңлистылбыңяхққағуқ».

**Иисусым Пинийогныңуникаңи Апыхтуғикаюгыт
Лйлихтүсяның Фарисейтлю**

13 «Иўырңа сығлығўағунақңўси лпыси апыхтуғикаюгни Лйлихтүсяның, Фарисейнилью! Пинийогныңўси! Ымгутақаси итыңнақылғйт Атаныхпагульханун Қилягым. Лпыси катам йтхигатуси, ағулихтақасилью итыгьюлғйт!

14 *Сығлығўағунақңўси лпыси апыхтуғикаюгни Лйлихтүсяның, Фарисейнилью! Пинийогныңўси! Ысхағлятақулюки угиңизат мыңтығйзақаси. Тәхкын пиниңнилюси писқылгьюси тәкльюку юзазақуси. Тамākын апальюқльюку ағьйлбыңыхльягьяхқәгуси!*

15 Сығлығўағунақңўси лпыси апыхтуғикаюгни Лйлихтүсяның, Фарисейнилью! Пинийогныңўси! Иглығәкуси кылтйкунлью, қўткунлью ивағналюку атәсиқ йок ухпыхнәлюку лпысистун. Тәхкын апыхтүсяси ухпықыхкаки апыхтүсяхпыси агляхтысяққәхльықә геенамун, ынкәм лпыси ағьйлбыңыхпысиның малғуҳқыңбән ағьйлбыңыяхқәғуқ!

16 Сығлығўағунақңўси лпыси, аякани иглығутистыни! Апыхтуғйкуси хўатын: “Кина хўатын пикуми: ‘Ақықйңа Храмкун’ тәна пикатңунғитуқ. Иўырңа кина хўатын пикуми: ‘Ақықйңа золотаңакун Храмым’ пияхқапыстәқә ақықусяни”. 17 Лпыси аякани тымңитхўастыни! Наликык мығнунағатағахтак, золото, налиғмың Храм ағлығнахтыстилғй золотамың?

18 Апыхтуғйкусилью хўатын: “Кина хўатын пикуми: ‘Ақықйңа ахқыфигыгныкун’, тәна пикатңунғитуқ. Иўырңа кина хўатын пикуми: ‘Ақықйңа тунусякун ахқыфигыгнлңуҳқун’, пияхқапыстәқә ақықусяни”.

19 Аяңахәлык лпыси! Наликык мығнунағатағахтак, тунусяқ налиғмың ахқыфигык ағлығнахтыстилғйк тунусямың? 20 Ынкәнам кина ақықикуми ахқыфигыгныкун, ақықиңўқ тәхунлью, сякунлью тамаҳакун ахқыфигыгнлңуҳқун. 21 Киналью ақықикуми Храмкун, ақықиңўқ тәхунлью, кияхльыхйкунлью таўани.

22 Киналью акықикуми қиялхун, акықиңұқ Кияғныңым ақумутахкынкунлю, ақумгалғикунлю таўани.

23 Сығлығұағунақңүси льпыси апыхтуғикаюгни Лйлихтүсяның, Фарисеинилью! Пинийюғныңүси! Кияғныңмун тўнақаси қуляхқылъхи нықмун нықниҳсятит, мятат, укропыт, тминыт. Иўырңа авылдағаса апыхтүсят мыгнунағатағалғит Лйлихтүсянилңүт катам: танильхитыльық, наңлыхталық, атасиғмытыльық. Такут атухқақсығаси авылдағайта иляңилью Лйлихтүсят. 24 Аякани иглығутистыни! Юхтун аюқуси нўйңағак мығьяхқаминың иқильюку тахкын верблюд тўфльықә!

25 Сығлығұағунақңүси льпыси апыхтуғикаюгни Лйлихтүсяның, Фарисеинилью! Пинийюғныңүси! Қаюсисилью сягнисилью қайңи сяңихтақаси, нақам имиңғат ұаяғниқахпысиныңлю, пакигнйльыхпысиныңлю. 26 Аяңалғи Фарисей! Сивукльюкык сяңихтикык илюңик қаюсимлью сягныңымлю ынкәм қаскульютыклью укмаңйльык!

27 Сығлығұағунақңүси апыхтуғикаюгни Лйлихтүсяның, Фарисеинилью! Пинийюғныңүси! Туқукат сялңагистун аюқуси пйнықыхкат қатылғиың. Ысқақәлютың қайңи пинихалык, иўырңа қама имақут ныхқуғругмыңлю, ағульығмыңлю. 28 Льпысилью таўатытуси. Қайыхпысиның пинихсюгнихльыгит, иўырңа илюхпысини пинийюғныңүси, апыхтүтқаси Лйлихтүсят атуқигатаси».

Иисусым Уңипәсқани Ағьблғыхқитның

29 «Сығлығұағунақңүси льпыси апыхтуғикаюгни Лйлихтүсяның, Фарисеинилью! Пинийюғныңүси! Мыңтығасқұаңльығаса лйивғитхун ўкналиқистыт, пиниғнахсяғасилью лйивғит тамәкут кияхтыкат ылькугульютың Кияғныңмун. 30 Тахкын хўатынлю пйқуси: “Нығиғлюку кияхтыкәяқумта сивунымнйи, туқуқулгусиғнаянғитңұағапут ўкналиқистының”.

31 Таўатын акузильыхпысигун лйигыкытуси, киңунқынйлюси туқуқуғтыңитнун ўкналиқистыт.

32 Ынкәм сяқыстык сивуныхпыси пйнлиқат апығйхтыху.

33 Нымығьяни льпыси, авақутитни нымығят!

Кияғныңым нанқиһтықаңиси ағыӊӊьяхқәнилюси, натын анагнақыстыху ағыӊӊльыққаҳси геенами? ³⁴ Ынкәм уңипәтамси каяхфикамси ўкналиқистыныңлӊю, лӊсималғӊныңлӊю, апыхтуғистыныңлӊю. Иляңит туқуқуқлығықаси, иляңит қақұрақлығықаси, ынкәм иляңит синагогахпысини кахсягмихлығықаси, иляңит нунағның иляңитнун малихқуқлығықаси. ³⁵ Тамәкын апальюқлығыуку лыпыси Кияғныңым ағыӊӊьяхқәқиси туқуқулығыхитнун қамахлығыуки кияхтыкат ылығыулығыуың Кияғныңмун нунами хўани, Авелымың Захариямун, иғныңа Варахиям. Туқутқаҳси акулыхкыни Храмымлығы, ахқыфигымлығы. ³⁶ Ипа уңипәтамси, лыпыси уңуалғӊни мәтын Кияғныңым ағыӊӊьяхқәқиси тамәкунун сығылтун пилығынун!»

Иисусым Пиниқылығыа Иерусалимымун

³⁷ «Кәй, Иерусалим, Иерусалим! Туқуқуқақатын ўкналиқистыт, милӊпағәтағлюкилығы туқуқуқатын каяхтыканка лыпынун. Улығыпихлығыу қырнухсюгақсяғанка юхтын хўаңамнун, катам қаўағым қырнухтылығыхатун амәғаҳани якугми асиңанун, иўырңа таўатын пистысюумаңитахпыңа. ³⁸ Ынкәңам мыңтығән пәхқӊлығықә. ³⁹ Уңипәтамси, хўакын кынлығылығыу ысхағнәңгитахпысиңа алығы кынлығыа хўатын пилығыпысинун: “Кияғныңым қуяслығыу тагилғӊ атхакун Атанғым”».

Иисусым Апқаңа Храмым Навылығыхқә

24 ¹ Иисус әнлюни Храмымың ағулығымалыуку малихсяхтыңита такулығыу кылгуткӊит мыңтығат Храмым пиңи. ² Пикӊ: «Ысхағаси тамәкут мыңтығат. Ипа пӊмси, талўа атәсиқ уйғак нымининьәңгитук. Қамахлығыуың улығықуғыхқәгут».

Сылығыллығыхтылығы, Амьюқығәткылығыхтылығы

³ Иисус ақумьян Елеоным найғаҳакун, малихсяхтыңита такулығыулығынаҳамәғлығыуың аптыкәт: «Уңипәतिकут, қакун тамәкут пияхқәўат? Сяңулығыалығысимакусихқәхпут тагилығыхқәхпынун, нунамлығыу иқухтылығыхқәнун?»

4 Иисусым к̄имсиқ̄и: «Кылыңалюси, китумун алңунак п̄ұхтыстыхпынаси. 5 Қаюхляк угляпихльық̄и тагияхқ̄агуқ атуқльюку а̄тқа, х̄ұатын п̄иқ̄льютың: “Х̄ұаңа Христосыңұңа”, п̄ұхқұхт̄аяхқ̄ақ̄атлью юлғун. 6 Нагақ̄ўльық̄уси пильюўаның, акусқахт̄аткыльхитныңлью пильюўат; алиңыхпынаси қаюхляк там̄ана пияхқ̄агуқ. Иўырңа с̄ялин иқұхнақ̄унгитук. 7 Нунат югит пильюгутульықут, атаныхпагульхытлью пильюгутульықут, нани алңунак нықаңисяхльяхльықуқ, нунат увыхтахльяхльықут. 8 Қамахльюни там̄ана ағнам игниюкыстальхатун аюқылъықуқ.

9 Т̄ахкын там̄ана пималюку югыт тугульық̄иси, амьюқыт̄аткыльық̄иси, туқульық̄исилью. Нунатах̄ан тамах̄ан рамқыңан угум̄ильық̄иси х̄ұаңа апальюқльюңа. 10 Ынк̄ам Угляпихльых̄ими ухпық̄нанихльық̄атңа, увыхпагутусягульықут, угум̄исягульықутлью. 11 Т̄ахкын ўкналиқ̄истысиғ̄ўалгутыт тагилютың п̄ұхқұхльық̄ит юлгутыт. 12 Сығлық нулям аңталаңаның апальюқльюку альюльютың югыт пиниқ̄инанихльықут. 13 Иўырңа кина алңунак нуқынъхтуқақ кынлымун югулилъыңьяхқ̄агуқ. 14 Укутлью Пинилг̄ит Уңипат Киягнығым Атаныхпагульханың аюқылг̄ит уңипаксяхқ̄агут нунатах̄ани тамах̄ани рамқыңитнун нагақ̄исқылъюки. Т̄ахкын нуна иқұхльықуқ».

Иисусым А̄пқаңа Сығлыл̄ильық̄ақ̄хляк

15 «Йықай атихтухтым л̄игикльыгу с̄ямың п̄ис̄итаңа ўкналиқ̄истым Даниилым ўкналиқ̄уткыхк̄а. Ыкналиқ̄уткыхк̄а та̄на аглығ̄нил̄н̄угук п̄ахқ̄итыстилг̄и аглығ̄налг̄ими ными. Ыс̄хақуфсигу тысқамани ныкывылг̄и, 16 Иудеямыл̄н̄ўт анаг̄них̄ат н̄айғанун. 17 Юк мыңтығам қ̄айңанил̄н̄уқ укиглюни с̄яг̄ьяқуфқ̄ами пилг̄ақ. 18 Юк п̄итысиғ̄аг̄вигмыл̄н̄уқ қ̄асл̄ьихқуфқ̄ами пилг̄ақ. 19 Там̄ани ағнығ̄ни сығлығ̄ўағунақ̄ўт қумилгыт ағнат, мамахталгытлью! 20 Юғахтык анаг̄нифқ̄афси уксюми п̄исқылъюси налиғмың Субботами, 21 қаюхляк там̄ани сығлыл̄иқ ынңаталь сығлых̄льягухсяхқ̄агуқ. Сығлығ̄атағ̄аяхқ̄агуқ сығлыл̄иғ̄ақылъығ̄ның има п̄инлиг̄ьюх̄альханың нунам х̄ұавымун кынляңа.

Альямьцлью таўатылңуқ пинангитңўахтуқ. ²²Тамāкут ағнығыт Кияғныңым палялтымаңисяқаки, кина алңунак уңуванаянғитуқ. Иўырңа апальюқльюки накмикыхкани ағнығыт палялтыяхқакй.

²³Тамāни китум алнунак пикаңиси: “Йи, Христос хўа”, налиғмың: “Тазиңантуқ!” ухпықыхпынāн, ²⁴қаюхльяк Христосысиғўағытлью, ўкналиқистысиғўағытлью тагилъықут. Альяхльюхўахтихльяхльықут, сяғйғанахқыхльяхльықутлью пўхналюки югыт, талўа Кияғныңым накмикыхкй пўхсяқльыгукумыхтыки. ²⁵Таўа уңипāтамси сивутхұлъюку пильыхқак.

²⁶Ынкāнам хўатын пикаңиси: “Йи, Христос пāхқильханитуқ!” такухпынāн; налиғмың хўатын пиката: “Йи, мыңтығам илюңанитуқ”, ухпықыхпынаки. ²⁷Қаюхльяк Иғныға Югым тагикуми таўатысяхқāгуқ ниғухпағўтылғыхтун кўкхульықуқ асивағмың пакфальямун.

²⁸Қаўāхпагыт қырңухтақут нани алңунак кымыхқўāлгунғани».

Тагилъыхқā Иғныған Югым

²⁹ «“Киңуңйхйтның тамāкут сығлылйльыхльыгыт Кияғныңым сиқинық мамлыхтыслъықā, танқик ниғугунъанихтыслъықā, иғалықытāғыт ифкақўтыслъықй қиягамың, ахтуғьяхқāнғильхыт қиягамылңўт иглығальхит альяңухқўтыслъықй”.

³⁰Тāхкын қиягакун сяңўā альыххльықуқ лйсимакусихқак Иғнығаның Югым. Тāхкын қамахтыңўағлютың нунам рамкыңи қивғум қияғўтылғыхльықут. Ысҳахльықāt Иғныға Югым тагилдй қияғўахтыхун, ахтуғьяхқāнғильхытўмағмилъю, ниғухқыльылихльяглюнилъю. ³¹Ынкām Иғныған Югым қалғихтāн қалғихтыстыхльякумигу каяхльықй якулыни навик алңунак қырңухтысқыльюки накмикыхкани нунатахāның тамахāның».

Смоквам Уқфига Лйтфиксяхқак

³² «Лйтфикитыху уқфига смоквам. Ысҳақуфсики авайй унйльйғалғйт, куқуңй пйтыкысталғйт, лйсимакаҳси

кйгьяхтуңыстагә. ³³Таўатыхпигақ қамахтыңъўағлюки а̀пқанка тамәкут ысхақуфсики, лйсимакыльықахси лъна кәсяхтуңыстәмәк, әкун амигмун лыйғумәк. ³⁴Ипа уңипәтамси, мәтын уңувалғит туқуляғәтыстыхпынаки қамахлыютың тамәкут пияхқәгут. ³⁵Қилягалью, нуналью авйғусяхқәгук, иўырңа хўаңа акузитынка авйғунъәнцитут».

Кылыңакльюку Тагильыхқә

³⁶«Китум алңунак нальюкә тәм ағнығым афльюңа қакун кәсяхқәтаңа. Талўа қилягмылңұт яқулғыт нальюкәт, Иғнығымлью нальюкә, Атаңинахәм лйсимакә. ³⁷Катам тамәни Нойем кияхтыльхани, юғыт таўатысяхқәгут Иғныған Юғым тагильыхқәни. ³⁸Тамәни ағнығни, сивуңани улывым юғыт нығақльютың, мығақльютың, ныңугутақльютың аюқыхкат кынляңа таўавык ағнығмун Нойелью итыльхитнун ковчегымун. ³⁹Нальюкыхкәт натыхақәтаңа кынляңа улывыльығмун, ынкәм қамахтыңъўағлютың туқуляғәткат. Таўатыхпигақ Иғныға Юғым тагикан, нальюкыльықәт натыхақәтаңа. ⁴⁰Таўани пильығми мәлцук югык пйтысығағвигмығни қыпхәтык, әльха тугульықә, иляңа уныхльықә. ⁴¹Ағнак кагимтилғйк зерномың, әльха тугульықә, иляңа уныхльықә.



(От Матфея 24:41)

42 Ынкāнам кылыңалюси, қаюқлъяк нальюкнўағәхси нани ағныңми Атаныхпыси тагильыхқā.

43 Нальюнықнйтук, мыңтығам юган лйсимаксякумигу тыглыгнйхтым тагильыхқā, қавахпынани кылыңанаяхтук нāфқулюни итыңнаюкан мыңтығаминун. 44 Ынкām тамāкын апальюқлъюку лпысылъю апығйхсәглюси қўнпың, қаюқлъяк Иғныңа Юғым тагияхқāгук ўāкынғильхәхлъюси».

Қыпхәхта Атәсйғмылңуқ Налиғмың Атәсйғмынъыгилңуқ

45 «Кинаңаўа атәсйғмылңуқ пыққинылғй қыпхәхта? Тāнаўқ умйлган иглығутистыңлъяқā қыпхәхтылгутаңанун, нықылитātйсқыльюкилью ахутаңа тамаҳāн. 46 Тāна қыпхәхта қуястыльыңяхқāгук умйлган кāльюни ысхәқумигу қылыльығмитун пилғй. 47 Ипа уңипāтамси, тāна қыпхәхта умйлган афльыңакистыңлъяғъхқā сяминун тамаҳāнун. 48 Иўырңа тāна қыпхәхта сығлығукуми сюмыхтағәхльықуқ хўатын: “Умйлька тагилғәхтуғнāнғитук”, 49 ынкām амьюткысягульықй қыпхәхтылгутни. Иляльықуқлъю сймылғйнун, нығылгусиғәқлъюки, мығылгусиғәқлъюки лййхльықуқ. 50 Тāхкын атәсими ағныңми умйлга кāльықуқ қыпхәхта ятāхқылъхильюкулью, сиғимакыльхильюкулью. 51 Ынкām умйлган қивўльюку ағьйхльықā, агляхтыслъықā пинйюғныңнун ағьйхльықāлюку малигульюку. Таўани қийиқылъықут, хутытың тышқитāхтāmйта».

Иисусым Уңипағәткыхқәңи Қуляғъыт Ағнағәт

25 1 «Таўани пилъығми Атаныхпагульхә Қияғым успусяхқāгук қуляғъягнун ағнағәгнун кыльқылъюки кынылгутатың пāйғилғйт нулихтуғнақылғймың. 2 Талъимат нальйқат талъимат пыққинылғйт. 3 Нальйқат кыльқыхкйт кынылгутатың уқухқәнуаки, 4 иўырңа пыққинылғйт кыльқыхкйт кынылгутатың уқухқалиғлюки. 5 Нулихтуғнақылғй мульқәқ, қынўат ағнағәт қавағникат ынкām қаватхуткат.

6 Унугым қукāни кина акилд̄укақ х̄уатын: “Ука тагй̄куқ нулихтуғьяхқақ! Анлюси пайыхтыху!”
 7 Ағнағāt тахтуғахтālьютың кынылдутатың кынцит нальхусяқйт. 8 Тāхкын нальй̄оқат пикат пых̄қинылд̄инун: “Уқуққалитахтикут, кынылдутапут қāmнақут”.
 9 Пых̄қиныльхита пикйт: “Сығлыхалык тамахамн̄ун уқуққапагитукут, акильпыгахтынун тукфиғияхтухтык”.
 10 Ынкām нальй̄оқат уқуққаңьяхтūtкат. Авй̄сималюки нулихтуғнақылд̄и кātкақ. Тākут ятāхқыңьалд̄ит итылгусиқāt ныңуғутым нықынғахқыльханун, ынкām амик умкāt.

11 Киңуңаның нальй̄оқат ағнағāt кālьютың, акилд̄укақ: “Атанық, Атанық! Қыльпығутахтикут!” 12 Иўырңа нулихтуғнақылд̄им кймсиқй̄: “Ипа уңипātамси, нальюкамси кинкуңустык”».

13 Исусым уңипағātни тākниқā х̄уатын: «Ынкāңам кылыңатык, қаюхльяк нальюкахси натуңутаңа ағнық налид̄мың натуңутаңа афлью Иғныған Югым тагильыхқā».

Иисусым Уңипағātкыхқаңи Пиңают Қыпхахтыт

14 «Атаныхпагульхā Қилиягым успусяхқāгуқ х̄уавык уңипағātмун: Тāўаңуқ й̄ок иглығанақылд̄и навык уяванун. Туқльюқй̄ қыпхахтыни авй̄льығмини афльыңакистыңулюки сягьяминун. 15 Атāсимун 5,000 манит т̄ўныхкй̄, иляңанун 2,000, киңулид̄мун 1,000. Тамахита тунқуқй̄ пильыхтулцистун. Тāхкын ағуляқыхқақ. 16 Й̄ок тāна 5,000ныңхқақ, таўаниңинақ ағуляқльюни акиксяхқамың тукфихтуқақ. Ынкām алья 5,000 альыхыхтыкā. 17 Тāналью 2,000ныңхқақ, альыхыгуткақ алья 2,000мың. 18 Иўырңа тāна 1,000ныңхқақ āнлюни л̄ягульюки й̄қй̄ умй̄лыгми маниңи.

19 Мул̄й̄хльяглюни қыпхахтыт умй̄лгат утығнигьями уңипахсюқй̄ сяматаңи манини. 20 5,000ныңхкам ыснывағлюни пикā: “Умй̄лымни, тагивақақатын 5,000 манит. Тāўа алья 5,000 альыхықсимāқā”. 21 Умй̄лган пикā: “Сығлыхалык итагнапихтутын, пинихтутын атāсий̄гмылңуқ қыпхахта! Атāсий̄гмыткātыхпының

паляхағнун афльыңакистыңуқтыснақамкын углялғйнун. Йтхи қуялгусиғьяхтуғна!” 22 Тәхкын 2,000ныңхкам ыснывағлюни пикә: “Умйлымни, тагивақақатын 2,000 манит. Тәўа алья 2,000 альхықсимақа”. 23 Умйлган пикә: “Сығлығалык итагнапихтутын, пиниҳтутын атәсйғмылңуқ қыпхахта! Атәсйғмыткәтыхпының паляхағнун афльыңакистыңуқтыснақамкын углялғйнун. Йтхи қуялгусиғьяхтуғна!” 24 Тәхкын 1,000ныңхкам ыснывағлюни пикә: “Умйлымни, лйсимакамкын лыпык аҳсяққанғитутын. Унатағақутын пйтысиғақақынғилькыхпының. Қырнухтақатын пйткат пйтутңит ифкаҳқуқақынғилькытың. 25 Ынкәм алиңлюңа лягульюки манитын йқақанка. Аң, тәўа лыпык пин”. 26 Иўырңа умйлган пикә: “Уюқ сығлық, ихсяниталғй қыпхахта! Лыпык пйхпыңа унатағақнилюңа пйтысиғақақынғилькымның, қырнухтйқнилюңалю пйтканың пйтутңит ифкаҳқуқақынғилькымның. 27 Сяңанңам маника канаҳнаниҳсигу снамун? Таўатын пикақсяқувгу, утығнилғымни выҳнаяғақа альхығнылиғлюку”. 28 Тәхкын умйлғым қыпхақтыни пикй: “Тугулюку 1,000 маниңа, тўнитыхў тәмун 10,000нылыгмун. 29 Тамәкут пилгыт тўнатағағьяқәгут ынкәм сйптйльықут. Иўырңа тәна аваңилңуқ пильхәяғңән иқисяққакйт лъңаның”. 30 Тәхкын умйлғым пикй: “Аныстыху тәна сятңунғилңуқ қыпхахта қагавык мамлххлягмун. Таўани югыт қийғўахльяхлбықут, хутытыңлю тышқитәхтәмйта”».

Киңулик Нанқихтылғық

31 «Иғныға Югым тагикуми ниғуқхылғығмикун, яқулыхтўмаҳльягми, тәхкын ақумылғықуқ ниғуқхыңғалғйгныкун ақумутагмикун. 32 Сивуңакун қырнуғутыслықйт қамахтыңўәғлюки нунам юги. Тәхкын авуҳлығый, катам пынйғнйхтым авульхатун пынйғыт козёлының. 33 Пынйғыт ағынқигныңминитыслықй, козёлыт сяғумигныңмини. 34 Тәхкын Умйлғым ағынқигныңминиңўт пильықй: “Тагитык, Атама қуястыкйтни, пилйтыху Атаныҳпагулғық ятәқыхкәк лыпысинун има нуна улимаққан.

³⁵Игатиқнулюңа ныҳқыхқақахпысиңа; мықсюгулюңа мыҳсикақахпысиңа; альяныхтәлюңа упугатқақахпысиңа.

³⁶Амсикағмыльюңа әсихтуқақахпысиңа, қинуюгулюңа ләлихфикыхқақахпысиңа, анусимиңльгәлюңа ысхағьяхтуқақахпысиңа”. ³⁷Тәхкын ыльқуғутңалқит

пилықкәт: “Атанық, қавңақ игатақнулютын нығысыкын, налиғмың мықсюгулютын мыҳсизикын?”

³⁸Қавңақ альяныхтәлютын упугасикын, налиғмың амсикағмыльютын әсихтухсыкын? ³⁹Қавңақ қинуюгулютын, налиғмың анусимиңльгәвигмыльютын ләлихфиксыкын?” ⁴⁰Умйлғым кймсихльықй: “Ипапыстәк уңипәтамси, сяңуә алңунак пикахси укалихпигағнун аңлыгутымнун, хуаңамнун пйқаси!”

⁴¹Тәхкын Умйлғым сяғумигныңминилнұт пилықкй: “Лпысиңут Кияғныңым ағьюғьяхқй. Ауйтык хуаңамның, агляхтык кынлыңилнұгнун кынғыгнун Кияғныңым ятәхқыхкәнун Туғныңағмунлю, яқулғанунлю! ⁴²Игатақнулюңа нығыстыльхитахпысиңа, мықсюгулюңа мыҳсилъхитахпысиңа,

⁴³альяныхтәлюңа упугатыльхитахпысиңа, амсикағмыльюңа әсихтүмаңитахпысиңа.

Қинуюгулюңалю, анусимиңльгәвигмыльюңалю ләлихфикумаңитахпысиңа”. ⁴⁴Тәхкын пилықкәт:

“Атанық, қавңақ игатиқнулютын, мықсюгулютын, альяныхтәлютын, амсикағмыльютын, қинуюгулютын, налиғмың анусимиңльгәвигмыльютын, каюйсимаңисыкын?” ⁴⁵Тәхкын Умйлғым

кймсихльықй: “Ипапыстәк уңипәтамси, тауатын пингитыльыхпысистун налихйнитнун укут укалихпигәт, хуаңа пингитақахпысиңа”. ⁴⁶Ынкәм тәкут агляхльықут кынлыңилнұгмун ағьюльыцмун, иуырңа ыльқуғутңалқит агляхльықут кынлыңилнұгмун уңувальыцмун».

Туқусюқаңат Исус

26 ¹Иисусым тәқсямики апыхтүсяқныңмың тамәкут, малихсяхтыни пикй: ²«Лйсимакахси мәлдук ағныңык атуғлюкык Нықынғахқылъыққә Пасхам пинақңуқ. Ынкәм Иғныңа Юғым тұныльықәт қақурйсқылюку».

³Таўани ағныңми, первосвященнигытлью, сиванльығытлью қырңуғуткат дворңани Первосвященнигым, Каиафам. ⁴Ағгиткыхкāt Иисус аксяқльюклью тугулюку, туқунъалюку. ⁵Иўырңа пикат: «Нықынғаққымъи пинангитахпут, лѳрақ югыт сығлылйхқйхльягнаюката».

Вифаниями Ағнам Иисус Тыпыңльяхқыхқаңа

⁶Иисус Вифаниямытақңами Симонынкуниткақ проказалгуялғими. ⁷Ағнам такукā Иисус, тугумйқльюкык алавастрык ақимлығутак ималгык акитупихльыхймың тыпыңльясимың. Нығумалюку нāсқўакун кўвыхкакык тыпыңльясик. ⁸Иўырңа малихсйхтыт ысхағлюку таўатын пилғй, угумиягуткāt хўатын пимағмың: «Сяңан сякусйқакакы? ⁹Акикыхкақсякумикык тыпыңльясик маниңуткыхльяглюкык акльюмалғйнун тункуғнаяғā!»

¹⁰Иисусым лйсимакльюки сямың пикатаңи пикй: «Сяңан сығлыкўғыстыху ағнақ? Пинйпихтуқ хўаңамнун таўатын пильха. ¹¹Акльюмалғйт кўнпың тамансйхқāгут, иўырңа хўаңа кўнпың льпысининьангитуңа.

¹²Тыпыңльяхқылтығмикун югусиқа ятāхқыңьўā льивыльыхқамнун. ¹³Ипа уңипāтамси, нунатахāни тамахāни нани алңунак уна Пинилғй Уңипақ уңипақныңмыхтыху, ағнам таўатын пильха āпхақылтықāt югнун нықамикысқылуюку».

Иудам Увыхпагусюкаңа Иисус

¹⁴Тāхкын Иуда Искарйот иляңат қуля мālғук сйпнықльюку малихсйхтыт, первосвященнигнун пилюни, ¹⁵āптыкй: «Сямың тўныльықыстыңъа Иисус льпысинун тўныхкумкун?» Ынкām кыстульюку йок қуля сйпнықльюку серебромың манимың львивикыхкāt. ¹⁶Тāхкын кынлыкльюку Иуда пильыхқаңақыхкақ увыхпагунъалюку Иисус.

Ятāхқылтық Пасхам Нықынғақхльханун

¹⁷Сивулиғми ағныңани Нықынғақхльхан Заваскалилльхильнўм Нықыкшаңльям, малихсйхтыт Иисус такулюку āптыкāt: «Нани ятāхқутысюхсин

хўаңкунъун Пасхам Нықынғаққылъханың
нығысқылъютын?»

18 Иисусым кїмсиқї: «Иерусалимымун пикатык. Юк тамантуқ; уңипанъакиси: “Апыхтуғиста пїқ, Пилъыхқақа канъакуқ. Малихсїхтыкульхїни нығнақахпут Пасхам Нықынғаққылъха лыпысини”».

19 Малихсїхтыт Иисусым писқылъхатун пикат, Пасхам Нықынғаққылъха ятāхқыхкāt.

20 Иғивгагьягу Иисусылю куля мālгук сїпнықлыюку малихсїхтыкульхїт қаюгвигитңи ақумūtккат нығналютың.

21 Нығүсималюки, Иисусым пикї: «Ипа пїмси, налихпыси увыхпагунъақңўāңа».

22 Малихсїхтыт қивғуҳлъягумагмың тўңликутағлютың āптāтақāt: «Атанық, хўаңаңўā?»

23 Иисусым кїмсиқї: «Увыхпагутияхқақ тāнаңк̄к нықни ныптыкаңа сягныгмун хўаңамнун малигульюни.

24 Ипапыстāқ Иғныға Югым туқуяхқāгуқ Акузитыт Игақыхккат пинақнильхистун. Иўырңа сығлығўāгунақңк̄к тāна юк увыхпагутилгї Иғнығаның Югым!

Итагнағнаяхтуқ альхығумаңсиякуми!»

25 Увыхпагутистым Иудам āптыкā: «Апыхтуғиста, хўаңаңўā?»

Иисусым пикā: «Тāўа лыпынун апыхтутын».

Атанғым Нығыстильха

26 Нығūtнүлютың Иисусым тугулюку нықыкшаңлъяқ игамсиқаюгвикльюку Кияғнық, āвгүглюку тунқуқї малихсїхтыни. Пикї: «Тугулюку нығитыху, уна югусиқақа».

27 Тāхкын тугулюку қайōсиқ виномың ималық игамсиқаюгвикльюку Кияғнық тўныхкā лъңитнун. Пикї: «Мыгвикāтахтыху қамахлъюси. 28 Тāна āкўақа, тāхун Кияғнығым акықуся апығїгьяхқāгуқ. Туқукума āкўа кўвыльықуқ угляпихлъыхїнун югнун сығывутусїлюни сығлыхқылъхитнун. 29 Уңипāтамси, виномың алья мығнāнгитуңа кынляңа ағнығми таўани, винограғамың мығылгусихлъықамси Атама Атаныхпагульхани».

30 Тāхкын илягағлютың āнлютың Елеоним найғаханун пикат.

Иисусым А̄пқаңа Петырымун Налъюнқылтықнилюни

31 Тӕхкын Иисусым пикӕ: «Унугми хӕани, хӕаңа апалъюқлыюңа униқағалтықақпысиңа, қаюқлтык Акузитни Игақыхкани Кияғнық пика̄гуқ:

“Туқултықақа пынӕйғниӕта ынкӕм пынӕйғыт миңиқылтықут”.

32 Иӕырңа уңувахтыстықаңаңа туқултығмың сивухпысини агляхлтықуңа Галилеямун».

33 Петырым пика̄ Иисус: «Апалъюқлыютын лыпык қайӕа иляма униқағатыңғатын, хӕаңа унинӕнғитӕӕағамкын!»

34 Иисусым пика̄: «Ипа уңипӕтамкын, унукун петух қалғиқтыстыхпынӕн, пиңаюның кытӕуль налъюнқылтықақпыңа».

35 Петырым пика̄: «Қайӕа туқумалгусиғьяғнӕмкын, налъюнқынӕнғитамкын».

Малихсӕхтытлыю қамахлтыотың уңипӕткӕт таӕатын.

Иисус Юғалғӕ Гефсиманиями

36 Тӕхкын Иисусылыю малихсӕхтыкульхӕйт кӕткат таӕавык атильқылғиың Гефсиманиямың. Пикӕ: «Ақумӕтык тӕхун, иңавык юғағьяхтӕмалюңа».

37 Тазиңавык кыльқыхкӕ, Петр, Зеведейемлыю игнықык. Тӕхкын қивғухлтыгымлыю, сығлылиғымлыю кӕтыкыстақӕ, 38 ынкӕм пикӕ: «Қӕмнака қивғухлтыгӕқ, рыпаль туқуяққӕхлтыюңа. Таӕанлыюси кылыңалгусиӕтыңға».

39 Тазиңапихқӕғлюни нунамун сикмӕлыюни юғақӕқ: «Атамни, пияхқӕкан, мыңыңилтыяңа хӕакын қайӕсимиың; иӕырңа накӕн пиюкылыымтун, лыпык пиюкылыыӕпытун пигу».

40 Тӕхкын Иисусым такуяқминиқи пиңаот малихсӕхтыни қавӕфтут. Ынкӕм Петр пика̄: «Кылыңалгусиӕпағниңитыстыңӕа атӕсиқ афлыю?»

41 Кылыңатык, юғақтык нанӕйқултыыңыңитысқылтыюси. Ипапыстӕқ тағнығак пияхқӕғнӕғмык, иӕырңақун югусиқ кӕйтуқ».

42 Алтымың Иисус тазиңавык агляғлюни юғақӕқ: «Атамни, мығьяхқӕқнукумкун уна қайӕсиқ лыпык

пиюкылгыһпытун апығйгли». ⁴³Такунқиһсяқминиқи малихсәхтыни, таўа қавәтңуфтут, қаюхльяк қавам сякниқыстықани.

⁴⁴Иисусым унильятәглюки, тазиңани пиңайиқй юғалгыни тәкут атәсит юғат атуқльюки. ⁴⁵Тәхкын малихсәхтыни такулюки пикй: «Тәўа қавәтақыстык, мығнәлиқыстык? Тәўа афлью кәтук, Иғныға Юғым увыҳпагусяҳқәхтуқ сығлыҳқыстынун. ⁴⁶Ныкывитык, иглыҳтыльта. Йи, ука увыҳпагуетистыка».

Тугукаңат Иисус

⁴⁷Иисус паниның акузималюку, Иуда кәткақ, қуля мәлдук сйпнықльюку малихсәхтыт иляңат. Юлғутыт малихтыкәт, иляңи сявиһпалиғлютың, иляңи анагутаһлиғлютың. Первосвященнигытлью, сйванлығытлью каяхтыкйт малихтысқыльюку Иуда. ⁴⁸Увыҳпагуетистым Иудам кәтфагилгамың иляни сяльыҳқаминың унипәткақыхқани: «Юк нәғьяҳқәқа льңаңуқ пиюкыхқәси. Тугунакыси».

⁴⁹Иудам такўәғәхльюку Иисус пикә: «Сығлыҳалык, Апыҳтуғиста!» Тәхкын нәқә.

⁵⁰Иисусым пикә: «Илякумтәмни, ага сяқсин пильыҳқан пигу!»

Тәхкын такулюку Иисус акуқағлюку нуқныхтықәт.

⁵¹Таўани нальта югыт Иисусымылңум сявиһпани нусюглюку кыпқәхтыкә сигутңа Первосвященнигым қыпқәхтыльған. ⁵²Тәхкын Иисусым пикә: «Сявиһпагын канахтигу қантанун, қаюхльяк қамахльютың сявиһпагмың атуқилғйт сявиһпахкун туқусяҳқәгут. ⁵³Сюмыҳпынйи Атакә каютыңльяғнәңинъилюку пизигу? Аптыкумкун таўаниңинақ 72,000ының углялғйт яқулылғутыҳльягыт пильюўахтыт каяхнаяғй. ⁵⁴Иўырңа таўатын пинәңгитуңа қаюхльяк Акузитыт Игақыхкат апығйғьяҳқәлғйт игақылғығмыгустун».

⁵⁵Тәхкын Иисусым юлғутыт пикй: «Тугуяҳтуғыстыңә сявиһпахтүмаҳпыси, анагутахтүмаҳпыси, никимқун ўаяғнйхтыстун аюқльюңа? Ахутаңа тамаҳән ақумлюңа апыҳтуғйқуңа Храмыми тугуңигатахпысиңа. ⁵⁶Иўырңа қамахльютың

тамāкут таўатын пиңўт, апығиғналюки ўкналиқистыт игақыхкїт Акузитни Игақыхкани».

Тāхкын қамахльютың малихсїхтыт унильюку қимагўткат.

Иисус Ағистынынун Агльскаңат

57Тāхкын Иисусым тугустыңита агльткāt Первосвященнигым, Каиафам, мыңтығāнун. Таўани апыхтуғикаюгыт Лїлихтўсяның, сїванльыңытлью қырңугуткат. 58Уявақāнльюни Петырым малихтыкā двoryңанун Первосвященнигым мыңтығāн. Итығлюни ақумылгусиқї кылыңакистыт ысхапагналюку Иисус сяхқāтаңат. 59Первосвященнигылтью, қамахльютыңлью агистыт иқлыңиқуткыстыңнақуткыхкат Иисус туқутыстыпигыснагналюку. 60Иўырңа нāлькуньығмың ахтуқāt. Қайўа углялғим ыснывағақльютың āпхāтағьяғнāғмыхтыху āпқїт альякуткат. Қынўатлью югык ыснывағлютык 61 пикак: «Уна юк хўатын пикагук: “Храм нāфқысыяқльыгўāқа ынкām ныкыфльықақа пиңāяни ағнығым”».

62Тāхкын Первосвященнигым ныкывлюни āптыкā Иисус: «Сямың пияхқисїн югык апыльхыхкынун?»

63Иўырңа Иисус қālтькāмаңилңуқ. Ынкām Первосвященнигым āплъятақā: «Атхакун Уңувадғим Кияғнығым қылғамкын уңипāтикут Христосыңузын? Иғнықāтын Кияғнығым?»

64Иисусым кїмсиқā: «Лъпык пилъыхпытун аюқуқ. Иўырңа уңипāтамси, ўм киңуңаның ысхахльықахси Иғныға Югым ақумлюни ағынқигнығакун Ахтуғьяхқāнғилнўм, ысхахльықахсылъю тагилгї қиляўāғитхун қилягам».

65Тāхкын таўатын пиятни Первосвященнигым āткани пїгўмїта пикак: «Уна юк Кияғнығунилюни пилдї! Алья лїсимакистыңисяғнāмта пилъта. Лыган хўā нагатахси Кияғнығунилдї! 66Натын лъпыси нанқихтыстыху?»

Кїмсиқāt: «Туқусяхқāхсимāқ».

67Тāхкын хинāкун қысиқукāt, тыңлюхпагāтақātлью, ынкām қасяхтыстыңита 68пикāt: «Лъпык Христос ўкналиқутикут! Китум тыңлюхтатын?»

Петырым Налъюнкыхкаңа Иисус

69 Таўатын тәкут пималюки дворыми Петр ақумгақақ. Қыпхағтым ағнағам такулюку пикә: «Льпыклью Иисусымыткәгутын, Галилеягмйми».

70 Иўырңа Петр мысиғақақ сивуңитни тамәкут пикә: «Налъюкақә сямың пйқсин». 71 Аньян дворым итығвиганун иляңан қыпхағтым ағнағам ысхағлюку Петр, таўанлыңұт пикй: «Уна юк Иисусымыткәгуқ Назаретығмйми».

72 Петр мысиғағлятақақ: «Ипапыстәк пймси, Кияғнығым әтхакун нальюкңўағақа юк».

73 Мулюңгитуқ, югыт ныкывғатағульхйт тагилютың, Петр пикәт: «Ипа илякәтын Иисусым малихсяқтыңита қаюхляк акулзильхын Галилеягмйстун аюкуқ!»

74 Тәхкын Петырым пикй: «Ипапыстәк Кияғнығым әтхакун уңипәтамси нальюкңўағақа юк! Иқльыңиқңукума Кияғнығым ағьюғлиңа!»

Таўаниңинақ петух қалғиқақ. 75 Тәхкын Петырым нықәткә Иисусым пильха: «Петух қалғиқтыстыхпынән пиңаюның нальюнқылтықахпыңа». Ынкәм әнлюни қияғўахляяқақ.

Иисус Агляскаңат Пилатымун

27 1 Унаңулюку қамахлыютың первосвященнигытлюю, сйванльығытлюю агиткыхкәт тукутысналюку Иисус. 2 Ынкәм асиқхлылюку аглялюку тўныхкәт Пилатымун, Римым правительыңанун.

Иудам Тукульха

3 Увыҳпагутистым Иудам, лйгиксяқминики аггистыт нанқихсимакаңат Иисус тукутысяхқәлюку, қымаль авутыққыхляяқақ. Ынкәм первосвященнигынунлюю, сйванльығнунлюю вығусяхтуқй юк қуля сйпнықлюку сереброт манит. 4 Пикй: «Сығлыҳқумәңа увыхпагутыльымкун сығлыҳқумаңилңуқ юк тукутысқылюку!»

Пикәт: «Хўаңкунъун сясйльтықа? Льпык таўатын пильқан!»

5 Ынкām Иудам милїоткї манит Храмым илюңанун. Тāхкын ағуляқлїюни қымитқақ.

6 Первосвященнигыт сяғнаткылїюки манит пикат: «Лїилихтїсыямнїи укут манит канахсяхқāңгитут манилгутāнун Храмым қаюхлїяк лывикїсыақыхкāгут туқутусихқālютың югмун». 7 Ынкām ағгиткыхкāt мани тукфиғисикналюку нунамун атильқылгї: «Земля Горшечника» лывығвихкālюку накїмїнун. 8 Ынкām хўавымун кынляңа тām нунам атылїткā: «Нунаңа Аўым».

9-10 Нығиғлюку ўкналиқистым Иеремиям ўкналиқуткыхкākї хўатын:

«Иляңита Израилығмїт итагнақыхкākїт аңталаңит їок куля сїпнықлїюку серебро манит, қаюхлїяк сюмығмыхни таўатын акитутканилюку пикāt.

Тāхкын тākут манит тукфиғисикыхкїт Земля Горшечникамун. Таўатын Атанғым қылқақāңа».

Иеремиям ўкналиқылїхā апығїхтыстыкақāt первосвященнигыт тукфиғақнамыхтыху Земля Горшечника.

Пилатым Апқуғāқāңа Иисус

11 Таўани Иисус ныкывғалгї сивуңакун Римым правительыңан. Правителым āптыкā: «Иудеит Умїлькатāн?»

Иисусым кїмсиқā: «Лїпык таўатынїлюку пїн».

12 Иўырңа первосвященнигытлїю, сїванлтығытлїю анахунтығңātни, сямың пимаңитқақ.

13 Тāхкын Пилатым āптыкā: «Нагасикї қамахлїюки анахунтыльхит?»

14 Иўырңа Иисусым кїмсїманилькāңа талўа атāсимун анахунтыльығмун, ынкām правитель сяғїғаюхлїякақ.

Иисус Туқутыснақыхкāңат

15 Аюмїтаңа тамаҳāн Пасхам Нықынғақылїхāни Римым правительыңан итымутақā атāсиқ анусимиңлїяғак юлгутыт накмикыхкāt. 16 Тамāни пилығғни тамāнтыфтук апыхсығук анусимиңлїяғак, āтха Варавва. 17 Ынкām юлгун қырңухсян, Пилатым āптыкї: «Налиқ итымутысюгыстыху Варавва налиғмың Иисус,

атильқылғи Христосымың?»¹⁸ Пилатым лисимақнуқаңи Иудеит иглығутистыңита ақинакльюку Иисус тагитнуқаңат лъңанун.

¹⁹Пилат ақумгамалюку нанқихтивигми, нулиҳан уңипатысяхтуқә: «Сянақыфқән тәна сығлыҳқылъхилңуқ йок қаюхльяк қавануқыхкақақа ынкәм ағныльқусиқ сығлылйгусиқақа».

²⁰Таўатын пималюку первосвященнигытлью, сиванльгыгытлью аҳқутақыхкйт юлгутыт итымутысқылъюку Варавва, Иисус тукутысқылъюку.

²¹Правителым әплъятақй юлгутыт: «Налиқ итымутысюгыстыху лыпысинун?»

Кймсиқәт: «Варавва!»

²²Пилатым әптыкй: «Сянақикунңам Иисус атильқылғи Христосымың?»

Кймсиқәт: «Қақұрақтыстигу!»

²³Пилатым әптыкй: «Сяңан? Сяңўә сығлық пикақагу?»

Иўырңа игляхтәғальютың акилгүкат:

«Қақұрақтыстигу!»

²⁴Пилат лйгикльюни аля сяпагниңисями ысҳағлюки юлгутыт сығлылйқысталғит, тугулюкык ағмигусик ўхтуқақ сивуңитни юлгутыт. Тәхкын пикй: «Хўаңа авутңитуңа тукутыльыҳқәнун, лыпыси таўатын пистыңўәҳси!»

²⁵Юлгутым йңунаҳағмың акиткәт: «Хўаңкута кинунқулъхйни авутңулъыкукут тукутыльханун».

²⁶Тәхкын Пилатым Варавва итымудьюку, ынкәм Иисус кахсягмихтыслъюку тўныхкә пильюўахтынун қақұрйсқылъюку.

Пильюўахтыт Лыгасйғўәткыхқаңат Иисус

²⁷Тәхкын правителым пильюўахтыңита ағляткәт Иисус қырңухтәғвигмыхнун правителым мыңтығәни. Таўани илятың қырңухльюки қаңльюкәт. ²⁸Әткй матаҳқуғлюки, кавишақыхтағның аткуйғығның атысфикыхкәт. ²⁹Тәхкын сикухльюхтуқамың аваямың қаҳпаңльяғлюку нәсқўакун атыстыкәт. Ағынқиғнығанлью йҳакун тугусльюку унаҳсйғўақ, сыгысқуҳқұлътютың сивуңакун лыгасйғўәткыхкәт. Пикәт: «Қўлвағамкын

Умйлгат Иудеит!»³⁰ Тәхкын қысиқулюку, тугулюку унаҳсиғұақ нәсқұакун анагукат. ³¹ Лыгасиғұәткынъығмың апығйғьямыхтыху, аткуяғык матахлюкык лъңан катам әткй әтысқукйт. Тәхкын қақұрағьяхтуқат.

Иисус Қақұрақанат

³² Анумалютың ныхльягмың ысхағлюку йок, Киринаегмй, әтха Симон, қыльқат уямигысқылъюку Иисусым қақұрә. ³³ Кәсямың Голгофамун (Голгофа хұатын писйғуқ: «Югым Нәсқұан Ныңа»), ³⁴ пильюуахтыт Иисусымун тұныхкәт мығысқылъюку вино сюнағнилңуғмың ақумыхкақ. Иўырңа нәсиғлюку мығыюнғиткә.

³⁵ Пильюуахтыт қақұрағьямыхтыху, ныңйткйт әткй атыхтйрәгуткальюки. ³⁶ Тәхкын таўани ақумўльютың қылыңақыхкәт. ³⁷ Нәсқұан құлңакун ныкыхтыкәт қақұралъханун апальюқ игақңалғй хұатын: «УНА ИИСУСЫҢҰҚ, УМЙЛГАТ ИУДЕИТ». ³⁸ Мәлгуклью ұаяғнйхтык қақұрақахкыт, әльха ағынқигнығакун, иляңа сяғумигнығакун.

³⁹ Югыт нағуҳльыхйт, лыгасиғұәткыхкәт Иисус, нәсқутың уфсюгусимйта ⁴⁰ акилгүкәт: «Лъпык пикәгутын Храм нәфқынъақнилюку ынкәм пиңаюни ағнығни ныкыфнықихнақнилюку. Кияғнығым Иғнықнукаңатын лъпынун катам югули, қақұрамың укиги!»

⁴¹ Таўатыхпигақ Первосвященнигыт, малигульютың апыхтуғикаюгнун Лйлихтүсяның, сйванльығнунлью, лыгасиғұәткыхкәт: ⁴² «Югуликй иляңи, нақам лъңаның катам югулипағниңитук! Умйлгукуни Израилығмйнун укигли қақұрамының ынкәм ухпықнаяғахпут. ⁴³ Нығьюкңұә Кияғнық, пйқуқлью Кияғнығмун Иғнықнилюни. Кияғнығым пйюкңукумигу югулилигу мәтын».

⁴⁴ Қақұралгутыхкынкалью ұаяғнйхтык лыгасиғұәткыхкәк.

Иисусым Туқульха

⁴⁵ Тәхкын қамахльюни нуна мамльхқұәкақ ағнығым қукәның кынляңа пиңаюмункыльяғмун. ⁴⁶ Тамәни нани

пиңаюмункыльг̃ми Иисус акилг̃х̃л̃ьякақ х̃ўатын: «Или, Или, лама савахфани?» Х̃ўатын писиқ: «Кияг̃нымни, Кияг̃нымни, сяңама унисиңа?»

47 Иляңита югыт таўанлыңўт ныкывгалъх̃йт нагалъюку пикат: «Ўм югым Илия туқлыюғағ̃». 48 Таўаниңинақ юк ат̃сиқ ақфақуқак ныпсягусимың. Т̃ахкын ныплъюку қуў̃алг̃имун виномун, унаҳсиғ̃ўаҳқун ныкыхлъюку ныңугутк̃а Иисусымун мылюгр̃исқылъюку.

49 Иўырңа иляңита пикат: «Ўинтаку, ысхапак̃альтыху Илиям югулиях̃туғнаюкагу!»

50 Алямың Иисус араҳл̃ьяглюни пыхтыкакык тағнығағни.

51 Таўани пильг̃ми Храмымылнуқ с̃яфк̃агун, пикыхкын канавык п̃икақ малғуҳқыльюни. Нуна уфсюгусян, уйғагыт



(От Матфея 27:51)

құпақтаткат, ⁵² лъйвгыт қылыпқақтаткат, углялгйтлью Кияғныңым юги туқулягәткәялгйт уңувахтұткат, ⁵³ ынкәм лъивығмыхның аңлыгәткат. Киңуңаның Иисусым уңувахтыльхан агляхтұткат Аглығналгймун Ныхльягмун, таўани юлұутым ысқақйт.

⁵⁴ Таўани қақұрағвигми, умйлўағылью пильюуахтыкульхйт кылыңақыхқаңат Иисус, ысқағьямыхтыху нуна қапшахльялгй, таманалью сяңўа пиян, алиңрўгутыхльякат. Пикат: «Ипапыстәк уна Иғнықумаяхтагу Кияғныңым!»

⁵⁵ Тамантыфтут ағналдұтыт ысхапалгйт уяваның. Галилеямың малихтыкәт Иисус каюсйнъалюки.

⁵⁶ Акулңитнитыфтут Мария Магдалагмй, Мариялью нәңат Иаковым, Иосифым, Зеведейемлью игнығыхкынка нәңат.

Лъивыльха Иисусым

⁵⁷ Хўаникуягу акльюңилнуқ юк атқа Иосиф, Аримафеягмй, малихсәхтыңа Иисусым кәтқақ.

⁵⁸ Пилатымун пилюни Иисусым югусй туңсиқә. Ынкәм Пилатым қылдұткә югусиқ Иосифымун тўнысқыльюку.

⁵⁹ Ынкәңам тугулюку югусй, нутағахльюхкун қипағакун ймгүткә. ⁶⁰ Тәхкын лъикә льми лъивығрағағмикун, уйғагрухльяхкун ляхтыстыкамикун сикльякумың. Тәхкын пайңанун улъхитахльюку уйғахльяк, апығйгьями ағуляқыхқақ. ⁶¹ Таўантыфтуқ Мария Магдалагмй, әльхалью Мария лъивығмун аюқльютык ақумгалгйк.

Кылыңақыхқаңат Иисусым Лъйвға

⁶² Унәмиңани киңуңаның Ятаққыфигым Ағныған, первосвященнигытлью, Фарисейтлью алыхқуғьяхтуқат Пилат. ⁶³ Пикәт: «Югунйқ, нықамикақпут тәна пұхтиста сялин уңувалюни пикәгүк: “Пиңают ағныгыт атуғлюки уңувахтыслықуңа”. ⁶⁴ Ынкәңам каягутигу лъйвға кылыңакңўағысқыльюку пиңаюнун ағнығнун, лўорақ малихсәхтыңита югусй тыглыглюку уңипәнъаюкатки югыт уңувәманилюку. Уна иқльыңақ сығлығатағаяхқәгүк сивулиғмың».

65 Пилатым пикї: «Кылыңакистылгүси, ынңаталь кылыңакистыңўахтыху лъивык».

66 Ынкәм лъивыгмун агляглютың маҳқальюку нальюнїкәт уйгак қылыпхнаюкатху. Тәхкын қылгүткәт пильюўахтынун кылыңакисықлылюку.

Иисусым Уңувахтыльха

28 ¹Субботам киңуңаның, ахтағағақалью сивулигми ағнығани неделям, Мария Мағдалагми, иляңалью Мариям, лъивык ысхағьяхтуқак.

²Таўани пилъыгми нуна қапшахлъякақ қаюхлъяк Атангым яқулга қилягмың укикақ. Лъивгым пайңан уйғага ульхитахтаглюку ақумыхкә. ³Ысхақәлюни ниғухпагәльхйстун ниғухтуткағми, әткйлью қатылгит анигустун. ⁴Кылыңакистыт яқулыгмың алиңрӯқат рыпаль уңылыхлъютың, туқукастунлю лъйқат.

⁵Иўырңа ағнак яқулгым пики: «Алиңыхпынаси. Лйсимакамси Иисус ивағақаҳси, қақұрақәялгй.

⁶Хўаньыгитук; уңувәмәк пинақнильыгмитун. Тагитык, ысхағьяхтухтыху лъивиксяқаңа. ⁷Ынкәм уңипәтқахсяхтухтыки малихсяхтыңи уңувәманилюку туқульыгмың, агалью сивульхәгумәк Галилеямун. Тәгани ысхаҳлъықаҳси! Тәўа уңипәтамтык».

⁸Ынкәңам таўаниңинақ лъивыгмың ағуляқыхкақ, алиңумәгмыклью, қуяҳлъягумәгмыклью, кытанқуснақ уңипәсяхтуқит малихсяхтыңи.

⁹Иисусым алиғаҳфикльюкык пики: «Ныкыхмылтық лпытыгнилъи». Ынкәм тәкук ағнак такулюку, итыгй нуқнықльюки манигуқак. ¹⁰Тәхкын Иисусым пики: «Алиңыхпынатык. Уңипәсяхтухтыки малихсяхтыңка аңлыгүситканка, Галилеямунңуқ агляглит тәганиңуқ ысхаҳлъықәтңа».

¹¹Ағнак игльхсималюкык, лъивыгмылңут иляңи кылыңакистыт Иерусалимымун итыглютың, первосвященнигнун әпқәт қамахлъюку тамәна апығйқак.

¹²Ынкәм первосвященнигылтлю, сиванлығытлтю қырнухлъютың агиткат. Тәхкын манилитыхлъяглюки пильюўахтыт, ¹³пикйт: «Уңипәнъакыси югыт: “Унугми қавәсималюта малихсяхтыңита тагилютың тыглыгумәт

югусӣ”. 14 Правителым нагақ̄макагу хўаңкута алыҳқуҳлықаҳпут ынк̄ам сығлылйльыңн̄ангитуси».

15 Кылыңакистыт мани тугулюку писқылъыңмыгыстун пикат. Ынк̄ам хўавымун кынляңа Иудейт паниның а̄пхақ̄ат Иисусым югусӣ тыглыкақ̄нилюку малихс̄яҳтыңанун.

Иисусым Алйгвикыхкәңи Малихс̄яҳтыни

16 Таўатын пималюки, т̄акут қуля ат̄асиқ̄ с̄ипнық̄люку малихс̄яҳтыт агляқ̄ат Галилеямун, н̄айғамун Иисусым писқылъхатун таўатын. 17 Ысҳағьямыхтыху Иисус манигуқ̄ат, иўырңа иляңита айгуғикыхк̄ат л̄яңаңутаңа. 18 Иисусым такулюки пикй: «Қамахльюни аҳтуғьяҳқ̄ангилъық̄ қилягмилъю, нунамилъю хўаңамнун тагивақ̄агуқ̄. 19 Там̄акын апальюқ̄люку ағуляқ̄льюси қамахльюки югыт малихс̄яҳтыңл̄ьяҳтыки хўаңамнун, крестиғаляхтыки Ат̄хакун Атам, Иғнығым, Аглығналғ̄ймлью Тағнығам. 20 Апыхт̄үсяқитыки қ̄аткысқылъюки қамахльюки қылгутканка л̄пысинун. Л̄пысинитыпыст̄аҳлықыңа қ̄ўнпың кынляңа кынлытх̄ўтыл̄х̄анун нунам».

Пинилгїт Уңипат Иисус Христосымың Аюқылгїт Маркым Игақыхкї

Уңипақильха Иоанным Крестителым

1 ¹Пинилгїт Уңипат Иисус Христосымың аюқылгїт, Иғнығаның Кияғнығым пинлиқагут хўатын:
²Ўкналиқистым Исаиям игақыхкақā Кияғнығым хўатын пильха:

«Уңипахтыка каяхтыкыстагнақақа сивухпани ятāхқысылъюоку тўмкахқан.

³Килгāни ма акилгўгақуқ хўатын:

“Атанғым тўмңа ятāхқитыху, такляяхтыхулю!”»

⁴Тана уңипахта Иоанныңўқ Креститель. Килгāни крестиғақуқлю, уңипағақуқлю хўатын:
«Авутыхқылыюси, сығлыхқынъаниглюси крестиғытык, ынкām Кияғнығым сығывульықїси». ⁵Иудеягмїтлю, Иерусалимыгмїтлю нагасяхтўткāt Иоанн. Ынкām сығлыхқылытың апыгранғатки крестиғақыхкәни кїўығни Иорданымың āтқылгїғни.

⁶Иоанным āткї верблюдым мыльқўаның улимāғыт, мықамың тафсилюни, нығақылгї саранчамыңлю, мёдымыңлю. ⁷Уңипақиқак хўатын: «Киңумның юк тагияхқәгуқ ахтуғьяхқәнғитағалгї хўаңамның. Хўаңа сясїнгитуңа рыпаль итымтыпагниңитанка сиңї.

⁸Мығмың крестиғақамси, иўырңа лъңан крестихльықїси Аглыңналгїғның Тағнығағның».

Иисусым Крестиғыльхәлю, Нангїкуллыңыльхәлю

⁹Иоанн таўатын анықсималюку Иисус кātкақ Назаретымың, Галилеямылңуғмың, ынкām Иоанным крестиқā Иордаными. ¹⁰Крестиғыныңмың тақсятни

Иисусым таўаниңинақ ысхақй қиялығт қыльпылқйт,
Аглыңналғйклью Тағнығак укилгйк льңанун
сюнағьягмылңук аюқылгик. ¹¹Мымлью қиялгмың пика̄:
«Иғнықамкын, пиниқыхкамни. Ығқуқыпихтамкын».

¹²Таўаниңинақ Аглыңналғйм Тағнығам Иисус
агуляқыстыкә килгәнун. ¹³Льңинаҳәкақ иўырңакун
нуялқйт тығикусят тамәнтыкат. Тамәнсималюку
Туғнығам нанғйкукә кытхўыль юк мālгук ағнық, иўырңа
якулгыт афльыңақыхкāt.

Иисусым Накмикыхқаңи Стамат Иқальинйхтыт Малихсәхтыкналюки

¹⁴Тахталми тākўани киңуңаның Иоанным
анусимиңльяльхан, Иисус Галилеяльюни уңипақиқақ
Пинилғйның Уңипаның Кияғныхтаның. ¹⁵Пикақ:
«Пилъыхқак хўā кәсимāқ ынкām Атаныхпагульха
Кияғнығым хўā хўāнтуқ! Авутыхқыльюси,
сығлыхқынъаниғлюси ухпықитыки Пинилғйт Уңипат!»

¹⁶Иисус иглығуткыльюку Нāйвам Галилеям
ысныңакун ысхақакык мālгук иқальинйхтык сйфтилгйк
нығахпагмың. Симонынкуңуфтук Андрейемлью
аңлыгуткульхйк. ¹⁷Иисусым пики: «Малихтыңъа,
апыхтуғнақамтык югмың нāпсягутысқыльютык».

¹⁸Таўаниңинақ нығахпатык унильюки малихтыкāk.

¹⁹Тазиңапихқāғлюни ысхағлятақакык Иаковым,
Иоанным аңлыгуткульхйк, игнығык Зеведейем.
Нығахпагмығның иляхтулгйк аңьямығни. ²⁰Иисусым
ысхақйнағлюкык пики: «Малихтыңъа!» Ынкām аңьями
унильюку атайынь Зеведей, тākутлью қыпхахтыңулюки
тугукатың, малихтыкāt Иисус.

Юк Илюмикун Туғнығалык

²¹Иисусылью малихсәхтыкульхйт Капернаумымун
кātкат. Субботаңухсягу, Иисус синагогальюни
апыхтуғикақ. ²²Нагальхйт сяғйғаягуткāt апыхтуғильха,
қаюхляк апыхтуғикақ Кияғнығым пилъыхқалитыльхакун,
апыхтуғистыңистун Лйлихтүсят пихпынани.

²³Тāхкын юк илюмикун туғнығалык итығлюни
синагогамун акилгўкақ: ²⁴«Иисус, Назаретығмй,

сяңамта қинуохсикут? Нәфқысяхтүзикүт? Кинаңутын лїсимакақа, Югулиғистыңүтын Кияғнығым акықусяқыхкә каяхлтықнилюку». ²⁵ Иисусым ағыоқә туғнығақ: «Ныңунаң, әни югмың». ²⁶ Туғнығам юк сяюхпахтахтысльюку, арахлъягумағми аныхкақ. ²⁷ Югыт сяғйғаюглютың лъңитның әпқуғәгуткат: «Уна сяңәә? Уна апыхтүсяграғәгуқ! Кияғнығым ахтуғьяхқәнғильхакун үм югым қылғй туғнығат анысқыльюки, лыган қаткәт». ²⁸ Ынкәм Галилеяльқәғағми югыт уңипақнинәмән Иисус пикәт.

Иисус Нәльхуқулғй

²⁹ Тәхкын Иисус аңағыснағлюни синагогамың, Симонылью, Андрейемлью мыңтығйтнун пикақ, Иаковылью, Иоаннылью малихтыкәк. ³⁰ Симоным сякиңа иңағмытыфтуқ, пуқлығәлюни. Лыган Иисус кәтуқ уңипәткәт ағнақ қинуюгунилюку. ³¹ Итығлюни ағнақ йхакун тугулюку ныкывыстыкә ынкәм пуқлығәңйльюни, кыспйқуңинәмйта пикй.

³² Субботам игивгәни сиқинық тывиғыян Иисусымун тагиқүткйт қинуюлғйт, тамәкутлью туғнығалгыт илюмыхтыхун. ³³ Қамахтыңбұағлютың Капернауығмйт мыңтығам манугәни қырңугуткат. ³⁴ Ынкәм Иисусым углялғйт нәльхуқуқй аляяҳйнағның ақниғнығитның, анысқуқйлью туғнығат юлгутыт илюңитның. Туғнығат сямың писимаңилькәни, қаюхлъяк кинаңутаңа лїсимакыхқәңат.

Иисус Уңипақилғй Галилеями

³⁵ Сялин ахсюгнйтыхлъяглюку, Иисус макыльюни аныхкақ юғағналони килгәни. ³⁶ Симонылью илякулхйт ивағьяхтуқәт, ³⁷ нәлькысямыхтыху пикәт: «Югыт иванғйғутақатын». ³⁸ Йығлыги Иисусым пикй: «Иляңитнун нунат пинақукут. Лъңитнилью уңипақияхқәгуңа, қаюхлъяк тамәкын апальюқльюку тагиңүңа». ³⁹ Ынкәм Галилеяльқәғағми иглығуткыльюку уңипақикақ синагоганьи, анысқуқйлью туғнығат югыт илюңитның.

Иисусым Нәлхускаңа Юк Проказалык

40 Юк проказалык тагилюни Иисусымун мануңакун сыгысқуҳлыюни наңлыхсипихлыюни пикә: «Пиюкылъқыхкувгу нәлхутахтиңа укмаңйхтысқылъюңа».

41 Иисусым наңлыгыгягульюку ныңуглюку сяфтуткыльюку пикә: «Пиюкылъқақа, нәлхутын!» 42 Таўаниңинақ юк нәлхулъюни укмаңйхтыкақ. 43-44 Тәхкын Иисусым иныхтыңъўақә: «Нагатахтын, ўатахлъяк килью алңунак уңипәтыхпынаки нәлхунъилиютын хўаңамнун. Итупиль священнигмун ювғйхсиғьяхтә. Ынкәм ахқышәхәтын Моисейем Лйлихтүсита писқылъхистун ипапихқысқылъюку югнун нәлхутыльхын». Тәхкын таўаниңинақ агуляқыстыкә. 45 Иўырңа югым иглыцуткыльюку нани алңунак әпхумаңинақә Иисусымун нәлхусиманилюни. Тәхкын кынляңа Иисус алңунак нынун пинаникақ, қаюхлъяк юлцутыхлъягыт такўақыхкаңат, ынкәм пәхқильхәни кияхтыкақ. Иўырңа накын алңунак юлцутыт паниның такўақыхкаңат.

Иисусым Нәлхускаңа Унйқак Юк

2 1 Мулюхпынани Иисус утыңниқак Капернаумымун, ынкәм уңипақыхкәт наюқақыхкымининъиюку мыңтығами. 2 Юк тагиляғәсәлдіми лъңанун қаңсюткат рыпаль мануғамун қакмавык. Иисус уңипақималюку Кияғнығым акузитаңаның, 3 стамат югыт кывыхтуғлюку унйқак юк тагиткәт лъңанун. 4 Кәтульюку итхунъығмың ахтуқат, қаюхлъяк юк қаңсютыхлъягулді. Ынкәм мыңтығам қайңан кровляңи икудлюки рығигульюку, юк алъиғәкун укихтыкәт Иисусым нальяңакун. 5 Иисусым лйсимақыхкаңи ухпықилгыхтулңит, ынкәм унйқак юк пикә: «Иғнымни, сығлыхқылгыхтын сығывутыльыңут». 6 Таўани апыхтуғикаюгыт Лйлихтүсяның ақумгалъхит сюмыхтағакат: 7 «Сяңами юк уна таўатын акузй? Акузильхә сығлыцўқ, қаюхлъяк Кияғнығунилді! Кияғныҳйнағуқ сығлыхқылгығның сығывутияхқак!» 8 Таўаниңинақ Иисусым сюмыхтағалъхит лйсимақыхкй ынкәм пикй: «Сяңан таўатын сюмыхтағағыстык?» 9 Наликык пияқнйтағалъықак унйқак юк пияқумкун:

“Сығлыққылғықтың сығывутылыңут” налиғмың:
 “Макылъютын, алыған тугулюку пиюги?” ¹⁰Иўырңа
 лїсимақыюгақа Иғныға Югым сығывутияқлыгыўқ
 сығлыққылғықтың нунами хўани». Ынкām унїқақ юк пикā:
¹¹«Уңипāтамкын, макытын, алыған тугулюку, лыпысинун
 аглā!» ¹²Югыт ысҳапакāt юк таўаниңинақ ныкывлюни,
 алығани тугулюку āнылғи. Ынкām қамахтыңўағлютың
 таўанлыңут сяғиғаюкат, усюқыхкātлю Кияғнық:
 «Хўатылнудмың ысҳасигасяҳтукут!»

Иисус Малихтысқылғи Левийемун

¹³Тāхкын Иисус, ысныңанун Нāйвам Галилеям
 пинқихтықақ. Юлғутыхлыгыт такуляғасятни апыхтуқи.
¹⁴Иғлығуткылюку ысҳақā налогның қырңухтиста, āтҳа
 Левий, иғныға Алфейем. Ақумгафтуқ қыпҳағвигмини.
 Иисусым пикā: «Малихтиңа». Левийем ныкывлюни
 малихтыкā.

¹⁵Таўани иғивгағми, Иисусылю малихсәхтыкульхйт
 Левийенкунун ныгяхтуқат. Нығылгусиқит налогның
 қырңухтистылғутытлю тамāкутлю қātкусигалңут
 Иудеит Лйлихтүситнун. (Таўатылңутлю югыт
 малихсәгуқаңат Иисус.) ¹⁶Иляңи апыхтуғистыңит
 Лйлихтүсяның Фарисейнүлғит, ысҳағьямыхтыху Иисус
 нығылгусигилғи, āптыкит малихсәхтыңи: «Сяңами
 Иисус нығақа налогның қырңухтистыңитнилю,
 сығлыққыстынилю?»

¹⁷Иисусым нагалюки пикй: «Ағалыхтақ қинуюлғинун
 пиңүк, югунқыхтанун пиңунғитук. Таўатыхпигақ
 уңипәсәхтүганка сығлыққыстыт авутыққысқылюки,
 нақан тамāкут сығлыққиганбилютың пилғит».

Иисусым Апыхтүсяқыхқаңа Посталық

¹⁸Атāsими ағныңми, Иоанным Крестителым
 малихсәхтыңиллю, Фарисейтлю постаңулғит. Иляңита
 югыт такулюку Иисус āптыкāt: «Сяңамың Иоанным
 Крестителым малихсәхтыңиллю, Фарисейтлю
 малихсәхтыңит постақат, нақам лыпык малихсәхтытын
 пихпынатың?» ¹⁹Иисусым кймсиқй: «Нулихтүгнақылғим
 ақылтқй посталықāt нықынғаққылхани? Иығлыгиллю!»

Нулихтұғнақылдй паниның таўанлыюку таўатын пинангитут.

²⁰Нулихтұғнақылдйстун аюкуңа, малихсәхтынка нулихтұғнақылдйм ақылқйстун аюкут. Агуляқыстықаңаңа ынңаталь таўани ағныңми малихсәхтынка посталықут.

²¹Китум алнунак нутағақ қйпағақ қыльюхсимаңилнуқ илягусиқнәнгитā қасльбилюгыгнун. Илягусиқыхкумигу пйгутāғахлықуқ, ынкām пйлъық сюльыватахлықуқ.

²²Ынкāmлью китум алнунак аўатахпалюк имиғнәнгитā винограғағмың. Имиқумигу аўатахпалюк қўпахлықуқ ынкām вино сякусийқылтықуқ, аўатахпалюклью нāвылықуқ. Тамāкын апальюқльюку винограғақ аўатахпаграғағмун кўвьяхқағуқ!»

Апқуғалъық Субботамың

²³Атāсими Субботами, Иисус иглыхтыкақ пшеницат пйтфигитхун. Малихсәхтыңита иглығалгусйткыльюку пшеницат пйтутаңитның икутахтақукат нығналютың.

²⁴Тāхкын Фарисейт аптыкāt Иисус: «Ысқақаққиқун! Сяңамың малихсәхтытын сяғнāt пшеницат пйтутаңитның? Таўатын пильығмыхтыхун қыпхәхтут Субботами, ынкām қаткунъығитнўт Лйлихтўсямнўн».

²⁵Иисусым пикй: «Атихтйгастыхў Давидым пильха қавңарухляк? Юкульхйт игатиқақңамың, ²⁶Давид итықлюни Кияғныңым Мыңтығәнун нығыхкәгуқ нықыкшаңлямың Кияғныңмун тўныхкамың. Таўатын пикәгуқ Авиафар, Первосвященнигаңулюку. Лйлихтўсямта пильхани священнигаңинахāt нығыяхқāяхтут тамāкын нықыкшаңлямың, иўырңа Давид нықлюни юнилью тўныхкақй». ²⁷Тāхкын Иисусым пикй: «Суббота накмикыхкәгуқ мығналивигулюни югым пинихқылъыхқәнун. Суббота накмикыхкәнгитут югмун икфиқльйгуткысқыльюку. ²⁸Ынкāңам хўаңа, Иғныңани Югым, Атангўңа талўа Субботами».

Югым Йхан Иңлюци Унйқат

3 ¹Тāхкын Иисус аглянқихтыкақ синагогамун, таўантыфтуқ йок иңлюци йхан унйқат. ²Иляңита югыт таўанлыңўт рйрңиңўақāt Иисусым нāльхунъаюкагу Субботами. Нāльхускагу хўатын пиналюку:

«Анахутутын!»³ Унйқамың йхылык юк Исусым пикā:
 «Таги хўавык». ⁴Тāхкын югыт āптыкй: «Лйлихтўсамта
 сяскилью Субботаами? Пинитун пискинкўт, налиғмың
 сығлытун? Югулиғисқинкўт, налиғмың тукутисқинкўт?»
 Иўырңа югыт қалығнаниғўāғуткат. ⁵Исусым
 ысхапағнāғмики угумиягуткй, нақам йлўкуткумйта
 пиныхлўюгулўхитныңлўю ўāкигатңитныңлўю. Тāхкын
 Исусым қйвлюку юк пикā: «Йхытын ныңугутики».
 Лыган ныңугутй ага нāльхуткат. ⁶Йнкāм Фарисеит
 āнағыснағлютың синагогамың, Иродым иляпхастыңитнун
 агляғлютың ағгиткыхкāt натын тукутылўықхамың Исус.

Юлғун Нāйвам Ысныңани

⁷⁻⁸Исусылыю малихсāхтыкулўхйт Нāйвамун Галилеямун
 агляқат. Юлғутыхлўягыт малихтыкйт, қаюхлўяк
 нагақуқакыхкāңит Исусым альялўюоххуахтилўхй.
 Тамāна юлғун Галилеямың, Иудеямың, Иерусалимымың,
 Идумеямың, Иорданым Кйўым иңлюәнилңуғның нунаның,
 Тирымың, Сидонымың пиңулңйт. ⁹Юк угляғихлўягян
 Исус малихсāхтыминун аңьямың ятāхкутысқыхкāk
 лўбрақ ихлўығнаюкаңатни мығмун. ¹⁰Юлғун
 нāльхуқуқакутаңаның қамахлўютың қинуюгыт лўңанун
 кāнбақылўякат сйфтыпигыснағналюку. ¹¹Тамāкутлўю
 туғнығāt югыт илюңитнилңўт ысханығмыхтыху Исус,
 сивуңакун улўхāхлўютың акилдўгақылңйт: «Кияғнығым
 Иғнықāтын!» ¹²Иўырңа Исусым иныхтыңўāкй туғнығāt
 кинанутни апыфқāн писқылыюку.

Исусым Накмикыхкāңи Қуля Мāлғук Сйпнықлўюку Апостолыт

¹³Тāхкын Исус қымимун маюғлюни югыт
 пиюкыхкани тахсихтықй. Тагиляғāсыта ¹⁴накмикыхкй
 қуля мāлғук сйпнықлўюку югыт апостолыңулюки.
 Тāхкын пикй: «Хўаңамнитысқылўюси накмикамси,
 каяхлўықамсылўю уңипағьхтйсқылўюси».
¹⁵Ахтуғьхқāңгилылгулўықусилўю туғнығāt
 āныстысқылўюки юғның». ¹⁶Укут накмикыхкāқй, Симон,
 (Исусым атиқā Петырымың); ¹⁷Иаковлўю, Иоаннылўю,
 иғнығык Зеведейем, (Исусым атиқакык Воанергесымың,

хұатын писимың: «Иғнығык Кальюгим»); ¹⁸ Андрейялю, Филиппылю, Варфоломейялю, Матфейялю, Фомалю, Иаковылю иғныға Алфейем, Фаддейялю, Симонлю Зилот, ¹⁹Иуда Искариотлю увыхпагутияхқақ Исусымың.

Иисусынкук, Веельзевулынкук

²⁰Тәхкын Исус тукугминун агляқақ. Юлгутыхлягыт агляхтұлъятақат лъңитнун, рыпаль Исусылю малихсяхтыкульхит нығыпагниңиткат. ²¹Ныңлюгутаңан нагақуғлюку таұатын аныхтылхә ақфакәт, қаюхляк югыт пикаңат нальюнухнилюку.

²²Иляңи апыхтуғикаюгыт Лйлихтүсяның Иерусалимымың тагикат хұатын пимәқылғит: «Веельзевул Исусым илюңанитук! Ынкәм анысқуғақи туғнығат югның ахтуғяхқәнгильхакун Веельзевулым, умйлўағитхун туғнығат». ²³Ынкәм Исусым тахсиғлюки югыт уңипағаткй, пикй: «Туғнығақ лъңаның аныслықә? ²⁴Атаныхпагулғық афқүскуми, тәна атаныхпагулғық қырғағмынъәнғитук. ²⁵Ныңлюгутыт афқүскумың, тәкут ныңлюгутыт қырғағмынъәнғитут. ²⁶Таұатыхпигақ Туғнығалю афқүлютың пильюгускумың, Туғнығақ ныкывғапагниңильюни кынлыкахқаминун кәлбықуқ.

²⁷Кина алңунак итыңнәнғитук икнақылғим югим мыңтықәнун ұаяхтыңналюки сягьяңи. Сивуклюку икнақылғи йок асихқахляку, тәхкын ұаяхтыхлықй сягьяңи.

²⁸Ипа уңипатамси, югыт сығывутылғыңяхқәгут сығлыхқылхитның, сығлытунлю акузиткылхитның Кияғнық. ²⁹Иўырңа китум алңунак сығлытун акузиткыхкумикык Аглыңналғик Тағнығақ сығывутылғыңнәнғитук, қаюхляк сығлыхқыңўк Кияғнығым сығывусяхқақынғилькаңаның. Тәна сығлыхқылғық кыңлыңилңўгуқ». ³⁰Исус таұатын акузикақ қаюхляк иляңита пикақыхкаңат: «Туғнығалгүк илюмикун».

Иисусым Нәңалю, Аңлыгутаңилью

³¹Тәхкын Исусым нәңалю, аңлыгутаңилью кәткат. Мануғамыльютың анысқыхкәт ысхағыюгнилюку.

³²Юлгутыт акумүтңалғит Исусым увитаңани

унипātкāt: «Қакма нāвыклью, аңлыгутыхпыклью ысхағьюгақатын». ³³Иисусым āптыкй: «Кинаңāўа нāка? Кинкуңāўат аңлыгутынка?» ³⁴Юхсюғалюни ақумгалдйт пикй: «Лпыси нāкамсилъю, аңлыгуткамсилъю!» ³⁵Китум алнунак атуқыхкумигу Киягнығым пиюкылъха, аңлыгуткақалъю, нāкақалъю».

Иисусым Уңипағātкыхкаңа Пйтысйғахта

4 ¹Такўаниңани Иисус апыхтуғилятақак Найвам Галилеям ысныңани. Ынңātаль угляпихлъыхй юк тагиляғātыхлъякақ лъңанун, рыпаль аңьямун ўхльюни ақумыхкақ, льяғанхўа юлгутыт найвам ысныңаниткат. ²Уңипағātытхун альяҳйнағмың апыхтуқй. Апыхтуғиткыльюку пикй: ³«Нагатык! Пйтысйғахта агляглюни пйтысйғағвигминун ⁴ифкаҳкуқак пйтутның. Иляңи пйтутыт тыкиткат тумытхун, ынкām қаўағыт тагилютың нығуқйт. ⁵Иляңи пйтутыт тыкиткат уйғахтуқакун сюнапагилнуҳқун. Таўаниңинақ пйткат, қаюхлъяк сюнаңа угмыстāхақ. ⁶Ынкām сиқинық пйсялдйми мātныңан паныхтыкй пйныыхат,



(От Марка 4:3-8)

акуңыльхитутмыхның палиракихтыкат. ⁷Иляңи пйтутыт тыкиткат сикухльюхтуқакун, сикухльюгыт пїсялҕимың пїтфигикїт зернот. ⁸Нақамалъя тамāкут тыкиткат сюнакихтакун пїтыстихльякат зерномың, иляңи 30, иляңи 60, ынкām иляңи 100». ⁹Иисусым тākниқї хўатын: «Сигутылгукуфси нагатусяқамың, нагатык!»

Уңипағатыт Апалъйт

¹⁰Тām киңуңаның Иисус льңинāхсян, қуля мālгук сїпнықльюку малихсяхтыңиталъю, иляңиталъю тамāкут нагаткāt āптыкāt уңипағātкыхкāның. ¹¹Иисусым пикї: «Лпысинун Кияғнығым лїгикыстā талюғналғї ипапиҳқыльхā Атаныҳпагульхым. Сивунғани лїтысимаңисяғā. Иўырңа тамāкут иқитңалғїт Кияғнығым Атаныҳпагульханың нагақуғакут сямың тамаҳāның уңипағатытхун. ¹²Ынкām:

“Ысхāнъақакут, ысхāнъақакут ысхāтыхпынатың.
Нагатақут, нагатақут лїгикыхпынатың.
Пикāяқуйың қївнаяхтут Кияғнығмун,
ынкām сығывунъаяғї”».

Иисусым Āпқаңа Уңипағātкыхкани Пїтысїғахта

¹³Тāхкын Иисусым āптыкї: «Тāна уңипағāн пїтысїғахта лїгикынғитыстыхў? Натынми лїгикнақыстыки алңунак уңипағатыт? ¹⁴Пїтысїғахта ифкаҳқилғї пїтутның, Кияғнығым акузитаңаның уңипахтыңатун аюқуқ. ¹⁵Иляңи югыт қылхльякастун тумыстун аюкут. Пїтутыт тыкинъығата тумытхун қаўагыт нығакїт. Таўатыхпигақ тамāкут югыт нагақўнығата Кияғнығым акузитаңаның таўаниңинақ Туғнығām пуйгустақї. ¹⁶Иляңи югыт уйғахтуқастун сюнастун аюкут. Акут уйғахтуқамылңўт асивапагигатут. Тамāкут югыт нагақўнығмыхни Кияғнығым акузитаңаның таўаниңинақ тугукльиғакїт қуякусиқльюки. ¹⁷Иўырңа ухпықңўāгигалькаңит акузитаңи ынкām ухпыльхит мулюңигатут. Сығлылїнығмыхни, налиғмың амьўткыльыңнығмыхни апалъюқльюку ухпықилъыхтың Кияғнығым акузитаңаның таўаниңинақ ухпықинаниғақут. ¹⁸Иляңи югыт сикухльюхтуқастун

сюнастун аюкут. Пйтутыт сикухльюхтуқақун тыкиткат нагуңигатут, қаюхльяк сикухльюгыт пйтфигиғақыхқаңит. Тамāкут югыт нагақунығмыхтыки Кияғнығым акузитаңи қātкигатйт, ¹⁹қаюхльяк уна уңувалық нульқāvигутқақāt, тыхўāйтқақātллью акльюңи, сямьңлью ўата альхыгутағагыюгакут. Таўатыхпигақ сикухльюгыт пйтфигильхистун пйтутыт, тамāкут югыт пиюкыльхита пуйгустақйт Кияғнығым акузитаңи. ²⁰Иўырңа иляңи югыт пинилгїстун сюнастун аюкут. Пйтутыт тыкиткат пинилгїкун сюнакун ынңātаль наўāкут. Иляңи пїтыстїкут 30, иляңи 60, иляңи 100. Таўатыхпигақ тамāкут югыт нагақунығмыхтыки Кияғнығым акузитаңи қātқақйт, ынкām ынңātаль қыпхағакут Кияғнығмун. Иляңи ўатақāғақ қыпхағатағағакут илямыхның.

Сяғнығым Асиңани Кынылғутак

²¹Иисусым нағнығуткї: «Китум алңунак кынылғутак итхульюкык сяғнығым асиңанун льинāнцитāк, налиғмың қавағвигым асиңанун. Итупиль құлвақун льилыққāk. ²²Сяңўā алңунак йқақ қайңанун льйғьяхқāгуқ, сяңўāлью алңунак сяпыхқақ сяпутйғьяхқāгуқ. ²³Сигутылгукуфси нагатусихқамың, нагатык!»

²⁴Хўатынлью пикї: «Нагатнўāхтыңьа! Тўнилыхпысистунўāқ Кияғнығым тўныльықїси, паниның тўнатағахльықїси. ²⁵Юк сялык тўнатағағьяхқāгуқ. Юк сяпахльягилнуқ сяңйхї тугуяхқāгут».

Иисусым Уңипағātкыхқаңи Нагулгїт Пйтутыт

²⁶Хўатынлью Иисусым пикї: «Атаныхпагульха Кияғнығым хўатытуқ: юк ифқахқуғакуқ пїтутның пїтысйғағвигмини. ²⁷Пйтутыт пїльютың наўāкут унухтўмāн, ағныхтўмāн юк қавāяғңāн, тыхумаяғңāн, паниның пйтутыт наўāкут. Югым нальюокақї натын наўāкутаңи. ²⁸Сюнаңинахām каютңунани пйтутыт нагустақї ынкām пїтыстыкаңакут: сивукльютың сюағьюкыхтахāt пїтакут, тāхкын напāзйңакут қынўātлью зерноакут. ²⁹Зернот қигунғата унатағьяхқāхтакут, ынкām югым кыпуғақї кыпўсимикун».

Иисусым Уңипағаткыхкаңа Горчицам Пйтутаңа

30 Иисусым әптыкй: «Сямун успуньақыстыху Атаныхпагульха Кияғнығым? Сяңўә уңипағаткынъақыстыху лйгикыстисйлюку?»

31 Атаныхпагульха Кияғнығым горчицам пйтутңатун аюкуқ. Мыкыстәлбыхпигәгуқ пйтутның нунами хўани иўырңа юғым пйтысиғанығминиғу, 32 аңлихлягакуқ аңылбыхпигәхльюни нунивахсығағьяхағның. Угльәпихльығит аваяғрухльяги ынкәм қаўәығит уңлюсийқут қуқуңән акулңакун сиқингильхәкун».

33 Иисусым атуқльюки уңипағатылғутыт югнун акузиткыхкақй Кияғнығым Акузитаңи. Әпқақй югнун лйгикыльыхтуляңистун. 34 Қўнпың югыт апыхтуғақыхкаңи уңипағатытхун, иўырңа малихсәхтыкульхйт лъңинахныңмыхни хўатыхльюўәқ лйгикыстақыхкаңи сямың писйтаңи уңипағатыт.

Иисусым Амсянахтыстыкаңа Нәфтыльыхльяк

35,36 Тәм иғивгәни Иисусым аңьямыльюни малихсәхтыни пикй: «Ағвйльта нәйвам иңлюңанун». Ынкәм малихсәхтыт ўхльютың аңьямун униткйт юлғутыт. Иляңиталью аңьят малихтыкйт. 37 Тәхкын ануқльиҳльякақ, рыпаль имахльюғым имиғәтақыхкә аңьяқ қынўат ыслықсыхтуқақ. 38 Иисус аңьяльыми қавақ акисиглюни. Малихсәхтыңита тахтухльюку пикәт: «Апыхтуғиста, туқуяғңәмтә пизикўт?»

39 Иисусым тахтуғлюни ануқалью, имахльюгытлью иныхтыкй: «Ануқа тәқиңам, имахльюгыт ағулихтык!» Ынкәм ылмәрагуткыльюку амсянахльюғухтыкақ. 40 Тәхкын малихсәхтыни әптыкй: «Сяңафси алиңыстык? Тәўа ухпықигастыңбә?» 41 Сяғйғаюхльякат рыпаль тальюгьюхльякат алиңрўғумағмың, ынкәм әпқуғәгуткат лъңитның: «Кинаңәўа уна юк, талўа ануқымлью, имахльюгытлью қәткыхкаңат?»

Иисусым Нәльхускаңа Юк Илюмикун Туғнығахтуқақ

5 1 Нәйвам иңлюңанун кәткат Иисусылью малихсәхтыкульхйт, нунаңитнун Герасеигмйт.
2 Лыган Иисус аңьямың қўтмун ўхтуқ юк әнлюни

сюфлътның лъйвгыт, пәсқә. 3-4 Тәна юк илюмикун туғнығахтуқақ лъивығнитакылғй. Аўын қйпшағутның асиҳтақсяқәңат йхитхунлью, итыгйтхунлью иўырңа сякықакыхкаңи қйпшағутыт, кагимтақыхкаңилью сявиқынғәгыт итыгаминилңұт. Китум алңунак асиҳқышагниңиткәлью, ағулиҳтыпагниңиткәлью, қаюхльяк икнақыпихльыхй. 5 Унухтүмән, ағныхтүмән иглыхтақылғй лъйвгыт қуңаңитнилью, қыминилъю, қўнпың арағәтәмағми, уйғахтыхун кйтикумағми лъңаның.

6 Исус ысхағьямигу уявақәнльюку кытанқуснақ такулюку сыгысқуҳфикльюку манигуқә. 7,8 Тәхкын Исусым юғым илюңанилңуқ туғнығақ пикә: «Уюқ сығлық туғнығақ, әни югмың!» Туғнығәм арағәтақә: «Исус, Иғныға Кияғнығым, сянақсиңа? Ақықи Кияғнығмун икфиқыстысяхқәфқәма писқыльюңа!» 9 Исусым әптыкә: «Кинаңузин?» Юғым кймсиқә: «Атқақа “Углярхльяк” қаюхльяк углярхльяхтукут!» 10 Ынңәталь Исусымун әпуқұткй туғнығәт ағуляқыстыфқйта писқыльюки тәхкын нунамың.

11 Тәўаңуқ қымим миңлыңани куругалқутыхльягыт, нығұлхйт. 12 Туғнығәт әпуқұткат Исусымун: «Куругағнун каяхтикут, лъңитнун итыхтыстикут». 13 Ынкәм аңыхқумақыхкй. Туғнығәт югмың әнағыснағлютың куругағнун итығәткат. Ынтақун 2,000ңұт куругәт, пыньаның аситмун паңалгульютың нәйвамун атығәткат ынкәм туқуляғәткат.

14 Куругәт афльыңакистыңит қимағұткат ныхльягмунлью, увитаңанилңуғнунлью нунанун. Тамәни уңипақыхкйт илюмикун туғнығахтуқақлью, куругәтлью. Ынкәм югыт ысхағьяхтұткйт сяматаңи. 15 Исусымун кәльютың ысхақәт юк туғнығахтухльягьялғй илюмикун. Тәўаңуқ ақумгафтуқ пилюгуўәғлюни, умьюгакыклью нәльхульютык ынкәм алиңрұқат. 16 Тамәкут ысхапакат әпқәт нәльхусиманилюку юк туғнығахтухльягьялғй, әпқйтлью куругәт сяматаңи. 17 Тәхкын юлқутыт манигұтыпихльютың Исус ағуляқысқыхкәт нунамыхның.

18 Исус ўхтақуқлью аңьямун, юғым туғнығахтуялғйм манигұтыпихльюни әптыкә: «Малихльякын?» 19 Иўырңа Исусым ихсякльюку пикә: «Ныңльюгутыхпынунлью,

илякумтāхпынунлюю агляглютын апыгнакын Атанғым наңлыкыпихлыютын апыгйльха лыпынун». ²⁰ Ынкām юк агуляқыхкақ. Тамāни нунами āтқылғйми, Қуля Ныхльягыт, уңипақыхкā Иисусым апыгйльха лыңанун, тамāкут нагакūtкат альяҳлыюхўагыюкат.

Агнағām Уңувахтыльхалюю, Агнāmлюю Нālьхутыльха

²¹ Иисус аңьякун утығнигьян иңлюңанун нāйвам, ысными юлгутыхльягыт қырңугуткат увитаңанун. ²² Тāхкын атāсиқ синагогам умйлўаға, Иаирыңуфтуқ āтха, тагилюни Иисусымун сыгысқухтыкақ мануңакун. ²³ Манигўтыпихлыюни пикā: «Панихақа қинуюхльягўк, туқуяхтуңыстāmāқ. Такўāхтигу сйфсяхтуқаху, ынкām нālьхулюни кияхльи!» ²⁴ Ынкām Иисусым малихтыкā. Юлгутыхльягытлюю малихлыгātкāt Иисус, рыпаль каңлыюқахлыюку.

²⁵⁻²⁶ Агнақлюю таўантыфтуқ āхтуқāтақ қуля мālгук сйпңан аюмиқульығни. Талўа ағалыхталгутыт каюсйтақсйғнātни нālьхусигалнуқ, йығлыги нāвңиналғй. Қынўат маниқшахйгуткақ. ²⁷ Нагақуғақыхкаңа Иисус, ынкām юлгутыхльягыт ақуляңитхун тунутаңаның такукā. ²⁸ Сюмыхтағақ: «Āткй сйфтықыхсйкумки нālьхунаяхтуңа». ²⁹ Лыган аткуяғхык сйфтāк кйтңинāмағми пикақ, ынкām лыпыкыхкā нālьхутыльха қамнами. ³⁰ Таўаниңинақ Иисусым лйгикыхкā ахтуғьяхқангилық āнылғй лыңаның, ынкām юлгутыхльягыт қйвлюки āптыкй: «Китум āтканка сйфтаки?» ³¹ Малихсйхтыңита пикāt: «Юлгутыхльягыт қуңаңитнилңўтын сйңан китумун сйфнилютын пизин?» ³² Иўырңа Иисусым ысхағнақыхкā китумун сйфтутни. ³³ Ағнам лйгиклыюку нālьхутыльыни алиңым уңылыхсимағми такукā Иисус. Тāхкын мануңакун сыгысқухлыюни уңипātкā сйльығминың. ³⁴ Иисусым пикā: «Панимни, ухпықилыхпык нālьхутыстāтын. Ныхыхмылыглютын агля, нālьхутнўāгумāтын».

³⁵ Иисусым алыхқўмалюку агнақ, кывгат тагилютың уңипātкāt Иаир: «Панигын туқумāқ, такусқыхпынāнңам Апыхтуғистымун». ³⁶ Иисусым нагатығнāғмики авылдақйнағлюки Иаир пикā: «Алиңыхпынаң, таўаңинақ

ухпығи». ³⁷Тәхкын китумун алңунак малихтыснаниқақ, иўырңақун кыльқыхкй Петырым, Иаковым ынкәм Иоанным, аңлыгутаңа Иаковым.

³⁸Иисусылью кәсялғймың Иаирынкунун, юлғутыхльягыт ынңәталъ қияғұтыхльягуфтут мытұмағмың. ³⁹Иисусым итығлюни юлғутыт пикй: «Сяңафси қияғұтыхльягутси? Сяңафси ныпұхтйхльягутси? Тағнуҳақ тукульхитук, қавәгуқ!» ⁴⁰Иўырңа ныңляқыхкәт таўатын пийистың. Қамахльюки анысымики аңаюқакыклью, тәкутлью малихсәхтыни итхуткй тағнуҳәм ныңанун. ⁴¹Иисусым йхакун тугулюку ағнағаҳақ пикә: «Талифа Куми!» (хўатын писиқ: «Ағнағаҳақ, макытысқамкын!»)

⁴²Таўаниңинақ макыльюни пиюақ. (Ағнағаҳақ қуля мәлдук сйпңән уксюхтуткафтук.) Аңаюқакыклью, малихсәхтытлью ынңәталъ сәғйғаюкат! ⁴³Тәхкын Иисусым иныхтыңьўәкй китумун алңунак уңипақыфқән писқыльюку, пикйлью: «Ныгьяҳқаҳағмың тўнитыхў».

Иисус Тугукльинғилькаңат Назаретыми

6 ¹Тәхкын Иисус ағуляқыхкақ Капернауумымың, агляқақ ныминун Назаретымун, малихсәхтыңиталъю малихтыкәт. ²Субботаңуҳсягу синагогами апыхтуғикақ. Юлғутыт нагальюку сәғйғаягуткәт. Аңқуғәгуткат лңнитның: «Накын лйтаки? Китум пыҳқинғухтыстагу? Сәғйғаюгнахльягұт альяҳльюхўахтильхй! ³Натын таўатын пй? Кәпынтаңунғитә, Мариям игныға? Иаковлью, Иосийенлью, Иудалью, Симонынлью аңлыгуткынғитакй? Наягильюльги мәнтәт?» Ынкәм тугукльймаңилькаңат. ⁴Иисусым пикй: «Китум алңунак ўкналиқиста сйвакақә, иўырңақун нуналгутаңиталъю, нальықльйталью, ныңльюгутаңиталъю пиңигатәт». ⁵Ынкәм тамәни альяҳльюхўахтипағниңиткақ, иўырңақун қафсинкўраҳәт сәфльюки нәльхуткй. ⁶Ынкәм Иисус сәғйғаюхльякақ, қаюхльяқ ухпықынғилькаңат.

Иисусым Уңипақияхтйсқыхкаңи Қуля Мәлдук Сйпнықльюку Малихсәхтыни

Тәхкын Иисус Назаретым увитаңанилңуғнун нынун пйқльюни апыхтуқй югыт. ⁷Тахсиғлюки

қуля м̄лдук с̄ипнықлъюку малихс̄яқтыни,
 каяхнақник̄и малдукақт̄ита уңипақисқылъюкилью,
 н̄альхуқ̄исқылъюкилью. Агуляқфагилхата
 ахтуг̄ьяхқ̄ангилылиқуқ̄и югның анысқ̄исқылъюки
 тугның̄ат. ⁸Лйлихтуқ̄илью: «Иглығалыхпысини
 сямың алнунак кыльқыхпынаси иўырңақун аяв̄йғмың.
 Нықыкшаңлъяңунаси, ақыфтағ̄аңунаси, маниңунаси
 пилд̄аси. ⁹Иўырңа камыглюси, симйткаққамың
 х̄атмың кыльқыхпынаси». ¹⁰Хўатынлъю пик̄и: «Нани
 алнунак тукухпыси упуғаскаңиси таўанлъых̄аси
 кынляңа агуляқыльыхпысинун. ¹¹Нынун к̄аскуфси
 упуғатиңигалңуғнун, налиғмың нагасюгигалңуғнун,
 униньякыси т̄ана нун итыгаси пагуляңйм̄ита.
 Таўатын пикуфси кылыңас̄яхлъықаси Кияғныңым
 ағ̄ьольыхқ̄аның!» ¹²Ынк̄ам малихс̄яқтыт
 агуляқлъютың уңипақикат югнун авутыхқылъюки
 сығлыхқын̄ьан̄исқылъюки. ¹³Тугныңалғутыт аныскуқ̄ит
 югның, мыс̄йхқақлъюкилью қинуюлғутыт н̄альхуқуқ̄ит.

Туқутыльға Иоанным Крестителым

¹⁴Ум̄илгым Иродым нагақуқ̄а қамахлъюку Иисусым
 таўатын пильға, қаюхлъяк тамах̄ани а̄пқаңит Иисусым
 алья̄хлъюх̄уахтильғ̄и. Иляңи югыт пикат: «Иоанныңуқ̄
 Креститель, уңув̄ам̄ақ ынк̄ам ыс̄ха ахтуг̄ьяхқ̄ангилылык
 алья̄хлъюх̄уахтильығ̄мун». ¹⁵Иўырңа иляңит югыт пикат:
 «Илияңуқ̄». Иляңит пикат: «Ӯкналиқистыңуқ̄, ныңиғлюку
 ӯкналиқистыстун аюқуқ̄».

¹⁶Иродым нагақуғлюку пикақ: «Иоанныңуқ̄
 Креститель, н̄асқ̄ӯихтыстыкақа иўырңа уңув̄ам̄ақ!»
^{17,18}Қавңанх̄ақ Иродым каягуткақыхкаңа Иоанн
 тугулюку, асихқыслъюку аносимиңлъяхтыстык̄а.
 Таўатын пистык̄а, қаюхлъяк Иоанным п̄иғ̄атақ̄а Ирод
 х̄ўатын: «Лйлихт̄усямн̄ьи анахусим̄атын тугульыхпыгун
 аңлыгутыхпык Филиппым нулиха Иродиада». ¹⁹Ынк̄ам
 Иродиадам угумиягутыхлъякақыхкаңа Иоанн рыпаль
 туқутысюпихтыкақсақ̄аңа. Иўырңа пипағниңитк̄а
 қаюхлъяк Иродым таўатын пистыпағниңитк̄а.
²⁰Иродым аликыхкақыхкаңа Иоанн л̄исимакутминың
 юк пинилд̄и, Кияғныңмун қ̄аткутңахлъялд̄и.

Ынкām кылыңақыстыңу̇ақā сянәукатху. Иродым нагасюгақыхқаңа Иоанн қайу̇а сығлыгыюгақыңағми нагангыңминигу.

²¹ Тәхкын Иродида қынұатлтю пилыхқаңыхқақ. Иродым альхыңвини ағнық кәсян нықынғақыстималғи кавымым умйлұағитнун, пильюуақтыт умйлұағитнун, иглығутистыңитнунлюю Галилеяғмит. ²² Тәхкын панига Иродидам итығлюни нығұлхйинун тукалыгақақ. Иродылюю ақылғақульхит ынңаталь ыфқуқыхкāt. Ынкām умйлғым пикā ағнағақ: «Сямың алңунақ туңсиғвикыхкувңа тўнылыықамкын». ²³ Ақықыхкālю хўатын: «Ипапыстāk тўнылыықамкын сямың алңунақ туңсиқувык, талўа умйлгутималгығма аклююңиңан авыльхә!»

²⁴ Тәхкын ағнағақ āнлюни нāни āпсяхтуқā: «Сямың туңсиғнақсиңа?» Нāңан пикā: «Иоанным Крестителым нāсқўа туңсиху». ²⁵ Ағнағақ аглйғўахлююни умйлғымун туңсиғвикыхкā: «Хўā мāтын, Иоанным Крестителым нāсқўа пиюгақа қаютағрāхкун лъилюку!» ²⁶ Умйлк ынңаталь қивғухлъякақ иўырңа сялюку иглыкльигу, қаюхлъяк ақықңўақақыхқаңа ақылғақлғутни нагатыстыкльюки. ²⁷ Ынкām таўаниңинақ умйлғым каяхтыкā кылыңакиста тагитысқыслъюку Иоанным нāсқўа. Кылыңакиста āнлюни анусимиңлъяғвигмун агляқақ Иоанным нāсқўа кыпналюку. ²⁸ Нāсқуқ қаютағрāхкун лъилюку аглялъяку ағнағағмун тўныхкā. Ынкām ағнағām нāминун тўныхкā. ²⁹ Иоанным малихсәхтыңита нагақуғлюку, югусй ақфалюку лъйфқāt.

Иисусым Нығыстильхә 5,000ның Сйпңалғйның Юғның

³⁰ Апостолыт утыңнихтўльютың Иисусымун āпқйт апыхтуғилытың, нālхукульыхтың, туғнығағныңлюю āнысқульыхтың юғның. ³¹ Юхлъягулғй тагимағмыңлтю, ағуляқумағмыңлтю пилғйт рыпаль Иисусылюю малихсәхтыкульхит нығыпағниңйткат. Ынкām малихсәхтыни пикй: «Натмун ағуляқылта пāхқилъханун, лпысықун мығнāлйхтысқыльюси». ³² Ынкām аңьякун пāхқилъханун ағуляқыхкат лъңинахāхналютың, ³³ иўырңа юлгутым ысхāқйт ағуляқылғйт. Лйсимакльюки

навык пинақутаңит, кытанқуснақ нәйвам ысныңақун малихтыкәйт. Нынун нальяңһныңага лыган югыт малихтақыхқаңит. Кәткат такукамышнун иңьяғақльюки Иисусылю. ³⁴Иисусым аңьямың ұхльюни құтмун юлғутыт ысқақлюки наңльыгыагуткәй, қаюқльяк пынһығыстун пынһығһнһқтыңилңуғыстун аюқылғит. Ынкәм альяҳһнағмың апыхтухтәкәй.

³⁵⁻³⁶Хўаникупихсягу малихсяхтыңита такулюку Иисус пикәт: «Мәна пәққитук, хўаникухльягәлью. Югыт агляхтұтысқики пһтысиғақтыңунлью, ныңһағһнунлью. Льмыхның нықыңьяхтуғлит нықгыяққамың». ³⁷Иўырңа Иисусым пикәй: «Льпыси нығьяққалитыки». Әптыкәт: «Тукфигияхтухтысюхсикүт 200 динарийем ақиңаның нықыкшаңльямың нығысқыльюки?»

³⁸Иисусым әптыкәй: «Натын угляққакән нықыкшаңльялгустык? Ынта ивағһхтык». Нәлькусямың уңипәткәт: «Тәўа тальимат нықыкшагыт, мәлғуклью иқальюгык».

³⁹Тәхкын Иисусым малихсяхтыминун қафсинкахтәита ақумыстысқыхкәй вығәхқун. ⁴⁰Ынкәм ақумүткат йөк тальиматһўәқльютың йөк мәлғук қуля сйпнықльюкуңўәқльютың. ⁴¹Иисусым тугулюки тальимат нықыкшагыт, мәлғуклью иқальюгык, құлмун сивухльюни игамсиқаюгвикыхкә Кияғнық. Тәхкын нықыкшагыт йхминың әвгүдлюки малихсяхтыминун тунқуқәй уйыхтысқыльюки. Иқальюгыклью йғминың әвгүдлюкык тунқухтыскәй. ⁴²Қамахтыңўәғһни нығүтқақ кыпсәльюни. ⁴³Тәхкын малихсяхтыт тугуляқит қуля мәлғук сйпнықльюку корзинат ыслыққалғит кагимлығухтыканың нықыкшаңльямың, иқальюгһныңлью. ⁴⁴Югыт нығүткат 5,000ңуфтут, кысюткыхпынаки ағнатлью, тағһнухәтлью.

Иисус Мыхқун Пиюлғәй

⁴⁵Лыган тәкут Иисусым малихсяхтыни қылькәй аңьяқун игльхтыкыстйсқыльюки Вифсаидамун, нәйвам иңлюңанилңуғмун. Тәхкын льяңан юлғутыт агляхтұтыскәй ныңитнун. ⁴⁶Агляхтұтысямики юғағьяхтуқақ қымимун. ⁴⁷Унугми тәкўани аңьят

нәйвамыльюки Иисус лъңинахәкақ кӯтми. ⁴⁸ Ысхәқй малихсәхтыни айгугнакуткылгйт явукумың, қаюхльяк ануқлътйскаңи. Акулыхкыни пиңаюткылътъягыми ағвинлыккылътъями унәңулюку, таукй мығым қайңакун пиюгмың. Нағуҳнақақилью ⁴⁹ ысхәқәт мыхқун пиюлгй. Сюмығмыхни тағнығәнилюку арахльякат. ⁵⁰ Қамахльютың алиңрӯгуткат. Таўаниңинақ Иисусым пикй: «Илютухтык! Хўаңаңўна, алиңыхпынаси». ⁵¹ Лыган аңьямун ўхтуқ ылъмәрахльюгухтыкақ. Малихсәхтыт сяғйгаюхльякат, ⁵² қаюхльяк паниның лигикигалькаңат Иисус кинаңутаңа, қайўа ысхәпағнәғмыхтыху нықыкшагыт нулястыкаңи. Таўатыткәлгйт қаюхльяк сялин умьюгйт рығйгалңўт.

Иисус Нәльхуқулгй Геннисаретыми

⁵³ Тәхкын нағнықат нәйвам иңлюңанун ынкәм Геннисаретыкун тамляглютың аңьяхтың пытукәт. ⁵⁴ Лыган аңьяхтың унитәт югыт лйсюқңинәмән Иисус пикәт. ⁵⁵ Ынкәм кылькахтәшахкйқат Иисус кәсиманилюку. Иисус навик пияғнән қинуюгыт ағлятақыхкаңит альйғйтхун лъңанун. ⁵⁶ Иисус кәнъығмини ныхльягнунлюю, нынунлюю, ысльямылңуғнун акильпыгағвигнун ағляғақылгй. Ынкәм югыт тагитақыхкаңит қинуюгыт акильпыгағвигнун Иисусымун нәльхутысқылъюки. Иисусымун манигӯтуткйт қинуюгнун ўаран сәфтысқылъюку кынй, ынкәм қамахльютың сәфтилгйт нәльхуткат.

Сивулиғәт Апыхтӯсйт

7 ¹ Фарисейтлюю, иляңилью апыхтуғикаюгыт Лйлихтӯсяның Иерусалимымың пикат, Иисусым увитаңанун қырңугуткат. ² Ысхәқйт малихсәхтыңан иляңи ўхтухпынатың нығылгйт. Ухтульхилңўт Фарисейт писқылътхистун. ³ (Фарисейтлюю, Иудейтлюю қамахльютың нығьяхқәңгилңўт ўйткукун сивукльютың ўхтуғўәғлютың, қаюхльяк сивуныңмың апыхтӯсйт атуқңукаңит. ⁴ Талўа акильпыгағвигмың тағинығмыхни нығйгалңўт ўйтку сивукльютын укмаңихсәғўәғақылгйт. Иляңилью сивуныңмың апыхтӯсялғутаңит атуқңукаңит.

Атуқфагилгамыхтики қаюситың, сягнытың, сйлют гагуситың сяниҳқуғұағақыхкаңит.)

5 Ынкām Фарисейтлю, апыхтуғикаюгытлю Лйлихтүсяның апыткāt Иисус: «Сяңамың малихсяхтытын ухтухпынатың нығақат? Сивунымта апыхтүсйт атуқигатйт». 6 Иисусым кймсиқй: «Ыльқухльюси Исаиям ўкналиқуткумақаниси пинийюгныңни лыпыси. Хўатын игақагуқ: “Кияғнық пйқ:

‘Укут югыт акузитмыхтыхун қўлвағақātңа, накāн илюмыхтыхун.

7 Тымңи манигуғақātңа, қаюхльяк апыхтүсяқакйт лйлихтүсяңльяқатың катам хўаңа Лйлихтүсяқыпихльыхйстун’ ”.

8 Ынкām лыпыси Кияғныңым Лйлихтүсй пакиглюки қатқақаси югыт апыхтүсйт».

9 Иисусым нагныгуткй: «Пакигильыпигүси Кияғныңым Лйлихтүсйтнун қаткыпигыснағналюки лыпыси катам апыхтүсяси. 10 Уна ысқа успутақ таўатын пильыхпысинун: Моисейем апықакй Кияғныңым Лйлихтүсй хўатын пилдйт: “Қўлвағлюку атанлю, нāнлю”. Хўатынлю пикагуқ: “Китум алңунак атанилью, нāнилью сығлықўкумикык туқутыльыңьяхқагуқ”. 11 Иўырңа лыпыси альяңўт апыхтуғилгыси. Хўатын пйқуси: “Югымңуқ атани налиғмың нāни хўатын пияғнāғмигу: ‘Каюситусихқалгўңа лыпынун иўырңа тўнāнгитақа қаюхльяк Корваныңўқ’ ”. (Корван хўатын писйгуқ, сйңынлю Кияғныңмун акықусяқумāқа.) 12 Таўатын пильыхпысигун апыхтуғақаси югыт каюсйнныңисяғнāтки атаңитлю, нāңитлю писқыльюки. 13 Ынкām пакигақаси Кияғныңым акузитаңи, апыхтүсяқыпигыснағналюки югнун лыпыси катам акузитыси. Тамāкут тымңи успутāгут, угляпихтут сяңўāt пйқыхкыси».

Сығлықусиқлю, Сығлықусйңгилнуқлю

14 Тāхкын Иисусым юлғутыт лъңанун тахсинқихльюки пикй: «Қамахтыңўағлюси нагалъюси лйгикитыху сямың пикатка. 15 Юк нығыхкāн нукухнақигатā, сығлытун сюмыхтағальхан, сьльханлю нукухнаққақā. 16 Сигутылгукуфси нагатусихқамың, нагатык!»

17 Иисусым унильюки юлгутыт итыгъян малихсѣхтыңита аптыкѣт уңипагѣн сямъң писѣтаңа. 18 Иисусым пикѣ: «Лъпысылъю лѣгикингистык? Сяңуѣ алңунак югым нығақыхкаңа нукухнахқусихқангитук лъңанун, 19 қаюхлъяк нығыхкѣи ихсѣқхұанун пинѣнгитут. Ақсѣқхұанун пѣкут ынкѣм югусѣиың ѣнақут». (Тауатын пилъыгмикун Иисусым апхұѣ нықыт қамахлъютың ныгъяхқанилюки.) 20 Пикѣлъю: «Югым қамакын илюминиың ѣныстыкѣн нукухнахқыстақѣ. 21 Қѣмкын югым илюңаның ѣнақут: сюмыхтағалъылюгыт, ныңухтыхпынани китумың алңунак атуқилъық, тыглыгнѣк, юхтақ, 22 гылгагнѣк, пакигнѣк, алңунак сығлытун пилъық, пұхти, кайңусѣгѣтылъық, ақина, юлгутмың иқлъыңиқутки, қукѣюхта ынкѣм тымңитхұа. 23 Тамѣкут қамахлъютың сығлыгыт югым илюңаның ѣныхкат нукухнахқикаюгұт».

Ағнам Ухпықилъхѣ

24 Тѣхкын Иисус ағуляқыхкақ Тирым туңаңанун, кѣлъюни мыңтығамун йтқак. Китумун алңунак налъюкысюгуяқаңа кѣтылғыни, иуырңа иляңита лѣсимақыхкѣт. 25-26 Ағнам язычнигым, альхықам Финикиями, Сириямылңуғми нагақуқѣ Иисус кѣсиманилюку. Панихѣ илюмикун туғнығалык. Ынкѣм аглярахкѣглюни Иисусымун сыгысқухлъюни мануңакун, манигұтқак ѣныстахтысқылъюку туғнығақ панигминың. 27 Иуырңа Иисусым пикѣ: «Тағнухѣт сивуклъютың нығысыхқѣгут, қаюхлъяк анахутнѣк тағнухѣт нықңит тугулюки қикминун милѣоскумың». 28 Ағнам кѣмсиқѣ: «Ѧа, Атанық, талұа қикмит қаюгвикым асиңанилңұт нығақут тағнухѣт ифхакълъхитның!» 29 Ынкѣм Иисусым пикѣ: «Нақамқун тауатын кѣмсиғахпыңа агляхѣтын, туғнығақ ѣнумѣк панихпының!» 30 Ағнақ ныминун аглягъялғѣми панига иңағмытыфтук қавагвигми, тѣуа лъѣгѣн туғнығақ ѣнумалғѣ паниганың.

Иисусым Нѣлъхускаңа Юк Нагақѣсигалңуқ Талұа Акузиййлңуқ

31 Тѣхкын Иисус ағуляқыхкақ Тирымың. Сидонымын, Қуля Ныхлъяхтыхунлъю ѣглюни Нѣйвамун Галилеямун

пикақ. ³²Югыт иляңита, юк нагақүсигалңуқ талўа акузиййлңуқ тагилъюку Иисусымун наңлгыхсйткāt сяфтысқыльюку. ³³Ынкām Иисусым аўйтуткā юлгутның. Сивукльюку тықхығни сигутыхкынун канаҳльюкык, тāхкын иқилъюкык қысиқлюки йхыни, улюңа сяфтыкā. ³⁴Тāхкын сивухльюни қилиягмун анықпақалюни юк пикā: «Еффафа!» (Тана хўатын писйлғй: «Рығихтык!») ³⁵Таўаниңинақ югым сигуткык рықиқак, улюңалъю пинйхтыкақ, ага акузиңинамағми пикақ акузиййлъиқыхпынани. ³⁶Тāхкын Иисусым иныхтыңўāқй китумун алңунақ уңипақыфқан писқыльюку, иўырңа иныхтāтағыстың ўата уңипақыхкāt. ³⁷Нагақўльхйт тамāкут ынңаталь сяғйгаюхльякат, пикат: «Ўм югым сяльха қамаҳльюни пинипырыўāгўқ! Талўа нагақүсигалңўт нагақүсягутыстй, акузиййлңўтлью акузиягутыстй!»

Иисусым Нығыстильха 4,000 Сйпңалғйның Югның

8 ¹Там киңуңйхāның юлгутыхльяк қырңуғульятāқак. Ныгьяхқақшахйгүсята Иисусым малихсяхтыни тахсиқлюки пикй: ²«Укут наңлгыгьягутыпихтанка. Хўаңамнинъақнығмың пиңаюни ағнығни ныгьяхқйгутут. ³Ныңитнун агляхтыстыкумки нығыстыхпынаки тумыми тākўани улыгьғалъықут, қаюхльяк иляңи уяваның тагиляғаткāгут». ⁴Малихсяхтыңита āптыкāt: «Мāни пāхкитуқ накын нықыңнақыста хўатын угляхқакалғйнун нāмаяхқамың?» ⁵Иисусым āптыкй: «Натын угляхқакāн нықыкшалгустык?» Кймсиқāt: «Мāграгвинлыгўт нықыкшагыт».

⁶Ынкām Иисусым юлгутыхльягыт қыльқй ақумўтысқыльюки нунакун. Тāхкын тугулюки тākут мāграгвинлык нықыкшагыт Кияғнық игамсиқаюгвикльюку, кагимльюки тўныхкй малихсяхтыминун уйыхтысқыльюки. Ынкām малихсяхтыңи уйыхтыкат. ⁷Қафсинкўрахағныңлью амсякалғйның иқальюлгыт. Иисусым игамсиқаюгвикльюку Кияғнық, тākутлью малихсяхтыминун уйыхтысқыхкй. ⁸⁻⁹Ынтақун 4,000ңўт югыт кыпсйльютың ныгўткат. Тāхкын малихсяхтыт

қырнухсяқмыхтыху сїпнық, маґрағвинлык корзинат имиқїт ыслықағахлыюки. ¹⁰Иисусым юлгутыхлыягыт ағуляқўтыслыюки, ынк̄ам малихсяхтыкульхїт аңьямун ўхлыютың ағуляқңинамағмың пикат Далмануфамун.

Фарисеит Альяхлыюхўахтитысқылдїт

¹¹Таманлыңўт Фарисеит такулюку Иисус ахтїрақат. Пикат: «Альяхлыюхўахтихлыяги, ынк̄ам ухпықылтықахпут ахтуғьяхқангильхын Кияғнығмың пинутаңа». Таўатын пикат анагнїльқавигиғналюку.

¹²Иисусым аныхпаглюни пикї: «Сяңамың матын ағнығым юги альяхлыюхўахтилтығмың туңсиғақат? Ипа уңипатамси, альяхлыюхўахтинъангитамси». ¹³Тәхкын унильюки, аңьямун ўхлыюни иңлюқанун нāйвам ағвиқат.

Иисусым Кылыңасяқәни Малихсяхтыни

¹⁴Малихсяхтыт пуйгумалдїт нықыкшаңлыямың кыльқыхпынатың, атасихафтуқ кыльқыхкāt аңьямылнуқ. ¹⁵Иисусым кылыңасяқї: «Кылыңаңўағлюси закваскатаңитның Фарисеит, заквасқаңаныңлыю Иродым».

¹⁶Тәхкын лъңитның алыхқўткат: «Таўатын пїлью қаюхлыяк нықыкшагилнўкут». ¹⁷Иисусым акузиткыңбуқаңи апыхтўсїт Фарисеит, апыхтўсїлью Иродым. Лїсимакыхқаңи малихсяхтыңан лїгикынгильқаңат акузиткыхк̄а ынк̄ам аптыкї: «Сяңан нықыкшагїнїлюси пистык? Паниның нальюкыстыхў, лїгикигастыхў? Умухтакї умыюгаси? ¹⁸Ийылгулдїси, ысхїгастык? Сигутылгўси, нагақўсигастык?»

Нықамикынгистыкї ¹⁹талымат нықыкшагыт кагимтыканка 5,000ынун? Қафсинат корзинат сїпнығмың имиғыстыки?» Кїмсиқат: «Қуля мālдуқ». ²⁰Иисусым аптыкї: «Маґрағвинлык нықыкшагыт кагимтақңамки 4,000ынун, қафсинат корзинат сїпнығмың имиғыстыки?» Кїмсиқат: «Маґрағвинлык». ²¹Аплъятақї: «Сяңафси паниның лїгикигастык?»

Иисусым Нальхускаңа Аякақ Юк Вифсаидами

²²Вифсаидамун кәсята иляңита югыт Иисусымун тагиткāt аякақ юк, сїфтахтысқыльюку. ²³Иисусым аякақ

таслюкльюку агулякутк̄а нымың. Т̄ахкын қысиғлюкык й̄скык с̄яфлюкык аптык̄а: «Сямың ысх̄аньыҕисйн?»
 24 Югым сивухльюни юхсюғалюни пик̄а: «Аа, ысхағанка югыт, иўырңа ысхақ̄алютың льяңақа уқфигыт пиюгульх̄ит». 25 Исусым альямың с̄яфтыкакык югым й̄скык. М̄атынльям юк ысх̄аньақыхльягьлғ̄ими, қымаль ысх̄асягуньықихтуқ х̄уатыхльюў̄ақ. 26 Исусым агл̄исқыкх̄а ныңанун, пик̄алью: «Агул̄ифқ̄авык т̄ак̄уани ными».

Петырым Исус Христосыңуникаңа

27 Т̄ахкын Исусылью малихс̄яхтыкульх̄ит агуляқыккат нынун туңаңанилңуғнун Кесария Филипповам. Тумыми т̄ак̄уани малихс̄яхтыни аптык̄и: «Кинаңунилюңа югыт п̄иқатңа?» 28 К̄ймсиқ̄ат: «Иляңита п̄иқатын Иоанныңунилютын Крестителым, иляңита Иляңун̄иқ̄атын, ынк̄ам иляңита налиқ̄нилютын ўкналиқ̄истыт». 29 Аптык̄и: «Льпыси киңаңун̄иқыстыңьа?» Петырым пик̄а: «Христосыңўтын». 30 Т̄ахкын Исусым иньхтыңьў̄ақ̄и: «Китумун алңунак апыхпынаңа».

Исусым А̄пқаңа Икфиқльюни Тукулъықхани

31 Т̄ахкын Исусым апыхтуқыстақ̄и малихс̄яхтыни: «Иғныға Югым ын̄әталъ икфиқыпыстағ̄ьяхқ̄ағуқ, ихсякс̄яқ̄ақ̄атлью с̄иванльығыт, первосвященнигыт, апыхтуғикаюгытлью Л̄илихт̄үсяның. Т̄ахкын тукулъық̄ат иўырңа пиңай̄иҕаңани ағнығым уңувахльық̄уқ». 32 Х̄уатыхльюў̄ақ̄ уңип̄атк̄и. Петырым иқ̄итульюку агьюқ̄а. 33 Иўырңа Исусым қ̄ивлюни ысхақ̄и малихс̄яхтыни т̄ахкын Петр агьюқ̄а. Пик̄а: «Аў̄йтын х̄уаңамның, Туғнығақ. Сюмыхтағалъыхтын югым сюмыхтағалъқ̄и, Кияғнығым сюмыхтағалъқ̄ынңит̄и!»

34 Т̄ахкын Исусым юлғутыхльягытлью, малихс̄яхтынилью тахсихтығлюки пик̄и: «Китум алңунак малихсюкумиңа, льңаның катам пиюкылъыни пыхльюки, қақ̄үрани уямиглюку малихльиңа. 35 Китум алңунак югулиюкумигу уңувалъыни ифльяхқ̄ақ̄а. Иўырңа китум алңунак ифльякумигу уңувалъыни х̄уаңа апальюқ̄льюңа, Пинилғ̄итлью Уңипат апальюқ̄льюки югулияхқ̄ақ̄а. 36 Сяңў̄аңам югым пинихқ̄усиқылыықагу пил̄ильюку

нунахляк, ифлякумикык уңувасигни? ³⁷Сямың'нам юк выхтусиқылъықа уңувасигминун? ³⁸Матын ағнығым юги атәсйғмынъығитут Кияғнығмун, сығлыхқумаңұтлюю. Мәни ағнығни китум алңунак кайңуягускаңаңа, апыхтүсянкалью, хўаңалюю Иғнығани Юғым кайңуягульықақа тагикума ахтуғьяхқәнғилъылиғлюңа Атамның кыльқыльюки аглығналғит якулгыт».

9 ¹Нағнығуткйлью хўатын: «Ипа уңипатамси, иляси ныкывғальхйт хўани туқунәнғитут кынляңа ысхальығмыхнун Атаныхпагульхә Кияғнығым тагикан ахтуғьяхқәнғилъыхтүмағми».

Иисусым Альяңуҳлыға

²Ағвинлык ағнық атуғлюку, Иисусым кыльқыльюки Петырлюю, Иаковлюю, Иоаннлюю, маюқат үсқалғимун найғамун. Лъңинахәлғит таўани Иисусым югусй альяңуҳтыкақ ысхәмалъхитни. ³Аткй қылмыхтыкат қатытун, қәтхатағәллютың китум алңунак нунами қатыхсяғақыхқаңаның. ⁴Тәхкын малихсәхтыт ысхапакахкыт Илиямлюю, Моисейемлюю алиғлютык алыхқуқаңак Иисус. ⁵⁻⁶Ынкәм малихсәхтыт алиңрүгутыхлякат рыпаль сямың пипағниңиткат. Тәхкын Петырым пикә Иисус: «Апыхтуғиста, итагнапихтукут хўәнлыңүкут! Пиңают азигутат ныкыфнақапут: лыпынунлюю, Моисейемунлюю, Илиямунлюю». ⁷Тәхкын қиляўәқ алиғлюни сәпыхкй. Қиляўәғмың мым пикй: «Унаңұқ пиниқыпихтыкыхка Иғнықа; нагатакитыху!» ⁸Тәхкын юхсюғәғәхсәлғимың Моисейемлюю, Илиямлюю авйтук, Иисусыңинахәқ таўантыфтуқ.

⁹Укигуткыльюку найғамың Иисусым уңипакыснаниғўәқә ысхәтыльхат кынляңа Иғныға Юғым туқульығмың уңувахтыкан. ¹⁰Ынкәм иныхсистың қәткыхкәт, иўырңа лъңинахныңмыхни пйқылғит: «Сямыңтуқ пийўә “Туқульығмың уңувахтыльық?”» ¹¹Тәхкын әптыкәт Иисус: «Сяңан апыхтуғикаюгыт Лйлихтүсяның пйқатху Илия сивукльюни тагипыстағьяхқәнилюку?» ¹²Кймсиқй: «Ипаңұқ Илия сивукльюни тагипыстағьяхқәгуқ ятәхқынәлюку сяңўә

тамаҳан. А̄птаҳлямси, нақам сяңан Акузитыт Игақыхкат пикақатху, Иғныға Югым икфиқыхлягьяхқәнилюку, сяс̄ингилнұғыстунлюю кияғусяхқәнилюку?

13 Иўырңа уңипәнбақамси Илия тагикағуқ, югыт пиюкыльығмыгыстун пикақат катам таўатын Акузитыт Игақыхкат пинақнильхистун».

Иисусым Нальхускаңа Мыкылғиқ Илюмикун Туғнығалық

14 Такуяқмыхтыки иляңи малихсәхтыт, юлғутыхляк таўантутыфтук. Иляңита апыхтуғикаюгыт Лйлихтүсяның ахтирағақыфтит малихсәхтыт.

15 Лыган югыт ысхағлюку Иисус сьгйгаюхляглютың пайғахляюку қуякыхкәт. 16 Иисусым малихсәхтыни аптыкй: «Сямың ахтирағақыстыки апыхтуғикаюгыт Лйлихтүсяның?» 17 Юлғутыхлягыт акулцитның югым кймсиқә: «Апыхтуғиста, иғнықа тагисяғақа лыпынун, қаюхляк илюмикун туғнығалгұқ. Тәм туғнығам акузисигатә. 18 Кәтыпихнығминиғу иқустақә, қанғалью нувахлйхқыстақә, хұтңи тышқитәхтахтыстақй, тывыхқұастақалью. Малихсәхтыхпынун каягутахсяғақа туғнығақ аныстысқыльюку иўырңа пипағниңитәт».

19 Иисусым малихсәхтыни пикй: «Льпыси юғни ухпыкильхитуси! Натын тахкән лыпысининьбақсиңа ухпықысқыльюңа? Мыкылғиқ хұавык тагитыху!»

20 Ынкәм тагиткәт. Лыган туғнығам ысхағлюку Иисус, мыкылғиқ иқусльюку сяюхпахтахтыстыкә. Тамәни тымңи улхитапырыўахтыстыкә, қанғалью нувахлйхтыстыкә.

21 Иисусым аптыкә атаңа: «Қавңаҳаның таўатыта?» Кймсиқә: «Мыкыстахәтминың има. 22 Угляңән кынғыгнунлюю, мыңмунлюю иқустахсягә туқусқыльюку. Пияхқәкувык наңлыгьягульютуң каюсийтахтикуң!»

23 Иисусым пикә: «Сяңавык таўатын пизин: “Пияхқәкувык”? Кияғнығым сяңўә алңунак пияхқәкә югмун ухпылғимун». 24 Таўаниңинақ мыкылғиғым атаңа игляхтулюни пикақ: «Ухпыхтуңа, иўырңа ухпыльыхтухтағақәңа!»

25 Иисусым ысхағлюки ўата югыт тагиляғальхит қывұллюку ағьбқә туғнығақ: «Уюқ туғнығақ

тўслъяқтыстилділъяю, акузистинигалнұқлыю
 қылғамкын āни мыкылдіғмың, альямыңлыю
 итыфқāвык лъңанун пилдāтын». ²⁶Тұғнығам мыкылдіғ
 арағāтақтыстыхлъяглюку, сяюпахтақтыстыхлъяглюку,
 āныхкақ. Лыган мыкылдіғ ысхақāлюни туқукақ рыпаль
 ысхапалдīt пикат: «Туқумāқ!» ²⁷Иўырңа Иисусым йхакун
 тугулюку каюсйткā ныкывысқылъяюку ынкāм ныкывыхкақ.

²⁸Иисус мыңтығамун итыгъян лъңинахāхсямың
 малихсѣхтыңита āптыкāt: «Сяңан хўаңкута āнысныңмың
 ахтуғыстыху туғнығақ?» ²⁹Иисусым кїмсиқй: «Таўатылңуқ
 туғнығақ юғахїнāм āнысѣхқақā, сям алья пинāнгитā».

Иисусым Акузиткыльѣятақаңа Туқулъыхқани

³⁰Тāхкын нымың агуляқлыютың нагнықат Галилеякун.
 Иисусым китумун алңунак лїсимакысюгумаңиткā
 нāнтулыни, ³¹қаюхлъяк апыхтўнукаңи малихсѣхтыни
 туқулъыхқаминың. Пикй: «Иғныға Юғым тугулюку
 тўныльықāt югнун тукутысқылъяюку, нақамынрақ
 пиңают ағнығыт атуғлюки уңувахллықуқ». ³²Иўырңа
 лїгикумаңилькаңат апыхтўся сямың писїтаңа, ынкāм
 āпсюгумаңилькаңат тытуглютың.

Кина Аңылъыхпигāйа?

³³Капернаумымун кāльютың, итыгāсямың Иисусым
 āптыкй: «Иглыгуткыльъяюку сяңўā āхтїрāгуткақыстыху?»
³⁴Кїмсиғьюгумаңилькаңат, қаюхлъяк иглыгуткыльъяюку
 āхтїрāгуткат налихтың аңылъыхпигāйяхқāтаңа. ³⁵Иисусым
 ақумлюни, қуля мālғук сїпнықлыюку малихсѣхтыни
 туқлъяюлюки пикй: «Кина алңунак сивулїхсюкуми
 ныкыхлїи киңулїлюни, қыпхахтыңулилью тамахāнун».

³⁶Тāхкын тағнухақ тугулюку ныкывыстыкā қукїтхун.
 Қыльюку пикй: ³⁷«Китум алңунак тугукльїкумигу
 тағнухахақ ўтун аюқылдї хўаңа апальюкльюңа,
 тугукльїғақāңа хўаңа. Китум алңунак тугукльїкумиңа,
 тугукльїхллықā Атакā каяхтикақ хўаңамның».

Хўаңкунъың Кипулъхинāнгилңуқ Хўаңкутыстун Аюқуқ

³⁸Мулюхпынатың Иоанным пикā: «Апыхтугиста,
 йк ысхāмāхпут атыхпыгун āнысқулдї туғнығағның».

Иныхсимāхпут қаюхляк хўаңкунъун илятңаңилңуқ». 39 Исусым пикй: «Иныхтыхпынāн! Қаюхляк кина алңунак атымкун альяҳльюхўахтиңукуми сыңлытун акузиткылғахтуғнāнғитāңа. 40 Китум алңунак кипульыгмун пингилькаңилью, қыпхалгуткахпут. 41 Ипа уңипāтамси, китум алңунак мыҳсикаңиси хўаңа пикутымның, ипапыстāқ акилыхтўсыяңьяхқāгуқ».


Сығлыҳқыстыльық

42 «Атāсиқ тағнуҳақ ухпықиңалғй хўаңамның, югым сығлыҳқыстыкагу, пиниғатағағнаяхтуқ тāна йк мыгмун атыҳсяқуми уяқхўакун қāмқахфикльюку уйғахлягмың. 43 Йыхпык сығлыҳқыстыкаңатын кыпнакытын.

Пиниғатағағнаяхтутын югусиҳпык налиғныңа ифльякувгу уңувальыҳпык ифльяльыҳқāның қўнпырухляк. Тāна пиниғатағахтуқ иңлюхтун

йхылиқлютын геенамун агляльыҳқахпының. Таўани кумағутғалғй кынық қāмьяхқāнғитут. 44 Таўани: “киңугыт нығыхкаюгыт югмың туқуяхқāнғитут, кумағуғалғйлью кынық қāмьяхқāнғитут”. 45 Итығахпык сығлыҳқыстыкаңатын, йкнакытын! Пиниғатағағнаяхтутын югусиҳпык налиғныңа ифльякувгу уңувальыҳпык ифльяльыҳқāның қўнпырухляк. Тāна пиниғатағахтуқ иңлюхтун итығалиқлютын геенамун милйотыльыҳқахпының.

46 Таўани: “киңугыт нығыхкаюгыт югмың туқуяхқāнғитут, кумағуғалғйлью кынық қāмьяхқāнғитут”. 47 Ййыхпык сығлыҳқыстыкаңатын, ипугнакын! Пиниғатағағнаяхтутын Атаныҳпагульханун Кияғныңым йтқувык иңлюпигағмың йскыльютын, иңлюхтун ийылгулютын геенамун милйотыльыҳқахпының. 48 Таўани:



(От Марка 9:42)

“кинугыт нығыхкаюгыт югмың тукуяхқангитут,
кумағуғналғилью кынық қамьяхқангитук”.

49 Тамағағми тағыюлихлығық кынығмың.

50 Тағыюқ пинихтуқ иўырға тағыюғниңйскан,
натын лыпыси тағыюғнихльятәғнаяғыстыху?
Тағыюғниңйтыхпынаси, ныкыхмытульюсилью».

Иисусым Апыхтўсяқықкык Ныңухтылью, Пылхутутылью

10 1 Тәхкын Иисус ағуляқыхқақ тамākын нунамың.
Агльағлюни нунамун атқылғимун Иудеямун,
ағвиқақык Кйўык Иорданык. Юлгутым қырнухфикльятәқā
ынкām апыхтуқй пйқылғығмитун.

2 Иляңита Фарисеит такулюку
анагнйльқавигиғнақуткыльюку аптыкāt:
«Лйлихтўсямнйи итагнахтā югым нулйни пыхтыкумигу?»

3 Иисусым кймсиқй аптымбың: «Сяңāўами Моисейем
қылғуся?» 4 Кймсиқāt: «Моисейем пилыхқалитқақā
йок пыхтусим игй имиғлюки пыхтысқылъюку

нулиха». 5 Иисусым пикй: «Таўатын Моисейем
Лйлихтўсялитқақйси пиныхльюхльягутыхпысиның.

6 Иўырға нунаңльяғыюхўālлығымың “Кияғнығым
улимақақāk йоклью, ағнақлью”. 7 Тāна апальюқльюку

югым унильюкык атанилью, нāнилью нулйғминун
льйғўāғьяхқағук. 8 Ынкām мālғугунанихлығықук,
атāsйхлығықук. 9 Тамākын апальюқльюку

Кияғнығым қырнуғутыстыкақык йықай югым
пылхутутыснығилыкык».

10 Мыңтығамун итығāsямың малихсйхтыт аптыкāt
Иисус тамākын пилханың. 11 Иисусым пикй: «Югым
нулйни пыхльюку альяның нулихтукуми, тāўа
гылғағнйхлығықук. 12 Таўатыхпиғақ ағнам угини
пыхльюку альяның угйқуми, тāўа гылғағнйхлығықук».

Иисусым Қуястықаңи Тағнухāt

13 Иляңита югыт тагиткйт тағнухāt Иисусымун
сйфльюки қуястысқылъюки, иўырға малихсйхтыт
иныхтыкйт тагитилғйт. 14 Иисусым ысхағлюки
сығлығьягульюки малихсйхтыни пикй: «Тағнухāt тагилит

хуаңамнун. Иныхтыхпынаки, қаюқлъяк Атаныхпагульха Кияғнығым тағнухағыстун аюқылдйт пикәт. ¹⁵Ипа уңипатамси, китум алңунак тугукльингилькумигу Атаныхпагульха Кияғнығым тағнухахтун, итығнәнғитуқ». ¹⁶Тәхкын тағнухәт тугақльюки, сәфтақльюки қуястыкй.

Акльюңилңуқ Юк

¹⁷Иисус иглыхнықихтақуқлью, югым кытанкуснак такулюку мануңакун сыгысқуқльюни әптыкә: «Пинилдй Апыхтуғиста, натын сялюңа кынлыңилңуқ уңувалтық альхыхнаыхсикун?» ¹⁸Иисусым әптыкә: «Сяңан пинигнизиңа? Кина алңунак пинингитук, Кияғныхйнағуқ пинилдй. ¹⁹Лйлихтүсят лйсимакатын: “Юхтахпынаң; гылгағниҳпынаң; тыглыхпынаң; иқльыңиқуткыхпынаки югыт; пұхтихпынаң; құлвағлюкык атанлью, нәнлью”». ²⁰Югым пикә: «Апыхтуғиста, има нукальпигәтымның қаткыңьўанка тәкут Лйлихтүсят». ²¹Иисусым пиниқыпихльюку қйвлюку пикә: «Атәсийгуқ пияхқан. Акикугьяхтуху қамахльюку сягьян, ынкәм акиңа тунқуғнакын акльюмалдйинун. Таўатын пикувык акльюңилтыкутын қиягми. Тәхкын малихсяхтуғнакывңа». ²²Таўатын пиятни юк нулгйқак, иқиткақ йльқыпихльюни қаюқлъяк акльюңитыпихльыҳй.

²³Иисус юхсюғалюни малихсяхтыни пикй: «Пияқнапихтуқ акльюңилңуғни итыльыхқә Атаныхпагульха Кияғнығым!» ²⁴Таўатын пийистың малихсяхтыт сяғйғаюкат. Иисусым пилйтақй: «Тағнухағни, пияқнапихтуқ итыльыхқак Атаныхпагульханун Кияғнығым! ²⁵Пияқнйсяхқәгуқ верблюдым сюфльюгутыльыхқә сикұм ййңакун, акльюңилңұм югым итыльыхқәның Атаныхпагульханун Кияғнығым». ²⁶Малихсяхтыт ўатақәғак сяғйғаюкат, ынкәм лъңитның әпқуғәгуткат: «Кинаңам югулилтыңылтықә?» ²⁷Иисусым қйвлюки пикй: «Югыт пияхқақынгилькаңит, Кияғнығым пияхқақй».

²⁸Тәхкын Петырым пикә: «Ысхақахқутқун, сяңўә қамахльюку унильюку малихлығығатамкын».

²⁹Иисусым пикй: «Ипа уңипатамси, китум алңунак унискумики мыңтығани, аңлыгутни, нәни,

атани, авақутани, нунани апальюқльюңа хўаңа, Пинилғйтлью Уңипат, ³⁰ альхыгутәғағьяхқәгуқ хўани кияхтәльығми. Мыңтығә, аңлыгутәни, нәңа, авақутй, нунәңа, нуляхльягьяхқәгут; тамәкунун малигульюку амьбюткыльыңьяхқәгуқ. Тәхкын тәкўәниңани кынлыңилнұғмың уңувальыңьяхқәгуқ. ³¹ Иўырңа углялғйт аңыльыхпигәт укалйхсяхқәгут тәгани, ынкәм углялғйт укалйхпигәт аңыльыхпигәхсяхқәгут».

Иисусым Туқульыхқани Акузиткыльытақәңа

³² Иисус ага сивуңитнитни игльығәнулюку тумытхун Иерусалимымун аюқылғйтхун. Малихсяхтыңи сьгйғәюкат, югытлью алиңумағмың малихтыкәт. Иисусым қуля мәлдук сйпнықльюку малихсяхтыни әфульюки уңипәльытақй сьльыхқаминың. ³³ Пикй: «Нагатык, Иерусалимынәақукут. Таўани Иғнығә Югым тўныльыкәт первосвященнигынунлью, апыхтуғикаюгнунлью Лйлихтўсяның. Нанқихльюку туқусяхқәнилъыкәт, ынкәм тўныльыкәт язычнигнун. ³⁴ Тәкут лыгасйғўәткыльыкәт, қысиқульыкәт, кахсягмихльыкәт, туқульыкәтлью. Пиңают ағнығыт атуғлюки уңувахльықуқ».

Иаковым, Иоанным Туңсилъыхак

³⁵ Тәхкын Иаковым, Иоанным, Зеведейем игнығыхкынка такулюку Иисус пикәт: «Апыхтуғиста, льпынун сьмың писқысюхтукуң». ³⁶ Иисусым әптыкакык: «Сьақысюгыстык хўәнамнун?» ³⁷ Кймсиқәк: «Ниғуҳқыңғәлғйми Атаныхпагульыхпыни ақумыхкувык ақумылгусйгюгамкын, налихпут ағынқигныхпынильюку, налихпуң сьгумигныхпынильюку». ³⁸ Иисусым пики: «Нальюкаҳси сьмың туңсилъыхси. Мығьяхқамның қаәсимылнұғми мығыльықыстык? Крестиғальыхқамтун крестихльықыстык?» ³⁹ Кймсиқәк: «Пияхқәгукуң». Иисусым пики: «Мығьяхқәқа қаәсимылнұқ қайўа мығыльықыстыху, крестиғыльыкутуклью крестиғальыхқамтун. ⁴⁰ Иўырңа хўаңа накмиксяхқәқынғитанка килью ақумьяхқәтәни ағынқигнымкунлью, сьгумигнымкунлью, ятәхқуткат тамәкут ақумьяхқәгут».

41 Тәкут қуля малихсәхтыт нагақуғлюкык Иаковым, Иоанным пильҳак, угумиягуткахкыт. 42 Ынкәм Иисусым қырнухлбюки пикй: «Лйсимакаси язычнигыт иглығутистыңита атанғутақйт ютың, аңўағухтыкатлбю юкықутақйт. 43 Иўырңа таўатысяққанғитуси лыпыси. Налихси аңўағуюкуми қыпхақтыңули иляминун, 44 налихсылбю аңылбыхпигәюкуми қыпхақтылбгұхлы тамаңанун. 45 Талўа Иғныға Югым тагикәнғитук қыпхәтысқылбюни, тагикәгуқ қыпхәтиналюнильбю тўналюкульбю уңуалбныни югулиналюки юлғутыт».

Иисусым Нәлхускаңа Аякақ Вартимей

46 Тәхкын Иисусылбю малихсәхтыкульхйт, юлғутыхлбгытлбю Иерихонымун кәлбютың, ағуляқыхкат. Таўаңуқ аякақ юк, әтха Вартимей, игныға Тимейем ақумлюни тумыт сяниңитхун туңсиграғақылдй. 47 Нагақуғьямигу Иисус Назаретыгмй, туғўағнилюку акилғўақ: «Иисус! Иғнығани Давидым! Наңлыбгягутахтиңа!»

48 Углялдйим югым ағбюқәт ныпйғысқылбюку иўырңа қывўтағалбюни акилғўақ: «Иғнығани Давидым, наңлыбгягутахтиңа!» 49 Иисусым ағулйглюни пикй: «Тагисқитыху». Ынкәм туқлбюглюку аякақ пикәт: «Сығлыхалык, туқлбюғәтын ныкыви!» 50 Қәслбйк аткуягығни матағахлбюкык ныкыфқахлбюни такукә Иисус. 51 Иисусым әптыкә: «Сясқылбютын пйқсин?» Аякам кймсиқә: «Апыхтуғиста, ысхәхсгунбәқәсхтуңа». 52 Иисусым пикә: «Иглыхлбыхәтын, ухпықилбыхпык нәлхутыстәтын». Таўаниңинақ ысхәсгутқәк тәхкын малихтыкә Иисус.

11 1-2 Туңяғьялдйимың Иерусалимымун, кәткат Виффагиямунлбю, Вифаниямунлбю, Елеоным найғахани. Тәхкын Иисусым каяхтыкакык мәлдук малихсәхтығни нымун писқылбюкык. Пикакык: «Кәтағыснақуфтык ысхәхлбыхәхтык осәлағақ пытуғналдй китум алңунак иглығуткумаңилькаңа. Итымұлбюку тагинбакыси. 3 Китум алңунак әптыкаңистык хўатын: «Сянақыстыху?» уңипәнбакыси: “Атанғым атуқсюгә. Тәқағыснақумигу вығутыснағә”».

4 Ынкām нымун кālъютык тумынильюку ысхақāk осёлағақ пытуғналғи мыңтығам амиган туңақакун. Итымсималюку 5 югыт ныкывғатāгульхйт таўани āптыкахкыт: «Сяңан итымутыстыгныгу осёлағақ?»

6 Кймсиқйк Иисусым апыхтульхатун ынкām югыт ныпйгуткахкыт. 7 Иисусымун кātuльюку осёлағақ, қасльйт аткуятын тыгикусям қайңакун льяитки, Иисус ухльюни иглыхтыкақ. 8 Тамāкут юлгутыт иглыгульхйт тумытхун сяхқукйт қасльйт аткуятың, иляңит аваямың кукуңалыгмың икутақльютың тумыт сяхқугвикыхкйт. 9 Иисусым сивуңанилңўтлью, киңуңанилңўтлью акилцўткат:

«Усюқнаҳалык Кияғнық!

Кияғнығым қуясльигу тагилцй āтхакун Атанғым!

10 Кияғнығым қуясльигу тагилцй атаныхпагульха сивунымта Давидым!

Усюқнаҳалык Кияғнық қулихпигағмылңуқ қилягми!»

11 Иисус кālъюни Иерусалимымун, агляқак Храмымун. Таўани сяңўā қамахльюку ювғйқā. Хўаникуңулцй, кыльқылъюки қуля мālгук сйпнықльюку малихсяхтыни агляқак Вифаниямун.

Иисусым Ныгвиксяхқāнанихтыстыкаңа Смоквам Уқфига

12 Унāмиңани, Вифаниямың утыгнйткыльюку Иисус игатақак. 13 Уяваның ысхақā смоквам уқфига кукуңахтуқак, ынкām ысхағьяхтуқā смоквалгунаюкан. Кāсяқминигу кукуңарāгинāфтук, қаюхльяк сялин смокват пйсюгнйлңўт. 14 Иисусым уқфик пикā: «Альямыңлью китум алңунак смокватугвикнāнгитāтын!» Малихсяхтыңита нагаткāt.

Иисус Храмымун Пилцй

15 Кāсямың Иерусалимымун, Иисус, Храмымун пикақ. Таўани āнысқукй тукфихтулцйтлью, акильпыгалцйтлью. Манимың навыхқухтыт қаюгвигит улыхқукй, акумутйтлью қаўāгмың акильпыгахтыт. 16 Наңақахсяхқāнанихтыстыкйлью килью алңунак сямың тугумйлгыт Храмым мануғакун. 17 Тāхкын апыхтуқй югыт:

«Киягның пика̄гуқ Акузитни Игақыхкани:
“Мыңтығақа, юғағвигуяққа̄гуқ тамаҳанун юганун
нунам”.

Иўырңа лыпыси йғағвигуҗтаҳси ўаягнйхтынун!»

18 Первосвященнигытлю, апыхтуғикаюгытлю
Лйлихтўсяның нагақуғлюку таўатын пильҳа,
акузимхуткыхкāt натын туқутыльықхамың, нақам
аликумāн. Аликыхкāt, қаюхлъяк қамахлъятың
юлғутыхлъягыт саяғйгаюгутнукаңит апығйльхи.

19 Иғивгагьягу Иисусытлю малихсѣхтыкульхйт
ағуляқыхкат Иерусалимымың.

Иисусым Апыхтўсяқыхкани Ухпықилъық, Юғалъық, Сығывутилъық

20 Унāнулюку иглыгуткыльюку ысхақāt смоквам
уқфига палиғўағумалғй акуҳағминун кынляңа.

21 Петырым ысхағлюку нықātкā Иисусым пильҳа. Ынкām
пикā: «Апыхтуғиста, йи, смоквам уқфига иныхтыңўақан
палиғўағумāқ».

22 Иисусым пикй: «Ухпықитыху Киягның. 23 Ипа
уңипāтамси, китум алңунак малғукльильңунани
илюмикун, ухпықыхкумикилью акузитни пияхқātаңи,
уна нāйғақ хўатын пикумигу: “Кыльйнун āтхи”, тāўа
апығйғьяққа̄гуқ лъңанун. 24 Ынкām уңипāтамси:
сяңўа алңунак аклююкыхкаҳси юғātкыхкуфсигу
ухпықльюку альхыхсѣхқақаҳси, тāўа альхыхлъяқаҳси.

25 Ныкывныхпысини юғағналюси, сығывутақитыки
сығлытун пистыси, ынкām Атахпыси қиягмылңум
сығывулъықй сығлыхқылъыси». 26 Иўырңа
сығывутинғилькуфси, талўа Атахпыси қиягмылңум
сығывуньāнғитй сығлыхқылъыси.

Аптыкаңат Иисус Пильыққāның

27 Иисусытлю малихсѣхтыкульхйт кāнъықихтыкат
Иерусалимымун. Иисус иглыхсималюку Храмым
мануғāни, правосвященнигытлю, апыхтуғикаюгытлю
Лйлихтўсяның, Старейшинытлю такулюку 28 аптыкāt:
«Сям пильыққāкун āнысқуҳсики акильпыгахтыт? Китум
қылыльҳакун таўатын пиңузин?»

²⁹Иисусым кїмсиқї: «Уңипālьықамси китум қылылғакун таўатын пикātка кїмсиқуфсиңа. ³⁰Иоанным крестиғильға Кияғныңмың пиңўа, налиғмың юғның? Уңипāтыңға».

³¹Льмыхның акузимхуткат: «Кияғныңмың пикникумтыху, пилықйлью: “Сяңанңам ухпықынғистыху Иоанн?” ³²Юғның пикникумтыху юғыт аңуййльықйлью». (Алиңыхкат юғның, қаюхляк юғыт қамахльютың ухпықнуқаңат Иоанн ўкналиқистыңутаңа.) ³³Ынкām Иисус кїмсиқāt: «Нальюқахпут». Иисусым пикї: «Хўаңалью уңипāнъаңгитамси китум қылылхакун таўатын пикātка».

Иисусым Уңипағātкыхкәңи Афльыңакистыңи Винограднигмын

12 ¹Тāхкын Иисусым уңипағātытхун алыхқуқй. Пикї: «Тāўаңуқ юк пйтысйғақак виноградымың, миңльюсиқālью увитаңа пйтысйғағвини. Лягуткакык виноградымун қагыққўсик, ныкыфтыкālью кылыңакивихкақ. Тāхкын пйтысйғағвини навгиткā виноградымың пйтысйғақтыңун ныңитысқылъюни, ынкām лъңа натмун ағуляқыхкақ. ²Сяғнаяққāхсята атāсиқ қыпхақтыни кывгақыхкā ныңини виноградыт ақфасқылъюки. ³Кāсян тāкут афльыңакистыт акуқағлюку қывутйғлюку аваңунāн агляхтыстыкāt. ⁴Кывгақлъятақā иляңа қыпхақтыни. Тāна нāсқўакун кйтикулюку, кайңусяғātыстыкāt. ⁵Кывгақйлятақак иляңаның қыпхақтыми ынкām тāна туқуткāt. Иляңилью қыпхақтылғутыни кывгақынғаки лыган таўатын пйқыхкәңит, иляңит қывутйқйт, иляңит туқуқуқйт.

⁶Қынўат атāсихāхтуқ кывгақсяққā, иғныңа пиникумтāға. Кывгақыхкā сюмыхтағāмағми хўатын: “Иғныңа сйвакылъықāt”. ⁷Иўырңа тāкут афльыңакистыт илятың пикйт: “Ўм пилйсяққакā уна пйтысйғағвик. Туқутылытыху ынкām пйтысйғағвик хўаңкута пилйльықахпут!” ⁸Ынкām акуқағлюку, туқульюку югусй ыхтыкāt пйтысйғағвикмың».

⁹Иисусым аптыкй: «Сялбықаң'нам пйтысйғағвилык? Тагилюни навғитивикыхкақсяқынъи тәкут туқуқуғлюки, ынкәм пйтысйғағвини альянун навғилтықә. ¹⁰Атихтйгастыхӯ уна Акузитни Игақыхкани?

“Уйғак мыңтығаңлъяхтыт ихсякыхкәт пиялғими мыгнуналъыхпиғәфтуқ уйғак.

¹¹Тәна Атанғым апығйқақә, Аляхльюхӯағьюгнапихтуқ!”»

¹²Иудеит иглыгутистыңита тугуюпихтыкақсяқанат, қаюхльяк лйгикылғйт уңипағәтйтхун Иисусым лъңит акузиткақыфти. Иўырңа алиңыхкат юлгутның ынкәм унилюку агуляқыхкат.

Апқуғәлтық Налогның

¹³Тәм киңуңаның Иудеит иглыгутистыңита каяхтыкйт иляңи Фарисеитлю, малихсяхтыңилью Иродым анагнйльқавигйскылюку Иисус. Каяхтыкйт анагнйльқавигйскылюку акузильҳакун. ¹⁴Кәлюку пикәт: «Апыхтуғиста, лйсимакамкын атәсйғмытутын. Уәкигататын югыт сюмыхтағалхит, талӯа уәкигататын югыт сяңуяғңәта, иўырңа ипапихқылыютын апыхтӯсяқақан Кияғныңым пиюкыльҳа югнун.

Уңипәтахтикут, Кияғныңым

Лйлихтӯсяни ыльқуғутңә

львигильхықхәпупт

налогның Кесарымун?

Львигильтәә налиғмың

пинғитыльтә?» ¹⁵Иўырңа

Иисусым лйсимакыхкәңи

сығлытун пинуқаңат

ынкәм пикй: «Сяңама

анагвигйғнақуткыстыңә?

Манилитахтыңә, ысхақағлякун».

¹⁶Тўньятни аптыкй: «Китум хинақагулю, әтқагулю уна?» Кймсиқәт: «Кесарым».

¹⁷Иисусым пикй: «Тўнитыки Кесарымун тамәкут Кесарым пиңи. Тўнитыки Кияғныңмун тамәкут Кияғныңым пиңи». ынкәм сяғйғаягуткәт Иисус.



(От Марка 12:15)

Апқуғалық Туқукат Уңувахтыльхитның

18 Тәхкын иляңи Саддукеит, Иисусымун пикат. (Тамәкут пйқылғит туқукат уңувағьяхқәнгинъюки.) 19 Пикат: «Апыхтуғиста, Моисейем Лйлихтүсяңлъяқақйлью хұатын: “Юк нульлык авақутихпынани туқукан аңлыгутаңан тугуяхқақә ағнақ авақутињбәлюку аңлыгутни туқукақ”.

20 Таўаңуқ мәғрағвинлык югыт аңлыгуткульхит.

Нуйыкльиҳпигақ нулихтуғлюни авақутихпынани туқукақ.

21 Ынкәм тўңлихән тугукә ағнақ, иўырңа лњәлью

туқукақ авақутихпынани. Пиңаййтаңан тугулюку

ағнақ, туқукақ авақутихпынани. 22 Қамахльютың

тугәқльюку ағнақ туқуляғәткат авақутихпынатың.

Киңулихпигәлюни ағнақ туқукақ. 23 Қамахльютың

мәғрағвинлык аңлыгуткульхит нулихқыхқақсяқаңат.

Ағнығми таўани туқукат уңувахтўтыльхитни, нальита ағнақ нулихқылбықағу?»

24 Иисусым кймсиқй: «Сюмыхтағалыси анахутнәт қаюхльяк лйгикигалькыси Акузитыт Игақыхкат, нальюкыхкысылъю Кияғнығым ахтуғьяхқәнгильха.

25 Туқукат уңувахтўскумың туқульығмың,

қиягмылнұғыстун яқулғыстун аюқсяхқәгут,

ныңугутусяхқәнгитут. 26 Атихтиғастыхў Кияғнығым

апыльха туқукат уңувалъыхқйтның туқульығмың?

Моисейем игәни апыңәқ кумағутғәлғими

уқфильыгағми. Таўани Кияғнығым пикақә Моисей:

“Хўаңа Кияғнықәңа Авраамым, Кияғнықәңа Исаакым,

Кияғнықәңа Иаковым”. 27 Тәна хұатын писйгуқ, Кияғнық,

Кияғнықынғитәт туқукат, Кияғнықәт уңувалғит. Ынкәм

анахутыпихсимәси!»

Аңыльыхпигақ Лйлихтўсяқ

28 Апыхтуғикаюк Лйлихтўсяның тагилюни нагаткй

әхтирәгульхит. Нагальюку Иисусым кймсиғилъятақульха

Саддукеинун, әптыкә: «Натуңәўа Лйлихтўсяқ

мыгнуналъыхпигақ?»

29 Иисусым кймсиқә: «Мыгнуналъыхпигақ унаңўк:

“Нагатык, Израилығмйни! Атанық Кияғныхпут

тәнаңинахәгуқ Атанық. 30 Атанық Кияғнығын

пиниқсяхқақан тамаҳākун илюхпыгун, тамаҳākун уңувасихпыгун, тамаҳākун умьюгахпыгун, қамахльюкилью икнақылғыхпыгун”. 31 Тўңлихā хўатытуқ: “Пиниқсяхқақатын юлгутытын, пиниқылғыхпытун лыпынун катам”. Аля Лйлихтўсйтук тākугытун мыгнунахтуткалғимың.

32 Апыхтуғикаюгым Лйлихтўсяның Исус пикā: «Апыхтуғиста, ыльқуғахтан! Ипаңўк тāна пилъхын, Атанық тāнаңинахāгук Кияғнық, аля аваңитук кияғныңмың иўырңақун лъңа. 33 Ынкām югым пиниқсяхқақā Кияғнық тамаҳākун илюми, тамаҳākун умьюгагми, тамаҳākунлью икнақылғыгми. Пиниқсяхқақйлью юлгутни катам лъңаның пиниқылғыгмитун. Тākук Лйлихтўсяк мыгнунағатағахтук паныхльюку тунусяқыхканың, налиғмың ахқуткыхканың».

34 Исусым лйгиксямигу югым кймсйтңа ыльқугутңалғй, пикā: «Қантағантутын Атаныхпагульханың Кияғныңым». Тām киңуңаның китум алңунак тытугьягуткā āпқуғанығмың Исус.

Āпқуғālыық Христосымың

35 Храмыми, Исусым апыхтуғиткыльюку āптыкй: «Сяңан апыхтуғикаюгыт Лйлихтўсяның пйқатху Христос Давидымун Иғнықнилюку? 36 Аглығналғйм Тағныңам Давид хўатын пистыкақā:

“Атанғым пй Атанқа:

Ақуми хўагун ағынқигнымкун кынляңа аңуяхтын итығахпык асиңанун лйхтылтымнун”.

37 Давидым лъңан катам атиқақā: “Атанығмың” ынкām натын Христос Иғнықагу Давидым?» Юлдутыт қуякусиқинағлюку нагаткāt Исус.

Исусым Кылыңасяғусқаңи Апыхтуғикаюгыт Лйлихтўсяның

38 Апыхтўткыльюки пикй: «Кылыңалюси апыхтуғикаюгның Лйлихтўсяның. Āсюныхтўт атқуяғмың ақухтуқамың, иглыхсюныхтўтлью акильпыгағвигни югнун қуңухфикысқылъютың. 39 Ақумьюныхтўт

аңуағуқтыкат ақумутитхун, синагоганилю
нықынғақылғинилью. ⁴⁰ Ысхағлятақуақит угиңиғат
мыңтығиғақлыюки. Тәхкын пиниғнилютың пискыльютың
тәкльюку юғағақут. Тамәкын апальюқлыюку
ағьюльыңықлыгьяхқәгут!»

Угиңиғам Тунуся

⁴¹ Храмыми, Иисусым ақумгаткыльюку туңаңакун
манилғутам, ысхапакй юлғутыт канахтиғәталғит
манимыхның. Акльюңилнұт юлғутыт манилғутмың
канахқуқат. ⁴² Тәхкын акльюмалғи угиңиғақ итылғюни
канахтыкакык мәлгук маниңиҳәк, қырңағмык
монетаңуфтук. ⁴³ Иисусым малихсәхтыни туқлыюғлюки
пикй: «Ипа уңипәтамси, үм акльюмалғим угиңиғам
тұныхкакык қайғутиңүк акльюңилнұт тұныхкйтның.
⁴⁴ Югыт канахтиңүт акльюңимыхның, иўырңа үм ағнам
канахтә қамахльюку маниңиҳани, акльюкңуяқаңа
лңанун киягусихқәлюку».

Лйсимакусихқат Нунам Кынлыкаққәнун

13 ¹ Иисус аңумалюку Храмымың, атәсим
малихсәхтыңан пикә: «Апыхтуғиста, йи!
Ысхақаққиқун мәкут пиниғнахльягыт мыңтығат
уйғагрукутахльягның улимәғыт».

² Иисусым пикә: «Ысхақсикй мыңтығахльягыт мәкут?
Талўа атәсиқ уйғак нымининьәңгитук; қамахльютың
ульыхқуғьяхқәгут».

³ Елеоным найғаҳани, Иисус лңинаҳағми
ақумгамалюку Храмымун аюқлыюни Петырым,
Иаковым, Иоанным ынкәм Андрейем такукәт. ⁴ Апыткәт:
«Уңипәтикут, қакун тамәкут пияхқәўат? Сяңульықа
лйсимакусихқахпут тамәкут апығильыхқйтнун?»

⁵ Иисусым пикй: «Кылыңатык, китумун
алңунак пұхтыстыхпынаси. ⁶ Угльәпихльығи
тагияхқәгуқ атуқлыюку әтқа, хўатын пйқлыютың:
“Льңаңўна!” Ынкәм угльәпихльығи пұхқуғьяхқәқәт.
⁷ Нагақуқфсики пильюўат, акусқахтәткыльхытлью
пильюўат, алиңыхпынаси. Тамәна пияхқәгуқ, сялин
икухнақңунгитук. ⁸ Нунам рамкыңи пильюўутульықут,

нунамлью атаныхпагульхи сюгугәльыкут, нунатлью нани алңунак туйыпыхтагақльютың пияхқәгут, нықаңсияхлягақльюнилью пияхқәгуқ. Қамахльютың тамәкут ағнам игниюкысталъхатун аюкут.

9Иўырңа лыпыси кылыңалюси. Тугулюси агғистынун агляльықйси. Синагогани кахсягмихльықйси.

Хўаңа апальюқльюңа ныкывылъыкуси сивуңитни иглығутистытлью, умйлгытлью уңипахтыңулюси Пинилғиның Уңипаның. 10Пинилғит Уңипат уңипақсяхқәгут тамаңанун рамкынун сивуңани иқухтыльхым. 11Тугулюси агляскаңисинанқихтивигмун сюмыхтагақыстахпынаси акузиткахқамың. Пилъыхқак кәтақыхкан акузйқнәхтуси писқыльыхпысистун, қаюхляк лыпысиңунәнғитут акузилғит, Аглығналғик Тағнығак лыпысигун акузйқнәхтук. 12Югыт аңлыгутытың туқутыслъықит, югыт авақутатың таўатыхпигақ писльықит. Тағнухәтлью аңаюқатың кипульхинәглоки туқутыслъықит. 13Хўаңа апальюқльюңа қамахльюни югым угумйлъықйси. Иўырңа кина алңунак нуқынъыхтуқак кынлымун югулилъыңьяхқәгуқ».

Иисусым Апқаңа Сығлылйльыхқакхляк

14(Иықай атихтулғим лйгикльыгу уна ўкналиқылъық!)

«Ысхақуфсигу аглығниғутиста пәхқитыстилғи, ныкахқақынғильыкымини ныкывылғи, тамәкут Иудеямылнўт анағнихәт нәйғанун. 15Юк мыңтығам қайңанилңуқ қамавык кыльқысяхқамың ақфатыфқәми пилғәк. 16Югым пйтысиғавигмылнўм қәслыигни ақфафқәмикык пилғәк. 17Сығлығўағунақнўт тамәкут қумилгытлью, мамахтилғитлью тамәни ағнығни! 18Юғәхтык Кияғнығмун уксюми таўатын пифқән писқыльюку! 19Қаюхляк тамәни ағнығни сығлылйқ сығлығатағәяхқәгуқ сығлылйғақылъығның има Кияғнығым улимаюхўәльханың нуна хўавымун кынляңа. Алямыңлью таўатылңуқ сығлылйқ пинәнғитуқ.

20Атанғым такылымәңияқаки тамәкут ағнығит, кина алңунак уңуванаянғитуқ. Иўырңа апальюқльюки накмикыхкани ағнығит такыльыкақй.

21 Тәхкын китум алңунак пикаңиси: “Ысхақтыху, Христос хўā!” налиғмың: “Ысхақтыху, тазигна ысха!” ухпықыхпынāн. 22 Христосысиғўāғытлыю ўкналиқистысиғўāғытлыю альхыхтўсяхқāгут. Аль яхльюхўахтихльягāтагьяхқāгутлыю, сьгйғанахқыхльяг āтагьяхқāгутлыю пўхқудналюки югыт, талўа Кияғнығым накмикыхкй пўхсяқлыгукумыхтыки пилъықйт. 23 Ынкām кылыңалюси! Сямың тамаҳāның уңипāтыкыстағамси тамāкут пистыхпынаки».

Тагилъыхқā Иғныған Юғым

24 «“Киңуңаның тām сығлылйльыхльягым сиқинық мамлыхльықуқ,

танқиқ ниғугунъанихльықуқ,

25 иғалықытāғыт ифкақўльықут қиялағамың,

ахтуғьяхқāнғильхыт қиялағамылңўт иглығальхит алңунахқыслықут”.

26 Тәхкын югыт ысхахльықāt Иғныға Юғым тагилғй қиялўāхтыхун ахтуғьяхқāнғильылихльяглюнилью, ниғуҳқылылихльяглюнилью.

27 Тәхкын яқулгыт каяхльықй қырнухтысқыльюки накмикыхкани югыт нунатахāның тамаҳāның».

Смоквам Уқфига Лйтфиксяхқак

28 «Лйтфикитыху смоквам уқфига. Авайй унйльйгағлютың қуқуңй пйтыкыстақата сюңағьюкытун лйсимакылыықахси кйгьяхтульық. 29 Смоквам уқфиганың лйтылыыхпысистун ысхақуфсики тамāкут қиялағамылңўт апылымтун пилғйт, лйсимакылыықахси Иғныған Юғым кāсяхтуысталъа, āкун амигмун лййгумāқ. 30 Ипа уңипāтамси, мāтын уңувалғйт туқунāнгитут сивуңани қамахльютың тамāкут пилъыхқйта. 31 Қиялағалью нуналью авйғусяхқāгук, иўырңа хўаңа акузитынка авйғусяхқāнгитут».

Кылыңакльюку Тагилъыхқā

32 «Иўырңа китум алңунак нальюкā нани ағнығмилью, афльюмилью тагияхқāтаңа. Талўа яқулгыт қиялғмылңўт нальюкāt, Иғнығымлью нальюкā,

Атаңнахāм лй̄симака̄. ³³Кылыңатык, ӯакнанихпынаси қаюхляк нальюкаҳси қакун тагилъыхқā. ³⁴Юхтун аюқсахқāгуқ натмун пилғитун. Агуляқылъхильюни қыпшақтыни афльыңакистыңляхлтықй̄ мыңтығаминун, уңипālтықй̄лью сяхқйтның. Амигнй̄хтыминунлю кылыңакысқыхкā утығнилъыхқани. ³⁵Ынкāм лыпыси кылыңатык, қаюхляк нальюкаҳси қакун мыңтығалык утығнигъяхқатаңа. Ӯальюмлю тагй̄қлти игивгағми, унугым кука̄ни, ахтағақыстами, налиғмың унаңулюку. ³⁶Ынкāнам кылыңатык лй̄рақ кātқахтыкуми қавāлюси аңунаюкаңиси. ³⁷Апқыкка уна лыпысинун, тамахахлъяганун пиңӯақа: Кылыңалюси!»

Туқусюкаңат Иисус

14 ¹Нықынғақылъыхқā Пасхам, Нықынғақылъыхқāлю Заваскалильхилнӯм Нықыкшаңлям кәсахқак мālгук ағнығык атуғлюкык. Первосвященнигытлю, апыхтуғикаюгытлю Лй̄лихтӯсяның паниның агитнұлғит аксяқлюку тугулюку Иисус туқунъалюку. ²Иўырңа нықынғақымъи пиюгумаңилькаңат лй̄рақ югыт сығлылй̄хқй̄хлъягнаюката.

Вифаниями Ағнам Тыпыңляхқыхкәна Иисус

³Вифаниямиңуқ таўа юк атиғақыккаңат, Симон Прокаженный. Симоныкунни Иисус нығумалюку, ағнақ йтқак тугумй̄қлюкык алавастрык ақимлыгутақ акитупихлъыхй̄к тыпыңляйсик, нардыпигмың улимағык. Сигй̄қлюкык ақимлыгутақ пāскык кұвыхкакык Иисусым нāсқуакун. ⁴Таўанлыңūt иляңи угумиюглютың илятың пикй̄т: «Сяңан тыпыңляйсик сякусй̄какык? ⁵Акикльюкык альхыгуткынъаяхтук 300 сй̄ңалғй̄мун динарийемун ынкāм акиңа тунқуғнаяхтук аклюмалғй̄нун!» Тāхкын ағй̄юқāt ағнақ.

⁶Иўырңа Иисусым пикй̄т: «Авылғахтыху! Сяңан сығлықұғыстыху? Пинй̄пихтуқ хўаңамнун таўатын пильха. ⁷Аклюмалғит қўнпың тамāнсахқāгут, ынкāм қакун алңунак каюсй̄тақнāғаси. Иўырңа хўаңа қўнпың лыпысининьбāнгитуңа. ⁸Ӯм ағнам апығй̄гā пияхқани;

тыпыңлъяхқыкыстағ̄а югусиқа лывылгыҳқамнун.
 9Ипа уңип̄атамси, нани алңунак нунатах̄ани тамах̄ани
 Пинилғ̄ит Уңипат уңипакныңмыхтыки, апхақнағ̄ат ағнам
 таўатын пильха югнун нықамикыскыльюку».

Иудам Увыҳпагусюкаңа Исус

10Тәхкын Иуда Искарот, иляңат қуля м̄алғук
 с̄ипнықльюку малихс̄яҳтыт, первосвященнигнун пикақ
 увыҳпагусюгнилюку Исус льңитнун, тугусқыльюку.
 11Таўатын пийистың ынң̄аталь ыфқуқыхк̄ат,
 акықыхк̄атлью манилилгықнилюку. Ынк̄ам Иуда
 пильыҳқаңнақуткыхкақ увыҳпагуньялюку.

Малихс̄яҳтыт Ятәҳқыхқаңат Пасхам Нықынғақыльгыҳқ̄а

12Сивулиқ ағныға Заваскалилг̄хилң̄м
 Нықыкшаңлг̄ям Нықынғақыльгыҳқа к̄аткақ. Таўани
 ағнығми, Иудейт й̄улың туқутақыхқаңит пынб̄йғағ̄ат
 Пасхам Нықынғақыльгыҳқанун. Малихс̄яҳтыт
 аптык̄ат Исус: «Нани ятәҳқульг̄якын Пасхам
 Нықынғақыльгыҳқ̄аның?»

13Тәхкын Исусым пики м̄алғук малихс̄яҳтығни:
 «Иерусалимымун агляхтык, югим мыхталг̄им
 нальг̄хльгық̄истык, малихнакыси. 14Мыңтығамун йтқан
 т̄ам мыңтығам юга пинакыси: “Апыхтуғистым х̄уатын
 писқ̄атын, Нани малихс̄яҳтыкульг̄х̄ни нығнақыстыху
 Пасхам Нықынғақыльгыҳқа?” 15Кылгувикыльгық̄иси
 қымтамылңуғмың ныхльг̄ягмың, сяңғ̄а қамахльюни
 апығй̄ғ̄ағлюни аюқуқ. Таўани ятәҳқуньякыфкут».

16Малихс̄яҳтык ағуляқльютык Иерусалимымун,
 к̄асялг̄имык сяңғ̄а қамахльюни Исусым апыльхатун
 аюқыфтуқ. Ынк̄ам Пасхам нықыкақ̄а ятәҳқыхк̄ақ.

17Иғивгагьягу, Исусым кыльгыльюки қуля
 м̄алғук с̄ипнықльюку малихс̄яҳтыни агляқат таўавык
 мыңтығамун. 18Нығūtнүлютың қаюғвығми Исусым
 пикй̄: «Ипа уңип̄атамси, налихпыси нығылгусигилг̄им
 х̄уаңамның увыҳпагуньяқңғ̄аңа».

19Малихс̄яҳтыт сығлығьюглютың кипульхуснақ
 апқуғ̄ақ̄ат: «Х̄уаңаңғ̄а?»

²⁰Иисусым кймсиқй: «Налихси лыпыси куля мйлдук сйпцалгйни, хўацамнун малигульюни сягныгмун ныптыкаца ныкыкшацлъяк. ²¹Игныга Югым тукуяхцкйгуц Акузитыт Игакыхкат пинакнильхистун. Иўырца сыцлыгўагунакцкўк тйна йк увыхпагутилгй Игныцаныц Югым! Итагнагнаыхтук альхыгумацисякуми!»

Атангым Ныгыстильхя

²²Ныгўтнўлютыц Иисусым тугукй ныкыкшацлъяк. Игамсиқаюгвикльюку Киягнык, авгудлюку тункукй малихсяхтыни. Пикй: «Тугулюку ныгитыху, уна югусиқака».

²³Тйхкын тугулюку қаййсиқ виномыц ималык, игамсиқаюгвикльюку Киягнык, тўныхкй льцитнун, қамахльютыц мыгвикйтакйт. ²⁴Иисусым пикй: «Уна акўақа, тйхун Киягныгым акықусй апыгйгьяхцкйгуц. Тукукума акўа кўвыльыкуц угляпихльыгйнун югнун. ²⁵Ипа уцйпйтамси, виномыц алья мыгнйнгитуца кынляца агныгми таўани виноградак мыгыхкумкун Атаныцпагульхани Киягныгым».

²⁶Тйхкын илягйн атуглюку, йнлютыц Елеоным найгаханун пикат.

Иисусым йпкйца Петырымун Нальюнкыльыкнилюни

²⁷Иисусым пикй: «Уникагйльыкахпысица қаюхльык Акузитни Игакыхкани Киягнык пикйгуц:

“Тукулъыкака пынйгнйхта ынкйм пынйгйт мицкыльыкут”.

²⁸Иўырца кйнуцаныц уцувахтыстыкацаца Галилеямун аглякыстахльыкуца сивухпысини».

²⁹Петырым пикй: «Унитықыхнйнгитамкын қайўа илянка қамахльютыц қимагўтыцйата!»

³⁰Иисусым пикй Петр: «Ипа уцйпйтамкын, унукун петухым қалцйлыни алгйхтыстыхпынйн нальюнкыльыкахпыца кытхўылъ пицаюныц».

³¹Иўырца Петырым сягикыпихльюни пикй: «Қайўа тукулгусигьягнйамкын, нальюнкынййнгитамкын!» Иляциталью қамахльютыц таўатын пикйт.

Иисус Юғалғй Гефсиманиями

³² Кәлбютың таўавык атилъқылғймун Гефсиманиямың, Иисусым пикй малихсәхтыни: «Ақумитык тәхун, юғамалюна».

³³ Петырлю, Иаковлю ынкәм Иоаннылю кылъқыхкй. Тәхкын Иисус алиңрұхляжыкыстақаклю, сығлылйхляжыкыстақаклю. ³⁴ Ынкәм пикй: «Уңувасихка қивғуҳлягүк рыпаль туқуяққәхлюна. Таўанлюси кылыңалгусихтыңба».

³⁵ Тазиңапиҳқәғлюни, нунамун сикмүльюни юғақак пилъыхқалгукуми икфиқусихқани атуқыфқән пиналюку. ³⁶ Пикақ: «Авва, Атәй, сяңұә қамахлюку пияққан. Аўйтигу уна қәюсиқ хўаңамның, иўырңа хўаңа пиюкылъқа авылдағлюку льпык пиюкылъхын пигу».

³⁷ Тәхкын такуяқминиқи пиңают малихсәхтыни, қавәфтут. Петр пикә: «Симон, қавәзйн? Атәсиҳақ афлю тыҳуматкынныңмың ахтухсигү?» ³⁸ Тәхкын пикй: «Кылыңатык, юғахтык, нанғйқулъыңыңгитысқылюси. Ипапыстәк тағнығак пияққәғнәғмык иўырңакун югусиқ каятуқ».

³⁹ Тазиңавык аглянқихлюни юғақак тәкут атәсит акузиткылюки. ⁴⁰ Такунқихсяқминиқи малихсәхтыни, тәўа қавәтнуфтут, қаюхляк қавам сякниқыстықани. Кукшиқыхкатлю сямың пилъыхқамың. ⁴¹ Пиңайтқун такулюки пикй: «Тәўа қавәўақыстык, мығнәлиқыстык? Таўатынңам! Тәўа афлю кәтуқ, Иғныға Юғым увыхпагусяққәхтуқ сығлыхқыстынун. ⁴² Ныкывитык, иглыхтыльта. Ысқақахтыхукун, ука увыхпакутистыка!»

Иисус Тугуқанат

⁴³ Иисус паниның акузималюку, Иуда кәткақ, қуля мәлдук сйпнықлюку малихсәхтыт иляңат. Юлғутыт малихтыкәт, иляңи сывихпалиғлютың, иляңи анагуталиғлютың. Первосвященнигытлю, апыхтуғикаюгытлю Лйлихтүсяның, сйванлығытлю каяхтыкйт малихтысқылюку Иуда. (Тәна Иуда қуля мәлдук сйпнықлюку малихсәхтыт

илякыхкаңат.) ⁴⁴Увыҳпагутистым пикақыхкани: «Юк нӓгьяхқақа тугунакыси, ынкӓм агуляқунъакыси кылыңакистылиглюку».

⁴⁵Иудам кӓтуткыльюку нагныгвикльюку Иисус пикӓ: «Апыхтуғиста!» Тӓхкын нӓкӓ. ⁴⁶Ынкӓм Иисус тугулюку нуқнықӓт. ⁴⁷Иўырңа атӓсим таўанлыңум сьавихпани нусюглюку первосвященнигым қыпхақтыляға сигутниғақтыкӓ. ⁴⁸Тӓхкын Иисусым пикӓ: «Тугуяхтуғыстыңъӓ сьавихпахтӓмаҳпыси, анагутахтӓмаҳпыси никимқун уӓягнӓхтыстун аюқлыюңа? ⁴⁹Ахутаңа тамаҳӓн апыхтуғиқуңа Храмыми тугунигатахпысиңа. Иўырңа таўатын пильхыпысигун Акузитыт Игақыхкат пильхит апығихтыстаси».

⁵⁰Тӓхкын қамаҳлыютың малихсӓхтыт унильюку, қимагӓткат.

⁵¹Нукальпигам малихтыкӓ Иисус қйпағағмың сьапутакӓнаглюни. Тугукақсықаңат ⁵²иўырңа сьапутани унитқахлыюку қимакақ амсикағми.

Иисус Агғистынун Агльӓскаңат

⁵³Тӓхкын Иисус агльӓткӓт Первосвященнигым мыңтыгӓнун. Первосвященнигыллю, сиванлыгытлю, апыхтуғикаюгытлю Лйлихтӓсының қамаҳлыютың таўантульхӓйт. ⁵⁴Уявақӓнлюни Петырым малихсӓкӓ Иисус двoryңанун Первосвященнигым мыңтыгӓн. Таўани кылыңакистыт акулңитхун ақумлюни уғухсиқак қынғым мануңани. ⁵⁵Первосвященнигыллю қамаҳлыютыңлю агғистыт тукутысюпихтыкаңат Иисус. Ынкӓм тахсиқлығаклыюки югыт ӓпхысқыхкӓт Иисус сьамың анахусиматаңа. Иўырңа нӓлькусимаңилнӓт тукутусихқамың, ⁵⁶қаюхляк угляпихлыхӓйт тымңи иқлыңиқуткыхкӓт Иисус, ӓпқйтлю альякульхӓйт.

⁵⁷Тӓхкын иляңи югыт ныкывлютың иқлыңиқуткыхкӓт Иисус, пикат: ⁵⁸«Нагаткақӓпуп хӓатын пилғи: “Уна Храм югыт улимӓғат нӓфқылъықӓқа. Ынкӓм пиңают агнығьт атуглюки альяның ныкыфтильықуңа югым улимӓқынғилькаңаның!”» ⁵⁹Талӓ такутлю апыльхит альякуткат.

60 Первосвященнигым сивуңитхун ныкывлюни аптык̄а
Иисус: «Авуткильхитнун сямьң пияхқйс̄ин?»

61 Иўырңа Иисус қальк̄амаңилнұқ, кймс̄ймаңилькаңа.
Первосвященнигым апльят̄ақ̄а: «Христосыңуз̄ин, Иғныға
Манигуғақыхкымта?»

62 Иисусым кймсиқ̄а: «Танаңуңа. Ысхаҳлықақси
Иғныға Югым ақумгалғ̄и ағынқигнығакун
Ахтуғьяхқанғилғылгым. Ысхаҳлықақсылью тагилғ̄и
қиягым қияўағитхун!» 63 Первосвященнигым аткани
пйглюки пикақ: «Лйсимакыстыңисяғн̄амта лйх̄тукут!
64 Нагатақси сығлытун акузилғ̄и, Кияғныңунилғ̄и.
Натын лыпыси аг̄иткыстыху?» Ағгильхат атас̄йхтыкақ,
камахлыютың туқусяхқ̄аник̄ат.

65 Тәхкын иляңита қысиқук̄ат Иисус, хин̄а с̄япльюку
тыңлюхпағатақ̄ат. Аптык̄ат: «Ўкналиқистыңукувык,
уңип̄атикут китум тыңлюхтатын?» Тәхкын кылыңакистыт
тугулюку қасяхт̄атақ̄ат.

Петырым Нальюнқыхкаңа Иисус

66 Петр паниның қакма мануғамыльюку, ат̄асиқ
ағнағак̄а первосвященнигым қыпх̄ахтыңа тагикақ.

67 Ысхақ̄а Петр уғухсилғ̄и. Лйсюқсямигу пика: «Лпыклью
Иисусымт̄каюг̄тын Назаретыг̄м̄ими».

68 Иўырңа мысиғақак: «Нальюкақ̄а сямьң пйқсин
талўа лйгикынғитақа сямьң пикатын». Тәхкын Петр
агляғақуқлью амигмун̄ аналюни, петух қалқиқақ.

69 Ағнағам қыпх̄ахтым ысхағьямигу альямың
таўанлыңут̄ пик̄и: «Уна юк̄ т̄акут иляк̄ат!» 70 Иўырңа Петр
мысиғағлятақак.

Мулюңгитук̄ ныкывғалх̄йт̄ пик̄ат Петр:
«Мысиғахпағниңитутын, т̄акут иляк̄атын қаюхльяк̄
льпыклью Галилеяг̄м̄иңутын».

71 Тәхкын Петырым с̄иңвальяғмың пик̄и:
«Иқлыңиқнукума Кияғнығым ағыб̄глиңа! Нальюкақ̄а юк̄
акузиткыхкыси!» 72 Лыган нып̄х̄тук̄ петухым қалғилыни
алғиқ̄а. Таўани Петырым нық̄атк̄а Иисусым х̄уатын
пилъха: «Петухым қалғилыни алғихтыстыхпын̄ан
нальюнқылтықахпыңа кытх̄уыль пиңаюның». Тәхкын
қияғуахльякақ.

Пилатым ̄Апкүг̄ақаңа Иисус

15 ¹Ахтағайнағьягу правосвященнигытлю, сиванльыгытлю, апыхтуғикаюгытлю Лйлихтүсяның, қамахлыютыңлю аггистыт қырғугуткат аггинъалютың. Тәхкын Иисус асиҳқысльюку агляльюку Пилатымун, тўныхкāt лъңанун. ²Пилатым ̄аптык̄а: «Иудейт умйлькатан?» Иисусым кймсиқ̄а: «Лпык ысха умйлгуникывна».

³Правосвященнигыт угляпихльыхйның альяҳйнағның анахуникāt. ⁴Пилатым ̄апльятақ̄а: «Кймситкаҳқйсйн? Наганьгысикй угляпихльыхйның альяҳйнағның анахуньикаңатын?»

⁵Иўырңа Иисус сямьң пимаңиткақ ынкām Пилат сядйгаюкақ.

Пилатым Туқутыснақыхқаңа Иисус

⁶Тамаҳāни Пасхам Нықынғақылъхани, Пилатым ̄аныстақыхқаңа атāсиқ анусимиңльяғақ югыт накмикыхкāt.

⁷Таўаңуқ Варавва анусимиңльяғвигмылңуқ, малигульюни иляңитнун югнун юхтағатақақ сығлылйҳқйхльягми.

⁸Юлғутыт тагилютың Пилатымун ̄аныстысқыхкāt атāсиқ анусимиңльяғақ таўатын пйқылъхатун. ⁹̄Аптыкй: «̄Аныстысюгыстых̄у Иудейт Умйлгат?» ¹⁰Пилатым лйсимақнўйақаңи правосвященнигыт ақинакльюку Иисус тагитңукаңат лъңанун.

¹¹Правосвященнигыт аҳқутақыхкйт юлғутыт Варавва ̄аныстысқыльюку авылдағлюку Иисус. ¹²Пилатым юлғутыт ̄апльятақй: «Сянақсикунми умйлькынййқыхкыси Иудеянун?»

¹³Акилдўкат: «Қақўрақтыстигу!»

¹⁴Пилатым ̄аптыкй: «Сяңан, сямьң сығлығмың пимā?» Иўырңа игляхтāғальютың акилдўкат: «Қақўрақтыстигу!»

¹⁵Ынкām Пилатым ыфқухсюглюки юлғутыт, ̄аныстык̄а Варавва. Тәхкын Иисус кахсягмихтысльюку тўныхк̄а пильюўахтынун қақўрйсқыльюку.

Пильюўахтыт Лыгасйғўātкыхқаңат Иисус

¹⁶Пильюўахтыт итхуткāt Иисус умйлгым мыңтығанун (атильқылдй Претория). Тәхкын

пильюўахтылдуутытың қырнухтыкйт. ¹⁷Иисусымун атыстыкахкыт ысныгрукихтак аткуяғик. Сикухльюгмың қахпаңляглюку атыстыкāt нāсқўакун. ¹⁸Тāхкын лыгасиғўātкыхкāt: «Қўлвағамкын лыпык Умйлгат Иудеит!» ¹⁹Унахсиғўағмың нāсқўакун анагулыглюку, қысикулюку, мануңакун сыгысқухльютын қуңуфкихкāt. ²⁰Лыгасиғўātкынъығмың тāқсямыхтыху ысныгрукихтак аткуяғдык матахльюкык лъңан катам āткй атыстыкйт. Тāхкын āнуткāt қақўрағналюку.

Иисус Қақўрақанат

²¹Тумыни тākўани нальяқāt юк, āтқылғй Симонымың, Киринаегмй, атаңат Александрым, Руфым. Накын қантағаның тагинуфтуқ Иерусалимымун. Пильюўахтыт қылгуткāt Симонымун уямигысқыльюку Иисусым қақўрā. ²²Иисус агляткāt Голгофамун. (Голгофа хўатын писйгуқ: «Югым Нāсқўан Ныңа».) ²³Таўани тўныхкāt виномың смирнамың акумыхкамың, иўырңа Иисусым ихсякыхкā. ²⁴Тāхкын пильюўахтыт қақўрағьямыхтыху атыхтйрāгульюки āткй тугуляқйт.

²⁵Қақўрақакыхканат унāнулюку стаманың иңлюлыккыльяғми. ²⁶Қақўрāкун ныкыхтыкāt авуткильыхтың игақңалғй хўатын: «УМЙЛГАТ ИУДЕИТ». ²⁷Мālгуклью ўаяғнйхтык қақўрақакхыт, атāсиқ Иисусым ағынқигныңакун, āльха сяғумигныңакун. ²⁸Акузитыт Игақыхкат хўатын пильхат апығйхтуқ: «Илялькйткақыхканат сыңлытун пистынун».

²⁹Югыт нағухльыхйт нāсқутың уфсюгусимйта лыгасиғўātкыхкāt Иисус: «Сығлыхалык, лыпык! Храм нāфқыльюку ныкыфсяққаңкукуву пиңают ағныңыт атуглюки, ³⁰сяңан югулилютын лыпынун қақўрамың укигнанихсин?»

³¹Первосвященнигытлью, апыхтугикаюгытлью Лйлихтўсяның лыгасиғўātкыхкāt Иисус, илятың пикйт: «Югулиқй иляңит нақам лъңаның катам югулипагниңитуқ! ³²Христос, Умйлга Израилым, укигли мātын қақўрамың, ынкām ысхапаглюку ухпықылътыху». Қақўралгутыхкынкалью сығлықўқак.

Тукульха Иисусым

33 Тәхкын қамахлъюни нуна мамлықұяақ ағныңым қуканың кынляңа пиңаюнункыльягмун. 34 Таўани пиңаюмикыльягми Иисус акилгұхлъяқак: «Элои, Элои, лама савахфани?» хұатын писиқ: «Кияғнымни, Кияғнымни, сяңама унисиңа?»

35 Иляңита югыт ныкывғальхйт нагалъюку пикат: «Нагатахтыкқун, Илия туқльюғағә!» 36 Юк атәсиқ ақфақуқак мысиқаюгмың. Тәхкын ныпльюку куўәлдғимун виномун унахсйғұаққун ныкыхлъюку ныңугуткә Иисусымун мылюгрйскыльюку. Пикақ: «Ўйнтаку, ысхапакәльтыху Илиям йксахтуғақсығә қақұрамың!»

37 Тәхкын Иисус арахлъяглюни туқуқак.

38 Храмымылнуқ сяфкәгун малғухқыхкақ, пикақ пикыхкын канавык. 39 Пильюўахтыт умйлўағита қақұрам мануңанилнұм, ысхапагыямигу Иисус таўатын туқулғй, пикақ: «Ипапыстәк уна юк Иғнықумәгу Кияғныңым!»

40 Ағнам иляңи уяваның ысхапакат. Таўантыфтут Мария, Мағдалағмй, Саломиялъю, Мариялъю нәңат уюқльйм Иаковым, Иосийемлъю. 41 Иисус, Галилеямылъюку тәкут ағнат малихсйқақыхкаңатлъю, каюситкақыхкаңатлъю. Иляңилью ағналғутыт таўанлыңұт, малигульютың лъңанун Иерусалимыткат.

Лъивыльха Иисусым

42-43 Таўаңуқ юк, әтқылғй Иосифымың Аримафеяғмй, сивакумтәк иляңат ағгистыт. Лъңанлъю утақаңукаңа пйнлильықкә Атаныхпагульха Кияғныңым. Хұаникуягу, Ятәхқыльхым Ағныңани, сивуңйхәни Субботам, тытугнаниглюни Пилатымун пильюни туңсиқә Иисусым югусй. 44 Пилатым сяғйғаягуткә нагақуғлюку Иисус туқулғахтұманилюку. Ынкәм пильюўахтыт умйлўағат тахсиғлюку әптыкә: «Лъяғән Иисус туқулғахтұмә?»

45 Умйлўағмың лйгиксямигу Иисусым тукульха, Иосифымун тугусқыхкә югусй. 46 Ынкәм Иосиф тукфиғияхтуқак қатылғймың қйпағағмың лъивығьяққанун атуқақыхкымыхның. Тәхкын йкльюку югусй қақұрамың, ймгуткә қйпағаққун. Таўаңуқ уйғагрукутәхлъяк

сяниминың илютмун л̄якақ л̄йв̄гулюни. Таўавык югусиқ канахтык̄а. Т̄ахкын уйғагрухл̄ьяк ульхитахтақ̄а л̄йв̄гым п̄йңанун. ⁴⁷Мариям Магдалағм̄им, Мариямлю Юсийем н̄аңан ысхапак̄а нагун Исус л̄ыматаңа.

Иисусым Уңувальха Туқулығымың

16 ¹Суббота альпагьян Мария, Магдалағм̄и, Мариялю н̄аңа Иаковым, Саломиялю, тыпыңл̄ьясиңыхкат Исусым югус̄и аңиҳналюку. ²Сивул̄им агнығани неделям, ун̄аңупихл̄ьюку сиқинық п̄тыкыст̄алюку л̄вивыхтыкат. ³Тумыми т̄ак̄ўани а̄пқуғ̄ағуткат: «Китумңам ульхитахт̄ан̄бақил̄ью уйғахл̄ьягмың л̄йв̄гым п̄йңанил̄ңуғмың?» ⁴Т̄ахкын сивухсял̄ғимың уйғахл̄ьяк аўит̄ңуғлюни аюқыфтуқ. ⁵Л̄вивығмун итығлютың ысхақ̄ат нукальпигақ қатыл̄ғимың аткуя̄лык̄ ақумгал̄ғи ағынқиғнығани. Ағнат ынң̄аталь сяғй̄аюкат.

⁶Нукальпигам пик̄и: «Сяғй̄аюхпынаси, л̄исимакамси ив̄аңӯахси Исус Назаретығм̄и, қақ̄урақ̄аял̄ғи. Х̄ўан̄бығитук, уңувахтыстык̄агуқ! Ысхақахтыхуқун, х̄ўагун лыкақсяғ̄ат. ⁷Уңип̄асяхтухтыки малихсяхтыңи, Петырлю, ага Галилеямун сивульх̄ағум̄ақ пинақнил̄ығмитун. Т̄агани ысхақл̄тықахси».

⁸Анлютың анағн̄иқат л̄вивығмың, қаюқл̄ьяк кукшагыюгумағмың алиңр̄уғул̄ғит, рыпаль уңылыхл̄ьютың. Тал̄ўа кина ал̄ңунак сямың пимаңилькаңат, қаюқл̄ьяк алиңр̄уғул̄ғит.

Иисусым Ал̄ғвикыхкаңа Мария Магдалағм̄и

⁹Сивул̄им агнығани неделям, ун̄аңупихл̄ьюку Исус уңувақ̄ал̄ғи туқулығымың. Ал̄ғвиксюх̄уақ̄а Мария Магдалағм̄и. (Ағнамың т̄ахкын а̄ныстыкақыхкаңи м̄ағрағвинлык̄ туғнығ̄ат.) ¹⁰Уңип̄асяхтуқ̄и л̄ңанисял̄ғит қивғумалюки, қиямалюки. ¹¹Иўыр̄на уңип̄асистың Исус уңув̄аманилюку туқултығымың, л̄ңанунлюю ысх̄аманилюку ухпықумаңилькаңат.

Иисусым Ал̄ғвикыхкык М̄ал̄зук Малихсяхтык

¹²Т̄ам киңуңаның Исусым альяңулюни ал̄ғвикыхкакык м̄ал̄зук малихсяхтығни, навык пималюкык.

13 Утығниғлютык уңипикаткақсяқанит илятың иўырға ухпықумаңилъкыхкыт.

Иисусым Алїғвикыхкаңи Қуля Атāсиқ
Сїпнықлъюку Малихсїхтыни

14 Тāм киңуңаның Иисусым алїғвикыхкї қуля атāсиқ сїпнықлъюку малихсїхтыни нығўсималюки. Ағьїдқї ухпықинғитылтъхитныңлтю, айғуғикылтъхитныңлтю ысхātкат лъми уңувахтыстылтъығми киңуңаның.

15 Пикї: «Ағуляқлъюси нунатахāнун тамахāнун уңипақитыки Пинилғїт Уңипат тамахāнун югнун.

16 Кина алңунак ухпықилғїлтю, крестилғїлтю югулилтъыңьяхқāгуқ. Иўырға кина алңунак ухпықинғилнұқ ағьїдлътыңьяхқāгуқ сығлықхылтъығминун.

17 Ухпықат алъяхлъюхўахтилтъықут лїгикысқылтъюку ахтуғьяхқāнғилтъыхтың Кияғнығмың пиңутаңа. Ынкāм атымкун āнысқухлътықїт туғнығāt югның; акузилтъықут алъястун улюстун; 18 туғусяғнāғмың нымығьямың, налиғмың мығьяғнāғмың туқуналғїмың сянāнғитут; қиңуялғїт сїфнығмыхтыки нālъхултъықут».

Иисусым Маюльға Қилягмун

19 Атанғым Иисусым малихсїхтыни алыққунығмың тāқсяки, Кияғнығым маюхтыстыкā қилягмун, ынкāм ақумыхкақ Кияғнығым ағынқигнығакун.

20 Тāхкын малихсїхтыт ағуляқлъютың тамаңанун уңипақикат Пинилғїның Уңипаның. Атанғым қыпхалгусиқї, ипапихқыстыкālтъю уңипақ алъяхлъюхўахтистылтъығмикун. Аминь.

Пинилгїт Уңипат Иисус Христосымың Аюқылгїт Лукам Игақыхкї

1 ¹⁻² Аңылғымни Феофил Угялгїм юғым игақуқакїт таўатын пильхїт акулымни. Игақуқїт тәкуңт атәсит нагақуқапут ысхапаканың таўатын пильхїстун има пїнлилхїтның. Лъңиталъю қыпхәткақат Кияғнық уңипақылғығмыхтыхун уңипақ Христосымың аюқылгї. ³ Нагаткақанка апылхїт, атихтүгўәқақанкалъю игақулхїт пїнлилхїтның. Ынкәм игақуғьюганка лпынун таўатығўәғлюки пильхїстун. ⁴ Таўатын лїсимақылғықатын ипаңутаңи тамәкут апыхтүткат лпынун.

Иоанним Крестителым Алхыльхан Апылхә

⁵ Ирод умїлькыңулюку Иудеям, тамәнтыфтуқ священник, әтха Захария. Қыпхалгуткыхкәни священнигыт атилхқылгїт Авия священнигыт. Нулихан әтха Елизаветаңқ, Аароным киңунған священнигым панига. ⁶ Кияғнығмун ыльқудутқалютык кияхтәгык. Қаткыпихтыкәниқ Атанғым қылгусїлью, Лїлихтүсїлью, авутңиңалютык. ⁷ Таўаңинақ тағнухїлңүк, қаюхляк Елизавета қумиңпағниңилңүк, таўавыкляю қамахляютык сїванлығухтыкак.

⁸ Атәсими ағнығми, Захария, қыпхәмалгї Храмыми, қаюхляк Авиям священнигыт қыпхалғыхқат кәлхї. ⁹ Наңағнығмың пильхїстун священнигыт атыхтїрәлғыхқун накмикыхкәт Захария. Ынкәм итығлюни Атанғым Храмыңанун панығрығақак фимиамымың. ¹⁰ Таўани афльюңани фимиамымың панығрығалхым, қакма юлгутыхлягыт юғатыт.

11 Таўани Атанғым яқулған алиғвикыхкә ныкывғағми ағынқиғныңанильюни ахқыфиган фимиамым. 12 Захария упуқақ ысхағьямигу яқулық, алиңрұхльякақлю.

13 Иўырңа яқулғым пика: «Алиңыхпынаң Захария, юғахтын нағақульыңумәт. Нулиҳпык Елизаветам иғныңуньақңўатын, атихльықан Иоаннымың.

14 Ынкәм қуяхльяхльықутын, углямлю қуякыльықәт альхыльха, 15 қаюхльяк льна қыпхахтыкыхльяхльықә Атанғым. Мығьяхқангитуқ виномың, налиғмың сёмналғимың ақимлымың, имиғнаяхқәгуқлю Аглыңналғиғның Тағныңағның талўа альхыльхильюни.

16 Израилығмилғутытлю утыхтыскухльықй Атанығмун Кияғныңитнун. 17 Льна сивукльюни қыпхахльықуқ, тәхкын Атанық қыпхахльықуқ. Льна атәсигның тағныңалгульықуқлю, ахтуғьяхқангильылгульықуқлю ўкналиқистытун Илиятун. Атанун сюмыхтағәткысягутыслықй авақутйт, қәткусигалңўтлю нальхусяғнақңўй пыққиныльығмун Кияғныңым ылькугутнальханун. Ынкәм ятәхқылъықй югыт Атанғым тагильыхқәнун».

18 Захариям пика яқулық: «Натын лйсимакыльықсикун апыльхын? Нанывгахльягумәңа, нулиҳқалю ағналькўәлғй».

19 Яқулғым пика: «Гавриилыңўңа, ныкывғалғй Кияғныңым наўтңалхәни. Льпынун каяхтәгуңа, уңипәсәхтүгамкын хўакын пинилғимың уңипәмың.

20 Нағатахтын, тәўа акузинаниңнақутын кынляңаңын әпыльымни льпынун апығйхтүтыльхитнун, қаюхльяк ухпықыңгилькытын акузитынка, апығйғьяхқат пильыхқйт кәската».

21 Югыт утақйлғйт Захариямың сюмыхтағәқат сяңами мулюхльягутаңа Храмыми. 22 Әньялғими алыхқуҳпағниңиткй, ынкәм лйгикыхкәт ысхаўәғуманилюку Храмыми. 23 Ынкәм қыпхалъыни апығйғьямигу ныминун агляқақ.

24 Мулюңгитуқ тәкут ағныңыт киңуңитның нулиҳа Елизавета қумиңыхқақ, ынкәм тальмат танқит әнаниқақ хўатын пимағми: 25 «Қыңўатлю Атанғым наңльығьагутәңа, иқитә кайңусяғәтыльқа тағнуҳаңыңгитыльымның».

Иисусым Альхыҥнақылъхан Апылъха

26 Агвинлїтаңани танқим Кияғнығым каяхтык̄а яқулык Гавриил Назаретымун, Галилеямылңуғмун.

27 Югмун атуқысимаңилңуғмун ағнағағмун, аңгутнуқамун Иосифымун, киңунғанун Давидым. Югмун атуқысимаңилңум ағнағам атха Мариянуфтуқ.

28 Яқулғым такулюку пик̄а: «Ныкыхмылтық лыпынилты!» Атанғым накмикум̄атын ағнат акулңитның.

29 Иўырңа Мариям сығлылїгуткыхлъяк̄а нагалъюку таўатын пильха, сюмыхтағаткыхк̄алъю сяңами таўатын куякутни. 30 Яқулғым пик̄а: «Алиңыхпынаң Мария, қаюхлъяк ыфқуғнахтутын Кияғнығми.

31 Нагатахтын, т̄аўа қумиңнақңұтын, иғныңылтықутын ынк̄ам атихлъықан Иисусымың. 32 Аңылтықуқ, атиғьяхқ̄агуқлыю Иғныға Кияғныхлъяғым; ынк̄ам Атанғым Кияғнығым умїлгухтыслықк̄а сивунғатун Давидытун. 33 Иғлығутилтықуқ Иаковым киңунғитның Израилығм̄иның қўнпырухлъяк; Атаныхпагульхалъю кынлыңитуқ».

34 Мариям пик̄а яқулык: «Натын уна пияхқ̄аўа югмун атуқысигалңўңа?»

35 Яқулғым пик̄а: «Ағлығналғим Тағнығам такултықатын, ынк̄ам Кияғнығым ахтуғьяхқ̄анғильхан тағнығаңульхїстун альк̄уахлъықатын. Тана апальюқлыюку тағнухақ ағлығнахлъықуқ атқсыяхқ̄ақалъю Кияғнығым Иғныға. 36 Нагатахтын, иляк̄уағын Елизавета, ағналтық̄уахлъяглюни қумиңум̄ақ, иғныңнақңуқ. Уна хўа агвинлїтк̄а танқик, пїқсықаңат аваңинъюлюку, 37 қаюхлъяк Кияғнығми сяңўа қамахлъюни пияк̄нїтуқ».

38 Мариям пик̄а: «Т̄аўа хўаңа, Атанғым қыпхахтықана; лыған таўатын пинақнилтыхпытун апығиҳақ». Т̄ахкын яқулғым унитк̄а.

Мария Лялихлъыхї Елизаветамун

39 Мулонғитуқ Мария, ят̄ахқылыюни т̄аюхқымбың агляқак ныхлъягмун, акулңитнилңуғнун қымилғутқан Иудеям. 40 Мария калъюни Захариянкунун итығлюни қуякыхк̄а Елизавета. 41 Лыған Елизаветам нагақуғ̄а

Мариям қуякильха, тагнухақ қумига қапшагақтықақ,
 Аглығналғимлю Тағнығам имиқә Елизавета,
 42 игляхтулюни пикақ: «Қуястыкәгутын акулңитни
 ағнат, қуястыкәгуқлю тагнухақ игнияхқан!
 43 Құлвалғыңыпистәхтуңа қаюхляк Атанығма нәңан
 лялихфикыхқаңа! 44 Лыган қуякильхын нагақуғақа,
 тагнухақ қама қуям қапшагахтуқ. 45 Қуянахалык Атанғым
 акузитаңа ухпықыхкын апығйхльықнилюку льпынун!»

Мария Илягәткун Усюқилғй

46 Мария пикақ:

«Уңувасигма усюқә Атанық,

47 тағнығакалью қуяхльягүк Кияғныңми,
 Югулиғистымни,

48 қаюхляк лъңан ысхағлюңа накмикәңа,
 укалихпигақ қыпхақтыни.

Хўакын кынлыкльюку юғым киңулиғәм қамахльюни
 атиғьяхқақәңа қуястыкәлюңа,

49 қаюхляк Ахтуғьяхқәнғитыхльяғым Кияғныңым
 апығйгутыхльягәңа. Атха аглығнахтуқ.

50 Наңльыкақә юк қамахтыңўағлюку лъңаның
 тальюқилғй, киңулиғағның тўңлихйтнун.

51 Икнақыпихльығйкун ахтуғьяхқәнғилльығмикун
 каяльқақй кукаюхльыхйт
 сюмыхтағалльығмыхтыхун.

52 Умйлыхльягыт атыхтақй ақумутитның, ынкәм
 құлвағақй укалихпигәт.

53 Ияталғйт нықнилғймың кыпсюхтақй, ынкәм
 акльюңилнўт ағуляқыстақй аваңунаки.

54 Каюсиғақй қыпхақтыни Израилығмит, қаюхляк
 наңльыхталғй,

55 Авраамымунлю, киңунғанунлю қўнпырухляк
 акықылльығмитун сивуныпут».

56 Мариям наюқыхкә Елизавета пиңают танқит, тәхкын
 ныминун агляқақ.

Альхыльха Иоанним Крестителым

57 Елизаветам игнилльыхқә кәльюни, игныңыхқақ.

58 Увилиғныңиталью, нальықльйталью нагақуғлюку

Атанғым наңлыкықлъяльға Елизавета, қуякусяхтуқāt.

⁵⁹Пиңаюның иңлюлык ағнық атуғлюку югыт тагиляғātкат обрезаңлюку тағнуҳақ, атиғнақсяғātлью Захариямың, атаңан āтҳаның. ⁶⁰Иўырңа нāңан пикй: «Накā, āтҳа Иоанныңўқ».

⁶¹Югыт пикāt: «Налихīt нальықлтыхатын тāхкын āтхитут». ⁶²Тāхкын апакумың атаңа āптыкāt китумың атиғнақутаңа.

⁶³Захария игағьяхқамың туңсиғлюни, игақыхкā: «Āтҳа Иоанныңўқ». Таўанлыңūt қамахльютың альяғльюхўагыюкат. ⁶⁴Таўаниңинақ Захария акузияқлгыгухтыкақ, усюқыхкāлью Кияғнық. ⁶⁵Қамахльютың увилиғнығит тальюгыюкат. Иудеями уңипақ миңиткāt югнун тамāни кияғльыхйинун акулцитни қымит. ⁶⁶Қамахльютың нагақūtкат таўатын пилығның сюмыхтағātкыльюки пикат: «Тағнуҳақ уна сястыңунақңўātуқ аңликуми?» Қаюхльяк ипа нальюнйткālғй Атанғым ахтуғьяхқāнғилъға лъңанилңуқ.

Захариям Ыкналиқыльға

⁶⁷Иоанним атаңа Захария, Алығналғйм Тағнығам имиғлюку ўкналиқыхкақ:

⁶⁸«Йықай усюқылтыху Атанық Кияғныға Израилым, қаюхльяк итымусяхтуғй юни.

⁶⁹Ятāхқутйлью Югулиғистыхльягмың, қыпҳахтыми Давидым киңунғаның.

⁷⁰Таўатын нығиғлюку акықикāгуқ аглығналғйтхун ўкналиқистымикун,

⁷¹югулияхқālюта аңуямнъың, тамахйтныңлью угумикистымнъың.

⁷²Нағныгуткақā наңлыхталъыни сивунымнъун, апығйхльықнилюкулью аглығналғй акықусяни.

⁷³Акықусяңльяқāгуқ сивунымнъун Авраамымун.

⁷⁴Акықйлью югулилтықнилюта аңуямнъың, ынкām қыпхālтықахпут алиңхпынāмта аңуямнъың,

⁷⁵түнңўағлюта лъңанун, қātкульюталью пиюкыльханун уңувалтыхпут қамахтйлюку.

⁷⁶Ынкām лыпық тағнуғамни, атиғьяхқāгутын ўкналиқистыңа Аңыпихльыхйм Кияғныхльягым.

Каяхнаңу̇атын сивутхулюку Атанық
ят̄ахқысқылюки югыт тугукл̄й̄сқылюку
тагикан.

77 Уңип̄альқыатын Кияғнығым юги югулилғығмың
сығвутильхакун сығлыхқыльхитның,

78 қаюхляк Кияғныхпут наңлыхтахляхтуқ.

Каяхлық̄а Югудлиғиста, л̄ңа сиқинғым
п̄итыкысталхатун аюқсяхқ̄агуқ

79 қиялғмың кукухналюки там̄акут кияхлых̄йт
тағнығаңутыльханилң̄ут тукульхым,
мағьяхқуғналюта т̄мңанун ныкихмыльхым».

80 Тағнухақ аңликақ, икнақухтыкақлю̄ю тағнығамикун.

Килг̄аниткақ кынляңа уңипағьяхтульығминун
Израилыг̄м̄инун.

Альхыльха Иисусым

2 ¹ Киңуңаның Иоанным альхыльхан, там̄ани
пилығни Римым Ум̄илыхпиг̄ан Августым, қылық̄а
й̄к қамахтыңу̇ағлюку, а̄тхит игақыстысяхт̄исқылюки
игалд̄утмикун. Таўатын пистык̄и кысналюки

югыт угляхталяңит
иглыг̄уткаминилң̄ут
нунани. ² Тана

сивулихпиг̄алг̄и югмың
кыстилғық, Квириний
правителқыңулюку
Сириям.

³ Қамахтыңу̇ағлютың
югыт л̄мың катам
альхыг̄вигмыхнун
агляхт̄уткат атытың
игақысқылюки.

⁴ Назаретымың,
Галилеямылңуғмың,
Иосифылю̄ю ағуляқыхкақ
Вифлеемымун,
Иудеямылңуғмун,
умылғым Давидым
альхыг̄виганун.



(От Луки 2:4)

Тамāвык пикālдғй қаюқлъяк киңунқыхкаңа Давидым.

⁵Иосифым атыни игақыстысяхтуқā, нулїхқани Мария кыльқылъяуку, ақсялїхлъяוני аюқылдғй.

⁶Тамāнсималюкык игнїяхқāхтыкақ. ⁷Антыкā игнықсюхўāни, ынкām қїпағаққун юңїлъяуку, ақсюкā ныхқуситагныкун, қаюқлъяк ныкаққїлңук ақыльқалгутами.

Пынїйгнїхтытлъяу, Яқулгытлъяу

⁸Унугми таўани, нунивагми пынїйгнїхтыт афлъяңакиңулдғйт пынїйгмыхның. ⁹Атанғым яқулған алїдвикыхкї, ниғухқылъханлъяу Атанғым кукихтыкї, ынкām алиңрўгутыхлъякат. ¹⁰Яқулғым пикї:

«Алиңыхпынаси нагатахтык, пинилдғймың уңипāмың тагитақамси қуянапихлгыхїмың югнун тамахāнун.

¹¹Ағнығми хўани лпысинун альхықақук Югулиғиста, ныхлъягани Давидым, Христосыңўк Атанық. ¹²Хўатын лїсимакыльықақси; ысхақлгықақси тағнухақ қїпағаққун юңїлъяוני, ақсюгңāқ ныхқуситагныкун».

¹³Нўскаган илятқахтātкат яқулыгмун қїлягым пильюўахтылгутыхлъяги яқулылгутыт, усюқыхкāt Кияғнық, пикат:

¹⁴«Усюқнағалык Кияғныгмун,

қїлягым ўсқалгыхпигāнилңугмун,

ныкыхмыльылгулитлъяу нунамылңўт ыфқуқыхкї!»

¹⁵Яқулгыт маюхтўсята қїлягмун, пынїйгнїхтыт лънитның пикат: «Вифлеемымун ысхағьяхтўльтыху

тағнухақ альхылдғй, Атанғым лїсимакыстыкаңа

хўаңкунъун». ¹⁶Ынкām аглярахкїглютың ысхақїт

Мариялъяу, Иосифылъяу, тағнухақлъяу ақсюгңалдғй

ныхқуситагани. ¹⁷Пынїйгнїхтыт ысхағьямыхтыху

тағнухақ, тамаңанун āпқāt тамāна яқулғым апыльха

лмыхнун. ¹⁸Пынїйгнїхтыт уңипақылъхитның

нагақўлхїт қамахлъяутың альяхлъяохўағюкат.

¹⁹Иўырңа Мариям қалькақпынани илюмикыхкї тамāкут

пильхыт, аўын сюмыхтағātкақыхкаңи. ²⁰Пынїйгнїхтыт

утығниқат усюкумāн, қўлвамāн Кияғнық, қаюқлъяк

нагақуқātлъяу ысхақātлъяу яқулғым апыльхатун

аюқыхкақ.

Иисус Агїткаңат

21 Пиңаюның иңлюлык ағнық атуғлюку, тағнуғақ обрезаниян атикәт, Иисусымың. Яқулғым тўныхкә атық Мариямун сялин қумиңыльхильюку.

Мариям, Иосифым Агльскаңак Иисус Храмымун

22 Моисейем Лйлихтўсйән қылыльхатун пылюниҳсяльыққәк кәткақ. Ынкәм Иерусалимымун агляткәк тағнуғақ Атанығмун тўналюку. 23 Лйлихтўсйәни Атанғым игақңақ: «Тамағағми ағнам иғнықсюхўәға әфсяхқәгуқ Атанығмун». 24 Атанғым Лйлихтўсйән қылғутыльхатун ахқуткысяхқәлғйк: «мәлдук горлицык, налиғмың мәлдук голубыңиғәк».

25 Иерусалимымытыфтуқ юк, әтха Симеон. Қәтқутналғйлью, манигўткаюклью Кияғнығмун. Утақйңулғй Кияғнығмун югулисқылтьюки Израилығмйт. Аглығналғйк Тағнығак лъңанилңук. 26 Аглығналғйм Тағнығам акықыхкә туқунәнғинъилюку кынляңа ысхальыққәнун Мессия Атанғым акықусяқыхкә. 27 Тағнығам мағьяхқулъхакун итығьяхтуқақ Храмымун. Лйлихтўсйәт пискыльхистун аңаюқажкынка тағнуғақ Иисус итхуткәк Храмымун. 28 Симеоным тугулюку тағнуғақ игамсиқаюгвикыхкә Кияғнық, пикақ:

29-30 «Атанық, йықай мәтын қыпхахтын агуляқыстигуныкыхмыльюку, қаюхльяк акықылъықпытун, хўаңа катам ийығымның ысхағақа каяхтыкан Югулиғистыңулюку.

31 Ятәхқыхкақан югнун тамаҳәнун ысхйсқылъюку.

32 Ниғугук язычнигнун лйгикыстилғй Кияғнығмың, лъңа апальюкльюку юхтын Израилығмйт құлвалъыңықльяхльықут».

33 Тәхкын тағнуҳәм атаңанлью, нәңанлью сәғйғаягуткәк таўатын акузиткысягу. 34 Симеоным Кияғнығмун туңситкакык қуястысқылъюкык. Ынкәм нәңа Мария пикә: «Нагатахтиңа, уна тағнуғақ Кияғнығым накмикыхкақә. Иляңи Израилығмилгутыт нанқихльықй ағьюғьяхқәлюки, иляңи югулияхқәлюки. Кияғнығым

каяхтыңъўа лъңанун уңипақтыңулюку, иўырңа юлгутыт ихсякыльықат, ³⁵ынкәм таўатын пилъығмыхтыхун лйтыслъықйт аксяқалдйт сюмыхтағалытың. Ынкәм лъпык Мария, қивғум кагимлтықак уңувасихкын, катам таўатын сьавихпагым кәпыльхатун).

³⁶Тәўальюңуқ ўкналиқиста ағнақ, атҳа Анна, Фануилым панига, Асирым рамкыни пи. Ағналъқўағуфтук, угилгукәфтук мәграгвинлык аюмиқульық. ³⁷Тәхкын уғиңйтыльығминың 84ңуқтықани аюмиқульықт. Аўын тағйқылдй Храмымун, ағнығуяғңән, унугуяғңән Кияғнық манигуғақыхқаңа, постақлъюнилью, юғағақлъюнилью. ³⁸Таўани атәсими афлъюми, Аннам такулюки Кияғнық игамсиқаюгвикыхкә. Тағнухақ акузиткыхкә тамаҳйтнун утақйлдйнун Мессиямың, лъңанун итымутысқылюку Иерусалим.

Утығнилъық Назаретымун

³⁹Иосифым, Мариямлью қамахлъюки апығйгьямыгныки Атанғым Лйлихтүсйта писқыльықит, утығниқак Назаретымун, Галилеямылңуғмун. ⁴⁰Тағнухақ аңликақ, икнақухтыкақлъю, имиғңағми пыққиныльығмың; Кияғнығым каюсиқәлью, қуястыкәлью.

Мыкылдйқ Исус Храмыми

⁴¹Аюмиқульық тамаҳән аңаюқакык Иерусалимтақылдйт, нықынғақкыльханун Пасхам. ⁴²Иисусым уксюхтуляңа қуля мәлдугуҳсян, пйқыльығмығытун нықынғақкыльығмун пикак кыльқылюку Исус. ⁴³Нықынғақкыльық апығйгьян утығниқак, иўырңа мыкылдйқ Исус уныхтыкақ Иерусалимыми. Аңаюқакхынка нальюкыхқаңак. ⁴⁴Сюмығмыхни иглығалгутыгмыгнинильюку ағныльқусиқ иглыхтыкақ. Тәхкын ивақат илякўағмыгнилью, илякумтәғмыгнилью. ⁴⁵Нәлькынғисямыхтыху Иерусалимымун ивағьяхтуқак. ⁴⁶Пиңают ағнығыт атуғлюки нәлькыхкәт увитаңанильюку Храмым, ақумлюни апыхтуғистыт акулңитни, нагатақыфтйлью, аңқуғағақыфтйлью. ⁴⁷Қамахлъютың нагатульықит лъңаның сьағйғаягуткәт лйгикиңалъханыңлью,

кїмсихтуғилъханыңлыю. ⁴⁸ Аңаюқахкынка ысхағлюку сятїгайгуткāk. Нāңан пикā: «Иғнымни, ысхақахқуң, сяңан хўатын аныхсикут? Атахпыклью, хўаңалъю ынңаталь иванғїгутамкын, рыпаль пыңгїльютын».

⁴⁹ Кїмсиқақык: «Сяңан ивағыстына? Налъюкыстыхў Атама мыңтығāнисяхқапыстāгулғиңа?» ⁵⁰ Иўырңа лїгикумаңилькаңат сямың таўатын пиңутаңа.

⁵¹ Тāхкын малихльюкык утығниқақ Назаретымун, қаткутнақāлғилъю ылькыхкынун. Нāңан тамāна қамахльюку умьюгағмикыхкā.

⁵² Исус аңлиткыльюку пыхқинғухтыкақ, ыфқуғнахтыңбинақақ Кияғнығмилъю, югнилъю.

Уңипақильха Иоанним Крестителым

З ¹ Акимигāхтыңбукаңа аюмикулъык иглығутилъхан Тиверий Кесарым, Понтий Пилат, правителыңулюку Иудеямун. Ынкām Ирод, иглығутистыңулғи Галилеямун, аңлығутаңалъю Филипп, иглығутистыңулғи Итуреянкугнун, Трахонитынкугнун. Лисанийлью иглығутистыңулғи Авилинеямун. ² Анналъю, Каиафаналъю первосвященнигукагук. Тамāни пилъығми, Кияғнығым алыхқуқā Иоанн килгāнисималюку. Иоанн иғнықыхкаңа Захариям. ³ Тāхкын Иоанн иглыхтыкақ увитаңани Кийўым Иорданым, уңипақикақ югнун пыхльюки сығлыхқылъхит крестиғысқылъюки, ынкām сығывутылыңылъықнилюки сығлыхқылъхитның. ⁴ Игақнақāлғит игатхун акузитаңи ўкналиқистым Исаиям хўатын:

«Ма акилғўгауқ килгāни хўатын;

“Ятāхқитыху тўмкахқā Атанғым,

такляхтыху тўмкахқā.

⁵ Қамахльюни сюкльюның имиҳлыуқуқ,
қамахльютыңлыю нāйғат, қымит асивахльыкут,
ынкām ағухпїрāғыт тумыт такляғрукхўльыкут,
тўмльюгмылңўтлыю тўмкхўāуҳльықї.

⁶ Қамахльюни юғым ысхахльықā Кияғнығым югулиғилъха югның!”»

⁷ Тāхкын юлғутыхльыгыт тагиляғātкат лъңанун крестиғысқылъютың. Иоанним пикї: «Лъпыси

нымыңъяни! Китум кылыңасяҗтиси анагысқылъюси
 Кияғныңым ағыюгилтыққаның кәнғақылғймың?
 8 Кияғтәлтықпыси ипапиққылгыгу авутыққумәси
 сығлыққылтықпысиның. Сюмыхтағахпынаси
 итагнағнилюси Кияғныңми қаюхляк Авраамым
 кинунқыхкаңиси. Уңипәтамси, Кияғныңым уйғагыт
 мәкут тағнухаңлъяғнаяғй Авраамымун. 9 Талўа
 мәтын қалғақалима уқлэйльюни аюқуқ кыпналюки
 уқфигыт акүйтхун. Қамахлъяни уқфик пинилғймың
 пйтыстингилнуқ кыпльюни кыңгыгнун милёсяҗқәгуқ».

10 Юлгутықлъягыт әптыкәт: «Сянақыстаңам?»

11 Кймсиқй: «Мәлдугығның қәслэйлгукувык,
 алыққык тўнакыхкын аваңилнуғмун югмун, ынкәм
 нықылгукувык таўатынлъя пилғатын». 12 Иляңилъя
 налогмың қырнухтистыт тагилютың крестиғыстыкат
 лъяңанун. Әптыкәт: «Апыхтуғиста, хўаңкута
 сянақыста?» 13 Кймсиқй: «Туўақитыху нәмигинаҳақ
 налогылтық, ўата тугутыхпынаси». 14 Пильюўахтытлъя
 әптыкәт: «Хўаңкутамйи, сянақыста?» Кймсиқй:

«Акықсяхтыхпынаки югыт лъңитнун манилитысқылъюси
 налиғмың тымңи авуткыхпынаки. Итагнақақитыки
 акилыхтўсяхпыси аңталаңит».

15 Югыт сиғималютың лййқат, қамахлъятыңлъя
 сюмыхтағәткыхкәт Иоанн, Христосыңунаюкан.

16 Ынкәм Иоанным пикй: «Тагияхқақ тәна
 ахтуғьяхқангитықлъяхтуқ
 хўаңамның, ынкәм
 хўаңа пинингитңўахтуңа
 итымсяхқәлюки
 сиңй. Крестиғйкуңа
 мыхқун, иўырңа лъяңан
 крестиғылтықиси
 Аглыңналғйғның
 Тағнығағның,
 кынығмыңлъя».

17 Тугумйлгўк пыкутамың
 малйғналюки
 пшеницат. Тәхкын
 пшеницат кахпахлтықй,



(От Луки 3:17)

иўырҗа малъят паныҳлықы қамьяхқангилнүгныкун кынғыгныкун».

18 Иоанным уңипәсимаңинақй югыт натын альяңуҳнақысқылтьюки кияхтәлхит, льңитнун уңипақиңулюни Пинилгйның Уңипаның. 19 Иўырҗа Иоанным агьюгмикақыхкаңа правитель Ирод, қаюхляк тугукақыхкаңа Иродиада, аңлыгутми Филиппым нулиха. Агьюгмикәлю Ирод сығлытун пильханың апальюқлюку. 20 Тәхкын Ирод ўата сығлыгатағатун пикақ анусимиңляхтыстыкә Иоанн.

Крестиғыльха Иисусым

21 Киңуңитның қамахлютың югыт крестиғыстыльхита, Иисусылю крестиғыстыкақ. Иисус юғамалюку, қияк қыльпықақ, 22 тәхкын Аглыңналгйк Тағнығак сюағьюкыхталютык укикақ льңанун. Қиягмың ма пикақ: «Иғнықамкын, пиниқыпихкамкын, ыфқуқыпихтамкын».

Иисусым Сивунги

23 Иисусым пйнлиғақңамигу қыпхақани, ынтақун юк малыгук қуля сипнықлюкуңук уксюхтуляңа. Югыт сюмыхтағәткыхкәт игнықнилюку Иосифымун.

Иосиф, игнықыхкаңа Илим,

24 Или, игнықыхкаңа Матфатым,
Матфат, игнықыхкаңа Левийем,
Левий, игнықыхкаңа Мелхим,
Мелхи, игнықыхкаңа Ианнайем,
Ианнай, игнықыхкаңа Иосифым,

25 Иосиф, игнықыхкаңа Маттафим,
Маттафи, игнықыхкаңа Амосым,
Амос, игнықыхкаңа Наумым,
Наум, игнықыхкаңа Еслим,
Если, игнықыхкаңа Наггейем,

26 Наггей, игнықыхкаңа Маафым,
Мааф, игнықыхкаңа Маттафим,
Маттафи, игнықыхкаңа Семейем,
Семеи, игнықыхкаңа Иосифым,
Иосиф, игнықыхкаңа Иудам,

- 27 Иуда, иҥнықыхкаңа Ионнаным,
Ионнан, иҥнықыхкаңа Рисам,
Риса, иҥнықыхкаңа Зоровавелым,
Зоровавель, иҥнықыхкаңа Салафиилым,
Салафииль, иҥнықыхкаңа Нирим,
- 28 Нири, иҥнықыхкаңа Мелхим,
Мелхи, иҥнықыхкаңа Аддим,
Адди, иҥнықыхкаңа Косамым,
Косам, иҥнықыхкаңа Елмодамым,
Елмодам, иҥнықыхкаңа Ирым,
- 29 Ир, иҥнықыхкаңа Иосиевым,
Иосиев, иҥнықыхкаңа Елиазерым,
Елиазер, иҥнықыхкаңа Иоримым,
Иорим, иҥнықыхкаңа Матфатым,
Матфат, иҥнықыхкаңа Левийем,
- 30 Левий, иҥнықыхкаңа Симеоным,
Симеон, иҥнықыхкаңа Иудам,
Иуда, иҥнықыхкаңа Иосифым,
Иосиф, иҥнықыхкаңа Иоанным,
Ионан, иҥнықыхкаңа Елиакимым,
- 31 Елиаким, иҥнықыхкаңа Мелеам,
Мелеа, иҥнықыхкаңа Маинаным,
Маинан, иҥнықыхкаңа Маттафам,
Маттафа, иҥнықыхкаңа, Нафаным,
Нафан, иҥнықыхкаңа Давидым,
- 32 Давид, иҥнықыхкаңа Иессейем,
Иессей, иҥнықыхкаңа Овидым,
Овид, иҥнықыхкаңа Воозым,
Вооз, иҥнықыхкаңа Салмоным,
Салмон, иҥнықыхкаңа Наассоным,
- 33 Наассон, иҥнықыхкаңа Аминадавым,
Аминадав, иҥнықыхкаңа Админим,
Админ, иҥнықыхкаңа Арним,
Арни, иҥнықыхкаңа Есромым,
Есром, иҥнықыхкаңа Фаресым,
Фарес, иҥнықыхкаңа Иудам,
- 34 Иуда, иҥнықыхкаңа Иаковым,
Иаков, иҥнықыхкаңа Исаакым,
Исаак, иҥнықыхкаңа Авраамым,

- Авраам, иғнықыхқаңа Фаррам,
 Фарра, иғнықыхқаңа Нахорым,
 35 Нахор, иғнықыхқаңа Серухым,
 Серух, иғнықыхқаңа Рагавым,
 Рагав, иғнықыхқаңа Фалекым,
 Фалек, иғнықыхқаңа Еверым,
 Евер, иғнықыхқаңа Салам,
 36 Сала, иғнықыхқаңа Каинаным,
 Каинан, иғнықыхқаңа Арфаксадым,
 Арфаксад, иғнықыхқаңа Симым,
 Сим, иғнықыхқаңа Нойем,
 Ной иғнықыхқаңа Ламехым,
 37 Ламех, иғнықыхқаңа Мафусалым,
 Мафусал, иғнықыхқаңа Енохым,
 Енох, иғнықыхқаңа Иаредым,
 Иаред, иғнықыхқаңа Малелеилым,
 Малелеил, иғнықыхқаңа Каинаным,
 38 Каинан, иғнықыхқаңа Еносым,
 Енос, иғнықыхқаңа Сифым,
 Сиф, иғнықыхқаңа Адамым,
 Ынкām Адам иғнықыхқаңа Кияғнығым.

Туғнығам Сығлығқыснақуткыхқаңа Иисус

4 ¹Тәхкын Иисус, Аглығналғиғның Тағнығағның
 ыслықңалғи, утығниқак Кийғынның Иорданығның,
 ынкām Тағнығам ағуляқуткә килгәнун. ²Туғнығам
 сығлығқыснақуткыхкә югык малығугык ағнық. Тамāни
 ағнығни Иисус нығумаңилнұқ. Тәкут ағнығыт
 киңуңитның игатахльякақ.

³Туғнығам пикә: «Кияғнығым Иғнықңукаңатын, уна
 уйғак нықнбухтыстигу».

⁴Иисусым пикә: «Акузитыт Игақыхкат пикәгут: “Юк
 кияхнәнцитүк нықңинахаққун”».

⁵Тәхкын Туғнығам мајоткә ұсқапихлбыхймун,
 натыңйақ кылгувикыхкә нунам
 атаныхпагульхитның. ⁶Пикә: «Лпынун
 тўнылыықанка қамахльюки тамāкут атаныхпагульхыт,
 ахтуғьяхқангильхытлю. Қамахльютың
 хўаңамнун тагивақәгут ынкām китумун алңунак

тўньюкыхкамнун тўнылықанка. ⁷Манигуғьякувңа қамахльюки льпык пинāяғатын.

⁸Иисусым пикā: «Акузитыт Игақыхкат пикāгут:

“Манигуғьяхқақан Атанық Кияғнығын,
льңинāгуқлюю қыпхāсяхқан”».

⁹Тāхкын Туғнығām ағляткā Иерусалимымун, ныкывыстыкā Храмым ūсқалғакун. Пикā: «Кияғнығым Иғнықнуқаңатын, қытхығи тысямавык, ¹⁰қаюхльяк Акузитыт Игақыхкат пикāгут:

“Кияғнығымнуқ яқулыгминун
пақнасихтысяхтухльықатын!”

¹¹Пикāгутлюю:

“Йхмыхның нуқнықылғықатын,
лўорақ итығахтын уйғахқўнъаюуката”».

¹²Иисусым пикā: «Акузитыт Игақыхкат пикāгут:

“Атанық Кияғнығын нанғйқухпынāн сясқылъюку
льңан пиюкыльқынғильқаңаның”».

¹³Тāхкын Туғнығām апығйғьямики

сығлыхқыстинақуткылғыни Иисусымун, униткā кынляңа алъя пилғыхқаңылғыхқаминун.

Иисусым Пйнлиқаңа Уңипақилғыни Галилеями

¹⁴Тāхкын Иисус утығниқақ Галилеямун

ахтуғьяхқанғильылиғлюни Ағлығналғйғныкун Тағнығағныкун. Тамахāни нунани югыт уңипақыхкāt.

¹⁵Апыхтуғйқылғйлью синагогаңитни, қамахльютыңлью югыт усюқыхкāt.

Назаретығмйт Йхсякыхқаңат Иисус

¹⁶Тāхкын Иисус аңливигминун Назаретымун пикақ.

Субботанухсягу пйқылғығмитун синагогамун ағляқақ. Ныкывыхқақ атихтуғналюни Акузитның Игақыхканың.

¹⁷Тўныхкāt ūкналиқистым Исаиям игāның. Қыльпыхтыкй хўатын игақналғймун:

¹⁸«Атанғым Тағнығаакык хўаңамнитуқ,

қаюхльяк накмикыхқақāңа Пинилғйның Уңипаның
уңипақисқылъюңа акльюмалғйнун.

Каяхтāңа анусимиңльяғат итымутысқылъюки,
аякатлью ысхāсягутысқылъюки,

амьюқытātкысилгїтлью итымутысқылъюки
амьюқытātкыстыңитның.

19 Апығяхтїсқалъю аюмиқулъық кәнъилоку
Атанғым югулигильыққалъю қуястильыққалъю
юғның».

20 Атихтуныңмың апығїғьямики игат тўныхкї
афльыңакистымун тāхкын ақумыхқақ. Синагогамылңūt
қамахлъютың ысхапахтūtкāt сямың пильыққаның.

21 Пикї: «Ағныңми хўани, нагасимахси укут Акузитыт
Игақыхкат āпқāt апығїхтуқ».

22 Акузиныңмың тākсян қамахлъютың нагалъхїт
ыфқуқыхкїт акузильхї, сяғїғаягуткїтлью акузитаңи
наңльыхталъылгунилоки. Апқугāгуткат: «Уна Иосифым
иңнықынғитагў?»

23 Исусым пикї: «Налъюнықнаңунāн хўаңамнун
апыхлъықахси хўатын пильық: “Ағалъыхтақ, льпынун
нālъхутын”. Нагақуқақапут Капернаумыми пикахтын,
мāнилью аңливихпыни тамāкут пїхтики, ынкām
ухпықылъықамкын Мессияңунилютын». 24 Пикїлью:
«Ипа пїмси, ўкналиқиста тугукльиҳтыңитутқ льми
катам аңливигмини. 25 Иўырңа ипа уңипāтамси,
Израилыми, Илия кияхтыңъулоку, угиңиғахтўқ.
Тамāни пильығни ыслъяльюгуҳнығиткāгуқ пиңают
аюмиқулъыхт, ағвинлык танқит иляльюки, ынкām
нықаңсияхлъякāгуқ тамаҳāни нунаңани Израилым.
26 Иўырңа Кияғныңым Илиямун каюсиғяхтїсқылъхитї
налихїнїт угиңиғат Израилымылңūt. Йығлыги
каюсїсяхтїсқыхқақā язычник угиңиғақ, кияхлъыхї
Сарептами, Сидонымылңуғми. 27 Ынкāmлью Израилыми
прокаженныхтумақ, кияхтыльхани ўкналиқистым
Елисейем. Налихїнїт укмаңильхитутлью,
нālъхутыльхитутлью, иўырңақун язычник Нееман,
Сирияғмї».

28 Қамахлъютың синагогамылңūt сякшитыхлъякат
нагасямыхтыху Исусым таўатын пильха. 29 Тāхкын
ныкывўльютың, аяғахтāmāн ныхлъяғмың āнуткāt. Тāна
ныхлъягат қымикун ныкыфтыкālғї ынкām ағуляқуткāt
қымим қагугруганун сїңналюку тысямавык. 30 Иўырңа
акулңитхун нағуҳқуғлюки ағуляқыхқақ.

Иисусым Аныстыкаңа Туғнығақ Югмың

31 Тәхкын Иисус тысямавык Капернаумымун пикақ, ныхлъягмун Галилеямылнұғмун. Субботами апыхтуғималюку, 32 сьгйғаягуткāt апыхтуғилъха, қаюхлъяк апыхтуғикақ ахтуғьяхқәнғилъылиғлюни Кияғнығмың. 33 Синагогамытыфтуқ юк илюмикун туғнығалык. Игляхтупихлъюни акилгұмың пикақ: 34 «Авылғахқут! Иисус Назаретыгмй, сьнақсикут? Нәфқысяхтүзикүт? Лйсимакамкын кинаңутын, Аглығналғйкātын Кияғнығым».

35 Иўырңа Иисусым ағьюқә: «Қалъыхпынаң лъңаның әни!» Туғнығам икусльюку мануңитхун, ақнихқыхпынән әныхқақ.

36 Қамахлъютың югыт сьгйғаягумағмың пикат: «Ахтуғьяхқәнғитахалык акузитаңи! Пильыхқалиғлюнилью ахтуғьяхқәнғилъылиғлюни қылығьяқминики туғнығāt лыған әнлығātут!» 37 Иисусым таўатын пильха уңипақыхкāt нани алңунак тамәни.

Иисусым Нәлхускаңи Юлғутыт

38 Иисус ныкывлюни, синагогамың әнлюни, Симонькунун агляғлюни йтқақ. Симоньм ськиңа ағнақ пуқльығахлъяк, ынкәм нәлхухатахтысықыхкāt лъңанун.

39 Такулюку қавағвиганун ныкывғағми қуляңиғлюку пуқльығаңа ыфльықуқә ынкәм пуқльығаңйтқақ. Таўаниңинақ макыльюни кыпсйқукй.

40 Сиқинық тывймалюку, Иисусымун югыт тагикүткйт қинуюғналғйт альяҳйнағның ақниғнығның. Қамахлъюки сьфтақльюки нәлхуқукй. 41 Туғнығātлью әнлығātкат юғның акилгұмағмың: «Лъпык Кияғнығым Иғнықātын!» Иўырңа ағьюқй, акузиснаниқйлью қаюхлъяк лйсимакыхқаңат лъңа Христосыңулғй.

Иисус Уңипақилғй Синагоганьи

42 Ахсьягу Иисус килгәнун пикақ. Югыт ивағьяхтуғлюку, нәлхкысымыхтыху ағуляқыснаниқāt. 43 Иўырңа пикй: «Уңипақыпыстағьяхтуғнақңўақа Атаныхпагульха

Кияғнығым иляңитнунлюю ныхльягнун, қаюхльяк тана апальюқлююу каяхтыкәгуңа».

44 Ынкәм уңипақимаңаңақ синагоғанитни Иудеям.

Иисусым Малихсәхтыксюхәғи

5 1 Атәсими ағнығми, Найвам Геннисаретым ысныңани, Иисус ныкывғанулююу югыт каңлююқахтыкәт нағанәлюки Кияғнығым Акузитаңи. 2 Ысхақакык мәлғук аңьяк ысними сяюғалғйк. Нақам югит иқалынйхтыт авйтыфтут, уғвуғьяхтүмақанит нығахпатың.

3 Ухльюни Симоным аңьякун, аўавахқағутысқыхқақ ыснымың. Тәхкын ақумлюни аңьякун югыт апыхтуқй.

4 Апыхтуғинығмың тәқсями, Симон пикә: «Усқалъханун аўавағлютын нығахпактын атыхтики нәптысқыльюки».

5 Симоным пикә: «Югунйқ, унульқусиқ иқалынйхтәяхтукут сякыңылъхитукут! Иўырңа каяхтыкывңа нығахпагыт атыңақанка». 6 Лыган атыхтйт нәпқағйхльякат рыпаль пйгуқыстағлютын лйқат. 7 Аңьям әльханилңүт илятың апақит каюсиғьяхтйсқыльютын. Кәсистың аңьяк имиқахкыт ыслықағахльюкык рыпаль калыфқахтыкат. 8 Иўырңа Симон Петырым ысхағьямигу альяхльюхўахтилльык, Иисусым сивуңакун нйнгүльюни пикә: «Атанық, хўаңамнитыхпынаң қаюхльяк сығлыхқыстыңўна!»

9 Симонылюю юкульхйт сяйғаяюкат нәпқағйльығмыхның, 10 қыпхалгуткыклью Иаковым, Иоанным, Зеведейем иғнығык.

Иисусым пикә Симон: «Алиңыхпынаң, хўакын кынлыкльююу югмың нәпсягуньяқңүтын».

11 Аңьяк қүтмун сяюглюкык, униткйт сяңўәт қамахльюки ынкәм малихтыкәт Иисус.

Иисусым Укмаңиқаңа Юк Прокаженныелык

12 Иисус иляңитнисималююу ныхльягыт, йок тамәнтыфтук ынңәталъ прокаженнылхльяк. Ысхағьямигу Иисус, сивуңакун нйңгутқақ манигүтыпихльюни пикә: «Атанық, пиюкыльқыхкувгу укмаңиғна».

13 Иисусым ныңуглюни сяфсимән пикә: «Пиюкыльқақа; укмаңйхтын». Таўаниңинақ проказанйтқақ. 14 Иисусым

иныхтыңъӯақ̄а: «Кина алңунак уңип̄атыхпын̄ан, иўырңа агля священнигымун ювгйгысқылъютын. Тәхкын аққышәхатын Моисейем қылгутыльхатун ипапиҳқысқылъюку укмаңйхтыльхын».

15 Иўырңа Иисус ўатақәғак уңипақыхкәт тамаҳәни, ынкәм юлгутыльхыгыт такуляғәсимаңинакәт наганәлюку, нәльхутысқылъютыңлью ақниғнығмыхның. 16 Иўырңа килгәнун аўын ағуляқақылғй юғағналюни.

Иисусым Нәльхускаңа Унйқак Юк

17 Атәсими ағныңми, Иисус апыхтугималюку, таўани ақумгатңуфгут Фарисеитлью, апыхтугикайгытлью Лйлихтүсяның. Тәкут тагиляғәткәфгут тамаҳйтның Галилеям ныңитның, Иудеям ныңитның, Иерусалимымыңлью. Атанғым ахтуғьяхқәнгильхә нәльхутимун льңанилңуқ. 18 Иляңита югыт тагиткәт льңанун унйқак юк альиғәкун. Мыңтығамун итхутфихкамың ивагикат, Иисусым мануңакун льиналюку. 19 Иўырңа итхуньығмың ахтуқәт қаюхльхак югыт каңльютңахльхыгулғйт, ынкәм мыңтығам қайңанун маюткәт. Таўани кровлям иляңи иқиқуғлюки, рығигульюку укихтыкәт альиғәкун акулңитнун югыт мануңанилңут Иисусым. 20 Лйсимакыхкәңи ухпықилъылгулғйт ынкәм юк пикә: «Сығвутанка сығлыҳқылъыхтын».

21 Апыхтугикаюгыт Лйлихтүсяның, Фарисеитлью умыюгамыхтыхун әпқуғәгуткат: «Кинаәўа уна юк Кияғнығукальхұғунилңй? Кияғныҳйнәгуқ сығвутияхқак сығлыҳқылъығның».

22 Иисусым лйсимакыхкәңи сюмыхтағальхит ынкәм әптыкй: «Сяңан таўатын сюмыхтағағыстык? 23 Наликык хўатын пильхык пияқнйтак: “Сығлыҳқылъыхтын сығвутут”, налиғмың: “Макыльютын пиюги”?

24 Иўырңа лыпысинун лйсимакысюгақа Иғныңа Югым ахтуғьяхқәнгильылгүк нунами сығвутияхқәлюни сығлыҳқылъығның». Тәхкын пикә унйқәялғй юк: «Уңипәтамкын, макытын, тугулюку альиған, лыпысинун агля!»

25 Юлгутыт ысхәманғитни таўаниңинақ юк макыльюни, альиғани тугулюку льмыхнун агляқак, усюқумән

Кияғнық. ²⁶Қамахлыютың юлғутыт сяғйгаохляжат, усоқыхкәтлью Кияғнық, пикат: «Ағнығми хўани ынңәталъ ысхапахтукут альяҳлльюхўағмың!»

Иисус Малихтысқылғй Левийемун

²⁷Таўатын пильхыт киңуңитның, Иисус навык пилюни ысхақә налогмың қырнухтиста, әтха Левий. Ақумгафтуқ налогмың қырнухтивигмини, пикә: «Малихтиңа».

²⁸Ныкывлюни сяңўә қамахлыюку унильюку малихтыкә.

²⁹Тәхкын мулюнғитуқ Левийям льмыхни нықынғахқутыхлякә Иисус. Таўантыфтут налогмың қырнухтистылғутытлью, иляңитлью югыт, ақумылгусиқйт қаюғвигми. ³⁰Фарисеитлью, апыхтуғистыңитлью Лйлихтўсят қикыхқукат малихсәхтыңанун: «Сяңан нығылгусиғақыстыкилью, мығылгусиғақыстыкилью налогмың қырнухтистытлью, сығлыҳқыстытлью?»

³¹Иисусым пикй: «Югунқыхтат ағалыхтахсюғнйут иўырңакун тамәкут қинуулғйт. ³²Тагиңуңитуңа тахсиқльиғналюки ыльқуғутңалғйт югыт. Иўырңа тагиңўңа сығлыҳқыстыт авутыхқылъюки сығлыҳқынъанйсқылъюки».

Иисусым Апыхтўсяқыхқаңа Посталық

³³Иляңита югыт Иисус пикәт: «Иоанным малихсәхтыңи аўын постакутлью, юғағакутлью. Фарисеитлью малихсәхтыңит таўатын пйкут. Иўырңа льпык малихсәхтытын нығакутлью, мығакутлью».

³⁴Иисусым әптыкй: «Ныңуҳнақылғйк ақылқйк посталықәт нулихтуғнақылғй льңитнильюку? ³⁵Иўырңа пильыхқак кәльықуқ нулихтуғнақылғй льңитның иқилықәт, ынңәталъ таўани посталықут».

³⁶Ынкәмллью Иисусым уңипағәткй: «Китум алңунак икувикнәңгитәк қәслыиғрағәк, иляғналюкык қәслылюгык. Таўатын пикумикык пйхльықәк қәслыиғрағәк ынкәм нутағақ иляғуткә альяңумиғульықуқ. ³⁷Налиғмың китум алңунак аўатахпалюгыт имиғнәңгитй виноғрағәғмың. Имиқумики аўатахпалюгыт қўпахльықут ынкәм

винограғақ сякусйқылъықуқ. Аўатахпалюгытлю атуяхқананихлъықут. ³⁸Итупиль винограғақ кўвьяхқәгуқ аўатахпаграғагмун! ³⁹Кина алңунак винолюгмың мыглюни, мыгьюгнәнгитуқ винограғагмың қаюхлъяк хўатын пияхқәгуқ: «Винолъюк нықниғатағахтуқ винограғагмың»».

Апқудәлтық Субботамың

6 ¹Субботам ағнығани, Иисус иглыхтыкақ пшеницат пйтфигитхун. Малихсәхтыңи икутақлъютың пшеницам птутанаңың, йхмыхның миңуәгақлюки қантйт икуғналюки нығыхкйт птутыт. ²Иляңита Фарисеит пикйт: «Таўатын пияхқәнгитуси. Лйлихтүсямнъи йнғутнәқ Субботами сяғналъыхқәқ».

³Иисусым пикй: «Атихтйгастыхў Давидым пильха игатағақнами, тәкутлю лъңанилңўт? ⁴Итыглюни Скиниямун туғулюку нықыкшаңлъяқ тўныхкақ Кияғныгмун, икульюни нығыхкәгуқ, нығыстыкақйлююни. Лйлихтүсямта пильхани китум алңунак нығьяғақынғитә нықыкшаңлъяқ иўырңақун священнигыт».

⁵Тәхкын пикй: «Иғныға Югым Атанқә Субботам».

Юк Йхылык Унйқамың

⁶Иляңани Субботам, Иисус итыглюни синагогамун апыхтуғикақ. Таўантыфтуқ юк ағынқигнығыт йхи унйқәт. ⁷Иляңита апыхтуғикаюгыт Лйлихтүсяның, Фарисеитлю рйрңиңуәқәт Иисус нәлххутинаюкан Субботами анахунилюку пияхқәлюку. ⁸Иўырңа лйсимакутминың сюмыхтағалъхит, юк йхылык унйғналғймың пикә: «Тағи хўавык ныкывьяхтә». Ныкывлюни тазиңавык аглякақ. ⁹Тәхкын Иисусым пикй: «Аптахлъямси, Лйлихтүсямта сяқилью Субботами? Пинитун писқинкўт налиғмың сығлытун? Югулиғисқинкўт уңувалъығмың налиғмың туқутисқилью?» ¹⁰Қамахлъюки ысхахтығлюки, юк пикә: «Йхытын ныңугутики». Йхыни ныңугутй, ага нәлххуткат.

¹¹Ынкәм угумиягутыхлъяглюку Иисус ағиткыхкәт сяналюку.

**Иисусым Накмикыхкаңи Қуля Мәлгук
Сйпнықлыюку Апостолыт**

12 Таўани пилығми Иисус нәйғамун маюқак юғарналюни. Унулқусиқ юғақак Кияғнығмун. 13 Аҳсягу туқлыюғлюки малихсәхтыни, тәкуның накмйқак қуля мәлгук сйпнықлыюку ынкәм атиқй апостолыт. 14 Атхит: Симонқу, (Иисусым атиқә Петырымың), Андрейеңуқ аңлыгутаңа, Иаковыңуқ, Иоанныңуқ, Филиппыңуқ, Варфоломейеңуқ, 15 Матфейеңуқ, Фомаңуқ, Иаковыңуқ иғныға Алфейем, Симоныңуқ атылык Зилотымың, 16 Иудаңуқ, иғныға Иаковым, Иуда Искарриотлю, увыҳпагустыңуқтықак.

Иисус Апыхтуғилғйлю, Нәльхуқулғйлю

17 Иисусылю апостолыкульхйт укиглютың нәйғамың, лйивнықыхтылғхакун нунам ныкывғалгусиқй малихсәхтылғутылғяни. Юлғутылғягыт тагиляғаткат тамәхәның Иудеям, Иерусалимымыңлю, ысныхкыныңлю Тирылю, Сидонылю. Нагасяхтүткәт, нәльхутысқылйютыңлю ақниғнығмыхның пикат. 18 Нәльхуқуқйлю тамәкут туғнығат сығлылйхқыстыкйт. 19 Қамахлйютың юлғутылғягыт сйфнақуткыхкәт Иисус, қаюхляк лйңаның ахтуғьяхқәңгилық әнңулғй ынкәм қамахлйютың нәльхуқуткат.

Қуляхылю, Қивгульхылю

- 20 Тәхкын Иисусым ысхәхтылғлюки малихсәхтыни пикй:
«Лпыси акльюмалғйни қуясльылғүйси,
қаюхляк Атаныҳпагульхә Кияғнығым лпыси
пикаҳси!
- 21 Лпыси игаталғйни қуясльылғүйси,
қаюхляк кыпсиюғьяхқәғуси.
Лпыси қиялғйни қуясльылғүйси,
қаюхляк ныңляғьяхқәғуси!
- 22 Қуясльылғүйси югыт угумикынғиси,
ихсякынғиси, сығлықүнғиси, сығлығуникаңисилью.
Таўатын пйқйси қаюхляк малихсәхтыкыхкаңиси
Иғныған Югым!

23 Таўатын пикаңиси ынңаталь қуялғәси,
қытхықәқљюси қуям аңталяңаның, қаюқљьяк қиялғми
акилхтўсяялхлҗягўси. Амынқун сивунғани, сивунғита
амьюқытәткыхкақыхкаңит ўкналиқистыт.

24 Иўырңа сықлығўәғунақңўси лпыси
акљьюңилңуғни, қаюқљьяк хўани уңувалығми
киялхлҗятақулхлҗхси тәнаңинәгуқ пикаққақси!

25 Сықлығўәғунақңўси лпыси кыпсюғналғйни мәтын,
қаюқљьяк игатиқыллҗықуси!

Сықлығўәғунақңўси лпыси ныңлялғйни мәтын,
қаюқљьяк қияғўәқлҗялхлҗықуси!

26 Сықлығўәғунақңўси лпыси қамахлҗютың югыт
итагнатун акузиткыхкаңиси,
қаюқљьяк сивунғита таўатықпигақ акузиткыхкақит
ўкналиқистысиқўәғыт».

Пиниқлҗюки Угумикистыси

27 «Иўырңа хўаңа пймси нагалхҗйни: Пиниқлҗюки
аңуяси, пинитун пйқитыки угумикистыси.

28 Қуястысқақитыки Кияғныңмун тамәкут уйваляғистыси,
юғәтқақлҗюкилҗю амьюқытәткыстыси. 29 Китум
алнунак улҗюңахпыгун қасяқтыкаңатын, иңлюңалҗю
қасяқтыснакын. Китум алңунак қәслҗихкын тугукакык,
хатыхкынлҗю лҗңанун писқынҗакихкын. 30 Қамахлҗюки
туңсиғңйлғйт тўнақитыки. Китум тугувикумакаңиси
сяғьяхпысиның, вықтыхпынаки. 31 Юлгутыси пйқитыки
таўатын писқысюлхлҗықисистун лпысинун.

32 Пиниқистыңинаси пиниқнақңукуфсики,
сиғимахпынаси қуястылҗығмың
альхығутылҗыққақпысиның. 33 Пинитун пистыңинаси
пинитун пинақңукуфсики, сиғимахпынаси
қуястылҗығмың альхығутылҗыққақпысиның. Талўа
сығлхқыстыт таўатын пйқут. 34 Навғитқуфсики
тамәкут сюмықпысини вығутияққат, сиғимахпынаси
қуястылҗығмың альхығутылҗыққақпысиның. Талўа
сығлхқыстыт навғитйқут сығлхқыстынун, тамәкут
навғақат вығутақит навғатың алмысиқлҗюки аңталңит.
35 Иўырңа пиниқлҗюки аңуяси, пинитун пйқитык,
навғитйқитыкљю, сиғимакихпынаки вығутылҗыққит.

Акилыхтүсяхқалыхлъягүси, авакутїстунлюю
 Кияғныхлъягым пильықуси, қаюхлъяк наңлъяхтахтук
 игамсиқаюгигалңуғнунлюю, сығлытунлюю пистынун.
 36 Наңлъяхтахтык катам таўатын Атахпыси
 наңлъяхталъхатун».

Нанқихтиснанилъяқ

37 «Нанқихтыхпынаки юлгутыси, ынкәм Кияғныңым
 нанқихнығилъяқїси. Анахунғыхпынаки килью ынкәм
 Кияғныңым анахунғынғилыси. Сығывутїкитык
 ынкәм Кияғныңым сығывульықїси. 38 Тўнїкитык
 юлгутыхпысинун ынкәм Кияғныңым тўныльықїси.
 Тўныхкани лыпысинун кыныхтақлююки, уфсюгутақлююки,
 ныкыхсягўахлъяқї, ўата иляғатағахлъяқї тывугасльююки
 кыниси. Таўатын тўнилъяхпысистун Кияғныңым
 тўныльықїси».

39 Тәхкын Иисусым уңипағаткї: «Аякам югым
 мағьяхқухлъяқагү аякақ юк? Мағьяхқуқумигу
 лъягўағмун калыфкахталъықук. 40 Игағьяхта
 аңатағангитук апыхтуғистымының. Иўырңа игағьяхта
 пыққихтыңўақуми, апыхтуғистымитун лыйхлъяқук.

41 Сяңан ысхақсигу юлгутыхпык йсқугутысқуҳа,
 ысхақпынән лыпык катам йсқугутын унақсихлъяк?
 42 Сяңан юлгутын пизигу: “Йсқугутңиқағлякын” лыпык
 паниның йсқугутылиғлютын унақсихлъягмың? Уюқ
 пинийюгнық! Сивукльюку унақсихлъяк ийыхпыңның
 нусюглюку, ынңаталь хўатыхлъяўақ ысхақлюку
 юлгутыхпык ййңа йсқугутңиғнакын».

Уқфиклью, Пйтыстыкїлью

43 «Уқфик пинилдї пйтыстиңигатук сығлығмың.
 Уқфик сығлық пйтыстиңигатук пинилдїмың.

44 Уқфик натылңўтаңа лйгиксяхқағук пйтыстыкākун.
 Сикухлъягыт пйтыстиңигатут смоквамың, налиғмың
 нығьяхқанғилңут нунивахсығат пйтыстиңигатут
 виноградымың. 45 Пинилдї юк атуқйқук пинилдїмың
 илюмикыхкаминың, иўырңа сығлық юк атуқйқук
 сығлығмың илюмикыхкаминың. Юк акузикаюгўк
 илюмикыхкаминың».

Мыңтығаңлъяхтык

46 «Сяңан туқлыюғыстыңа: “Атанық, Атанық?” нақам писқыльхынка атуқыхпынаки? 47 Кина алңунак тагилюни хўаңамнун, нагалъюки акузитынка қаткыхкаки, уңипальықамси натытуляңаның. 48 Юхтун мыңтығаңлъялғитун аюқуқ. Нуна сямавырухляк ляглюку уйғагмун, тунымиглюку тәхун ныкыфльықә мыңтығақ. Кйўык улывыхляглютык таўалъйма мыңтығақ қапшахтыльхилькаңа қаюхляк уйғагмың тунымиглюни ныкыфтыкәлғй. 49 Иўырңа китум алңунак нагалъюки акузитынка, қаткынғилькумики юхтун аюқуқ тунымаңунән мыңтығаңлъялғитун. Кйўык улывыхляглютык ага мыңтығақ нәфқыхлякә».

Иисусым Нәльхускаңа Сотнигым Қыпхақтыңа

7 1 Иисусым алыхқунығмың апығйгьямики югыт агляқақ Капернауымынун. 2 Таўаңуқ сотник қыпхақтылялык, мыгнукумтәга, ынрақлюю қинуохлякақ рыпаль тукуяхтуңыстаглюни. 3 Сотнигым нағақуғлюку Иисус, кывгақыхкй Иудейт сиванльыгит нәльхусяхтуқйсыкылюку қыпхақтыляни. 4 Иисусымун кәсымың наңльыхсипихлютың пикәт: «Сотнигым каюткысюпихтәтын. Юк тәна кывгақйлғй пинихляхтуқ каюсиғьяхқапигуқ, 5 қаюхляк пиниқыпихтй юпут, синагогаңлъяқәйлъюлюю».

6 Ынкәм Иисусым малихтыкй. Кәсыхтуғақутлюю мыңтығамун сотнигым илякумтәгминун уңипәсяхтйсықыхкә хўатын: «Атанық, нағнығнақыхпынаң қаюхляк итагнангитуңа лыпынун итыгвиксяхқәлюңа мыңтығамнун. 7 Тамәкын апальюқлюку хўаңамның такупагниңитамкын. Лыган таўанльютын нәльхутысқигу қыпхақтыка ынкәм нәльхулъи. 8 Хўаңалъю умйлылгўңа қылғикаюгмың ынкәм асиңанитуңа умйлыгма. Пильюўахтынка асимнитут, атәсиқ қыльқумкун: “Ағуляқи” ага ағуляқылбықуқ. Иляңа пикумкун: “Таги” тагильықуқ. Қыпхақтыка қыльқумкун: “Уна пйхтигу”, ага пильықә».

9 Иисусым нагалъюку таўатын пильха, альяхляюўағьягуткә ынкәм юлгутыхлягыт малихтилғйт

лъңаның пикй: «Уңипāтамси, нальятәхсигатуңа китумың алңунак талўа Израилыми, ўтун юхтун ухпықилъыхтуткалғймың».

10 Қывгат утығниғлютың сотнигымым мыңтығāнун ысхақāt қыпхақтыляға нальхутнўағлюни.

Иисусым Уңувақтыкаңа Уғиңғам Иғныға

11 Унāмиңани Иисус агляқақ ныхльягмун атильқылғй Наин, малихсәхтыңиталью, юлгутыхльягытлью малихтыкāt. 12 Кāтақуқлю итығвиганун ныхльягым, югыт āнутақыфтāt туқукақ юк лывығналюку. Уғиңғам кызымаҳāфтук иғныға, ынкām ныхльягым юлгутқан малихльығāтақыфтāt ағнақ. 13 Атанғым ысхақлюку ағнақ наңлыгыягульюку пикā: «Қияхпынаң». 14 Тāхкын такулюку сәфтыкакык кывгусик ынкām кывгистыт ағулиқат. Тāхкын туқукақ пикā: «Нукальпиғақ, уңипāтамкын, уңувā!» 15 Туқукақ ақумлюни акузиңинāмағми пикақ ынкām Иисусым пыхтыкā нāңанун. 16 Қамахльютың юлгутыхльягыт тальюгьюгутыхльякат, усюқыхкātлью Кияғнық, пикат: «Ўкналиқистыхльягым кāsимилью!» Хўатынлью пикат: «Кияғнығым каюсиғяхтуғй юни!» 17 Тāна уңипақ миңиткāt Иудеяльқāғағми, увитаңанилңуғнунлью нунанун.

Иоанным Крестителым Кывғақыхкык Югык Иисусымун

18 Иоанным малихсәхтыңита лъңанун апыхтықит қамахльюки Иисусым апығйхтуқй. 19 Ынкām Иоанным мālдухйнāк малихсәхтығни тахсиғлюкык кывғақыхкакык Атанығмун, āптысқыльюку хўатын: «Льпыңўā тағинақникāt, налиғмың сиғимакыльтыхў кина аля тағияхқақ?»

20 Югык кālьютык Иисус пикāt: «Иоанным Крестителым кывғақйнкун āптысқыльютын хўатын: “Льпыңўā тағинақникāt, налиғмың сиғимакыльтыхў кина аля тағияхқақ?”»

21 Таўани пильығми Иисусым нальхуқуқй юлгутыт қинуюгитның, ақниғнығитның, тугнығāt

югыт илюңитның аныстақлыюки, аякатлыю ысхәсягутыстақлыюки. ²² Ынкәм кывгак кймсиқакык: «Агляглюси Иоаннымун уңипатыху ысхапакаұпытыгныңлыю, нагаткаұпытыгныңлыю. Аякат ысхәсягутут, пиюгигасялғит пиюгьягутут, проказалгуялғит укмаңихти, тўсльягьялғит нагақўсягутут, тукукәялғит уңувахтыстут уңувальгмун, акльюмалғинунлыю Пинилғи Уңипақ уңипақуқ. ²³ Қуястыкәгуқ китум алңунак тәқынғилькумиңа ухпықныңмың!»

²⁴ Иоанным кывгакык агуляқсыгта, Иисусым акузиткыхкә Иоанн юлғутыхльягнун: «Килгәнун пйқнафси, сяңўә ысхағыстыху? Выгәк ануқым уфсюгускаңә? ²⁵ Сяңўә ысхагьяхтуқақыстыху? Юк ашағналғи? Таўатын ашағналғитлыю, акльюңитыхльягытлыю кияхтақут умйлгыт ныңитни. ²⁶ Сяңўә ысхагьяхтуқақыстыху? Ыкналиқистә? Аа, уңипатамси, ысхақақси ўкналиқистының аңатағахтуқ. ²⁷ Иоанныңуқ Акузитыт Игақыхкат әпқат:

“Кияғнық пйқ, Сивухпыни каяхльықақа уңипахтыка ятәхқысқылыюку тўмкаққан”.

²⁸ Уңипатамси, югьяхағның альхығақылғиның Иоанн аңыльыхпигәгуқ. Иўырңа кина алңунак укалихпигақ Атаныхпагульхани Кияғнығым Иоаннымың аңатағахтуқ».

²⁹ (Қамахльютың тамәкут югыт, талўа налогмың қырңухтистыт, нагасямыхтыки Иисусым апыхтуғильхи тугукльиғит Кияғнығым қылқусй ылькугутңанилюки. Таўатын пикагут қаюхльяк сивунғани тугукльықақыхқанит Иоанным апыхтуғильхи. Ынкәм Иоаннымун крестиғыстыкәлғит. ³⁰ Иўырңа Фарисейтлыю, апыхтуғикаюгытлыю Лйлихтўсяның тугукльймаңитит Иоанным апыхтуғильхи, ынкәм лъңанун крестиғысюумаңитут. Таўатын пильығмыхтыхун ихсякыхкақат Кияғнығым успықылъха льмыхнун.) ³¹ Иисусым пикй: «Мәтын кияхльыхит югыт тугукльиғинғилңут апыхтуғильымнун, сямун иңлюнъақсиңи? Натытат? ³² Тағнухағыстун аюқут ақумўльютың акильпыгағвигни, илятың акилғўқанит хўатын:

“Қалғиқтāтамси, тукалыганғитуси! Қийиқутукут,
қийиқынғитуси!”

33 Лъпыси мāтын кияхлъықх̄ни тāкустун тағнухағыстун аюқуси. Иоанн Крестителым тағиқңами нықықшаңлъяхт̄маңитуклъю, мыгумаңитуклъю виномың ынкāм пика̄гуси: “Тұғнығалғұқ”. 34 Иғныға Югым тагилюни, нығылгусиғиқкъю, мығылгусиғиқкъю югның ынкāм пика̄гуси: “Юкқун тāна ысхақахтыху! Нығывальб̄югук, мығывальб̄югук, илякумтāқātлъю налогмың қырңухтистит, сығлыққыститлъю!” 35 Нақамлъю тамāкут апыхт̄с̄ямның тугуклъиғилғит кияхлъықут пинитун. Таўатын пильхым ипапихқылғықā апыхт̄ткыхқақа Кияғнығым пыққиныльқā!»

Иисус Симонынкунилнұқ Фарисейеми

36 Атāсим Фарисейем Иисус нығяхт̄исқықкā лъмыхнун. Ынкāм Фарисейенкунун аглағлюни ақумыхқақ нығналюни. 37 Тамāнтыфтуқ ныхлъяғми ағнақ сығлыққыста. Нағақуғьямигу Иисус нығақнилюку Фарисейенкуни, кыльқыхқақык алавастрык ақимлығутак акитупихлъықх̄мың тыпыңлъясимың ималгык. 38 Итығлюни ныкывыхқақ тунутаңакун Иисусым итығāн. Қияткыльюку қуниминың ағистык̄и итығ̄и, ынкāм нуяминың сяңиққуқ̄и. Тāхкын нāғақлъюки, аңиқхк̄и тыпыңлъясимың. 39 Нығяхт̄исқықкам Фарисейем ысхапаглюку сюмыхтағақақ: «Уна юк ўкналиқистынуякуми, л̄исимакнаяā ағнақ кинаңутаңа, сястыңутаңалью с̄яфқуғālғ̄и лъңаның, қаюқлъяк сығлыққыстыңұқ».

40 Иисусым пика̄: «Симон, уңипāтахсюгамкын сямың». Симоным āптыкā: «Апыхтуғиста, сямың?»

41 Иисусым пика̄: «Мālғук югык навғāмалғик манимың навгитикаюгмың. Āльха навғақақ юк мālғук қуля с̄ипнықлъюку динарийемиң, иляңа юк мālғук қуля с̄ипнықлъюку динарийемиң. 42 Налих̄йнахкынка л̄вивикыпағниңиткāk навғатын ынкāм навгитикам пуйгусқыхк̄и навғальхит. Налихкынка югык пиниқатағахлъықагу?»

43 Симоным к̄имсиқā: «Ынтақун āңлюку навгиткāн». Иисусым пика̄: «Ыльқуғахтан». 44 Тāхкын қ̄ивлюку ағнақ

Симон пикā: «Ысхақсигу уна ағнақ? Ытхақнама хуавык мығмың туньльхитахпыңа итыганка угвйскылюки. Иўырңа ум ағнам итыганка угвуги қуниминың, сянихтақлюки нуяминиң. ⁴⁵ Упуғасимаңитахпыңа нāғмың, иўырңа йтхутминиң ағнам ағулигуньыгити нāғминиңмың итыганка. ⁴⁶ Нāсқуқа мысйғмың кўвикыльхитан, иўырңа лъңан итыганка кўвикй тыпыңлъясимың. ⁴⁷ Уңипāтамкын, сығывутылыңут сығлықкыльылдугыхлъяги, тамāкын апальюклюку пиниқылъылыхлъягўқ. Таўатыхпигақ кина алңунак сығывутылыңывлығақак пиниқылъывлығальхāгўқ».

⁴⁸ Тāхкын Исусым ағнақ пикā: «Сығлықкыльыхтын сығывутылыңумāt».

⁴⁹ Тāхкын қаюғвигығни лъңаның ақумгалгусиғилгйт āпқуғāгуткат: «Кинаңāўа уна сығывутиқылгй сығлықкыльығның?»

⁵⁰ Исусым ағнақ пикā: «Ухпықилъыхпык югулилъыңыстāтын, аглӣ ныкыхмылъылиглютын».

Ағнат Малигульхйт Исусымун

8 ¹ Мулюхпынани Исус иглыхтыкақ ныхлъягнунлюю, ныңйхағнунлюю. Уңипақиқак Пинилгйның Уңипаның Атаныхпагульханың Кияғнығым аюқылгймың. Қуля мālдук сйпнықлююку малихсәхтыңита малихтыкāt, ² иляңилью ағнат малигуткат. Ағнаның āнысқуқақыхқаңи туғнығāt, нālхукуқақыхқаңилью ақниғныгитның. Тāкунуфтут Мария Мағдалагмй (лъңаның āныстыкақыхқаңи мāграгвинлык туғнығāt), ³ Ионна, Сусанна, иляңилью ағнат. Тāкут ағнат пикатуталмыхның каюсйтақыхқаңит Исусылью малихсәхтыкульхйт. (Ионнам угиңа Хуза, афльыңакистыңуфтук Иродым мыңтығāның).

Исусым Уңипағātкыхқаңа Пйтысиғахта

⁴ Ныхлъягның тамахйтның юлгутыхлъягыт тагиляғātкат Исусымун. Қырңугутыхлъягыта уңипағātкй: ⁵ «Пйтысиғахта пйтысиғағяхтуқақ пйтысиғағвигминун. Миллōкуғьяқминиқи пйтутыт иляңи тыкиткат тумытхун ынкām югыт тутмāсхақыхкйт;

тāхкын қаўāғыт тагилютың нығыхкйт. ⁶Иляңи пйтутыт тыкиткат уйғахтуқақун нагуялдймың палиқат, қаюхляк сюнаңа юкутаньыгилнұқ. ⁷Иляңи пйтутыт тыкиткат сикухльюхтуқақун, сикухльюгыт малигульютың нагуялдймың пйтфигикйт. ⁸Ынкām иляңи пйтутыт тыкиткат сюнакыхтакун, пйтыстикат пинилдйның нунивахсығағның. Тамахағмың тамāкут юк талыматкахтāн пйтутыңақут». Исусым акузилыни тāқниқй: «Сигутылгүси, нагатык!»

Уңипағатыт Апальйт

⁹Малихсяхтыңита āптыкāt Исус сямың писйтаңа тāна уңипағāн. ¹⁰Кймсиқй: «Кияғныңым накмикумйси лйгикысқылыюки талюғңалдйт ипапильхи Атаныхпагульығми. Иўырңа иляңитни югни уңипағātңинаўақут. Ынкām ысхāтығңағмың ысхāсигатут, нагатығңағмың лйгикигатут».

Исусым Лйгикыстыкаңа Уңипағātни Пйтысиғахта

¹¹«Тāна уңипағāн хўатын писйгук; Пйтутыт Кияғныңым акузиткй. ¹²Пйтутыт тыкиткат тумытхун иңлютңāt нагатканун Кияғныңым акузитаңаның. Тāхкын Туғныңām тагилюни тугāқй акузитыт илюнитның ухпықифкйталью, югулилльыңыфкйталью писқылыюки. ¹³Пйтутыт тыкиткат уйғахтуқақун успутңāt нагатканун Кияғныңым акузитаңаның. Нагальюки акузитыт қуякусиқлыюки тугукльығақйт, иўырңа қамавырухляк илюмыхнун итыхтысигатйт. Ухпықйхльютың, иўырңа нангйкулъыңныңмыхни ухпықинаниғақут. ¹⁴Пйтутыт тыкиткат сикухльюхтуқақун успутңāt нагатканун Кияғныңым акузитаңаның. Иўырңа сюмыгъялиллью, акльюңилью, тығигнāнлью уңувальхым пйтфигиғақй, ынкām пйтыстыкйт аңтанйсигатут. ¹⁵Ынкām пйтутыт тыкиткат сюнакыхтакун успутңāt нагатканун Кияғныңым акузитаңаның. Нықамикақйтлью пинилдйкун ипапихқыңғалдйкун илюмыхтыхун. Нагнығақут қаткылыюки акузитаңи ынкām пйтыстыкастун аюқут пйтысқухльялдйт пинилдйның».

Сягнығым Асиңани Кынылдутак

16 «Китум алңунак кынылдутак кумахльюкык сягнығым асиңанун л̄нин̄ангит̄ак, налиғмың қавағвигым асиңанун. Итупиль кұлвақун л̄гильық̄ак, итылғ̄инун нигук ысх̄йскыльюку. 17 Қаюхльяк сяңў̄а алңунак й̄ғалғ̄и Кияғнығым алих̄сяхқақ̄а, сяңў̄алью алңунак с̄япналғ̄и қайңанун л̄йх̄тыслық̄а. 18 Ынк̄ам нагатңў̄ах̄тык. Китум алңунак л̄йгикыхкумики апых̄т̄усянка л̄йгикылыңатағах̄лық̄уқ. Иўырңа китум алңунак л̄йгикынғилькумики апых̄т̄усянка талў̄а л̄йгикник̄и иқильық̄йт».

Иисусым Нәңалъю, Аңлыгутаңилъю

19 Тәхкын Иисусым нәңанлъю, аңлыгутаңиталъю такук̄ат, иўырңа к̄аньығмың ах̄туқ̄ат қаюхльяк юлгутых̄льягыт каңльюқах̄льюку аюқыхкаңат. 20 Китум уңип̄атк̄а: «Нәнлъю, аңлыгутытынлъю қакма ныкывғатағутақут, ысхағьюгақ̄атын».

21 Иўырңа пик̄и: «Нәкалью, аңлыгутынкалью там̄ақуңт нагалъх̄йт акузитаңаның Кияғнығым, қаткыхкаңитлъю».

Иисусым Амсянах̄тыстыкаңа Нәфтых̄льяк

22 Ат̄асими ағнығми Иисусым малих̄сях̄тыни пик̄и: «Найвам иңлюңанун ағв̄ильта». Аңямун ў̄х̄құлъютың ағуляқыхкат. 23 Тылянаңамалюки Иисус қавақақ. Найвами ануқл̄йт̄х̄льяк̄и, аңьйтлъю мығым имиғ̄атақыхк̄а ынк̄ам якуғних̄льякат. 24 Малих̄сях̄тыңита такулюку тах̄тух̄льюку пик̄ат: «Югуніқ, Югуніқ, туқуляғ̄ан̄бақукут!»

Иисусым макылъюни иных̄тык̄и ануқалъю, имах̄льюгытлъю ынк̄ам нәңыхкат, амсянах̄тың̄ин̄амағми пикақ. 25 Аптык̄и: «Сяңама ух̄пықынғитыстың̄а?» Иўырңа алиңыңулғ̄йтлъю, алях̄льюх̄ўағьюгулғ̄йтлъю ынк̄ам л̄ңитның илятың апқуғ̄агутк̄ит: «Кинаң̄аўа уна юк, талў̄а иных̄тыкаңи ануқалъю, имах̄льюгытлъю ынк̄ам лыган қаткыхкаңат?»

Иисусым Нәлх̄ускаңа Юк Илюмикун Тұғнығалык

26 Тәхкын к̄аткат Герасеиғ̄мит нунаңитнун, найвам иңлюңанилңуқ Галилеямың. 27 Лыган Иисус қ̄үтмун

ӯхтуқ, нальяқā юк илюмикун туғнығахтуқақ,
 нымың пиңуфтуқ. Пилюгугигалңуқ қавңақāның,
 кияхсигалңуқлью мыңтығани нақам лъивығнитақылғй.
 28-29 Иисусым қыльқā туғнығақ лъңаның āнысқылъюку.
 Тāхкын юк арағāтахлъяглюни сикмўтқак мануңакун,
 манигўтыпихлъюни игляхтупихлъюни пикā: «Иисус,
 Иғныға Қулихпигахлъягым Кияғнығым, сянақсиңа?
 Манигўтыпихтуңа икфиқыстыфқāма писқыльюна».
 Таўатын пикā қаюхлъяк Иисусым қыльқāна югмың
 āнысқылъюку туғнығақ. (Угльағнāн туғнығам
 тугухлъягақыхқаңа. Югыт кылыңакақсяқаңат,
 қйпшагүтныңлью асйхтақсяқаңит йхилью, итыгйлью,
 иўырңа сякықуғақыхқаңи. Ынкāнам туғнығам килгāнун
 ағуляқыстыкā.)

30 Тāхкын Иисусым āптыкā: «Кинаңузин?» Кймсиқā:
 «Атқақа: “Угльахлъяк!”» қаюхлъяк туғнығалдүтыхлъягыт
 итығукақыхқаңат. 31 Тāкут туғнығāt Иисусымун
 āпуқўсимаңинақат агляхтыстыфқāмың Безднамун
 писқыльютың. 32 Тāўа қымим миңлыңани
 куругалдүтыхлъягыт нығўтақыфтут. Туғнығāt āпуқўткат
 Иисусымун куругағнун итыхтысқылъютың ынкāм
 итығātыстыкй. 33 Тāхкын туғнығāt югмың āнлығālльютың
 итығātкат куругағнун. Куругāt пынъанун паңалгульютың
 нāйвамун ифқақульютың туқуляғātкат.

34 Куругāt афльыңакистыңита ысхапаглюку
 таўатын пилъық, қимагўльютың уңипақыхкāt
 ныхлъягми, увитаңанилңуғнилью нунани. 35 Тāхкын
 югыт ысхағьяхтўткāt сяңўā сяматаңа. Кāльютың
 Иисусымун ысхақāt юк туғнығйғульюни. Ақумгафтуқ
 Иисусым мануңани пилюгугўāғлюни, умьюгакыклью
 нāльхутнўāғлютык ынкāм алиңрўгүтыхлъякат.
 36 Тамāкут ысхапакат уңипақыхкāt юк илюмикун
 туғнығахтухлъягьялғй натын нāльхуткāтаңа. 37 Тāхкын
 қамахлъютың югыт Герасейгмйт нунаңитнилңўт
 ағуляқыскыхкāt Иисус, қаюхлъяк алиңрўгүтыхлъягулғйт.
 Ынкāм Иисусылью аңьямун ӯхлъығālльютың ағуляқыхқат.
 38 Юк туғнығахтухлъягьялғй āпуқўткāялғй Иисусымун
 малигунъалюни, иўырңа Иисусым ағуляқысқыхкā.
 Пикā: 39 «Утығниғлютын ныхпынун, āпхгу натын аңкāн

Кияғнығым апығйльха лыпынун». Ынкām лъмыхнун агляглюни тамаҳани ныҳлягым апқā Исусым апығйльха лъңанун.

Ағнағамлью Уңуваҳтыльха, Ағнāmлью Нālьхутыльха

40 Исус утығнигьян юлгутыҳлягыт упугаткāt қаюҳляк утақаңуқаңат. 41 Тāхкын юк атылык Иаирымың тагикақ, иглыгутистыңа синагогам. Исусым мануңакун нйңгульюни манигӯткақ лъмыхнун пйҳтысқыльюку, 42 қаюҳляк кызымаҳақ панига, қуля мālдук сйпнықльюку уксюхтуткалғй, туқунақңуфтук.

Агльмалюку юлгутыҳлягыт каңльюқахтыкāt Исус. 43 Акулңитнитыфтук ағнақ āхтуқātāфтук қуля мālдук сйпңан аюмиқульгыни. Маниңйткақ лъивикӯсяқныңмың ағалыхтанун, нақамлью китум алңунак нālьхутыпагниңиткā. 44 Тунутаңаның Исус такулюку аткуяған кынйн ысныңакун сйфтыкā, ынкām кйтңинамағми пикақ. 45 Исусым аптыкй: «Китум сйфтаңа?» Қамахльютың мысиғагыта, Петырым пикā: «Югунйқ, юлгутыҳлягыт каңльюқахльютын аюқатын». 46 Иўырңа Исусым пикй: «Китум сйфтаңа, қаюҳляк лыпыкақа ахтуғьяхқāнғилық āнылғй хўаңамның». 47 Ағнақ пиялғйми аксяқфигитыфтук ынкām уңылыхсимағми тагикақ. Исусым сивуңакун нйңгульюни, юлгутыт нагасиманғитни уңипātкā сяңан сйфтыльгымының, таўаниңинақлью нālьхутыльгымының. 48 Исусым пикā: «Панимни, ухпықилыхпык нālьхутыстāтын, агля ныкыхмыльылиглютын».

49 Сялин Исус акузималюку, иглыгутистыңкуның юк тагилюни Иаир пикā: «Панигын туқумāқ, Апыхтуғиста қинуохтыхпынāнңам».

50 Иўырңа Исусым нагальюку, пикā Иаир: «Алиңыхпынаң. Тāўаңинаҳақ ухпығи, пинйҳнāғā».

51 Исус мыңтығамун кāsями китумун алңунак итылгусиҳтысимаңилңуқ. Иўырңакун итыхтыстыкй Петырылью, Иоаннылью, Иаковылью, тағнухāmлью атаңа, нāңалъю. 52 Қамахльютың югыт қияғӯатыхлягулғйт ағнағаҳағмун туқулғймун. Иўырңа Исусым пикй: «Қияхпынаси қаюҳляк туқулхитук, қавағақуқ».

⁵³Ныңляқыхкāt лїсимакльюку тукукātаңа. ⁵⁴Иўырңа тугулюку йхакун туқльїмāн пикā: «Тағнухāқ, макытын». ⁵⁵Ағнағахāқ уңувағлюни, ныкывыхкақ. Иисусым каягуткā сямың нығыстыскыльюку. ⁵⁶Аңаюқакык сятїғаюкак, иўырңа иныхтыкакык кина алңунак уңипāтыфқāн писқыльюку таўатын пильығмың.

**Иисусым Каяхтыкаңи Қуля Мālғук
Сїпнықльюку Малихсїхтыни**

9 ¹Иисусым туқльюкї қуля мālғук сїпнықльюку малихсїхтыни. Қырңугусята ахтуғьяхқāнғилыликуқїлью, пильыхқаликуқїлью юғның āныстыскыльюки қамахльюки туғнығāt, нālхутыскыльюкилью ақниғнығьт. ²Тāхкын уңипақияхтїсқыхкї Атаныхпагульханың Кияғнығым, нālхуқїсқыльюкилью қинуюлғїт. ³Пикї: «Иғлығалғыхпысинун сямың алңунак кыльқыхпынаси. Аявїңунаси, ақыфтағāнунаси, нықңунаси, маниңунаси, талўа кыльқыфқāфси симїткахқамың хātмың. ⁴Кинкунун алңунак итығлюси упугаскаңиси таўанлғыхāси кынляңа ағуляқыльыхқахпысинун. ⁵Ынкāм килью упуганғыгилькаңиси, ағуляқныхпысини нымың тāхкын, тукаґақитыки пагуляңи итыгахпыси. Таўатын пикуфси лїсимакыльықāt кылыңасяғилыхси Кияғнығым агьїлғыхқāның». ⁶Малихсїхтыт ағуляқльютың ныңїхāt такўкақїт, уңипақикат Пинилғїның Уңипаның, нālхукуқатлью тамахїтни.

Иродым Кукшагьягускаңа Иисус

⁷Иродым иглығутистыңан Галилеям, нагакуғлюки Иисусым альяхльюхўахтильхи тыхыльхїкақ, қаюхльяк иляңита югыт пикаңат Иоанн Креститель уңувāманилюку туқульығмың. ⁸Паниның иляңита пикāt Илияңунилюку, ынкāм иляңита пикāt налиқ аюмихтақ ўкналиқиста уңувāманилюку. ⁹Ирод пикақ: «Иоанн нāскўихтыстыкақақа, иўырңа кинаңаўақа юк нагакуғақыхкыхка таўатын пїқылғї?» Ынкāм Иродым ысхағьюкā Иисус.

Иисусым Нығыстильха 5,000ның Сйпңалғйның Юғның

10 Апостолыт утығниғлютың, Иисус уңипаткāt апығйгутылығмыхның. Агулякуткй ныхльягмун Вифсаидамун лъңинаәналютың. 11 Юлгутыт нәнтуляңа лйгиксямыхтыху малихтыкāt. Кāсята қуякльюки лъңитнун акузиткыхкā Атаныхпагульха Кияғныңым, нālхутысюлғйтлю нālхуқуқй.

12 Хўаникуягу, қуля мālгук сйпнықльюку малихсәхтыңита такулюку пикāt: «Мāна пāхқитук ынкām юлгутыт агляхтўтысқики қантағанлыңуғнун ныңйағнунлю, пйтысиғахтынунлю. Тамāни тукухқаңнаяхтутлю, нығьяхқаңнаяхтутлю».

13 Иўырңа Иисусым пикй: «Льпыси сямың нығьяхқалитыки».

Пикāt: «Лыган тāўа талымат нықыкшагыт, иқальюгыклью нāмапағниңитут хўатын угляхқақалғйнун югнун. Ытқуқун навык нықыңьяхтухтысюкуфкут тāўа ныхқынъаяғапут қамахльюки». 14 Таўанлыңūt ынтақун 5,000ңūt югыт, кысюткыхпынаки ағнатлю, тағнухātлю. Малихсәхтыни пикй: «Ақумўтысқитыки қырңақахтйта, югык магук қуля сйпнықльюкуңўāқльюки».

15 Малихсәхтыт писқылбығмыгустун қамахльюки ақумўтыстыкйт. 16 Тāхкын Иисусым тугулюки талымат нықыкшагыт, иқальюгыклью қиягмун сивухльюни, игамсиқаюгвикыхкā Кияғның. Тāхкын йхминың āвғуғлюки тўныхкй малихсәхтыминун уйыхтысқыллюки югнун. 17 Қамахльютың нығūtкат кыпсөллютың. Малихсәхтыт тугуляглюки сйпнығит имихтуқйт қуля мālгук сйпнықльюку корзинат.

Петырым Иисус Христосыңуникаңа

18 Атāсими ағныңми Иисус лъңинағми юғалғй. Малихсәхтыңи қантағанлыңūt ынкām āптыкй: «Югыт кинаңунилюңа пйқатңа?» 19 Кймсйқāt: «Иоанныңунйқатын Крестителым, иўырңа иляңита Илияңунйқатын. Ынкām иляңита пйқатын налит аюмихтақ ўкналиқиста уңувақак».

20 А̄птык̄и: «Л̄пысими кинаңун̄иқыстың̄а?» Петырым к̄имсиқ̄а: «Христосык̄атын Кияғнығым».

**Иисусым Акузиткыхкаңа Икфиқылғыққанилью,
Тукулғыққанилью**

21 Иўырңа Иисусым иныхтыңьўақ̄и уңип̄атыфқ̄ан кина алңунак писқыльюку. 22 Пик̄и: «Иғныға Югым углялғ̄имың икфиқыпыстағ̄ьяхқ̄агук, ихсяксяхқ̄ақ̄атлью с̄иванлғығыт, первосвященнигыт, апыхтуғикаюгытлью Л̄илихт̄үсяның. Т̄ахкын тукулғық̄ат, иўырңа пиңайтаңани ағнығым уңуваҳлғықук».

23 Т̄ахкын қамахльюки пик̄и: «Китум алңунак малихсюкумиңа, льми катам пиюкылғыни пыхльюки, ахутаңа тамаҳ̄ан тугулюку қақ̄үрани, малихлғыиңа.

24 Ынк̄ам китум алңунак пыхныгилькумигу уңувалғыни, ифл̄ьяяхқ̄ақ̄а. Иўырңа китум алңунак пыхтыкумигу уңувалғыни х̄ўаңа апальюқ̄лғыюңа, югулилғық̄а. 25 Сяңьў̄а югым альыхлғыықагу иңун̄ан нунa пил̄ильюку ифл̄ьякумигу налиғмың н̄афқ̄ыхкумигу уңувалғыни? 26 Китум алңунак кайңукуыхкаңаңа, акузитынкалью, Иғныған Югым кайңукулғыық̄а тагикуми ниғуҳқылғығмикун, ниғуҳқыңьальхитхунлью Атам, аглыңналғ̄итлью яқулғыт. 27 Иўырңа ипа уңип̄атамси, иляси ныкывғальх̄ит х̄ўани туқуяхқ̄ангитут кынляңа ысхалғығмыхнун Атаныҳпагульха Кияғнығым».

Иисусым Альяңуғныға

28 Таўатын Иисус акузилюни, пиңаюның иңлюлык ағнығыт атуғлюки, кылғықхк̄и Петырылью, Иоаннлью, Иаковлью. Маюқат н̄айғамун юғағналюни. 29 Юғ̄амалюку, хин̄а альяңуҳтықак, а̄тк̄илью қатыракх̄уақат ниғугракыхтун. 30-31 Т̄ахкын алиғ̄ахтықак м̄алғук югык ниғугульютык қилығым ниғуҳқылғыхакун, Моисейенкуңуфтуқ, Илияңуфтуқ. Алыҳқуғақыфт̄ат Иисус тукулғыққаның Иерусалимыми; таўатын туқукуми апығ̄иҳлғық̄а Кияғнығым успықылғых̄а. 32 Петырым қаванғ̄атыхлғыкат, иўырңа тахтуғлютың ысх̄ақ̄ат Иисусым ниғуҳқылғых̄а, югыклью ныкывғалгуткык. 33 Югык унитақ̄аклью Иисус, Петырым

пикā: «Югунйқ, итагнапихтуқ хўанлыңукут! Пиңают азигутат ныкыфнақапут: лыпынунлюю, Моисейемунлюю, Илиямунлюю». (Петр акузикақ нальюкльюку сямың пйқутни.)

³⁴Сялин акузималюку қиягўақ алиғлюни сьпыхкй. Малихсьхтыт алиңықат қиягўағым сьпсистың. ³⁵Қиягўағмың мым пикй: «Уна Иғнықақа, накмикыхкақа! Нагатақитыху!» ³⁶Ма ныпйғьялғими Иисус льңинафтуқ. Малихсьхтыт сямың пимаңилңўт, ысқақхтыңлюю аңхумаңилькаңат китумун алңунак.

Иисусым Нальхускаңа Мыкылғйқ Илюмикун Туғнығалық

³⁷Унāмиңани нāйғамың укигьялғймың юлгутыхльягыт Иисус утақāқыфтāt. ³⁸Юлгутыхльягыт акулңитның йок акилғўақ: «Апыхтуғиста, манигўтуңа лыпынун иғнықа ысқақйскылюку қаюхльяк кызымаҳалғй авақутақа. ³⁹Илюмикун туғнығалғўқ, тугупихнығминигу арағāтаққақā, сьюхпахтахтысимāн кынляңа қāнға пўхльйхқылханун. Ақнихқыхльягақā, унитыльқуңигатāлюю. ⁴⁰Малихсьхтыхпынун āныстахтыскумаяғақа иўырңа пипағниңитāt».

⁴¹Иисусым пикй: «Кй, лыпыси юғни ухпыльхитусилью, сығлығўағўсилью! Натын тахкāн лыпысининьяқсиңа ухпықыскыльюңа?» Тāхкын йок пикā: «Иғнығын тагитигу хўавык».

⁴²Тагималюку туғнығām улъыхльюку сьюхпахтахтыстыкā. Иўырңа Иисусым қылқā туғнығақ āныскылюку, ынкām нальхулюку мыкылғйқ атаңанун тўныхкā. ⁴³Қамахльютың югыт сьйғаягуткāt ахтуғьяхқāнғитыльыхльяга Кияғнығым.

Иисусым Акузиткылььятақаңа Тукулъыхқани

Паниның югыт сьйғаягумалюки тамаҳāның Иисусым апығйльханың, малихсьхтыни пикй: ⁴⁴«Нагатнўāхтык, пуйгухпынāн уна: Иғныға Юғым увыхпагутыльыңнақнўқ тāхкын югыт тугульықāt». ⁴⁵Иўырңа лйгикумаңилькаңат таўатын пильха қаюхльяк умьюйт лйгиксьхқāнанихқыхкālғйт. Тытукāt āпнығмың сьяңами таўатын акузильханың.

Кина Аңылъыхпигәҗа?

46 Тәм киңуңаның малихсәхтыт ахтирәгуткат налихтың аңылъыхпигәяхқатаңа. 47 Иўырңа Иисусым лисимакихкй сюмыхтағалхит. Ынкәм тугулюку тағнуҳақ сәғүмикун ныкывыстыкә. 48 Пикй: «Китум алңунак атымкун тугукльиқумигу уна тағнуҳақ, тугукльиҳльықәңа. Ынкәм китум алңунак тугукльиқумиңа, тугукльиҳльықә каяхтистыка. Кина алңунак укалихпиғақ акулыхпысинилңуқ, аңылъыхпигәгуқ».

Лпысинун Кипульхинәңгилңуқ Лпысинун Аюкуқ

49 Иоанным пикә: «Югунйқ, ысхәмәхпут юк атыхпыгун аныскулҗй тугныцағның. Ынкәм иныхсимәхпут қаюхльяк хўаңкуньун илятңаңгилңуқ».

50 Иисусым пикә: «Иныхтыхпынән қаюхльяк кина алңунак лпысинун кипульхигәлңуқ лпысинун аюкуқ».

Самариягмит Тугукльиғюнғилькаңат Иисус

51 Туғәгьян Иисусым қиягмун маюльыққани, қакиқниқыпихтыкақ Иерусалимынәлюни. 52 Каяхтыкй иляңи уңипахтыт иглыхтыкыстйсыльюки сивумини. Самариямун пикат ныкаҳқаңусяхтуғналюку. 53 Иўырңа Самариягмит упуганьығиткәт қаюхльяк Иерусалимымун манигүсәхтүлҗй. 54 Малихсәхтыхкынка Иаковым, Иоанным ысхапаглюки югыт ихсякыхкаңат Иисус, апыкәт: «Атанық, Кияғнығмун туңсийтыльтыкй қиягмың укихтысыльюку кынық паныхтысыльюки?»

55 Иисусым қйвлюни ағьюқй. 56 Тәхкын иляңанун ным агляқат.


Иисусымун Малихсәхтыңуҳсюлҗйт

57 Тумытхун иглыхсималюки югым Иисус пикә: «Малихльықамкын навык алңунак пикувык».

58 Иисусым пикә: «Кавйгыт рйхтылгүт, қаўагыт уңлютылгүт, иўырңа Иғныға Югым ныкаҳқйтуқ».

59 Тәхкын иляңа юк Иисусым пикә: «Малихтиңа».

Иўырңа югым пикә: «Атанық, малихльықамкын иўырңа сивукльюку атакә қуңугьяхтуғнақақа».



(От Луки 9:62)

60 Иисусым пикā: «Тамāкут тукукат қуңуғлитки туқумастығт. Иўырңа лыпык, ағуляқлытын уңипаксяхтуху Атаныҳпагульха Кияғнығым».

61 Иляңан юғым пикā: «Атанық, малихльықамкын иўырңа сивукльюки нымйнка уңипāсяхтуқағнақанка».

62 Иисусым пикā: «Кина алңунак пйтысиғағвигмини пыксиқималюни нунамың қивāтақуми утығмун итағнағнāңгитұқ Атаныҳпагульханун Кияғнығым».

Иисусым Каяхтықаңи Юк Пиңаю Қуля Мālцук Сйпнықльюкуғьягыт Малихсāхтыт

10 ¹Тām киңуңаның, Атанғым малихсāхтыминың накмикыхкй юк пиңаю қуля мālцук сйпнықльюкуғьягыт югыт. Такўдағьяхқаминун каяхтыкй малдұқахтйта иглыхтыкыстысқыльюки. ²Пикй: «Углялғйм юғым ухпықсюгақйт Пинилғйт Уңипат. Тамāкуңт успутңалғйт нунивахсығанун унатағьяқльыхйнахтыкат. Тāўаңинақ паляпихтут қыпхāхтыт. Ынкāнам юғахтык Атанғанун унатағьяхқат каяхтисқыльюку қыпхāхтыкаққамың унатағьяхқанун. ³Ағуляқитык! Тāўа каяхтамси пынййғағāстун аюқльюси қуңаңитнун амāt. ⁴Кыльқыхпынаси

манимың, ақыфтағамың, симйтқаққамың
 камыгмың. Тумыни ағулиғлюси кимәўисихтухпынаси
 алыхқуғьяхқәлюки югыт. ⁵Итыныхпысини
 мыңтығанун, сивукльюси хўатын пйқитыки:
 “Кияғнығым ныкихмылтылылисиль!” ⁶Мыңтығам юган
 упуғасқаңиси ныкихмылтылылиғлюни тәўа Кияғнығым
 ныкихмылтылылильықй. Иўырңа упуғанўығильқаңиси,
 Кияғнығым ныкихмылтылыгуснәңгитй. ⁷Таўантақитык
 атәсими мыңтығами, нығақльюки сяңўат упуғатусйт.
 Таўатын пйқитык қаюхльяк қыпхахта акилыхтўсяңақуқ
 қыпхалтығминун. Тукухпысиның әнақльюси
 кинкунун нўхтәтахпынаси. ⁸Кәнбыхпысини нынун,
 тугукльықаңиси упуғатусйт нықыт нығақитыки.
⁹Нәльхуқухтыки қинуюхтйғит, хўатынлью пйқльюки:
 “Атаныхпагульха Кияғнығым хўа мәнтуқ”. ¹⁰Иўырңа
 кәнбыхпысини нынун, тугукльынғильқаңиси,
 тўмңитнун агляғлюси юхтуқами хўатын пилғәси:
¹¹“Талўа нунахпыси пагуляңа итыгамтыхун нывыхқақ
 пәльхахпут. Таўатын пйқут кылгувикналюки анахульхит
 ихсякыльыхпысигун Кияғнығым уңипә. Иўырңа
 нықамикитыху Атаныхпагульха Кияғнығым хўа мәнтуқ!”
¹²Уңипәтамси, Нанқихтильхым Ағныңани Содомығмит
 ағьольыхқыстағәяхқәгут тәм ным юганың».

Иисусым Кылыңасяқәни Ухпықәнғилнўт

¹³«Сығлығўағунақнўси, Хоразинығмйни!
 Сығлығўағунақнўси, Вифсаидағмйни! Лпысини
 альяхльюўахтильыхльягыт апығйқат пикәяқата
 Тирымилью, Сидонимилью, югит авутыхқыхкәнаяхтут
 сығлыхқынъаниғнаяхтут. Тамәкын апальюқльюку
 әльютың сювиналғймың қйпағаққамың ақумнаяхтут
 панытыльыхтыхун. ¹⁴Нанқихтильхым Ағныңани
 Тирығмитлью, Сидонығмитлью ағьольыхқыстағәяхқәгут
 лпысиның. ¹⁵Ынкәм лпыси, Капернауығмйни! Қайўа
 аңлистыхльягығнәхпыси лпысиның катам, рыпаль
 сюмыхпысини усюқыльыңыльықнилюси қйлягми,
 йыңлығи укихльықйси геенамун!»

¹⁶Малихсәхтыни Иисусым пикй: «Китум алңунақ
 нагаскумиси, нагалықәтңа хўаңа. Китум алңунақ

иҫсякыхкумиси, иҫсякылъықатңа хўаңа, ынк̄ам китум алңунак иҫсякыхкумиңа, иҫсякылъықат каяхтистыка».

**Утығнилъхат Юк Пиңаю Куля Мӓлгук
Сӓпнықлъюкугъягыт Малихсӓхтыт**

17 Тахталми тӓкўани юк пиңаю куля мӓлгук сӓпнықлъюкугъягыт малихсӓхтыт утығниқат қуяқлъягумағмың. Иисус пикӓт: «Атанық, талўа туғнықат қаткақӓлью атықпыгун қылынымтыки!»

18 Иисусым пикӓ: «Аа, ысхӓмӓқа Туғнықак, қиягмың ифкалгӓ ниғухпахтастун. 19 Нагатык! Ахтугъяхқӓнгильылисимӓмси тўтысқылъюки нымығъят, скорпионыт, каяльқысқылъюкилью қамахлъюки ахтугъяхқӓнгильхӓ аңуягым. Ынк̄ам сӓм алңунак ақниҳӓнғитӓси. 20 Итагналгӓнқўқ қуялгӓси қаюқлъяк туғнықат қӓткыхкаңиси, иўырңа қуяғатағақтык қаюқлъяк атыси игақылгӓит қиягми».

Иисус Қуяқлъялгӓ

21 Таўани пилъығми Аглығналгӓм Тағнығам Иисус қуястыкӓ. Пикақ: «Атӓй, Атанға қиягымлъю нунамлъю, игамсиқаюгвикамкын! Лъпык тамӓкут талюқтатын пыққинылгӓиңылъю, лӓтканыңлъю, нақам лӓтыстатын тағнухағыстун аюқылгӓинун. Аа, Атӓй, тӓнаңқў пиюкылъхын».

22 Тӓхкын Иисусым пикӓ югыт: «Атама тўнумӓңа сӓмың тамаҳӓның. Китум алңунак налъюкӓ Иғнық кинаңутаңа, иўырңақун Атам. Китум алңунак налъюкӓ Ата кинаңутаңа, иўырңақун Иғнығым. Иғнығымлъю лӓтыслъықӓ Ата китумун алңунак накмикыхкаминун».

23 Тӓхкын қӓвлюки малихсӓхтыни, лъдинӓит пикӓ: «Қуястыкӓгуси ысхӓльхӓси сӓмың ысхақақпысиның!

24 Уңипӓтамси, ўкналиқистылгӓутылъю, умӓлгылтъю ысхағьюкӓит ысхағаси, ысхӓмаңилькаңит. Нагақугьюкӓит нагақугаси, нагақўмаңилькаңит».

Уңипӓгӓн Наңлъыхталгӓ Самариягӓмӓ

25 Апыхтуғикаюгым Лӓлихтўсяның такулюку анагвигӓналюку ӓптыкӓ: «Апыхтуғиста, натын сӓлюңа альыхӓнаяхсикун кынлыңилңуқ уңувалъық?»

26 Иисусым кїмсиқā: «Сяңўā Лїлихтўсяни игақңā? Натын лїгикақсики атихтуныхпыки?»

27 Югым кїмсиқā: « “Пиниқсяхқақан Атанық Кияғнығын, қамахлыюку илюхпыгун, қамахлыюку уңувасихпыгун, қамахлыюку икнақылғыхпыгун, қамахлыюку умьюгахпыгун”. Ынкām: “Пиниқсяхқақан юлгутын лпынун катам пиниқылғыхпытун”».

28 Иисусым пикā: «Ыльқуғақтан. Таўатын пи ынкām кынлыңилңудғың уңувалғыңылғықутын».

29 Иўырңа апыхтуғикаюк Лїлихтўсяның лїгикысюақ Иисусымун қаткутңўағлюни аюқнилюни Лїлихтўсянун, ынкām āптыкā: «Кинаңāўа юлгутка?»

30 Иисусым кїмсиқā: «Тāўаңуқ юк Иерусалимымың укикақ Иерихонымун. Ўаяғнїхтыт сюгуглюку, қысюгуглюки āткї, анагулығлюку. Тāхкын туқутывзиғлюку униткāt. 31 Ынрақлюю священник тākўагун тумытхун иглыхтыкақ. Иўырңа ысхағьямигу юк нағухтыкā тумыт иңлюңитхун. 32 Мулюхпынани Левит кālьюни, ысхағлюку, лъңанлюю нағухтыкā тумыт иңлюңитхун. 33 Иўырңа Самарияғмї, тākўагун тумытхун иглығаңулғї. Кālьюку ысхағьямигу наңлыгыягуткā. 34 Такулюку кїңи мысїғмыңлюю, виномыңлюю уғвухтығлюки, қантахтуқї. Тāхкын осёлыминун қākлююку ағляткā ақылқалқутамун, таўани афлыңакахкā. 35 Унāмиңани тугулюкык мālгук динарийек, тўнуткыльюкык ақылқалқутам афлыңакистыңанун пикā: “Афлыңақахтигу. Каюсїтағāмакувгу утығникума лвивикыльықамкын”».

36 Тāхкын Иисусым āптыкā: «Сюмыхпыни тākуның пиңаюның налїт юлгутыпїйгуфта югмун ўаяғнїхтыт амьїоткыхкїтнун?»

37 Апыхтуғикаюгым Лїлихтўсяның кїмсиқā: «Тāнаңўк наңлыкикақ югмун». Иисусым пикā: «Ағуляқлюютын, лпыклюю таўатын пи».

Иисусым Лялихфикыхкык Марфанкук, Мариянкук

38 Иисусылюю малихсїхтыкульхїт иглыгуткыльюку кātкат ныңїхағмун. Тамāнтыфтук ағнақ, āтха Марфа, Иисусылюю малихсїхтыкульхїт упудаткї

льмыхнитысқылыюки. ³⁹Аңлыгутаңан āтха Марияңуфтуқ; ақумлюни Иисусым итыгāн мануңақун нагаткā апыхтуғилдй. ⁴⁰Иўырңа Марфам ятāхқутыхльягукани ақылтқани ныгьяхқамың, ынкāм Иисус такулюку пикā: «Атанық, ўāкынғисигū аңлыгутма лъңинағма қыпхāхтыстықаңаңа? Каюсйтысқахтиңа!»

⁴¹Атанғым пикā: «Марфа, Марфа, углялғймың сюмыгьялйқутынлью, сығлылйғақутынлью ⁴²иўырңа атāсихāгуқ акльюналдй. Мариям накмикумā тāна пинильха, лъңаның иқсияхқāнғитук».

Иисус Апыхтуғилдй Юғалғымың

11 ¹Атāсими пилбығми нани Иисус юғāмалдй, тāқақуқлью юғанығмың, атāсим малихсйхтыңан пикā: «Атанық, апыхтуқахқут юғалғығмың, катам Иоанным апыхтульхатун юғалғығмың малихсйхтыни».

²Иисусым пикй: «Хўатын юғағакитык:

“Атāй, аглығналдй āтхын қўлвалбыңли, юғахтукут Атаныхпагульхын тагисқылъюку.

³Ахутаңа тамахāн ныгьяхқалитықахтикут.

⁴Сығывутахтики сығлыхқылтыпут қаюхльяк сығывутақпут қамахльюки сығлытун пистыпут. Нанғйқулығыстыхпынāмталъю”».

⁵Тāхкын Иисусым пикй: «Илякумтāлгуяқувык унугым қукāни мыңтыгāнун пилютын, туңсиғьяқувык: “Илякумтāмни, пиңаюның нықыкшаңльяхйсйн?

⁶Илякумтāқа иглығалдй кāтуқ, лъңанун ныгьяхқакшахйтуңа”. ⁷Қамакын илякумтāхпык кймсиғьякумитын: “Қинуюхтыхпынаңа. Амик махқатнāқ, тағнуғақульхйни иңахқўсимāкут. Макытышағниңитуңа тўньяхқāлютын сямың алңунақ”. ⁸Уңипāтамси, қайўа илякумтāқығнāғмитын макынбāнғитук тўньяхқāлютын сямың. Иўырңа макылбықуқ тўналютын акльюкыхқахпының қаюхльяк сягиқыхльягулғйтын. ⁹Ынкāм хўаңа уңипāтамси, āптык, альхыгульықуси; ивағитык, нāлькульықуси; тыңлюхтухтык амихкун, қыльпыгульықйси. ¹⁰Қаюхльяк кина алңунақ āплыхй, альхығусяхқāгуқ; кина алңунақ ивағилдй, нāлькусяхқāгуқ, кина алңунақ

тыңлюхтулғи амикхун, қыльпығулъықә. ¹¹Налихпыси атани, иғныхпык иқальюгнйгвиксяқаңатын, йығлыги тўнаяхсигу нымығьямың? ¹²Налиғмың иғныхпык манигнйгвиксяқаңатын, тўнаяхсигу скорпионымың? ¹³Сыңлықыстыңуғнәхпыси, лйсимакаси пинилтймың тўнилъығмың авақутахпысинун. Ата қиялгмылңуқ тўнйғатағагыюглиони аюқуқ Аглығналдйғның Тағныңның тамакунун аплъыхйинун!»

Иисусынкук, Веельзевулынкук

¹⁴Атәсими ағныңми Иисусым аныстыкә туғнығақ югмың. Туғныңам юк акузисигалькаңа. Туғнығақ ањьян, юк акузиягуткақ ынкәм қамахлъютың югыт таўанлыңут сяғйғаягуткәт. ¹⁵Иўырңа иляңита югыт пикәт: «Аныстйқуқ туғнығағның ахтуғьяхқәңгильхакун Веельзевулым, туғныңәт иглыгутистыңитхун».

¹⁶Иляңита югыт анагнйльқавигиғналюку Иисус, альъяхлъюхуахтисқыхкәт кылгувикысқыльютың Кияғныңмун каяхтықақутаңа. ¹⁷Иўырңа Иисусым лйсимакыхкәңи сюмыхтағальхит ынкәм пикй: «Алңунак атаныхпагульық афқўльютони пильюгускуми, нәвылъықуқ. Ныңлыюгутыт афқўльютың пильюгускумың, қырңағмынғәңгитут. ¹⁸Ынкәм Туғныңам атаныхпагульханилңут афқўльютың пильюгускумың, Туғныңам атаныхпагульха кынлытхўлтықуқ. Лпыси анысқуғнйқахпысиңа туғнығағның ахтуғьяхқәңгильхакун Веельзевулым, иўырңа анахутуси. ¹⁹Анысқўңукума туғнығағның Веельзевулкун, натынми иляхпыси анысқуғақатки туғныңәт? Ынкәм иляхпыси нанқихлтықйси анахуньилиуси. ²⁰Иўырңа Кияғныңым ахтуғьяхқәңгильхакун анысқўңукума туғнығағның, тәўа тәм ипапихқә Атаныхпагульха Кияғныңым кәсимәқ лпысинун.

²¹Икнақылғйм югым гўтутытуқам кылыңақыхкумигу мыңтығани, қамахлъютың сяғьяңи пақнйсяхқәгут.

²²Иўырңа икнақатағалғйм югым сюгукумигу кайлъқыльықә. Ынкәм тугуляхлтықй нығьюкумтәғи гўтутаңи, уйыхлтықйлью сяғьяңи.

23 Кина алңунак хўаңамнинъығилнуқ
кипульхинаҳтыкақа; китум алңунак
қырнухтилгусинғилькумиңа миңитистыңуқ».

Утығнильха Туғнығам

24 «Туғнығақ югмың аныхкуми, иглыҳлыықуқ
мықшахйлңуғми нунами, ивағильықуқ
мығналивихкамың. Налькунъығисями пикақ:
“Кияхфиксяқымнун утыҳнақуңа”. 25 Кәсялғйми,
альхўағлюни, миңлтыхтыңўағлюни аюқыфтуқ.
26 Тәхкын аңлюни тагиткй мағрағвинлык туғнығат
лңаның сылығыатағалғйт. Итығальютың югмун
таўантыкат. Ынкәм тәна юк сивунғаның ўатақағак
сылығыўағуҳтыкақ».

Қуялыпык

27 Таўатын Исус пиян, юлгутыхлыягыт акулңитның
ағнам игляхтупихлюни пика: «Қуястыкәгуқ ағнақ
иңнилютын мамахтыкақ лыпынун!»

28 Иўырңа Исусым пика: «Итупиль, қуястағақагут
тамәкут Кияғнығым акузитәңи нагальюки
қаткыхкаңит!»

Югыт Ысхәсюлғйт Альяхльюхўахтилъығмың

29 Юлгутыт нуляңинағьята Исусым пикй: «Ағнығым
ўм юги сылхқумаңут. Нақам альяхльюхўахтитысқут
хўаңамнун. Йығлыгилью! Тәнаңинаҳақ
альяхльюхўахтилъық ысхәхлыықәхси Кияғнығым
альяхльюхўахтилъа Ионамун. 30 Катам таўатын
Кияғнығым атуқылъхатун альяхльюхўахтилъық
Ионамун кылыңасяғналюки Ниневияғмит, таўатын
Кияғнығым атуқсяхқақә альяхльюхўахтилъық
Иғнығанун Югым кылыңасяғналюки ағнығым
мәтын юги. 31 Нанқихтилъхым Ағнығани Кияғнығым
нанқихтыкаңиси лыпыси кияхльыхйни ағнығми хўани,
акивақым царицаңан ныкывлюни анахутңанильықйси
ағьюғьяхқапыстағунилюси. Тагикағуқ уявахпанлыңуғмың
ныминың нағаньалюку Соломоным пыҳқинильха.
Иўырңа кина аңатағалғй Соломонымың хўантуқ,

таўалъйма иҳсякақаҳси. ³²Нанқихтильҳым Ағнығани, Кияғнығым нанқихтыкаңиси лыпыси кияхльыҳъни ағнығми хўани, Ниневияғмйт ныкывлютың анахунъилъықъиси ағъюгъяхқапыстағунилюси. Ыкналиқиста Иона уңипағьян, Ниневияғмйт авутыққыльютың сығлыққынъаниқағут. Иўырңа лыпыси авутыққыльюси сығлыққынъанимаңитуси, қайўа нагаткақығңахпысигу кина аңатағалғй Ионамың!»

Ниғуга Югусим

³³«Китум алңунак кынылгутақ кумахльюкык йғнәңгитәк налиғмың сягнығмун асиңйньәңгитәк. Итупиль лъилъықәк құлвақун итылғинун ысхйсыкълюку ниғук. ³⁴Ийыхкын кынылгутастан аюқук югусихпынун. Йскыхтыкувык йңунағми югусин ниғухльягульықуқ, иўырңа ийыльюгмыскувык йңунағми югусин мамлыхльягульықуқ. ³⁵Тамәкын апальюқлюку кылыңакигу ниғук илюхпынилңуқ мамлыгухтыстыхпынән. ³⁶Йңунағми югусин ыслъықңакуми ниғугмың налиғныхә мамлыңунән, таўа күкхулъықутын ниғугракытун катам кынылгутақ күкхутыльыхкытун лыпынун».

Иисусым Анахуникаңи Фарисейтлю, Апыхтуғикаюгытлю Лйлихтўсяның

³⁷Иисус акузинығмың тәқсян, Фарисейем лъмыхнун нығяхтйсықхкә. Ынкәм итыглюни ақумыхкақ қаюғвигығни. ³⁸Фарисейем ысхағлюку сяғйғаягуткә ўхтунгилңуқ нығылъыхқами сивуңани. ³⁹Ынкәм Атанғым пика: «Лпыси Фарисейни, сяңихтақаси қайңи қаисихпысыллю, сягныхпысыллю, иўырңа илюхпысигун нукихнахтуси, ыслъықңәси пакиғнығмыңлю, сығлығмыңлю. ⁴⁰Лйгикигатңўәхтуси! Кияғнығым улимәқынғитагӯ югусим қайңаллю, илюңаллю? ⁴¹Итупиль тўнитык акльюмалғинун илюхпысиның ынкәм қайысыллю, илюсыллю иқәңитңўәхльықй.

⁴²Сығлығўағунақңӯси лыпыси Фарисейни! Тўнақаси қуляхқылъыси Кияғнығмун, талўа мятаси, рутаси, алңунаклью нықым нықниҳсәтаңи. Иўырңа

авылғасиңўағақақси пинитун пилъық юлгутыхпысинун,
пиниқиңалъықлъю Кияғнығмун. Тәкук пияхқапыстақахси
малигульюкык тўнилъыхпысистун куляхқылъыхпысиның.

43 Сығлығўағунақўси лъпыси Фарисеини!

Синагоганъи ақумьюныхтўси аңўағыт ақумутитхун.
Акильпыгағвигнилью қуякысюақуси аңўағулюси.

44 Сығлығўағунақўси лъпыси! Лыганқун
налъюниғумаңилңуғыстун лъйвғыстун аюқуси
югыт ысхйгалъкаңит. Қайңитхун пиюнығмыхтыки
укмаңинъаниғақут».

45 Атәсим апыхтуғикаюгым Лилихтўсяның пика̄:
«Апыхтуғиста, таўатын пилъыхпык кайңусьякилью!»

46 Исусым пика̄: «Сығлығўағунақўси лъпысилъю
апыхтуғикаюгни Лилихтўсяның! Апыхтуғилъыси
пиякнапихтут югнун қаткысяхқәлютың. Уқихтуқастун
акмагыстун аюқут югнун акмахтыстақыхкыси,
нақамлъю талўа атәсиқ игнығўахси атуқигатахси
каюсйнъалюки акмагитның. 47 Сығлығўағунақўси
лъпыси! Пиниғнахсяғақаси лъйвгит қўлвағналюки
ўкналиқистыт сивуныхпыси тукукуқит. 48 Таўатын
пилъыхпысигун кылгутңўахси итагнақилъыхси
сивуныхпыси пильхитнун. Лъңита тукукуқит
ўкналиқистыт, лъпыси пиниғнахсяғақаси лъйвгит.

49 Тамәкын апальюқлъюку пыхқиныльығмикун Кияғнық
пика̄гуқ: «Каяхфикыльықанка ўкналиқистыныңлъю,
апостоляңаныңлъю, туқульықит иляңи,
амьюқытаткыльықит иляңи». 50 Ынкәнам ағнығни
мәтын кияхльыхит ағьюғьяхқәгут апальюқлъюки
сивунгита тукукуқақыхкаңит қамахлъюки ўкналиқистыт
нунам улимаюхўалъханың, 51 тәхкын има Авелым
туқутыльханың Захариям туқутыльханун. Захария
туқуткақыхкаңат акулыхкыни ахқыфигымлъю,
Аглыңналғимлъю Ныңан. Аа, уңипәтамси, кияхльығит
ағнығни мәтын ағьюльыңьяхқәгут таўатын пилъығнун.

52 Сығлығўағунақўси лъпыси лисималъылыхлъягни
Лилихтўсяның! Агуляқусимәхси қипытақ
қыльпығусихқак амиганун лисималъым Кияғнығмың
аюқылғи; лъпыси итығьюгигатуси ынкәм тамәкут
итығнақылғит ағулихтақаси».

⁵³Иисус иқсиян апыхтуғикаюгытлью Лйлихтүсяның, Фарисейтлью угумиягутыхльякāt. Тāхкын кынляңа сығлықұхльягыгуткātлью, āпқугұāхтākātлью пияқналғйның, ⁵⁴сямың писқытлюку анағналғймың анагвигиғналюку.

Кылыңасялғық Пинйюхтылғығмың

12 ¹Таўатын пималюки тысячанылғутыт югыт қырнуғуткат, рыпаль илятың тўтқахтақльюки пикйт. Иисусым сивукльюки малихсәхтыни пикй: «Кылыңалюси Фарисейт закваскаңитның. Пинйюхтылғыхат пйқақа. ²Сяңўā сяпыхкақ сяпутйғьяхқāгуқ. Қамахльюни аксяқыхкақ қайвиҳқысяхқāгуқ. ³Сямың пилғыси аксяқльюку нагақуғьяхқакйт қагани. Сяңўātлью сигутқўткыхкаси ўмгульюси ными уңипақсяхқāгут тамаңани».

Аликсяхқақаҳси Кияғнық

⁴«Уңипāтамси илякумтāмни, аликихпынаки тамāкут туқутикаюгыт югусимың, иўырңа тām киңуңаның алья сянāнғитйси. ⁵Иўырңа кылыңасяғнақамси китумың аликсяхқамың. Аликитыху Кияғнық, туқускумиси ахтуғьяхқāнғилғылгўқ милўсяхқālюси геенамун. Аа, уңипāтамси аликитыху!

⁶Талғымат қатығйғахāt акикыхкаюгунғитāt мālгугыгнун монетагнун? Таўалғйма налихйнйт Кияғнығым пуйгунāнғитй. ⁷Талўа нуяхпыси угляхталяңи Кияғнығым лйсимакй. Алиңыхпынаси, Кияғнығым мыгнукаатағйси қатығйғалғутның пакихульюси».

Тугукльйғилғық Налиғмың Иҳсякилғық Христосымың

⁸«Ынкām уңипāтамси, китум алңунак уңипāскаки сивуңитни югыт хўаңамнун пикнилютың, Иғнығанлью Юғым пикнилғықй сивуңитни Кияғнығым яқулылғутаңан. ⁹Иўырңа китум алңунак уңипāскаки сивуңитни югыт хўаңамнун пикынғинйлиютың, Иғныған Юғым пикынғинйльықй сивуңитни Кияғнығым яқулылғутаңан.

¹⁰ Китум алңунак сығлытун акузиткыхкумигу Иғныға Югым, Кияғнығым сығывусяхқақā. Иўырңа китум алңунак сығлытун акузиткыхкумикык Аглығналд̄йк Тағнығак, Кияғнығым сығывунъāнгитā.

¹¹ Агльяскаңиси синагоганъун, сивуңитнун правителыт, налиғмың иглығутистыт тыхыльх̄йх̄пынаси натын к̄мсилъых̄қах̄пысиның, налиғмың сямың пилъых̄қах̄пысиның. ¹² Таўани пилъығми Аглығналд̄йм Тағнығам акузитках̄қалилъық̄йси сямың пилъых̄қамың».

Иисусым Уңипағātкыхқаңа Нальюқақ Акльюңилнуқ Юк

¹³ Юлғутых̄лъягыт акулңитның югым Иисус пикā: «Апых̄туғиста, аңлыгутка уңипāтах̄тигу, атамтаңуқ униткāның сяғьямың ныңитах̄лъяңа».

¹⁴ Иўырңа Иисусым āптыкā: «Югми х̄ўани, китум нанқих̄тистыңлъях̄таңа, налиғмың ныңих̄қистыңлъях̄таңа лъпытыгнун?» ¹⁵ Тāхкын қамах̄лъюки пик̄й: «Қылыңалюси алья̄х̄йнағмың пакигн̄йх̄тыльығмың, қаюх̄лъяк югым уңувалъых̄пигā сяғ̄йх̄тыльых̄қун аюқынғитуқ».

¹⁶ Тāхкын Иисусым уңипағātк̄й: «Юк акльюңилнуқ нуналғуфтуқ п̄тыстих̄лъякаюгмың. ¹⁷ Сюмыхтағақак: «Натын сянақсиңа? П̄тыстых̄лъякамнун ках̄пагвигитуңа».

¹⁸ Лъминың к̄мсиқақ, Х̄ўатын пинақуңа. Ках̄пагвигынка ифках̄қуғлюки, āңатағалд̄йның ках̄пагвих̄каның ныкыфқуғнақуңа. Ынкāм қамах̄лъюки зернонка, сяғьянкалью ках̄пах̄лъықанка. ¹⁹ Тāхкын пилъықуңа уңувасимнун: «Уңувасимни, ках̄пагих̄лъях̄туңа аюмиқулъылд̄гутнун! Тāўа сянаниғнақуңа, нығақлъюңа, мығақлъюңа, пинигьōх̄нақуңа!» ²⁰ Иўырңа Кияғнығым пикā: «Уюқ нальюқақ! Унукун уңувасин туқунақн̄ўк. Ках̄пах̄лъяках̄тын тамāкут китум пикнақаки?»

²¹ Иисусым тāқниқ̄й: «Тātун юх̄тун аюқут тамāкут сямың тамах̄аның ках̄пагилд̄йт лъмых̄нун катам, иўырңа Кияғнығми акльюмалд̄йңūt».

Ныгьюкильық Кияғных̄қун

²² Тāхкын Иисусым малих̄с̄ях̄тыни пик̄й: «Тамāкын апальюқлъюку уңипāтамси, нульқавиғуткых̄пынāн

уңувалъықси, сямың нығылтыққақси, налиғмың сямың атылтыққақси. ²³Уңувалық мыгнунағатағатук нықның, югусиқлюю мыгнунағатағатук атканың. ²⁴Ысхақақтыкиқун мытылтыюгыт, птысиғитатут, налиғмың унатитатут, налиғмың кахпагицитатут, нақамлюю Кияғнығым ныққақй. Лпыси мыгнунағатағатуси қаўағның! ²⁵Ынкәм налиқпыси нульқавитуткылююку уңувалтыни тәкухтырығахлықагү? ²⁶Нульқавитығым уйгувлығағнәнцитутаңаның уңувалтық, сяңанңам сяңўат алңунак нульқавитутқақыстыки? ²⁷Ысхақақтыкиқун птысиғит нагулдит, қыпхитатут налиғмың атқанлыитатут лңитның. Иўырңа уңипатамси, талўа Соломон, аклююңитылтыгмини асимаңитук птысиғағыстун пинихтуткалгитмың. ²⁸Кияғнығым асихтуғақй выгағыт пйтфигмыхнилңўт ағнығми таўани, иўырңа унамиңани қитақит. Кияғнығым асихтўнукаки выгағыт, лпыси асихтуғатағағнәнцитисй? Ухпықилтықхыстапитүси! ²⁹Сюмыхтағамәнаҳпынаси сямың нығылтыққақысыныңлюю мығылтыққақысыныңлюю. Нульқавитуткыпынаки тамәкут, ³⁰қаюхлыак ухпықинигалңўт Кияғнығмың нульқавитутқақит тамәкут. Атахпыси лисимақй аклююкыхкаси. ³¹Тамәкын апалтыюклююку кияхтылтықпысини мыгнуналтықпигахтыстыкык Кияғнығым Атаныҳпагульхалтыю, пиюкыльхалтыю. Таўатын пикуфси Кияғнығым тўнылтықй қамахлыюки аклююкыхкаси».

Қияғмылңўт Аклююңит

³²«Алиңхпынаси пынйхамни, қаюхлыак Атахпыси қуякусиқлююку тўньюгақә лпысинун Атаныҳпагульық. ³³Сяғьяси акиклююки манилытыки аклююмалдит. Ынкәм лпыси кахпагилтықуси аклююңихпысиның қияғми. Таўатын пикуфси қияғми ақыфтағалгульықуси нәвьяхқангилңуғмың. Таўани аклююңиси нәньяхқангилңўт, тыглығнихтытлыю тугунәнцитит, молытлыю нәфқынәнцитит. ³⁴Аклююңиси нәнтыката сюмыхтағалтысылтыю таўанлықут».

Иисусым Апығйхсйскыхкаңи Тагилъыхқаминун

35 «Сямун тамаҳанун ятаҳқыңъуағлюси, а̄ткаси а̄сяқлъыхйна̄глюки, кынылгутаси кумахтыңъуағлюки. 36 Таўатын пикуфси қыпшақтыстун аюқылъыкуси утақйлдіт умйлыгмыхның утығнилъыхқаның ныңугутылъхым нықынғаҳқылъханың. Ынкām кālъюни тыңлюхтуқан қылыпыгутқахлъықат. 37 Қуянапихтут қыпшақтыт тыхумағмың апығйғуағлютың аюқылдіт умйлгита кāскумики! Ипа уңипāтамси, умйлгым қыпшақтыни ақумўтыслъюки қаюғвикыгныкун, тāхкын кынигни тафсйлъюкык кыпсйқулъықй нықмың. 38 Тагйқлъилью унугым қуахтыстыхпынāн налиғмың унугым қукāн киңуңаның. Иўырңа қакун алңунак тагикуми тамāкут қыпшақтыт апығйғуақат қуястылъылгуяҳқāгут. 39 Иўырңа лйсимаклъюку уна, мыңтығалгым лйсимаксяқумигу қакун тыглыгнйхтым тагилъыхқā, унинъāнгитā мыңтығани тыглыгнйхта нāфқулъюни итығнауқан. 40 Лъпысылъю апығйхсяғуағлюси пикатык қаюхлъяк Иғныға Югым тагияхқāгуқ ўāкынғильхәгулъюни».

Атāсйғмылңуқлъю, Атāсйғмынъығилңуқлъю Қыпшақта

41 Петырым āптыкā: «Атанық, уңипағāн āпқан, хўаңкунъун пиңўā, налиғмың тамаҳанун?» 42 Атанғым кймсиқā хўатын: «Кинаңаўа атāсйғмылңуқ, пыҳқиынлғй қыпшақта? Тāнаңуяҳқāгуқ умйлган иглыгутистыңлъяқā қыпшақтыминун, нықылитātйскыльюкилью ахутаңа тамаҳан. 43 Тāна қыпшақта қуястылъыңьяҳқāгуқ, умйлгым кālъюни ысхақумигу қылылъығмитун пилдй. 44 Ипа уңипāтамси, тāна қыпшақта умйлган иглыгутистыңлъяғьяҳқāқā сяминун тамаҳанун. 45 Иўырңа тāна қыпшақта сюмыхтағāмакуми хўатын: “Умйлъка мулїоқ тагихпынани”, ынкām қывутқуғягулъықй қыпшақтыт югытлъю, ағнатлъю. Нығақлъюни, мығақлъюни, сймақлъюнилью пилъықуқ. 46 Тāхкын умйлга кālъықуқ налъютхāгулъюни, сиғимақынғилькәңани ағнығым. Ынкām умйлгым ағьюғмихтāхлъяхлъықā,

илятыслъықалъю атасиғныңилнуғнун. 47 Қыпшақта апығйхсяльхилнуқ налиғмың умйлығми пиюкыльхатун пиюңилнуқ анагулылтыңықхляхлыбықуқ. 48 Иўырңа қыпшақтым нальюкыхкумигу сяқысюльха умйлығми, анахуткәйғнәғми ақсән аюқльюку анагулылтыңылыбықуқ. Юк тўнылтыңықхляяқ сямың, сяхқахтульықуқ; юк ўата тўнылтыңықхляяқ сямың, ўатақағак сяхқахтульыхлыбықуқ».

Иисус Ағқымырағутыстилғй

49 «Тагикағуңа кыныңмың милюғналюку нунa, хўатук мәтын кумалғй! 50 Иўырңа тәм сивуңани крестиғьяққағуңа икфиқылтықхунлью, туқултықхунлью. Ынкәм сығлылихлягўңа кынляңа крестилтығма апығйльханун. 51 Сюмыхпысини тагинъилюңа ныкыхмылтығмың пистыңьә нунамун? Йығлыгилью, уңипатамси, ағқўтыстыяхтўтуңа. 52 Хўакын кынлыкльюку ныңльюгуткульхйт талымат ағқўльықут апальюқльюңа хўаңа. Пиңают кипульхинәхлықахкыт мālгук, ынкәм мālгук кипульхинәхлықйк пиңают. 53 Льңит ағқымырағульықут; атам кипульхинәхлықә иғныни, ынкәм иғнығым кипульхинәхлықә атани. Нәм кипульхинәхлықә панини, ынкәм паниган кипульхинәхлықә нәни. Ағнам кипульхинәхлықә укәни, ынкәм укәган кипульхинәхлықә ағнақ сякини».

Иисусым Кылыңасяқәңи Нагатыстыни

54 Тәхкын Иисусым юлғутықхлягыт пикй: «Ысхақуфсигу қиялғўақ маюлғй пакфалъямыльюку, таўаниңинақ пильықуси: “Ыслъяльюгуҳнақә” пинақнилтықхысистун пильықуқ. 55 Ануқа икывәхтыкан, пильықуси: “Пукльяхқўәнақә” пинақнилтықхысистун пильықуқ. 56 Лйсимакисиғўәлғйни лыпыси! Нунамлью, қиягамлью ныкығныға ысханыхпысигу, ыслъям натытуляңа лйсимакақәси. Сяңаңам лйсимаксюңгистыки мәтын сяңўат сяльхыт сямың писйтаңи?»

**Иисусым Апыхтұсыяқыхқаңа
Қаниқутыльхым Налхусяльхә**

57 «Сяңан лйгикигастьху лыпысиның катам сяңўа пинитун пильхутаңа? 58 Авуткистьхпык нанқихтивигмун аглясималютын, тумыми тәкўани кәтфагилгафтык налхусягнакын қаниқутыльхытык. Пингилькувык ихсяхпыгун агляльықатын нанқихтистьхмун. Ынкәм нанқихтистьх тўныльықатын умйлўагмун анусимиңльйсқылтыютын. 59 Уңипәтамкын, әнәнгитутын кынляңа киңулихпигақ манин лывикўсыяқылхыпынун».

Авутықхыльюси Сығлықынъанихтык

13 1 Тамәни пильығни иляңи югыт тамәнтыфгут, уңипәткәт Иисус Пилатымун тукутысиманилюки иляңи Галилеягмйт ақхышәгумалюки Кияғныгмун. Аўитлью акумутысиманилюки аўитнун тыгикусят. 2 Иисусым әптыкй: «Сюмыхпысинй тәкут Галилеягмйт сығлықхыңъағатағашпытәт иляңитның Галилеягмйның қаюхльяк таўатын тукуткәлгйт? 3 Уңипәтамси, накә! Авутықхыльюси сығлықхыңъанймакуфси тәўа қамахльюси лыпысылью тукулъықуси льңистун. 4 Нықамикынгистыкй Силоамыми қуля пиңаюның иңлюлык югыт башням улъыгвикльюки туқуқуқй? Сюмыхпысинй тәкут сығлықхыңъағатағаштәт Иерусалимыми кияхльыхйның? 5 Уңипәтамси, накә! Авутықхыльюси сығлықхыңъанймакуфси тәўа қамахльюси лыпысылью тукулъықуси льңистун».

**Иисусым Уңипағәткыхқаңа Смоквам
Уқфига Пйтыстингилнуқ**

6 Тәхкын Иисусым уңипағәткй: «Югым пйтысиғаштыкә смоквам уқфига виноградымун пйтысиғавигмини. Ысәғәяхтуғақыхқаңа пйтыстиманаюкан, иўырңа аваңитақылдй. 7 Ынкәм пйтысиғаштыни пикә: “Йи, пиңаюни аюмиқулъығни ысәғәяхтуғасяғәқа уқфик пйтыстиманаюкан иўырңа аваңитақуқ. Кыпигу! Пйтфигильхәкун”. 8 Иўырңа пйтысиғаштым пикә: “Югунйқ, уйн хўани аюмиқулъығми

авылғаху. Увитаңа лягнақақа, ынкәм катагудвикылытықақа пїньәсимың. ⁹Аюмиқун пїткӯмакуми пинихлтықуқ, ынан пїтыстингилькан, кыпыснакын”».

Субботама Иисусым Нәлхускаңа Ағнақ

¹⁰Тәхкын атәсими Субботам ағнығани, синагогами Иисус апыхтуғикақ. ¹¹Таўантыфтуғуқ ағнақ қуля пиңаюның иңлюлык аюмиқулығни туғнығам каялықхыкә. Пакығнастыкә ынкәм таклягрукыхлбюни ныкывигалнуқ. ¹²Иисусым ысхағьямигу тахсиғлюку пикә: «Ағнақ, итымутамкын каялыққыңбылтықыңның. ¹³Тәхкын сәфтыкә, ынкәм таклягрукхүтңинамағми пикақ, усюкикақлю Кияғнығмың.

¹⁴Синагогам иглығутистыңан угумиягуткә Иисус қаюхлтык нәлхутилдй Субботама. Ынкәм пикй югыт: «Ағвинлыгүт ағнығыт қыпхағвихкапут, ынкәм тагйкитык тәкуни ағнығни нәлхутысқылыюси, накән Субботама!»

¹⁵Атанғым пикә: «Уюқ пинйюгнық! Субботама, тамахақысы вола налиғмың осёлыси итымультюки мығысхтуғақси. ¹⁶Уна ағнақ киңуңкә Авраамым, Туғнығам асиққыкәкә қуля пиңаюның иңлюлығни аюмиқулығни. Ипапыстәқ анахутылхунғитук итымутылығкә Субботама!» ¹⁷Иисусым таўатын пийистың, қамахлбютың аңуяги кайңуюгуткат. Ынкәм қамахлбютың югыт қуятыхлтыкат пиниғракыхтаның апығкәның.

Иисусым Уңипағәткыхкаңа Горчицам Пїтутаңа

¹⁸Тәхкын Иисусым әптыкй: «Натыта Кияғнығым Атаныңпагульха? Сямун иңлюнбақсикун? ¹⁹Горчицам пїтутаңатун аюқуқ, юғым тугулюку пїтысиғақаңа пїтысиғағвигмикун. Нагуялдйми уқфигухтыкақ, ынкәм аваякун қаўағыт уңлюсикат».

Иисусым Уңипағәткыхкаңа Закваска

²⁰Алъямың Иисусым әптыкй: «Сямун иңлюнбақсикун Атаныңпагульха Кияғнығым? ²¹Закваскатун аюқуқ ағнам акүтутақыкәкә авляўахлтыгмун, ынкәм акүтахлтык хұхтыстыхлтыкә».

Кахпыстәһақ Амик

22 Иисус агляткыльюку Иерусалимымун, апыхтуғимагми пикақ нынилью, ныңйхағнилью. 23 Китум аҗптыкә: «Атанық, палясқуҳәўәт югыт югулияхқат?»

Иисусым кймсиқй: 24 «Сягиқльюси итығнақитык кахпыстәһақкун амихкун. Уңипәтамси, угляпихльығйт югыт итығнақуткульықут, тәўәңинақ итыхпағниңитут. 25 Мыңтығам юган макыльюни амик умыгьяхтухльықә. Ынкәм тысқакмани ныкывгалықуси, тыңлюхтухльықусилью хұатын пимахпыси: “Атанық, қыльпығутахтикут!” Кймсиқхльықйси: “Нальюкамси, нальюкақалью накын пиңустык”. 26 Тәхкын пильықахси: “Нығылгусиғақамкынлью, мыңылгусиғақамкынлью, апыхтуғикәгутынлью тумымнй”. 27 Иўырңа пильтахльықйси: “Уңипәтамси, нальюкамси, нальюкақалью накын пиңустык. Иқильгәғатык хұаңамның лыпыси сығлытун пистыни!” 28 Тәхкын қияғўақхльықуси, хутысилью тышқитәхтәмитә. Таўатын пильықуси ысхақуфсики Авраамылью, Исаакалью, Иаковылью, қамахльюкилью ўкналиқистыт. Лыңит Атаныхпагульханильықут Кияғнығым, иўырңа лыпыси ыслыятмун милўольықйси! 29 Ынкәм югыт тагильықут асивағмың, пакфальямың, айўәның, икывағмың. Тәхкын ақумыльықут қаюғвигығни Атаныхпагульхани Кияғнығым. 30 Нагатахтықкун, тамәкут укалйт мыгнунахсяхқәгут, ынкәм мыгнуналқйт укалйхсяхқәгут».

Иисусым Пиниқыльхә Иерусалимымун

31 Таўани пильықми иляңита Фарисеит такулюку Иисус пикәт: «Мәкын иқильютын натмун ағуляқи қаюхльык Иродым тукутыстысюгақатын».

32 Иисусым пикй: «Уңипәсяхтухтыху тәна кавйқ: “Нагатың, ағнықми анысқўтуңа туғнығағның, нәльхуқўтуңалью қинуоқдйның. Унәмилью таўатыхпигақ пильықуңа. Тәхкын пиңәйни ағнығым қыпхақақа апығйхльықақа”. 33 Нақамлью иглыхсяхқапыстағўәна ағнықми, унәми, аўақәғанилью,

қаюхляк итагнангитук ұкналиқиста туқусяхқәлюни нани алңунак иўырңакун Иерусалимыми.

34 Кәй Иерусалим, Иерусалим! Туқукуқақатын ұкналиқистыт, миллюпагәтағлюкилью туқукуқақатын Кияғнығым каяхтыкй лыпынун. Угльпихльюку қырңуҳсюгақсяганка юхтын хўаңамнун, катам таўатын қаўағым якугми асиңанун қырңуҳтыльхатун амәгани. Иўырңа таўатын пистысимаңитахпыңа!
35 Нагатын, мыңтыған пәхқйлғықә қаюхляк Кияғнығым униньақәтынлью, пақнйхсяғнаниғнақәтынлью. Уңипәтамкын, ысхағнәнғитахпыңа кынляңа хўатын пильыхқахпынун: “Кияғнығым қуясльигу тагилгй әтхакун Атанғым!”»

Иисусым Нәльхускаңа Қинуюлгй Юк

14 ¹ Атәсими Субботамаи, Иисус нығьяхтуғьян атәсимун иглыгутистыңитнун Фарисейт, таўанлыңұт югыт рйрңиңўақәт. ² Иисусым мануңанитыфтук юк, игукыклью, талыкыклью пўвналгйк. ³ Иисусым алыхқуқй апыхтуғикаюгыт Лйлихтүсяның, Фарисейтлью, әптыкй: «Лйлихтүсямтә нәльхутискинкұт Субботамаи, налиғмың писнанихтинкұт?» ⁴ Иўырңа ныпйғўагуткат. Тәхкын сәфльюку юк нәльхульюку, агляхтыстыкә. ⁵ Тәхкын әптыкй: «Налихси игнылгукуми, налиғмың воылгукуми, Субботамаи мыхтағвигмун ифкақан, таўаниңинақ сяюгнаыхтагү Субботаңуғңән?» ⁶ Тәўа кймсихпағниңиткәт.

Иисусым Апыхтүсяқықкаңа Қусывығналғык

⁷ Иисусым ысхақй иляңи ақылъқат ақумўльхйт әңўағыт ақумутйтхун. Ынкәм уңипағәткй:
⁸ «Тахсиқльилыңыңхкувык ныңуҳнақылдгйк нықынғахкыльыхкынун, ақумыфқәвык пилдәтын әңўағыт ақумутйтхун, кина тахсиқльиқәнаюкан әңўағатағалгй лыпынун. ⁹ Тахсиқльиғикам лыпык тагилюни хўатын пильықәтын: “Ақумыстигу тәна ақумвихпыгун”. Ынңәталъ таўани кайңуюхлықыутын нұхтыкувык укаванлыңұм ақумутахкынун. ¹⁰ Иўырңа тахсиқльиқәңатын, ақумьяхтухәтын ақумутам

укавантыльханун. Тахсиқлығтыхпык тагилюни пильықатын: “Илякумтәмни, ақумьяхтә аңўағуқтыкат ақумутйтнун”. Бінңәталъ құлвалғыңылғыкутын ақылъқалгутыт ысхәманғитни. ¹¹Тамахағмың льңитның аңўағуқтыкат қусывыхтыльыңьяхқәгут, иўырңа тамахағмың льңитның қусывыхлыықйт, тәўа аңўағуқтыльыңьяхқәгут».

¹²Тәхкын Иисусым тахсиқлығтыни пикә: «Нығяхтйскикувык тахсиқлығфқйта илякумтәхтын, аңлыгутытын, илякўәхтын, налиғмың акльюңилңўт увилиғныхтын, қаюхляк утығмун льңиталъю льмыхнун нығяхтйскынәюкаңатын. Таўатын пикуфки акиткальхўхлыықатын. ¹³Иўырңа нықынғахқыстинақнукувык, тахсиқлығнакытын акльюмалғйт, югусйт налиғныхлыюгмылңўт, иғульюгмылңўт, аякатлъю. ¹⁴Ынкәм қуястыльыңылғыкутын қаюхляк тамәкут акитыпағниңитатын. Кияғнығым акилыхтухлыықатын уңувақтыкумики қәткүтңалғйт югыт».

Иисусым Уңипағәткыхқаңа Нықынғахқылғыхляк

¹⁵Қаюғвигығни атәсим ақумгалғим нагалъюку Иисус пикә: «Қуястыкәгут нығяхтуғьяхқат нықынғахқылғыханун Атаныхпагульхан Кияғнығым!»

¹⁶Иўырңа Иисусым пикә: «Юк нықынғахқинақумалғй, угляқлъю тахсиқлықә. ¹⁷Нықыт апығйғьята, қыпхәхтыни каяхтыкә хўатын пияхтйскыльюки тахсиқлықани: “Тагиляғәтык, нығьяқлыыхйнахтукут!” ¹⁸Иўырңа қамахлыютың тахсиқлықй апхусйгуткат. Сивулйм қыпхәхта пикә: “Пйтысиғагвиңумәңа, ысхәгьяхтупыстағнақңўәқа. Умйлгын уңипәнәкын, қивғукақаңуқ нығьяхтухпағниңилңўңа!” ¹⁹Тўңлихән пикә: “Талымат иңлюкульхйт вольт тукфймәнка, нанғйкуяхтуғнақақанка қыпхалыхтулңит. Умйлгын уңипәтахнакын, қивғукақаңуқ нығьяхтухпағниңилңўңа”. ²⁰Ынкәм иляңан пикә: “Нулихтунхәгуңа, ынкәм нығьяхтухпағниңитуңа”. ²¹Қыпхәхтым тагилюни умйлыгминун әпқй сямың пильхит. Тәхкын умйлыгым сякшитыхлягумағми қыпхәхтыни пикә:

“А̄нқахлыютын ныхлыягым т̄умңитның тагик̄үтики акльюмалг̄ит, югус̄ит налиғныхлыюгмылңүт, а̄якат, иғульюгмылңүт”. 22 Мулюхпынани қыпхахтым пика̄: “Югун̄иқ, қылылтыхпытун апығйхтуқ, иўырңа паниның ныкаққахлыягүқ”. 23 Умй̄лгым пика̄: “А̄нлютын ныхлыягмың тумынилңүт югыт тагиляғ̄атыскики ынк̄ам мыңтығақа ыслықағахл̄ги. 24 Уңип̄атамси, там̄акут тахсиқ̄лықақсыяқынка нығн̄ангитут нықынғахқусимның”».

Малихс̄яқтыңульық

25 Юлгутыхлыягыт малихлығ̄атк̄ат Исус. Қй̄влюки пикй̄: 26 «Кина алңунак тагилг̄й х̄ўаңамнун малихс̄яқтыкн̄ангитақа ұйткуқун пиника̄тағақумиңа пакихульюңа атаминың, н̄аминың, нулиғ̄миның, авақутаминың, аңлыгутминың, наягминың, л̄ңаның л̄ю катам. 27 Китум алңунак л̄ми катам қақ̄үрани уяминг̄илькумигулью, малихтыкумиңал̄ю, малихс̄яқтыкыпагн̄иңитақа». 28 Т̄ахкын Исусым пикй̄: «Налих̄си башняңлыяг̄югукуми, сивукльюни ақумлюни акитуляңа нарақылтық̄а н̄амаяхқ̄анаюкан манини. 29 Нарақынг̄илькумигу манини, тунымаңлыяг̄люку башня пыхлық̄а. Ынк̄ам югыт ысхағлюку ныңляг̄юхс̄яткылтық̄ат. 30 Пильықут: “Ӯм югым п̄инлиғлюку ныкыфтыкани т̄ақыпагн̄иңита̄”». 31 Т̄ахкын Исусым ап̄тыкй̄: «Сянаяхтатук умй̄лык иляңан умй̄лгым сюғугнақдукаңатни? Сивукльюни ақумахлыюни акузимхуткын̄ьяаг̄а иляминун каял̄тк̄йяққ̄анаюками 10,000мың пильюўақтылиғлюни, пильюўағьяг̄яқумигу умй̄лык 20,000мың пильюўақтылык. 32 Иўырңа каял̄тк̄йпагн̄иңилькуми, т̄ахкын умй̄лык сялин уявантыхлыяг̄люку каяхлық̄й акузистыкаққани л̄ңанун. Х̄ўатын пиях̄т̄исқылтық̄а: “Сяқысюхсикут ныкыхмытун̄ьялюта?”» 33 Исусым нағныгутк̄й: «Ынк̄ам уна сюмыхтағ̄аткитыху, китум алңунак пыхс̄юнг̄илькумики қамахлыюки л̄ми пини, малихс̄яқтыкыпагн̄иңитақа».

Сяс̄йнгилңуқ Тағьюқ

34 Исусым т̄ақниқ̄й: «Тағьюқ пиних̄туқ, иўырңа тағьюғниңй̄скуми альямыңл̄ю тағьюғнигун̄ьян̄гитук.

35 Таўа пинигнәнғитук сюнамун, налиғмың пинъасйлони пїтысиғағвигмун, ынкәм югыт ыхльықат. Нагатык, сигутылгүси!»

Иисусым Уңипағаткыхкаңа Ифляяқак Пынъйқ

15 ¹Атәсими ағныңми, налогмың қырңуғтистылғутытлю, иляңилью сығлықкыстылғутыт нагасяткат Иисусымун. ²Фарисейтлю, апығтуғикаюгытлю Лйлихтүсяның қикыққукат: «Љм югим тугукльығақй сығлықкыстыт, нығылгусиғақйлю».

³Ынкәм Иисусым уңипағаткй: ⁴«Налихси юк талыматмың пынъйлгуяқуми, атәсиқ ифляяқумигу, сянаяхта? Унильюки юк стамат стаманың иңлюлык сйпнықлюки пынъйни нығумалюки вығәхтуқами, ивағьяхтуғнаяғә ифляяқак пынъйни кынляңа нәлькыльықминун.

⁵Нәлькысямигу, қуяпихльюни уямикә.

⁶Льмыхнун кәльюни тахсиқльықй илякумтәни, увиқльинилью пикй:

“Қуялгусиқахтыңба, қаюхляк нәлькақа пынъйқа ифляякәйлдй!”

⁷Уңипәтамси, таўатыхпигақ қиялгми қуякатағахльықат атәсиқ сығлықкыста авутықкыльюни

сығлықкынъанилдй,

пакихульюку тәкуның юк

стамат стаманың иңлюлығьягның пинилдйның югның авутықкысяқәнғилнұғның».



(От Луки 15:5)

Иисусым Уңипағаткыхкаңа Ифляяқак Монета

⁸Тәхкын Иисусым иляңаның уңипағаткй: «Ағнақ қуляғьяк серебромың монеталгуяқуми, атәсиқ ифляяқумигу, сянаяхта? Кынылғутак кумахльюкык

мыңтығани альыгнаяд̄а ивағиңӯағумағми кынляңа н̄алькыльығминун. ⁹Н̄алькысямигу тахсиқльықй илякумт̄ани, увиқльинилью пикй: “Қуялгусикахтыңа, қаюхльяк н̄алькақа монетака ифльякақсықыхка!”
¹⁰Уңип̄атамси, таўатыхпигақ Кияғнығым яқулги қуяқут ат̄асиқ сығлықхыста авутықхыльюни сығлықхыңбанилғй».

**Иисусым Уңипағ̄аткыхкаңа Иғнығым
Сякусийқильға Уңувальығминың**

¹¹Т̄ахкын Иисусым иляңаның уңипағ̄аткй: «Т̄аўаңуқ й̄ок м̄алғугығның иғнылык. ¹²Уюқльым иғныған пик̄а атани: “Ат̄ай, сягьяхпының т̄униңа ныңихқамның”. Ынк̄ам атаңан т̄уныхкакык иғнығығни ныңихқакхының.
¹³Мулюнғитук, уюқльым иғныған акикудлюки ныңини ағуляқыхкақ уяванлыңуғмун нунамун. Там̄ани манини сякусийқильюку, ¹⁴сяқшахйғуткақ. Ынрақлью там̄ана нуна нықаңисяхльягухтыкақ ынк̄ам н̄ұхтыхльягухтыкақ. ¹⁵Ынк̄ам қыпхағьяқак югмун там̄анлыңуғмун; т̄ахкын югым қыпхақалитк̄а нықхистыңулюку куругағның. ¹⁶Игатам аңталяңаның куруг̄ат нықхуткйтның нығьяғңағми льйқак, китумлью алнунак нығьяққалисигалькаңа. ¹⁷Қынұатлью лйсьяғақак: “Панығниқумалюңа м̄ани, қамахльютың атама акилыхтудлютың қыпхақтыңи нығақут кыпс̄ольютың, масисю сйптйгақут! ¹⁸Агльаңақуңа атамнун х̄уатын пиналюку, Ат̄ай, сығлыққум̄аңа Кияғнығмунлью, льпынунлью. ¹⁹Иғнығулюңаңам пияхқ̄ананиғңа. Акилыхтуқаюгыстун қыпхақтыхпытун льйхтыстиңа”.
²⁰Ынк̄ам ныкывлюни атаминун агляқак. Иўырңа сялин уяванльюку атаңан ысхақ̄а. Наңльыгьягутыхльяглюку ақф̄аснақ пайыдлюку қытқахльюку н̄ақ̄а. ²¹Иғныған пик̄а: “Ат̄ай, сығлыққум̄аңа Кияғнығмунлью, льпынунлью. Иғнығулюңаңам пияхқ̄ананиғңа”. ²²Иўырңа атаңан пикй қыпхақтыни: “Ӯкук, пинильхпигақ аткуяғык тагильюкык а̄тыстыкык, аляңкуғйтихтыхулью, камыхтыхулью.
²³Ынк̄ам куўинталъханың каум тукутйгутыху. Нықынғахқыхльягнакукут қуяхльяғым аңталяңаның, ²⁴қаюхльяк иғнықа уна тукук̄аялғй, уңув̄ам̄ак; ифльяк̄аялғй н̄алькум̄ак”. Ынк̄ам нықынғахқыхльякат.

25 Таўани пилығми, нуйыклық игныға пйтысиғағвигмылңуқ. Мыңтығамун кәсяхтуғлюни нагақуқй айңанаңалғйтлю, тукалыгалғйтлю.

26 Атәсиқ қыпхагата туқлыюглюку әптыкә сякутаңи.

27 Қыпхағтым пикә: “Уюған кәсимәқ. Атахпык туқутйғутысимә қуўинталъханың каум қаюхлъяк кәльхй яйўәсың пиниглюни”. 28 Аныңә сякшиткақ, итығьюгумаңиткақлю. Атаңан әнвиклююку йтхыскуғәкә.

29 Иўырңа атани пикә: “Аюмиқулъылгүтни қыпхәтыхлъягамкын, қәткынғисигатанка қылгүткахтын. Таўальйма козлөнокағағмың туқутйғусигатахпыңа илякумтәкульхйни нықынғахқысылъюта.

30 Иўырңа ўм игныхпык сякусийқыхкақә манин ағнанун югусимыхның акикикаюгның. Ынкәм утыңнигъян хўә лыпык туқутйғутыстан қуўинталъханың каум!”

31 Атаңан пикә: “Иғнымни, қўнпың лыпык хўаңқунъитақутын. Қамахлъюки сягъянка лыпык пикатын.

32 Иўырңа қуялюта нықынғахқыңбүкут, қаюхлъяк уна уюған туқукәялғй, уңувамәк; ифлъякәялғй нәлькумәк”».

**Иисусым Уңипағәткыхкаңа
Атәсийғнығилңуқ Умйлгүтилғй**

16 ¹Тәхкын Иисусым уңипағәткй малихсәхтыни: «Таўаңуқ акльюңилңуқ йок қыпхахтылгүфтук, умйлгүтистыңлъяқә сягъяминун. Атәсими ағнығми китум уңипәсимакаңа акльюңилңуқ йок умйлгүтистыңлъяқәнун сякусийқнилюки сягъяңи.

²Ынкәм тахсиглюку пикә: “Сяманилютын нагақуғақсикын? Умйлгүтинаниғнақутын сягъямнун. Ынкәңам хўаңамнун тагитики игахтын; ювғйғнақанка”.

³Тәна йок сюмыхтағақак: “Умйлығма тәқыстәңа қыпхақамның. Сянақсиңаңам? Қайтыпихтуңа лйгмун, кайңуюгақуңалъю туңсигнйльыхқамның.

⁴Қыпхақйғускума паниның югнун тугукльихтысюхтуңа лънитнун”. Ынкәм таўатын пикақ.

⁵Тахсикльиқй атәсикахтйта асыңылгыт умйлығминун. Сивулиқ әптыкә: “Натын аңкән асыңылгүзин умилымнун?”

⁶Кймсиқә: “йок талыматңўт ақимлығутахлъягыт маслиным мысийғаның ималгыт”. Тәхкын пикә: “Тугулюку асыңыхпык игә, ақумқахлъютын игақигу йок мәлгүк қуля

сїпнықлыюку”. 7Тәхкын иляңа әптыкә: “Льпык натын аңкән асиңылгузин?” Кїмсиқә: “юк талъимат мераңұт пшеницат” Там югым пикә: “Тугулюку асыңыхпык игә, игақигу юк стагат”. 8Умїлган усюқыхкә атәсїғнығилнуқ қыпшақтыни пыққиниқылъханың. Ипаңұқ ұм нунам юги илямыхның акильпыганығмыхни, тукфїхтунығмыхни, пыққиниқатағақут ниғугмылнуғның югның. 9Уңипатамси, нунамылнуқ акльюңиси каюситусиқитыху югнун илякумтәңлъясїлюку льпысинун. Тәхкын тукукуфси акльюңиси унильықаси, ынкәм упугатылғыңылғықуси кынлыңилнуғнун ныкаққанун. 10Кина алңунак атәсїғмыскуми сяхқасқуғағминун, атәсїғмылғықуқлю сяхқалғутминун. Кина алңунак ипапїхқигалькуми сяхқасқуғағминун, ипапїхқынғанғитуқлю сяхқалғутминун. 11Атәсїғмысимаңилькуфси атуқақнафсики акльюңит нунамылнұт, китумңам ныгыюкулғықаки льпысинун акльюңипїғыт? 12Ынкәм атәсїғмысимаңилькуфси килью пиңитнун, китумңам тўныльықїси льпыси пїхпысиның? 13Қыпшақтым қыпхәнғанғитәк мәлгук умїлгык. Мәлгугығның умїлылгукуми угумикылғықә әльха, пиниқылғықә иляңа, налиғмың қаткылғықә әльха, сївакнәнғитә иляңа. Пиниқнәнғитахси қырңахкынка Кияғнығылью, манимлю».

Иисус Апыхтуғилгї Иляңаныңлю Сялғығның

14Фарисеит маниюныхпальют нагасямыхтыху тамәна қамахльюку, лыгасїғўәткыхкәт Иисус. 15Иўырңа Иисусым пикї: «Льпыси пиниҳсюгниңлъяғақуси югыт ысхәманғитни, иўырңа Кияғнығым лїсимақїси ипа натытулыси илюхпысигун. Сяңўәт югыт мыгнукуыхкїт сятңунғитут Кияғнығым ысхәманғани.

16Кияғнығым югнун тўныхкақї Лїлихтўсятлю, ўкналиқистытлю игақыхкїт атуқысқылғыюки кынляңа Иоанным Крестителым тагилъханун. Там киңуңаның Пинилгїт Уңипат Атаныхпагулъханың Кияғнығым аюқылгїт уңипақиңұт. Ынкәм қамахльютың югыт қывўтыпїхльютың итығнақуткыхлъякәт.

17Иўырңа пияқнағатағахтуқ иқитыльыхқә атәсїқ

тагнықшахақ Лїлихтүсяның, қиялыгтыю, нунамлыю авїғутылығхқахкының.

18 Китум алңунак пыхлыюку нулїни, альяның нулихтукуми гылдагнїхлыықуқ. Китумлыю алңунак тукукумигу пыхтыкақ ағнақ гылдагнїхлыықуқ».

Акльюңилнуқлыю, Юк Лазарылыю

19 Тәхкын Иисусым пикї: «Тәўаңуқ акльюңилнуқ юк пилюгуғналгї акитупихлығхїның атканың. Ахутаңа тамахан нықым акитутльхинаның нығақылгї сїптихлыягакльюни.

20-21 Тәўальюнуқ акльюмалгї юк атха Лазарь. Ахутаңа тамахан тагитақхкаңат акльюңилнұм мыңтығанун лыйкльюку ысльякльиғнығакун амихлыяган. Китумун нығыстысюпихтақсәлгї ифкақхлытығмың асиңанилнугмың



(От Луки 16:19)

қаюғвикган акльюңилнұм. Увиңа альқұағналгї укиқхлытығмың ынкәм қикмит тагилютын алюңрақақхкаңит. 22 Тахталми акльюмалгї юк тукукақ, ынкәм якулгыт агльяткәт Авраамым найнун. Акльюңилнуқлыю юк тукуян лыйфқәт. 23 Адыми акльюңилнуқ юк икфиқыхлыягуфтуқ. Құлмун ысхағьялгїми, уявахпанлыюкык ысхақақык Авраамылыю, Лазарылыю сьқұликулыютык. 24 Ынкәм акльюңилнуқ юк акилдұкақ: “Атәй, Авраам, наңлыгыягутықыхтиңа! Каяхтигу Лазарь, иғныңұәни ныпльюку мығмун улюка ныңлыкыхсәхтуқағлигу, қаюхлыяк кыңғым икфиқыстыхлыяғұәңа!” 25 Иўырңа Авраамым пика: “Иғнымни, нықамикан нунами кияхтәхулютын пинилгїмың пилгукәлгїтын, Лазарь пилгумалюку

сығлығмың. Иўырңа м̄атын итагнағилыңум̄ақ,
 льпык икфиқыхльягумалютын. ²⁶Т̄ам с̄яғўакун,
 акулымн̄ытуқ а̄ныпихльыҳ̄и ағвиғьяхльяк. Ынк̄ам
 укыхкын кина ағвиҳпағниңитук льпысинун, т̄ахкын
 кина ағвиҳпағниңитук х̄уаңкуньун”. ²⁷Акльюңилн̄ум
 югым пик̄а: “Нақам Ат̄ай, туңсиғвикахльякын,
 Лазарь каяхтаҳтигу атама мыңтығ̄анун, ²⁸қаоҳльяк
 талыматның аңлыгутылг̄уңа. Кылыңас̄яғьяхтуғлики
 л̄орақ тагинаюката х̄уавык икфиқфихльягмун!”
²⁹Иўырңа Авраамым пик̄а: “Игақуқит Моисейемлю,
 ўкналиқистытлю льңитнитут, л̄итивикнақанит”.
³⁰Акльюңилн̄ум югым пик̄а: “Нак̄ан, ат̄ай Авраам!
 Итупиль китум туқумасльйғның такуяқумики,
 авутықхыльютың сығлықынъаниғнаяхтут”. ³¹Иўырңа
 Авраамым пик̄а: “Л̄итфикумаңилькумыхтыки
 игақуқит Моисейемлю, ўкналиқистытлю, талўа
 ухпыхтысн̄ангит̄и туқумасльйғым уңувағлюни
 уңип̄аскумики”».

Сығлықхыльықлю, Сығывутилъықлю

17 ¹Иисусым малихс̄яхтыни пик̄и:
 «Сығлықхыстинақуткыльхыт қ̄унпың пияхқ̄агут.
 Иўырңа сығлығўағунақн̄уқ т̄ана сығлықхыстинақуткыл̄д̄и
 юғның. ²Т̄ам югым сығлықхыстыкагу нал̄ит
 мыкыст̄ах̄ат ухпықиңалд̄ит х̄уаңамның, итагнағнаяхтук
 югыт қ̄амқахфиклююку уйғахльягмың уяқх̄уакун
 мил̄юсқумыхтыху кыл̄ймун. ³Ынк̄ам кылыңалюси!
 Сығлықхыснақуткыхпынаки югыт.

Ухпық̄алгутын сығлықхыққан, ағь̄юғнакын. Ынк̄ам
 авутықхыльюни сығлықхыңъаниқан, сығывунъакын.
⁴Ат̄асими ағныңми мағрағвинлығның сығлытун
 пикаңатын, таг̄иғ̄атақанлю льпынун мағрағвинлығның
 х̄уатын пимағми: “Қивғукыпихтамкын сығлытун
 п̄иғ̄аталымның”, сығывутыпыст̄ағьяхқакан».

Ухпықилъық

⁵Апостолыт Атанық пик̄ат:
 «Ухпықилъыхтух̄тағақажут!» ⁶Атанғым пик̄и:
 «Ухпықилъылгуяқуфси горчицам п̄итутаңатун

аңқалдймың, уна смоковница уқфик хўатын пикуфсигу:
 “Акухтўмаҳпык йкльютын, пйсахтā кылййкун”,
 қātкынъаядйси».

Қыпшақтым Қыпшағьяхқā

7«Налихси қыпшақтылгуяқуми пйтысиғағвигми
 нунамун лйгўāхтымың, налиғмың пынййғмың
 афльыңакикаюгмың, утығниқан қыпшағвигминың
 пинаяхсигў: “Ыснывағахльютын, нығи”? 8Накā! Итупиль
 хўатын пилықан: “Ятāхқиғу нығьяхқāқа. Симихтұғлютын
 кыпсйқуңа нығьяхқамның, мығьяхқамның. Нынығмың
 тāқыхқума, нығумахпык, мығумахпык пилдāтын”.
 9Умйльғым игамсиқаюгвикнāнгитā қыпшақтыни қаюхльяк
 тāўарāғинақ қылыльхатун пйқылдй. 10Льпысылью
 таўатытуси. Апыдйғумакуфсики қамахльюки Кияғнығым
 қылдуткй, хўатын пилықуси: “Қыпшақтыңинāгукут;
 тāўарāғинақ қылдуткахйнāt пйқапут”».

Иисусым Нāльхускаңи Қуляғьягыт Проказалгыт

11Иисус Иерусалимымун пикаткыльюку, иглыхтыкақ
 акулыхкынкун Самариямлю, Галилеямлю.
 12Ныңйағмун кāтақуқлю, қуляғьягыт югыт проказалгыт
 нальякāt. Уявақāнльютың 13акилдўкат: «Иисус! Югунйқ!
 Наңлыгыгутахтикут!» 14Ысхағьямики пикй: «Агляхтык
 священнигынун ювдйғысқылъюси». Иглыхсималютың
 нāльхуткат, укмаңйткат проказамыхның. 15Тāхкын
 атāсим ысхағлюку нāльхутылъюни, Иисусымун
 утыхльюни, игляхтулюни усюқыхкā Кияғнық.
 16Иисусым итыгāн сивуңақун сыкыльюни нунамун
 игамсиқаюгвикыхкā. Юк тāна Самариягмйңуфтуқ.
 17Тāхкын Иисус пикақ: «Қуляңуяхтут нāльхутканка.
 Нāки стаманың иңлюлгыт югыт? 18Уна накумй, льңинаўā
 утыхльюни усюқияхтулдй Кияғнығмун?» 19Тāхкын
 Иисусым пикā: «Ныкывлютын иглыхтын, ухпықилъыхпык
 нāльхутыстāтын».

Кияғнығым Атаныхпагульхан Тагильха

20Иляңита Фарисейт āптыкāt Иисус қақун
 Атаныхпагульха Кияғнығым тагияхқāтаңа. Кймсиқй:

«Атаныхпагульха Кияғнығым тағиңуқ иўырңа югыт ысхағьяхқақынғитāt қаюхляк нальюниґусилңуқ.

21 Ынкām кина алңунак хўатын пинāнғитук: “Йи, хўантуқ!” налиғмың: “Ысха тазигна!” қаюхляк Атаныхпагульха Кияғнығым илюхпысинитук».

22 Тāхкын малихсяхтыни пикй: «Укыхкуни ағнығни тагилдйни хўаңамнисюхляхлғыкуси, Иғнығани Югым, ўаран атāсимун ағнығмун, иўырңа тāна ағнық ысхағнāнғитахси. 23 Югыт уңипālғықйси: “Йи, ысха тазигна Иғныға Югым!” налиғмың: “Йи, хўантуқ!” Иўырңа тақухпынаки, малихтыхпынаки. 24 Катам ниғухпагўтыльхым ниғухтыльхатун қиялга иңлюңаның ағавық иңлюңанун, таўатысяхқāгуқ Иғныға Югым утыңниқуми нунамун. 25 Иўырңа сивукльюни, Иғныға Югым углялдймың икфиқыпыстағьяхқāгуқ, ихсяксяхқāтлью мāтын кияхлғыхйт югыт. 26 Сивуңани утыңнильыхқāн Иғныған Югым, югыт кияхтāльхит таўатысяхқāгут югыт кияхтыльхистун тāгани ағнығни Ной кияхтыңзулюку. 27 Югыт нығакльютың, мығакльютың, ныңуғутақльютың, āнгутйқльютың пикāгут кынляңа Нойем ковчегымун итыльханун. Тāхкын улывыхляғым туқуқуқакй қамахтыңўāғлюки. 28 Югыт кияхтāльхит таўатысяхқāгут югыт кияхтыльхистун тāгани ағнығни Лот кияхтыңзулюку. Югыт нығакльютың, мығакльютың, тукфиғйқльютың, акикйқльютың, пйтысиғаақльютың, ныкыфтйқльютың пикāгут. 29 Иўырңа таўани ағнығми Лот агуляқсян Содомымың, қиягмың ыслъяльюгухтыкāгуқ кынығмыңлью, серамыңлью, ынкām туқуқуқакй қамахтыңўāғлюки.

30 Таўани ағнығми Иғныға Югым алйхтыкан, югыт кияхтāльхат алмысиқсяхқā югыт кияхтāлхистун сивуңани. 31 Тāм ағнығани, йок мыңтығам қайңанилңуқ укифқāми пилдāқ мыңтығами илюңанун сягьяқуналюни. Таўатыхпигақ пйтысиғағвигмылңуқ мыңтығаминун пифқāми пилдāқ. 32 Нықамикитыху сякāтаңа Лотым нулиха! 33 Ынкām китум алңунак пыхнығилькумигу уңувалыни Атанығмун, ифлььяхқā. Иўырңа китум алңунак пыхтыкумигу уңувалыни Атанығмун, уңувалыңыпйхлғықуқ. 34 Уңипāтамси, Иғныға Югым

тагикан, таўани унугми, мӓлгук қавӓльықук атӓсими қавағвигми. ̄Альха тугулъықӓ, иляңа уныхлъықӓ. 35 Мӓлгук ағнак қырңағмык кагимтилъықук зерномың. ̄Альха тугулъықӓ, иляңа уныхлъықӓ. 36 *Мӓлгук югык пӓтысиҗағвигмылъықук. ̄Альха тугулъықӓ, иляңа уныхлъықӓ.*

37 Малихсӓхтыт ӓптыкӓт: «Атанық, нани тамӓкут пияхқӓгӓут?»

Иисусым кӓмсиқӓй: «Нани алңунак кымыхкӓӓлгукан қӓӓӓхпагыт қырңуҳфикылъықӓт».

Иисусым Уңипағӓткыхкаңа Уғиңиғақлъю, Нанқихтисталъю

18 1 Тӓхкын Иисусым уңипағӓткӓй малихсӓхтыни апыхтуғналюки қӓнпың юғӓсқылъюки йльқаюфқӓйта. 2 Пикӓй: «Таӓаңуқ ныхлъӓгми нанқихтиста алиңигалңуқ Кияғнығмың, асистӓғақыхкаңилью югыт. 3 Тамӓнтыфтуқлъюнуқ ныхлъӓгми уғиңиғақ. Нанқихтиста аӓын такӓӓӓӓқыхкаңа хӓатын пӓқлъюку: “Нальхусӓятахтиңа аңуйиқылғӓймың хӓаңамнун!” 4 Нанқихтистым каюсӓсюнғитығңағмигу иӓӓрңа тахталми сӓюмыхтағақак: “Қайӓӓ аликигатығңамкун Кияғнық, асистӓғақығңамкилью югыт, 5 каюсӓнъақақа уғиңиғақ қаюхлъӓк қинуюхсимаңинағнақӓна. Каюсӓнъығилькумкун қинӓхнақӓна”».

6 Тӓхкын Атанғым нағнығуткӓй: «Лӓтивикитыху сығлығым нанқихтистым пильха. 7 Кияғнығым нальхусӓсяхқакӓй накмикыхкани юғалғӓт ағныхтӓмӓн, унухтӓмӓн. Кияғнық сӓюкаңисигатук кӓмсиғильығминун. 8 Уңипӓтамси, Кияғнығым нальхусӓтқахсӓяхқакӓй. Қайӓӓ Иғныға Югым утыңникуми, нунами нӓлькулъықӓ ухпықильылығмың?»

Иисусым Уңипағӓткыхкык Фарисейемлъю, Налогмыңлъю Қырңуҳтистылъю

9 Иисусым уналъю уңипағӓткыхкӓ югнун сӓюмығмыхни пиниғнилютың пилғӓнун, асистӓғӓйқлъютыңлъю пилғӓнун тамаңанун. 10 Пикӓй: «Мӓлгук югык Храмымун юғағяхтӓмалғӓк, атӓсиқ Фарисей, иляңа

налогмың қырнухтиста. ¹¹ Фарисей ныкывлюни лъңаның юғаткыхкақ: “Кияғнық, игамсиқаюгвикамкын иляңистун югыт аюқынғитуңа, ўаяғнйхтыңунғитуңа, Лйлихтўсяның нәфқйстыңунғитуңа, гылгағнйхтыңунғитуңа, талўа ўтун налогмың қырнухтистытун аюқынғитуңа. ¹² Неделями мālдугыгның постақуңа, альхығнығмалью қуляхқылъха тўнақақа”. ¹³ Иўырңа налогмың қырнухтиста, уяванльюни ныкывғағми талўа сивухтыхпынани қиягмун, нақам сякимани тыңлюгмигумйта пикақ: “Кияғнық, сығлыхқыстыңўңа. Наңлыгыгягутықахтиңа!”» ¹⁴ Тāхкын Исусым пикй: «Уңипāтамси, налогмың қырнухтиста ныминун агляқāгуқ нальхусялбыңлюни Кияғнығым ыльқугутңалъханун, накāн Фарисей. Қаюхльяк кина алңунак лъминың аңлислыхй ўкавахсяхқāгуқ, ынкāм кина алңунак лъминың ўкавахльыхй аңлистылбыңьяхқāгуқ».

Исусым Қуястықаци Тағнухāt

¹⁵ Тāхкын иляңита югыт талўа тағнухахатың тагиткйт Исусымун сйфльюки қуястысқылъюки. Тāўаңинақ малихсйхтыт ысхағьямыхтыки иныхтыкйт аңаюқйт тагитыфқйта писқылъюки. ¹⁶ Иўырңа Исусым тахсиғлюки тағнухāt, малихсйхтыни пикй: «Йықай тағнухāt тагилит хўаңамнун, ағулихтыфқйта, қаюхльяк Атаныхпагульха Кияғнығым тағнухағыстун аюқылғит пикāt. ¹⁷ Ипа уңипāтамси, китум алңунак тугукльинғилькумигу Атаныхпагульха Кияғнығым тағнухахтун, итыңнāнғитук».

Акльюңилнўм Югым Āпқугāльха

¹⁸ Иляңани пилығми иглығутистым Исус āптыкā: «Пинилғй Апыхтуғиста, натын сякума альхыхнаяхсиқун кынлыңилнўқ уңувальық?»

¹⁹ Исусым кймсиқā: «Сяңама пинилғйнунизиңа? Кияғныхйнāгуқ пинилғй, кина алңунак пининғитук. ²⁰ Лйсимакатын Лйлихтўсят: “Тылгағнйхпынаң, Юхтахпынаң, Тығлыхпынаң, Иқлтыңиқуткихпынаң, Қўлвағлюкык атанлью, нāнлью”».

21 Югым пика̄: «Аңлинх̄атымның има қаткыңъўанка т̄акут қамахлъюки Лїлих̄т̄усят».

22 Исусым нагасямигу пика̄: «Ат̄асиқ паниның пиях̄қақан. Қамахлъюки сяг̄ятын акикуг̄люки, акиңи уйых̄накытын аклъюмалг̄инун, ынк̄ам қилягми аклъюңилгулгыкутын. Т̄ахкын тагилютың малихтиңа».

23 Иўырңа югым нагалъюку йльқых̄лъякақ, қаюх̄лъяк аклъюңитыпих̄лъых̄й.

24 Исусым ысхапаглюку ильқылг̄й пикақ: «Пияқнапихтуқ аклъюңилнуг̄нун итылъых̄қат Атаных̄пагулъха Кияг̄ныңым! 25 Ипа пияк̄нйсях̄қагук̄ верблюдым сюфлъюгутылъых̄қ̄а сик̄ум ййңакун, аклъюңилн̄ум югым итылъых̄қ̄аның Атаных̄пагулъха Кияг̄ныңым».

26 Там̄акут нагалъх̄ит̄ аптык̄ат: «Кинаңам югулилгыңылгықа?»

27 Исусым к̄имсиқ̄й: «Югыт пиях̄қақынгилькаңит, Кияг̄ныңым пиях̄қақ̄й».

28 Т̄ахкын Петырым пика̄: «Йи! Унилъюки ныпут, малихтамкын».

29 Исусым пик̄й: «Ипа уңип̄атамси, китум алңунак унискумигу ныни, нул̄ини, аңлыгутыни, аңаюқағни, авақутани апалъюқлъюку Атаных̄пагулъха Кияг̄ныңым, 30 х̄ўани киях̄т̄альгыгми альхыгутых̄лъяг̄ьях̄қ̄агук̄. Ынк̄амлъю қилягми кынлыңилнуг̄мың уңувалгыңылгықуқ».

Исусым Пиңайткун Акузиткыльят̄ақана Туқулгых̄қани

31 Т̄ахкын Исусым аўйтутах̄лъюки қуля м̄алгук̄ с̄ипнықлъюку малихс̄ях̄тыни пик̄й: «Нагатах̄тык! Иерусалимымун пинакукут. Ұкналиқистыт игақульх̄ит Иғнығаның Югым аюқылг̄йт қамахлъютың апыг̄йғнақн̄ўт.

32 Иерусалимыми Иудейт иглыгутистыңита тугулюку т̄ұнылъықат̄ язычнигнун. Ынк̄ам лыгасйг̄ўаткыльықат̄, кайңус̄якыльықат̄, қысиқулгықат̄, 33 кахс̄ягмих̄лъықат̄лъю. Т̄ахкын туқулгықат̄, иўырңа пиңайт̄аңани ағныңым уңувах̄лъықуқ уңувалгыг̄мун». 34 Иўырңа малихс̄ях̄тыңита л̄игикыпағниңитк̄ат̄ қаюх̄лъяк с̄ямың

пилъха хўатыхльюўагунгилңуқ лъңитни. Налъюкыхкāt сяңўа акузиткақутаңа.

Иисусым Ысхāсягутыстыкаңа Аякақ Туңсиграхта

³⁵Иисус кāсяхтуғақуқлью Иерихонымун, аякақ йок ақумгафтуқ тумыт сьғўитни, туңсигралғй.

³⁶Юлғутыхльягыт нағуҳқальхйт нагасямики, āпқуғāқақ сяңўа сьқутаңа. ³⁷Уңипātкāt: «Иисус Назаретығмй нағуҳтақуқ».

³⁸Аякақ йок акилғўақ: «Иисус, Иғныға Давидым! Наңлыгыгьгутахтиңа!» ³⁹Тамāкут сивульхālғит иныхтыкāt ныпйғысқыльюку. Иўырңа игляхтāғальюни акилғўақ: «Иғныға Давидым, наңлыгыгьгутахтиңа!»

⁴⁰Иисусым ағулиңлюни тагитыстыкā, туғāғьятни āптыкā: ⁴¹«Сямың сьсқыльютын пйқсин?»

Кймсиқā: «Атанық, ысхāсягусюхтуңа».

⁴²Иисусым пикā: «Ысхāсягутын! Ухпықильыхпык нālьхутāтын».

⁴³Таўаниңинақ ысхāсягульюни малихтыкā, усюкумāн Кияғнық. Қамахльютың юлғутыхльягыт ысхāғьямыхтыху лъңиталью усюқыхкāt Кияғнық.

Иисусынкук, Закхейенкук

19 ¹Иисус кālьюни Иерихонымун акулңакун иглыхтыкā.

²Таўаңуқ умйлгат налогмың қырңуҳтиста, āтха Закхей, акльюңилңуқ. ³Ысхāғьюкā налїтаңа Иисус, иўырңа амсякахтахātминың ысхāмаңилькаңа қаюхльяк юхтупихльыхй. ⁴Ынкāм ақфātкақ сивутхульюки юлғутыт, тāхкын маюқā смоковница уқфик ысхāғналюку Иисус қаюхльяк тākўагун нағуҳнақылғй. ⁵Иисус кālьюни уқфигмун, сивухфикльюку пикā: «Закхей, ыгмйнақ укиги қаюхльяк ағныңми хўани лыпысинитыпыстāғнақңуңа».

⁶Укигахльюни, лъмыхнун Иисус агляльюку қуякыпихльюку упуғаткā. ⁷Юлғутыт ысхāпаглюку қамахльютың акузимлығātкыхкāt: «Сьғлыхқыстымун ага ақылтьқāяхтухтуқ!»

⁸Иўырңа Закхейем ныкывлюни Атанық пикā: «Атанық, авыхльюку акльюңика тўнақақа акльюмалғйнун. Ынкāм пўхсимакумкун кина ыстамахқыльюку выгульыққа».

⁹Иисусым пикā: «Ағныңми хўани, ўм юғым ухпықыхкақутминың Кияғның, льңа киңунқāхтыпйгā Авраамым. Ынкāм Кияғныңым югулй мыңтығами хўани кияхлтыхйт. ¹⁰Иғныңа Юғым тагикāгуқ ивагиналюни ифляжаның югулиналюки».

Иисусым Уңипағаткыхкәңи Золотат Монетат

¹¹Юғыт нагатңукаңат Иисус. Сюмығмыхни кāскуми Иерусалимымун Атаныхпагульхә Кияғныңым пйнлиғахнақнилюку пикāt. Ынкāм лйгикысқыльюки Иисусым уңипағаткй. ¹²Пикй: «Аңўақ йок агуляқумалдй уяванун нунамун умйлгухналюни, апығйкуми утығниғьяхқālюни. ¹³Агуляқфагилгами тахсихтығлюки қуля қыпхәқтыни тунқуқй золотамың монетамың. Пикй: “Кынляңа утығнилъымнун тукфиғисикитыкилью, акильпыгāсикитыкилью нулястысқыльюку маника”. ¹⁴Иўырңа нуналғутаңита угумикыхкаңат, ынкāм агуляқсян каяхтыкйт юғыт умйлыхпиғағмун хўатын пискыльюку: “Тана йок умйлькысюнғитахпут”.

¹⁵Иўырңа Умйлыхпигāм аңўақ йок умйлгухтыстыкā. Утығниғлюни нунамунун тахсиқльйқй қыпхәхтыт манилиткани лйгикналюки натын аңкāн альхығусиматаңи.

¹⁶Сивулйм тагилюни пикā: “Атанық, тāхкын тагивақәпының альхыхсимāнка қуляғьягыт золотат монетат”. ¹⁷Умйлғым пикā: “Сығлыхалық, пинилғйңўтын қыпхәхта! Атāсиймытутыхпының сясқуҳағмун, иглығутистыңльяғнақамкын қуляғьягнун ныхльягнун”. ¹⁸Тўңлихāн қыпхәхтым тагилюни пикā: “Атанық, тāхкын тагивақәпының альхыхсимāнка тальматгьягыт золотат монетат”. ¹⁹Умйлғым пикā: “Лпык иглығунъақатын тальмат ныхльягыт”. ²⁰Тāхкын пиңаят қыпхәхтыт тагилюни пикā: “Атанық, аң, золото монетан, какыхльюгйтакун ймгульюку йқақақа. ²¹Аликамын āхсяхқāнгитутыхпының. Тугуткаюгўтын лпык пикынғилькыхпының, сягнакаюгўтынлью пйтысиғақакыңгилькыхпының”. ²²Умйлғым пикā: “Уюқ, сығлық қыпхәхта. Акузитытын лпынун нанқихтусиқнақанка.

Лйсимакаҳпыңа аҳсяҳқәнғилнүғуңа. Тугуткаюғуңа хўаңа пикынғилъкымның, унатақаюғуңалью пйтистыкақынғилъкымның. ²³Сяңанңам маника канаҳнаниҳсигу снамун? Утығнилъымни выҳнаяғака альхығнылиғлюку”. ²⁴Тәхкын ныкывғальхйт таўани, пикй: “Тугулюку лъңаның золото монета тўнитыхў қыпхаҳтымун қуляғьяк монеталығмун”. ²⁵Пикāt: “Атанық, сйңынлью қуляғьяк монеталгўк!” ²⁶Умйлғым пикй: “Уңипāтамси, тамаҳағми сямың альхығуткақ тўныхкамның тўнатағағьяҳқāгук. Иўырңа тāна альхығутыльхилнук, талўа сялгугнән лъңаның иқилъқыйт. ²⁷Тәхкын умйлык пикақ, Нāки тамāкут аңуягынка умйлгутысюнғилнүт хўаңамнун? Тагилъюки хўавык туқуқуҳтыки манумни!”»

Умйлгулюни Исус Тагилгй Иерусалимымун

²⁸Уңипағанығмың апығйғьями Исусым сивульхāқй Иерусалимымун. ²⁹Тугāғақālью Виффагиянук, Вифанияннук, Елеоным найғаҳанилнүк, мālгук малихсйхтығни каяхтыкакык сивульхāқыстйскылъюкык. ³⁰Пикакык: «Тазиңавык нымун агляхтык, йтхуткылъюку ысҳаҳлықахтык осёлағақ пытуғналдй; китум алңунак иглығусикигалькаңа. Итымультюку тагинъакыси. ³¹Китум āптыкаңистык: “Сяңан итымутыстыху?” Хўатын кймсиғнāкыхси: “Атанғым атуқсюгā”».

³²Тәхкын агуляқлыютык ысхātкат Исусым апыльхатун аюқлыюку. ³³Итымусималюку осёлағақ югита āптыкахкыт: «Сяңан осёлағақ итымутыстыху?» ³⁴Кймсиқāt: «Атанғым атуқсюгā». ³⁵Ынкām Исусымун тагилъюку, қасльимыхның тыфқуғвиклъюку осёлағақ, тәхкын Исус ақумыстыкāt қайнақун. ³⁶Иглыҳсян, югыт қасльитың сйхқуқйт тўмкаҳқāкун. ³⁷Иерусалимымун кāsйхтуғлюни, кāтақālью укигьяғақ тумынилнук Елеоным найғаҳаның, йңунағмың малихсйхтылгутыхльяги қятыхльягухтыкат. Иглыхтупихльютыңлью усюқыхкāt Кияғнық Исусым альйāхльюхўахтилъыхльяғаның ысҳапакамыхның. ³⁸Пикат:

«Кияғнығым қуясльигу Умйлык тагилгй āтҳакун
Атанғым!

Ныкыхмылтық қиялғми, усюқнаҳалыклью Кияғнық
 ұсқалықпигағмылңуқ!»

39 Тәхкын иляңи Фарисеит юлғутнилңұт пикәт:

«Апыхтуғиста, малихсәхтытын ныпйғысқики».

40 Иисусым пикй: «Уңипәтамси, ныпйғнаяқата, уйғагыт
 акилцұхльяғнаяхтут».

Иисусым Қиякыхқаңа Иерусалим

41 Иисус кәсәхтуғлюни Иерусалимымун,
 ысқағьямигу қиякыхкә. 42 Пикә: «Хұә мәтын
 лйсимакыхкынтуқ сяңутаңа акльюкыхқан
 кияхтысқылтыютын ныкыхмылтығми! Иўырңа
 мәтын лйгикыпағниңитан. 43 Ағнығыт кәнбақңұт
 аңуяхпык амиғйритағвиңльяхльықәтын узимун.
 Ағулиҳнақңұәт иглығалық итығмунлью, әнмунлью,
 қаңльюльықәтынлью узимун. 44 Нафқылтықәтын,
 туқуқухльықитлью юхтын миңльютыхпык илюңанилңұт,
 талұа атәсиқ уйғак нымининьәңгитуқ. Тамәкут
 қамахльютың пияхқәгут қаюхльык лйгикынңилькын
 Кияғнығым югулияхтуқақсақанатын!»

Иисус Храмымун Пилцй

45 Тәхкын Иисус йтҳақңами Храмымун,
 югыт тукфихтулцйтлью, акильпыгалцйтлью
 сякшитутыпихльюки ыслъятмун әнысқуқй. 46 Уңипәткй:
 «Игақңақ Акузитни Игақыхкани Кияғнық пикәгуқ:
 “Мыңтығақа юғағвигұқ югнун”, иўырңа лыпыси
 йғағвиңльяғаҳси тыглыгнйхтынун!»

47 Ахутаңа тамаҳән, Иисус апыхтуғикақ Храмыми.
 Первосвященнигытлью, апыхтуғикаюгытлью
 Лйлихтүсяның, иглыгутистыңиталью югыт
 ағиткыңбуқаңат натын тукутыльықхамың. 48 Иўырңа
 тукутыпағниңиткәт қаюхльык юлгутыхльыгыт
 қаңльюлюку нагатңұагутңуқаңит апыхтүсй.

Иглыгутистыт Әпқуғәқаңат Иисус

20 1 Атәсими ағнығми, Храмыми, Иисус
 апыхтуғималюку югнун, уңипакималюкулью
 Пинилцйның Уңипаның, первосвященнигытлью,

апыхтуғикаюгытлю Лйлихтүсяның, сйванлтыкульютың таукат. ²Пикат: «Уңипатикут китум қылыхтатын таўатын пискылъютын, налиғмың китум қылылхакун таўатын пиңузин?»

³Кймсиқй: «Хўаңалъю аптахлъямси. Уңипатахтыңъа, ⁴Иоанним крестиғагильха Кияғныңмың пиңўә, налиғмың юғның?»

⁵Лъмыхның акузимгуткылюку, пикат: «Сямың пинақыста? Кймсиқумтыху Кияғныңмың пиңунилюку, хўатын пилъықйлъю: “Сяңанми ухпықынғитыстыху Иоанн?” ⁶Иўырңа: “Юғның пиңуникумтыху”, қамахлъютың югыт милюхпагатахлъықйлъю, қаюхлъяк ухпықнуқаңат Иоанн ўкналиқистыңунилюку». ⁷Ынкәм кймсиқат налъюкнилюку накын пиңутаңа.

⁸Иисусым пикй: «Хўаңалъю уңипанъангитамси китумың қылылтыңхкәтка тамавык пикамнун».

Иисусым Уңипагәткыхкәңи Сығлығт Афльыңакистыңи Пйтысиғағвигым

⁹Тәхкын Иисусым югыт уңипагәткй: «Юк пйтысиғағвигмини виноградымың пйтысиғамалғй. Навгильюку афльыңакистынун тәхкын иляңанун нунам ағуляқльюни мулўохлъякақ. ¹⁰Виноградыт сягнаяхқәхсята, қыпхәхта кывгақыхкә афльыңакистынун ныңини ақфасқылъюки. Иўырңа афльыңакистыт қывўтйғлюку ағуляқыстыкәт аваңунән. ¹¹Иляңа қыпхәхта кывгақыхкә, лъңалъю қывутйғлюку, кайңусякльюку ағуляқыстыкәт аваңунән. ¹²Ынкәм пиңаййтаңат қыпхәхта кывгақыхкә, тәна кйтикулюку ыслъятмун милўоткәт. ¹³Тәхкын виноградым пйтысиғағвиган юга пикақ: “Сянақсиңа? Кывғақнақақа хўаңа катам пиниқыхкақа игнықа, лўорақ сйвакнаюкатху”. ¹⁴Иўырңа афльыңакистыт ысҳағьямыхтыху пикат: “Уна пагитияхқәгуқ хўакын пйтысиғағвигмың, тукутылтыху ынкәм пйтысиғағвик хўаңкута пилйльықәхпут”. ¹⁵Аныслъюку пйтысиғағвигмың туқуткәт». Тәхкын Иисусым аптыкй: «Пйтысиғағвилгым сялъықакыңам тәкут афльыңакистыт? ¹⁶Тагилюни туқуқухлъықй, ынкәм пйтысиғағвини тўнылтықә иляңитнун». Нагасямыхтыху


таўатын пилг̃и, пик̃ат:
 «Кияғныңым таўатылыюку
 апығйхтыснығилъигу!»
 17 Иўырҗа ысх̃амакҗағлюки
 аҗптыкй: «Уна Акузин
 Игақыхкақ сямың писй̃а?»

“Уйҗак

мыңтығаңлъяхтыт
 ихсякыхк̃ат,

мыгнуналъықпиг̃ахтык̃агук̃ уйҗак”.

18 Тамахағми иқулг̃и т̃ахун уйҗакун кагимьяхқ̃агук̃.
 Иўырҗа уйҗағым улъығвикыхкумигу кина кагимқылъық̃а
 пагуляңулюку».



(От Луки 20:17)

Апқуғалъық Налогмың

19 Апыхтуғикаюгытл̃ю Лйлихт̃усяның,
 первосвященнигытл̃ю лйгикыхк̃ат Исусымун
 лъмың акузиткыңбунилютың уңипағ̃атмикун. Ынк̃ам
 таўаниңинақ тугуюк̃ат иўырҗа аликихк̃ит югыт
 сығлылйхқинаюката. 20 Ынк̃ам йскухтыңъ̃ақ̃ат Исус
 қаюхлъяк т̃уньюкаңат Римым правительҗанун,
 лъңанун нанқихтысқылъюку. Там̃акын апалъюқл̃юку
 каяхтык̃ит рйрҗистыт нагатысқылъюку Исус.
 Ипапихқысиғ̃уағлюки анахутыснакуткысқылъюку
 Исус акузильхақун. 21 Такут рйрҗистыт
 пик̃ат: «Апыхтуғиста, х̃уаңкута лйсимакамкын
 акузильыхтынл̃ю, апыхтуғилъыхтынл̃ю ипаңут.
 Атуның̃уақ пикаюг̃утын югнун, апыхтуғақатынл̃ю
 ипалъығмың Кияғныңым пиюкылъханың аюқылг̃иың.
 22 Уңип̃атахтикут, Кияғныңым Лйлихт̃усяни
 ыльқугутң̃а лъивикилъыхқахпут налогмың Кесарымун?
 Лъивикилът̃аа налиғмың пингитылът̃а?»

23 Иўырҗа Исусым лйсимакахк̃аңи пыхқиниқылъхит
 ынк̃ам пик̃и: 24 «Кылгувикитың̃а монетамың. Китум
 хин̃алъю, а̃тхалъю монетамыта?»

Кймсиқ̃ат: «Кесарым».

25 Пик̃и: «Т̃унитыки Кесарымун там̃акут Кесарым пиңи,
 ынк̃ам т̃унитыки Кияғныңмун там̃акут Кияғныңым
 пиңи».

26 Ынкām рйрңистыт Иисус акузильхақун анахутыстыпагниңиткāt югыт сивуңитни. Сяғйғаягульюки кймсйтаңи, қалъыгнаниқат.

Апқуғалық Туқукат Уңувахтыльхитның

27 Тāхкын иляңи Саддукеит тагикат Иисусымун. Лъңита ухпықнукаңит туқукат уңувахъяхқāңингилюки. 28 Пикāt: «Апыхтуғиста, Лйлихтўсямнъи Моисейем игақыхқақā хўатын, югым аңлыгутаңа нулихтуғлюни туқумакан авақутихпынани, аңлыгутаңан тугуяхқақā нулихқысяқаңа авақутиньялюку аңлыгутни туқукақ. 29 Таўаңуқ мāграғвинлык югыт аңлыгуткульхйт. Нуйыктық нулихтуғлюни туқукақ авақутихпынани. 30 Тўңлихāн тугулюку угиниғақ, лъңалью туқукақ. 31 Пиңаййтаңиталью тугулюку, лъңалью туқукақ. Қынўат қамахлыютың мāграғвинлыгыягыт аңлыгуткульхйт туқуляғātкат авақутихпынатың. 32 Киңулйлюни ағнақ туқукақ. 33 Қамахлыютыңқун мāграғвинлыгыягыт нулихулюку тугукақыхқаңат. Ынкāнам китум нулихқыльықагу ағнақ туқукат уңувахтўската?»

34 Иисусым пикй: «Кияхтāлыцми мātын югыт нулихтуғақут, ағнат āңггутақйт. 35 Иўырңа тамāкут Кияғныңым итагнақыхкй туқульыцмың уңувахтўсяхқāгут, кияхтықутлью нутағами нунами, тугутунъāңгитут. 36 Таўани уңувальыцми яқулгыстун аюқсяхқāгут туқунāңгитут. Авақутақй Кияғныңым, қаюхтыяк туқульыцмың уңувахтыкāгут. 37 Хўатыхтылюўāқ Моисейем ипапихқыхқақй туқукат уңувахсяхқāнилюки. Игатхун игақақңамигу укфильыгақ кумағутңалгй хўатын пикāгуқ, Атанық “Кияғныңқā Авраамым, Кияғныңқā Исаакым, Кияғныңқā Иаковым”. 38 Лъңа Кияғныңқāt уңувалгйт, қаюхтыяк лъңани қамахлыютың паниның уңувалгйңўт. Лъңа Кияғныңыңгитāt туқукат».

39 Иляңита апыхтуғикаюгыт Лйлихтўсяның пикāt: «Апыхтуғиста, кймсиғлятақўātын». 40 Тāхкын тытугыягуткāt апқуғанығмың.

Апқуғалық Христосымың

41 Тāхкын Иисусым аптыкй: «Сяңанми югыт Христос игныңкнйқатху Давидымун? 42 Игāни Псалмым Давид пикālгй:

“Атанғым Кияғнығым пикақā Атанқа,
 Ақуми ағынқиғнымкун,
 43 кынляңа аңуяхтын асиңйтылымнун итыгаҳпык”.
 44 Давидым туқлыюқā “Атанығмың” ынкāм натынми
 иңнықылбықағу?»

**Иисусым Кылыңасйғусқаңи
 Апыхтуғикаюғыт Лйлихтўсяның**

45 Югыт лыңанун нагатусималюки, Иисусым
 малихсйхтыни пикй: 46 «Кылыңалюси апыхтуғикаюғның
 Лйлихтўсяның. Иглыхсюныхтўт āльютың
 ақухтуқамың атқуйғмың, акильпыгағвигнилю
 қуякысюақут āңўағұхтыкāлютың. Синагоганилю
 нықынғаҳқылйнилю ақумьюныхтўт āңўағұхтыкат
 ақумутйхун. 47 Ысхағлятақулюки уғиңағат
 мыңтығйғақйт. Тāхкын пиниңнилютың пискыльютың
 тāкльюку юғадақут. Тамāкын апальюқльюку ағь
 йльыңыхльягьяҳқāгут!»

Уғиңағам Тунусй

21 1 Иисус Храмымысималюни, ысхапакй
 акльюңилнўт
 тунусямыхның
 манилғутағнун
 канахтилғйт. 2 Тāхкын
 ысхапакā акльюмалй
 уғиңағак манилғутағнун
 канахтилй мālгугығның
 монетаңйхāғның. 3 Иисусым
 пикй: «Ипа уңипāтамси,
 уна акльюмалй уғиңағак
 канахтиңўқ угляғатағалюку
 тамāкуның акльюңилнўғның.
 4 Тамāкут тунқўгут
 акльюңихльягмыхның,
 иўырңа уғиңағам
 акльюмаҳльягмини
 қамахльюку тўнā
 кияғусихқақсықыни».



(От Луки 21:2)

Нәфқылтыхқә Храмым

⁵Иляңита малихсәхтыңан акузиткыхкәт Храм. Пиниғьягуткит пиниғнахлягыт уйғагыт, тунусятлью тўныхкәт Кияғнығмун пиниғнахсәсиқыхкит Храмымун. Иўырңа Иисусым пикй: ⁶«Тамәкут ысхақтығаси, пильыхқак кәсәхқәгуқ талўа атәсиқ уйғак таўанлыңуқ нымининьангитуқ, қамахльютың улыхқуғьяхқәгут».

Сығлылйльхытлью, Амьюқытәткыльхытлью

⁷Иляңита малихсәхтыңан әптыкәт: «Апыхтуғиста, қакун тамәкут пияхқәўат? Сяңултықа лйсимакусихқәхпут тамәкут пияхқәхтыкәтә?»

⁸Кймсиқы: «Кылыңатык, пўхтыстыхпынаси, қаюхляк угляк тагинақнўқ әтқа атуқльюку хўатын пимағмың: “Хўаңа Христосыңўңа!” пйқылтыкутлью: “Пильыхқак кәтуқ!” Иўырңа малихсәқунаки. ⁹Какавыхпынаси нагақуқфсики нунат пильюгутнўнилюки, нуналгуткульхйтлью пильюгутнўнилюки. Сивукльюни тамәна пияхқапыстәгуқ, иўырңа таўаниңинақ иқухтылтық пинәнгитуқ».

¹⁰Тәхкын пикй: «Нунат пильюгултыкут, атаныхпагульхытлью пильюгутулыкут. ¹¹Нани алңунак нунат увылыхтахляхлыкут, нықаңисяхляхлыкут, альыгвикикаюгытлью ақниғныгыт пильыкут. Югыт ысхахлықыт сяңўәт қияягами, какавәтағналғит, альяхльюхўагыгналғитлью. ¹²Иўырңа қамахльюки тамәкут пистыхпынаки, тугулюси амьюқытәткыльтықыси. Синагоганун агляльюси нанқихлытықыси ынкәм анусимиңляхлытықыси. Агляльтықыси умйлыгнунлью правителынунлью нанқихтысқылтыюси хўаңа апальюқльюңа. ¹³Тәна пильыхқакәхси уңипақысқылтыюңа хўаңа. ¹⁴Ынкәңам сюмыхтағәткыкыстахпынән сямың пильыхқакәхси. ¹⁵Хўаңа акузиткаққалилықамси, пыхқинылтылылықамсылтью рыпаль аңуяхпыси кипульхинәхпағниңитит акузилтыси налиғмың тымңиңунинәнгитит. ¹⁶Талўа аңаюқәхпыси, аңлыгутыхпыси, илякўәхпыси, илякумтәхпыси увыхпагултықыси иглыгутистынун, ынкәм иляси

тукулъықйт. ¹⁷Хўаңа апалъюқлъюңа тамахағми югым угумикыраҳлъықйси. ¹⁸Иўырңа нәсқухпысиның атәсиқ нуяқ ифлъянәнғитук. ¹⁹Ухпықилъыси айыпсюгитыстыкуфсики альхыхлъықаҳси уңувалъыҳси».

Иисусым Акузиткыхкаңа Иерусалимым Нәфқылъыққә

²⁰«Таўани ысхақуфсигу Иерусалим каңлъюкаңат пильюўахтыт, таўа лйсимакылъықаҳси қантағақун нәфқылъыққә. ²¹Тәхкын Иудеямылңұт анағниҳәт нәйғанун, Иерусалимымылңұтлъю агуляқылғат, ыслътәнилңұтлъю итыфқамың пилғат. ²²Қаюхлъяк тамәкуни ағныңни Кияғныңым ағыўхлъықй Иудеит. Ынкәм ўкналиқистыт игақуқйт тәкуның ағныңның қамахлъютың апығйхлъықут. ²³Сығлығўағунақңұт қумилгытлъю, мамахталгытлъю анағниғнақуткыльыққйт. Сығлылйхлъягым кәнбақңўә Израилым нунаңа қаюхлъяк Кияғныңым ағыўгнақңўй юги. ²⁴Иляңи тукулъықйт сывихпахқун, иляңи тугулюки агуляқулъықйт тамаңанун нунанун. Ынкәм язычнигыт каялъқылъықатлъю, иглығулъықатлъю Иерусалим, кынляңа пильыққат кынлытхұтылъханун».

Тагилъыққә Иғныңан Югым

²⁵«Тәкўаниңани сяңўат алиңрўғналғйт пильықут сиқиныққун, танқикун, иғалықытәхтыхун. Нунами, нунатаҳани тамаҳани югыт алиңрўхлъяхлъықутлъю, кукшагьюхлъықутлъю сяңами кылғы қалъяхтылъықлъяғаныңлъю қағиңухтылъықлъяғаныңлъю. ²⁶Югыт ысхақумыхтыки ахтуғьяққәнғилъықит қияғами қапшаққылъықит иглығныңмыхның, тыгылъығитукыхлъяхлъықат сяқутаңа нуна. Ынкәм алиңрўғым туқурәхлъықут. ²⁷Тәхкын ысхақлъықат Иғныңа Югым тагилдй қияғўаққун ахтуғьяққәнғилъылиқлюнилью, ниғухқылъылихлъяглюнилью. ²⁸Тамәна таўатын пикыстақан, ныкывлюси сивухлъықәси, қаюхлъяк югулилъыңьяхтуңыстахтуси».

Уқфига Смоквам Лйтусиққак

²⁹Тәхкын Иисусым уңипағаткй: «Ысхақахтыху смоквам уқфига, қамахлъюкилью уқфилдутыт. ³⁰Ысханыхпысики

кукуңаңыкыстанғата, лїсимакақақси кїгьяхтулғї.
 31 Таўатықпигақ қамахтыңўағлюки а́пқанка ысқақуфсики,
 лїсимакылтықақси Атанықпагульға Кияғныңым
 кәсяхтуысталғї. 32 Ипа уңипатамси, мәтын уңувалғїт
 туқуляғатыстыхпынаки қамахльютың тамәкут пияхқагут.
 33 Қилягылью, нунамлью авїғусяққагук, иўырңа хўаңа
 акузитынка авїғунъанғитут».

Кылыңалтыққақ

34 «Кылыңалюси, ахсяқпәхтыхпынаси нықынғаққымбың,
 мығұтылығмың, налиғмың сюмығъялихпынаси нунам
 пиңаның. Таўатын пикуфси тәм ағныңым кәтқағнаюкаңиси
 нәплтықйстун. 35 Тәна Ағнық кәсяққагук йңунаханун югнун
 нунамылңуғнун. 36 Ынкәм кылыңатық қўнпың! Юғақтық
 анагьяқлыгысқыльюки тамәкут қамахльюки пиката,
 ныкывьяқлыгысқыльюси сивуңакун Йғныңан Югым».

37 Ахутаңа тамахан Исус апыхтуғйқылғй Храмыми,
 иўырңа анығмини унугми Елеоным найғаханитақылғи.
 38 Унәңулюку югыт қамахльютың агляхтұтақылғйт
 Храмымун нағаньалюку.

Туқусюкаңат Исус

22 1 Кәсяхтұңулғй «Нықынғаққылтыға
 Закваскалімаңилңұм Нықыкшаңльям»,
 атильқылғй Пасхамың. 2 Первосвященнигытлью,
 апыхтуғикаюгытлью Лїлихтўсяның ағгиткыңбукаңат
 натын туқутылытыққамың Исус. Иўырңа ағгиткылытың
 лїсимакысюңгилькаңит югнун қаюхляк алиңылғйт
 сығлылйқйхльягнаюката.

Иудам Аңыққумақыққаңа Исус Увықпагуньалюку

3 Тәхкын Туғнығәм йтқә Иуда Искариот, илятңалғй
 қуля мәлғук сйпнықльюку малихсяқтыңун. 4 Ынкәм
 алыққуғьяхтуқй первосвященнигытлью, умйлўағитлью
 Храмым кылыңакистыңита натын увықпагуньалюку
 Исус лъңитнун. 5 Таўатын пинақылтыханың қуякат ынкәм
 акықықкәт манилилтықнилюку. 6 Иудам итагнақльюки
 увықпагутилтыққаңақуткыққақ Исусымың, иўырңа
 юхтуқами пиюгумаңилькаңа.

Иисусым Малихсәхтыкык Ятәхқылгәйк Пасхамун

7 Ағнық кәтқақ Нықынғақылтыхқәнун
Закваскалймаңилнұм Нықыкшаңлъям. Таўани
ағнықми тамағағмың ныңлыюгутыт тукутйғақылгәйт
пынййғағағмың Пасхамун. 8 Ынкәм Иисусым пики
Петырылью, Иоаннылью: «Ятәхқысыхтухтыху Пасхам
нықыкахқә нығұнъялюта».

9 Аптыкәк: «Нани ятәхқыстысюхсигу?»

10 Кймсиқақык: «Нагатахтык! Йтқуфтык ныхльягмун,
югым нальяхльықйси тугумйлгүк мылгутагның.
Малигнакыси мыңтығамун йтқан, 11 ынкәм
мыңтығам юга пинакыси: “Апыхтуғистым әптәтын,
малихсәхтыкульхйни натуңәўа нығвихкахпут Пасхамун?”
12 Тәхкын майлбықйси қымтамун нунатуқамың нылык,
нығұтылтыхқамун атухқуақ. Таўани ятәхқилгәтык».

13 Агляглютык пиялгймык сяңўә қамахльюни Иисусым
апылхатун аюқыхқақ, ынкәм ятәхқыхкәт Пасхам
нықыкахқә.

Атанғым Нығыстильха

14 Нығвихқақ кәсян Иисусылью, апостолынилью
ихасихқұткат нығналютың. 15 Пикй:

«Нығылгуткысюпихтамси Пасхам нықңаның
сивутхульюку икфиқылтыхқақа! 16 Уңипәтамси, алья
нығьяхқақынғитақа тәна кынляңа Атаныхпагульығмини
Кияғнығым апығйқагу успықылгыни Пасхамун».

17 Тәхкын тугулюку қаюсиқ, игамсиқаюгвикльюку
Кияғнық, пикақ: «Тугулюку қаюсиқ мығвикәтахтыху.
18 Уңипәтамси, хўакын кынлыкльюку мығнәнғитақа вино
кынляңа Атаныхпагульха Кияғнығым кәтыльханун».

19 Тәхкын тугулюку нықыкшаңлъяқ,
игамсиқаюгвикльюку Кияғнық, әвгүдлюку тунқуқй,
хўатын пимйта: «Уна югусиқақа тўныхкыхка лыпыси
апальюқльюси. Нығақитыху нықамикусйлюку
хўаңамнун». 20 Нынығмың тәқсямың таўатыхпигақ
тўныхкй қаюсимылнұғмың виномың, хўатын пимйта:
«Уна қаюсиқ Кияғнығым нутағәгуқ ақықуся әмкун,
кўывлгй лыпыси апальюқльюси».

21 Иўырҗа нагатык! Увыҳпагутистыка хўантуқ,
нығылгусигақана! 22 Кияғнығым таўатын успықылъқә
Иғныған Юғым туқулъыхқә. Иўырҗа сығлығўағунақнўқ
тәна юк увыхпагутияхқак лъңаның!»

23 Тәхкын малихсәхтыт әпқудәгуткат лъңитның налиқ
таўатын пияхқатаңа.

Ахтирәгутылық Аңылъыхпигәльығмың

24 Тәхкын малихсәхтыт ахтирәгуткат налихтың
аңылъыхпигәяхқатаңа. 25 Исусым пикй: «Язычнигыт
умйлгита атангутақит ютың, иглыгутистыңитлю
атихтысюагут “Каютнит Югыт” таўатынбығитығнәғмың.

26 Иўырҗа лыпыси таўатысяхқангитуси. Итупиль
акулыхпысини аңылъыхпигәт уюқлхыпигәстун
лййлит, ынкәм иглыгутиста қыпхахтыстун лййли.

27 Наликык аңатағахта, ақумгалғй қаюғвигығни,
налиғмың кыпсйкулғй? Ақумгалғй аңатағахтуқ. Иўырҗа
акулыхпысини хўаңаңўқ кыпсйкулғй лыпысинун.

28 Лыпысиңўт хўаңамниткат нанғйхсәғалымни.

29 Тамәкын апалъюқлююку атаныхпагульылитамси
катам Атама тагивальхатун хўаңамнун. 30 Ынкәм
Атаныхпагульымни нығылбықусилью мығылбықусилью
қаюғвигымни. Ақумылбықусилью умйлгусим
ақумутйтхун нанқихсәхқәлюки қуля мәлгук
сйпнықлююку Израилым рамкыңи».

Исусым Әпқаңа Петырым Налъюнқылъыхқә

31 Исусым пикә Петр: «Симон, Симон! Нагатын! Туғнығак
пилъыхқанумәқ Кияғнығмың нанғйқуналюки ухпықилъыси.
Афтысюгйси хўаңамның катам пйтысиғахтым авульхатун
мальят пшеницаның. 32 Иўырҗа юғәтқумәмкын
Симон, ухпықильхын пыхтыфқән писқылъюку.
Ынкәм ухпықынқихтыкувңа, икнақухсәғьяхқакатын
малихсәхтылгутыхпык ухпықильхитнын».

33 Петырым пикә: «Атанық, малихсәқлъыхйнәхсимәмкын
анусимиңлъяғвигмун, туқулгусиғналютынлъю!»

34 Исусым пикә: «Петр, уңипәтамкын, унукун
пиңаюның налъюнқылъықахпыңа сивуңани петухым
қалдилъыхқән».

Иисусым Кылыңасяқәңи Малихсәхтыни

35 Тәхкын Иисусым әптыкй: «Каяхтақнамси манилғутаңунаси, ақыфтағәңунаси, налиғмың кәмңунаси сямың акльюмастык?» Кймсиқәт: «Акльюманитукут».

36 Пикй: «Иўырңа мәтын, кина алңунак манилғуталғукуми, налиғмың ақыфтағәлғукуми кылъқылты. Кина алңунак сьвихпагискуми қәслығни акикльюкык пикыңли. 37 Уңипәтамси, игақңақ Акузитни Игақыхкани: “Илялькйсимәт Лйлихтүсят нәфқйстыңитнун”. Тәна Акузин Игақыхкақ хўаңамның аюқуқ, ынкәм апығйғьяхқәхтук».

38 Малихсәхтыт пикәт: «Йи Атанық! Хўә мәлғук сьвихпагык». Иисусым пикй: «Таўатыңинағңам!»

Иисус Юғалғй Елеоным Найғаҳани

39 Иисусылю малихсәхтыкульхйт әнлютың Иерусалимымың, пйқылъғмығыстун агляқат Елеоным найғаҳанун. 40 Кәсямың такукамышнун пикй: «Юғахтык әхқутақынғитысқылъюси нанғйқульығмун».

41 Уйғағым милютыльҳан уятулңатун тазиңавык агляқак унильюки малихсәхтыни. Ынкәм сығысқульюни юғақак: 42 «Атамни, пиюкыльқыхкувгу аўйтигу уна қәюсиқ хўаңамның. Иўырңа хўаңа пиюкыльқа авылдағлюку льпык пиюкыльҳын апығйғли». 43 Қйлягмың яқулғым такулюку шнақуҳсяқә. 44 Икфиқыхльығым аңталяңаның тәкуңинаҳәғның юғақак, қысихтыльхәлью әўыстун уқльюхқақак нунамун.

45 Юғанығмың тәқсями ныкывлюни малихсәхтыминун пиялғйми қавәтңуфтут, қәюхльяк қивғульхым пағыюхқыхкәңи. 46 Пикй: «Сяңафси қавағақыстык? Макыльюси юғахтык әхқутақынғитысқылъюси нанғйқульығмун».

Тугукаңат Иисус

47 Иисус акузималюку, Иудам мағьяхқукй юлғутыт льңанун. (Иуда илятңалғй қуля мәлғук сйпнықльюку малихсәхтынун.) Такукә Иисус нәғналюку. 48 Тәхкын Иисусым әптыкә: «Иуда, нәхсигү Иғныға Юғым увыхпагунъалюку аңуяғанун?»

49 Малихсәхтыт Исусымылңұт лйгикльюку сяңўā сянақутаңа, āптыкāt: «Атанық, пильюўāльтыкй сьвихпамтыхун?» 50 Ага налйта сьвихпагминың илыфкағақтыкā ағынқигныған сигутңа қыпхақтылйған первосвященнигым.

51 Иўырңа Исусым пикй: «Гāмаңам, таўатыңнам пикаы!» Ынкāм сйфльюку қыпхақтылйғым сигутңа мāмыстыкā.

52 Тāхкын Исусым āптыкй первосвященнигыт, умйлўāғи Храмым кылыңакистыңита, сйванльығытлью ақфāғилғйт лъңаның: «Тугуяхтўңустыңьā сьвихпахтўмаҳпыси, анагутахтўмаҳпыси никимқун ўаяғнйхтыңуңа?» 53 Ахутаңа тамаҳāн лыпысинитақама Храмыми, тугунақуткумаңитахпысиңа. Иўырңа уна афльюкаҳси, қаюхльяк ахтуғьяхқāнгильтҳа мамлыгым иглығутиңўқ».

Петырым Налъюнқыхкаңа Исус

54 Тāхкын Исус тугулюку ағуляқуткāt, аглйткāt первосвященнигым мыңтығāнун. Уявақāнльюни Петырым малихтыкā. 55 Дворым кукāни, кумāқиямың қырңағмың ақумўткат. Петырлью акулңитхун ақумыхкақ. 56 Тāхкын ағнағāм қыпхақтым ысҳағьямигу ақумгалғй кынғығни, ысҳапахтуғлюку пикақ: «Уналъю юк лъңаниткаюғўқ!»

57 Иўырңа Петр мысиғақақ: «Ағнами хўани, налъюкақā кинақутаңа!»

58 Мулюхпынани югым ысҳағлюку пикā: «Лъпыклью налиқātын малихсәхтыңан!» Иўырңа Петырым пикā: «Югми хўани, малихсәхтыкынғитāңа!»

59 Тāхкын ынтақун атāсиқ афлью нағухтақуқлью иляңан югым сягиқуткā: «Ипапыстāқ уна юк лъңаниткāгук, қаюхльяк Галилеяғмиңўқ!»

60 Иўырңа Петырым пикā: «Югми хўани, сьмың пйқсин налъюкақā!» Таўаниңинақ таўатын акузималюку, петух қалқиқақ. 61 Атанғым қйвлюку ысҳақā Петр ийыхкынқун. Тāхкын Петырым нықануқй Атанғым акузитаңи, пикақыхкаңа: «Унуқун петух қалғихтыстыхпынāн пиңаюның налъюнқылтықахпыңа». 62 Ынкāм Петр āнлюни қийғўахльяқ.

Иисус Лыгасиғұяткыхкәтлью, Қывұткәтлью

63 Югыт кылыңакилдїт Иисусымың лыгасиғұяткыхкәтлью, қывұткәтлью. 64 Қйпадағмың йскык сяпльюкык тыңлюәтәткәт. Тәхкын пикәт: «Ұкналиқистыңұтын. Уңипәтикут китум тыңлюхтатын?» 65 Сығлықұхтәкәтлью.

Иисус Ағғистынун Агльәсқанат

66 Ахсягу, Иудеит сиванлығыт, первосвященнигыт, апыхтуғикаюгытлью Лйлихтүсяның қырңуғульютың, Иисус тагитыстыкәт. 67 Пикәт: «Христосыңукувык уңипәтикут». Иўырңа пикй: «Уңипәсқумси, ухпықнәңгитахпысиңа. 68 Аптыкумсилъю кймсиңнәңгитахпысиңа. 69 Иўырңа қантағақун Иғныға Югым ақумыльықуқ ағыңкигнығақун Ахтуғьяхқәңгитыхльягым Кияғнығым».

70 Қамахльютың әптыкәт: «Аўй, Кияғнығым Иғнықәтын?» Кймсиқй: «Льпыси тәнаңунйхпысиңа».

71 Тәхкын пикат: «Тәўа лйсимакистысюғнйгугйлью! Лъңаның катам нағақуғахпут Кияғнығмун Иғнықнилюни пйқ».

Иисус Сивуңани Пилатым

23 1 Тәхкын қамахльютың тәкут ағғистыт ныкывұльютың Иисус агльәткәт Пилатым сивуңанун. 2 Пилат пикәт: «Лйтахпут ұм югым сығлытун иглығутақыфтй юпут. Налогмың лъвикиснаниғақыфтй Кесарымун, лъңаның лъю пйқуқ Христосыңунилюни, умйлык».

3 Пилатым әптыкә: «Умйлькатән Иудеит?»

Иисусым кймсиқә: «Льпык тәнаңунйхпыңа».

4 Тәхкын Пилатым пикй первосвященнигытлью, юлгутыхльягытлью: «Уна йок анахутыльхитук».

5 Иўырңа ўата сягикуткәт: «Тамаҳәни Иудеями апыхтуғилъығмикун сығлылйгугыстыхльягақй югыт. Пйнлиғлюни Галилеями, хўә мәвык кәтуқ».

Иисус Сивуңани Иродым

6 Пилатым нагалъюки әптыкй: «Уна йок Галилеяғмйңўә?» 7 Лйсямигу Иисус, Иродым

23 Иўырҗа арағатальхат игляхтухтыңынақақ Иисус қақұрйісқылъюку. Қынўат арағатальхат ахтикақ. 24 Ынкәм Пилатым итагнақыхкә югыт пиюкылъхат. 25 Тәхкын Пилатым аныстыкә Варавва югыт пиюкылъхистун. (Анусимиңльяқақыхкаңат сығлылйхқйлъығмунлью, юхталығмунлью.) Ынкәм Иисус пыхтыкә югнун пиюкылъхистун писқылъюку.

Иисус Қақұрақаңат

26 Тәхкын Римым пильюўахтыңита Иисус ануткәт. Иглыҳсималютың нальяқат юк, аҗа Симон, Киринаеҗмй, тагиңулдй Иерусалимымун тағыхкын нунамың. Пильюўахтыт ақуқағлюку, Иисусым қақұрә йсқағмихтыслъюку малихтыстыкәт киңуңаның.

27 Юлдгутьхльягыт малихтыкәт Иисус, иляңита ағнат ўптыхльягумағмың қиякыхкәт. 28 Иўырҗа Иисусым қйвлюки пикй: «Ағнйтни Иерусалимым! Қиякыхпынаңа, иўырҗа қиякитык льпысиның, авақутахпысинунлью.

29 Қаюхльяқ ағнығыт ука тагиңўт югыт пильықут: «Қуястыкәгут ағнат қумиңигалңўт, тағнухәңигалңўт, мамахтиңигалңўт!» 30 Тәхкын нәйғат пильықйт:

“Ульығвикикут!” қымитлью пильықйт: “Сяпикут!”

31 Югыт таўатын пикумың уқфик сюңағьюгулюку, сяңўә сяльықа кинқан?»


32 Тамантыфтуқ мәлдук югык лйлихтўсямың нәфқйкак. Иляңита пильюўахтыт ануткахкыт туқунъалюкык малигульюкык Иисусымун. 33 Кәсямың таўавык атильқылдймун: «Югым Нәсқўә», таўани қақұрақат. Тақуклью югык лйлихтўсямың нәфқйкак қақұрақакыт, атәсиқ ағынқигнығакун, иляңа сяғумигнығакун.

34 Иисус пикақ: «Атәй, сығывутики, қаюхльяқ нәльюкут сяқутсың».

Пильюўахтыт атыхтирәгуткыльюки әткй ныңйткйт.

35 Ныкывгағмың югыт ысхапакат. Таўани иглығутистыт лыгасйғўәткыхкәт Иисус хўатын: «Югулйқй иляңи; йықай льминың югулили Христосыңукуми, Кияғнығым Накмикыхкә!»

36 Пильюўахтытлью лыгасйғўәткыхкәт. Тагиткәт қуўәлдймың виномың, 37 пикәт: «Умйлькыңбукаңатын



(От Луки 23:33)

Иудеит, лыпының катам югули!» ³⁸Нәсқұан құлңакун
ныкыхтыкāt хұатын игақңалғи: «УНА УМЙЛЬКāt
ИУДЕИТ».

³⁹Лйлихтүсямың нәфқйстым āлхән қақұралгутаңан
лыгасйғұātкыхкә, пикә: «Христосыңузйн? Лыпының
югули, хұаңкутуңлью!»

⁴⁰Иўырңа иляңан ағыюғмикә: «Аликынғисигү Кияғнық?
Қырңамта пиңаюни тәхкын атәсимиң ағыюльыңукут.

⁴¹Нақамынрақ хұаңкутуң ыльқуғульютуң ағыюльыңукуң,
иўырңа уна юк сямың анахусимаңитук». ⁴²Тәхкын
Иисус пикә: «Иисус, нықамикнакывңа Умйлгулютын
тагикувык!»

⁴³Иисусым пикә: «Ипа уңипāтамкын, ағныңми хұани
хұаңамнилъыкутын Райеми».

Иисусым Туқульха

44-45 Ағныңым қуағақалъю сиқинық кўкхунаниқақ ынкәм нуна қамахлъюни мамлхққўахлъякақ кынляңанун пиңаюмункыльягмун. Сяфкәгунлъю Храмымылңуқ пйаққ малғуҳқыльюни. 46 Тәхкын Иисус игляхтупихлъюни пикақ: «Атәй, тағнығажка афльыңақылъыққақпынун пыхтахка!» Таўатын пилюни туқуқак.

47 Пильюўақтыт умйлўағита ысхапаглюку таўатын пильық, Кияғның усуюкхкә: «Ипапыстәқ уна юк пинилдйңқ!»


48 Юлгутыхлъягыт қырңугуткат ысхапагналютың, ысхапаглюки таўатын пильхыт нымыхнун агляхтўткат сякиматың тыңлюгмигумита. 49 Қамахлъютың лйсимакистыңита Иисусым, ағнатлъю лъңанун малигуткат Галилеямың, уявақәнлъютың ныкывғағмың ысхапакйт таўатын пильхыт.

Иисус Лыйфқаңат

50-51 Тамәнтыфтуқ юк атҳа Иосиф Аримафеямың пиңуфтуқ Иудеямылңуғмың. Юк пинилдй, малихқутақалдй Лйлихтўсянун, утақйнулдйлью Атаныхпагульханун Кияғныңым. Қайўа илятңағңағми Ағгистынун, итагнақумаңилькаңи ағгильхит, апығйқйтлью Иисусымун. 52 Тәм юғым Пилатымун туңсиғьяхтуқә Иисусым югусй. 53 Тәхкын югусй қақўрамың йкльюку укихтыкә. Ймгульюку қйпағаққун лёныкун, лыйфқә лйәўақакун уйғагрухлъяхкун. Тәна лъивық атуқумаңилңуқ. 54-56 Ағнат Иисусымун малигуткат Галилеямың, лъивығмун малихтыкәт Иосиф. Таўани ысхапакәт натын югусй лъикәтаңа. Тәхкын утығниглютың ятәхқыхкйт нықниҳсәситлью, тыпыңлъяситлью аңихуньялюки Иисусым югусйнун. Ағнықыхкаңа ятәхқутилъыққам Субботамун, хўә Суббота пйнлиғнақылдй. Ынкәм ағнат мығнәликат Лйлихтўсят қылыльхистун.

Иисусым Уңувақтыслъыға Туқульығмың

24 ¹ Сивулиғми ағныңани неделям, унәңупихлъюку, тәкут ағнат лъивықтыкат кыльқыльюки ятәхқыхкатың нықниҳсәсит. ² Лъивығмун кәсялдймың



(От Луки 24:2)

уйдахлъяк пайңаның ульхитағнафтук. ³Итығасялғимың авитыфтук югусй Атанғым Иисусым. ⁴Кукшиқуткумалюку сяматаңа, югык алиғақтыкак сяғұитхун, аткйк ниғухлъягык. ⁵Ағнат алиңрұгуткат рыпаль хинатың сыкытыстыкйт нунамун, югык аптыкйт: «Сяңан ивағистык уңувалғимың акулңитни туқукат? ⁶Хўаньығитук; уңувахсимак туқульығмың. Амынкун сялин Галилеямыльюни уңипаткақыхкаңиси: ⁷“Иғныға Югым тўныпыстағьяхқақат сғылхқыстынун қақұрйсқыльюку, тәхкын пиңаяни ағнығым уңувахлъықуқ туқульығмың”».

⁸Тәхкын ағнат нықаңуқит Иисусым акузитаңи. ⁹Лъивығмың утығниғлютың тамана қамахлъюку апқат қуля атәсиқ сипнықльюку апостолытун, иляңитнунлью малихсяхтыңитнун. ¹⁰Такут лъивықтыкат Мария Магдалағмилью, Ионналью, Мариялью наңа Иаковым, иляңилью ағнат. Уңипаткйт апостолыт тамакын пилъығның, ¹¹иўырңа апостолыт сьюмығмыхни тымңи пинилюки пикйт ынкәм ухпықумаңилькаңит. ¹²Нақамырақ Петр ныкывлюни лъивығмун кытанқукақ. Кәсями лъивығмун қиныхтыкак, ысхақй қипағарағинат лёныт лъиллютың. Тәхкын агляқак сьюмыхтағаткуман Иисус сяматаңа.

Тумыт Эммаусымун Аюқылғйт

13 Таўани атәсими ағныңми, мālғук малихсәхтыкык ағуляқыхкақ ныңйағмун атха Эммаус, Иерусалимымың ынтакун куля атамиқ сйпнықльюку километрынульги.

14 Акузиткыхкāk қамахльюку тамāна таўатын пилъық.

15 Акузиткумалюку тамāна пилъық, Иисусым кālъюкык

иглығалғусикакык. 16 Иўырңа нальюкыхкāk кинаңутаңа

қаюхльяк Кияғныңым лйсюқыснығилькаңа. 17 Иисусым

аптыкй: «Иглығуткыльюку сяңўā акузиткақыстыху?»

Ағулиқак, ысхақалютык қивғуңахльягык. 18 Тāхкын

ālхән, Клеопамың атылгим аптыкā: «Льңинāзйн

лйлихтақ Иерусалимымун нальюкилғй тамāкын

апығйқаның акугўāқ?»

19 Аптыкакык: «Сяңўā сй?» Кймсиқāk: «Иисус

Назаретығмй акузикуткақахпут. Ыкналиқистыңуяхтуқ,

қыпхальхилью, апыхтуғильхилью ахтуғьяхқāнғисяхтут

Кияғныңмилью, югнилью. 20 Первосвященнигымталъю,

иглығутистымталъю тўныхкақāt Римым правительыңанун

туқутысқыльюку, ынкām қақўрақтыстыкақā.

21 Сиғимақнуяғахпут льңанун итымунъақнилюку

Израиль. Там сйғўакун, уна ағнық пиңаййткā

тāхкын таўатын пилъығмың. 22 Иляңита ағнамта

сйғйғаохсимилью. Ахтағағақālъю лывыхльютың

23 авйлңамақанат Иисусым югусй. Тагилютың апхāt

яқулгының ысхағўālыхтың, яқулгык уңипāsимақанит

ағнат уңувāmанилюку. 24 Тāхкын иляпут лывыхльютың

апхāt таўатыңўāқ ағнат апыльхистун, иўырңа

ысхальхитāt Иисус».

25 Тāхкын Иисусым пики: «Нальюхағуси

югығни! Пияқнаҳалык ухпықинақылъыхтык

ўкналиқистыт акузиткыхкйтның. 26 Пикагут Христос

икфиқыпыстāғлюни туқулъықнилюку итығвагилгами

ниғуҳқылығминун». 27 Ынкām Иисусым пйнлйсиқльюки

игақуқйт Моисейемлью, қамахльютыңлью ўкналиқистыт,

лйгикыстыкакык Акузитның Игақыхканың льңанун

аюқылғйның.

28 Кāsяхтуқат Эммаусымун, Иисус нағныхсюғниқхықак.

29 Иўырңа иғлыкльюку пикāt: «Хўаңкутығнитын,

хўаникунақā мамлхнақыхкаңа». Ынкāм ылькыгниткақ.
 30 Қаюғвигығни ақумылгусиғлюкык, нықыкшаңляк
 тугулюку игамсиқаюгвикльюку Кияғнык, икутақльюкык
 тўныхкакык. 31 Тāхкын Кияғныңым лїсюқыстыкāк
 Иисусыңутаңа, ысхāманғыхкыныңлью авїтқақтыкақ.
 32 Льмытығның пикак: «Қāмхунқун қуяқльяхтукуң
 алыққуғақнамикуң тумыми, лїгикыстақнамикуң
 Акузитның Игақыхканың!»

33 Таўаниңинақ югык ныкывлютык утығниқак
 Иерусалимымун. Таўани қырңугуттафтут қуля атāсиқ
 сїпнықльюку малихсāхтыт, тамāкутлью льңитнилңўт.
 34 Кāсягмык тāкут уңипātкїт малихсāхтыт: «Атанық
 уңувапыстāғумāқ туқулбығмың! Алїғвигумāлью Симон!»
 35 Тāхкын югык āпқāt тумымыльютык сяңўā сякāтаңа,
 натынлью лїсюқылбыхтың Атанық нықыкшаңляк
 āвгуғақнагу.

Иисусым Алїғвикыхкаңи Малихсāхтыни

36 Югык уңипамсюкумалюку таўатын пилбық,
 Иисус льңа катам ныкывғафтук акулңитни, пикї:
 «Ныкыхмылбық льпысинилъи!»

37 Упуғлютың алиңрўқат, сюмығмыхни ысхāнбиллютың
 тағныңамың пикат. 38 Иўырңа Иисусым āптыкї: «Сяңафси
 алиңрўғыстык? Сяңан айғуғистык? 39 Ысхāқақтыкиқун
 йхынкалью, итыганкалью - хўаңаңўна. Сяфльюңа
 лїсимакылбықахпысиңа, қаюқльях тағныңак
 кымыкшагитуклью, ныққўāгитуклью, ысхāғахпысиңа
 хўаңа пилгўна».

40 Таўатын пилюки Иисусым кылгувикыхкї
 йхымыныңлью, итыгаминыңлью. 41 Иўырңа
 ухпықңўāгумаңилькаңат қаюқльях қуяқльяхгулғїтлью,
 сяғїғаохльяхгулғїтлью. Ынкāм āптыкї: «Хўани сямың
 нығьяқистык?» 42 Тўныхкāt гāқамың иқальюгмың,
 43 тугулюку нығыхкā ысхāманғитни.

44 Тāхкын Иисусым пикї: «Льпысинитнўлюңа хўатын
 уңипātкақамси: Сяңўāt қамахльютың хўаңамның
 аюқылғїт игақыхкат апығїғьяққāгут, Моисейем
 Лїлихтўсянилңўт, ўкналиқистыт игақыхкїтңилңўт,
 псалмынилңўтлью».

45 Тәхкын умьюгйт лїгикыстыкї Акузитның Игақыхканың. 46 Пикї: «Хўатын игақыхкәгуқ: “Христос икфиқыпыстәгьяхқәгуқ, тәхкын пиңаяни ағнығым уңувапыстәгьяхқәгуқ туқулъығмың”. 47 Хўатынлъю игақыхкәлғї: “Малихсәхтыңи уңипақилъыкут Атхакун, пїнлиглютың Иерусалимымың тәхкын тамаханун рамкынун. Уңипәсяхқәкїт авутыхқылъюки сығлыхқынғанїсқылъюки Кияғнығмун сығывутысқылъюки”. 48 Лпыси лїсимакистыңүси икфиқылтымнун, туқулъымнун, уңувақтыстылъымнун. 49 Ынкәм таўа каяхлықахка Атама акықусаякк лпысинун. Иўырңа утақилғәси мәни Иерусалимыми, кынляңа атысфикылыхпысинун ахтуғьяхқәнгилығмың қиягмың памакын».

Иисусым Қиягмун Маюльха

50 Тәхкын ағуляқуткї уявантуляңатун Вифаниям, таўани йхыни ныңугульюки қуястыкї. 51 Қуясималюки униткї, Кияғнығым қиягмун маютыстыкә. 52 Таўани манигүглюку утығниқат Иерусалимымун қуялылихляглютың, 53 ынкәм йўлың Храмымытақылғїт Кияғнық усюқақыхқаңат.

Пинилгїт Уңипат Иисус Христосымың Аюқылгїт Иоанным Игақыхкї

Акузин

1 ¹Пїнлигьюхўәлгығмың Акузин таўантыкақ, Акузин Кияғнығмытқақ, Акузин Кияғнығулгї. ²Льңа Кияғнығмытқақ пїнлигьюхўәлгығмың има. ³Кияғнығым льңакун сяңўә қамахтыңўәглюку улимакә, талўа сяңўә атәсиҳақ улимамаңитә Акузитңунани. ⁴Акузитмытуқ уңувалгық, тәна уңувалгық ниғугўқ югнун. ⁵Тәна ниғук кўкхутңўқ мамлыгми, мамлығым каяльқумаңитә.

⁶Тәўаңуқ юк Кияғнығым каяхтыкә, әтҳа Иоанн. ⁷Иоанным апыгьяхтуқә ниғук қамахлыюки югыт ухпыгысқылгыюки уңипақилгығмикун. ⁸Льңа ниғугунгитук, иўырңа апыгьяхтўўә ниғук. ⁹Тәна ниғупїгўқ тагикақ нунамун, ниғугульхї тамаҳәнун югнун.

¹⁰Тәна Акузин нунамытқақ. Қайўа нуна улимакәяғңән льңакун, таўальйма нунам югита нальюкыхкәт. ¹¹Тагикаялгї льми катам югинун, иўырңа тугукльймаңилькаңат. ¹²Иўырңа қамахлыюки тугукльиғилгїтлью, ухпылгїтлью льминың, авақуталїсяқәхтыстыкақи Кияғнығмун. ¹³Авақуталїсимаңитї юхкун альхығақылгїстун, талўа юғым пиюкылъхакун налиғмың накмикылъхакун. Кияғнығым льминың катам авақуталїтқақи.

¹⁴Акузин кымгухльюни акулымнғитқақ. Льңакун Кияғнық литыстыңўәқәгуқ, литыстыңўәқәқалгыю пиниқылгыни хўаңкуньун. Ысқақақаһпут тәўа сығлыхльягуфтуқ. Сығлыхльягуфтуқ қаюхльяк тәнаңинахәлгї Иғныға Атам.

15 Иоанным Крестителым āпқақā, акилцūtкыхкақā хўатын: «Тāнаңўқ āпқақа льпысинун хўатын пїқңама: “Киңумның тагияхқақ āңыхльяхтуқ хўаңамның, қаюхльях кияхтыңулғй талўа альхыльхильюна”».

16 Пиникиңахльяхгутминың қуястақйлью утыхпахтїнақ. 17 Кияғныңым тўныхкақй Лїлихтўсят Моисейкун, иўырңа пиникыльықлью, ипальықлью лїтыстыкақāк Исус Христосыкун. 18 Китум алңунак ысхїгатā Кияғнық. Тāнаңинахам Иғныңым қантағантыльыхпигāм Атамун, лїтыстыкā югнун.

Иоанным Крестителым Уңипā

19 Иерусалимымың Иудеит иглыгутистыңит каяхтикат священигныңлью, Левитыныңлью āптысқыльюку Иоанн хўатын: «Кинаңузин?» 20 Āпсятни кїмсиғахтыкй хўатыхльюўāк: «Хўаңа Христосыңунгитуңа».

21 Ынкāм āптыкāt: «Кинаңузинми? Илияңузин?» Иоанным кїмсиқй: «Накā». Āплўятақāt: «Ўкналиқистыңузин?» Кїмсиқй: «Накā». 22 Пикāt: «Уңипātикут кинаңузин, қаюхльях уңипāсяхтупыстағнақапут каяхтикат хўаңкунның. Āпхй кинаңузин». 23 Иоанным пикй: «Ўкналиқиста Исаия пикāгуқ:

“Ма акилцўгауқ килгāни хўатын:
Такльяхтыху тўмкахқā Атанғым”.
Тāна юк акилцўлғй хўаңаңўқ».

24 Фарисеит тāкут каяхтыкақыхкәнит Иоаннымун. 25 Āптыкāt:

«Христосыңунгилькувык,
Илияңунгилькувык,
ўкналиқистыңунгилькувык,
сяңавык крестиғағйқсин?»

26 Иоанным кїмсиқй:
«Крестиғйқуңа мыхқун.
Акульыпысинитуқ кина
нальюкыхкақси. 27 Тāнаңўқ
тагияхқақ киңумның,
сығльыхльяхгўқ рыпаль хўаңа
пинингитуңа итымсәхқāлюки
сиңй».



(От Иоанна 1:27)

28 Қамахлыютың тамәкүт пикагут Вифаниями иңлюңанилңуғми Кййығни Иорданығни. Тәкүани Иоанн крестиғиңулғй юғның.

Пынйғағә Кияғныңым

29 Унәмиңани Иоанным ысхағлюку Иисус тагилғй лъминун югыт пикй: «Йи, тәната Пынйғағә Кияғныңым иқитияхқақ сығлыхқылъханың нунам юган. 30 Тәнаңұқ әпқақа хұатын: “Юк тагинақңұқ киңумның, иўырңа аңўағұқ хұаңамның, қаюхлъяк кияхтыңбұқ талўа альхылъхильюңа”. 31 Хұаңалъю нальюксяғақа кинаңутаңа, иўырңа крестиғияхтўгуңа мыхқун лйтыскылъюку кинаңутаңа Израилығмйнун».

32-33 Тәхкын Иоанным уңипақыхқақә: «Кияғныңым каяхтыкақәңа крестиғискылъюңа мыхқун. Паниның нальюкңулюку кинаңутаңа, Кияғныңым уңипәткақәңа: “Ысхағлыыахкын Тағныңак укилғйк югмун. Тәна юк крестиғияхқәгуқ Ағлығналғйғныкун Тағныңағныкун”. Ынкәм ысхағахка қияғмың Тағныңак укилғйк сюағьюкыхталютык Иисусымун, лъңаниткаклью»
34 Тәхкын Иоанным пикй: «Таўатыльюку ысхақақақа, уңипәтамси, тәна Иғнықә Кияғныңым».

Малихсәхтыксюўағи Иисусым

35 Унәмиңани Иоанн таўанлъятақак, мәлдуклью малихсәхтыкык. 36 Иоанным ысхағлюку Иисус нағухлыхй пикақ: «Ысха тәната Пынйғағә Кияғныңым!»
37 Тәкук малихсәхтык нағальюку Иоанн, малихтыкәк Иисус. 38 Иисусым қйвлюни ысхағлюкык малигульхйк лъңанун әптыкакык: «Сяңўа пйқыстыху?» Кймсиқәк: «Равви, нәнтақсин?» («Равви» хұатын писйгуқ: «Апыхтуғиста».) 39 Пики: «Малихлъюңа ысхағьяхтухтыху». Ынкәм малихтыкәк кияхфиганун, таўантыкак стаматкылъяғмың кынляңа унулъығмун.

40 Юғым әльха нагатқақ Иоаннымың акулзлғймың, малихтикақ Иисусымың Андрейеңуфтуқ, Симон Петырым аңлыгутаңа. 41 Таўаниңинақ Андрей аңлыгутминун Симонымун ағляғлюни пика: «Нәлькумәхпут Мессия». («Мессия» хұатын писйгуқ: «Христос».) 42 Тәхкын Симон

аглыткә Иисусымун. Иисусым ысхағлюку пикә: «Льпык Симоныңұтын игныға Иоанным. Атхын Кифаңулъықуқ, хұатын писиқ, Петр».

**Иисусым Накмикыхкык Филиппылю,
Нафанаилылю Малихсяхтыңулюкык**

43 Унәмиңани Иисус Галилеяньақумалдғи. Налъяғлюку йок атха Филипп, пикә: «Малихтиңа». 44 (Филипп Вифсаидағмиңулдғи, Андрейенкугытун, Петырытун.)

45 Тәхкын Филиппым ивагьяхтуғлюку Нафанаил уңипәткә: «Налъямахпут йок Моисейем игақыхкә игитхун Лйлихтүсәт, үкналиқистытлю игақыхкақат игамыхтыхун. Иисусыңуқ Назаретығми, игныға Иосифым». 46 Нафанаилым әптыкә: «Сяңуәңам пинилдғи Назаретымың альхыхлығыфта?» Филиппым кймсиқә: «Ысхағьяхтуғахуқун».

47 Иисусым ысхағьямигу Нафанаил тагилдғи лъңанун пикә: «Тәната Израилығмипик, тымңитхұаңилнуқ».

48 Нафанаилым әптыкә: «Натын лйсимаксиңа?» Иисусым кймсиқә: «Ысхақақамкын асиңанильютын смоквам уқфиган, талұа сялин Филиппым апылхилъюңа лпынун». 49 Нафанаилым пикә: «Апыхтуғиста, льпык Иғнықатын Кияғнығым! Льпык Умйлькатын Израилым!»

50 Иисусым пикә: «Ухпыхсйн қаюхлъяк уңипәскымкын ысхәманилютын асиңани смоквам уқфиган? Сяңуәт әңатағалғит тамәкуның ысхағлығықатын». 51 Тәхкын пикй: «Ипа уңипәтамси, ысхағлығықәси қияк қылыпдғи, Кияғнығымлю якулги маюлғит, укилдғит Иғнықакун Югым».

Ныңуғутылығық Канами

2 ¹Пиңаййтаңани ағнығит тәуәнуқ ныңуҳнақылдғик Канами, Галилеямылңуғми. Иисусым нәңа тауанлынуқ, ²Иисусылю малихсяхтыкульхит тахсиқлығықалғит ныңуҳнақылдғигнун. ³Вино қамахсятху, нәңан Иисус пикә: «Виноғитут».

⁴Иисусым пикә: «Ағнами хұани, сясықыхпынаңа, сялин пилъыхқақа кәсигатуқ».

⁵Тәхкын Иисусым нәңан пикй қыпхәхтыт: «Сясықыхқәси лыган пилдәси».

6Тәуәнуқ ағвинлыгүфтут уйғагмың улимәғьт мылғутат. Иляңи мәлғук мераңульгик, иляңи пиңают мераңульгит. (Иудеит атуқақыхкаңит укмаңихсямун Моисейем Лйлихтүсян писқыльхатун.)

7Иисусым пикй қыпхақтыт: «Имихтыки тәкут мылғутат мығмың». Имиқйт ыслымыкағахтағлюки.

8Тәхкын пикй: «Мығмың имильюси аглятыху нықынғақым умйлга».

Бнкәм имильютың агляткәт. 9Умйлгым нәсийкә мық винонухтыкақ. Нальюкыхкаңа накын тәна вино пиңутаңа. (Тәкут қыпхақтыт лйсимакухкаңат қаюхляк имильютың мығмың пикалғйт.) Бнкәм умйлгым туқлююғлюку нулихтуғнақылғй 10пика: «Тамахағми кияң пинилғймың виномың атуқақуқ сивуклююни ынкәм ақылқат кыпсённыңата тамәна ахсян аюқылғй вино киңулилюку атуқақәт. Иўырға пинильха вином атуқумаңисимазигу сивуклююку».

11Канами, Галилеямылнуғми Иисусым апығйкә альяғльюхўахтильықсюхўәни. Тәхун альяғльюхўахтильығмикун югнун ысхақтыстыкә аңыльыхляни. Бнкәм малихсяхтыңита ухпықыхкәт ипа Мессияңунилюку.

12Тәм киңуңаның Иисус, нәңа, аңлыгутаңи, малихсяхтыңилью агляқат Капернаумымун, тамәнтыкат кафсинат аңығыт.

Иисус Храмымун Пилғй

13Иудеит нықынғаққысяхтуңысталғйт Пасхамун ынкәм Иисус агляқак Иерусалимымун. 14Храмыми ысхақй югыт акикулғйт воының, пынйғның, голубының. Ысхақилью манымың навыхқухтыт ақумлютың қаюғвикымыхни.

15Иисусым кахсягутаңляғлюни тапхағмың, Храмымың анысуқй малигульюки пынйғнунлюю, воынунлюю.

Манилгутйт катагутақлююки миңиляткй, улыхқуқилью қаюғвигит. 16Тәхкын югыт акильпыгалғйт голубының қылькй хўатын: «Анutyки хўакын! Атама Мыңтығә

акильпыгағвигухтыхпынән». 17Малихсяхтыңита нықәткәт Акузитыт Игақыхкат пильхат: «Мыгнукиңалғқа

Мыңтығахпынун нәфқуткынбақнўақа». 18Тәхкын Иудеит

иглыгутистыңита а́птыкāt Иисус: «Китум қылыхтатын таўатын писқылъютын? Кияғнығым писқумақаңатын, алья́хльюхўахти ипапихқусихқамың». ¹⁹Иисусым кймсиқй: «Нāфқитыху уна храм, пиңаюни ағнығни ныкыфльықақа». ²⁰Аптыкāt: «Лъпык ныкыфльықсигў пиңаюни ағнығни? Юк мālдук ағвинлык сипнықлюкиңт аюмикульхыт ныкыфтусиқыхкāt ўмун Храмымун». ²¹Иўырңа Иисусым акузиткыңбукаңа льми югусини храмыңулюку. ²²Уңувахтақңан туқулльығмың малихсәхтыңита нықātкāt хўатын пилъха: «Уна храм, пиңаюни ағнығни ныкыфльықақа». Ынкām ухпықыхкйт Акузитыт Игақыхкат, Иисусымлью акузильхи.

Иисусым Лйсимакыхкәңи Қамахльюки Югыт Натытуляңи

²³Иисус Иерусалимымыльюку Пасхам нықынғахқылъхани, угляпихльыхйт ысхапаглюки алья́хльюхўахтильхи ухпықыхкақыхкәңат, ²⁴иўырңа Иисусым ухпықумаңилькәңи. ²⁵Кинкунун алңунак уңипāнығысияғңātни аюқылгй югның қаюхльяк лйсимакыхкәңи натытуляңи.

Иисусынкук, Никодимынкук

З ¹Таўаңуқ юк āтхга Никодим, Фарисей Иудейт иглыгутистыңат. ²Унугьягу Иисусымун агляглюни пикā: «Равви, хўаңкута лйсимакамкын апыхтуғистыңўтын каяхтыкā Кияғнығым. Кина алңунак алья́хльюхўахтинāнгитук льпытун таўатын ўйтқукун Кияғнық лъңанискан». ³Иисусым пикā: «Ипа уңипāтамкын, китум алңунак ысхағнāнгитā Атаныхпагульха Кияғнығым ўйтқукун альхынқихтыкуми». ⁴Никодимым а́птыкā: «Натынңам аңликақ юк альхынқихльықа? Ипапыстāқ итығнāнгитук нāми қантахкынун альхынқихналюни». ⁵Иисусым кймсиқā: «Ипа пймкын, кина алңунак итығнāнгитук Атаныхпагульханун Кияғнығым ўйтқукун альхынқихтыкуми мыхқунлью, Тағнығағныкунлью. ⁶Тамāна кымыхкун альхықак кымгўқ, иўырңа тамāна тағнығағныкун альхықак тағнығāқуқ. ⁷Сяғйаюхпынаң қаюхльяк уңипāскымкын: “Лъпыси

альхынқихсяқпаыстаг̃си». ⁸ Ануқа накын алңунак п̃қуқ, нагатақан сюлюхталъха, иўырңа нальюкңўаған накын п̃қутаңалъю навьклью п̃қутаңа. Таўатыхпигақ аюқуқ тамахағми альхылг̃и Тағныдагныкун».

⁹ Никодимым аптык̃а: «Натынңам т̃ана пияхқ̃аўа?»

¹⁰ Исусым к̃мсиқ̃а: «Лъпык апыхтуғистылгахльютын Израилыг̃м̃нун, паниның нальюксиг̃у т̃ана? ¹¹ Ипа п̃мкын, акузиткақахпут л̃симакихкахпут, апхақахпут ысхақахпут, паниның налих̃йнахпыси ухпықигат̃а уңшахпут. ¹² Апхақанка лъпысинун нунам пиңи иўырңа ухпықигатахпысиңа, натынңам ухпықылъықыстыки апқумки қилягым пиңи? ¹³ Кина алңунак майг̃гатуқ қилягмун иўырңақун Иғныға Югым укикақ қилягмың».

¹⁴ Қилг̃ани катам Моисейем напахтылъхатун напақакун медь нымыг̃ьяқ, таўатыхпигақ Иғныға Югым напахсяхқ̃алг̃и. ¹⁵ Ынк̃ам кина алңунак ухпықилг̃и лъңаның кынлыңилңуғмың уңуалъылгулъықуқ.

¹⁶ Кияғнығым пиниқыпихтутминиң нунам юга т̃уныхк̃а кызымахақ Иғныни. Иғныға китум алңунак ухпықыхкумигу туқунанг̃итуқ, иўырңа альхыхлъық̃а кынлыңилңуқ уңуалъық. ¹⁷ Кияғнығым каяхсимаңит̃а Иғныни нунамун ағьюг̃исқылъюку нунам юганың, каяхтыкақ̃а югулиғистыңулюку югнун.

¹⁸ Кина алңунак ухпықилг̃и Иғнығмың ағьюлғынн̃анг̃итуқ. Кина алңунак ухпықинг̃илңуқ нанқихтыңьў̃ақ̃агуқ ағьюг̃ьяхқ̃алюни, қаюхлъяк ухпықынг̃илькаңа кызымахақ Иғныға Кияғнығым.

¹⁹ Ысха уна апалъ̃а Кияғнығым ағьюг̃исихқ̃а югнун: ниғук тагикаяғңан нунамун, югыт пиниқатағақ̃ат мамлык̃ ниғугмың қаюхлъяк сығлытун п̃қылг̃ит.

²⁰ Китум алңунак сығлытун пикаюгым угумик̃а ниғук, ынк̃ам тагинанг̃итуқ ниғугмун сығлытун пильыни ысхағнаюкатки. ²¹ Иўырңа кина алңунак ипапихқылъюни пикаюк тагияхқ̃агуқ ниғугмун, ысх̃исқылъюку қыпхақани Кияғнығым пиюкылъхақун аюқылг̃и.

Иисусынкук Крестиғысталъю Иоанн

²² Киңуңаның т̃ам Исусылью малихсяхтыкульх̃ит агляқат Иудеямун. Малихсяхтыминун малигулъюни

тамāнтуткыльюку крестигькī югыт. ²³Иоаннылью крестиғиңулғй Еноными, Салимымың қантағанлыңуғми, қаюхльяк мыхльягулғй тамāна. Югыт тагиляғātңулғйт лъңанун крестигьсқыльютың. ²⁴(Иоанн сялин анусимиңльяғвигмун канахтыльхилңуқ.)

²⁵Иляңита Иоанным малихсәхтыңита āхтйрāқāt атāсиқ Иудей укмаңихсяльығмың Моисейем Лйлихтүсянилңуғмың. ²⁶Ынкām агляғлютың Иоаннымун уңипātкāt: «Апыхтуғиста, нықамикынғисигү йок льпыниткақ иңлюңани Иорданым, акузиткыхкан? Хўā мāтын крестигькүқ, ынкām қамахльютың югыт агляхтүтңүт лъңанун». ²⁷Иоанным кймсиқй: «Кина алңунак альхығуньāнғитук сямың ұйтқуқун Кияғнығым тўныхкумигу. ²⁸Льпыси лйсимакистыкамси хўатын пйқнама: “Хўаңа Христосыңунғитуңа иўырңа каяхтыкāгуңа сивуңани”. ²⁹Угйғнақылғй угикахқан лъңан пикā. Нулихтуғнақылғйим илякумтāга, каютаңа утақйғақуқ нагасюғнимағми мыңаның. Илякумтāған нагақуныңминигу мыңа қуяхльягақуқ. Таўатыхпигақ хўаңалью қуяльқа йғўихтуқ. ³⁰Льңа мығнунағатағнақңўқ, хўаңа укавағнақңўңа».

Укикақ Қиялғмың

³¹Льңа тāна памакахтақ āңыхльяхтуқ тамахахльяғаның. Льңа тāна нунамың пи, нунам пикā ынкām акузикаюғўқ нунам пиңаның. Льңа тāна қиялғмың пи, қулиғуқ тамағахльяғаның. ³²Апхқақā ысхақанилью нагақуқанилью иўырңа китум алңунак ухпықигатй акузитаңи. ³³Китум алңунак ухпықыхкумики акузитаңи, таўатын пильығмикун ипапихқақā Кияғнық ипаңутаңа. ³⁴Тām Кияғнығым каяхтыкāн атуқақй Кияғнығым акузитаңи, қаюхльяк Кияғнығым Тағнығағни тўнңуқык лъңанун йңуналькихльюкык. ³⁵Атам пиниқыпихтā Иғныни, ынкām ахтуғьяхқāнғильылиткақā сямун тамахāнун. ³⁶Кина алңунак ухпылғй Иғнығакун, кынлыңилңуғмың уңувальылғўқ. Китум алңунак қātкынғилькумигу Иғныға уңувальыңықыхнāнғитук, тāўаңинақ Кияғнығым ағьюльханисяхқāгуқ қўнпың.

Иисусылью, Агнаклью Самариягмї

4 ¹Фарисеит нагакӯмакаңат паляхәхнилюки югыт тагилягәльхїт Иоаннымун, накам нулянилюки тагилягәльхїт Иисусымун малихсәхтыңуналютыңлью, крестиғысқыльютыңлью. ²(Иўырңа Иисусым лъңан катам крестиғалянғилькәңи, малихсәхтыңита крестиғаләқәңит.) ³Атанғым лїгиксямики Фарисеинун тәна нагакӯманилюку, агулякльюни Иудеямың Галилеянықыхтықәк. ⁴Тӯмкахқәңилңуқ Самария.

⁵Кәткақ Сихарымун, Самариямылңуғмун увантыпахльягунғилңуқ пїтысығавигмың Иаковым тӯныхкәның игнғминун Иосифымун. ⁶Иаковымлью мыхтагвигә таўанлыңуқ. Иисус иглыхтыхльягым мығнулғи ынкәм ақумыхкақ сәғўакун мыхтагвигым, ағнығым күкәни.

⁷⁻⁸Малихсәхтыңи Сихарымун нықыңьяхтуқәлғит. Тәхкын Самариягмї агнақ, Сихарымың мыхтақәк. Иисусым пикә: «Мыхсїхтыңа». ⁹Ағнам пикә: «Иудейеңўтын, хўаңа Самариягмїңўна, сәңавык хўаңамнун мыхсисқысин?» (Таўатын пикақыхкәңа қаюхльяк Иудеит талўа алыхқуғьяхқәңилкәңит Самариягмїт.) ¹⁰Иисусым кїмсиқә: «Гўк, лїсимаксяқувгу Кияғнығым тўньяхқә, лїсимаксяқувгулью кинаңутаңа мыхсиңльялғи лыпынун, мыхсиңльягвикнаяған уңувалғыңыстикаюгмың мығмың». ¹¹Ағнам пикә: «Югунїк, мыхтагвик ўсқәпихтуқ, талўа қалтьитутын. Накынңам уңувалғыңыстикаюгмың мыңылтықсин? ¹²Сивунымта Иаковым тўныхкәқә уна мыхтагвик хўаңкунўун. Лъңалью, игнғилью, тыгикусилью қамахльютың мығыхкәгут тәхкын. Аңўагунилютын Иаковымың пиңузїн?» ¹³Иисусым кїмсиқә: «Кина алңунак мығылғи хўакын мығмың алъя мықсюгьяхқәгуқ. ¹⁴Мық хўаңа тўньяхқәка китум алңунак мығыхкумигу алъямыңлью мықсюгнәңгитуқ. Мық тўньяхқәка лъңанун таўатын лъйғьяхқәгуқ сыңулғистун, тывуғалғи лъңан илюңаның. Тәна мық кынлыңилңуғмың уңувалғыңусихқәқә». ¹⁵Ағнам пикә: «Югунїк, тәхкын мығмың мыхсиңа ынкәм алъя мықсюнғильяңа, талўа хўавык мыхтағнаниңляңа».

16 Иисусым пикā: «Угин ақфагу ынкāм тагилдāтын».

17 Ағнам пикā: «Угиңитуңа». Иисусым пикā: «Ипа угиңинъйтын. 18 Угикыхкақатын талъимат югыт. Мāтын тāна юк кияхфигын угикынғитан. Уңипāтаҳпыңа ипапигмың».

19 Ағнам пикā: «Югуніқ, тāўа лйгикамкын ўкналиқистыңуфтутын. 20 Сивуныңма манигуқақāt Кияғнық хўани нāйғами, иўырңа льпыси Иудеяни Иерусалимыңуніқақси манигўтфихкақ Кияғнығмун». 21 Иисусым пикā: «Ағнами хўани, ухпықиңа, тākўаниңани югыт манигуғнанихльықāt Ата хўани нāйғами талўа Иерусалимыми. 22 Льпыси Самарияғмйни талўа нальюқақси кинаңутаңа манигуқақси. Хўаңкута Иудеяни лйсимакақпут кинаңутаңа манигуқақпут, қаюхльык Иудейтхун Кияғнығым акықсуяқыхкақā югулилльық. 23 Иўырңа пилльыққақ ука тагиңўк, āкун кāльюни аюқуқ манигўтыпиқаюгыт манигухльықāt Ата Тағнығагныкунлью, ипальықхунлью. Таўатылңўт манигўткаюгыт Атам манигўтысюақй льңанун. 24 Кияғнық Тағнығағуқ, тамāкут манигўльхйт льңанун манигуғьяхқақāt Тағнығагныкунлью, ипальықхунлью».

25 Ағнам пикā: «Лйсимакақа Мессия тагилльықуқ, атилькылгй Христосымың. Тагикуми уңипāльықйлью сямың тамаҳāның».

26 Иисусым пикā: «Хўаңа тāнаңўңа алыхқуқын».

27 Хўалью Иисусым малихсәхтыңи утығниқат. Ысхағлюкык Иисусылью, ағнāмлью алыхқўльхйк ынңātаль сәғйғаягуткахкыт. Иўырңа налихйнитā пимаңилькаңат ағнақ: «Сямың пизин?» Налиғмың Иисус āпсимаңилькаңат: «Сяңан ағнақ алыхқуқсигу?»

28 Тāхкын ағнам мылғутағни унильюкык, Сихарымун агляглюни югыт пикй: 29 «Ысхағьяхтуқақтыхуқун мыхтағвигмылңуқ юк. Сяльымның тамаҳāның уңипāтāңа. Қā Христосыңўк?» 30 Ынкāм югыт тāхкын нымың ысхағьяхтўткāt Иисус.

31 Сялин кāтыльхильюки малихсәхтыңита Иисус пйғāтақāt: «Апыхтуғиста, сәңйҳағмың нықā». 32 Иўырңа пикй: «Хўаңа нықылгўңа нығьяхқамың льпыси нальюкңўāқақпысиның». 33 Малихсәхтыт льңитның āпқуғāгуткат: «Қā китум нықмың тагисимā?»

34 Иисусым пикй: «Нықыка қаткутылхұқ қаяхтикамың хұаңамның, апығйғысқлыьюкулю қыпхақак тагивақани хұаңамнун. 35 Нагатақаси югыт пилдйт: “Тәхкын пйтысиғалығмың стамат танқит атуғлюки, унатарлыхқак кәтақуқ”. Уңипәтахльямси, ювғйғұақхтыкиқун пйтысиғавигыт, тамәкут пйткат унатағьяхқәхтут. 36 Юк унатарлй пшеницамың акилыхтүсяңьяхқәгуқ қыпхақаминун, ынкәм қуяяхқәгуқ малигульюни пйтысиғақамун. Таўатыхпигақ югым уңипалығмикун кынлыңилңуғмың уңувалыңыстыкумики акилыхтүсяңьяхқәгуқ. Тәналью қуяяхқәгуқ малигульюни уңипақиюхұақанун хұаңамның. 37 Тәна акузилық ипаңұқ: “Атәсиқ юк пйтысиғақуқ, иляңа юк унатағақуқ”. 38 Қаяхтыкақамси унатйсқлыьюси пйтысиғағвигми пйтысиғәмаңилькыхпысиның. Иляңит пйтысиғақәгут, иўырңа лыпыси унатақаюгүси пйтыстыкйтның, ынкәм лыпысылью акилыхтүсяңылыкыкуси қыпхақйтның».

39 Сихарыми, Самарияғмйлғутыт ухпықыхкәт Иисус қаюхльяк ағнам уңипәткақыхқәни: «Тәм югым уңипәтәңа сялыымның тамахәның». 40 Самарияғмит кәльюку Иисус льмыхнитысқыхкәт. Иисус тамәнтыкақ мәлгук ағнығык, 41 ынкәм ұата ухпыхтүткат акузитаңи нагальюки. 42 Тәна ағнақ пикәт: «Нагасюхұағәқңамкын ухпықыхқәқапут акузитытын. Иўырңа мәтын хұаңқунъың катам нагальюку лйтахпут тәна юк ипа югулицыстыкыфтә нунам юган».

Иисусым Нәльхускаңа Умйлўағым Иғныға

43 Мәлгук ағнығык атуғлюкык, Иисус Сихарымың ағуляқыхқәк Галилеямун. 44 (Иисус лъңаның катам пикәлй: «Ўкналиқиста нуналгутаңан тугукльйгатәт ўкналиқистыңулюку».) 45 Кәсян Галилеямун, югыт тугукльйқәт қаюхльяк ысхапакақыхқәңат сяльха қамахльюку Иерусалимыми, Пасхамун нықынғахқыңбулютың.

46 Ынкәм Иисус аглянқихтыкақ Канамун, Галилеямылңуғмун, мық виноңухтыстыфигминун. Таўаңуқ кавымым умйлўаға, Капернаумыми иғныға қинуохльяк. 47 Нагақуғьямигу Иисус тагиманилюку

Иудеямың, Галилеямун такулюку манигүткат
нәльхүсяхтуқйскылюку игныни туқуяхтуңысталғй.

48 Иисусым пика: «Ухпықинангитуси ұйтқуқун
ысхапакуфсики аңылғит альяхлююхұахтилъхыт».

49 Умйлұағым пика: «Югунйқ, малихтиңа тағнухақа
туқувагилган». 50 Иисусым пика: «Агляр, игнығын

уңувалъықуқ». Югым ухпықыхкй Иисусым акузитаңи
ынкәм агляқақ. 51 Тумаңани тәкұани қыпхақтыңита

нальяглюку уңипәткәт: «Иғнығын пинйхсимәқ».

52 Аптыкй наникыльяғми пинйхсиматаңа. Пикәт:

«Иғивгақ атасимикыльяғми пуқльығаңйткәгуқ». 53 Атаңан
лйсимақыхкаңа таўани афлююми Иисусым пикақыхкаңа:

«Иғнығын уңувалъықуқ». Ынкәңам ныңльюгуткульхйт
ухпыхтүткат.

54 Тәна тўңлықыхкаңа Иисусым
альяхлююхұахтилъхан тагилюни Иудеямың
Галилеямун.

Нәльхүтилъық Нәйвағәғми

5 1 Там киңуңаның Иисус, Иерусалимытқақ
Иудеит нықынғахқылъхитнун. 2 Таўаңуқ
Иерусалимыми, Овечы Воротам туңаңани нәйвағәқ
талыматның колоннадалық, Еврейистун атилъха
Вифезда. 3 Угляпихльыхй қинуюк иңағмытульхй
колоннадани, аякат, пиюгигалңұт, уңйқат.

(Пагугругуҳныңсиғақыхкаңат мық атыгьюхұағналютың.

4 Иляңани ағныңым, яқулга Атанғым атыныңмини
нәйвағәғмун пагугругуҳтыстақыхкаңа мық. Ынкәм кина
атыгьюхұәлғй мығмун нәльхутақылғй сямың алңунақ
ақниғныңминың.)

5 Таўаңуқ юк қинуюғңалғй юк атәсиқ қуля сипнықлюю

ку пиңаюның иңлюлык аюмиқульығни. 6 Иисусым
ысхақә. Лйсимақыхкә қавңарухльяқ има қинуюқақ

ынкәм аптыкә: «Нәльхүсюхсйн?» 7 Қинуюлғим кймсиқә:

«Югунйқ, мық пагугругуҳныңани каютқахқйтақуңа.
Атығнақутқақсяхтуңа има китум иңьяғахтақәңа».

8 Иисусым пика: «Ныкыви, альыған тугулюку пиюги».

9 Таўаниңинақ юк нәльхүлююни, альығани тугулюку
пиюқақ. Субботаңулғй таўани ағныңми.

10 Тамāкын апальюқлыюу Иудеит иглығутистыңита пикāt нālъхуткақ юк: «Ағныңми Субботаңүк, Лйлихтүсямнъи альиған иглығусяхқақынғисяған Субботами». 11 Пикй: «Югым нālъхутистыма пйңа: «Альиған тугулюку пиюги»». 12 Аптыкāt: «Китум нālъхульютын альиған тугулюку пиюгысқатын?»

13 Иўырңа югым нальюкыхкā нālъхутистыни кинаңутаңа, қаюхльяк угляпихльығй юк таўанлыңуқ, Исусылью ысхақтыңунани иқиткālғй.

14 Ағныңми тākўани Храмыми, Исусым нальяқā тāна юк нālъхуткани, пикā: «Уюқ, нālъхусимāтын. Сығлыхқынъанй лйбрақ сяңўā сығлығатағалғй икфиқуткынъаюкавгу сығлыхқумаңинакувык».

15 Тāхкын югым уңипāсяхтүкй Иудеит иглығутистыңит Исусыңунилюку нālъхутистыни. 16 Тāхкын кынляңа Иудеит иглығутистыңита сығлытун пиягуткāt Исус, Субботами нālъхутильханың апальюқлыюу. 17 Иўырңа Исусым пикй: «Атакā қўнпың қыпхāгуқ, хўаңалью қыпхāғьяхқāгуңа». 18 Ынкām Иудеит иглығутистыңита ўатақāғак туқусюкāt. Пикат: «Исусым Субботам Лйлихтүся нāфқинахпынāн пикāгуқлью Киягнық Атакнилюку. Таўатын акузильығдмикун Киягныхтуңўāқ аюқнилюни пйқуқ».

Исусым Ахтуғьяхқāнғильхā

19 Иўырңа Исусым пикй: «Ипа пймси, Иғнық льңинағми сяхқāнғитук, Атамының ысхапакаҳйнани пйқā. Атами пилъхатун пйқуқ. 20 Атам пиниқā Иғныни, ынкām кылгувикақā сямың тамаҳāның сяльығминың. Иўырңа тākуның āңатағалғйның кылгувиксяхқāқā сяғйғаюгысқыльюси. 21 Атам уңувақтысльюки туқукат уңувальылитақй, ынкām таўатыхпигақ Иғнық уңувальылитикаюгўқ пиюкыхкаминун. 22 Ата нанқихтиңигатук китумың алңунак. Иўырңа ахтуғьяхқāнғильылиткақā Иғныни қамахльюку нанқихтильық льңанун писқыльюку. 23 Киягныңым таўатын пикақā Иғныни тамаҳāнун қўлвйсқыльюку катам таўатын қўлвальхистун Ата. Китум тām қўлвйгалькумигу Иғнық қўлвйгатā Ата каяхтикақ Иғныңмың».

24 Ипа п̄мси, китум нагаскумики акузитынка, ухпықыхкумигулю каяхтистыка, кынлыңилңуғмың уңуалғылг̄үк. Нанқихтылбыңн̄нгитук ағыюғьяхқ̄әлюни қаюхляк туқумың уңуалғығмун л̄йқ̄әгуқ. 25 Ипа п̄мси, пилыхқ̄ак ука тагиңүк, х̄ә к̄асим̄ак, туқукат нагақухлық̄ат мыңа Иғныған Кияғнығым. Там̄акут нагақульх̄йт уңуалғықут, 26 қаюхляк Ата уңуалх̄үк, ынк̄ам уңуалғық л̄ңаның пиңүк. Таўатыхпигақ Иғныға уңуалх̄үк, қаюхляк Атам таўатытыстыкаңа. 27 Ахтуғьяхқ̄ангилылиткақ̄алью Иғныни нанқихтильғығмун қаюхляк Иғнықыхкаңа Югым. 28 Сяғйғаягутыхпын̄ан уна: пилыхқ̄ак тагиңүк қамахлыютың туқукат л̄вығмылңүт нагақуғлюку мыңа, 29 аңлығ̄сяхқ̄әгут л̄вығмыхның. Там̄акут пинитун пикат уңуахтысяхқ̄әгут уңуалғығмун. Иўырңа там̄акут сығлытун пикат уңуахтысяхқ̄әгут нанқихтыльғығмун ағыюғьяхқ̄әлютың».

Апхистыңи Иисусым

30 «Нанқихсигатақа кина алңунак сивукльюку аптыльңун̄ан Ата. Ынк̄ам нанқихтйқуңа л̄ңан писқыльх̄инах̄атун. Нанқихтильқ̄а ыльқуғутн̄ақ, қаюхляк нанқихтйқуңа Атам каяхтикам х̄әңамның пиюкыльх̄атун. Х̄әңа пиюкыльымтун пиңигатуңа.

31 Апқума х̄әңамның, югыт ухпықн̄нгитит акузитынка, ўйтқукун китум алья апқаңаңа. 32 Иўырңа китум апқақ̄аңа таўатын, л̄симаканка апқ̄й ипаңүт қаюхляк апхистыка Атакақа. 33 Лпыси югыт каяхтыкақаси Иоаннымун, апыльхи х̄әңамның ипаңүт. 34 Югыт апыңгисяғн̄ағмыхтыңба, иўырңа таўатын п̄ңа лпыси югулиллыңысқыльюси. 35 Иоанн кынылңутастун кумаңаяхтуқлю, к̄үкхутңаяхтуқлю. Акузитаңи ниғугыстун аюқсяхтут ынк̄ам лпыси натыңйх̄ақ акузитаңакун қуястысюк̄әгуси. 36 Иоанным акузитаңан л̄тыстыкақ̄аңа югнун. Иўырңа ўатақ̄ағак Иоанным акузитаңаның қыпхалғығма л̄тыстағағ̄аңа югнун. Қыпх̄ағанка Атама писқыхк̄й ынк̄ам қыпхалғығма л̄тыст̄а югнун Атамнун каяхтыкақнилюңа. 37 Каяхтикам х̄әңамның, Атам л̄миның катам апх̄ә ипапихқылғық

хўаңамның аюқылдй̄. Нагақй̄гатңў̄ағәхси мыңа, ысхй̄гатңў̄ағәхси натытуляңа, ³⁸ тугукльй̄гатасилью акузитаци, қаюхльяк ухпықигатахси Атам каяхтык̄а. ³⁹ Ивағивикақаси Акузитыт Игақыхкат, қаюхльяк сюмыхпысини кынлыңилңугмың уңувалъыңвикналюки пй̄қаси. Тākуста атāсит Акузитыт Игақыхкат āпхилдй̄т хўаңамның. ⁴⁰ Нақам хўаңамнун тагиюгигатуси уңувалъылитысқылъюси.

⁴¹ Югнун усюқысюңгитуңа. ⁴² Лй̄симакамси льпыси, пиниқылъхитуси илюхпысини Кияғныгмун.

⁴³ Атама каяхтыкақāңа акузистыңулюңа лъңанун, иўырңа льпыси тугукльй̄гатахпысиңа. Нақам кина тагилюни лъңанун катам акузилдй̄ тугукльй̄гақлюку.

⁴⁴ Натынңам ухпықылъықыстыху тагитк̄ақа Кияғныгмың усюқысюгукуфси иляхпысинун, нақам тāнаңинахām Кияғныгым усюқылъыхқā авылғаглюку?

⁴⁵ Сюмыхтағәхпынаси апыхльықнилюку анахутылъыхси Атамун. Моисейеңў̄қ āпхияхқак̄ анахутылъыхпысиның қайў̄а сиғимаксяғңāхпысигу югулисқылъюси. ⁴⁶ Моисей ипа ухпықумакуфсигу ухпықнаяғәхпысиңа қаюхльяк игақыхкақāңа игатхун. ⁴⁷ Ынкām Моисейем игақыхкй̄ ухпықигалькуфсики, натынңам ухпықылъықыстыки акузитынка?»

Иисусым Нығыстильха 5,000ның Сй̄пңалдй̄ның Югның

6 ¹ Киңуңаның тām, Иисусым агвиқā Нāйвақ Галилея, āтқылдй̄лью Тивериадамың. ² Угляпихльыхй̄м малихльығātкāt қаюхльяк Нāльхуқў̄лдй̄ қинуюгның альяхльюхў̄ахтилъыхқун. ³ Кāльютың Иисусылью малихсяхтыкульхй̄т маюглютың нāйғамун акумў̄ткат. ⁴ Иудейт Пасхамун Нықынғақылъхат кāсяхтулдй̄. ⁵ Иисусым сивухльюни ысхāкй̄ юлғутыхльягыт тагиляғālъхй̄т льминун. Āптык̄а Филипп: «Накын тукфиғинаяғыста нықмың юлғутыхльягнун нығьахқамың?» ⁶ Таўатын āптык̄а Филипп натын пилъыхқā ысхāғналюку, лй̄симақығңāғмигу льми сялъыхқани. ⁷ Филиппым кй̄мсиқā: «200 динарийелгүғңамта нāмаяхқамың нықыңнāңгитукут, талў̄а сясқухағмың тунқүғңамтыки».

⁸Иляңалъю малихсѣхта таўанлыңуқ, Симон Петырым аңлыгутаңа Андрей. Андрейем пикā Иисус: ⁹«Ысха уна мыкылғйхақ талыматның нықыкшаңлъяльхақ, мālдгуклью иқальюгык, иўырңа нāманāнгитут». ¹⁰Иисусым малихсѣхтыни пикй: «Югыт ақумўтысқитыки». (Тамāна выгāхльягулғй.) Ынкāм ынтақун 5,000ңўт югыт ақумўткат, кысюткыхпынаки ағнатлью, тағнухātлью. ¹¹Тāхкын Иисусым тугулюки нықыкшагыт, игамсиқаюглюни Кияғныңмун, тунқухтыстыкй ақумўткахльягнун тамāвык. Таўатыхпигақ иқальюгык пики, қамахльютың нығўткат кыпсюльығмыхнун. ¹²Қамахльютың кыпсўсята Иисусым малихсѣхтыни пикй: «Қырңухтыху тамāна нығумаңильқаңат, сякусйқыхпынаки». ¹³Ынкāм қырңухльюки имиқйт қуля мālдгук сйпнықльюку корзинат сйпнығитның талымат нықыкшагыт. ¹⁴Тāна альгяхльюхўахтилъық югыт ысхапаглюку пикат: «Ипапыстāқ уна ўкналиқистыңўқ тагияхқāникāt нунамун». ¹⁵Иисусым лйсимакыхкаңа югыт ақфалюку умйлыңлъяғнақуткынъақңукаңат, ынкāм нāйғамун агляқак лъдинахāналюни.

Иисус Пиюлғй Мыхқун

¹⁶Таўани иғивгағми, Иисусым малихсѣхтыңи укикат Нāйвамун Галилеямун. ¹⁷Мамлыхтыкаңа, Иисусылью паниның авйлңуқ, ынкāм малихсѣхтыңи аңьямун ўхқўльютың агляқат Капернауымумун иңлюңанилңуғмун нāйвам. ¹⁸Тāхкын нāйвақ имахльюгухтыкақ қаюхльяк ануқльиҳльякаңа. ¹⁹Йўынлью аңўāғмың нāйвам қукāнун лййғақут, ысхақāt Иисус мыхқун пиюгмың тагилғй аңьямун ынкāм алиңрўгуткат. ²⁰Иўырңа Иисусым пикй: «Алиңыхпынаси, Хўаңаңўңа». ²¹Ынкāм ўхтысюкāt аңьямун. Тāхкын таўаниңинақ қўтмун кātкат такукамыхнун.

Югыт Ивақаңат Иисус

²²Юлгутыхльягыт уныхтыкат иңлюңани нāйвам, унāмиңани пиялғймың Иисус авйтуқ. Лйсимакыхкаңат атāsйналғй аңьяқ ыснами. Иисус малигусимаңилңуқ

малихсѣхтыминун аңьякун, лъцинағмың пикѣлгѣит унильюку. ²³Тѣхкын иляңи аңят кѣткѣткат Тивериадамың. Тамлякат туңаңакун юлгутыхлъягыт нығутфигитхун игивгақ. Нығыхкѣлгѣит нықыкшаңлъямың, киңуңаның Исусым игамсиқаюльхан. ²⁴Юлгутыхлъягыт пиялгѣймың Исусылыю малихсѣхтыкульхѣит авѣтут, ынкѣм аңянун ухлъыцѣльютың Капернаумымун ивағьяхтуқат Исус.

Исус Нықыкшаңлъяғуқ Уңувалъылитикаюқ

²⁵Налькысымыхтыху Исус аптыкѣт: «Апыхтуғиста, қавзақ мѣвык кѣсин?» ²⁶Исусым кѣмсиқй: «Ипа уңипѣтамси, ивағапысиңа қаюхлъяк нығылгѣйси нықыкшаңлъямың кыпсюғѣглюси. Ивангитахпысиңа альѣхлъюхѣахтилъхынка апальюқлъюки.

²⁷Қыпхѣахтыпынѣн нықа мулюңигалнуқ. Йығлыги қыпхѣахитыху нықа нѣвьяхқангилнуқ, кынлыңунѣн уңувалъыңыстикаюқ. Таўатылнуқ нықа Иғныңан Юғым тўнъяхқақа лыпысинун, қаюхлъяк Кияғнығым Атам итагнақыхқақѣ лъңа».

²⁸Югыт аптыкѣт Исус: «Сяңѣўат қыпхақат Кияғнығым писқысюкѣ хўаңқунъун?» ²⁹Исусым кѣмсиқй: «Лъпысинун қыпхақак Кияғнығым писқысюкѣ ысѣа уна: ухпықысқылъюку тѣна атѣсиқ Кияғнығым каяхтыкѣ». ³⁰Ынкѣм югыт аптыкѣт: «Сяңѣўѣ альѣхлъюхѣахтилъық пинаяхсигу? Ысѣапагьяқумтыху ынѣѣталъ ухпықнаяғамкын. Сянаяхсин? ³¹Сивуныпут нығыхкѣгут маннамың килгѣни. Акузитни Игақыхкани игақыхкѣғуқ хўатын: “Қиляғмың памакын тўныхкѣй нықыкшаңлъямың нығысқылъюки”». ³²Исусым пикѣй: «Ипа уңипѣтамси, қиляғмың памакын Моисейеңуңгитуқ тўникақ нықыкшаңлъямың. Қиляғмың памакын Атакақа тўникаюқ нықыкшаңлъяпигмың лъпысинун. ³³Кияғнығым нықыкшаңлъя ысѣа тѣна атѣсиқ укикақ қиляғмың, тўнилгѣй уңувалъығмың нунам юғанун. ³⁴Югыт пикѣт: «Югунѣй, йўлың тўникут таўатылнуғмың нықыкшаңлъямың».

³⁵Исусым пикѣй: «Хўаңаңўқ нықыкшаңлъяқ уңувалъылитикаюқ. Кина тѣна тагилгѣй хўаңамнун

алъямыңлью игатагнәнҗитук. Китум т̄ам ухпықыхкумиңа алъямыңлью мықсюгнәнҗитук. ³⁶Иўырңа сивунҗани уңип̄атыльымтун п̄мси, ысхақақахпысиңа иўырңа сядин ухпықигатахпысиңа. ³⁷Кина алңунак Атам тагивақ̄а тагияхқ̄агук хўаңамнун. Ихсяксяхқ̄ақынҗитақа кина алңунак тагилҗ̄и хўаңамнун, ³⁸қаюхльяк укик̄агуңа қиягмың атуқналюку пиюкыльха Каяхтистыма. Хўаңа пиюкыльқа пияхт̄унҗитақа. ³⁹Каяхтистыма ифль̄йсюнҗитаңа т̄акуның тагивақ̄аминаың, талўа ат̄асихақ. Итупиль хўаңамнун уңувахтысқысӯй̄и киңулиҗми ағныҗми. ⁴⁰Уна Атама Пиюкыльқақа: китум алңунак ысхағлюку Иғнықа ухпықыхкумигу кынлыңилңуғмың уңувалъыңылъықуқ. Ынк̄ам уңувахльықақа киңулиҗми ағныҗми.

⁴¹Иудейт уңьюпхутк̄ат Исусым хўатын пильха: «Хўаңа нықыкшаңльягуңа укикақ қиягмың». ⁴²Пикат: «Исусыңў̄к, Иосифым игнық̄а, л̄исимақахпут атаңалью, н̄аңалью. Сяңами хўатын п̄и: “Укик̄агуңа қиягмың?”»

⁴³Иўырңа Исусым пик̄и: «Уңьюпыхтыхпынаси.

⁴⁴Атаңў̄к каяхтикақ хўаңамның. Кина алңунак тагинәнҗитук хўаңамнун ұйтқуқун Атам тагистыкумигу хўаңамнун. Ынк̄ам уңувахльықақа киңулиҗми ағныҗми.

⁴⁵Ўкналиқистыт игақыхқ̄ақ̄ат уна: “Кияғнығым апыхтуғьяхқ̄ақ̄и қамахльюки югыт”. Тамахағми нагалъх̄и, л̄ильх̄и Атамың тагикаюг̄ў̄к хўаңамнун.

⁴⁶Сюмыхтағахпынаси китумун алңунак ысх̄аманилюку Ата. Кияғнығмың тагикам л̄ьңинахағми ысхақақ̄а Ата.

⁴⁷Ипа уңип̄атамси, л̄ңа т̄ана ухпықилҗ̄и кынлыңилңуғмың уңувалъылг̄ў̄к. ⁴⁸Хўаңа нықыкшаңльягуңа т̄үникаюк кынлыңилңуғмың уңувалъығмың. ⁴⁹Сивуныси нығыхк̄агут маннамың килг̄ани, иўырңа паниның туқуляғ̄атк̄агут. ⁵⁰Иўырңа уна нықыкшаңльяқ укикақ қиягмың, китум алңунак нығыхкумигу туқунәнҗитңў̄ахтуқ. ⁵¹Хўаңа уңувалъылитикаюг̄ў̄ңа, нықыкшаңльяқ укикақ қиягмың. Китум алңунак нығыхкумигу т̄ана нықыкшаңльяқ, кияхсяхқ̄агук қ̄унпырухльяк. Т̄ана нықыкшаңльяқ кымыкшакақа, т̄үнақыхкыхка нунам юги уңувалъыңысқылъюки».

52 Тәхкын Иудейт ахтірәгусягуткат лъмыхның. Пикат: «Натын ұм югым кымыкшани тўнақагу нығысқылъюку?»
 53 Исусым пикй: «Ипа уңипәтамси, Иғныңан Югым кымыкшага нығьяхқақәси, аўалью мығьяхқақәси. Таўатын пингилькуфси, уңувальыпигитуси илюхпысини.
 54 Китум алңунак нығыхкумигу кымыкшака, мығыхкумигу ақўа, кынлыңилңуғмың уңувальылгўқ, уңувахльықақалтью киңулиғми ағныңми. 55 Кымыкшака нықыхпигәгуқ, ақўалью мығьяхқапйгўқ. 56 Китум алңунак нығыхкумигу кымыкшака, мығыхкумигу ақўа, кияхтыңгўқ хўаңамни, хўаңа Кияхтыңгўт лъңан илюңани.
 57 Атам уңувастикаюгым каяхтыкақәңа, хўаңалтью уңувастақәңа. Ынкәм китум алңунак нығыхкумиңа уңувальықуқ хўаңа апальюқлъюңа. 58 Сивунымта нығыхкйстун нықыкшаңлъястун аюқынгитуңа. Нығыхкәгут нықыкшаңлъямың иўырңа паниның туқулягәткәгут. Нықыкшаңлъягуңа укикақ қилиягмың. Кина алңунак нығыхкуми тәхкын нықыкшаңлъямың кияхсяхқәгуқ қўнпырухлъяк». 59 Исусым тамәна қамахлъюку аңқә апыхтуғиңулюни синагогаңани Капернауыми.

Апыхтўся Кынлыңилңум Уңувальхым

60 Исусым малихсяхтыңита нагалъюку альюльютың пикат: «Уна апыхтўсяқ пияқнапихтуқ, китумңам тугукльиҳлъықагу?» 61 Уңипәтыстыңунани Исусым лйсимакыхкәңи малихсяхтыни уңьюпхульхйт таўатын, ынкәм пикй: «Тәм апыхтульхым йльқаюхтыстисй?
 62 Сямыңңам пинаяғыстык ысхағьякуфсигу Иғныңа Югым маюлгй ныксяқыминун сивунғани? 63 Тағныңақ уңувальылитикаюгўк, иўырңа йок уңувальылитинәнгитуқ. Акузитынка лпысынун тағныңагутлъю уңувальхўтлъю.
 64 Иўырңа иляхпыси ухпықигатйт акузитынка». (Исусым лйсимакыхкәңи килью ухпықингилңут. Лйсимакыхкәңи има пйнлигьюхўальығмың. Талўа лйсимакыхкәңа кинаңутаңа увыхпагутияхқәк лъминың.) 65 Исусым пикй: «Иляхпыси ухпықингитыльхә апальюқлъюку хўатын пикәгуңа: “Атам тагисныгилькумигу йок хўаңамнун, тагинәнгитгўахтуқ”».

⁶⁶ Киңуңаның Иисусым таўатын пильхан угляпихлғыхїм малихсїхтыңан униткї малихсїғнаниқат.
⁶⁷ Иисусым аптыкї қуля мїлгук сїпнықлгыюку малихсїхтыт: «Лпысылгыю агуляқсюгыстык?»
⁶⁸ Симон Петырым кїмсиқї: «Атанық, китумунңам пильықыста? Лпык акузитыхпк апхақї натын альхығутылгыхқақ кынлыңилнугмың уңувалгығмың.
⁶⁹ Хўаңкута ухпықамкын, литкақамкын лпык Аглығналгїкїатын Кияғнығым).
⁷⁰ Тїхкын Иисусым пикї: «Накмикыхкақақа қуля мїлгук сїпнықлгыюку малихсїхтыкахқақ, лпысиңут. Иўырңа налихси атасиқ тугнығагуқ». ⁷¹ Иисусым акузиткыңбукаңа Иуда, игныға Симон Искариотым қаюхлгык тїкўаниңани увыхпагусяхқақыхкаңа. Иуда илякыхкаңат тїкут қуля мїлгук сїпңалгїт малихсїхтыт.

Иисусым Аңлыгутаңита Ухпықынгилькаңат

7 ¹ Киңуңаның тїм Иисус иглығакақ Галилеями. Иглығаюгумаңилнуқ Иудеями, қаюхлгык Иудеит иглыгутистыңит тамїнлыңут тукусюгукаңат.
² Иудеит нықынғахқылгыхқат атқылгї шалашымың кїсїхтуысталгї.
³ Иисусым аңлыгутаңита пикїт: «Агуляқи мїкын, аглї Иудеямун малихсїхтытын ысхапагысқылгыюки альхлгыюхўахтилгыхпының.
⁴ Китум алңунак апыхсыгўюлгїм аксїкигатї сїлгыни. Ынкїм таўатын пинақнукувык тамахағми югым ысхапаглитын!»
⁵ (Талўа аңлыгутаңита Иисус ухпықынгилькаңат.)
⁶ Иисусым аңлыгутни пикї: «Иудеитылгыхқақа сїлин кїсигатук, иўырңа лпыси алңунак ағнығни пияхқїгуси.
⁷ Нунам юган угумикнїнгитїси, хўаңа угумикїтңа қаюхлгык апхақыхкыхка сығлық атуқақыхкаңат.
⁸ Ынкїм лпыси нықынғахқылгїнун пикатык; хўаңа пинақынгїтуңа қаюхлгык ағнықа сїлин кїсигатук». ⁹ Иисусым таўатын пилюки лыңа Галилеямытқак.

Иисус Нықынғахқымьун Пилгї

¹⁰ Иисусым аңлыгутаңи нықынғахқымьун пикат. Тїхкын киңуңитның югнун ысхахтысюкахпынани лыңалгыю пикақ.
¹¹ Нықынғахқымьи Иудеит

иглыгутистыңита ивақāt Иисус, пимағмың: «Нāгу тāна йōк?» ¹² Угляпихльыхīt югыт таўанлыңūt сигуткūtкыхкāt Иисус. Иляңита пикāt: «Иисус пинйпихтуқ йōк». Иляңита пикāt: «Накā, пўхтақй югыт». ¹³ Иўырңа китум алңунак қайңақун акузиткумаңилькаңа Иисус, алиңлюни Иудеит иглыгутистыңитның.

Иисус Апыхтуғилгй Нықынғақылгйни

¹⁴ Нықынғақылхә неделям қукагитақуқлю, Иисус Храмымун аглялюни апыхтуғикақ. ¹⁵ Иудеит иглыгутистыңита сядйғаягульюку пикат: «Натын уна йōк лйтыхльяхта игағьямаңилңуқ?» ¹⁶ Иисусым кймсиқй: «Апыхтўсянка хўаңамның пиңунгитут, Каяхтистымның пиңūt. ¹⁷ Китум алңунак Кияғнығым пиюкылхә атуқсюгокумигу лйсимаксяққақā, апыхтуғильқа Кияғнығмың пиңутаңа, налиғмың хўаңамның катам пиңутаңа. ¹⁸ Кина алңунак апыхтуғилгй льми катам сюмыхтағалығминың қўлвалыңнақуткыңбўқ. Иўырңа кина алңунак қўлвалыңыстинақуткылгй каяхтикамун, акузиңўқ ипапигмың, иқлыңиқигатук. ¹⁹ Қамахльюси лйсимакақси Моисейем Лйлихтўсялиткақйси, иўырңа налихйнахпыси қаткигатаси. Сяңамаңам туқуньяқуткыстыңа?» ²⁰ Югыт кймсиқāt: «Тугныңām йтхумāтын. Китум туқуньяқуткатын?» ²¹ Иисусым пикй: «Атāсимың альяхльюхўахтияма Субботами қамахльюси сядйғаюхтуси. ²² Моисейем қылъқақйси обрезаниясқылъюки игныси (қайўа сивуныси обрезаниякāғңата Моисейем обрезаниясқылхән сивуңани). Нақам лыпыси обрезанияққанғата игныси Субботами пйқаси. ²³ Нāфқыңбунгилькуфсигу Моисейем Лйлихтўсй обрезаниягильхыпысигун Субботами, сяңама угумиягутыстыңа йōк нāльхутнўālыымның Субботами? ²⁴ Нанқихтихпынаси югыт сякутаңи лйгикнўāхпынаки, нанқихтйқитык ылькүгульюси».

Иисус, Христосыңўā, Кияғнығым Каяхтыкā

²⁵ Тāхкын иляңи Иерусалимығмйт пикат: «Тāната йōк туқусюкаңат. ²⁶ Нақам ысха апыхтуғилгй югнун, нақамлью иглыгутистымта сянақигатāt. Қā хўā лйгикāt

Христосыңуотаңа, Кияғныңым каяхтыкә? 27 Иўырңа хўаңкута лїсимакаҳпут тана юк накын пиңуотаңа. Христосыпик тагикан, китум алңунак нальюксяҳқақә накын пиңуотаңа».

28 Исус паниның апыхтуғиңулюни Храмыми, игляхтулюни пикақ: «Қайўа лїсимақңўағыстыхў кинаңутка, накынлю пиңутка? Хўаңамның тагимаңитуңа. Каяхтистыка ипапигўк, иўырңа лыпыси нальюкаҳси. 29 Хўаңа лїсимакақа қаюхльяк лъңаның тагикагуңа, лъңан каяхтыкақәңа». 30 Исус таўатын пиян иляңита югыт тугунақуткыхкәт. Иўырңа китум алңунак ахтуқаманилькаңа қаюхльяк ағныға сялин кәсигалңуқ. 31 Иўырңа угляпихльыхйт югыт ухпықыхкаңат Исус. Ынкәм пикат: «Лїсимакаҳпут уна юк Христосыңўк, қаюхльяк угляпихлюку альяҳлыюхўахтїқ Христосым пияҳқәның».

Иудеит Лїгикынғилькаңит Исусым Акузитаңи

32 Иляңита Фарисеит нагақуқйт югыт таўатын акузимлығәльхйт Исусымың, ынкәм лъңиталью, первосвященнигытлю каяхтыкйт кылыңакистыт тугусқылюку. 33 Тәхкын Исус пикақ: «Натыңйҳақ лыпысинильюңа агляҳлықыңа Каяхтистымнун. 34 Иваҳлықаҳпысиңа иўырңа нәлькынъәнғитаҳпысиңа. Такукамнун агляҳпағниңитуси». 35 Иудеит иглығутистыңита илятың пикйт: «Навык уна юк пинақа нәлькысяҳқәфқәми? Грегыт акуляңитнилңўт юпут такуляғнақакї? Қә апыхтуғилықуқ Грегынун? 36 Сямыңтуқ Исус пй хўатын пйқңами: “Иваҳлықаҳпысиңа иўырңа нәлькынъәнғитаҳпысиңа; такукамнун аляғнәнңитуси”?»

Исусым Акузитки Аглығналғїк Тағнығак

37 Киңулик ағныға нықынғаҳқыльхым мығнуналъыхпигәлғй. Таўани ағнығми, Исус ныкывлюни игляхтулюни пикй: «Кина алңунак мықсюкуми тагиллюни хўаңамнун мығли. 38 Китум алңунак ухпықыхкумиңа, илюңаның қамакын кйўыт мақсяҳқәгут уңувалыңыстыкаюгыт мығыт». Акузитыт

Игақыхкат таўатын пикагут. ³⁹Иисусым акузиткыңбукук Аглығналдйк Тағнығак. Кияғнығым Тағнығағни сялин тўнигатак қаюхлъяк сялин кывгигалькаңа Иисус құлвалғылитыхлъягналюку. Иўырңа тәкўаниңани тамәкут ухпықилдйт Иисусымың, альхыгусяхқәгут Тағнығағның.

Ахтйрәгуткыхкаңат Иисус

⁴⁰Нагасямыхтыху Иисус таўатын акузилдй иляңи югыт пикат: «Уна юк ипапыстәк ўкналиқистыңўқ ныгыюкыхкаҳпут». ⁴¹Иляңита пикат: «Христосыңўқ». Иўырңа иляңита пикат: «Христос тагияхқәўә Галилеямың? ⁴²Акузитыт Игақыхкат пикагут Христос тагилықнилюку Давидым ныңлыюгутаңаның, альхыхлъяқнилюкулюю Вифлеемыми, Давидым кияхфиганың». ⁴³Иляңита югыт ипапиҳқуткумаңилькаңат Иисус, ⁴⁴ынкәм тугуюкәт иўырңа китум алңунак ахтуқәмаңилькаңа.

Иудейт Иглығутистыңит Ухпықингилңўт

⁴⁵Кылыңакистыт каяхтыкәйлдйт тугусқылъяку Иисус, кәсята первосвященнигытлю, Фарисейтлю әптыкйт: «Сяңан тагинъаниғыстыху Иисус?» ⁴⁶Кймсиқйт: «Кина алңунак тәтун юхтун акузиңигатук». ⁴⁷Фарисейт әптыкйт: «Льпысылъю Иисусым пўхтисй? ⁴⁸Хўаңкута иглығутистынилью, Фарисейнилью лйсимакапут Моисейем Лйлихтўсй. Налимтәа ухпықатху Иисус? Накә! ⁴⁹Тамәкут юлгутыт нальюкйт Моисейем Лйлихтўсй, ынкәм Кияғнығым нәфқылъяқй». ⁵⁰(Атәсиқ Иудейт иглығутистыңат Никодимыңуфтуқ, сивунғани Иисусымун пикақ.) Никодимым пикй: ⁵¹«Лйлихтўсымнй нанқихсяққынғитаҳпут юк, ўйтқукун нагалъяку лйгикыхкумтыху сяматаңа». ⁵²Пикат: «Льпыклью Галилеямың пиңузин? Лйнъақики Акузитыт Игақыхкат. Лйльықан ўкналиқистыңитук тагикамың Галилеямың». ⁵³Қамахлъяни тамәна ағуляқўтқак, нымыхнун агляхтўтқак.

Гылгагнйқақ Ағнақ

8 ¹Иисус агляқақ Елеоным найғаханун. ²Унәңулюку аглянқиқтықақ Храмымун. Юлгун тагилядәсян Иисусым ақумлюни апыхтуқй. ³Лйлихтүсяның апыхтуғикаюгытлю, Фарисейтлю тагиткәт ағнақ аңуксяқақ гылгагнйғумалюку. Ныкывысльюку сивуңитхун югыт, ⁴Иисус пикәт: «Апыхтуғиста, уна ағнақ аңуксякәгуқ гылгагнйғумалюку. ⁵Лйлихтүсян Моисейем қылгусякә, ағнат таўатын пиката туқутысқылтыюки милюхпагәтахйнақ. Лпык сямың пинаяхсигу?» ⁶Иисус әптыкәт таўатын Лйлихтүсят кипулъыгмун сямың писқылтыюки, қаюхлъяк анахутысюгукаңат. Иисус пыцлыхлъюни игңығәғминың игақақ нунакун. ⁷Аптәтағьятни Иисусым ныкывлюни пикй: «Налихпыси сығлыхқылтықшахйлңүм милюгьюхәғлигу уйғагмың». ⁸Аля пыцлыхлъюни игңығәғминың игақақ нунакун. ⁹Нагасямыхтыху Иисус, ағуляқүтыкыстақат. Нуйыклъйт сивукльютың, тәхкын тамәкут иляңит ағуляқүткат. Иисус льңинахәхтықақ, иўырңакун тәна ағнақ паниның ныкывғалгй сивуңани. ¹⁰Иисусым ныкывынқихлъюни әптыкә: «Ағнами, нәки анахунъистытын? Налихйнитә ағьюгьяхқәнилютын пингитатын?» ¹¹Кймсиқә: «Югунйқ, налихйнитә пингитәтңа». Ынкәм Иисусым пикә: «Хўаңалю ағьюгьяхқәнилютын пинақынгитамкын. Ағуляқи, аля сығлыхқыхпынаң».

Иисус Ниғугүк Нунам Юганун

¹²Тәкўаниңани Иисусым алыхқуғләтәкй югыт. Пикй: «Хўаңа ниғугүңа нунам юганун. Китум малихтыкумиңа мамлыгми кияхнәнғитуқ, кынылгульықуқ уңувалылитикаюгмың». ¹³Фарисейт пикәт Иисус: «Таўа апықлґятахтутын лыпынун, иўырңа акузитытын ипапихқусиқйтут». ¹⁴Иисусым пикй: «Акузиткыңғәгма хўаңамның катам, акузитынка ипаңүт қаюхлъяк лйсимакақа накын тагиткәнка, лйсимакақалю такуяхқақа. Лпыси нальюкаҳси накын пиматка, талўа нальюкаҳси такуяхқақа. ¹⁵Нанқихтйқуси нунам югатун, хўаңа нанқихсигатақа кина алңунак.

16 Нанқихтинақсяқума нанқихтильқа ыльқудутңанаяхтуқ қаюхляк лъңинанңитуңа: Ата Каяхтистыка хўаңамнитук.
 17 Лилихтўсяхпысини игақңақ мәлдук югык сяңўа апқумыхтыху таўатыңўақ, акузильхик ухпықылбықйт ипаңунилюки. 18 Ынкәм хўаңамның апхақуңа, Атамлью Каяхтистыма апхақаңа». 19 Аптыкāt: «Нāгу Атан?» Иисусым кїмсиқй: «Нальюкаҳпысикут Атакульхйғни. Иўырңа хўаңа лїсимаксяқуфсиңа, Атакалью лїсимакнаяғәси». 20 Иисус апыхтуғиңулғй таўатын Храмыми манимың афльыңакивиган туңаңани. Иўырңа китум алңунак тугумаңиткā, қаюхляк пилъыхқā сялин кāсигалңук.

Иудеялғутыт Ухпықыхкаңат Иисус

21 Алъямың Иисусым пикй югыт: «Унильықамси, иваҳлыбықаҳпысиңа, иўырңа туқулбықуси сығлықылбыхтўмаҳпыси. Такукамнун агляннāңитуси». 22 Тāхкын Иудеит иглытутистыңит пикат: «Иисус хўатын пйқ: “Такукамнун агляннāңитуси”. Қā льминың туқунбақуқ?» 23 Иўырңа Иисусым пикй: «Лпыси мākын нунамың пиңўси, хўаңа памакын пиңўңа. Лпыси нунам пикйси, хўаңа нунам пикынғитāңа. 24 Ынкәм уңипāтамси туқулбықнилюси сығлықылбыхтўмаҳпыси. Аа туқулбықуси сығлықылбыхтўмаҳпыси ухпықынғилькуфсиңа хўаңа хўаңаңутка». 25 Аптыкāt: «Кинаңузинми?» Иисусым кїмсиқй: «Хўаңаңўңа апхақылбымтун пинлиғьюхўālлығмың има. 26 Акузиткысяқақхлягўңа лпысиның, нанқихтусихқақтўңалью лпысинун. Иўырңа Каяхтикақ хўаңамның ипаңўқ, ынкәм нунам юганун апхақанка нагатканка лъңаның».

27 Югыт лйгикумаңилькаңат Иисусымун акузиткыңбутаңа Ата. 28 Ынкәм Иисусым пикй: «Кыфкуфсигу Иғныға Югым лйльықақси хўаңа хўаңаңутка. Лйльықақси сяңўа мāна пйқыхкыхка хўаңамның пиңигатулька. Лйльықақси акузиткыхкаюгутка Атам апыхтўсяқыхкаҳйнā хўаңамнун. 29 Каяхтикақ хўаңамның хўаңамнитук. Иўлың атуқыхкаюўақа ыфқухтиналғй лъңанун

ынкām унисигатāңа». ³⁰Иисус таўатын акузималюку, угляпихлгыҳїм ухпықыхкā.

Итымутылығық Сығлығылығымың

³¹Иисусым пикї Иудеит ухпықилгїт лъңаның: «Нагныкуфси қātкулъюси апыхтулъымнун, ипапыстāқ малихсяхтыкамси. ³²Ипапихқылығық лїлгықахси ынкām ипапихқылығықым итымұлгықїси». ³³Пикāt: «Авраамым киңункїлью, қыпхахтылгунгитукут. Сяңамта пизикут итымусяхқāнилюта?» ³⁴Иисусым кїмсиқї: «Ипа уңипāтамси, кина алңунақ сығлығыңғалгї, сығлығылығықмун қыпхахтылгыстун аюқуқ. ³⁵Қыпхахтылгяқ ныңлгюгутынисяхқāнгитук қўнпырухлгяк. Иўырңа ныңлгюгутыт иңнығат лъңитнисяхқāгук қўнпырухлгяк. ³⁶Ынкām Иғнығым итымыстықаңиси, ипапыстāқ итымьяхқāгуси. ³⁷Лїсимакамси Авраамым киңункїси. Иўырңа туқуюақахпысиңа қаюхлгяк тугуклгїгалгькиси апыхтгїсянка. ³⁸Уңипāтамси Атама кылгуткāның хўаңамнун, иўырңа лъпыси атахпыси қылгуткā пїқахси».

³⁹Кїмсиқāt: «Хўаңкута атакахпут Авраам». Иисусым пикї: «Ипа Авраамым авақутақсықаңиси, атуқақнаяғхси Авраамым пикā. ⁴⁰Иўырңа хўā лъпыси туқунгякуткақахпысиңа, хўаңа ипапигмың уңипāтикаюк нагақуқамның Кияғнығмың. Авраам таўатын пинаянгитук. ⁴¹Атуқңўāхси атахпыси пикā». Иудеит пикāt: «Кияғныҳїнāгук Атавут, ынкām хўаңкута лъңан иңныпикїлью». ⁴²Иисусым пикї: «Кияғнық ипа Атаксякуфсигу пиниқнаяғхпысиңа, қаюхлгяк тагикāгуңа Кияғнығмың, ынкām хўā хўāнтуңа. Хўаңамның тагимаңитуңа, Кияғнығым каяхтыкақāңа. ⁴³Лїгикигатахси сямың пилгяқа қаюхлгяк тугуклгїгьяхқақынгилгькиси апыхтугилгьхынка. ⁴⁴Авақутақїси атахпыси тугнығам, ынкām атуқсюақахси атахпыси пиюкыльгя. Пїнлигьюхўāлығымың има юхтахтыңуқ. Ипапихқылығық атуқахсигатā қаюхлгяк ипапихқылығықхилңуқ. Иқлығыңиқнығмини таўаңинахқ айгїткани пїқыхкаңа қаюхлгяк иқлығыңиқыстыңулгї, атакыхкаңа иқлығыңам.

45 Иўырҗа хўаҗа акузиқуҗа ипапигмың, ынкām тамākын апальюқльюку ухпықигатахпысиҗа. 46 Налихпыси ипапихқуткынъаяхтаҗа сығлыхқыстыңутка? Қайўа акузиғнāғма ипапигмың, сяҗамаҗам ухпықигастыңъа? 47 Китум алнунак Кияғнығым пиҗан тугукльиғақй Кияғнығым акузитаҗи. Иўырҗа лыпыси тугукльиғатаси Кияғнығым акузитаҗи, қаюхльяк Кияғнығым пикынғилькаҗиси».

Иисус Аҗатағахтуқ Авраамымың

48 Иудеит пикāt: «Пймкын, Самарияғмиңўтын, туғнығамлью йтхумātын. Ипа пизикāн?» 49 Иисусым кймсиқй: «Туғнығам итыльхитāҗа. Қўлвағақаҗа Атакā иўырҗа лыпыси қўлвйғатахпысиҗа. 50 Қўлвалығыҗнақуткыңьунғитуҗа хўаҗамның. Иўырҗа Атāсийгуқ қўлвағиюлғй хўаҗамның, лыҗаңўк нанқихтияхқак ыльқуғульюни. 51 Ипа уңипāтамси, китум алнунак қātкыхкумики апыхтуғильхынка, туқунāңгитнўāхтуқ». 52 Иудеит пикāt Иисус: «Тāўа лйтамкын туғнығалгугфутын илюхпыни. Талўа Авраамылью, ўкналиқистытлью туқуляғātкāгут. Иўырҗа лыпык пйтын: “Китум алнунак қātкыхкумики апыхтуғильхынка, туқунāңгитнўāхтуқ”. 53 Сюмыхпынй āҗатағахсйн атамның Авраамымың? Авраам туқукāгуқ, ўкналиқистытлью туқуляғātкāгут. Кинаунилютын пйқсин?» 54 Иисусым кймсиқй: «Хўаҗамның қўлвақума тāна қўлвалыық сясйнāнгитуқ. Қўлвағикаюк хўаҗамның Атакаҗа. Лпыси Кияғнықнйқльюку 55 нальюкахси. Хўаҗа лйсимакаҗа. Нальюкникумкун иқльыңиқыстыңульықуҗа лыпысистун. Иўырҗа хўаҗа лйсимакаҗа, қātкақанкалью сямың пильхй. 56 Атази Авраам куяхльякāгуқ ысхахльықнилюку тагильқа. Ысхақақā, ынкām куякāгуқ». 57 Иудеит пикāt: «Ай? Сямың пизин? Ысхāмаңитнўāған Авраам. Талўа сялин йок мālғук қуля сйпнықльюку аюмиқиңухсигатутын». 58 Иисусым пикй: «Ипа уңипāтамси, талўа сивуҗани Авраамым Хўаҗаңўҗа». 59 Иисус таўатын пиян, югыт уйғагмың тугульяткат милюхпағāтағналюку. Иўырҗа Иисус йғлюни āныхкақ Храмымың.

Иисусым Нальхускаңа Аякақ Юк

9 ¹Иисусым иглыгуткыльюку ысхақә юк аяңағми альхықак. ²Малихсяқтыңан аптыкә: «Апыхтуғиста, китум сығлыққылъхан уна юк аяңағми альхықтыстагу, лъңан сығлыққылъхә налиғмың аңаюқажкынка?» ³Иисусым кймсиқй: «Ўм югым налиғмың аңаюқажкынка сығлыққылъхита аяңаснығитә. Уна юк аяңағми альхықәгуқ ысхйсқылъюку Кияғнығым ахтуғьяхқәңгилъха лъңакун. ⁴Нағныгутыпыстағьяхқакәпут қыпхақй Каяхтистыма паниның ағныцулюку. Унугьяхтуғә, кина алңунак қыпхағнәңгитук унугми. ⁵Паниның нунамыльюңа ниғукәңа нунам юган». ⁶Таўатын пикаткыльюку нунакун қысиғлюни сюнамың акуллюку аңиххкакык югым йсскык. ⁷Тәхкын юк пикә: «Найвағағмун Силоамымун ағмигьяхтә». (Силоам хўатын писйлғй: «Туюқак».) Ынкәм юк ағмигьяхтуғлюни тагиялғйми ысхәсягульюни. ⁸Увилиғнығиталью, иляңиталью аўын ысхағақыхқаңат тәна юк туңсиғралғй ынкәм әпқуғәгуткат: «Унаңуңгитә юк акуллюни туңсиғрағақсылғй?» ⁹Иляңи пикат: «Аа тәнаңуқ». Иўырңа иляңи пикат: «Накә, альяңуқ, кинаңуқ лъңасюгнилңуқ». Ынкәм аяңаялғйм пикй: «Тәнаңуңа». ¹⁰Аптыкәт: «Натын ысхәсягусин?» ¹¹Кймсиқй: «Югым әтқылғйм Иисусымың қысиғлюни сюнамың акуллюку аңихльюкык ийыхка ағмигьяхтйсқәңа Силоамымун. Ынкәм ағмиглюңа ысхәсягутуңа». ¹²Аптыкәт: «Нәгу тәна юк?» Югым кймсиқй: «Ся, нальюкақә!»

Фарисейт Әпқуғәқаңат Аяңаялғй

¹³Тәхкын аяңаялғй югыт ағлъткәт Фарисейнун. ¹⁴(Таўани ағнығми Субботаңулғй Иисусым қысиғлюни сюнамың акуллюку ысхәсягутыстақңамигу юк.) ¹⁵Фарисейт әптыкәт юк: «Натын ысхағьягусин?» Кймсиқй: «Югым аңихльюкык сюнамың ийыхка, ағмигьялғйңа ысхағтуңа». ¹⁶Иляңи Фарисейт пикат: «Уна юк Кияғнығмың пиңунгитук, қаюхльяк қәткигатй Лйлихтүсят Субботамың аюқылғйт». Иўырңа иляңи пикат: «Юк сығлыхқыста, альяәхльюхўахтиляғнәңгитук таўатылңуғмың». Ахтирәгуткат.

17 Аля̄ а̄птык̄ат̄ ю̄к: «Ль̄ңан ыс̄ха̄қтыст̄атын. Сямың пина̄яхсигу?» Югым к̄имсиқ̄и: «Ўкна̄лиқис̄тыңӯқ». 18 Иудеит иглы̄гутистыңита ухпы̄қумаңилька̄нат ая̄ңая̄таңал̄ю, ыс̄ха̄гьягутыль̄хал̄ю, ынк̄ам ақ̄фастыка̄хкыт а̄ңаю̄қакык. 19 А̄птыка̄хкыт: «Уна иг̄нықыстыху? Ая̄ңагми альхы̄гуманикыси, натын ыс̄ха̄гьягута?» 20 А̄ңаю̄қакынка к̄имсиқ̄и: «Л̄исимака̄хпут иг̄нықа̄хпут. Л̄исимака̄хпут ая̄ңагми альхы̄қ̄агук, 21 ӣўыр̄ңа налью̄ка̄хпут натын ыс̄ха̄гьягусимата̄ңа. Тал̄ўа налью̄ка̄хпут китум ыс̄ха̄гьягутыстыль̄ха. А̄птыху югӯхтык̄агук, к̄имсиғ̄н̄аг̄йси ль̄миның». 22 А̄ңаю̄қакык та̄ўатын пикак алиңлю̄тык Иудеит иглы̄гутистыңитның. Иглы̄гутистыт ат̄ас̄йхтыңў̄ақат китум ал̄ңунак ухпы̄қникагу Исус, Христосыңунилюку иқитыся̄хқ̄алюку синагогамың. 23 Та̄на апалью̄қ̄люку а̄ңаю̄қакык х̄ўатын пикак: «Югӯхтык̄агук, а̄птыху».

24 Ынк̄ам Иудеит иглы̄гутистыңита туқлы̄юнқих̄люку ая̄ңаял̄д̄ӣ ю̄к, пик̄ат: «Усю̄қигу Кияг̄нық. Л̄исимака̄хпут та̄на ю̄к, Исус, сы̄ғлы̄хқыстыңӯқ». 25 Пик̄и: «Налью̄кақ̄а сы̄ғлы̄хқыстыңута̄ңа, ӣўыр̄ңа л̄исимақ̄ў̄ағақа ая̄ңаял̄д̄ӣңа х̄ўа ыс̄ха̄гьягута̄ңа». 26 Иудеит иглы̄гутистыңита а̄птык̄ат: «С̄ятын? Натын ыс̄ха̄гьягутыстатын?» 27 К̄имсиқ̄и: «Уңӣп̄ат̄н̄ў̄ағамси, ӣўыр̄ңа нагасю̄гигатахпысӣңа. Сяңан аля̄ нагасю̄гыстыху? Льпы̄сил̄ю малихс̄я̄хтыңух̄сю̄гыстык ль̄ңанун?» 28 Та̄хкын угумия̄гульюку пик̄ат: «Льпык малихс̄я̄хтык̄атын. Х̄ўаңкута Моисейем малихс̄я̄хтык̄илью. 29 Л̄исимака̄хпут Кияг̄ныңым алы̄хқуқақ̄а Моисей. Ӣўыр̄ңа та̄на ю̄к, Исус, налью̄ка̄хпут накын пиңута̄ңа». 30 Югым пик̄и: «К̄и! Льпыси иглы̄гутистыни нальюкумастыху накын тагик̄ата̄ңа, нақамлью ль̄ңан ыс̄ха̄гьягутыста̄ңа. 31 Қама̄хльюта л̄исимақ̄ў̄ағах̄пут Кияг̄ныңым нагасигат̄и сы̄ғлы̄хқыстыт. Ӣўыр̄ңа Кияг̄ныңым нагаткаю̄ў̄а кина ал̄ңунак маниг̄уль̄х̄и, қ̄аткуль̄х̄и ль̄минун. 32 Има нуна п̄инлӣг̄ьюх̄ў̄аль̄ханың китум ал̄ңунак нагақ̄игат̄а кина ал̄ңунак ыс̄ха̄қтыстинилюку ая̄ңагми альхы̄қ̄амаың. 33 Та̄на ю̄к Кияг̄ныңмың пиңунгис̄яқуми сянаян̄гитук». 34 Пик̄ат: «Сы̄ғлы̄хқыстыңӯтын има альхын̄ғах̄атыхпының, сяңан̄ңам х̄ўаңкута апы̄хтугнакуткысикут?» Та̄хкын а̄ныстыстык̄ат синагогамың.

Иисусым Акузиткыхкаңа Аяңалғық

35 Иисусым нагақуқә аяңаялғи юк анысиманилюку синагогамың. Ынкәм ивағлюку налькысымигу пика: «Ухпықсигу Иғныға Югым?» 36 Югым аптыкә: «Югунік, кинаңаўа Иғныға Югым? Уңипәтиңа ынкәм ухпықляжун». 37 Иисусым пика: «Ысхамән, алыққуғақатын». 38 Югым пика: «Аа, Атанық, ухпықтуңа». Тәхкын сығысқуҳлыюни манигуқә Иисус.

39 Иисус пикақ: «Тагиңуңа нунамун афқуғналюки югыт, тамәкут ысхйгасялғит ысхйсқыльюки, тамәкут ысхақаюгыт аясналюки». 40 Иляңита Фарисеит туңаңанилүт Иисус нагалюку аптыкәт: «Сямың пизин? Хўаңкуталю аяңанизиқүт?» 41 Иисусым кймсиқи: «Аяңаяқуфси Кияғнығым пинаяңгитйси сығлыққыстыңунилюси. Иўырңа хўатын пикатыхпысиның: “Ысхақаюгүкут” тамәкын апалюқльюку Кияғнығым пйқйси сығлыққыстыңунилюси».

Пынйғниҳталю, Пынйғилю

10 1 Иисусым пикй: «Ипа уңипәтамси, юк нагун алңунак маюғлюни пынйғлүтамун йтқуми амигунғилңуққун, тыглығниҳтыңуқлью, ўаяхтыңуқлью. 2 Юк итылғи амихкун пынйғниҳтыңуқ, ынкәм 3 кылыңакистым амигмылңум қыльпығутақә. Пынйғыт нагақунығмыхтыху мыңа тақўақәт. Тәм пынйғниҳтым льми катам пынйғни айтхитхун туқльюхтығлюки анутақй. 4 Лъңан катам пынйғи қамахльютың аңлығәнығата, пынйғниҳта сивуңитни иглыхтақуқ ынкәм пынйғыт малихльығәтақәт, қаюхляжк мыңа лйсимакыхкаңат. 5 Малихнәнғитәт кина нальюкыхкахтың йығлығи қимағүсәхқәгут, қаюхляжк нальюкыхкаңат мыңа». 6 Тәхун уңипағәткун Иисусым уңипәткй тәкут Фарисеит, иўырңа лйгикумаңилькаңат сямың писйтаңа.

Пинилғи Пынйғниҳта

7 Ынкәм Иисусым пилятақй: «Ипа уңипәтамси, хўаңа амигуңа пынйғнун. 8 Қамахльютың югыт сивумни тагикат тыглығниҳтыңуғлью ўаяхтыңуғлью ынкәм

пынъйгыт нагасимацитит т̄акут. ⁹Хўаңа амиг̄уңа, кина алңунак йтқуми хўаңамкун югулилбьңяхқ̄агуқ. Ынк̄ам йтх̄акльюни, а̄нақльюни, н̄алькутақльюнилью ныг̄ьяхқ̄амаың пилъықуқ. ¹⁰Тыглыгн̄йхта таўаңинақ тыглыгьяқаюг̄уқ, юхтагьяқаюг̄уқ, н̄афқйяқаюг̄уқ, иўырңа хўаңа тагикаг̄уңа югыт уңувальбьңысқьлюки уңувальбьпигмың.

¹¹Хўаңа пинилг̄иңуңа пынъйгн̄йхта. Пинилг̄им пынъйгн̄йхтым туқуматкысяхқ̄акй пынъйни.

¹²Акилыхтуқаюк пынъйгн̄йхтыңунгитук ынк̄ам пынъйгыт лъңан пикынгитй. Т̄ам қыпх̄ахтым ысх̄акумигу ам̄а тагилг̄й, қимагьяхқ̄агуқ пынъйгыт унильюки. Т̄ана ам̄а пынъйхтыкан қамахльютың пынъйгыт миңилъықут.

¹³Юк акилыхтуқаюк қимагьяхқ̄агуқ, қаюхлъяк тымңи қыпх̄ахтыңулг̄й ынк̄ам лыган ў̄акн̄ангитй пынъйгыт. ¹⁴⁻¹⁵Хўаңа пинилг̄иңуңа пынъйгн̄йхта. Атам л̄исимакыльх̄атун хўаңа, хўаңалью л̄исимакыльымтун Ата, таўатыхпигақ л̄исимаканка пынъйгынка, пынъйгма л̄исимак̄атңа. Туқуматкыльықанка пынъйгынка.

¹⁶Пынъйхт̄уңа пынъйлг̄утамыңыгилңуғмың. Лъңитлью тагисяхқ̄апыст̄ақанка, нагалық̄ат мыка ынк̄ам пынъйгынка ат̄асистун л̄бйхлъықут, ат̄асик пынъйгн̄йхтыкльюку.

¹⁷Атам пиникаңа қаюхлъяк уңувальқа т̄уныюкыстаглюку аюқақа вых̄нықихналюку. ¹⁸Китум алңунак иқинъ̄ангит̄а уңувальқа, қаюхлъяк хўаңамның катам т̄уныюглюку аюқақа. Т̄унилбьхқ̄алг̄уңа уңувальымның, вых̄тилбьхқ̄алг̄уңа уңувальымның. Таўатын Атама қыльқақ̄аңа».

¹⁹Альямың Иудейт ах̄тир̄агуткат, Исусым акузитаңи апальюқльюки. ²⁰Угльпихльых̄йт пикат: «Т̄ана юк туғныг̄ам итыглюку нальюнух̄тыстыкақ̄а, сяңанңам нагатақыстыху?» ²¹Иўырңа иляңи пикат: «Юк туғныг̄ам нальюнух̄тыстык̄а таўатын акузин̄ангитук. Туғныг̄ам ысх̄ахтысягульықаг̄у айкақ?»

Иудейт Их̄сякыхканат Исус

²²Укс̄юлг̄й, Иерусалимыми Иудейт нықынғахқ̄ылг̄ит нықамикналюку Посвящатлъха Храмым. ²³Исус

иглықтыңұлғи Соломоным притворыңан, туңаңани Храмым. ²⁴Иудеит увитаңилюку пикат: «Натын тахкән кукшиқуткыснақсин хұаңкунъун? Христосыңукувык уңипатңұақут».

²⁵Иисусым кїмсиқи: «Уңипатңұақақамси иўырңа ухпықигатахпысиңа. Альяқлъяухұақтиқуңа Атама Атқакун лигикысқылъяуңа кинаңутка. ²⁶Иўырңа лъпыси ухпыгигатуси қаюқлъяк пынъиқынғилъкымси. ²⁷Лїсимаканка пынъиғынка, нагалъяку мыка малихтақатңа. ²⁸Тўнанка кынлыңилңуғмың уңувалъығмың, ынкәм туқунанңитңұақтут. Китум алңунак ақуқағнәнңити йхымның. ²⁹Атама тагивақакї пынъиғынка. Аңықлъяхтуқ китумың алңунак, ынкәм китум алңунак ақуқағнәнңити Атама йханың. ³⁰Атақулъхйғни атасистун аюқуқуң».

³¹Тәхкын Иудеит тугулялъятақат уйғагмың туқунъалюку Иисус. ³²Иўырңа Иисусым пикї: «Ысхапагахпысиңа угляпихлъяхї анығныхқилъық апығйғақа Атама ахтуғьяққанғилъқакун. Налїтнун тәкут анығныхқилъығма милюхпагатағьюгыстыңба?» ³³Иудеит кїмсиқат: «Туқунъақынңитамкын анығныхқилъхын апалъяюқлюку, тәўаңинақ ақузилъхын апалъяюқахпут. Тымңи югўтын. Кияғнығмун сығлыққылъякәгутын Кияғныхтун аюқнилютын пїқңавык!» ³⁴Иисусым пикї: «Лїлихтўсяхпысини игақңақ Кияғнығым пилъха хұатын: “Лъпыси кияғнығўси”. ³⁵Лїсимакапут Акузитыт Игақыхкат альянұхсяққанңитут. Акузитни Игақыхкани Кияғнығым кияғнығунимакаки ³⁶сяңамаңам сығлыққылъягуманистыңба Кияғнығмун? Апалъяюқыстыхў Кияғнығмун Иғнықнильқа? Атам накмикыхкақәңа, каяхтыкақәңа нунамун. ³⁷Атуқынғилъкумкун Атама пїқыхкаңа, ынңаталъ ухпықынғинъақыфсиңа, ³⁸иўырңа атуқақақа Атама пїқыхкаңа. Ухпықынғитығңахпысиңа хұаңа, ухпықитыки қыпшақанка ынкәм лїлъяқахси, лигикылъяқахси Ата хұаңамнитутаңа, хұаңа лъңани». ³⁹Тәхкын Иудеит тугунақлъятағьяғат, иўырңа Иисус анакақ лъңитның. ⁴⁰Тәхкын Иисусым ағвиғлюкык Кйўык Иорданымың атқылғик аглянқихтыкақ Иоанным

крестиґивиксюѡальханун, ынк̄ам там̄антыкақ.

⁴¹ Угляпихлгыѡи ѡк тагиляғ̄аткақ лъңанун, пикат: «Иоанн альѡхлгыѡхѡағ̄тимаңитук, иѡырңа Иоанным апылтъха ѡмың югмың қамахлгыони ипаңѡқ». ⁴² Таѡани угляпихлгыѡим ухпықыхк̄а Исус.

Туқульха Лазарым

11 ¹ Таѡаңуқ ѡк, атқылд̄и Лазарымың қинуюкақ. Вифаниями кияғтыңбулд̄и наягыгмини Мариями, Марфами. ² (Там Мариям тақѡаниңани Атанғым итығи кѡвиклгыюки тыпыңлъясимың нуямының сяңихсяхқақи. Мариям кѡхқыхкаңа Лазарь қинуюлд̄и.) ³ Мариямлыю, Марфамлыю уңипасяғ̄туқат Исус: «Атанық, пиниқыхқан қинуюгѡқ». ⁴ Исус уңипасятни пикақ: «Қинуюльхан апалъя туқульхунғитук иѡырңа усюкисйлгони Кияғнығмун пиңѡқ, ысхйсқылгыюкулыю ағтуғьяхқангилгыѡхлъяга Иғныған Кияғнығым».

⁵ Исусым пиниқыхкык Марфамлыю аңлыгуткульхйк, Лазарьлыю. ⁶ Иѡырңа нагақуғңағмигу Лазарым қинуюльха, паниның м̄алғук ағнығк там̄антыкақ. ⁷ Тӑхкын Исусым малихсяғ̄тыни пикй: «Иудеяньақылъта».

⁸ Малихсяғ̄тыңита пикат: «Апығтуғиста, лыған қантағақун Иудейт туқунъақыхкақатын милиѡпағатамың. Хѡа алья аглянқиhsюхсйн?» ⁹ Исусым кймсиқй: «Ағнығым атасим авылтъха ниғугѡқ. Кина алңунак иглығтыкуми ағнығми нӑхнӑнғитук, қаюхлъяк ысхағақ̄а тумыни нунам ниғугақун. ¹⁰ Иѡырңа кина алңунак иглығтыкуми унугми нӑхсяхқағук қаюхлъяк ниғугилңуқ илюмини».

¹¹ Исус таѡатын пилгони пикйлыю: «Илякумтӑхпут Лазарь қавӑгук, тағтухсяғ̄туғнақақа». ¹² Малихсяғ̄тыңита пикат: «Атанық, қавӑкуми пинйхлгық̄а». ¹³ Исусым пиңуяқани Лазарь туқуманилюку, иѡырңа малихсяғ̄тыңита сюмығтағ̄аткыхк̄ат Лазарь қавӑнилюку. ¹⁴ Ынк̄ам Исусым уңипӑтңѡақй: «Лазарь туқумӑқ. ¹⁵ Қуяңа лъңаниныңиткӑлд̄иңа туқӑқңан. Апалгыюқақа лпысинун ухпықатахйсқылгыюңа. Тагитык, тақультыху». ¹⁶ Тӑхкын Фомам (Малғимыңлыю атқылд̄им) пикй малихсяғ̄тылгунти: «Хѡаңқуталгыю туқулгусиғ̄яғ̄тӡльтыху».

**Иисус Туқульығмың Уңуваҳтыльхўқлыю,
Уңувальхўқлыю**

17 Иисусым к̄альюни Вифаниямун нагақуқ̄а Лазарь туқуманилюку, ынмис ыстамагуҳтақыфт̄и ағнығыт л̄вивыльығминың. 18 Вифания қантағанлыңуқ Иерусалимымың, 19 ынк̄ам угляпихльыҳйт Иудеит тагиляғаткат илютуҳсяғналюкык Марфалью, Мариялью, кўггыхкынка туқульханың.

20 Марфам нагақуғьямигу Иисус тагиниллюку п̄асқ̄а, Мария нымыткақ. 21 Марфам пика̄ Иисус: «Атанық, м̄антык̄аяқувык к̄ўхқа туқунаянғитуқ. 22 Иўыр̄на л̄исимакақа, талўа м̄атын Кияғнығым т̄ўньяҳқақатын сямың алңунак а̄птыкувык». 23 Иисусым пика̄: «Кўггын уңуваҳлықуқ уңувальығмун». 24 Марфам пика̄: «Л̄исимакақа уңуваҳлықуқ туқукат уңуваҳт̄ўската киңулиғми ағнығми». 25 Иисусым пика̄: «Хўаңа туқульығмың уңуваҳтыльхўңалъю, уңувальхўңалъю. Китум алңунак ухпықыхкумиңа туқуяғн̄ағми, уңувальылгуяҳқ̄агуқ. 26 Ынк̄ам кина алңунак кияҳтыкуми хўаңамни, ухпықыхкумиңалъю, туқун̄анғитн̄ўаҳтуқ. Марфа, ухпықсиг̄у т̄ана?» 27 Марфам к̄имсиқ̄а: «Аа Атанық, ухпықамкын Христосыңўтын, Иғныға Кияғнығым. Л̄пыңўқ тагияҳқ̄аник̄ат нунамун».

Иисус Қиякақ

28 Марфам таўатын пилюку агляқак. Туқльюғлюку аңлыгутни Мария, л̄ңинаҳаллюку пика̄: «Апыҳтуғиста к̄асим̄ақ, а̄птақатын». 29 Уңип̄асятни, Мария ныкыфқаҳтыкақ Иисусымун пиналюни. 30 (Иисус паниның ныҳпигағмун агл̄игалңуқ, сялин Марфам нальяғвиганилңуқ.) 31 Иудеит Мариянкунилңўт илютуҳсяғилғйт Мариямың ысҳапаглюку ныкыфқаҳльюни а̄ньян малихтык̄ат. Сюмығмыхни л̄вивығмун қияяҳтуғнақнилюку пика̄т.

32 Иўыр̄на Мария агляқак Иисусымун. Ысҳағьямигу сикм̄ўльюни мануңакун пика̄: «Атанық, м̄антык̄аяқувык к̄ўхқа туқунаянғитуқ». 33 Иисусым ысҳағлюку Мария қиялғ̄и, там̄акутлью Иудеит малигуткат қияг̄ўльхйт

ынңаталь сығлылїхлъякақ, ³⁴Аптыкї: «Нагун лъївгумастыху?» Пикат: «Атанық, таги, ысхагьяхтуху». ³⁵Иисус қиякақ. ³⁶Ынкәм Иудеит пикат: «Ысхағу таўатыхлъяк пиниқумәгу Лазарь». ³⁷Иўырңа иляңи пикат: «Иисусым нәлхусимакумигу аякақ, сяңан Лазарь туқуңитыснанихтагу?»

Иисусым Уңувахтыкаңа Лазарь

³⁸Иисус лъивығмун агляткылъяюку алья сығлылїнқихтыхлъякақ. Лазарым лъївга сюфлъялғи, уйғарухлъягмың пайңа сяплъюни. ³⁹Иисус пикақ: «Иқитыху уйғак». Марфам пикә: «Атанық, ыстамагухтї ағнығыт туқутминың ынкәм тыпыңхлъяхтуқ». (Марфа наякыхкаңа туқукам югым.) ⁴⁰Иисусым пикә: «Уңипәткақамкын ухпыгьякувык ысхахлъяқан Кияғнығым ахтугьяхқангильха». ⁴¹Тәхкын иқиткәт уйғак пайңаның лъївғым. Иисус құлмун ысхағлюни пикақ: «Атәй, игамсиқаюгвикамкын нагатақыхкывңа. ⁴²Лїсимакақа қүншың нагақуғақахпыңа. Иўырңа таўатын пйңа югыт увитымнилңүт апальюқлъяюки, ухпықысқылъяюку лпынун каяхтыкәтка». ⁴³Иисус таўатын пилюни, игляхтупихлъяюни пикақ: «Лазарь, әни». ⁴⁴Юк туқукәялғи әныхкақ. Йхилью, итыгилью ймгувикңалғит қйпағамың, хинәлъяю қантағлюни альяның қйпағамың. Иисусым пикї: «Қйпағат йкитыки ынкәм иглыхлби».

Иглығутистыт Ағгиткат Туқунәлюку Иисус

⁴⁵Тәкут Иудеит малигуткат Мариямун ысхапакәт Иисус уңувахтилғи, ынкәм угляпихлбыхйм ухпықыхкәт Иисус. ⁴⁶Иўырңа иляңи Иудеит Фарисеинун пикат, уңипәткит Иисусым уңувахтильханың. ⁴⁷Тәхкын первосвященнигытлъяю, Фарисеитлъяю қырңухлъяюки ағгистыт әптыкїт: «Сянақыстаңам? Тәна юк альяхлъяюхәхтихлъягүк. ⁴⁸Нағнықтыстыкумтыху таўатын, тамахағми ухпықылбықәт. Ынкәм Римығмит тагилютың нәфқылбықәт Храмлъяю юпутлъяю».

⁴⁹Каиафалъяю таўанлыңуқ, первосвященнигулғи таўани аюмиқулбығми. Каиафам пикї: «Лпыси

Первосвященник



(От Иоанна 11:49)

налъюкнѣахтуси! ⁵⁰Итагнагатагагнаяхтуқ атасим
югым тукуматкысякумики югыт, қамахлъютың юмта
нафқылъыхқитның. Иўырна лыпыси лїгикигатахси тана».

51 Каиафа лъминың таўатын акузиманилнуқ, Кияғныңым акузистыкақә қаюхлъяк первосвященнигулғи таўани аюмиқульғыми. Таўатын пильғымикун ўкналиқуткыхкә Исусымун туқуткыльықнилюки Иудеит. 52 Иудеяңинат туқуткыхпынаки иўырңа қамахлъюки Кияғныңым авақуті миңитналғит тамаңани туқуткысяққай атәсиҳтысқыльюки ныңльюгуткульхит. 53 Тәхкын ағныңмың кынляңа Иудеит игльытуистыңита агиткыхкәт натын туқутыльықхамың Исус. 54 Ынкәм Исус алильюни алңунак игльыңнаниқак Иудеит акулңитни. Иўырңа тамәкын агуляқыхкақ килгән туңаңанун, нымун атильқылғи Эфраим. Малихсяҳтыкульхит тамәнтыкат.

55 Иудеит Нықынғақхыльхат Пасхамун кәсяхтулғи, ынкәм накын алңунак угляпихлъыҳи юк агляхтүткақ Иерусалимымун. Таўани ятәхқыхкат нықынғақхыльығмун укмаңиҳсяльығмыхтыхун Лйлихтүсят писқыльхистун. 56 Югыт ивақат Исус ынкәм қырңуғусямың Храмыми апыткит илятың: «Исусылью тагинақакә Нықынғақхымъун? Сюмыхпысини сянақа?» 57 Первосвященнигытлью, Фарисейтлью тугуналюку Исус лйлихтүткақыхқаңат югнун: «Налихпыси лйсимакыхкумигу Исусым нантуляңа ўатахлъяк уңипанъакыфсикут».

Исус Илякумтәгминилнуқ Вифаниями

12 1 Агвинлығухтақуқлью ағнық Нықынғақхыльханун Пасхам, Исус Вифанияткақ, Лазарым кияхфиганун. (Тәна Лазарь Исусым уңувахтыкақә туқульығмың). 2 Таўани Исус ятәхқуткәт нықынғақхунъалюку ынкәм Марфам кытфахтүткй ақылъкат. Лазарлью таўанлыңуқ малигульюни Исусымун. 3 Тәхкын Мариям тагиткакык акитупихлъыҳик тыпыңлъясик нардопигмың улимәгык. Исусым итығи кўвикльюки сяңихтыкй нуямының. Ынкәм мыңтығам илюңа тыпыңлъясихпағниҳқўәкақ. 4 Иуда Искариотлью таўанлыңуқ, Исусым малихсяҳтыңа. (Тәкўаниңани увыҳпагусяққакнукаңа Исус). Иуда пикақ: 5 «Тәкук тыпыңлъясик 300 динарийем акикәк. Акиксяқлығыстун, акиңа тәна акльюмалғинун тунқуғнаяхтуқ». 6 Таўатын

пикалди мыгнукылди стун аклюмалди иуырча мыгнукупихтыкача мани. Афлыңакистыңулди малихсяхтыт манилгутитның ынкәм тугуткаюгулди лънанун катам атухқамың тыглыгнйхтыңутминың.

7 Исусым пика: «Авылғау, афлыңакумак тыпыңлыясик ағныңмун хуавык ятәхқынъалюку лъивылыҳқақа. 8 Аклюмалди кунпың тамантут. Хуаңа кунпың лыпысининъангитуңа».

Иудеит Аггиткат Лазарь Туқунъалюку

9 Угляпихлыҳит Иудеит нагақуғлюку Исус Вифаниямынъилюку ысхағьяхтуткат, тауавыклю Лазарь ысхағналюку Исусым унувахтыкә. 10-11 Лазарь апальюқлюку угляпихлыҳит Иудеит унильюки иглыгутистытың ухпықыхкәт Исус. Ынкәм тәкут первосвященнигыт аггиттұақат туқунъалюку Исус, ынраңнам хуа аггиткыхкәт Лазарылю туқунъалюку.

Югыт Усюқыхқаңат Исус Иерусалимылыҳи

12 Унамиңани юлгутыхлыгыт Нықынғахқылъханун Пасхам тагиляғаткат, нагақуқат Исус тагйқнилюку Иерусалимымун. 13 Ынкәм кыпұлютың пальмат уқфигыт авайитның пәсқат Исус акилдүмағмың:

«Усюқнаҳалык Кияғнық!

Кияғныңым қуяслыгу Умйлга Израилым тагилди
Атҳакун Атанғым!»

14 Исусым навғағлюку осёлағак қайнақун ақумыхкақ тауатыңуақ Акузитыт Игақыхкат пинақнильхистун. Тәкут Акузитыт хуатын пикагут:

15 «Алиңыхпынаси, югани Иерусалимым!

Ысхағтыху, умйлыхси тагйқуқ ақумлюни осёлығам
қайнақун».

16 Тауәни пильғми Исусым малихсяхтыңита лигикумаңильқаңат тәна укналиқылъық. Уйтку киңуңаның Исусым унувалғанлю, маюльханлю қилягмун нықаткәт тәна укналиқылъық, нықаткитлю апығйит лънанун.

17 Юлгутыт уңипақнуқаңат ысхапалыхтың Исусым унувахтилъха Лазарымың, анықылъхалю лъивығмың.

18 Ынкām угляпихльықым югым пāsқāt Иисус, қаюқлъяк нагақуқақыхқаңат тана альяқлъяохуақтилъяқ. 19 Тāхкын Фарисеит илятың пикйт: «Сяңўā тамақағми анахутнўқ хўаңкунъун. Ысқақақтыхуқун, йңунақағми югым малихтыңўā Иисус».

Иисусым Акузиткыхкәңә Туқулъяққани

20 Иляңилъяю Грегыт Иерусалимыткālдїт манигўнғалютың Нықынғақкыльхәни Пасхам.

21 Агляғлютың Филипшымун, пикāt: «Югунйқ, ысқағыюақапут Иисус». (Филипп Вифсаидамың пиңулдї, Галилеямылнұғмың.) 22 Ынкām Филиппым уңипālъяюку Андрей, уңипāsяқтуқāk Иисус. 23 Иисусым пики: «Афлью кāsимāқ Иғныған Югым құлвалъяңықлъяльыққā. 24 Ипа уңипāтамси, ұйтқуқун пїтун ифқақлъяюни нунамун итықлюни туқукуми пїтысқуқлъягьяққāгуқ, āмтам туқунгилькуми тāўа атāsихālъяқуқ пїтун. 25 Китум алңунак пиниқыхкумигу уңувалъяни ифлььяққā. Иўырңа китум алңунак угумикыхкумигу уңувалъяни хўани нунами кынлыңилнұғмың уңувалъяңыққāгуқ. 26 Китум алңунак қыпқāsюкумиңа малихсяққāңа. Ынкām қыпқақтыка хўаңамнисяққāгуқ нāнсяғнāғма. Атама құлвағьяққā кина алңунак қыпқāтилдї хўаңамның.

27 Мāтын уңувасихка сығлылїгўк. Сямың пиляңа? Хўатын пиляңā: “Атāй, югулиңа икфиқылъяққамның?” Накā, таўатын пинāнгитуңа қаюқлъяк тагикāгуңа икфиқналюңа. 28 Атāй, аңылъяқлъяга атықпык алиқхтигу». Тāхкын ма қиялғмың пикақ: «Аңылъяқлъяга атықма алиқсимāқа, алья алиқлъяққа».

29 Юлгутым ныкывғальхїм таўани нагалъяюку тана ма пикат: «Кальюгухтā». Иўырңа иляңи пикат: «Яқулғым алыққуғўā Иисус». 30 Иисусым пики: «Ма тана лпысинун аюқуқ, хўаңамнун пиңунгитуқ. 31 Хўā мāтын Кияғнығым нанқихнақā нунам юга, хўā мāтын Кияғнығым ыхнақнўā иглығутистыңа ўм нунам. 32 Хўаңа кывылъяңыққума нунамың, тāхун тагиляғāтыслъяққа қамахлъяюку йок хўаңамнун». 33 Иисус таўатын пикақ апығналюку натын туқулъяққани. 34 Юлгутықлъягыт пикāt: «Нагақуқақапут

Лйлихтүсәяның Моисейем, Христосыңұқ кияхсяхқәгуқ кұныпурухляк. Ынкәм сяңавык пизин: “Иғныға Югым кывылыңьяхқәгуқ”? Кинаңаўа тәна: “Иғныға Югым”?»
 35 Тәхкын Исусым пикй: «Ниғук лыпысининьякңұқ натыңйақ. Ынкәм иглыхтык ниғугағлюку, мамлыхфагилган. Кина алңунак иглыхлыыңи мамлыгми нальюкуқ натмун пйқутни. 36 Ынкәм ниғук паниның лыпысинильюку ухпықитыху, авақуталйтысқылтыоси ниғугмун». Исус таўатын пилюни кахтахтыкақ лыңитның.

Иудейт Ухпықынғилькаңат Исус

37 Югыт ысхапагығңағмыхтыху Исус угляпихлыюку альяхлыохуахтилғи паниның ухпыкумаңилькаңат.

38 Ухпыкумаңитылыхита апығйхтыстыкә Исаиям ўкналиқистым хўатын пильха:

«Атанық, китум ухпықаки сяңўат әпқапут?

Атанғым ахтуғьяхқәңгильыни китумун ысхахтыстағу?»

39 Тамәкын апальюкльюку ухпыхпағниңиткәгут. Исаия хўатынлью ўкналиқыхкәгуқ, Кияғнық пикағук:

40 «Ййңит аястыкақанка ысхәнъяюката.

Умьюгйтлью лйгиксяхқәнаныхқыхкақанка лйорақ кйвнаюката хўаңамнун нәльхутысқылъютың».

41 Исаия таўатын пикағук ысхақақутминың Исусым ниғухқылъыхқә ынкәм акузиткыхкақыхкаңа.

42 Қайўа угляпихлыыңит Иудейт ухпықынғияғңәтху Исус, нақамынрақ угляпихлыыңит иглығутистыңита ухпықыхкәт Исус, Христосыңутаңа. Иўырңа әпхумаңилькаңат алиңлютың Фарисейт әныснаюкаңистың синагогамың, 43 қаюхляк тәкут иглығутистыт усюқылъыңьюақут юғның пакихульюку Кияғнығым усюқылъыхқәның.

44 Исус акилгўақ: «Китум алңунак ухпықыхкумиңа, хўаңаңинағма ухпықыхпынаңа, ухпықңўә Каяхтистыка. 45 Китум алңунак ысхақумиңа, ысхәнўә Каяхтистыка. 46 Тагикағуңа нунамун ниғугулюңа, китум алңунак ухпықыхкаңаңа мамлыгмынъанихлыықуқ. 47 Китум алңунак нағальюки

акузитынка қаткынғилъкаки, нанқихнәнғитақа ағыюгьяхқәнилюку, қаюхлъяк нанқихсяхтүнғитанка нунам юги, йығлыги югулияхтұўанка. ⁴⁸ Китум алңунак иҳсякыхқаңалью, тугуклғынғилъкакилю акузитынка нанқихтистықахқалгұк. Акузитыт акузиткыхканка нанқихлъықат киңулиғми ағнығми, ⁴⁹ қаюхлъяк акузитынка хўаңа пикынғитанка. Атам Каяхтистыма қылғуткәның акузйқуңа. ⁵⁰ Лисимаканка қылғусй кынлыңилңуғмың уңувалбыңыстикаюгұт. Ынкәм акузиткақыхкынка Атам қылғусяқй хўаңамнун акузиткысқыльюки».

Иисусым Уғвұхтуқәни Малихсяхтыми Итыгйт

13 ¹ Атәсйхтыкақ ағнық Пасхам Нықынғахқылъыхқәнун. Иисусым лисимакыхқаңа қантағақун Атамун аглялъыхқани унильюку уна нуна. Құнпың пиниқыхкақй тамәкут льми пини нунамылңұт, пиниқыхкақй кынлымун.

² Таўани иғивгағми Иисусылью малихсяхтыкульхйт қырңугуткат нығналютың. Тұғнығәм апығйқә сюмыхтағаткысқыльық Иуда Искаротымун увыхпагутысқыльюку Иисус. (Иуда иғнықыхқаңа Симоным.) ³ Иисусым лисимакыхқаңа Атам тұныхқақыхқаңа ахтугьяхқәнғилъығмың сямун тамаҳәнун. Лисимакыхқаңалью Кияғнығмың пиңутни, аглялъыхқанилью Кияғнығмун. ⁴ Нығұтңулютың таўани Иисус ныкывлюни, қәслъйт әткани матахқуғлюки, выхлъюк қукамикун қилъхуткә.

⁵ Тәхкын ағмигусик мығмың имиғлюкык малихсяхтыми итыгйт уғвұхтуқй, қукаминилңуғмың выхлъюгмың сяңихтақльюки. ⁶ Иисусым кәткә Симон Петр,

Петырым әптыкә: «Атанық, итыганка уғвұгнақсикй?»

⁷ Иисусым кймсиқә: «Лйгикнәнғитан сяқутка мәтын иўырңа тәкўәниңани лйгикылъықутын».

⁸ Петырым пикә: «Итыганка уғвұғнәнғитңўәғатын».

Иисусым пикә: «Уғвунғилъкумки итығахтын, малихсяхтыкнанихлъықамкын». ⁹ Симон Петырым пикә: «Атанық, нақам итыганка уғвунығмың тәқыхкуфки йхынқалью, нәсқуқалью пинакытын».

10 Иисусым пикā: «Юк уғвуҳқынъығмини иқаңйтақā, итыгаҳйни уғвугъяхқāўақут қагани иглыҳлъюни итынығмини. Қамахлъюси иқаңитуси, иўырңақун кина атāсиқ». 11 Иисусым лйсимакыхкаңа кинаңутаңа увыҳпагутьяхқак лъңаның. Тамāкын апальюкльюку хўатын пикāлгй: «Қамахлъюси иқаңитуси, иўырңақун кина атāсиқ».

12 Тақсямики итыгйт уғвухтунығмың қасльйт āткани āлъюки ақумынқиҳлъюни āптыкй: «Лйгикынғистыхў тана уғвухтугильқа итыгаҳпысиның? 13 Туқльюгақаҳпысиңа Апыхтугистымыңлью, Атанығмыңлью, ылъкуғахтақаҳпысиңа, қаюҳлъяк таўатытуңа. 14 Хўаңа, Атаныҳпысини, Апыхтугистыхпысини уғвўгақумки итыгаси льпысилъю уғвугъяхқакаси иляхпыси итыгйт. 15 Таўатын пйңа успутақысқыльюку льпысинун. Ынкāм льпысилъю пйқитык хўаңа пильымтун льпысинун. 16 Ипа уңипāтамси, қыпхахта āңатағангитук умйлығминың, уңипахталъю āңатағангитук каяхтистыминың. 17 Лйсимакыхкуфсики тамāкут қуяльықуси таўатын пикуфси».

Иисусым Аҗқаңа Увыҳпагутьлыҳқани

18 «Акузиткыңбунгитамси қамахлъюси. Лйсимаканка натытуляңи накмикыхканка. Иўырңа апыгйғьяхқāгуқ Акузитнилңуқ Игақыхкани хўатын пильық: “Югым нығылгусигикам хўаңамның увыҳпагуткақāңа”. 19 Уңипāтамси тана сивутхульюку, ынкāм апыгйқан ухпықылъықаҳпысиңа хўаңа лъңаңўңа. 20 Ипа уңипāтамси, китум алңунак тугукльықумигу каяхтыкақā, хўаңалъю тугукльыҳлъықāңа. Ынкāм китум алңунак тугукльықумиңа, тугукльыҳлъықā Каяхтикақ хўаңамның».

21 Иисусым апыглюку увыҳпагутьлыҳқани ынңātаль қамхурухлъяк кивғухлъякақ, пикй: «Ипа уңипāтамси, налиҳпыси увыҳпагунъақңўāңа». 22 Малихсѣхтыт ысхақақуткат льмыхның қаюҳлъяк нальюнықсюкыхкāt кина пикатаңа. 23 Атāсиқ малихсѣхта пиниқыхкā Иисусым ақумгалгй сѣгўани. 24 Симон Петырым апақулюку тана малихсѣхта

аптысқыхкә кина пйқутаңа. ²⁵Тәм малихсяхтым малыглюни Исусымун аптыкә: «Атанық, кинаңаўа увыхпагутинақылдй лыпынун?» ²⁶Исусым кймсиқә: «Ныпльюку нықыкшаңлъяқ қаюсимун тўнылтықақа увыхпагутияхқамун хўаңамның». Ынкәм Исусым тугулюку нықыкшаңлъяқ, ныпльюку, тўныхкә Иуда Искариотымун, иғнығанун Симоным. ²⁷Лыган Иудам туўа нықыкшаңлъяқ, Тұғнығәм йтқә Иуда. Исусым пикә Иуда: «Тәна пияхқан пйғахтигу». ²⁸Налихйнитә таўанлыңұт лйгикумаңилькаңат сямың Исусым Иуда пикатаңа. ²⁹Иудам афлыыңақнукук манилғутак, ынкәм сюмыхтағаткыхкәт сямың тукфигияхтйскынъилуюку аклююкыхкамың нықынғахқымъун, налиғмың аклююмалгйнун тўнияхтйскынъилуюку. ³⁰Ынкәм Иудам нығлюку нықыкшаңлъяқ аныхкақ. Унугулдй таўани.

³¹Иуда ањьян Исус пикақ: «Хўа мәтын югыт ысхағат натын Иғныға Югым құлвалтыңылтыға, ынкәм лыңакун Кияғнық құлвалтыңуқ. ³²Кияғнық құлвалтыңыңуқан Иғнығакун Югым, Кияғнығым құлвағьяхқакә лымикун қантағазақун.

³³Тағнухаҳамни, унисяхтуңыстағамси. Қайўа ивағьяғнәхпысиңа, такукамнун пинәңгитуси. Иудейт иглыгутистыңитлю уңипәткақанка таўатын. ³⁴Уңипәнъақамси нутағамың қылғусямың: Пиниқутульюси. Пиниқутусяхқәгуси катам хўаңа пиниқылтымтун лыпыси. ³⁵Пиниқускуфси тамахағми югым лйсимакылытықйси хўаңамнун малихсяхтыңунилюси».

Исус Петырымун Налъюнқынъақнилдй

³⁶Симон Петырым аптыкә Исус: «Атанық, навик пинақсин?» Исусым кймсиқә: «Такуяхқамнун малихнәңгитахпыңа мәтын иўырңа тәкўаниңани малигултықутын». ³⁷Петырым аптыкә: «Атанық, сяңан малихнақынғисикын мәтын? Туқуткысяқлыгўәмкын хўа». ³⁸Исусым кймсиқә: «Ипа туқуткылытықсиңа? Ипа уңипәтамкын, пиңаюның налъюнқылтықахпыңа петух қалдихтыстыхпынән».

Иисус Түмңүк Атамун

14 ¹Иисус пилятақак: «Қәмнаси сығлылйхтыстыхпынаки, сиғимацитыху Киягнық, сиғимацитыңға хўаңалью. ²Угльпихтуқ ныкаққак Атама мыңтығани ынкәм ятәхқусяхтуғнақамси ныкаққамың. Таўатынбығисяқан уңипәнбаянғитамси. ³Ятәхқунбығмың апығйкумси тагинқихлыюңа тугукльихлықамси, хўаңамнитысқыльюси кияхфимни. ⁴Лйсимакаҳси тума такунақыхкыхка». ⁵Фомам пикә Иисус: «Атанық, нальюкаҳпут навик пинақутын ынкәм натынңам лйсимакылтықыстыху тума?» ⁶Иисусым кймсиқә: «Хўаңа түмңүңа, ипапильхўңа, уңувальхўңа. Кина алңунак Атамун агляғнәнңитутқ ұйтқукун хўаңамкун. ⁷Лйсимақнўәғьякуфсиңа, лйсимақнаяғаҳси Атакалью. Иўырңа хўакын кынляңа лйтаҳсылью, ысҳағаҳсылью».

⁸Филиппым пикә: «Атанық, кылгутигу Ата хўаңқуньун ынкәм итағнағильта». ⁹Иисусым пикә: «Филипп, льпысинитуңа қавңарухльяхәның, тәўа нальюкақсиңә? Китум ысҳәмакумиңа, ысҳақақәлью Ата. Ынкәм сяңавык пизин: “Кылгутигу Ата хўаңқуньун”? ¹⁰Ухпықынғистыңә Атам илюңанилңүңа, Ата хўаңа илюмни? Акузитынка хўаңа катам акузиткынғитанка. Ата илюмнилңуқ қыпҳағақуқ хўаңамкун. ¹¹Ухпықитыңға Атам илюңанинйлюңа пилғйңа, Аталью илюмниньикыхка. Налиғмың ухпықитыңға альяҳлыюхўахтилъхынка апальюқльюки. ¹²Ипа уңипәтамси, китум ухпықыхкумиңа, тәкут атәсит қыпҳақанка пилъықй. Талўа аңатағалғит тамәкуның пилъықй қаюхльяк агляғнақуңа Атамун. ¹³Әптыкуфси сямың алңунак Атымкун лыган пилъықақа, Атам аңылъыхльяга кылгутысқыльюку Иғнығакун. ¹⁴Сямың алңунак әптыкуфсиңа Атымкун пилъықақа».

Акықусяқыхкак Аглығналдйк Тағнығак

¹⁵«Пиниқыхкуфсиңа қәткылъықаси қылғусянка. ¹⁶Әплъықақа Ата тўнысқыльюси альяның Каюткаққамың, ынкәм тўнылтықйси Каюткаққамың льпысинисяққамың қўнпырухльяк. ¹⁷Тәкук Каютык Тағнығәгук

апыхтухлығыси Кияғныңым ипапильханың. Нунам юган тугуклығынғангитā қаюхляк ысхығалыққаңа талўа нальюкыхқаңа. Иўырға лыпыси лйсимақахси қаюхляк лыпысинитук, илюхпысинияхқағуқлю.

18 Униньбāнгитамси лъцинахахпыси яйўāлистун. Тагинқихлығыуаңа лыпысинун. 19 Мāтықўāқун нунам юган ысхағнаниғнақātға, иўырға лыпыси ысхахлығықахпысиңа, қаюхляк уңуалдйға, лыпысылъю уңуалықыси. 20 Ынкāм таўани ағнығми уңувахтылымни лйлығыахси Атама илюқанитулъка, лыпысылъю илюмнитылығыси, хўаңалъю илюхпысинитулъка.

21 Китум тугуклығыкумики қылгусянка, қātкыхкумикилыю, пиниқыстыкақа, Атамалъю пиниқылғықā. Хўаңалъю пиниқылғықақа, лйтыслығықуаңалъю лънанун». 22 Тāхкын Иудам пикā, (Иуда Искарיותыңунгилдўм) «Атанық, сяңавық лйтыснақсин хўаңкуньун, нақам нунам юганун лйтыстыхпынаң?» 23 Исусым кймсиқā: «Китум пиниқыыхкумиңа қātкылығыкй апыхтўсянка. Атама пиниқылғықā ынкāм Атакулығығни такулюку кияхфыкылығықахпут. 24 Китум пиниқынгилыкумиңа қātкынъāнгитй апыхтўсянка. Апыхтўсят нагаткыси хўаңамның пиңунгитут, Атамың пиңўт Каяхтистымның.

25 Уңипāтамси тамāкын лыпысинилъюа. 26 Каютым апыхтухлығыси сямың тамаҳаның. Нықахтыслығыкй қамахлыюки тамāкут āпқанка лыпысинун. Тāкук Каютык Аглығналдйғўк Тағнығак, Атам каяхсяхқақык Атымкун.

27 Унивикамси ныкыхмылығымың. Ныкыхмылығы тўнақа лыпысинун. Нунам тўнылығыхатун тўнығитамси. Ынкāм илюси сығлылйхтыстыхпынаки талўа алиңыхпынаси. 28 Нагаткақахпысиңа хўатын пилдйға: “Ағуляқнақуаңа иўырға тагинқихлығыуаңа лыпысинун”. Пиниқыыхкақсыкуфсиңа қуянаяхтуси уңипāтақнамси Атамун ағляғнақнилюа, қаюхляк āңыхлығыхтуқ хўаңамның. 29 Хўā уңипāтамси тāхкын сивутхулығыку пилығықā ынкāм апығйқан ухпылығықуси. 30 Алыхқуғнаниғьяхтуңыстағамси, қаюхляк иглығутистыңа нунам ўм тағиңўқ. Ахтуғыахқāнгилыхитук хўаңамнун, 31 иўырға Атам қылдүткй писқылығыхўāғатун

атуқақанка нунам юганун лїтысқылыюку пиниқильқа Атамун. Ныкывитык, ағуляқыльта).

Иисус Лозапик

- 15** ¹«Хўаңа лозапигўна, Атакā пїтысиғақтыңўқ. ²Қамахлыюки аваянка пїтыстиңигалңўт икуғақй. Қамахлыюки аваят пїтыстикаюгыт кыпугвикақй пїтыстиғатағйсқылыюки. ³Льпыси укмаңиғўағлюси аюкуси акузитытхун акузиткыхкамкун льпысинун. ⁴Хўаңамнитыкыстахтык хўаңа льпысинитыльымтун. Аваярāғинақ пїтыстинāнғитук ўытқуқун лозамыскуми. Таўатытуси льңинахпыси пїтыстинāнғитуси ўытқуқун хўаңамнитыкыстақуфси.
- ⁵Хўаңа лозаңўна, льпыси аваягуси. Кина алңунак пїтысқуҳлягьяхқāгук хўаңамнитыкыстақуми, хўаңа льңани. Иўырңа хўаңаңунаси сянāнғитуси. ⁶Кина алңунак хўаңамниньығилъкуми аваястун аюқуқ ыхльюни палиқақ. Таўатылңўт аваят қырңуҳлыюки паныхтақйт. ⁷Хўаңамнитыкыстақуфси, акузитынка льпысинитыстықуфсики āплъыхāси сямың алңунак пиюкыхқахпысиның ынкāм альхығулъкуси.
- ⁸Атакā усюқылъыңылъықуқ пїтысқуҳлякуфси, лїгикыслъықусилью хўаңамнун малихсяхсяхтыкнїлюси. ⁹Пиниқамси катам Атам пиниқылъхатун хўаңа. Пиниқылъымнитыкыстахтык. ¹⁰Қаткыхкуфсики қылғусянка пиниқылъымнитыкыстахлықуси таўатыхпигақ Атама пиниқылъханитыльымтун қаткутыльымкун қылғусянун.
- ¹¹Уңипāтамси тамāкын қуямалъқа льпысинитысқылыюку, қуямалъыхси йғўйсқылыюку. ¹²Унаңўқ қылғусяқā льпысинун: пиниқутульюси хўаңа пиниқылъымтун льпыси. ¹³Югым тукуматкыхкумики илякумтāни пиниқылъха āңыпихтуқ. Кина алья пиниқылъхитук тāмың āңатағалғймың. ¹⁴Илякумтāқахпысиңа, қылғутканка қаткыхкуфсики. ¹⁵Хўакын кынлыкльюку қыпхәқтыңулюси атиғнāнғитамси, қаюхльяк қыпхәхтым нальюкā умїлыни сяқутаңа. Иўырңа мāтын атиғамси илякумтāғмың, қаюхльяк лїтыстыкыхка льпысинун қамахлыюку

нагаткақа Атамның. ¹⁶ Лпыси накмикумаңитахпысиңа, хўаңа накмикыхкақамси, қыпхақалитамсилью. Ынкām агуляқлюси пїтысқухтык, пїтысқульхыси нагнығасқысюақа. Таўатын пикуфси Атам тўнылтықйси сямың алнунак аптыкуфси Атымкун. ¹⁷ Уна қылғусяқақа, пиниқутульюси».

Иисусым Кылыңасяқәңи Малихсәхтыни

¹⁸ «Нунам юган угумикыхкаңиси, нықамикльюку хўаңа сивукльюңа угумикыхкақәтңа. ¹⁹ Нунам пиксякумиси, юган пиниқнаяғйси пиниқутутульығмыгыстун. Иўырңа хўаңа накмикыхкақамси хўакын нунамың ынкām нунам пикынғитйси. Тамākын апальюқлюку нунам юган угумикйси. ²⁰ Нықамикльюку апқақа лпысинун: Қыпхахта аңатағангитук умйлыгминың. Амьюткумакумыхтыңба лпысилъю амьюткыльықйси. Қәткумакумыхтыки апыхтўсянка, лпысилъю апыхтўсяси қәткыльықйт. ²¹ Таўатын пильықйси хўаңа апальюқлюңа қаюхльяк нальюкәт Каяхтистыка. ²² Тагилюңа алыхқўмаңисяқумки лйньаянғитут сығлыхқылғыхтың. Иўырңа хўа анагнйльқавигйтй сығлыхқылғығмыхның. ²³ Китум угумикыхкумиңа, угумикәлью Атакә. ²⁴ Акулңитни альяхльюхўахтиғәтақәгуңа китум алнунак пиңигальқаңаның. Ысхапакақығңағмыхтыки альяхльюхўахтильхынка паниның ухпықылхитәтңа, угумикйнкуң Атакульхйгни ынкām сығлыхқыстыңўт нанқихтыльыңыақат. ²⁵ Таўатын пильығмыхтыхун апығйқақәт Акузитыт Игақыхкат хўатын пильхат: “Угумикәтңа апальюңунән”.

²⁶ Каютык каяхльықахка лпысинун, Атамың пиңўк. Тағнығәгук апыхтуғияхқак Кияғнығым ипапильханың. Тагикуми уңипақылғықәңа. ²⁷ Лпысилъю уңипақылғықәхпысиңа югнун, қаюхльяк хўаңамниткәлғйси қыпхағьюхўәльханың има».

16 ¹ «Уңипәтамси тамākын йльқаюфқәфси пискыльюси амьюткыхкаңиси. ² Югыт иқитыслықйси синагогамыхның. Аа, пильыхқак тагиңўк, китум алнунак туқускумиси сюмыхтағәгьяхқәгук қыпхәтңунилюку Кияғнық. ³ Таўатын пияхқәқйси

қаюхлъяк л̄исимаңилькаңинкуң Атакульх̄игни.
 4 Уңип̄атамси там̄акын м̄атын пилъх̄қақ к̄аскан
 нықамикысқыльюки а̄пқанка. Уңип̄асимаңитамси
 там̄акын п̄инлиг̄юх̄ӯальығми малихс̄ях̄тынух̄тақнафси
 қаюхлъяк лыпысинилн̄ӯңа».

Қыпхалъха Аглығналғ̄им Тағнығам

5 «М̄атын утығниғнақн̄ӯңа Каяхтистымнун;
 иӯырңа налих̄пыси а̄пнығитах̄пысиңа х̄уатын:
 “Навык пинақсин?” 6 Қивг̄ух̄лъяг̄уси қаюхлъяк
 уңип̄аскымси там̄акын. 7 Иӯырңа уңип̄ан̄бақамси
 ипапигмың: пиниғатағ̄ағ̄ях̄қ̄аг̄уси ағуляқых̄кума,
 қаюхлъяк каяхфикыльықамси Каютках̄қағның.
 Ағуляқынгилькума Каютках̄қақ тагин̄ангитук
 лыпысинун. 8 Каютык тагикумык л̄игильх̄ықылъық̄и
 нунам юги сығлых̄қылъығмың, ылъкугутн̄алъығмың,
 нанқихтилъығмың. 9 Л̄игикыслъық̄и сығлых̄қыстыңутаңи,
 қаюхлъяк х̄уаңа ухпықигалькаңатңа. 10 Л̄игикыслъық̄а
 ылъкугутн̄алъық, қаюхлъяк аглағнақылд̄иңа Атамун
 ынк̄ам ысхағнаних̄лтықах̄пысиңа. 11 Л̄игикыслъық̄а
 нанқихтылъық, қаюхлъяк иглыгутистыңа нунам ӯм
 нанқихтылъыңӯағлюни аюқуқ ағьӊг̄ях̄қ̄алюни.

12 Паниның апығ̄ях̄қах̄лъяг̄ӯңа лыпысинун
 иӯырңа с̄ялин л̄игикыпағниңитаси. 13 Иӯырңа
 Тағнығак апых̄туғилд̄ик Кияғнығым ипапилъх̄аның,
 тагикуми мағ̄ях̄қуқх̄лтық̄иси ипапилъыпырығ̄ӯағмун.
 Акузиткын̄ангит̄и льми катам акузитни, иӯырңа
 акузилъықуқ нагақуқах̄йнағминың. Ынк̄ам
 уңип̄алъық̄иси сяңӯа с̄ях̄қ̄атаңа т̄ак̄ӯаниңани.
 14 Құлвах̄лтық̄аңа қаюхлъяк тугукльиғлюки х̄уаңа
 акузитынка апых̄лтық̄и лыпысинун. 15 Қамахтыңӯағлюку
 Атам п̄иңа х̄уаңа пикақ̄а. Там̄акын апалъюқльюку п̄иңа,
 Тағнығам тугукльиғлюки т̄уныхканка апых̄лтық̄и
 лыпысинун».

Қивг̄улъық Қуяльх̄ух̄сях̄қақ

16 «Қантағакун ысхағнаних̄лтықах̄пысиңа иӯырңа
 мулюхпынаси ысханқих̄лтықах̄пысиңа». 17 Иляңита
 малихс̄ях̄тыт илятың а̄птык̄ит: «Сямың п̄илью

Иисусым хўатын пильыҕмикун: “Қантаҕакун ысхаҕнанихлығыақысыңа иўырҕа мулюхпынаси ысханқиһлығыақысыңа”? Тәналъю сяңаўа хўатын пильа: “Қаюхлығыа аҕляҕнақуңа Атамун”?» 18 Пикат: «Сямың пй таўатын пильыҕмикун: “Қантаҕакун”? Налъюақыпут сямың писйтаңа». 19 Иисусым лйсимақыхқаңи аҕпюкаңат ынкәм пикй: «Лпысының аҕкүгўағусиқыстыхў сямың пикатка хўатын пильымкун: “Қантаҕакун ысхаҕнанихлығыақысыңа иўырҕа мулюхпынаси ысханқиһлығыақысыңа?” 20 Ипа уңипатамси, қияхқыағусилью қивғуахқыағусилью иўырҕа нунам юги қуахқыагут. Лпыси қивғуахқыагуси иўырҕа қивғулығыси қуяльхұхсыақыагут. 21 Аҕнақ иғниюныңмини икфиқақуқ, қаюхлығыа иғнилғыхқыа калғый. Иўырҕа иғниями пуйгә икфиқылғыни, қаюхлығыа қуақыхқаңа тағнухқыа альхылғы нунамун. 22 Қивғуңўси мәтын иўырҕа ысхаҕлығыамси алығымың ынкәм қуялығыуси. Китум алнунак иқиньанғыта қуялығыси.

23 Таўани ағнығми аҕпнәнғытақысыңа сямың алнунак. Ипа уңипатамси, Атама тўнылығыйси сямың алнунак аҕптыкуфси Атымкун. 24 Хўавымун кынляңа аҕпсигатуси сямың алнунак Атымкун. Аҕптык алығығулығыуси ынкәм қуялығыси иғўилығықуқ».

Кайлығыйлығы

25 «Уңипаткақамси тамәкуның уңипағатытхун. Иўырҕа уңипағатның атуқнанилығыхқыақа калғықуқ ынкәм хўатылығыўақ апығягулығықыақа Ата лпысинун. 26 Тәна пильыхқыақ кәскан лпысының катам аҕплығыаҕси Атымкун. Ынкәм уңипатамси хўаңа аҕптуньанихлығыамси Атамун, 27 қаюхлығыа Атам лғыңаның катам пиниқыйси. Пиниқыйси қаюхлығыа пиниқыхқыфсиңа, ухпықыхқысылъю Атамың тагикәтка. 28 Атамың тагикағуңа нунамун. Мәтын унилығыуку нуна аҕляҕнақуңа Атамун».

29 Малихсыақтыңита пикәт Иисус: «Тәўа алығықуақыпкүт хўатылығыўақ атуқыхпынаки уңипағатыт! 30 Хўа лйтамкын сяңўа тамахан лйсимақыфтан. Лйсимакақатын юғым аҕпсыақы талўа аҕптыстыхпынаки ынкәңам китум алнунак аҕпнығитығнағмитын сямың алнунак аюқутын.

Тамāкын апальюқлыюку ухпықамкын Кияғнығмың тагикāтын». ³¹Иисусым пикй: «Қынўатлью ухпығыстык? ³²Миңитыльыққақси кәсяхтухтуқ, талўа хўа кāльюни аюқуқ. Қамахльюси ныхпысинун агляхтўлтықуси, унильықақпысиңа лъңинағағма. Иўырңа паниның лъңинаҳāнāнгитуңа қаюқльык Ата хўаңамнилңуқ. ³³Уңипāтамси тамāкын ныкыхмыльылгусқыльюси хўаңамкун. Нунами хўани сығлыльыхтықуси иўырңа илютулюси қаюқльык каяльқыхкақақа нуна».

Иисусым Юғātкыхкәңи Малихсәхтыни

17 ¹Иисус тақсями акузинығмың сивухльюни қиялгмун юғақақ: «Атāй, ағнық кāтуқ. Қўлваху Иғнығын, қўлвйсқыльютын Иғныхпынун. ²Иғнық Атаныңльыққақан тамаҳāнун югнун. Ынкāм кынлыңилңуқ уңувалтық тўнңўа тамаҳйтнун тўныхақпынун лъңанун. ³Югыт кынлыңилңуғмың уңувалтыңақут лйтыльығмыхтыхун лыпык, тāнаңинаҳақ Кияғныхпигақ, лйтыльығмыхтыхунлью Иисус Христос лыпык каяхтыкан. ⁴Қўлвāмāмкын нунами хўани апығйльымкун қыпхақақ қылғуткан хўаңамнун писқыльюку. ⁵Ынкāңам Атāй, манухпынисималюңа қўлвағңа қўлвалтығмың хўаңа пиксяқымның лыпынилъюңа, сивуңани нунам улимальхан.

⁶Лйтыстыкақақа натытулын югнун тагивақақпынун нунамың хўакын. Лыпык пиксяқытын тагивақақтың хўаңамнун. Қātкыхкәқйт акузитытын. ⁷Қынўатлью лйтйт сяңўāt қамахльюки тагивақақтың лыпынун пиңутәңи, ⁸қаюқльык апыхтўсяқыхкақтың хўаңамнун апыхтўсяқыхкақанка лъңитнун. Тугукльймит ынкāм лйтāt ипапыстāқ тагикātка лыпынун. Ухпықātлью лыпынун каяхтыкātка.

⁹Юғātкыңўāнка лъңит. Юғātкыңўунгитанка югыт нунам пиңи. Юғātкыңўāнка тамāкут тагивақақтың қаюқльык лыпык пикыхкытын. ¹⁰Қамахльюки хўаңа пинка лыпык пикатын; қамахльюки лыпык пикатын хўаңа пиканка. Лъңитхун āңылтыхльыка кылгульюни аюқуқ. ¹¹Агляғяхтуңыстахтуңа лыпынун, нунамынъаниғяхтуңыстахтуңа, иўырңа

лъңит нунамылбықут. Аглығналғи Ата, афлбыңакики ахтуғьяхқангильхакун атыхпык, тагивақахтын хўаңамнун, атәсийсылбыюки атәсийлымтыхун.

12 Лъңитнилыюңа афлбыңакихкақанка ахтуғьяхқангильхакун атыхпык, тагивақахтын хўаңамнун. Кылыңакихкақанка, ынкәм талўа атәсиқ ифлъяльхитук, иўырңакун атәсиқ юк ифлъяяхқақ, Акузитыт Игақыхкат апығиғысылбыюки. 13 Хўа мәтын лыпынун аглягнакуңа. Иўырңа таўатын юғахтуңа паниның нунамылбыюңа, қуялғақ илюңитнитысылбыюку хўаңа пима. 14 Апкақанка Акузитытын лъңитнун, ынкәм нунам юган угумики қаяульхак нунам пикынгильхакәңи хўаңамтун. 15 Юғәткыңьунгитанка лыпынун иқитысылбыюки нунамың. Иўырңа юғәткыңьўәнка лыпынун афлбыңақахтысылбыюки Тугнығағмың.

16 Нунам пикынғити катам хўаңа пикынғитыльхатун.

17 Афтики лыпынун ипапилыхқун; акузитын ипапилыхқ.

18 Каяхтыкақанка нунамун, каяхтыльхыпытун хўаңа.

19 Лъңит апалыуқлыюки хўаңамның афтыкәгуңа лыпынун, лъңитлыю афтысылбыюки акузитыхпыгун ипапилыхқун.

20 Юғәткыңьўәнка тәкут югыт, юғәткыңьўәнка

тамәкутлыю югыт ухпықияхқат хўаңамның

уңипақилыхитхун малихсәхтыма. 21 Юғахтуңа

қамахлыюки атәсийсылбыюки. Атәй, йықай

илюмтыгнитыстики катам таўатын лыпык

илюмнитыльхыпытун, хўаңа лыпык

илюхпынитылымтун. Илюмтыгнитыстики нунам

юганун ухпықсылбыюку лыпынун каяхсиматка.

22 Құлвақақанка катам таўатын құлвалыхыпытун

хўаңа, лъңит атәсийсылбыюки катам таўатын хўаңкутуң

атәсийлымтыхун. 23 Хўаңа илюңитнитуңа, лыпык

илюмнитутын лъңит атәсийхтыңьўәғысылбыюки.

Ынкәм нунам юган лйльықәт лыпынун каяхсиматка.

Лйльықәтлыю пиниқыльхын тамәкунун ухпықилгйнун

хўаңамның, хўаңамнун пиниқыльхыпытун аюқылғи.

24 Атәй, укут югыт тагивақахтын хўаңамнитысюәқанка,

лъңитнун ысхйсылбыюку ниғухқылға.

Пиникутыхпының тәна ниғухқылғық тагиваққан

сивуңани нунаңлыяльхым. 25 Кәй ыльқугутңалғи

Ата, нунам юган нальюкатын; хўаңа лйсимакамкын. Тāкутлю тагивақахпык лйсимакāt лыпынун каяхсиматка. ²⁶ Лйтыстыкақанка натытулыхпының. Лйтысимаңаңақамкын пиниқыльхын хўаңамнун илюңитнитысқыльюку, хўаңалью илюңитнинъалюңа».

Иисус Тугукаңат

18 ¹Иисус юғанығмың тāқльюни, малихсйхтыкульхйт ағвиқат сюқльонғыгныкун āтқылғйк Кедронымың. Тāуаңуқ иңлюхкыни маслиныт уқфигыт; таўавык агляқат. ²Иисусым увыҳпагутистыңан, Иудам лйсимакыхкаңа тāна такукāt, қаюхльяк Иисусылью малихсйхтыкульхйт таўавык пикатуқат. ³Ынкām Иуда первосвященнигынунлю, Фарисеинунлю ақфаткақ кылыңакистыныңлю, иляңитныңлю Римым пильюўахтыңитның. Тāхкын мағьяхқуқй уқфихтуқамун. Тāкут кыльқыхкат гūtутмың, иляңи унахсимың кумаңалғймың, иляңи кынылғутамың. ⁴Иисусым лйсимакыхкаңа қамахльюку сяльыққани, ынкām такулюки āптыкй: «Кина ивағақыстыху?» ⁵Кймсиқāt: «Иисус Назаретығмй». Иисусым пикй: «Хўаңа Иисусыңўаңа». (Иудалью увыҳпагутиста ныкывғалғй пильюўахтыни.) ⁶Иисусым таўатын пийистың: «Хўаңа Иисусыңўаңа», тāкут югыт утығмйқағлютың улығātкат. ⁷Иисусым āплъятақй: «Кина ивағақыстыху?» Кймсиқāt: «Иисус Назаретығмй».

⁸Иисусым пикй: «Уңипāтамси, хўаңа Иисусыңўаңа. Хўаңаңукан ивақахси укут югыт агуляқыстыки». ⁹Иисус таўатын пикālғй апығйғысқыльюку хўатын пильыни: «Атāй, тагивақахпының талўа атāсиқ юк ифльямаңитақа».

¹⁰Тāхкын Симон Петырым сывихпани нусюгахльюку илыфкағахтыкā Малхым ағынқигнық сигутңа. (Малха, первосвященнигым қыпхахтыльяқыхкаңа.) ¹¹Иисусым пикā Петр: «Сывихпағын канахтигу. Қаюсиқ мығынғильякўн Атам тагивақā?»

Иисус Агльскаңат Аннамун

¹²Тāхкын пильюўахтыт, умйлгатлю, кылыңакистытлю Иудейт такулюку Иисус, тугулюку асиҳқыхкāt. ¹³Ынкām

сивукльюку агляткāt Аннамун, сякиңанун Каиафам. (Таўани аюмиқултығми Каиафа первосвященнигукалғй.)
 14 Каиафам пикақыхқаңи Иудеит иглығутистыт,
 пиниғатағахлығықнилюку атәсиқ юк туқумаяқан югнун.

Петырым Налъюнқыхқаңа Исус

15 Симон Петырымлю, иляңанлю малихсәхтым киңуңаның малихтыкāk Исус. Первосвященнигым лйсимакыхқаңа әльха малихсәхта. Ынкām лыған тām малихсәхтым малихтыкā Исус, первосвященнигым мыңтығән увитаңанун. 16 Петр ныкывғамалюку амигым туңаңани, әльхан малихсәхтым, первосвященнигым лйсимакыхкән, әнлюни алыхқуғлюку ағнағак амигнйхта итыхтыстыкā Петр. 17 Ағнағām амигнйхтым әптыкā Петр: «Льпыклью тām югым малихсәхтыкатын?» Петырым кймсиқā: «Накā! Малихсәхтыкынғитаңа!»

18 Қыпхақтытлю, кылыңакистытлю кулымың кумахтиқалғйт уғухсиғналютың қаюхльяк ақльяғалңуқ. Петырлю таўани уғухсиқак.

Первосвященнигым Әпқуғўәқаңа Исус

19 Қама илюңани первосвященнигым әпқуғўәқā Исус, малихсәхтыңаныңлю, апыхтуғилъханыңлю. 20 Исусым кймсиқā: «Юхтуқами акузйқуңа. Қўнпың апыхтуғйқуңа қамахльютың Иудеит қырңуғутфигитни, синагогани, Храмымиллю. Сяңўә алңунак аксяқльюку акузиткигатақа. 21 Ынкām сяңама әпқуғўәхсиңа? Әптики югыт нагаткāt апыхтуғилъымның. Лйсимакāt сямың пиматка». 22 Исус таўатын пиян кылыңакистым туңаңанилңум қасяхльюку әптыкā: «Сяңан таўатын кймсиқсигу первосвященнига?» 23 Исусым кймсиқā: «Сямың сығлытун акузимакума, әпху сығлытун акузильқа. Иўырңа ыльқуғусимакума сяңама қасяқсиңа?»

24 Тәхкын Аннам, аглятыстыкā Исус асиққыңбән Каиафамун, первосвященнигмун.

Петырым Налъюнқылъятақā Исус

25 Симон Петр ныкывғағми уғухсймалюку әптыкāt: «Льпыклью малихсәхтыкатын тām югым?» Петр

мысиғазақ: «Накә! Малихсәхтыкыңгитәңа!» ²⁶ Атәсиқ қыпхақтыңа первосвященнигым таўанлыңуқ, илякүәға югым, Петырым сигутңиғақтыкән. Қыпхақтым әптыкә: «Ысхақсюгнисикын лъңанилъяутын маслинытми уқфихтуқами?» ²⁷ Альямың Петр мысиғағлјатазақ. Ага таўаниңинақ петух қалғизақ.

Иисус Агљәсқаңат Пилатымун

²⁸ Тәхкын унәнупихлъяоку Иудеит иглјутистыңита аглјткәт Иисус Каиафам мыңтығәның, Римым умјлхпаган нанқихтивикиңанун. Тәкут иглјутистыт йтхумаңилңүт нанқихтивигмун, қаюхлъяқ укмаңхсәгүәқәлғйт Моисейем Лјлихтүсјән писқылъхатун нығналютың Пасхами. ²⁹ Ынкәм Пилатым әнвиклъяоки әптыкј: «Сямың анахусимафта уна юк?» ³⁰ Кјмсиқәт: «Уна юк тагинъаянғитахпут лъпынун анахусимаңисяқан». ³¹ Пилатым пикј: «Агљәлъяоку лъпысиның нанқихтыху Лјлихтүсјәхпыси писқылъхатун».

Пикәт: «Римым лјлихтүсјитни хұаңкута Иудеяни ағјюғисиксәхқақынғитахпут тукутилъық». ³² (Таўатын акузилъхита апығјкәт Иисусым апылъха натын туқулъықхамының.) ³³ Тәхкын Пилат итынқихлъяони нанқихтивигмун, тагитыслъяоку Иисус әптыкә: «Лъпәк умјлхкатын Иудеит?» ³⁴ Иисусым кјмсиқә: «Лъпының әпсиңа таўатын? Налиғмың китум уңипәткақатын хұаңамның?» ³⁵ Пилатым кјмсиқә: «Сюмыхпыни Иудеяңузиңә? Лъпык катам юхпык, первосвященнигылъяо тагиткақатын хұаңамнун. Сямың анахусимазин?» ³⁶ Иисусым пикә: «Атаныхпагульқа ўм нунам пикынғитә. Атаныхпагульқа нунамың пиңуяқан, қыпхақтыма пильюўәнъаяғәтңа Иудеянун тўныфқәма писқылъяоңа. Иўырңа Атаныхпагульқа нунамың пиңунғитук». ³⁷ Пилатым пикә: «Тәўа умјлгуфтутын!» Иисусым пикә: «Лъпык умјлгуніхпыңа. Тагикәгуңа нунамун уна апалъяоқлъяоку: апыңналюку ипапихқылъық югнун; тәна апалъяоқлъяоку альхықәгуңа. Қамахлъяони пиникиңалғй ипапилъығмың нагаткаюгүқ хұаңамнун». ³⁸ Пилатым әптыкә: «Сяңәўа ипапихқылъық?»

Таўатын пилюни Иудеит āнвикльятәқй. Пикй: «Уна юк нālькыфикынґитақа сямың анахусиматаңа ағьюґусихқамың. ³⁹Иўырңа льпыси наңағнықыхкыси, Пасхами хўаңамнун āныстысюгақыхкыси атāсиқ анусимиңльяғақ. Итымутысюгыстыхў уна умйлга Иудеит?» ⁴⁰Акилгўкат: «Накā, льңа пифқāн, Варавва āныстигу!» (Варавва ўаяғнйхтыңулғй.)

19 ¹Ынкāм Пилатым қылгуткā иқитульюку Иисус кахсягмигысқылъюку. ²Пильюўахтыт қақпаңльяқāt

сикухльюхтуқамың аваямың. Атисльюку қақпа Иисусым нāсқўакун, ысныгрукыхтағныңлью аткуяқāt. ³Тāхкын Иисус такулюку лыгасйғўātкыхкāt: «Қуяғляги, Қўлвағамкын, Умйлгат Иудеит!» қасяғт āтақātлью.

⁴Пилатым āнықихльюни пикй Иудеит: «Ысхағтыху, āнутыснақақа Иисус


льпысинун, лйґикысқылъюси нālькыфикынґитақа анахутылтығмың». ⁵Тāхкын Иисус āнусяқмыхтыху қақпалюни сикухльюгмың, аткуяғлюнилью ысныгрукыхтағның аюқыфтуқ. Пилатым пикй Иудеит: «Тāната юк! Ысхақағтыхуқун!»

⁶Первосвященнигытлью, кылыңакистытлью Иудеит ысхағлюку Иисус акилгўткат: «Қақўрағтыстигу! Қақўрағтыстигу!»

Иўырңа Пилатым пикй: «Льпысиның ағуляқульюку қақўрахтыху, қаюхльяк хўаңа нālькыфикынґитақа сямың анахутылтығмың».

⁷Иудеит пикāt: «Лйлихтўсямнйи туқусяққāғуқ, қаюхльяк Иғнықнилюни Кияғнығмун пикāғуқ».

⁸Пилатым нағальюки таўатын пилғйт ўатақāғақ алиңыхкақ. ⁹Итынқихльюни нанқихтивигмун āптыкā Иисус: «Накын пиңузин?» Иўырңа Иисусым



(От Иоанна 19:2)

кїмсїмаңитк̄а. ¹⁰Пилатым ̄аптык̄а: «Алыхқуғьонғисиңа? Лїсимакыңгисиг̄у итымутыскыңьяаяқымкын, налиғмың қақұрїсқыньяаяқымкын?»

¹¹Иисусым кїмсиқ̄а: «Қылығн̄аңгитатын пильюўахтыт қақұрїсқылъюна ұйтқуқун Кияңғым пиюкылъқыхкагу. Ынк̄ам юк тагитистыка сығлыхқылъыхт̄ағатукъ лыпынун».

¹²Киңуңаның т̄ам Пилатым итымунъақуткыхқақсықаңа Иисус, иўырңа Иудеит акилг̄укат: «Кина алңунак лъминың умїлыңлъялг̄ї, аңуяг̄уқ Кесарымун. Итымускувгу т̄ана юк илякумт̄ақынгит̄атын Кесарым».

¹³Пилатым нагалъюки т̄акут акузитыт, ̄анутыстык̄а Иисус, Каменный Помостымун. (Еврейистун т̄ана атық Гаввафаңулг̄ї.) Т̄ахкын Пилат ақумыхкақ нанқихтивигым ақумут̄акун. ¹⁴(Ағныңым қуағнақыхқаңа Ят̄ахқильхым Ағныңани Пасхамун.) Пилатым пик̄ї Иудеит: «Таўа Умїлыхси!»

¹⁵Иудеит акилг̄уткат: «Сяңулюку, сяңулюку, қақұрақтыстигу!»

Пилатым ̄аптык̄ї: «Хўаңамнун қақұрақтыстысюгыстых̄у умїлыхси?»

Первосвященнигыт кїмсиқ̄ат: «Кесарыңинах̄агукъ умїлыхпут».

¹⁶Ынк̄ам Пилатым пыхтык̄а Иисус лъңитнун қақұрїсқылъюку.

Қақұрақаңат Иисус

¹⁷Т̄ахкын пильюўахтыт ̄анутк̄ат Иисус уямихтыслъюку қақұр̄а. Агльятк̄ат таўавык атильқылг̄їмун: «Югым Насқұан Ныңа». (Т̄ана Еврейистун, Голгофаңулг̄ї.)

¹⁸Таўани қақұрақ̄ат, м̄алг̄уклъю югык малигулъюкык қақұрақакыт. Альха ағынқигныңанилъюку, иляңа сяғумигныңанилъюку, Иисус қук̄анилъюку. ¹⁹Пилатым игақыстыкақыхқаңа: «ИИСУС НАЗАРЕТЫГ̄МЇ, УМЇЛГАТ ИУДЕИТ». Т̄ахкын ныкыхтыстык̄а қақұр̄акун Иисусым.

²⁰Т̄ана игақыхк̄алг̄ї Еврейскыт, Ромамыт, Грегыт улюңистун. Угльялг̄їт Иудеит атихтуқ̄ат, қаюхлъяк қақұрағвига Иисусым қантағанлыңуқ Иерусалимымың.

²¹Иудеит первосвященнигита такулюку Пилат пик̄ат: «Таўатын игақсыхқ̄аңгисяхтуқ: “Умїлгат Иудеит”. Хўатын

игақсяққаяхтуқ: “Уна юк пикагук, Хуаңа Умількәтңа Иудеит”».

22 Пилатым пикй: «Игақыстыкақа таўатынъақңұқ».

23 Пильюўахтыт туқұқәсямыхтыху Исус қақұрамун тугулюки а́ткй, ыстамаққыхкйт, атәсикахтән тугуля́ткат. Атәсик аткуя́хдық кылюңунатык улима́дық тўймығның кынимығнун.

24 Пильюўахтыт пикат: «Тәкук йғўйхкынка атыхтйра́гусиқыльтыкык». Таўатын пильығмыхтыхун Акузитыт Игақыхкат апығйхтыстыкйт хўатын пильхит:

«А́тканка ныңйтқақйт,
ынкәм тәкук аткуя́ғыхка
атыхтйра́гусиқыхкақахкыт».

25 Пильюўахтыт таўатын пималюки, тәўаңуқ стамат ағнат ныкывғалъхйт қақурам туңаңани: Исусым нәңа, нәңанлью аңлыгутаңа, Мариялью Клеопам нулиҳа, Мариялью Мағдалағмй. 26 Исусым ысхақакык нәнилью, пиниқыхканилью малихсяхтыни ныкывғалғйк таўани. Нәни пика: «Ағнами хўани, тәна иғнылйтан».

27 Тәхкын малихсяхтыни пика: «Тәна нәлйтан». Тәхкын кынляңа малихсяхтыңан ағляткә лъмыхнун.

Исусым Туқульха

28 Тәм киңуңаның Исусым лйсимакыхкә сяңўа тамахағми хўа апығйлғй. Ынкәм Акузитыт Игақыхкат апығйғысқыльюки хўатын пикақ: «Мықсюхтуңа».

29 Тәўаңуқ сяғнығўақ қуўалғймың виномың ималык. Пильюўахтыт ныкыхльюку ныпсягусиқ иссопым унахсийўағакун, ныпльюку виномун Исусым қанғанун ныңугуткәт. 30 Исусым нәсийглюку вино, пикақ: «Тәўа апығйхтуқ». Гўхтуткыльюку тағнығағни пыхтыкакык.

31 Ятәхқивигутаңаның Ағнық, Иудеит иглығутистыңита тәкут югусйт қақұрамытысюңгилькәңит, қаюхльяк унәмиңани Субботаңулғй, Пасхамлью ағнықыхкаңа. Ынкәм Пилатымун қылғутысқыхкйт пильюўахтынун айымқйсқыльюки игуңит туқурахкйғысқыльюки, иқиньалюки қақұритның. 32 Тәхкын пильюўахтыт такулюку сивулиқ юк, айымқуқахкыт игукук, альханлью игукук айымқуқахкыт. Тәкук қақұрақақыхкыкыт

малигульюкык Исусымун. ³³Исусым иғукук айымсимаңилькыхкыт қаюқлъяк такуяқмыхтых туқуңуағлюни аюқыфтуқ. ³⁴Иўырңа атасим пильюуахтым панаминың кынуқақә Исус сяниңакун. Таўаниңинақ ақлю, мықлю мақыхкак. ³⁵(Ысхапакам тамакын апхї тамакут. Акузиткыхкї ипаңут, лїсимакуқлю уңипақңуа ипапилық. Апхї тамакут лыпысыллю ухпығысқлыюси.) ³⁶Тамакут апығйқагут Акузитыт Игақыхкат апығйғысқлыюки:

«Талўа атасиқ ныхқуаға айымьяхқангитук».

³⁷Хўатынлю Акузитыт Игақыхкат пикагут:

«Ысхапахлықат панакақтың».

Исус Лыйфқанат

³⁸Там киңуңаның югым Аримафеягмїм, атқылгїм Иосифымың, Исусым югусї агулякуткә Пилатым аңыгягу. (Иосиф малихсїхтыкыхкаңа Исусым, иўырңа аксяқлюку пикалгї алиңлюни Иудейт иглығутистыңитның.) ³⁹Никодимым малихтыкә Иосиф, кылықлыюни тыпыңлїясимың юк талымат литра, смиранкугның, алоэнкугның акумутңалгїгның. (Тана Никодим сивунгани Исусымун пикалгї унугми.) ⁴⁰Такук югк агулякулюку Исусым югусї тыпыңлїяхқуман ймгуткәк қипағақун. (Таўатын Иудейт лївғақыхкаңит югыт туқукат.) ⁴¹Исусым қақурағвиган туңаңани таўаңуқ сад уқфихтуқак. Таўантыфтуқ нутағақлюк лывық, сялин лывығвикылхилңуқ. ⁴²Тәюхқыңбулгїк қаюқлъяк Иудейт Ятәхқыфикыхкаңат Ағнық тана, ынкәм тәхун қантағанлыңуқун лыйфқәқ.

Имїлңуқ Лывық

20 ¹Сивулигми ағнығани неделям, Мария Мағдалагмї лывыхтыкақ сялин мамлыглюку. Ысхақә уйғагрухлъяк иқильюни лївгым пайңаның. ²Ынкәм кытанқуснақ агляқак Симон Петырымунлю, иляңанунлю малихсїхтымун, Исусым пиниқыхкәнун. Мариям пики: «Нүхсимат Атанық лївғаның. Налюкахпут навк лыматаңа».

3 Ынкām Петырлью, āльхалью малихсѣхта лъивыхтыкак
 4 кытанқуснақ. Альха Петырымың сюкалңуқ, ынкām
 сивукльюни кātқақ. 5 Гӯхльюни қиныхсѣлғйми ысхақй
 қйпағāt, иўырңа йтхумаңилңуқ. 6 Киңуңйхāның Симон
 Петр кальюни йтқақ лъивығмун, ысхақй қйпағāt таўани.
 7 Ысхақāлью альякағми қйпағақ Исусым нāsқўакун
 ймгутңаялғй. 8 Тāхкын āльха малихсѣхта кāsюхўақақ
 лъивығмун йтқақ. Ысхағьямигу ухпықыхкā Исус. 9 Сялин
 ысхальхильюки лйгикумаңиткаңақ Акузитнилңуқ
 Игақыхкақ уңувапыстāгьяхқāнилюку туқулъығмың.
 10 Тāхкын малихсѣхтык агляқақ нымығнун.

Иисусым Алйғвикыхкаңа Мария Мағдалағмй

11 Иўырңа лъивығми Мария қййқыхкақ. Қиянқусйн
 гӯхльюни илютмун қиныхсѣлғйми, 12 ысхақақык мālғуқ
 яқулгык аткуялгык қатылғймың. Ақумгафтүқ Исусым
 югусйн лъивиксяқаңакун, āльха нāsқўан ныңакун,
 иляңа итығāн ныңакун. 13 Апткāt: «Ағнақ, сяңавык
 қйяқсин?»

Кймсиқақык: «Нұхсимāt Атанқа. Нальюкақā навык
 лъиматаңат». 14 Мария таўатын пилюни қйвуткыльюку
 ысхақā Исус ныкывғалғй, иўырңа нальюкыхкā
 Исусыңутаңа.

15 Исусым āпткā: «Ағнақ, сяңавык қйяқсин? Кина
 ивағақсигу?»

Мариям пйтысиғахтыңунилюку пикақсяқаңа, ынкām
 пикā: «Югунйқ, нусюгумакувгу уңипāтиңа навык
 лъиматын, ынкām ақфальықақа».

16 Исусым пикā: «Мария».

Мариям қйвлюку пикā Еврейистун: «Раввунй». (Хўатын
 писиқ: «Апыхтуғиста».)

17 Исусым пикā: «Сяфтыхпынаңа, сялин маййгатуңа
 Атамун. Иўырңа агляғлютын аңлыгутымнун
 уңипāнъакытын: “Маюғнақуңа Атамнун,
 лъпысылъю Атахпысинун, Кияғнымнун, лъпысылъю
 Кияғныхпысинун”».

18 Мария Мағдалағмй агляғлюни малихсѣхтынун пикй:
 «Ысхāmāқа Атанық». Ынкām уңипātкйлью Исусым
 уңипāтысқылъханың.

Иисус Алїлдї Малїхсїхтыминун

19 Сивулїлдї ағныңа неделям. Иғивгәни таўани малїхсїхтыт қырңугуткат. Алиңлютың Иудейт иглығутистыңитның, амигыт маҳқатңастыкїт. Иисус тагилюни акуляңитхун ныкывлюни пикї: «Ныкыхмылбық лыпысинилы». 20 Таўатын пилюни, кылгуткї йхынилыю сянинилыю, ынкәм малїхсїхтыт қуяҳлыякат ысҳағлюку Атанық. 21 Тәхкын Иисусым пилїтақї: «Ныкыхмылбық лыпысинилы. Катам таўатын Атам каяхтылхатун хўаңа, таўатыхпигақ каяхтамси». 22 Таўатын пилюни, анығзїглюки пикї: «Тугуклыхтыкык Аглығналдїк Тағныңақ. 23 Сығывускуфсики килью алңунак сыңлыҳқылхитның, Кияғныңым сығывулбықї. Сығывунбығилькуфсики, Кияғныңым сығывунбәңгитї».

Иисусым Алїгвикыхқаңа Фома

24 Фома, (әтхан әлхә Малдї) малїхсїхтынисимаңилңуқ Иисусым такўәқнаки. Фома қуля мәлғук сїпнықыхқаңат малїхсїхтыт. 25 Иляңита малїхсїхтыт уңипәткәт Фома: «Ысхәмәхпут Атанық!» Иўырңа Фомам пикї: «Ухпықнәңгитақа ўыткуқун ысхәкумки туқўқальхи йханилңүт. Ухпықнәңгитақалыю ўыткуқун сїфтыкумки туқўқальхытлыю, сяниңанилңуқлыю паналбық». 26 Неделық атәсиқ атуғлюку малїхсїхтыт таўанлыятақат мыңтығами, Фомалыю таўанлыңуқ. Амигыт маҳқатңаңәта Иисусым итығвиклыюки ныкывыхкақ акуляңитхун. Пикї: «Ныкыхмылбық лыпысинилы». 27 Тәхкын Фома пикә: «Ысхәғлюки йхынка сїфтыки, сїфтигулыю сяника. Айғүгитиқыфқәвығңам, ухпығи». 28 Фомам пикә: «Атанымни, Кияғнымни!» 29 Тәхкын Иисусым пикә: «Ухпықїтын қаюҳлыяқ ысхәқывңа. Қуянаҳалык тамәкут ухпылғит ысхәпынаңа».

Иоанным Игаңгялхән Апалгя

30 Иисус угляғңән алгялхлюхўахтиғәтақәгүк ысхәмангитни малїхсїхтыми, игакумаңилңүтүт укуни игани. 31 Иўырңа укут игақңалғит игақыхкәгүт

лпысинун ухпықысқалыюку Иисус, Христосынутаңа, Иғныға Кияғнығым. Ухпықылғыхпысигун уңуалғыңылғықуси А̄тҥакун.

**Иисус Ысҥахтыслыҥтақак Иляңитнун
Малихсҥхтыминун**

21 ¹Такўаниңани Иисус ысҥахтыслыҥтақак малихсҥхтыминун Найвами Тивериадами. Хўатын ысҥахтыстыкәгуқ. ²Иляңиңуқ малихсҥхтым қырҥағмыткат найвами. Симон Петырлью, Фомалью (а̄тҥан а̄лҥха Малҥи), Нафанаилылью, Канамың пи Галилеямылңуғмың, Зеведейемлью иғнығык, алья мәлдук малихсҥхтык. ³Симон Петырым пикй: «Иқалыниҥгығнақуңа». Пикәт: «Малихнақамкын». Ынкәм аңьякун кыльютың унульқусиқ иқалыюхнақуткыхкәялҥйт, иўырҥа пикыңумаңиткат.

⁴Ахтағағақәлью малихсҥхтыт ысҥақәт Иисус ныкывғалҥи ыснми, иўырҥа кинаңутаңа нальюкыхкаңат. ⁵Иисусым пикй: «Илякумтәмни, иқалыюхныҥистык?» Кймсиқәт: «Накә». ⁶Пикй: «Атыхтыху нығахпакси аңьяхпыси ағынқигныҥакун, ынкәм пикыңылғықуси». Писқылхатун пикат. Нәпқағиҥльякат рыпаль нығахпак қәкнығмың ахтуқәт аңьямун.

⁷Малихсҥхтым Иисусым пиниқыхкән пикә Петр: «Атанғуқ!» Симон Петырым нагақуғьямигу пилюуглюни қытхықак мығмун. (Петр амсикахтыкәялҥи қыпхәғналюни.) ⁸Малихсҥхтыт аңьямылңут ыснамун қамуқәт нәпқағиғңалҥи нығахпак. Аўавантыпанҥилңут қутмың, ынтақун юк тальимат метра уятуткалҥйт.

⁹Малихсҥхтыт ўхлығәсялҥиҥмың қутмун ысҥақакхыт аниҥўтыкак кыңғык, иқалыюгмың ухкылғык. Таўалью нықыкшаңльялгуфтуқ. ¹⁰Иисусым пикй: «Тагитык иқалыюхтахпысиның».

¹¹Ынкәм Симон Петр аңьямун ўхлыюни сяюкә нығахпак қутмун. Таўаңуқ 153ңуфтут иқалыюхпахқуҥльягыт нәптыкат, нақамлью нығахпак пйгумаңилңуқ. ¹²Иисусым пикй: «Ныҥьяхтухтык». Налихйнитә малихсҥхтыт әпнығмың тытукәт кинаңутаңа, лйсимакльюку Атанғутаңа. ¹³Иисусым тугулюку

нықыкшаңлыяқ тунқуқā лъңитнун, иқалъюгытлыю таўатын пикй̄.

14 Тāна пиңайткыхкәңа Иисусым ысхақтыстыльхә малихсәхтыминун, уңувахтыстыльгыми киңуңаның.

Иисус Петырымун Апыхтұткысқылдй̄ Ухпықанун

15 Тāқсымың нынығмың Иисусым āптыкā Симон Петр: «Симон, иғныға Иоанным, пиниқатағахсиңā укуның?»

Кй̄мсиқā: «Аа Атанық, лй̄симақахпыңа пиниқыхкымкын».

Иисусым пикā: «Ныхқики пыньй̄ғағāнка». 16 Аля Иисусым āптыкā: «Симон, иғныға Иоанным, пиниқсиңā?»

Кй̄мсиқā: «Аа Атанық, лй̄симақахпыңа пиниқыхкымкын».

Иисусым пикā: «Афльыңакики пыньй̄ғынка».

17 Пиңайткун āптыкā: «Симон, иғныға Иоанным, пиниқсиңā?»

Петр сығлыгыюақ, қаюхлыяқ Иисусым пиңаюның āптықана: «Пиниқсиңā?» Петырым кй̄мсиқā: «Атанық, лй̄симакан сяңўā қамахлыюку. Лй̄симақахпыңа пиниқыхкымкын».

Иисусым пикā: «Ныхқики пыньй̄ғынка». 18 Ипа уңипāтамкын, нукальпигāлютын лыпынун тафсилютын навык пиюкыльыхпынун пй̄қсин. Иўырңа нанывгакувык, йхытын кывыглюки, китум тафсилютын аглй̄лгықатын такуюкыхкақынғилькыхпынун». 19 Таўатын пильгымикун Иисусым уңипātнұфтā Петр натын тукуяхқāтаңа, ынкāм туқулгымикун қўлвагыяхқā Кияғнық. Тāхкын Иисусым пикā Петр: «Малихтиңа».

Иисусылью, Иляңалыю Малихсәхта

20 Петырым қй̄влюни ысхақā малихсәхта Иисусым пиниқыхкā малигульхй̄. (Тāнаңўқ малихсәхта аяқиқтыкақ Иисусыкун нығўтнұлютың āптикақ: «Атанық, китум увыхпагуньақатын?») 21 Петырым ысхағлюку тāна малихсәхта, āптыкā Иисус: «Атанық, лъңаңам сяльықә?»

22 Иисусым кй̄мсиқā: «Кияхтысюкумкун кынляңа тагильымнун, агғиткысәхқақынғитан лыпык. Малихтыңьинағәңа».

23 Ынк̄ам ухпықани уңипақ миңитқақ, т̄ана малихс̄яқта туқун̄анңинъилюку. Иўырңа Исусым пимаңит̄а туқун̄анңинъилюку. Хўатын пика̄гуқ: «Кияхтысюкумкун кынляңа тагилъымнун, аг̄иткысяхқақынңитан лыпык».

24 Лъңаңуқ малихс̄яқта ап̄х̄иқылг̄и там̄акын пильц̄ның, игақуқақилью там̄акут. Лисимакапут ап̄қ̄и ипаңӯт.

25 Уг̄ляпихтут игақульхилңӯт Исусым пик̄и.

Игақуқ̄аякумың қамахлъютың сюмымни ынтақун йңунағми нуна лъивиг̄иңьяяг̄а игалдутыхлъягнун.

Апостолыт Апыҕильхит Аглығналдҕиҕныкун Тағныҕагныкун

1 ¹⁻⁵Феофил, игаңляҕақсюху́амкун иҕақыхкақақа
камахтыңу́ағлюку Иисусым қыпхалхалью,
апыхтуғильхалью, пінлиғьюху́альханың кынляңа
Кияғнығым қиягмун маюхтыслығанун.

Сивукльюни накмиқәгуқ апостолкақхамың
ынкәм апыхтухляҕақкә угляпихлхыҕимың
ахтуғьяхқангильхакун Аглығналдҕим Тағнығам.
Тәкүаниңани аңуягита қәкүрағлюку тукуткақат иуырна
пиңают ағнығат атуғлюки уңувақәгуқ.

Уңувалығми киңуңаның юк малығук ағнық
нунамыткәгуқ, ынкәм угляпихлхюку апостолытун
ысхахтыстәтақәгуқ ипапыстәк уңуваманилюни,
алыхқуғналюкилью Атаныхпагульханың Кияғнығым.

Аल्याмың қырңуғусята Иисусым ләлихтуқкә апостолыт:
«Уатахляҕақ ағуляқыхпынаси Иерусалимымың кынляңа
алхыхтылхыпысинун Аглығналдҕик Тағнығак. Атама
акықусяқыхкақәк тұнылықнилюкык лыпысинун катам
тауатын апылымтун. Иоанн крестиҕикағук мыхқун,
иуырна Атама крестиҕияхтуңыстағиси Аглығналдҕиҕның
Тағныҕағның».

Тәкуста иҕақыхканка игаңляҕақсюху́амкун.

Кияғнығым Маюхтыстыкаңа Иисус

⁶Сивуңиҳәни Иисусым маюльыхқан қиягмун,
апостолыт қырңуғусямың әпткәт Иисус: «Атанық,
Израилым атангутилхә писнықихнақсигү?»

⁷Иисусым пикй: «Атаңинахәҕма ләсимақкә қаюхляҕақ
лһан ахтуғьяхқангильхыҕмикун успықыхкақкә.
Лһыси ләсимақсяхқакынғитаси сяңуәт қакун

пилтыхқй. ⁸Иўырңа ахтуғьяхқанңилгыңылгықуси
Аглыңналғйк Тағнығак йтқайык илюхпысинун.
Тәхкын уңипақылгықахпысиңа Иерусалимыми,
Иудеями, Самариями, уявахпанилью нунани.

⁹Акузинығмың тәқсан Кияғнығым маюұхтыстыкә
қиялгмун. Ысхапагусималюку қияляўағым талюхтыкә
ысхәмалъхитның.

¹⁰Апостолыт кўлмун ысхапахтўсималюки, мālгук
югык қатылғймың әткақылғйк алиғахтыкак
сйғўитхун. ¹¹Пикйт: «Югитни Галилеям, сяңафси
кўлмун ысхапахтўтақыстык? Тағна Иисус Кияғнығым
маюұхтыстыкаңа укигьяхқәгук ысхапалъхпысистунўақ
маюльхатун қиялгмун».

Накмикыхкаңат Матфий

¹²Тәхкын апостолыт утығниқат Иерусалимымун
Елеоным найғаақымың. Елеоным найғаа
қантағаханлыңуқ Иерусалимымың. ¹³Петырлью,
Иоаннылью, Иаковлью, Андрейлью, Филиплью,
Фомалью, Варфоломейелью, Матфейелью, Иаковлью,
иғныға Алфейем, Иудалью, иғныға Иаковым, Симон
Зилотлью, кәльютың Иерусалимымун маюқат қымтамун
наюмыхнун. ¹⁴Тәкут апостолыт, ағнатлью ухпықат,
Мариялью, Иисусым нәңа, Иисусым аңлыгутаңилью
қырңуғульютың ынңәталъ ипапихқыльютың юғаақылғйт
атәсистун.

¹⁵Тәхкын қафсинат ағнығыт атуғлюки ухпықат
қырңугуткат, ынтақун 120ңўт. Таўани Петырым
ныкывлюни пикй: ¹⁶⁻¹⁹«Ухпықалгутымни, нықамикаҳси
қыпхалгутфут Иуда, Иисусым накмикыхкә. Аюмирухльгяк
Аглыңналғйм Тағнығам ўкналиқуткыхкақә Давидыкун.
Тәна ўкналиқылгық апығйқәгук Иудам увахпагутақңагу
Иисус. Иисусым тугйстыңи Иудам мағьяхқуқакй, ынкәм
акилыхтўсяңыхкәгук манимың. Тәхкын акилыхтўсяминың
нунаңлюни қымиткәгук льминың таўани. Югусй
ифкағьялғйми қўпахтыкак рыпаль иғнығит әнқахльютың.
Иерусалимығмит нагақуғьямыхтыху тукуматаңа таўани
нунами, атиқат тәна нуна Акелдамамың, хўатын писик:
“Нуна ағўқыхкақ”».

20 Петырым нагныгуткй: «Давид хўатын игақāгук
Псалмыми:

“Мыңтығā пāхкйльи,
альямыңлью кина алңунак таўантыфқāми пили”.

Игақыхкālгйлью хўатын:

“Қыпхақā китумун туньяқуми”.

21-22 Ынкāм накмиғьльта апостолақамың
тугусқьльюку Иудам қыпхақыхка. Кина накмикьльтыху
малихсйгақ хўаңкуньың игьлғалгусиғақамтыху
Иисус. Таўантыкālгй има Иоанним уңипақьльханың
крестиғьльық кынляңа Кияғнығым маюқтыстыльханун
Иисус қиягмун. Ынкāм хўаңкуньун малигульюни
уңипағли лънанунлью ысхāманилюку Иисус уңувальхан
киңуңаның».

23 Ынкāм ухпықат накмикыхкахкыт мālгук
югык: Матфийелью, Иосиф Иустьлью, альямың
атылык Варсавамың. 24-25 Тāхкын юғақат: «Атанық,
симиғистыкаққаңьюғакукут Иудамун, қаюхльяк унисқаңа
қыпхақани ныкаққаминун аглялгй. Қамахльюку умьюгақ
лйсимакан. Ынкāм налиқ накмиксигу апостоьнулюки
қыпхақтыкаққалъпынун?» 26 Тāхкын мālгук
уйдагык сямун канахльюкык агулясяқмыхтыху āльха
āнқақсйлгйми Матфийеңуфтуқ накмикыхкақ. Ынкāм
иляткақ қуля атāсиқ сйпнықльюку апостоьлтун.

Кияғнығым Каяхтыкык Агьлғналгйк Тағнығак

2 1Пятидесятницам агьнғанун Иерусалимығмйт
ухпықат қырңугуткат атāсими мыңтығами.

2Тāхкын нўскахльяган ануқыхльягыстун сюлюхльягым
қиягмың памакын укиглюни имиқā мыңтығак. 3Тāхкын
льяңақа улюсюгнилңут кынхāt альхықат, ысхāпакйт
илямыхнун ныкыхқālхйт. 4Ынкāм Кияғнығым имиқй
Агьлғналгйгның Тағнығагның қамахльюки таўанлыңūt.
Тағнығам ағтуғьяхқāңгилығмикун акузистыкй
накумйстун.

5Тамāнуқ Иерусалимыми, Иудеит Кияғнығмун
қаткутңалгйт. Накын нунаның тагйқльютың
Иерусалимығмйнухқūtкат. 6Нагақўсымың сюлюхльягмың
упльыгуткāt ухпықат қырңухфигитнун.

Кәсәлдімьң накумїстун ухпықат акузитықхлягуфтут
рыпаль кукшиқуткыхкїт. ⁷Сяғїғаягусимїта пикат: «Укут
акузилъхїт Галилеяғмїңўт. ⁸Натын укут қамахлыютың
акузилъымтыстун акузит нальюкнўақамыхның?
⁹Хўа хўантутут Парфығмїт, Мидығмїт, Еламығмїт,
Месопотамияғмїт, Иудеяғмїт, Каппадокияғмїт,
Понтығмїт, Асияғмїт, ¹⁰⁻¹¹Фригияғмїт, Памфилияғмїт,
Египетығмїт, Ливияғмїт Киринаем туңаңаның пикат,
Критығмїт, Аравияғмїт, хўа хўантутлюю Римымың
лїлихтат Иудеит, язычнигтылюю манигўткаюгыт
Иудеястун. Нагатапут акузилъымтыстун уңипахтут
Кияғнығым апығїлғыхляганың». ¹²Қамахтыңўағлютың
сяғїғаягуткїтлюю, кукшиқуткыхкїтлюю ухпықат, ынкәм
лңитның әпқугўағуткат: «Сяқат укут?»

¹³Иўырңа иляңита ныңлягьюхсяткумїта пикїт: «Укут
югыт мығыхлягўт!»

Петырым Алыхқуқаңи Югыт

¹⁴Петырлюю таўанлыңуқ апостолылгутмини.

Ныкывлюни игляхтулюни югыт пикї: «Иудейелгутымни,
нагатнўақахтыңба. ¹⁵Мығыхлягуниғнәхпысикут
мығыхлягунгитукут нутәнқун стаманың иңлюлык
кыльякаңа унәңулюку. ¹⁶Уна хўатын аныхтылғық
Иоилым ўкналикуткыхкақә хўатын:

¹⁷“Кияғнық пикағуқ:

Киңулиғни ағнығни Тағнығахка каяхсяхқақахка
тамаханун югнун.

Ынкәм иғныси, паниси ўкналиқсяхқәгут,
нукальпигаси ысхағўағьяхқәгут,
нанывгаси қавануғьяхқәгут.

¹⁸Талўа қыпхақтымнун югнунлюю, ағнанунлюю
Тағнығахка каяхсяхқақахка ўкналиқысқылююки.

¹⁹Югнун ысхақтысяхқақанка сяңўат сяғїғаналғїт
қиягмиллюю, нунамиллюю:

әука, кынық, агыпсюхляк,

²⁰сиқїнық мамлыхсяхқәқ, танқик кавихсяхқәқ
әўыстун.

Тамәкут киңуңитның мыгнунапихлығыхї Атанғым
нанқихтивихкә ағнық пияхқәгуқ.

21 Иўырҗа ағнық тана катыстыхпынан,
кина алңунак сығвутысқылғи Атанығмун
югулилғыңьяққағуқ”.

Таўатын Иоиль ўкналиқыхкағуқ.

22 Израилығми́ни, нагатахтыңья, лисимақыхкаҗси
Назаретығми́ Иисус, угляпихльюку
алъяхльюхўахтихльягатақалғи. Кияғнығым таўатын
пистыкақа ахтуғьяққангилығмикун лыпысинун
литысқылъюку лъңанун накмикыхкақутни.

23 Кияғнығым лисималығмикун тўныхкақа Иисус
лыпысинун пиюкыльыҗпысистун писқылъюку. Тәхкын
лыпыси қақўрақтыстаҗси тамакунун ўакигалңуғнун
Кияғнығым Лилихтўсямнўн. 24 Иўырҗа Кияғнығым
туқульығмың уңувахтыстыкақа, итымуткақа
туқульхым асихқутыльханың, талўа туқульхым
нуқныхпағниңиткақа. 25 Давидым акузиткыхкақа Иисус
хўатын:

“Ысҗағақақа Атанық сивумнильюку қўнпың:
унисигатана, ынкана́м сығлығмун
қапшахтыснәнғитуңа.

26 Тамакын апалъюқлъюку қамнака қуяхльягўқ,
акузильхынка қуялыпырыўағмың аюқут.

Туқуяққағна́гма сиғимақнақамкын Атанық,

27 қаюхльяк унинъанғитахкын уңувасихка
туқумалғини,

талўа Сығлыхқумаңилңўм югуси ағуснәнғитан.

28 Апыхтуқақахпыңа кынлыңилңуғмың
уңувалыңыльықхамың,

хўаңамнисимаңинальықпык қуястыхльяўаңа”.

29 Петырым нағнығутки: «Иудейелгутымни,
хўатыхльюўақ апыгьюгақа сивуныхпут Давид.
Лисимақахпут туқукағуқ, лъйвғалью нантуляңа
лисимақахпут. 30-31 Уңуваңулюку Кияғнығым ақықыхкақа:

“Ипапыстак киңунғын атасиқ иглығутияққағуқ
юхпының”. Давидым ўкналикыстыңутминың
лисимақыхкақа Кияғнығым ақықуся. Ыкналиқуткыхкақа
Христос туқумалғининъанғинъиллюку талўа югуси
ағунанғинъиллюку, уңувақанилюку туқульығмың.

32 Танаңўқ Иисус Кияғнығым уңувахтыка туқульығмың

ынкām хўаңкута лїсимакистыңукут. ³³Кияғныңым
ныкыхтыкақā Иисус ағынқиғныңмикун, таўатын
құлвақақā. Акықылтығмитун Иисус, тўныхкақāк
Аглығналғйк Тағныңак лъңанун, ынкām Иисусым
хўаңкуньун тўнāк. Тамāкут сяғйғаналғйт ысхақыси,
нагаскыси Тағныңам ахтуғьяхқāнғильхакун пильхўт.

³⁴⁻³⁵ Давид пикāгуқ хўатын:

“Атанғым пй Атанқа,

Ақуми ағынқиғнымкун кынляңа
кайльқыстыльымнун аңуяхтын”.

Давид маўмаңитутминың қиялғмун Иисусытун, лъңаның
акузиткыңьунғитук, акузиткыңьўā Иисус.

³⁶ Уңипāтағльямси қамахльюси Израилығмїни,
Кияғныңым ипапыстāк накмикыхкақā Иисус
Атанғулюкулюю, Христосыңулюкулюю. Тāнаңўқ Иисус
қақўрақахси!»

³⁷ Юғыт нагальюку Петр, сығлығьюхльякат
ынкām Петырлью, апостолылгутаңилью āптыкйт:
«Ухпықālгутымнғи, сянақыста?»

³⁸ Петырым кймсиқй: «Авутықкыльюси,
сығлықкынъаниғлюси қйвитык Кияғныңмун,
крестиғытыклью Атхакун Иисус Христосым,
сығлықкыльыси сығывутыльыңысқыльюки, ынкām
Кияғныңым тунусякык Аглығналғйк Тағныңак
альхықтыкык. ³⁹Атанық Кияғныңхпут таўатын пияхқāгуқ,
қаюхльяк акықусяқыхкақāк Тағныңағни лыпысинун,
киңуныхпысинун, китумунлью алңунак уявахпансяғңāн
туқльюқаминун».

⁴⁰ Петырым таўатыңинақ пихпынаки ўата сямың
альяғйнағмың пикй. Кылыңасяқйлью: «Кияғныңым
ағьўоғьяхқāкй сығлытун пистыт, ынкām лъңистун
сығлытун пихпынаси лўрақ лыпысылью ағьўоғьяғйси».

⁴¹ Тāхкын ухпықилғйт уңипāмың крестикат. Ынкām
таўани ағныңми 3,000 йок илятқақ ухпықанун.

Ухпықат Кияхтāльхит

⁴² Ухпықат йўлың қырңугутңулғйт лйньалютың
апостолымың. Христосыкун аңлыгуткульхйстун
кияхтāғыт, нығақылғйт, юғағақылғйт қырңағмың.

43 Апостолыт угляғн̄ан альѣяҳлыюх̄уаҳтик̄ал̄г̄ит̄ Кияғнығым ахтуғьях̄қангильҳакун. Ынк̄ам қамахлыюни сьг̄йғаюк̄ал̄г̄й, тальюғьягуткақых̄қаңатлыю Кияғнық. 44 Ухпықат қамахлыютың нағнықал̄г̄ит̄ ат̄асистун, сьг̄ьятың атуным атуқлыюки. 45 Акикльюки нунатыңлыю, сьг̄ьятыңлыю, альхых̄татың манит̄ т̄унақых̄қаңит̄ сьмың акльюл̄г̄инун. 46 Ахутаңа тамаҳ̄ан қырңуғутақыл̄г̄ит̄ Храмыми. Ньг̄ылгутыңлыяғакльюки илятың, қуякусиқинағлюки нықытың упугатусиқақых̄қаңит̄. 47 Китумун алңунак пиниқниҳлыягыт, усюкумаңинағақых̄қаңатлыю Кияғнық. Ахутаңа тамаҳ̄ан Атанғым югулиңукаңи югыт, ынк̄ам ухпықат нулямаңинақат.

Пиюгигалңуқ Юк Нальхулх̄й

З 1 Тәхкын Петырылыю, Иоаннылыю агляқак Храмымун пиңаюмкыльъягым юғ̄атыльҳани. 2 Тәуаңуқ юк пиюгигалңуқ има альхынҳаҳ̄атминың, ақумлюни туңаңакун Храмым итығвигани атильқыл̄г̄й, Пиниңнал̄г̄й Амихльяк. Ахутаңа тамаҳ̄ан килью кывых̄туғақых̄қаңат таўавык нағуҳтаның туңсиғниғьсықлыюку манимың. 3 Ысҳағьямикык Петырылыю, Иоаннылыю итыл̄г̄йк Храмымун туңсиғвикых̄какык манимың. 4 Қырңағмык ысҳағлюку юк таўавык, Петырым пика̄: «Укавык қйви х̄уаңкутыгнун». 5 Сиғимапихлыюни т̄унақнилюни қйвых̄какык. 6 Петырым пика̄: «Маниқшах̄ит̄ң̄уаҳтуңа иўырңа сьмың т̄унақамкын. Ат̄хакун Исус Христосым Назаретығ̄м̄им, пиюги!» 7 Тугулюки ағынқиғнығи йхи ныкывысималюку югым итыг̄илью, тукуг̄илью икнақуҳтыкат, 8 рыпаль қытхық̄амағми ныкывых̄кақ ага пиюгин̄амағми пикақ. Тәхкын малихлыюкык йтқак Храмымун пиюгумағми, қытхықағакльюни, усюкум̄ан Кияғнық. 9 Храмымытульх̄йм ысҳақ̄ат пиюл̄г̄й, усюқил̄г̄й Кияғнығмың. 10 Лисюқых̄к̄ат туңсиғраҳтыңуял̄г̄й ақумлюни туңаңани итығвиган Храмым. Сьг̄йғаягутк̄ат ысҳағьямых̄тыху юк пиюл̄г̄й.

Петырым Уңипальҳа Храмыми

11 Паниның нальхуткам югым Петырылыю, Иоаннылыю қытңамалюкык, юлдуғым

сәғиғәюгумағмың қаңлыюқақтыкйт Соломоным притворыңани. ¹²Петырым ысхағьямики пикй: «Израилығмйни, сяңафси сәғиғәюгыстык? Сяңамта ысхапахтұстыкут? Пиюхтыснығитахпуң уна юк ахтуғьяхқәнгилымытыгныгун, налигмың пинйтымытыгның. Пиюгигалңұм югым Исус ухпықсяқминигу нәльхутуқ. ¹³Авраамылью, Исаакылью, Иаковылью, сивунымталюю қамахльютың манигуқита Кияғнығым құлвағә Қыпхақтыни Исус. Иўырңа лыпыси агляткақахси Пилатымун нанқихтысқылъюку, ихсякыхкақахсылъю Пилатым итымусюгақңагу. ¹⁴Йыңлыги Пилатымун юхтағалықак итымутысқыхкақахси ихсякльюку Исус, Сығлыққумаңилңуқ, Қаткутңахльялғй. ¹⁵Таўатын пилыыхпысигун туқутыстыкақахси Уңувальхым Альхығвихпигә, иўырңа Кияғнығым уңувахтыстыкақә туқулъығмың. Лйсимакңўәғәхпут, қаюхльяк ысхақақахпут уңувальхан киңуңаның ынкәм апығьяхқақахпут. ¹⁶Ысхақыси уна юк ныкывғалғй сивухпысини, қамахльюси лйсимакахси пиюгигасялғйңқ има альхынхәхәтминың. Икнақухтыкәгуқ ухпықльюку әтха тәм атәсим Исусым Кияғнығым Уңувахтыкәтун туқулъығмың. Аа, ухпықильхан Исусыкун нәльхутңўәғә, ысхақыси мәтын.

¹⁷⁻¹⁸Иудейелгутымни, нығиғлюку Кияғнығым әпқә ўкналиқистытхун накмикыхкани Христос икфиқльюни туқулъықнилюку. Тәна ўкналиқылъхәт апығйқәгуқ иглығутистыкульхйни туқутыстақңафсигу Исус, нәльюкльюку Христосыңутаңа. ¹⁹Тамәкын апальюқльюку авутыққылъюси, сығлықынъаниғлюси қйвитык Кияғнығмун. Ухпықитыху Атанық ынкәм сяңихлықй сығлыққылъыси. ²⁰Таўатын пикуфси Атанғым нутахтақнәғй тағнығаси, каяхнықихлыққәлью Исус накмикыхкани Христосыңулюку лыпысинун. ²¹Иўырңа Исус тагивагилгами қиягмысяхқәгуқ кынляңа Кияғнығым нутахтыльханун сяңўә қамахльюку. Таўатын Кияғнық акықикәгуқ нығиғлюку ўкналиқистытхун әфтыкамикун лъңанун қыпхақтыңулюки. ²²Моисей пикәгуқ: “Атанғым Кияғнығым ўкналиқиста накмикылъықә юхпысиның, хўаңа накмикылъығмитун

ўкналиқистыңулюңа. Нагатңўағнакыси акузильҳа қамахльюку. ²³Тамāкут наганъғилңўт ўкналиқистымун Кияғнығым юганың афльюки туқусяҳқағут”.

²⁴Сяңўа мана атуҳпут кияхтыльымнъи Самуилым ўкналиқуткыхкақā. Самуилым киңуңаның иляңиталъю ўкналиқистыт ўкналиқутқыхкақйт. ²⁵Киңунқйси ўкналиқистыт ынкām Кияғнығым āпқй ақықусят лънитхун, лыпысинунлъю пиңўт. Таўатыхпигақ Авраамымлъю киңунқйси. Тамāкын апалъюқлъюку Кияғнығым ақықақнамики сивуныси Авраамкун хўатын:

“Авраам, киңуныхпыгун қуясльықанка
қамахтыңўағлюки нунам юги”,

ақықусяқ тана лыпысинунлъю пиңўқ. ²⁶Ынкāңам Кияғнығым накмикыхкани Қышҳахтыни каяхсюхўақакā лыпысинун. Каяхтыкақā қуясналюси қамахльюси тунутыстыльығмикун сығлыҳқумалъыҳпысиның».

Ағгистыт Тугустыкыхкыт Петырылъю, Иоаннылъю

4 ¹Петырылъю, Иоаннылъю паниның уңипāмалюкык Соломоным притворыңани, священнигытлъю умйлгатлъю Храмым кылыңакистыңита, Саддукеитлъю тагиляғаткат. ²Пиюкумаңилькаңат апостолык апыхтўсят югнун Иисус уңувақāнилюку туқулъығмың, тām ипапихқыхкаңа туқукат уңувағьяҳқāнилюки уңувалъығмун. ³Тамāкын апалъюқлъюку апостолык тугулюкык анусимиңльыақхкыт. Сйңынлъю унугнақыхкаңа унāкуситкахкыт нанқихтыхпынакык. ⁴Иўырңа тамāна иляңа угляпихльыҳй нагаткақ Петырынкугның, Иоаннынкугның ухпыхтўткақ. Ынкāңам юйинāt ухпықат ынтақун 5,000ңуҳтыкат, ағнатлъю тағнухātлъю ухпықат илятыхпынаки.

⁵Унāмиңани Иерусалимыми қырңугуткат Иудеит иглығутистыңит, сйванльығыт, апыхтуғикаюгытлъю Лйлихтўсяның, ⁶Первосвященнигым Анна, Каиафа, Иоанн, Александр, иляңилью первосвященнигым илякўағи. ⁷Тāхкын апостолык тагитысльюкык āптыкахкыт: «Китум ахтуғьяҳқāнғильҳакун юк пиюхтысягутыстыху? Китум āтҳа атуқлъюку таўатын пистык?»

8Петырым кїмсиқї Аглығналғїм Тағнығам ахтуғьяхқангильҳакун: «Иглығутистынилю, сиванлығнилю, 9аптаҳпысикуң анығныхтилъымтыгның, натын нальхусиматаңа пиюгигалңуқ юк. 10Ынкāңам лїгикисюгамси қамахлъюси, иляңилью Израилығмит қамахлъюки натын уна юк нальхуткāтаңа. Нальхуткāгуқ Атҳакун Иисус Христосым Назаретығмїм. Лъңан ахтуғьяхқангильҳан нальхуткақā, лыпыси қақұрақахпыси, Кияғнығым уңувахтыстыкāн туқулъығмың. Ынкāм уна юк пиюгигасялғї хўā мāтын ныкывғāқ сивухпысини. 11Иисусыңўк укут Акузитыт Игақыхкат пикāt:

“Уйғак иҳсякыхкаҳси лыпыси мыңтығаңльяхтыни, пиялғїми мыгнуналъыхпиғāфтук уйғак”.

12Ынкāм Кияғнығым қаяхтыкақā нунамун, лъңинахāгуқ югулиғияхқак. Аля натын юк югулилъыңнāнгитук иўырңакун āтағакун Иисусым».

13Иудейт агғистыңита сяғїғаягуткахкыт Петырылю, Иоаннылю тытунғитыльхыхкының, қаюхлъяк лїсимакыхкыхкыт игағьямаңилңўк. Лїгиксяқмыхтыкык Иисусымыткātмығның таўатын акузиңуфтук. 14Ынкāм āхтїрāхпағниңиткахкыт, қаюхлъяк ысҳақāt юк нальхутңўāғлюни ныкывғалғї Петырылю, Иоаннылю. 15Агғивигмың агғистыт āныстыкїт Петырым, Иоанным нальхуткақлю юк, ынкāм лъңит агғитңинāмағмың пикат. 16Апқуғāгуткат лъңитның: «Натын пинақыстыкык югык? Сығлыхалык ипаңунинақахпут альяхлъюхўахтильҳак, қаюхлъяк Иерусалимығмит қамахлъютың лїсимакāt. 17Таўāнинақ иныҳсякумтыкык альялю акузиткыфқāн Иисус писқылъюку китумун алңунак ўата китумунлю алңунак нагақуғнаюкатху».

18Ынкāм итыхтыслъюкык иныхтыңўāқахкыт: «Алямыңлю акузиткыфқāн, апыхтўсяқыфқāн Иисус пинакыси». 19Иўырңа Петырымлю, Иоаннымылю кїмсиқїт: «Қātкыльямсї Кияғнық авылғāлюку? Налиқ ыфқуғнахта Кияғнығми? Атāсїхтыки умьюгаси. 20Хўāңкутуң акузиткынъығмың тākнāнгитахпуң ысҳақахпутлю нагақуқахпутлю». 21Агғистыт

ағъюҳпагниңиткахкыт, қаюҳлъяк қамахлъютың югыт
усоқыхкаңат Кияғнық альяҳлъюхъахтилъығмун.
Ынкәм тымңи алиңсықулюкык аныстыкахкыт. 22 Тәна
юк юк мальгук аюмиқульық сипңән уксюхтуткалғи,
пиюхпагниңисялғи иўырңа мәтын нәльхулъхи.

Ухпықат Юғалғит Тытугнаниғналютың

23 Петырылью, Иоаннылью ањьямын агляқак
ухпықалгутмыхнун. Уңипақак первосвященнигытлью,
сїванлъығытлью пильхитның. 24 Нагалъюкык
атәсїхлъютың юғақат Кияғнығмун: «Атанық,
улимакақатын қияк, нуна, мық, сяңўәлью алңунак
тәкунилңуқ, игльцутңўәтынлъю қамахлъюки.
25 Аюмирухлъяк Аглығналғиғныкун Тағнығағныкун
акузикәгутын сивунымтыхун Давидыкун
қыпшақтыхпыгун хўатын:

“Сяңан язычнигыт тымңи сякшитутыҳлъяхтаткык
Атанықлью, Христосылью,
сяңанлъю югыт сығлытун пиюпихтаткык
пипагниңитығңәхмыхтыкык?”

26 Нунам умилгилью, игльцутистытлью
қырңуғульютың ятәхқутут пильюўағналюкык
Атанықлью, Христосылью!”

27 Ипапыстәқ мәни Иерусалимыми таўатын
пикагут. Иродылью, Понтий Пилатылью
илияткәгук язычниғнунлъю, Израилығмїнунлъю
кипульхинәғналюку, Иисус Сығлықумаңилңуқ
Қыпшақтың, накмикыхкан Христосыңулюку. 28 Атанық
лїсимақңўақынлъю, ятәхқыхқақыхкынлъю таўатын
пилъыхқә ынкәм таўатын пикагут. 29 Нагатақатын
мәтын хўә алиңсиқукаңинкутлью икфиқыслықнилюта.
Атанық, икнақуҳсяқахтикут ынкәм тытухпынәмта
уңипәльта уңипақының, 30 хўаңкутхун нәльхутики
қинуюгыт, альяҳлъюхъахтистикутлью әтҳакун Иисусым,
Сығлықумаңилңуқхун Қыпшақтыхпыгун».

31 Юғанығмың тәқақутлью қырңуғутфигат мыңтығақ
уфсюгутқақ. Аглығналғим Тағнығам имиқи қамахлъюки,
ынкәм тытухпынатың уңипағьгуткат Кияғнығым
уңипәмың.

Ухпықат Атуным Пилғит

32-33 Апостолыт ахтуғьяхқангилъылихлъяглютың уңипақыхкāt Атанық Иисус уңувақанилюку туқулъығмың. Кияғнығым қуястыхлъягуканилью қамахлъюки ухпықат. Ухпықат атāсистун лъйқат илюмыхтыхунлю, уңувасимыхтыхунлю. Ынкām кина алңунак пиңигалңуқ сяғъятың лъңинағмыхнун пикнилюки, атуным атуқақыхқаңит. 34-35 Нуналгыт, мыңтығалгыт акикнығмыхтыки нунатыңлю, мыңтығатыңлю, альхыхтатың манит апостолытун тўнақыхқаңит. Ынкām ухпықат сямың аклъюңгата манилитақыхқаңит, таўатын кина алңунак аклъюмаңилңуқ.

36-37 Иосиф таўанлыңуқ, Кипрыгми, Левийем киңунға, лъңанлю акиклъюку нунани тўныхкā альхыхтани апостолытун. Апостолыт атиқāt Варнавамың хўатын писимың: «Кайымыста».

Ананиянкук, Сапфиранкук

5 ¹Таўаңуқ юк атха Анания, нулиха Сапфира. Акикыхкā налиғныға нунами. ²Нулїгми лїсимангани аксяқыхкā иляңа маним лъңанун пиңулюку. Тāна сїпныни тўныхкā апостолытун сюмығмини қамахлъюку тўнилюку писқылъюку. ³Йығлыги Петырым āптыкā: «Сяңан қаткысигу Туғнығām нанғїкулъха иқлъыңиқыскылъютын Аглығналғїгнун Тағнығагнун аксяқылъыхпыгун иляңа маним? ⁴Сяңан таўатын сюмыхтағāмазин? Югнун иқлъыңиқынғитутын, Кияғнығмун иқлъыңиқутын. Акикыльхильюку нунан лъпык пиксяған, ынкām акикақңавгу маниңалъю тāна пиюкыльыхпытун пияхқақсяған». ⁵⁻⁶Лыган Ананиям Петр нагалъюку ўльхахлъюни туқукақ. Нукальпигат итығлютың қїпағакун ймгульюку югусї āнульюку лъйфқāt. Уңипақ Ананиям иқлъыңиқылъхалъю, туқулъхалъю миңиткақ, ынкām нагақўткат алиңрўгутыхлъякат.

⁷Пиңають афлъют атуғлюки Ананиям туқулъханың, нулиха йтқақ нальюкльюку угини сяматаңа. ⁸Петырым āптыкā: «Таўатын акитуткāн акикыстыхў нунази?»

Сапфирам кїмсиқā: «Āа». ⁹Петырым āпл̄я̄тақā: «Сяңафси угикульх̄йгни сюмыхтағāмастык нангїқуналюкык Атангым Тағнықакык? Югыт л̄йвгикат угихпының қакма мануғамытут. Л̄пыклью таўатын пильықāтын». ¹⁰Таўаних̄льюх̄йнақ л̄ңал̄ю ӯльхах̄льюни тукукақ. Нукальпигат итыг̄ялг̄ймың Сапфирал̄ю т̄аўа туқумалг̄й, ынк̄ам āнул̄юку угиңан с̄яг̄уакун л̄йфқāt. ¹¹Қамахтың̄ўаг̄лютың ухпықат, қамахл̄ютыңл̄ю нагақ̄ул̄х̄йт Ананиямл̄ю, Сапфирамл̄ю тукульх̄ыхкының алиңр̄угутых̄лякат.

Апостолыт Алья̄х̄льюх̄ўах̄тильх̄ит

¹²Юлгутыт қуңаңитни апостолыт алья̄х̄льюх̄ўах̄тих̄льягумаңинақат. Қамахл̄ютың ухпықатл̄ю, апостолынилью қырңугутақылг̄йт Храмым мануғани āтқылг̄йми, Соломоным притворыңани. ¹³Иўырңа югыт ухпықильх̄илн̄ўт Иисусымың илясигалн̄ўт ухпықанун қаюх̄ляк алиңыканиғақылг̄йт, нақам пиниг̄нйқыхкәнит. ¹⁴Иўырңа угл̄я̄пихл̄ыг̄йт югытл̄ю, ағнатл̄ю ухпықнуқанат Атанық Иисус, ынк̄ам ухпықат нулямаңинақат. ¹⁵Апостолыт алья̄х̄льюх̄ўах̄тильх̄ит апал̄юқльюки килью алңунак қинуюх̄тйтың ал̄бйг̄йтхун тагильюки тумытхун л̄йқыхкәнит. Таўатын пик̄йт қаюх̄ляк Петырым нағұх̄тыкаки л̄брақ тағнығаңутыл̄х̄ан н̄альхун̄ьяюкаки қинуюлг̄йт. ¹⁶Ынк̄ам Иерусалимымун қантағанлыңуғның нунаның тагиляг̄атқак юлгун Иерусалимымун. Қинуюх̄тйтыңл̄ю, там̄акутл̄ю туғныңалгыт илюмых̄тыхун тагитк̄йт апостолытун, ынк̄ам қамахл̄ютың тагитк̄йт н̄альх̄уқ̄ткат.

Амь̄откыхкәнит Апостолыт

¹⁷Первосвященниг̄лю, илякульх̄йт Саддукеит ақинатқат апостолымың ¹⁸ынк̄ам тугусл̄юки канах̄тыстик̄йт анусимиңл̄яг̄вигмун. ¹⁹Иўырңа унуг̄ян яқулған Атангым қыл̄пых̄тык̄й анусимиңл̄яг̄вигым амиги. Ынк̄ам āнул̄юки апостолыт пик̄й: ²⁰«Агляг̄люси Храмымун, қамахл̄юку апых̄тыху уна нутағқ киях̄т̄ал̄гық Иисус Христосыкун аюқылг̄й».

²¹ Апостолыт қаткыхкāt яқулык. Ақтағағақālью итығлютың Храмымун апыхтуғикат.

Первосвященниглью, илякульхйт қырнухтыкйт Иудейт сиванльгытглью, қамахльюкилью аггистыт, аггиткынъалюки апостолыт. Тāхкын анусимиңльгвигым умйлўағитнун ақфастыкйт апостолыт. ²² Иўырңа умйлўағыт анусимиңльгвигмун кāsялғймың апостолыт авитыфтут. Ынкām аггистынун агляғлютың уңипātкйт: ²³ «Анусимиңльгвигмун кāsялғйкут амигыт махқатқуғўағнафтут, кылыңакистытлью амигнитутыфтут нақам итығьялғйкут пāхкитыфтуқ!» ²⁴ Храмым кылыңакистыңита умйлгатлью, первосвященнигытлью уңипāsистың кукшикуткыхкйт сяматаңи апостолыт. ²⁵ Тāхкын китум итығлюни пикй: «Тāкут югыт анусимиңльгяқасяқыси иңа Храмыми апыхтуғйкут». ²⁶ Кылыңакистыт умйлкульхйт ақфакйт апостолыт. Сығлытун пимаңилькаңит, қаюхльгяк алиңылғйт югның Храмымылңуғның туқунъаюкаңистың милиуҳпагāтаҳйнақ.

²⁷ Тагильюки итхуткйт аггистынун ынкām первосвященнигым пикй апостолыт:

²⁸ «Иныхтыңўақасяғамси альямыңлью апыхтуғифқāфси Атхакун Иисусым писқылъюси, иўырңа қаткумаңитахпысикут! Йыңлыги альюлютың Иерусалимығмйт лйтāt апыхтўсяхси, хўаңкуталъю авуткыснакуткахпыкут Иисусым туқульханун».

²⁹ Петырым кймсйткй апостолыт: «Қātкысяққақапут Кияғнық авылғағлюки югыт. ³⁰ Қақўрағлюку туқутыстыкақаси Иисус, иўырңа Кияғнығым, сивунымта манигуқита уңувахтыстыкақā туқульгымың. ³¹ Ынкāңам қўлвағналюку Иисус ағынқигныңмикун ныкыхтыкақā Иглыгутистыңулюкулью, Югулиғистыңулюкулью. Таўатын пикақā Израилығмйт авутықкысяқхāхтысқылъюки сығлықкынъанйсқылъюки, қйвысқылъюки Кияғнығмун, сығвунъалюкилью сығлықкыльхитның. ³² Хўаңкута уңипахтыңукут тамāкунун пильгңун, малигульюта Аглығналғйгнун Тағнығагнун Кияғнығым тўныхкахкынун тамāкунун қаткульхйинун льңанун».

³³Ағғистыт сьакшитуткәлдіт Петырым кймсиғьястың таўатын, рыпаль туқусюкақыхкаңит апостолыт.

³⁴Иўырңа атәсиқ ағғиста ныкывыхкақ акузиналюни.

Гамалиилыңуфтуқ, Фарисей, апыхтуғистыңат Иудеит Лйлихтүсйта, ынңәталъ китум алңунак қәткүмтәға. Кылыңакистынун әнутахтысқыхкй апостолыт. ³⁵Тәхкын ағғистылгүтни пикй:

«Израилығмйлгүтымни, пирәмсыльюки тәкут югыт пикатыки. ³⁶Нықамикынғистыхұ қавңанҳақ Февда

пикәлді иглығутыстыхлъягунилюни. Ынкәм 400 йок малихсәғикақ лъңаның. Иўырңа Февда туқусятху

малихсәхтыңи қимагүткат, талўа китум алңунак

алъямыңлью акузиткысюгумаңилькаңат. ³⁷Тәкўаниңани

Иудалью Галилеяғмй, қырңуҳтикақ юхкамың

управлениям кыстистйқңан югым угляхталяңаның.

Иўырңа лъңалью туқутақңатху юги миңиткәгут. ³⁸Ынкәм

хўә сюмымни итагнагнаяхтукут сьәфқйта қакымкут югыт

пиякумтыки. Льмыхның пиңукумың таўатын пильҳат

сятңунанихльықуқ. ³⁹Иўырңа Кияғнығым пильқыхкагу

ағулихнәнғитаси, кипульхинәхльықәхсылью Кияғнық».

Ынкәм ағғистыт қәткыхкәт Гамалиил. ⁴⁰Тәхкын

кылыңакистынун итхутысльюки апостолыт

кахсәгмихтыстыкйт. Иныхтыңўәқйитлью

уңипақнанйсқльюку Иисус. Апығйғьямыхтыки

әныстыкйт. ⁴¹Апостолыт әнысистың қуяхльыкат,

қәюхльык Кияғнығым кайңусяғәтыстыкақыхкаңи

Иисус апальюқльюку. ⁴²Ахутаңа тамаҳән Храмымилью,

кинқунилью уңипақақыхкаңат, апыхтүсйқақыхкаңат

Иисус, Христосыңунилюку Кияғнығым накмикыхкә.

Накмйлдіт Каюткаққамың

6 ¹Тамәни ағнығни ухпықат нуляңулюки Грегыстун

акузикаюгыт Иудеит сьғлығьюкат, Еврейистун

акузикаюғның Иудеяның, қәюхльык угиңиғәхтитың

акльюкыхкйтның тўнлйғигалькаңит. Ынкәм ййльхикйт:

«Ахутаңа тамаҳән уйыхтистыт палясқуҳән тўнақит

хўаңкута угиңиғапут». ²Тамәкын апальюқльюку

қуля мәлғук сйпнықльюку апостолыт, қырңуҳльюки

ухпықат пикйт: «Анахульықукут пыхтыкумтыху

уңипақилъықпұт Кияғныңым акузитаңаның уйыхтистыңуҳналюта. ³Ухпықалгутымнғи, тамākын апалъюқлъюку накмикитыки мāграгвинлык ѳк пинилгй, Аглығналдйгның Тағнығагның имиғңалдйт, пыққинылдйт, уйыхтистыңлъяхлъықапұт. ⁴Таўатын пикумта хўаңкута апостолыни юғāмаңинахлъықукут, уңипақимаңинахлъықукут Кияғныңым уңипāмың».

⁵Ухпықат ыфқуқыхкйт апостолыт аггилъхит. Ынкām накмикыхкāt Стефан, ынңātаль ухпықиңахлъяк Кияғныңмың, имиғңалдйлью Аглығналдйгның Тағнығагның. Накмикыхкйтлью Филиппылью, Прохорылью, Никанорылью, Тимонылью, Парменылью ынкām Николайлью язычник Антиохиягмй Иудеястун манигўсягутқақ. ⁶Тāкут югыт тагиткйт апостолытун юғātкысқыльюки, нāсқўитхун сйфльюки юғātкыхкйт.

⁷Кияғныңым уңипй миңисимаңинақйт. Ынкām нулякālдйт ухпықат Иерусалимыми, священнигылгұтытлью илялгұтңит ухпыхтұткат малигульютың.

Тугуқаңат Стефан

⁸Стефан каюсылъылыхлъягутминыңлью, ахтуғьяққ āнгилъылыхлъягутминыңлью Аглығналдйгның Тағнығагның альяхлъюхўахтихлъягāтақақ.

⁹Тāхкын иляңита Иудеит, Киринагмйңуялдйтлью, Александриягмйңуялдйтлью āхтйрāгьяхтуқāt Стефан.

Тāкут югыт синагогаңита āтқыфтā: «Итымуткат Қыпхахтыльяғыт». Югыт Киликиягмйңуялдйтлью, Асиягмйңуялдйтлью иляткат тākунун. ¹⁰Иўырңа Стефан, Аглығналдйм Тағнығам пыққиныпихлъюку акузистыкā рыпаль кймсиҳпагниңиткāt. ¹¹Тамākын апалъюқлъюку иляңи югыт аксяқлъюку акилыхтуқйт иқльыңиқуткысқыльюку Стефан хўатын: «Нагатқақахпұт сығлықўқык Моисейемлью, Кияғнықлью».

¹²Сйванлъығытлью, апыхтуғикаюгытлью Лйлихтўсяның, иляңилью югыт нагалъютың иқльыңиқыльхитның сйкшитуткат. Тāхкын āхтйрāгульютың агльяткāt Стефан аггистынун. ¹³Тām киңуңаның югыт тагиткйт аггистынун иқльыңиқуткысқыльюку Стефан. Пикат: «Стефаным

кўнпың сығлытун акузиткақā Храм, Лїлихтўсятлью Моисейем тўныхкї хўақунъун. ¹⁴Нагаткақахпутлью пилдї Иисусымнуқ Назаретыгмїм нāфқылтықā Храм, альянухлтықālьюнуқ кияхтāлтыхпут Моисейем апыхтўткā хўақунъун». ¹⁵Қамахлтыютың таўанлыңўт ысхақāt Стефаным хинā кўкхултыхї яқулгым хинātун.

Стефаным Акузильха

7 ¹Тāхкын первосвященнигым āптыкā Стефан: «Ипа таўатын акузикāзїн укут авуткистыхпык апылтыхистун?» ²Стефаным кїмсиқā: «Аңлыгутымнилью, сїванлтығнилью, нагатахтыңа уңипамсюгунъақамси! Сивуныхпут Авраам сялин Месопотамиямыльюку, нўхтылтыхильюку Харранымун, Ниғуҳқыңғалдїм Кияғнығым алиғвикльюку ³пикā: “Унитигу альхыгвигын нуна, илякўāхтынлью, агуляқи мағьяхқуднāғамкын”. ⁴Ынкāм Авраам агуляқыхкақ Халдеямың, нўхтыкақ Харранымун. Атаңа туқуян, Кияғнығым мағьяхқуқā Авраам нунамун мāтын кияхфихпысинун. ⁵Тагисюхўāғақнамигу натыңйхак нуналисимаңитā лъңанун пикахқамың. Иўырңа талўа сялин авақутїльюку Кияғнығым акықусяқыхкақā уна нуна лъңанунлью, киңуңғанунлью. ⁶Кияғнығым хўатынлью пикақā: “Киңуныхтын агуляқсяхқāгут нунакынгилькымыхнун ынкāм нунатāлтықут. Тамāни қыпхāхтылйгуяхқāгутлью, амьюқытātкысихлтыгьяхқāгутлью 400 аюмиқултылдутни. ⁷Иўырңа ағьбōхлтықанка қыпхāхтылйгухтыстилдїт. Киңуңаның ағьбōгилтығма киңуныхтын тагилтықут нунамун акықусяқыхкамнун, тамāни манигухлтықātңа”. Таўатын Кияғнық пикāгуқ. ⁸Тāхкын Кияғнық акықусяңлтықак Авраамымун нальюнигуткысқыльюку обрезаниялтық. Ынкāм Авраам обрезаниякақ. Иғныңями Исаакымың пиңаюның иңлюлык ағнық атуғягу обрезаниякā лъңалтью. Таўатыхпигақ Исаакым обрезаниякā иғныни Иаков. Иаковым обрезанияляқї қуля мālдук сїпнықльюку иғныни. Тāкут пїнлїсиқї рамқыңан Израилым.

⁹Аңлиляғāлтыютың Иаковым иғныгита ақинакыпихтыкāt аңлыгутни Иосиф, ынкāм акикыхкāt

Египетыҕм̄инун қыпхақтылягулюку. Иўырҕа Кияҕныҕым наюқыхк̄а, ¹⁰сыҕлыл̄инҕани каюсиҕақыхкаҕа.

Кияҕныҕым пыхқинылтылитк̄а ынк̄ам Фараоным умылган Египетым, ыфқуқлююку умылгатаҕахтыстык̄а Египетмун, иглыцутистыңल्याқ̄алью мыңтыҕаминунлюю, қыпхақтыминунлюю. ¹¹Тӕхкын нықаңисяхляякақ Египетмиллю, Ханаанымиллю, ынң̄аталы угляқ игатиқутыхляякақ. Сивуныпутлюю нықаңисяхляякат.

¹²Иаковым наҕақуҕьямики Египетыҕм̄ит зерномың кахпахлягуманилюки, иҕныни пикыңьяхт̄исқыхк̄и.

¹³Тўңлих̄ани аляя пията, Иосифым аныңани уңип̄атк̄и л̄ңитнун уюҕақнилюни. Ынк̄ам умылгым Фараоным аңлыгуткутутаңи л̄игикыхк̄и. ¹⁴Тӕхкын Иосифым липыхсяк̄а атани Иаков, ныңлююгутылҕутаңиллю н̄хтыскылююки Египетмун. Қамахлюютың юк пиңают акимиҕақ с̄ипнықлююкуңуфтут. ¹⁵Ынк̄ам Иаков н̄хтыкақ. Там̄ани Иаков тукукақ, киңуңаның тахталми т̄ак̄ўани иляңиллю сивуныпут тукуляҕаткат. ¹⁶Т̄ак̄ўаниңани ныхқ̄ўаҕит аҕляльюки Сихемымун, л̄вынқихтык̄ит нунакун Авраамым тукфиқ̄акун Емморым киңуңаның.

¹⁷Кияҕныҕым Авраамымун акықуся

пияхтуңыстаҕақуқлюю, сивуныпут нуляхляякат Египетми.

¹⁸Тӕхкын Египет нутаҕамың ум̄лыңыхкақ, т̄ам умылгым нальюк̄н̄ўақаҕа Иосиф. ¹⁹Сивунымта нуляхляльхит апальюқлююки умылгым пыхқиниқулююки икфиқыстык̄и сивуныпут, талўа таҕнух̄ахит̄ аңутыстақлююки пик̄и туқусқыллююки. ²⁰Таўатын кияхсималюки Моисей

альхықак, юкыхтыпихл̄ых̄и таҕнух̄ақ. Аңаюқахкынка нымығни й̄ҕахтумың афлыңақыхк̄ат пиңают танқит.

²¹Й̄ҕахтухпағниңсямығныгу аңутк̄ат. Умылгым паниган н̄алькылююку альюх̄қиллюку, аңлистык̄а иҕнықылд̄истун.

²²Египетыҕм̄ит апыхтуқ̄ат л̄иткамыхның. Ынк̄ам Моисей пыхқингугиҳлягьял̄ғими акузильх̄ўх̄ақхляякақ, ахт̄игалңуқлюю сямың тамах̄аның.

²³Моисей юк мальгук уксюхтуткалиңьями

Израилыҕм̄илгутни ысхаҕьюглюки ысхаҕьяхтуқ̄и.

²⁴Таўани ысхақ̄а Египетыҕм̄им амьюткыхкаҕа

Израилыҕм̄и. Ынк̄ам Моисейем Израилыҕм̄и игуғлюку тукутк̄а Египетыҕм̄и. ²⁵Таўани сюмыхтаҕақ̄аял̄ғи

Израилыгмїлгутминун лїгикылыықнилюку Кияғнығмун каяхтылыыни лъңитнун ағуляқутистыңулюку Египетмың. Иўырңа лїгикумаңилькаңат. ²⁶ Унāмиңани ысхақакык Израилыгмїк пильюгульхїк. Акузинъақуткыхкақсяқык: “Пильюгутыхпынатык юлгуткутутык”. ²⁷ Йығлыги амьюқытиқылдїм югым аягахлюку Моисей пикā: “Китум иглығутистыңлъяхтатын, нанқихтистыңлъяхтатынлю хўаңкунъун? ²⁸ Хўаңалю туқсуюхсиңā игивгақ тукутылыыпытун Египетыгмї?” ²⁹ Югым таўатын пиятни Моисей қимакақ Мадиянумун, тамāни альяныхтāкақ. Қынўат нулихтуғлюни игныңхкақ мālдугығның.

³⁰ Моисей, югык мālдук аюмиқулыық Мадиянымытуткылыюку килгāнун ағуляқыхкақ Синайым найғахан увитаңанун. Таўани ысхақā яқулык кумағулдїми уқфилыыгами.

³¹ Альяхлюхўағтягуткақыхкаңа. Кынқихтыңўāғналюку такукā, кāсяхтуғақāлю Атанғым пикā: ³² “Кияғнығўа, сивуныхпык Авраамылю, Исаакамлю, Иаковымлю Кияғнықātңа”. Моисей алиңрўқақ рыпаль уңылыхтыкақ талўа ысхағыюгумаңиткā. ³³ Атанғым пикā: “Кāmгыхкын матахтикык қаюхляк хўаңа апальюқлыюңа аглыңналдїңўк ныкывғавигын. ³⁴ Ысхапаганка югынка амьїоткыхкаңит Египетми, нагатанка қилыыхлыыхїт. Укихтуңа югулиналюки Египетыгмїның. Ынкām хўā каяхнақамкын Египетмун”.

³⁵ Тāнаңўқ Моисей Израилыгмїт ихсякақңамыхтыху пикāt: “Китум иглығутистыңлъяхтатынлю, нанқихтистыңлъяхтатынлю хўаңкунъун?” Иўырңа лъңаңўқ Кияғнығым утығнихтыстыкā Египетмун иглығутистыңулюкулю, югулиғистыңулюкулю лъңитнун. Таўатын Кияғнығым пикақā яқулыхкун кумағулдїми уқфилыыгами. ³⁶ Моисей альяхлюхўахтихлъягāтағлюни Египетми, ағуляқуткақї сивуныпут Египетмың. Ыата альяхлюхўахтигāтақағук Черное Моремилью, иглығалыығмыхниллю килгāни мағыахқуғақңамики югык мālдук аюмиқулыығни.

³⁷ Тāнаңўқ Моисей Израилыгмїнун хўатын пикақ: “Кияғнығым ўкналиқиста накмикылыықā юхпысиның хўаңа накмикылыығмитун ўкналиқистыңулюңа”.

38 Танаңұқ Моисей сивунымнъиткақ қырңуғутақната килгәни Синайым найғахан туңаңани. Таўани найғами яқулғым алыхқуғятни тугукї Кияғныңым Лїлихтүсї апыхтүсят натын кияхтылтыхқамың. Тәхкын әпқї тәкут сивунымнъун ынкәм лъңита нағныхтыкақїт хұаңқунъун.

39 Иўырңа сивунымта Моисей қаткысюумаңитәтлью, иглыгутистыксюумаңитәтлью, йығлыги утыхсюкагут Египетмун. 40 Ынкәм Моисейем аныңә Аарон пикәт: “Кияғныңлъяхтыхқут мағьяхқїсқылъята. Налъюкахпут Моисей сяматаңа, лыган ағуляқульюта Египетмың унитїлью”. 41 Ынкәм кияғныңлъяқат каумғахсюгнилңуғмың, ахқышәқәтлью. Нықынғахқыхкатлью құлвағналюку улимәхтың.

42 Таўатын пията Кияғныңым тунуткїлью, пыхтыкїлью ынңәталъ манигүтысқылъюки сиқинығмун, танқимун, игалықытәғнунлю. Атанық хұатын пикәгуқ үкналиқистыт игақылъхитни:

“Израилығмїни, югык мәлғук аюмиқульығни иглығаңулюси килгәни ахқышәғумаңитахпысиңа тукутїныхпысини тықикусямың.

43 Йығлыги кыльқутәқыхқақаси палаткат манигүгвигулюки кияғныңлъяқамун Молохымун, кыльқутәқыхқақасилью игалықытәңлъяқак манигүсїлюку Ремфанымун.

Тамәкын апальюқлюку аңуяхпысинун ағулякутыслықамси нағухлюку Вавилон”.

44 Стефан паниның акузикақ: «Сивуныпут килгәнилъюки Кияғныңым палатқаңлїсқыхкї амимың манигүгвигулюки лъңанун. Улимакақїт таўатыңуәк Кияғныңым апыхтүтылхатун Моисейемун. Кыльқутәқыхкїт тәкут палаткат нықанүсїлюки Кияғныңым наїтңалъханун. 45 Тәкүәниңани Моисей туқуян Кияғныңым накмикыхкә Иисуса иглыгутистыкысқылъюку сивунымнъун. Иисусым мағьяхқуғистың нунамун Кияғныңым акықусяқыхкәнун тәкут палаткат кыльқыхкїт. Такукамыхнун нунамун кәсәлдімың юлғуфтуқ. Иўырңа Кияғныңым сивунымнъун ихлтыхтыстыкї юги, ынкәм сивуныпут ныликат тәхун нунақун. Тамәни нағныгуткїт

тәкут палаткат манигүтфигулюки Кияғныңмун кынляңа умйлылитытығымхнун Давид. ⁴⁶ Давидым кияхтәльха ынңәталъ ыфкугнапихтыкәлгй Кияғныңми. Ынкәм Давидым әптыкақсыяқаңа хұатын: “Кияғныңа Иаковым, мыңтығаңлядлякән?” Иўырңа Кияғныңым писимаңилькаңа, ⁴⁷ йығлыги Давидым игныңан Соломоным мыңтығаңляяқә Кияғның.

⁴⁸ Иўырңа Кияғныңлъяк кияхсигатуқ мыңтығани югыт улимәгитни. Хұатын Атанық пикагук үкналиқистым игақылтъхани:

⁴⁹ “Қияляк ақумутақақа, нуналью итыгағитақақа. Сяңан мыңтығаңлягнақыстыңъа? Мығнәлививигитәунгитуңа.

⁵⁰ Улимәқынгйсикун сяңўә қамахтыңўәғлюку?”»

⁵¹ Стефаным нагныңуткй: «Пиныхльюхлягни льпыси, қәткысюигатахси, ухпықсюигатахси Кияғның. Кияғныңым уңипй нагасюигатаси, ихсякырәғақхсылъю Аглығналгйк Тағныңак сивуныхпысистуңўәқ.

⁵² Қамахльюки Кияғныңым үкналиқистыңи сивуныхпыси амьюткыхкақйт. Туқуқукақйт үкналиқистыт үкналиқуткысятху Сығлыхқумаңилнуқ тагияхқәниңатху. Ынкәм кәсян, увыхпагульюку туқуткақхси.

⁵³ Лпысиңүси Кияғныңым яқулыхтыхун тўныхкй Лйлихтўсяның, қәткумаңитаси».

Милюхпагәтақанат Стефан

⁵⁴ Аггистыт нагалъюку Стефан сякшитутыхлякат рыпаль хйстагәткәт. ⁵⁵ Иўырңа Стефан, имиғналгй Аглығналгйғның Тағныңағның, сивухсялгйми қиялгмун ысхақә Кияғныңым ниғуҳқылъха, Исусуслъю ныкывғалгй Кияғныңым ағынқигныңани. ⁵⁶ Пикй: «Ысхақақтыхуқун! Ысхақақа қияляк қыльпылгй, Иғныңалъю Югым ныкывғалгй Кияғныңым ағынқигныңани!»

⁵⁷ Аггистыт сигутытың сәплъюки йхмыхның, арағәтәсимағмың қамахльютың сюгукәт Стефан.

⁵⁸ Сйңвағәтамың ағулякуткәт Иерусалимымың, туқунъалюку милюхпагәтаҳйнақ. Тәхкын Стефаным авуткыстыңита қәслъитың матахльюки нукальпигам Савлам сәғўакун льлюки милюхпагәтағьюхәқәт.



(Деяния 7:56)

Тамāкутлю иляңита милюҳпагатақат. ⁵⁹Хўа уйдағым тыкиқағвикңатни Стефан юғақақ: «Атанық Иисус, тағнығахка тугукльиҳқык». ⁶⁰Сығыскуҳльюни игляхтупиҳльюни пикақ: «Атанық, сығвутики хўакын сығльықхльхитның». Таўатын пилюни тукукақ.

8 1-3Савлам итагнақыккә Стефаным туқутыльҳа. Юғыт пиниқналғит Кияғныңмың лыйфқат Стефан қияқыҳльягумән.

Савлам Амьёткыхкәни Ухпықат

Тәхкын ағныңмың кынляңа амьёткыхльягьгюткит ухпықат Иерусалимымылңүт. Савлам ынңаталь

амьѳоткыхкѳи ухпықат нѳңысқылъюки. Йтѳақлъюни ныңитнун қамухсѳгмың ѳнукуқѳи ағнатлъю, югытлъю анусимиңлъяхтысқуғналюки. Қамахтыңъѳағлютың ухпықат, пылъығмун қимагѳткат нунанун Иудеямылнуғтнунлъю, Самариямылнуғтнунлъю, апостолыңинахѳат қимагумаңилнѳт.

Филипп Уңипақилгѳи Самариями

4Тамѳкут ухпықат қимагѳткат тамаңанун уңипақикат Пинилгѳиның Уңипаның нѳнсяғнѳгмың. 5Филипп Самариялъюни уңипақыхкѳ Христос, альѳяхлъюхѳахтихлъягѳатақаклъю. 6Ынкѳм югыт нагатнѳѳақакыхкаңат ысѳапаглюки альѳяхлъюхѳахтильѳи. 7Угльпихлъыхѳиның югның ѳнысқуқѳи туғнығѳат акилгѳѳитхун. Тамѳкутлъю пиюгигалнѳт, униқатлъю нѳлхукуқѳи. 8Ынкѳңам Самариягмѳит ынѳѳаталь куяхлъякат.

Алигналгѳи Симон

9Самариямиңуқ тѳѳа алигналгѳи ѳк, ѳтѳа Симон. Сялин Филипп кѳтылъхильюку алигнахтѳлъығмикун сягѳиғаохтақыхкѳаңи югыт, қукѳюхтақылдѳилью ахтѳиганъилюни. 10Ынкѳм қамахлъютың тамѳнлыңнѳт, пиңѳѳахлъягның, укаванлъыхпигагнун нагасюкыстаглюку аюқыхкаңат. Пикѳат: «Уна ѳк ахтуғъяхқѳнгильыңыңхлъякѳагуқ Кияғныңмың». 11Югыт нагасюпихлъюку аюқыхкаңат, қажуқхлъяк қавңарухлъяхѳаның альѳяхлъюхѳағъюхтыкаюгукаңи алигнахтѳлъығмикун. 12Иѳырңа Филиппым уңипақсыки Пинилгѳит Уңипат Кияғныңым Атаныхпагулъханың аюқылгѳит, ѳтѳаныңлъю Иисус Христосым ухпықыхкѳит уңипѳи. Тамѳкут югытлъю, ағнатлъю ухпықилгѳит крестиғыкат. 13Талѳѳа Симонымлъю ухпықыхкѳи. Ынкѳм крестиғылығыми киңуңаның малихсяқѳа Филипп. Ысѳапаглюку Филипп альѳяхѳинағның альѳяхлъюхѳахтигѳаталгѳи сягѳиғаюкақ.

14Апостолыт Иерусалимымылнѳт нагакуғлюки Самариягмѳит ухпығнилюки Кияғныңым Уңипѳамың, каяхтыкахкыт Петырылъю, Иоаннылъю лъңитнун.

15-17 Самариягмйт ухпықит крестикат Атхинахакун Атангым Исусым, накам сялин налихйнитā альхыхсигалькыхкыт Аглыгналгйк Тагныгак. Петырылью, Иоаннълъю Самариямун калъютык аглякак ухпықанун. Тāхкын сѣфтакльюки югātкātакйт, ынкām Аглыгналгйк Тагныгак альхыхтыкахкыт.

18 Симоным ысхапакакык апостолык, сѣфныгмыгныки ухпыкат альхыгутақылгйт Аглыгналгйгның Тагныгагның. 19 Ынкām апостолык пики: «Тукфигйхльяңа ахтугъяхқангилыгмың хўаналъю сѣфтыкумки югыт альхыгутыскыльюки Аглыгналгйгның Тагныгагның».

20 Иўырңа Петырым пикā: «Йықай Киягныңым нāфкылытын манитўмафпык. Сюмыхпынйи Киягныңым тунуся тукфихльықнилюку пизигу?»

21 Қышхалгусигинангитутын, қаюхльак сюмыхтагалъхын анахутнāқ Киягныңым ысхāmалъхани. 22 Авутыхкыльютың сыдлыхқусикнанихуңам тāна сыдлыпыстāқ пиюкыльхын. Ынкām югā Атаныгмун лѳорақ сыгвунъаюкагу тāна сыдлыпыстāқ сыдлыхкыльхын. 23 Тāўа лйгикамкын ақиналгылыхльягўтынлъю, асихқыңбāтынлъю сыдлыхкыльхыпының». 24 Симоным пики: «Югātкахтыгныңа Атаныгмун таўатын пилъхыпысистун пифқāма пискыльбюңа».

25 Тāхкын Петырылью, Иоаннълъю свидетельстволютык, уңипақилютык Атангым уңипāмың агуляқыхкақ Иерусалимымун. Самариями иглыгаңулютык, нынун канъыгмыгни Пинилгйның Уңипаның уңипағақылгйк.

Филиппълъю, Ефиопиягмймлъю

26 Тāхкын яқулган Атангым пикā Филипп: «Ятāхкыльютын икывām туңаңанилыңуғнун тумынун аглй пāхқильханилнұғнун, Иерусалимымың Газамун аюқылгйнун». 27-28 Ынкām ятāхкыльюни агуляқыхкақ. Тākўани тумаңани ысхақā Ефиопиягмй евнух, Ефиопиям царицаңан Кандакиям, манымың афльыңакистыңа. Иерусалимымың утығниғақыфтуқ ныминун манигўсяхтуғлюни Киягныңмун. Колесницамикун иглыгуткыльюку атихтуғақыфтй ўкналиқыстыт Исаиям игақыхкй. 29 Аглыгналгйм Тагныгам пикā Филипп: «Колесницаңан сѣгўанун агляглютын малихсѣху».

30 Ынкām малихқағлюку нагаткā атихтулдї
 ўкналиқыстыт Исаиям игақыхкāның. Филиппым
 āптыкā: «Лїгиксикї атихтуқахтын?» 31 Кїмсиқā:
 «Натын лїгикысқылъюки пизики, ўыткуқун китум
 лїгикыстыкаки хўаңамнун сямың пїқутани». Тāхкын
 ўхтыслъюку сядўмикун ақумысқыхкā. 32 Евнухым
 атихтуғақыфтї Кияғныңым акузитани хўатын пилгїт:

«Пынъйғыт туқусяхтунғистың қалдїгатут,
 пынъйғағātлью қигунғистың қалдїгатут,
 таўатыхпигақ лъңалью сямың пїхсимаңилнуқ.

33 Кайңусякыстақнатху игуғистыңиткақ.

Уңувальха кынлытхўтыстыкақ нунами.

Ынкām китумңам āпхўāхлығыаки сығлыхтуляңи
 юлгутаңан тамāни пилығми?»

34 Евнухым āптыкā Филипп: «Уңипāтаhtiңа
 ўкналиқиста лъңаның акузиткақā, налиғмың кина
 алья пїқағу?» 35 Филиппым пїнлїсиқльюки Исаиям
 игақыхкї, уңипātкā Пинилдїның Уңипаның Иисусымың.
 36 Иглығуткыльюку мығмун кāсямык евнухым пикā:
 «Ысха тāна мық! Сяңўаңам ыльтўсиқылғықсикун
 крестиғылғыхқамнун?»

37 Филиппым пикā: «Ипапихқылгыютын ухпықувык
 крестиғылғықамкын». Евнухым кїмсиқā: «Ā, ухпықақа
 Иисус Христос Иғнықā Кияғныңым».

38 Ынкām евнухым иглығутистыни ағулїғысқыхкā.
 Атығлютык колесницамың мығмун āтқак, ынкām
 Филиппым таўани крестиқā. 39 Мығмың ўхсямык Атанғым
 Тағнығахкынка ағуляқуткā Филипп, ынкām евнухым алья
 ысхамаңиткā, иўырңа нағнықак қуялғылихльяглюни.
 40 Тāна Филипп пиялдїми Азотымытыфтуқ. Кесариямун
 агляткыльюку нынун кāнғыңмини Пинилдїның
 Уңипаның уңипағақылдї.

Савля Ухпылгї

9 1-2 Савля Иерусалимымыльюни тāўа паниның
 алиңсиқукї туқуқуғнақнилюки малихсяхтыңи
 Атанғым. Қынўат Дамаскысюақ, лїбрақ Иисусым
 малихсяхтыңи югытлью ағнатлью тамāнъяюката.
 Ысхақумики тагинъалюки Иерусалимымун

каяхтāңа лыпынун. Каягутāтын сѣфтысқылъютын
 ысхāсягунъықихтысқылъютын, имй̄сқылъютынлъю
 Аглыңналдй̄гның Тағнығағның». 18 Таўаниңинақ
 иқалъюгым қалтысыюғниңи ий̄ыхкының ифкақўткат,
 ынкām ысхāсягуткақ. Тāхкын макылъюни крестиғыкақ.
 19 Тām киңуңаның нығъялдй̄ми икнақсй̄охтыкақ.

Савля Уңипақилдй̄ Дамаскыми

Савля ухпықаниткақ Дамаскыми қафсинат ағнығыт.
 20 Мулюхпынани синагогани уңипақыхкā Исус,
 Иғнықнилюку Кияғныңмун. 21 Нагатульхй̄м сядй̄ғаягуткāt
 рыпаль лъңитның āпқуғāгуткат: «Унаңунгитā юк
 Иерусалимыми амьюқытиқыхльякақ юғақаюғның
 Исусым āтхакун? Мāвык тагиңуялдй̄ таўатын
 пиналюни, ухпықат тугуляғналюки, аглянъалюки
 первосвященнигнун».

22 Савлам уңипақильгмй̄микун ўата лй̄гикыстағақā
 Исус, Христосыңутаңа рыпаль Иудеит Дамаскымылңўт
 āхтй̄рāхпағниңиткāt.

23 Савля уңипақильқинағъян таўатын қафсиныгъяхльяк
 ағнық, Иудеит ўатақāғақ угумиягуткāt, рыпаль
 қырңуғульютың аггиткыхкāt туқунъалюку. 24 Ынкām
 ағныхтўмāн, унухтўмāн Дамаскым амихльялқутңани
 кылыңақыхкāt туқунъалюку. Иўырңа Савлам нагақуқā
 таўатын аггильхат. 25 Ынкām унугми атāсими, Савлам
 малихсй̄хтыңита корзинағрухльягыгныкун миңльютмың
 ыслъятмун укихтыкāt.

Савля Иерусалимыльхй̄

26 Тāхкын Савля кāсями Иерусалимымун
 илянъақыхкāйлдй̄ Исусым малихсй̄хтыңитнун.
 Тāўаниңинақ й̄ңунахағмың аликихкāt, қаюхльяк
 айгуғикыхкāt лъңалъю малихсй̄хтыңуҳсиматаңа.
 27 Иўырңа Варнавам Савля агляльюку апостолытун
 āпқā Савламун тумыми ысхāманилюку Атанық,
 алыхқўткāнилютыклью. Āпқālъю Дамаскыми
 уңипақāнилюку тытухпынани Āтхакун Исусым.
 28-29 Ынкām тугукльиқāt. Тāхкын кынляңа Савля
 ухпықаниткақ. Иглыцуткыльюку Иерусалимыми,

унипақиқақ тытухпынани атҳакун Атанғым. Иўырңа иляңита Иудейт Грегыстун акузикаюгыт ахтирәқән туқусюкақыхқаңат. ³⁰Ухпықат лйгиксямыхтыху Иудейнун туқунъақнилюку Савля, агляткāt Кесариямун, тәхкын каяхтыкāt Тарсымун.

³¹Қамахлыютың ухпықат Иудеями, Галилеями, Самариямилъю амьюткыстыңунатың кияхтыкат. Ухпыльхит икнақухтыкат, алиңақылгйт қаткунъыгитыльықхамыхның Атанығмун, Аглығналгймлью Тағнығам каюсийңукаңи ынкām ухпықат нулякат.

Петр Лиддалъхйлъю, Иоппияльхйлъю

³²Петырым иглығуткыльюку лялихфикуқй Кияғныңым юги нәнсяғңата. Атәсими ағныңми лялихтыкақ Лиддамылңунун. ³³Тамәни ысқақә юк атҳа Эней, пиңаюның иңлюлык аюмиқултық макысигалнуқ униғңатмйның. ³⁴Петырым пикā: «Эней, Иисус Христосым нәльхутātын, макыльютын альыған ймху». Таўаниңинақ Эней макытқақ. ³⁵Угляпихльыхйт Лиддағмитлью, Саронығмитлью ысқағьямыхтыху Эней нәльхульюни, ухпыхтūtкат Атаныққун.

³⁶Иоппиямиңуқ тәўа ухпықақ ағнақ атҳа Тавифа, (Грегыстун Серна, хўатын писиқ, қуйңиқ), қўнпың каюсийғимахльяқ, кияң тамәкунун акльюмалгйнун. ³⁷Тәхкын қинуюғлюни туқукақ ынкām уғвухқыльюку қымтамун майткāt. ³⁸Иоппияғмит ухпықат нағақуқāt Петр Лиддамынъилюку. Лидда, Иоппиямың қантағаханлыңуқ, ынкām ухпықат кывгақыхкахкыт мālдук югык Петырымун тагирахкйғысқылъюку Иоппиямун. ³⁹Петырым ятәхқыльюни малихтыкакык. Кәсян қымтамун майткāt. Лыган итыхтуқ угиңиғат қиямағмың қаңльюқахльюку кылгувикыхкāt атканың Сернам улимәғаның. ⁴⁰Петырым анысқуғлюки сыгысқухльюни юғақақ. Тәқльюни юғанығмың қйвлюку югусиқ пикā: «Тавифа, макытын». Тавифа ысхātкыльюку ысқағьямигу Петр ақумыхқақ. ⁴¹Петырым йхакун тугулюку ныкывыстыкә. Тәхкын туқльюқй ухпықатлью угиңиғақатлью ысхйсқылъюку уңувāматаңа. ⁴²Қамахтыңъўағлютың Иоппияғмит

нагақуқат Тавифам уңувальха ынкām угляпихльыхїм ухпықыхкāt Атанық. ⁴³Петр мулюкақ Иоппиями, Симонынкуниткақ сйнахтистыми.

Петырылью, Корнилийлью

10 ¹Кесариямиңуқ таўа юк āтха Корнилий. Умїлгат Римым пильюўахтыңита Италиямың пикақ. ²Юк пинилгї, каюсигимахльяк акльюмалгїнун, юғатуқақлью Кияғныңмун. Ныңльюгуткульхїт, қыпхақтыкульхїт манигүткаюгыт Кияғныңмун. ³Атāсими ағныңми пиңаюмикыльягми ысхағўақақ. Хўатыхльюўақ ысхақā Кияғныңым яқулга итылгї, яқулгым тукльюқā: «Корнилий!»

⁴Алиңрүгумагми ысхапахтуғлюку яқулык āптыкā: «Атанық, сямың пизин?»

Яқулгым пика: «Кияғныңым нагақўмї юғалъыхтын, ыфқуқыпихтālлью каюсигильхын акльюмалгїнун ынкām нықамикāтын. ⁵Иоппиямун ақфастигу юк āтқылгї Симон Петырымың. ⁶Симонынкунитуқ сйнахтистыми, мыңтығā ыснымытуқ». ⁷Яқулгым таўатын пилюку униткā. Тāхкын Корнилийем тукльюқакык мālгук қыпхақтығни, пильюўахталъю. Тāна пильюўахта Корнилийем каютаңа манигүткаюк Кияғныңмун. ⁸Тагията уңипātнўақї ысхағўālльығминың, тāхкын кывгақыхкї Иоппиямун.

⁹Унāмиңани ағныңым қукāни кывгат кāsяхтуғақутлью Иоппиямун, Петр маюқақ мыңтығам қайңанун юғағналони. ¹⁰Тāхкын игатақақ, сямың нығьюкақ. Сяма нықмың ятāхқумалюки Петр ысхағўақақ. ¹¹Ысхақā қияк қыльпылгї, тāхкын ысхақā қйпағахльяхсюгнилнұқ укихтыкаңат нунамун стаматхун тыкышқакун. ¹²Тāўаңуқ имақыфтуқ альяҳйнағның тығикусяның, пресмыкающесяның, қаўāғныңлью тыңāкаюғның. ¹³Тāхкын мым пика: «Петр, макыльютын туқутилютын нығи!»

¹⁴Иўырңа Петырым пика: «Йығлыгилью, Атанық! Нығигатуңа йңгуткамың укмаңиньыгилнұғмың тығикусямың».

¹⁵Мым пилятақā: «Кияғныңым укмаңиқақї тākут, укмаңиньыгиньилиюки пихпынаки». ¹⁶Таўатын пикақ

пиңаюның кытхұыль. Тәхкын таўаниңинақ тана йңунағми қиялгмун маўткақ.

17Петырым кукшиқуткыхкә сямың писытаңа ысхағұалғыни. Таўатын пималюку Корнилийем кывгита лйткәт Симоным мыңтығә нәнтуляңа, ынкәм мануғанун кәткат. 18Қамавык әптыкйт: «Хўани ақылқәңгитә йөк әтхә Симон Петр?»

19Петырым паниның сюмыхтағәткумалюку ысхағұалғыни, Тағнығам пикә: «Уюқ, югыт пиңают ивағақәтын. 20Укиглютын қақильқафқәвык малихтики, қаюхляк хўаңа каяхтанка лыпынун». 21Ынкәм Петырым укиглюни пикй: «Хўаңаңұқ ивақаҳси. Сямың пистыңза?»

22Кймсиқәт: «Корнилийем кывгақйнкут, умйлган Римым пильюўақтыңитнун. Йөк пинихляхтуқ манигүткаюк Кияғнығмун, қамахлыютыңлю Иудейт сывакыпихтақәт. Кияғнығым яқулган пикақә Корнилий: “Ақфастигу Петр лыпысинун писқылъюку, нагатысқылъюку сямың пильыққә лыпынун”». 23Тәхкын Петырым йтхысқыхкй, таўанилю қавйсқыхкй.

Унамиңани ятәқкылюни малихтыкй Корнилийем кывгй, ухпықатлю иляңи Иоппиямың малигуткат. 24Тәхкын унамиңани кәткат Кесариямун. Корнилийем илякўәнилю, илякумтәнилю тагиляғәтыслъюки лъмыхнун утақакәт Петр. 25Петр йтхәқуқлю Корнилийем пайығлюку сыгысқухфикыхкә манигуғналюку. 26Иўырңа Петырым ныкывыстуткылюку пикә: «Ныкыви, хўаңалю югүңа». 27Йтхуткылюку Петырым алыхқуқә Корнилий. Итығялғйми таўа йөк қырнуғутыхлягумалғй таўани. 28Петырым пикй: «Лйсимакңўағаҳси хўаңкута Иудеяни Лйлихтүсямта иныхтыкақйлю илятыфқәмта писқылъюта язычнигнун, талўа лйлихфикыснаниқакй. Иўырңа Кияғнығым кылгувикәңа кина алңунақ укмаңиньыгиньилюку сюмыхтағәткыфқән писқылъюку. 29Ақфасяфсиңа тагйңа қақильқахпынаңа. Сяңама пйқыстыңза?»

30Корнилийем пикә: «Хўатын лййгумән ақуўәқ пйқылъымтун юғәмалюңа пиңаюмикыльяғми, йөк манумкун ныкывуқ әткй ниғухлягыт. 31Хўа пйңа: “Корнилий! Кияғнығым юғалгыхтын нагақүми,

нықамикилью акльюмалдйинун каюсигильықтың.

³² Иопиямун кина кывгакигу ақфасқыльюку Симон Петр. Симонькунитук сянахтистыми, мыңтығā ыснымытуқ”.

³³ Ынкā таўаниңинақ ақфасқамкын, қуякамкын тагилдйтын. Лйсимақльюку Кияғныңым наюқылъха қамахльюта хўанлыңуғни нагақуғыюгахпут сяңўā қамахльюку Атанғым лыпынун āпхысқыхкā хўаңкуньун».

Петырым Акузильха

³⁴ Тāхкын Петырым пикй: «Тāўа ипа лйгикақа Кияғнық танильхитыфтук, таўатыңўāқ пикаюгүфтā тамахахльяган юк атāсистун. ³⁵ Тугукльиғьяхқакā кина алңунак накумйңуяғңāн аликилдй лъңаның, пинитунлью пикаюк. ³⁶ Лйсимақахси Кияғныңым уңипā уңипақыхқақ Израилығмйинун, тāна Пинилдй Уңипақ югыт ныкыхмылғыңусихқакāt Кияғнығмун Исус Христосыкун. Исус Христос, Атанқā тамахағўāғми юғым. ³⁷ Лйсимақахси тāна уңипақ миңиткāгук Иудеялкъāғамми, пйнлиқақ Галилеями Иоанным уңипақақңагу крестиғыльық. ³⁸ Лйсимақахси Исус Назаретығмй, Кияғныңым имиқā Аглығналдйғның Тағныцағның, ахтуғыяхқāңгилығымыңлью. Навык алңунак пинығмини пинитун пйқыхқаңи югыт, нāльхукуқйлью тамāкут Тугныңāм āхқутақыхкй, қаюхльяк Кияғнық Исусымылңуқ. ³⁹ Хўаңкута апостолыни лйсимакистыңўкут тамахāнун таўатын пильханун Иудейт нунаңитни, Иерусалимымилъю. Тукуткақāt туқўқālъюку қақўракун. ⁴⁰ Иўырңа пиңаййтаңани ағныңым Кияғныңым уңувахтыстыкақā тукулъығмың, ысхахтыстыкақālъю юғнун. ⁴¹ Иўырңа қамахльюни юғым ысхāмаңитā. Хўаңкута ысхақақахпут қаюхльяк Кияғныңым накмикыхқақйнкунт лйсимакистыңулюта. Талўа нығылгусиқақахпутлью, мығылгусиқақахпутлью киңуңаның уңувахтыстыльхан тукулъығмың. ⁴² Тāхкын каяхтыкақйлью уңипақысқыльюку Пинилдй Уңипақ, āпхысқыхкāгуқлью Кияғнығмун накмикыхқақнилюни нанқихтистыңулюни уңувалдйинунлью, туқуканунлью. ⁴³ Қамахльютың ўкналиқистыт пикāгут, китумңуқ алңунак ухпықыхкумигу āтхакун, сығывутылығыяхқāгуқ сығлыхқылығыминың».

**Язычнигыт Альхыгутыльхат
Аглыңналдйғның Тағнығағның**

44-46 Петр паниның акузималюку қамахльюки нагалъхйт уңипāмың Аглыңналдйм Тағнығам йткй, ынкām альяҳльюхўатун акузистыкйлью, усюқистыкйлью Кияғныңмың. Обрезаниякат ухпықат Иоппиямың малигуткат Петырымун сядйғаюкат нагасямыхтыки таўатын акузильхйт. Лйгикыхкāt Кияғныңым Аглыңналдйк Тағнығак тунусяқыхкык талўа язычнигнун.

Тāхкын Петырым пикй: 47 «Укут югыт альхыгутут Аглыңналдйғның Тағнығағның хўаңкутыхпигағыстун. Китумңам крестиғиснаниғнақаки мыхқун?» 48 Тāхкын қылькй крестиғисқыльюки Атҳакун Иисус Христосым. Тām киңуңаның лмыхнитағйсқыхкāt Петр.

**Петырым Āпқаңи Корнилийем
Ухпықанун Иерусалимыми**

11 1 Апостолынилью, ухпықатлью Иудеямылңūt нагақуқйт язычнигыт ухпықуманилюки Кияғныңым акузитаңи. 2 Петр кāsян Иерусалимымун, Иудейт ухпықат обрезанияғиюкат язычнигыт ухпықйтның сығлықўқāt Петр, пикāt: 3 «Сяңан обрезаниямаңилңūt итығвикльюки ныңитнун нығылгусихсики?» 4 Лйгикысқыльюки Петырым ысхағўālғығминың кынляңа āпқā сяңўā қамахльюку апығйқақ.

5 «Иоппиями юғāmалюңа ысхағўāқāгуңа. Ысхағақа қйпағаҳльяхсюгни стаматхун тыкышқāкун укихтықаңат қйляғмың хўаңамнун. 6 Таўавык ювғйғўāғьяқыхка имақыфтуқ альяҳйнағның тығикусяның, пресмыкающесяның, қаўāғның тыңāкаюғның. 7 Тāхкын ма нагақуғақа хўатын пилдй: “Петр, макыльютын тукутилютын нығи!” 8 Иўырңа кймсиғақа: “Йығлыгилью Атанық! Нығигатанка тамāкут укмаңиньығилңūt нықыт йңгуткат”.

9 Мым пилйтағāңа қйляғмың: “Кияғныңым укмаңиқакй тамāкут, укмаңиньығиньиллюки сюмыхтағātкысяхқакынғитатын”. 10 Таўатын пикāгук пиңаюның кытхўыль. Тāхкын қамахльютың тāкут

ага қиялгмун маютакутлюю, ¹¹ хўа югыт пиңают катут тукумнун, кывгафтут хўаңамнун Кесариямың. ¹² Аглыңналғим Тағнығам қақилъкафқама малихтықй. Укутлюю ағвинлык югыт ухпықалгутыпут малигутут Иоппиямың Кесариямун. Калъюта Корнилийенкунун итығатукут. ¹³ Корнилийем апха яқулыгмың ысхатылыны нимини, якулгымнуқ хўатын пй: “Иоппиямун ақфастигу юк атқылғй Симон Петырымың. ¹⁴ Уңипалъықйси ныңлюгуткульхйни натын югулилъыңыльықхамың”. ¹⁵ Ынкам акузйқуңалъю Аглыңналғим Тағнығам Йтхй таўатыңўақ хўаңкунъун итыльығмитун Пятидесятницам Ағнығани. ¹⁶ Тәхкын нықаңуғақа Атанғым пильха хўатын: “Иоанн крестиғияләгуқ мыхқун, иўырңа льпыси крестихлықуси Аглыңналғигныкун Тағныцагныкун”. ¹⁷ Ынкам Кияғнығым тунумакаки язычнигыт тәхкын атәсимиң тунусямың туныхкаминың хўаңкунъун ухпықақамтыху Атанық Исус Христос, хўаңа кинаңузиңа ағулиҳнақсахқәлюку Кияғнық таўатын пильханың язычнигнун?»

¹⁸ Таўатын Петырым пийистың қалыгнаниғлютың, йығлыги усюқыхкәт Кияғнық. Пикат: «Таўа лйгикахпут Кияғнығым талўа язычнигыт пильыққалисимакаңи авутыққысылъюки сығлыққылъхитның, уңувалъыңықсылъюкилю кынлыңилңуғмың уңувалъығмың!»

Ухпықат Антиохиямылңут

¹⁹ Стефаным тукутыльха кынлыкльюку Иудейт амьюткыхкйт ухпықат, ынкам анакат Иерусалимымың. Ағуляқуткат кынляңа Финикиямун, Кипрымун, Антиохиямунлюю. Иглыгуткыльюку уңипақыхкйт Пинилғит Уңипат Иудеяңинахағнун. ²⁰ Иўырңа иляңи ухпықат Кипрымыңлюю, Киринеямыңлюю Антиохияткат, калъютың уңипақыхкәт Атанық Исус талўа Иудеяңунғилңуғнун. ²¹ Атанғым ахтуғьяхқәңгилъха лңитниткәлғй, ынкам угляпыстәқ юк ухпыхтүльюни қивүткақ Атанығмун.

²² Ухпықат Иерусалимымылңут нагалъюку Петр, Варнава каяхтыкәт Антиохиямун. ²³⁻²⁴ Кәсялғими

уғляпихлғығй̄ юк ухпыхтўлыюни аюқыфтуқ, ынкām қуяқхляякақ қаюқхляк лйгикыхкā Кияғнығым пиникиңалхықхляяга югнун. Варнава пинилғйңулғй̄ юк, имигнақхлякхляю Ағлығналғйғның Тағнығағның, ухпықилылылхлякхляю. Тāхкын альянухтыфқита атāсиймытыкыстйскыхкй̄ Атанығмун. Ұатақāғақ иляңиталью югыт ухпықыхкāt Атанық.

25 Тāхкын Варнавам Савля ивағяхтуқā Тарсымун.

26 Нāлькысямигу кыльқыхкā Антиохиямун. Атāсиқ аюмиқулхық тамāнтылхығмығни илятақхляютык ухпықанун апыхтуғикақ юлгутықхлягнун. Тамāни Антиохиями ухпықат атиғьюхўақйт: «Христианиныт».

27 Тамāни иляңи ўкналиқистым Иерусалимымың Антиохиямун тагикат. 28 Атāсиқ Агавыңуфтуқ, ныкывлюни ўкналиқыхкақ Тағнығағныкун нықаңисяххлягнақнилюку тамаңани. Тāўа нықаңисяххляякақ Клавдий Умйлыхпигāлюку. 29 Ухпықат ухпықалгутытың Иудеямылңўт каюсиғьюкйт пикатуталмығыстун. 30 Ынкām қырңухтилютың манимың туюғикат пресвитерынун Иерусалимымылңуғнун Варнавакун, Савлыкун.

Амьōткатағалық

12 1 Нани тамāни пилхығми Умйлғым Иродым амьōткысягуткй̄ иляңи ухпықат. 2 Иоанным аңлыгутаңа Иаков туқутыстыкā сьвихпахкун. 3 Умйлғым Иродым лйгиксямигу Иудеяның ыфқухтильыни таўатын пилхығмикун, қылгуткā Петр тугусқылюку. (Таўатын пикāфтуқ Нықынғақхыңбулюки Закваскалимāңилңуғмың Нықыкшаңхлямың.) 4 Петр тугуятху, Умйлғым Иродым қылгуткā қуля ағвинлык сйпнықхлюкуягнун пильюўахтынун кылыңакысқылюку стамакахтйта кипульхутақлюки. Юхтуқами нанқихсюкā киңуңаның Пасхам.

5 Ынкām Петр анусимиңхляғвигмытыстыкā. Иўырңа ухпықат юғātкықхлякāt Кияғнығмун.

Петырым Анусимиңхляғвигмың Анылхә

6 Петр қавālғй̄ мālғук кылыңакыстык акулыхкыни, пытуғналғй̄лю малдугныхтыхун қйпшағутытхун.

Алъямың анусимиңлъягвигым амига кылыңакистылык. Хўа ахтыкан Иродым тагитыснакңукаңа югнун нанқихтысқылъюку. ⁷Атанғым якулга алиғахтықақ, ынкām ниғук кўкхутқақ анусимиңлъягвигым илюңанун. Якулгым Петр тўйңакун ағулялъяюку, тахтухлъяюку пика: «Ыгмиңақ макытын!» Таўаниңинақ қйпшағутыт ифкақўткат йханың. ⁸Тәхкын якулгым пика: «Пилюгуглютын кāmгыхкын āтикык». Петр писқылъхатун пикақ. Якулгым пилятақā: «Қаслжихкын āлъяюкык малихтиңа». ⁹Ынкām Петырым малихтыкā. Ухпықумаңитңўāқақсықаңа āнутылыни, йыңлыги суюмыхтағақак ысхағўāғнилюни. ¹⁰Сивулйтлю, тўңлихйлью кылыңакистыт нағуҳлъяюки кātкак сявиқынғāгмун амигмун. Амик лъңаның қылыпыгъян, āнлютык иглыхтыңāгмык тумытхун якулык авйтқахтықақ.

¹¹Тәхкын Петырым лйгикңўāқā сяматни ынкām пикақ: «Таўа ипаңуфтуқ Атанғым каяхсимā яқулыни иқитутысқылъюңа Иродымың, Иудейтлю сядьықхйтның».

¹²Лйгиклъяюку сяматни Мариянкунун агляқақ, Иоанн Маркым нāңанун. Таўани юлгун қырңуғульюни юғāтыхлъягулғй қырңағми. ¹³Петр ыслъяклжихқун амихкун тыңлюхтугъян ағнағām қыпшағтым, Родам қылыпыгусяхтуқā. ¹⁴Лйсюқсямигу Петырым мыңа, қуяқхлъягым аңталяңаның қылыпыгутыхпынāн, йыңлыги илютмун йтқақхльюни āпқā қакма Петр мануғамынйлюку. ¹⁵Иўырңа пикат: «Тымңи пйтын!» Иўырңа сядиқуткй ипаңунилюку. Тәхкын пикат: «Яқулькынғитагухўа».

¹⁶Қакма Петр тыңлюхтўмаңинақак. Қылыпыгусаяқмыхтыху лъңаңуфтуқ ынкām сядйғаюкат. ¹⁷Петырым апақукй қалыгнāнйсқылъюки, ынкām уңипамсюгутнўāқй Атанғым āнутылханың анусимиңлъягвигмың. Пикйлью: «Апқағнақыфсиңа Иаковымунлю, ухпықālгутымнъунлю таўатын пиманилюңа». Тәхкын āнлюни натмун пикақ.

¹⁸Ахтағағāлью кылыңакистыт авйлңақāt Петр, алиңруғумағмың кукшиқыхкат сяматаңа.

¹⁹Иродым иваҳтысимааяқаңа иўырңа нәлькумаңиткәт. Ынкәм кылыңакистыт әпқуғәхтысльюки нальюксятху туқуқуҳтыстыкй.

Тәм киңуңаның Ирод Иудеямың Кесарияльюни тамәнтыгрәкақ.

Иродым Тукульха

²⁰Умйлгым Иродым угумиягутыҳлягукәңи Тирыгмитлью, Сидоныгмитлью иўырңа тамәкумит югыт каяхтыкйт Властымун акузитуньяқахтысқылъютың Иродымун. Власта иглыгутистыкыхқаңа Умйлгым Иродым мыңтығахляган. Кәльютың әптыкәт Власта акузитуахтысқылъютың умйлыгмун. Таўатын пикәлгйт нықыңнанигнаюкамың Иродым нуңаның.

²¹Таўани ағныңми пивихкамыхни Иродым умйлгусит әткани әтқуғлюки акумлюни акумутахлягыгмикун акузикақ. ²²Тәқсян акузиныңмың югыт акилгүкат: «Югунгитуқ акузилгй, налиқәт кияғныңыт!»

²³Таўаниңинақ Атангым яқулған қинуюхтыстыҳлякә Ирод, қаюхляк тугукльиқаңа құлвалық Кияғныңым пйңа. Уңувагми киңухтәхляглюни туқукақ.

²⁴Тәўа Кияғныңым уңипй миңисимаңинақат ынкәм ўата юк ухпыхтүткақ.

²⁵Тәкук Варнавалю, Савлалю апығйғямыхтыху қыпхақахтынь Иерусалимыми, Антиохиямун утығниқак кыльқылъюку Иоанн Марка.

Варнавалю, Савлалю Накмикыхкыхкыт

13 ¹Антиохиями ухпықам иляңи ўкналиқистыңуфтутлью, апыхтуғистыңуфтутлью. Тәкунуфтут Варнава, Симеон, атильқылгй Нигерымың, Луций (Киринеямың пи), Манаил (аңлилгутаңа умйлгым Иродым), Савлалю. ²Манигүсималюки Атаныгмун, постамалюкилью, Аглығналгйм Тағнығам пикй: «Афтыкык Варнавалю, Савлалю қаюхляк накмикаха аляның қыпхақамың қыпхйсқылъюкык хўаңамнун». ³Тәқсямың посталығмыңлью, юғалығмыңлью сйфльюкык юғәткылъюкык ағуляқыстыкахкыт.

Варнавалъю, Павелылью Кипрыми

4-5 Варнавалъю, Савлалъю Аглыңналғым Тағнығам каяхсистык, Селевкияткак кыльқылъюку Иоанн Марка каютнулюку. Тамāкын аңьяҗпахкун қйҗқамун Кипрымун пикат. Кāсымың Саламинымун синагогаңитни уңипақикат акулзитаңаның Кияғнығым.

6 Саламинымың иглыҗакат иңлюңанун қйҗқам Пафымун кāтылтығмыхнун кынляңа. Тамāни нальҗакāt йок алигналғй āтҗа ВарИисус, ўкналиқыстысиғўāk, Иудея. 7 Қйҗқам Правительыңан Сергей Павелым илякумтāға. Сергей Павел пилъыхльҗак. Ақфастыкакык Варнавалъю, Савлалъю наганъалюки Кияғнығым акулзитаңи. 8 Иўырңа ВарИисусым алигналғйм, атқылгим Елимамың, āхтйрāқакык правитель ухпығнаюкан. (Атық Елима, Грегыстун хўатын писйлғй, алигналғй.) 9 Тāхкын Савлам, āтқылғйм Павелымың, имиғңалғйм Аглыңналғйғның Тағнығағның, ысҗапахтуғлюку алигналғй 10 пикā: «Уюқ Туғнығам иғныға! Угумикан сяңўā қамахльюку пинилғй. Иқлыңасяхльҗагўтынлью, сығлытунлью пистыхльҗагўтын. Тāқнақынғисикй иқлыңиқусиқныңмың Атанғым апыхтўсй? 11 Хўā Атанғым ағьйўгнақāтын аястымың, ынкām ысҗāтылғахтуғнāнгитутын ағнығым ниғуганың».

Таўаниңинақ Елимам йскык мамлыхқўāкак, ынкām тамāни ыфльюғўāғмың ивагикақ китумун тасльюқйскыльюни. 12 Правитель ухпықак ысҗапаглюку таўатын пилғй, сяғйғаягуткāлью апыхтўсяқ Атанығмың аюқылғй.

Павелылью Антиохияльхйт Писидиямылңуғмун

13 Павелылью иглығалгуткульхйт аңьяҗпахкун иглыхтыкат Пафымың, Пергиямун Памфилиямылңуғмун. Тамāнльюки Иоанн Маркым унильюки Иерусалимымун утығниқак. 14 Тāхкын Павелылью Пергиямың, Антиохияткак Писидиямылңуғмун. Субботаңухсягу синагогаңитнун итыңлютың ақумыхкат. 15 Иглығутистыңи синагогам, тāқсымың атихтуныңмың Лйлихтўсяныңлью ўкналиқистытлью игақыхкйтның, кывгақуткйт Павелылью хўатын писқылъюки: «Ухпықālгутымнй,

уңипалгукуфси икнақсїюгусихқамың ухпыльымнъун, сяқыстык акузитык».

16 Тәхкын Павел ныкывлюни апақумағми пикй: «Израилығмїни, лыпысылъю язычнигни манигўткаюгни Кияғнығмун, нагатыңа! 17 Хўаңкута Израилығмїни манигуқамта Кияғнығым накмикыхкақй сивуныпут, нулястыхлякақилью нунатаўақңата Египетми. Тәкўаниңани қыпхақтыляғуқтыкат иўырңа Кияғнығым ахтуғьяхқангилыхлягмикун ағуляқуткақй Египетмың. 18 Килгāнильюки қаткутыпахлянгитығңата лыңанун паниның афлыңакихкақй кытхўыль югык мālғук аюмиқульығни. 19 Тәхкын Кияғнығым нāфқысямики тāкут мāграгвинлык рамкыт Ханаанымылңўт нунаксяқаңат пилйтыстыкақā сивунымнъун пагитақысқыльюку. 20 Ынтакун юк стамат югык мālғук қуля сїпнықльюкуңўт аюмиқульхыт Кияғнығым накмикыльханың сивуныпут кынляңа нуна пилйтыльхитнун.

Тām киңуңаның нанқихтистыңыстāтақақй иглығутысқыльюки кынляңа Самуил ўкналиқиста иглығутыстыкāхтыльхитнун. 21 Тәхкын умйлыңьюўақңата Кияғнығым накмикыхкақā Савла умйлькысқыльюку Кисам иғныға, Вениаминам рамкыни пи. Умйлгукāгук югык мālғук аюмиқульығни. 22 Кияғнығым умйлгунанихтысямигу Савла, Давид умйлылйтыстыкā лыңитнун. Кияғнығым акузиткыхкақā хўатын: “Иессейем иғныға Давид умйлгухтысюғақа. Таўатылңуқ юк пиюкақақа, қаюхляк пияхқақā сяңўā алңунак пиюкыхкақа”.

23 Тәкўаниңани Давидым киңундакун Кияғнығым акықильығмитун альыхтыстыкақā Югулиғиста Израилығмїнун. Тāна югулиғиста Иисусыңўк. 24 Иисусым сялин қыпхақани пїнлилхильюку Иоанн уңипақикāгук Израилығмїнун хўатын: “Авутыққыльюси, сығлыхқынъаниғлюси, крестигитык”. 25 Иоанным қыпхақани тāқсяхтуңыстағлюку пикāгук: “Кинаңунилюңа пйқыстыңа? Хўаңанүгитук утақакаҳси. Киңумның тагияхқāгук āңыхлялғй, рыпаль хўаңа пинингитуңа сиңйнун итымтистыңулюңа”.

26 Ухпықалгутымни, Авраамым киңунгитни, язычнигнилью манигүткаюгни Кияғнығмун, тана уңипа югулилльхым хуаңкуньун пиңүк! 27 Иерусалимығмит иглығутистыкульхит нальююкхкақат Иисус Югулиғистынутаңа, қайға Суббота тамахан нагатыңағмыхтыки үкналиқистыт игақыхкйт. Нақам үкналиқистыт игақыхкйт апығйқақйт аггитқақнамыхтыху Иисус туқуньялюку. 28 Таға лыган тымңи апалыйтыңнан туқутусихқамың Пилатымун туқутысқыхкақат. 29 Лыган Акузитыт Игақыхкат пинақнильхистун пикақат. Тәхкын қақұрамың атыхльюку льйфқақат, 30 иўырға Кияғнығым уңувахтыстыкақә туқулльығмың. 31 Там киңуңаның иглығалгуткыхкита Иисусым Галилеямың, Иерусалимымун ысхағатақақат қафсиныгыягни ағнығни. Лыңаңут уңипалдйт юмньун ысхаманилюку Иисус уңувалюку.

32 Хуатын пикагут: “Уңипатамси Пинилдйиң Уңипаның Кияғнығым ақықусяқыхкканың сивунымньун. 33 Апығйгумә ақықусяни хуаңкуньун киңунгитнун, уңувахтыстыльығмикун Иисус туқулльығмың”. Кияғнық пикагуқ хуатын Псалом малдугани:

“Льпык Иғнықамкын,
ағнығми хуани Аталитахпыңа”.

34 Кияғнығым уңувахтыстыкақә Иисус туқулльығмың ынкәңам альямыңлью туқунангитук ағыўгыяқхәлюни. Ынкәм Кияғнық пикагуқ:

“Аглығналдйт ақықусяқыхканка Давидымун
ипапыстақ куястисиқыльықанка льпысинун”.

35 Иляңани Псалмым Кияғнық пикагуқ:

“Аглығналдйин агуснәнгитақа львивығми”.

36 Давидым уңувальығмини атуқыхкақә Кияғнығым пиюкыльха. Тәхкын қавагыян қуңуқақат сивуңған сйғұитхун, югусй агукәгуқ львивығми. 37 Иўырға тана Кияғнығым уңувахтыстыкә туқулльығмың ағумаңитук. 38 Ухпықалгутымни, льпысинун лйтысқысюгақа Иисусыкун югыт сығлыхқылльхит сығывутыльыңыхкаюгүт. Таната уңипақыхкыхка льпысинун. 39 Қаткутыльхым Моисейем Лйлихтүсйтхун кина алңунак итымуньангитә сығлыхқылльханың, иўырға

китум алнунак ухпықыхкумигу Иисус, итымусяхқәгуқ тамаҳаның сығлыққылғығминың. ⁴⁰⁻⁴¹Кияғнық пикағуқ ўкналиқистытхун хўатын:

“Нагатык лыпыси айғуғиталғйни.

Сяқыстык сяғйғаюглюси туқутык,
қаюқляк уңуваңулюси сяльықуңа иўырңа
ухпықнәнғитаҳси талўа китум уңипатығңйси”.

Кылыңалюси, лйбрақ таўатын пинаюкафси».

⁴²Павелылыю, Варнавалыю синагогамың а́нумалюкык аля тагисқыхкахкыт тўңлиҳәни Субботам, ўата уңипикутысқылбютың. ⁴³Анлығәсымың Иудеялғутытлыю, язычнигылғутытлыю манигўткаюгыт Кияғнығмун Иудеястун, малигуткат Павелынкугнун, Варнаванкугнун. Апостолык кайымыхкйк кияқтыкыстйсқылбюки сиғимақлыюку Кияғнығым наңлыхталъха.

⁴⁴Тўңлиҳәни Субботам қамахтывзиғлютың Антиохияғмйт нагасяткат Атанғым уңипамың. ⁴⁵Иудеит ақинакат ысҳағьямыхтыки юлғутыхльагыт ынкәм Павел кипульхинақат, сығлықыхкәтлыю. ⁴⁶Иўырңа Павелылыю, Варнавалыю тытухпынаки Иудеит пикйк: «Кияғнығым уңипа лыпысинун сивукльюни апығьяхқәяхтуқ иўырңа нагасюгумаңитуси. Кияғнығым уңипа ихсякыхкақутыхпысиның, паляқыхкәтыхпысиныңлыю кынлыңилңуғмың уңувалыңылтыхқәхпысиның, хўа язычнигнун уңипақинакукут Кияғнығым уңипамың. ⁴⁷Таўатын пйкут қаюқляк Атанғым қыльқақйлыю хўатын:

“Накмикыхкақамси ниғугулюси язычнигнун,
апхысқылбюку югулилтық нунатаҳанун тамаҳанун”».

⁴⁸Язычнигыт нагақуғлюки тәкут акузитыт қуяқлякат, пикалңйтлыю: «Кияғнығым уңипа пинйпихтуқ». Тамәкут Кияғнығым накмикыхкй кынлыңилңуғмың уңувалыңысқылбюки ухпықикат уңипамың.

⁴⁹Ынкәм тамәни Антиохиями, увитаңанилңуғнилыю нунани Атанғым уңипа миңиткақ. ⁵⁰Иўырңа Иудеит такукйт язычнигыт ағнит манигўткаюгыт Кияғнығмун, иглығутистыңиллыю Антиохиям нәвгўнәлюкык Павелылыю, Варнавалыю. Тамәкын апалыюқлыюку амьюткыхкахкыт тәкук югык, ағуляқыстыкахкытлыю

нунамыхның, ⁵¹ Ынкām апостолык итыгатынь пагуляңқыт кылгунъалюку пыхнилюки кипульхинālғйт Кияғныңым уңипāмың. Тāхкын Икониямун агуляқыхқақ. ⁵² Иўырңа тамāкут ухпықат Антиохиямылңўт қуяңақхлягытлыю, имиғңалғйтлыю Аглыңналғйғның Тағныңағның.

Павелылыю, Варнавалыю Икониямытыльзақ

14 ¹ Икониями Павелылыю, Варнавалыю пйкылтығмыхтун синагогамун агляқак. Таўани хўатыхлыюўақ азузикақ рыпаль Иудеялғутытлыю, язычнигылғутытлыю ухпыхтўткат. ²⁻³ Ынкām Икониямытыльқинақак, тамāни тытухпынатык уңипақикак Атанығмың. Павелылыю, Варнавалыю Атанғым альяҳхлыюхўахтистыхлягāтақакык югнун ипаңутаңа лйгикысқылыюку уңипақыхкāk Атанғым наңлыхталъха. Иўырңа ухпыгьюумаңилңўт Иудеит язычнигнун сығлытун сюмыхтағātкыстыкйт ухпықат. ⁴ Ынкām Иконияғмит малғуқыхккат, иляңи иляткат Иудеянун, иляңи апостолытун.

⁵ Тāхкын иляңита язычнигытлыю, Иудеитлыю малигульютың иглыцутистымыхнун амьїоткысюкахкыт апостолык, мирохпагāтаҳйнақлыю туқусюкахкыт.

⁶ Нагақуғьямык югнун таўатын пинақнилютык, қимакак Ликаониям ныхлягыыхкынун Листрамунлыю, Дервиямунлыю, увитыхкынилңуғнунлыю нынун. ⁷ Ынкām тамāни уңипақыхкйт Пинилғйт Уңипат.

Листрамилыю, Дервиямилыю

⁸ Листрамиңуқ тāўа юк итыгй натылңўт альхынҳахātминың има ынкām пиюгигалңуқ. ⁹ Ақумгағми таўани нагаткā Павел азузилғй. Павелым лйгикыхкā юк ухпылғй Кияғныңмун нāльхулғықнилюни. ¹⁰ Ынкām қйвлюку таўавык игляхтупихлыюни пикā: «Ныкывңўағи итыгахпыгун!» Ага юк ныкыфқахлыюни тамāни пиюкақ. ¹¹ Юлғутыт ысхапаглюку Павелым нāльхутильха арағātаткат Ликаонияғмйстун: «Югулютың кияғныңыт такўйлыю!» ¹² Варнава Зевсыңуникāt ынкām Павел Ермийеңуникāt кияң азузистыңутаңаның.

¹³Священникаңан Зевсымлью, югытлью аққышәгьюкахкыт Павелылью, Варнавалью. Ынкәм священниг тагиткақ тыңикусямыңлью пйтысйағмыңлью Листрам миңльютаңан амихльяганун. (Храм кияғныңльяқамун Зевсымун амихльягым туңаңанилңуқ).

¹⁴Иўырңа апостолык Варнаванкук, Павелынкук лйгиксямыхтыки сянакутаңи аткатынь пйгуқйт. Тәхкын ақфәснақ югнун қуңаңйткак арәмәгмык: ¹⁵«Укуҳси югни, сяңафси таўатын пистык? Хўаңкутуңлью югўкуң льпысистуңўәқ! Уңипақияхтўгукуң Пинилғиның Уңипаның льпысинун, тунальюси сятңунғилңуғның манигуқаҳпысиның қйвысқылъюси уңувалғимун Кияғнығмун. Льңан улимакақй қиляк, нуна, кылъй, сяңўәлью тамаҳән тәкунилңуқ. ¹⁶Сивунғани агани Кияғнығым қамахльюки рамкыт Иудеяңунғилңўт пиюкылъхистун пистыкақй. ¹⁷Иўырңа таўатытыңәта паниның лйсимакыстыкәгуқ уңуванилюни пинитун пильығмикун тамаҳәнун. Ыслъяльюгухтыстақә нунивахсығат нагусқылъюки. Аюмиқулъық каспухльюку пйтыстақй пйсяҳқат пйтфигит кәнбығата нықылгусқылъюси, қуясқылъюсылью». ¹⁸Павелылью, Варнавалью таўатын акузиғңәгта тәўа паниның Листрағмит аққышәғнақуткыхкахкыт. Иўырңа пығным писнығиткак.

¹⁹Тәхкын иляңи Иудеит Антиохиямыңлью, Икониямыңлью кәткат Листрамун. Листрағмйнун нәвгўльюкык угумйтыстыкахкыт. Ынкәм Иудеитлью, Листрағмитлью Павел милюхпағәтағлюку қамуқәт ным кылютаңанун сюмығмыхни туқуманилюку. ²⁰Иўырңа ухпықат такуляғәсятни Павел ныкывлюни аглянқихтыкак нымун. Тәхкын унәмиңани ылькык Варнавалью Дервиямун агляқак.

**Павелылью, Варнавалью Утығнилъхак
Антиохиямун Сириямылңуғмун**

²¹Павелынкук, Варнаванкук уңипақикак Пинилғиның Уңипаның Дервиями ынкәм угляқ малихсәхтыңухтыкақ. Тәхкын Листрамун пинқихтыкак, тәхкын Икониямун, Антиохиямунлью пикак Писидиямылңуғмун.

22 Такӯдақамығни тамāни апыхтуқит ухпықат ухпықильхит ўата икнақухтысқыльюки, кайымыхкйклью ухпыльхит ағулиҥтысқыльюки. Пикйк: «Угльпыстāқ сығлылйльық атуқсяхқапыстāқахпут итыгьяхқāхналюта Атаныҥпагульханун Кияғнығым». 23 Такӯдақамығнилью накмйқак Пресвитерыкаҳқамың иглыгутьысқыльюки ухпықат. Тāхкын юғамāгмык постакак. Тāм киңуңаның Атанығмун ухпықыхкамығнун юғātкыхкйк Пресвитерыт афльыңақысқыльюки.

24 Тāхкын Писидиякун иглыгакак Памфилиямун.

25 Тамāни Пергиями, Памфилиямылнұғми уңипақикак Кияғнығым акузитаңаның. Тāқсямык тысямавык Атталиямун пикак. 26 Тāхкын Антиохиямун аңьяхпахкун ағуляқыхкақ. (Тамāни Антиохиями ухпықат Павелынкук, Варнаванкук ағуляқылъхильюкык юғātкыхкақыхкыхкыт. Апуткақыхкыхкыт Кияғнығмун каюсийтысқыльюкык уңипақильыхкыни. Тāнаңўқ қыпхақақ апығйқāқ.)

27 Кāсямык Антиохиямун ухпықат қырнухтыкйк. Уңипātкйт Кияғнығым апығйльханың льмытығныгун, āпқйтлью Кияғнығмун ухпықильыхқалитыльхй язычнигыт. 28 Тамāни мулўхльякак ухпықани.

Апостолыт Ағильхат Иерусалимыми

15 1 Тāхкын Иудеямың иляңи югыт тагилютың Антиохиямун ухпықанун апыхтуғикат: «Югулилғыннāнгитуси ўйткукун обрезаниякуфси Моисейем Лйлихтўсян қылыльхатун». 2 Иўырңа Павелымлью, Варнавамлью ынңаталь āхтйрāкйт тāкут югыт апыхтўситның. Ынкām ухпықат накмикыхкйт Павелылью, Варнавалыю иляңилью югыт Антиохиямың пикат, Иерусалимытысқыльюки āпсяхтйсқыльюки апостолынилью, Пресвитерытлью қырңағмылнұт налик апыхтўсяқ ыльқугутңатаңа.

3 Каяхсистың Павелым иглыгуткыльюку Финикиякунлью, Самариякунлью ухпықат тамāнлыңūt уңипātкйт язычнигыт Кияғнығмун кйвўсиманилюки, ынкām қамахльютың ухпықат қуятыхльякат. 4 Кāсята Иерусалимымун апостолынилью, Пресвитерытлью, ухпықатлью упуғаткйт. Тāхкын Павелым апыдльятаға

Кияғныңым апығйлъха лъмыхтыхун. ⁵Иляңи ухпықат Фарисеит ныкывлютың пикат: «Тамāкут язычнигыт югулилльыңяхқāнгитут ұйткуқун обрезаниялютыңлью, қаткульютыңлью Моисейем Лйлихтүсямнун».

⁶Тāхкын апостолынилью, Пресвитерытлью қырңудуткат агғиткынъалюкык тākук. ⁷Акузиткынъыхпахлъякāt.

Тāхкын Петырым ныкывлюни пикй: «Ухпықалгутымни, лйсимакаҳси қавңақ Кияғныңым накмикыхкақāңа язычнигнун уңипақисқыльюңа Пинилғйның Уңипаның ухпығысқыльюки. ⁸Кияғныңым лйсимакилғйм югым тамаҳāн сюмыхтағалъханың, тугукльықакй язычнигыт. Кылгуткақā тугукльығилъыни лъңитның тўныльығмикун Аглығналғйк Тағнығак катам таўатын хўаңкунун тўныльығмитун. ⁹Хўаңкутыстуңўāқ киягутақй; хўаңкутыстуңўāқ укмаңиғақй илюңит ухпыңгата.

¹⁰Ынкām сяңаңдам Кияғның сякшāsнақуткыңъустыху қылыльыхпысигун язычнигыт ухпықйт қаткыльюки Лйлихтүсйпут кияхтысқыльюки? Талўа сивунымталъю хўаңкуталъю қаткыпағниңилькыпут тākут Лйлихтүсйят югулилльыңналюта. ¹¹Иўырңа ухпықахпут Кияғныңым югуликақйлью каюсилъхакун Атанғым Иисусым таўатыхпигақ язычнигнун пильығмитун».

¹²Тāхкын таўантульхйт қалъыгнаниғўāгульютың нагатакхкыт Варнавалъю, Павелынкук āпқанит лъмытыгныгун Кияғныңым альяхлъюхўахтилъхи язычнигнун. ¹³Акузинығмың тākсыгта Иаковым пикй: «Ухпықалгутымни, нагатахтыңъа! ¹⁴Симон Петырым уңипātйлью натын Кияғныңым накмикуқыстыльхй язычнигыт лъңанун катам югулюки. Таўатын пильығмикун лйгикыстыкақй лъңитлью пиниқнилюки. ¹⁵Ынкām Кияғныңым сялъха язычнигнун ылькудугутук ўкналиқистыт игақыхкйтнун. Акузитни Игақыхкани Атанық пикагук:

¹⁶“Давидым мыңтығā ўльқāгук иўырңа утығниғлюңа ныкыфнықихлъықақа.

Нāvумаяғңāн нальхусяхлъықақа.

¹⁷Тāхкын қамахлъютың иляңи югыт язычнигның накмикыхкама хўаңамнун катам пиңулюки, лъңита лйсюхлъықāt Атанық.

18 Атангӯқ таўатын акузикақ,

има қавңарухлъяк лъңан лїтыстыкақї тамāкут”».

19 Иаковым нагныгуктї: «Бнкām хўаңа сюмымни язычнигыт қивыхкат Кияғныңмун қаткутыскуғāфқїта Лїлихтүсїмнъун пильтыки. 20 Итупиль посланиятхун нығыснанїльтыки нықмың ахтуткыхкамың кияғныңлъяқанун, қымиткамың тығикусямың, āўмың; иныхтыльтыкилью блуда писқыльюку. 21 Таўатын пияхқāнгитут қаюхлъяк Моисейем Лїлихтүсїян їнгуткақї тамāкут. Има қавңарухлъяхāның Иудеит нагатақїт Лїлихтүсїят атихтүглюки уңипақынғатки Суббота тамаҳāн, нани алңунак синагогани».

Посланият Язычнигыт Ухпықїтнун

22 Тāхкын апостолыт, Пресвитерыт қамахлъютыңлью ухпықат накмїқат югмыхның малигутысяхқамың Павелынкугнун, Варнаванкугнун Антиохиямун пинақылдїгнун. Накмикыхкахкыт Силанкук, Иуданкук āтқылдї Варсавамың. Тāкук югык Иерусалимығмїт ухпықїта сївакыпихтыкахкыт. 23 Лъкыгныкун туюқїт посланият хўатын игақыхкат:

«Хўаңкута апостолынилью, Пресвитерынилью письмомакут язычнигнун ухпықāлгутымнъун Антиохиямылңуғнун, Сириямылңуғнун, Киликиямылңуғнунлью, қуякамси!

24 Нагақўмāкут юмтаңуқ иляңита такулюси сямың пилюси сығлыгьюхтыкақїсилью, кукшагьюхтыкақїсилью. Нақамлью хўаңкута таўатын писқумаңитапут. 25 Бнкām қырңамта аггїльюта накмикахпут Иудамлью, Силамлью малигутысқыльюкык пиниқыхкамнъун ухпықāлгутымнъун Варнаванкугнун, Павелынкугнун лъпысинун пинақылдїгнун.

26 Тāкук Варнаванкук, Павелнкук туқусяғнїстык пикāгуқ апальюқльюку Атаныхпут Иисус Христос. 27 Иуданкук, Силанкук каяхнақахпут āпхўāғысқыльюки тākут атāсит письмот лъпысинун.

28 Аглығналдїмлью Тағнығам, хўаңкуталъю итагнақамси альюльюки Иудеит Лїлихтүсїт

атуқынғысаяғнаҥпысики писқылыюки. Иўырҥа укут Лїлихтўсят лыпысинун атуқысюгапут:
²⁹Нығыхпынаси нықмың ахтуткыхкамың кияғныңлыяқанун, аўмың, тыгикусямың қымиткамың, нуқытутақитыхулыю блуда. Малихтыкуфсики тākут Лїлихтўсят тāўа пинитун пильқыси.

Таўатыңинақ письмомамси».

³⁰Тāхкын тākут югыт ағуляқыхкат Иерусалимымың Антиохиямун. Кāсямың қырңуҳлыюки ухпықат тўныхкїт посланият. ³¹Атихтўглюки посланият ынңаталь қуятыхлыякат қаюхлыяк илютухлыыхїт.
³²Иуданкук, Силанкук, лыпыклью ўкналикыстыңулғїк, ынкām уңипақїғāтахлыякак ухпықанун ухпыльхїт икнақухтысқылыюки. ³³Тамāнтыльқинағлютык ағуляқсюокак. Ынкām ухпықат ағуляқыстыкахкыт хўатын пильюкык: «Ныхыхмыльылгутык иглығалтыхпытығни». Тāхкын утыңниқак каяхтистымыгнун Иерусалимымылңуғнун. ³⁴Иўырҥа Сила тамāнсюокак.
³⁵Тāкук Павелылыю, Варнавалыю Антиохиямытāғакак. Лыпыклью малигульютык угляпихлыыхїнун ухпықанун апыхтуғикаклью, уңипақикаклью уңипāмың Атанғым.

Пылхутутыльхак Павелымлью, Варнавамлью

³⁶Тахталми Павелым пикā Варнава: «Такўғақальтыки уңипақивикыхкапут Атанғым уңипāмың, ысхағьяхтўльтыки натытуляңи ухпықалгутыпут».
³⁷Варнавам кыльқысюкā Иоанн Марка, ³⁸иўырҥа Павелым кыльқысюгумаңилькаңа, қаюхлыяк Памфилиямыльютың Иоанн Маркым униткакык қыпхақахтың тāқыстыхпынāн. ³⁹Павелымлью, Варнавамлью āхтїрāгуткыхлыяглюку пыльығмун ағуляқўткак. Варнавам кыльқылыюку Марка аңьяхпахкун Кипрымун пикақ. ⁴⁰Ынкām Павелым ағуляқфагилгами накмикыхкā Сила кыльқынғалюку. Тāхкын ухпықат юғātкылыюкык нығьюкуткахкыт Атанығмун афлыңақысқылыюкык. ⁴¹Иглыхтыкак Сириякунлью, Киликиякунлью икнақухсїмїта ухпықат ухпыльхїт.

Тимофеем Малихтыкә Павелылью

16 ¹Павел Дервияткақ ынкәм тәхкын нагнықақ Листрамун, тамәни нальякә ухпықақ юк әтқылғи Тимофеемың. Нәналъю ухпықалғи Иудеянқауфтуқ, нақам атаңа Грегуфтуқ. ²Ухпықат қамахльютың Листрамылңүтлю, Икониямылңүтлю акулитқақыхқаңат Тимофей пинйпихнилюку. ³Павелым кылъқысюкә Тимофей каютңулюку ынкәм обрезаниястыкә. Таўатын пистыкә тугукльйсқылтыюку Иудеянун, қаюхльяк тамәнлыңүт Иудеит лйсимақыхқаңат атаңа Грегулғи.

⁴Тәхкын иглығаңулютың ныхльягнун кәнбығмыхни ухпықат қаткутысқақыхқаңит апостолынилю, Пресвитерытлю лйлихтүсяңльяқйтнун Иерусалимыми. ⁵Ынкәм ухпықат ўата ухпықйғатағакат, нулямаңинақатлю ахутаңа тамаҳән.

Павелым Ысхағўәльхә Троадами

⁶Павелынкүт иглыхтыкат акулыхкынкун Фригиямлю, Галатиямлю, қаюхльяк Аглығналғим Тағнығам уңипахтысимаңилькәңи уңипәмың Асиями. ⁷Тудўәглютың Мисиямун нагнығнақыхкәялғит Вифиниямун, иўырңа Иисусым Тағнығахкынка писнығиткй. ⁸Ынкәм Мисия нағуҳльюку тысямавык Троадамун пикат. ⁹Унугми таўани Павелым ысхағўәльхықун ысхақә юк Македониягми тахсиғралғи. Югым манигүтыпихльюни пикә: «Тагилютың Македониямун каюсийтахтикут!» ¹⁰Лыган Павелым ысхағўәльхән киңуңаның ятәхқукүт Македониямун пиналюта, қаюхльяк лйгикыхкыфут Кияғнығым уңипақисюкаңилью Пинилғиның Уңипаның тамәни.

Лидиям Ухпыльхә

¹¹Ынкәм тылянаңамың наңақахтукут Троадамың Самофракиямун. Унәмиңани Неаполисымун пйкут. ¹²Тәхкын қүткун кәтукут ныхльягмун Филиппымун, Македониямылңүгмун Римығмит ныликйтнун. Қафсинат ағнығыт тамәнтукут. ¹³Тамәнсималюта Субботаңуҳсягу миңльютым амихльягакун әнлюта

кйўыгнун пйкут, Иудеит таўани юғатақнаюката. Ағнам иляңи таўантутыфтут ынкәм ақумўльюта алыхқуғапут.

14 Атәсиқ нагалъхй Лидияңуфтуқ, Фиатирағмй, акильпыгақаяук ысныгрукыхтамың қйпағағмың, манигўткаюк Кияғныңмун. Атанғым лйгикыстыңўәқй Павелым акузитаңи Лидиямун ынкәм ухпықыхкй.

15 Қамахльютың ныңльютуткульхйт крестиғямың Лидиям ақылқаңлъяғйлю: «Сюмыхпысини ипапик ухпығумакума Атаныхқун, хўаңқунъитахнаянғыстык?» Ынкәм сягиқусинкут лъңитнитукут.

Павелылью, Силалю Анусимиңлъяғвигми

16 Атәсими ағныңми кйўым ысныңанилңуғмун юғатфигмун аглямалюта, нальяғахпут қыпхақтыльк ағнағақ илюмикун туғныңалык. Тәм туғныңәм ўкналиқуткыстақыхқаңи сяңўәт сяхқат сивутхульюки. Ынкәм пилйтыстыңита акльюңигисиқңуқаңат.

17 Тәм ағнағәм малихсйғйнкут Павелылью хўаңқутун акилдўмағми: «Укут югыт қыпхақтыкй

Аңыльыхпигәм Кияғныңым! Уңипатақйси натын югулилтыңыльыхқамың!» 18 Қафсиныхльяк ағнық таўатын пйқ. Қынўатлью Павелым қинуягульюку

туғныңақ илюңанилңуқ қйвлюку пикә: «Атхакун Иисус Христосым қылғамкын анысқылъютын

лъңаның!» Таўаниңинақ туғныңақ илюңаның аныхқақ.

19 Пилйтыстыңита лйгиксямыхтыху альхыгутуткысяхқәнаниматана ағнағақ, Павелылью,

Силалю ақуқақажыт. Қамухсйғмың агляткахкыт иглығутистынун акильпыгағвигмылңуғнун.


20 Тәхкын иглығутистыт агляльюкык Римығмйт нанқихтистыңитнун пикйт: «Югык укук Иудейеңўк,

сығлылйхқйңўк мәни. 21 Апыхтуғйкук кияхтәльығмың хўаңкута Римығмйни лйлихтўсямта йңгуткйтның.

Тамәкын апальюқльюку апыхтўсйт атуқнәнғитапут». 22 Ынкәм юлғун илятқахтәльюни сюғукажыт

Павелылью, Силалю. Нанқихтистыт қылғуткажыт әткйк қысюгумың матахқудлюки анагулғысқылъюкык.

23 Анагулыхтәныңмың тәқльюкык анусимиңлъяғвигмун канахтыкажыт. Тәхкын анусимиңлъяғвигым умйлғанун



(Деяния 16:24)

маҳқатутңұағысқыхкахкыт. 24 Анусимиңлъяғвигым умйлган таўатын каяхсятни илюкльиҳпигағмун қамавык канақтыкакык. Тәхкын умұхлъягмың унаҳсымың тукуғусиғлюкык, маҳқаткйт тәкут тукуғутыт қапшагьяҳқәхпынакык.

25 Нани тамәни унугым қукәни Павелылью, Силамлью юғәмәгмык илягақак усюқилығмың Кияғныңмун, анусимиңлъяғат таўанлыңұт нагаткахкыт. 26 Нұскахлъяган нуна туйыпыхтақак, рыпаль анусимиңлъяғвик тунымахтұмән ағуляткә. Таўаниңинақ амигыт қыльпығахтәткат, анусимиңлъяғаныңлью қйпшағутыт илыфқағахтәткат. 27 Анусимиңлъяғвигым умйлга тахтуғьялғйми, амигыт қыльпатутыфтут. Сюмығмини анусимиңлъяғат қимагүсиманилюки сьвихпани нусюглюку льминың туқуньақыхқак.

28 Иўырҗа Павелым игляхтупихльюни пикā:
«Туқунҗақыхпынаң лыпынун қаюхльяк қамахльюта
хўантутукут!»

29 Анусимиңльягвигым умйлга кынығмың туңсиғлюни
йтқахтыкақ. Алиңрўғым уңылыхсимағми Павелымлью,
Силамлью манухкынкун сыгысқухтыкақ. 30 Тāхкын
āнутуткыльюкык āптыкакык: «Югығни укухтык, натын
сялюңа югулилльыңнаяхсиңа?»

31 Пикāк: «Ухпықигу Атанық Иисус ынкām
югулилльыңыльықутын, ныңльюгутытынлью
югулилльыңыльықут». 32 Тāхкын Павелымлью, Силамлью
уңипақыхкāt Атанық льқанунлью, ныңльюгутақанунлью.
33 Таўани унугми анусимиңльягвигым умйлган
уғвухтықй тākук югык анагулыльықыхкынка кйңит.
Тāхкын ныңльюгуткулхйт крестиғъяңинāмағмың
пикат. 34 Павелылью, Силалью льмыхнун агляльюкык
нығыстыкахкыт. Ныңльюгуткулхйт қуятыхльякат
қаюхльяк ухпықыхкаңат Кияғнық.

35 Ахсягу Римығмит нанқихтистыңита кывғақыхкйт
умйлўатың уңипāсяхтйскыльюку анусимиңльягвигым
умйлга хўатын: «Павелылью, Силалью āныстыкык».

36 Ынкām анусимиңльягвигым умйлган Павел пикā:
«Нанқихтистыт каягутйси āнысльямтығңуқ ынкām
āнылдāтык, агулякитык ныкыхмыльютык».

37 Иўырҗа Павелым умйлўағыт пикй:
«Римығмиңуғнāмтуң юхтуқами анагулыхтāкақйнкун,
талўа ипапихқуткыхпынāн сямың анахусиматфут. Тāхкын
анусимиңльягйнкун. Ынрағнам хўā мāтын аксяқльюку
āныснақинкўт? Йығлыгилью! Льмыхның нанқихтистыт
тагилютың āныслйнкут».

38 Павелым таўатын пийястың умйлўағыт
уңипāсяхтуқйт нанқихтистыт. Ынкām нанқихтистыт
алиңыхкат Павелымын, Силамын нагақуғлюкык
Римығмиңуткык. 39 Тāхкын такулюкык
қивғукльюкык āныстыкахкыт анусимиңльягвигмың,
агуляқысқыкахкытлью. 40 Ынкām Павелылью, Силалью
анусимиңльягвигмың āньямык, Лидиянкунун
пикак. Таўани лйлихфикльюки ухпықат кайымлюки
агуляқыхкақ.

Павелынкут Фессалоникальхїт

17 ¹Павелынкут иглыхтыкат Амфиполкунлюю, Аполлониякунлюю Фессалоникамун катылыгмыхнун кынляңа. Тамāни Иудеит синагогалгыт. ²Павел пїкылыгмитун синагогамун пикақ. Пиңаюни Субботани Павелым лїгикыснақуткыхкї югыт Христосымың Акузитытхун Игақыхкатхун. ³Ўкналиқылығтыхун лїгикыснақуткыхкā ипа Христос туқуяққапыстағунилюкулюю, уңувағьяққапыстағунилюкулюю туқулығмың. Пикї: «Уна Иисус āпқыхка лыпысинун Христосыңўқ». ⁴Иляңи Иудеит ухпығлютың иляткат Павелынкугнун, Силанкугнун. Тамāкутлюю Грекығмит манигўткаюгыт Кияғнығмун, ағналғутытлюю пиңўағыт ухпыхтўткат.

⁵Тāхкын ухпықāнғилнўт Иудеит ақинаклююкык Павелылюю, Силалюю тысқагантақылдїның сяңигалнұғның юғның қырнұхтилютың сығлылїхкїхльякат. Қынўат қамахтыңўағлюки Фессалоникағмит қапшақыхкїт. Тāхкын кытанқуснақ Иасоныкунун ағляғлютың йтқахтātкат Павелылюю, Силалюю āнунъалюкык юлғутнун. ⁶Иўырңа нāлькынғисямыхтыкык, Иасонлюю, иляңиллюю ухпықат қамухсїқїт Фессалоникам иглығутистыңитнун. Акилдўкат: «Павелылюю, Силалюю навык алңунак пинығмығни сығлылїхкїгақук, хўā мāнилюю таўатын пїқук. ⁷Кесарым лїлихтўсї кипулығмун пїқик хўатын пильығмығныгун: “Иисус умїлыхпигāгуқ, Кесарь умїлгунгитук”. Иасоным лмыхнитыстақак Павелылюю, Силалюю». ⁸Таўатын пията югытлюю, иглығутистыңиллюю Фессалоникам сякшāхльякат. ⁹Тāхкын иглығутистыт пикїт Иасонлюю: «Қылғутахпут Павелылюю, Силалюю лыпысинун ағуляқыстысқыллююкык Фессалоникамың, иўырңа сивуклююси манилитикут. Ағуляқыхкайык манизи вығулықахпут». Тāхкын ағляхтыстыкїт.

Павелылюю, Силалюю Верияльхїк

¹⁰Мамлыхтағыснағьягу ухпықат Павелылюю, Силалюю ағуляқыстыкахкыт Вериямун. Кāсямык

синагогамун пикак. ¹¹Тамāкут Иудеяңит нагасюкыстағлюкык аюқыхкыхкыт Павелылью, Силалю Фессалоникамылңуғның. Ахутаңа тамаҳан Иудеит лъңитның лйньақыхкйт Акузитыт Игақыхкат, лйгикналюки Павелымлью, Силамлью апыхтуғильхик ипанутаңи. ¹²Ынкām угляпихльыхйит ухпыхтўткат, угляпихльыхйитлью пиңўағыт Грегытлью, ағнитлью, югытлью ухпыхтўткат. ¹³Иўырңа Иудеит Фессалоникамылңўт нагақуғьямыхтыху Павел уңипақинилюку акузитаңаның Кияғныңым Вериями, Верияткат. Кальютың қапшаққикат юғның сығлылйхқикат тамāни. ¹⁴Ынкām ухпықат Павел ысынымун атхатқақтыстыкāt иўырңа Силанкук, Тимофейенкук Вериямыткак. ¹⁵Югыт иглыгутилгйит Павелымың малигуткат Афинымун кынляңа. Утығниғнақната Вериямун Павелым липыхсяқакык Силанкук, Тимофейенкук такусқылыюни пияхқәхтағыснақайык.

Павел Уңипақилгй Афиними

¹⁶Афиними Павел утақйткыльюку Силанкуғның, Тимофейенкуғның ювгйғьялгйми тамāни сығлығьюхляяк, қаюхляяк кияғныңльяқахтупихтыфтуқ. ¹⁷Ынкām Павелым синагогами Иудеитлью, язычнигытлью манигўткаюгыт Кияғныңмун лйгикыснақуткыхкй Иисус, Христосыңунилюку. Акильпыгағвигмилью ахутаңа тамаҳан килью алңунак таўаньығата āпхақыхкаңа Христос. ¹⁸Иляңита апыхтуғистыңита Эпикурейскийетлью, Стоикытлью такулюку Павел ахтйрāқат. Иляңита илятың āптыкйт: «Уна акузивальюхляяк сямьң пйқа?» Тамāкут иляңита пикāt: «Льяңақа накумйт кияғныңит акузиткақй». Таўатын пикат қаюхляяк Павелым уңипақңукаңа Иисус, уңувальхалью туқульығмың. ¹⁹Тāхкын Павелымун малихтыстыкат аггистынун Ареопагымылңуғнун. Ынкām кāsямьң пикāt: «Тāна нутағак апыхтўсяқакыхкын лйсюўахпут. ²⁰Сяңўā тāна āпқан альйәхльюхўағуқ хўаңқуньи, ынкām лйгиксюўахпут сямьң писйтаңа». ²¹(Сяңўāt нутағат апыхтўсят пинғата Афинығмйтлью, накумйтлью тамāвык лйқат апығьюўақйтлью нагасюгақйтлью.)

22 Ынк̄ам Ареопагми Павелым ныкывлюни пикй̄:

«Афиныг̄м̄ни, лй̄гикамси ын̄д̄аталь маниг̄уткаюгфуси
льпыси югни. 23 Иглыҳсялг̄иңа қагани акулми, ысхағанка
маниг̄угвилг̄утыси, аҳқыфиклью ат̄асиқ игақфикңалг̄и
хұатын: “Нальюкыхкамун Кияг̄ныг̄мун”. Т̄анаңұқ
Кияг̄нық нальюкыңд̄ахпысигу манигуқаҳси апыг̄юкыхка
льпысинун. 24 Т̄ам Кияг̄ныг̄ым улимакақ̄а нуна, сяңұ̄алью
қамахтыңұ̄аг̄люку нунамылңуқ. Атанқ̄а қиляг̄ымлью,
нунамлью ынк̄ам маниг̄үтфиңляқанисигатук. 25 Т̄анаңұқ
Кияг̄нық т̄уникаюк уңувалыг̄ымың, аныг̄ныг̄ымың,
сямыңлью тамаҳаның югнун. Акльюксяққынг̄ит̄а югыт
каюсилх̄ат қаюхльяк сяңұ̄а тамаҳан акльюкиг̄ат̄а.
26 Кияг̄ныг̄ым улимакақ̄а ат̄асиқ й̄ок, ынк̄ам т̄ахкын
ат̄асимың альхық̄аг̄уқ альй̄ахйнақ й̄ок нунамылңуқ
хұани. Й̄ңқырухльяк ят̄аққыхкақй̄лью қакун югыт
альхыг̄ьяққ̄ат̄ани, н̄анилью кияхсяққ̄ат̄ани. 27 Таўатын
пикақй̄ югнун ивй̄сқылъюни л̄й̄орақ н̄алькын̄баюкаңатни.
Нақамлью налих̄йнамн̄ың уяваныг̄итук 28 қаюхльяк:

“Льңакун кияхтыңұ̄кутлью,
қапшаг̄укутлью, альхық̄аг̄укутлью”.

Талұ̄а иляңи игаңляхтыси хұатын пик̄алг̄йт:

“Ипапыст̄ақ авақутақй̄лью”.

29 Кияг̄ныг̄ым авақутақутаңаның

сюмыхтаг̄аткысяққынг̄итах̄пут югыт улим̄аг̄истун
золотамың, серебромың, налиг̄мың уй̄гаг̄мың
аюқльюки. Югыт сюмыхтаг̄альхистун аюқынг̄итук.

30 Сивунг̄ани агани югыт сялин нальюкльюку
Кияг̄нық, аг̄ыюг̄югумаңит̄и аг̄ыюсяққ̄ата. Й̄ўырңа
м̄атын қылг̄уй̄ қамахльюки югыт н̄ансяг̄ңата
авутыққылъюки, сығлыҳқын̄анй̄сқылъюки. 31 Кияг̄ныг̄ым
таўатын қыльқақй̄ қаюхльяк ныкыхтыкақ̄а аг̄нық
нанқихтивигулюку. Накмикыхкамикун юхкун й̄ок
тамаҳан таўатыхльюұ̄ақ нанқихсяққ̄а. Лй̄тысналюку
накмикыхкани й̄ок уңувахтыстыкақ̄а туқульыг̄ымың».

32 Нагальюку Павелым а̄пқаңа й̄ок уңувахтысиманилюку
туқульыг̄ымың, иляңита лыгасй̄г̄ӯаткыхк̄ат, иўырңа
иляңита пик̄ат Павел: «Ұатақ̄ағак нагасю̄ах̄пут алъя
апығнақыхкувгу». 33 Т̄ахкын Павелым униткй̄, 34 иўырңа
иляңита малихсяг̄люку Павел ухпых̄т̄укат. Ат̄асиқ

Дионисийеңуфтуқ, Ареопагыми аггиста, ағнақлыу
 а́тқылдї Дамарымың, кильюльу иляңи ухпыхтўткат.

Павел Коринфьлхї

18 ¹Там киңуңаның Павел Коринфьтқақ
 Афинымың. ²Тамāни нальяқā Иудей а́тха
 Акила, Понтыми альхықақ. Италиямың кāнъыхāфтуқ
 нулихқулхїк Прискилламльу, қаюхльяк Умїлхыпигāм
 Клавдийем ыфльықуқї Иудейт Римымың. Павелым
 лїлихфикльюкык ³ылькыхкынитқақ қаюхльяк қыпхақāк
 лъңан қыпхақāтун аюқылдї. Палатқаңльяльхым акиңа
 киягусиқыхқаңат. ⁴Суббота тамахāн Павел синагогамун
 пилюни уңипағақылдї Иудеянунльу, Грегынкунунльу
 ухпығысқыльюки.

⁵Силамльу, Тимофейемльу кāткак Македониямың,
 тāхкын кынлыкльюку Павел уңипақиңинағлюни лїйқақ.
 Иудеянун āпқā Иисус, Христосыңунилюку. ⁶Иудейт
 кипульхинāгьятнильу, сығлытунльу акузиткысятни,
 āтками пагуляңи уфсюгульюки пикї: «Ифльякуфси
 лъпыси пильқахси, хўаңа пилькынъāнғитақа. Хўакын
 кынлыкльюку язычнигнун уңипақинақуңа». ⁷Ынкāм
 унильюки Иудейт Титий Иустымун лїйқақ, язычнигмун
 манигўткаюгмун Кияғнығмун. Мыңтығā синагогам
 сїяғўанилңуқ. ⁸Синагогам иглыгутистыңа Криспыңуфтуқ.
 Қамахльютың ныңльюгуткульхїт ухпықыхкāt Атанық.
 Коринфьдмїлгутытльу нағальюку Павел ухпыдлютың
 крестқат.

⁹Тāхкын унугми атāсими Павел ысхағўāльыхқун
 Атанғым пикā: «Алиңыхпынаң, йығлыги уңипақикыстā
 йльқаюфқāвык ¹⁰қаюхльяк лъпынитақуңа. Китумун
 алнунак ақнихтыснāнғитамкын, қаюхльяк ныхльягми
 хўани угляпихльыхї юк хўаңа пикақā». ¹¹Ынкāм Павел
 тамāни апыхтуғикақ Кияғнығым акузитаңаның атāсиқ
 аюмиқульық алья ағвинлык танқит иляльюки.

Иудейт Павел Агльсқаңат Нанқихтивигмун

¹²Галлио, Римым умїлгухтыстақаңагу Грециямун,
 Иудейт қырңуғульютың сюғуглюку Павел агльткāt
 нанқихтивигмун. ¹³Кāтульюку пикат: «Ўм юғым

апыхтуғақй югыт Кияғнық манигйсқылъюку альяңулюку Лйлихтүсямның!»

14 Иўынлъю Павел акузинақақуқ, Галлиом Иудейт пикй: «Уна юк тыглыгуқаяқан, юхтақаяқан налиғмың сяңўа алнунақ сығлыпыстәқ пикақсыјағу иляпхапыстәғнаяғамси. 15 Иўырңа уна юк таўатын пимаңитук. Ахтйрағуткыңунғитаси Римым лйлихтүсй, ахтйрағуткыңўаси лыпыси катам Лйлихтүсяси, акузитытлъю, атхытлъю сямың писйтаңи. Тамакын нанқихтияқанғитуңа, лыпысиның пикатыки». 16 Ынкәм ыфлъықуқй анысқылъюки. 17 Тәхкын югыт акуқағлюку синагогам иглығутистыңа Сосфен, қывутйқат нанқихтивигым мануғани иўырңа Галлиом авылғақйнақй.

Павелым Утығнильға Антиохиямун

18 Там киңуңаның Павел паниның ухпықанитқақ қафсинахлъяқ ағнық Коринфыми. Тәхкын аңьяқпахкун ағуляқыхқақ Сириямун кыльқылъюкық Прискилланкук, Акиланкук. Кәсямың Кенхреямун Павел қигуқақ лйгикысқылъюку ақықусяни Кияғнығмун апығйльға. 19 Кәльютың Ефесымун, тамәни Павелым униткакық Прискилламлъю, Акиламлъю синагогалъюни лйгикыснақуткыхкә Иудеянун Иисус, Христосыңунилюку. 20 Лъмыхнитағйсқыхқақсықаңат иўырңа пипағниңитқақ. 21 Ынкәм ағуляқнақңами пикй: «Кияғнығым пиюкыльқыхқағу алья тагильықуңа». Тәхкын Ефесымың аңьяқпахкун ағуляқыхқақ.

22 Кәльюни Кесариямун нағнықақ Иерусалимымун лйлихфикналюки ухпықат, тәхкын Антиохиятқақ.

23 Тамәнтахлъюни ағуляқыхқақ. Иглыгуткыльюку Галатиякунлъю, Фригиякунлъю қамахлъюки ухпықат қайымумйта пикй.

Аполлос Уңипақилғй Ефесымилью, Коринфымилью

24 Павел таўатын анықсималюку Аполлос, Ефесымун кәтқақ. Иудейеңулдй альхықақ Александриями. Ынңәталъ акузилъыхлъяклью, лйтыхлъякақлью Акузитның Игақыхканың. 25 Сялин Александриямыльюку

китум апыхтуқақыхкаңа Атанғым туманың.
 Ынк̄ам сягиқыпихльюни акузиткыңбукаңалю,
 апыхтӯсяқнукаңалю ыльқуғахльюку Иисус,
 апыхтӯсилью. Нақам лйсимакыхкаңа крестиғылтық
 Иоанным апыхтӯтыльхйн̄атун аюқылдй. ²⁶Ефесыми
 Аполлос синагогалъюни тытухпынани уңипақикақ.
 Прискилланкук, Акиланкук нагалъюку ақылқаңлъяқ̄ак
 лйгикыстағағналюку Кияғнығым туманың, ўатақ̄ағақ
 ыльқуғахльюку. ²⁷Аполлос Грециямун пиюгьян, ухпықат
 кайымыхк̄ат ынк̄ам письмомат Грецияғмит ухпықйтнун
 упугатысқылъюку. Т̄акут Грецияғмит ухпықыхкақыхкаңат
 Иисус Кияғнығым каюсилъхакун. Аполлосым
 к̄альюни ынң̄аталь икнақуҳсяқакыхкаңи ухпыльхит
 апыхтуғилтығмикун. ²⁸Юхтуқами ахтйр̄ахльякй
 Иудейт, Акузитыт Игақыхкат ипапиқусиқлъюки Иисус,
 Христосыңунилюку.

Павел Ефесыльхй

19 ¹Аполлос Коринфымыльюку, Павел қўткун
 иглығакақ Ефесымун кынляңа. Там̄ани иляңи
 малихсяхтыт нальяглюки ²аптыкй: «Аглығналдйк
 Тағнығак альыххсимастыкык ухпығақнафси?»

Пик̄ат: «Нак̄а, нальюкңўағхпут Аглығналдйк
 Тағнығак».

³Аплъятақй: «Сямунми крестиғимастык?»

Кймсиқ̄ат: «Иоанным крестиғыльхатун».

⁴Павелым пикй: «Иоанным крестиғильх̄а
 авутыхқылъютың сығлықынъанилдинун аюқуқ.
 Пикақйлью ухпықысқылъюку кйңуминың тагияхқақ,
 т̄ана Иисусыңўқ». ⁵Нагақуғьямыхтыху т̄ана, крестиғикат
 ат̄хакун Атанғым Иисусым. ⁶Павелым с̄яфсяқминики
 Аглығналдйк Тағнығак йтқак лъдитнун. Т̄ахкын акузикат
 алья̄хйн̄астун улюстун, ўкналиқумағмыңлъю пикат.
⁷Ынтақун қуля м̄алцук сйпнықлъюку йк таўантуқ.

⁸Пиңаюни танқини Суббота тамаҳ̄ан Павелым
 тытуқахпынани алыхтуқй югыт синагогами.
 Ахнақуткыхкй, лйгикыснақуткыхкй Атаныхпагульханың
 Кияғнығым. ⁹Иўырңа иляңи пиныхльюлғйт
 ухпыгьонгиткат, ынк̄ам сивуңитни югыт сығлытун

акузиткыхкāt кияхтālық Атанғым апыхтӯсә. Ынкām Павелым униткī кыльқыльюки ухпықат. Тāхкын ахутаңа тамахāн Тиранным апыхтуғивигани, Павелым алыхқуғақықәңи югыт. ¹⁰Таўатын пикақ мālгук аюмиқульхық, ынкām тамахағмың Иудейтлью, Грегытлью Асиямылңūt нагақуқит акузитаңи Атанғым.

Иғнығи Скевам

¹¹Кияғнық альяҳльюхўахтйгāтақак сягйғаналгймың Павелкун. ¹²Талўа иляңита югыт Павелым какыхльюгитйлью, āткйлью лъинығмыхтыки қинуюгнун нālхутақылгйт, туғнығātлью илюңитнилңūt āнақылгйт. ¹³Иляңи Иудейт иглығаңулгйт нунанун, югның āныскўнукаңит туғнығāt. Тāхкын Атанғым Иисусым āтха āныскўсиқнақуткыхқақсяқанат. Пикат: «Қылғамкын āнысқыльютын тāхун атāсикун Иисусыкун Павелым уңипақыкākун». ¹⁴Скевам мāграгвинлык игнығи таўатын пикат. (Тāна Скева Иудейеңулгй первосвященнига.) ¹⁵Иўырңа туғнығām пикй: «Лйсимакақа Иисус, лйсимакақа Павел, льпыси кинкуңустық?»

¹⁶Тāхкын юғым илюмикун туғнығалғым қытхыгвикльюки тāкут югыт қывутйқй, икнақыпихтутминың қамахльюки аваңилькыхкй. Ынкām мыңтығāның āнқахталъютың қимагūtкат амсикағмың, кйтиқульылиғлютың. ¹⁷Қамахльютың Ефесыгмйт, Иудейтлью, Грегытлью алиңрўгуткат тāна нагақуғлюку, ынкām āтха Иисусым ўатақāғак қўлвақāt. ¹⁸Углыпихльыхйт ухпынхақанйт юхтуқами апығрақйт алигнахтālытың. ¹⁹Углыпихльыхйт алигнахтāқаюгуялгйт тагиқўльюки алигнахтāгусит игатың паныхқуқйт юлгутыт ысхāмангитни. Игалгутыт акитулысюғяқмыхтыки 50,000 серебро драхмат акикыфтйт. ²⁰Тамāна апальюқльюку ўатақāғак акузитаңи Атанғым миңиткāt, ынкām углыпихльыхйт ухпықыхкйт.

²¹Қиңуңитның тамāкут Павел қакиқңиқыхқақ Иерусалимымун пиналюни, Македониякунлью, Грециякунлью āглюни. Пикақ: «Иерусалимымитахльюңа тāхкын Римысәхқапыстағўңа». ²²Тāхкын Павелым каютығни Тимофейялью, Ерастылью каяхтыкакық

агляқыстй̄сқылыюкык Македониямун, лъңа
Асиямытағақак.

Сереброңлъяхтыт Сығлылй̄хкильхат Ефесыми

23 Нани там̄ани пилъығми угляпихлъығйт
Ефесығмит ынң̄аталь сығлылй̄гуткыхк̄ат кияхт̄альық
Атанғым апыхт̄усяқыхк̄а. 24 Там̄ана сығлылй̄льық
Димитрийем серебромың улимастым п̄инлик̄а.
Таўатын пикақ қаюхлъяк улималгуткулъхйт
ынң̄аталь маниңлъ̄ясиқнукаңит серебромың
улимағыт храмыңў̄ах̄ат. Там̄акут храмыңў̄ах̄ат
кияғныңлъ̄яқамун Артемидамун маниг̄утфигыстун
аюқылғйт. 25 Димитрийем улималгутнилью, иляңилью
таўатылнуғмың улимакаюгыт қырңухлъюки пикй̄:
«Укухси югни, лй̄симакахси ынң̄аталь маниңлъ̄яғакукут
қыпхақамнъың. 26 Иўырңа ысхапагахсилью,
нагатахсилью Павелым пильха. Пй̄қуқ кияғныңлъ̄яқат
кияғныпигунгинъилюки. Ынк̄ам угляпихлъыхй̄
й̄к альяңуқуғ̄а м̄ани Ефесыми, м̄аницин̄ахпын̄ан
тамаҳ̄анилью Асиями пй̄қуқ. 27 Сығлыхалык
сянғилькумта қыпхақахп̄ут укавахлъықуқ. Лй̄симакахси
қамахлъютың Асияғмитлью, нунатах̄анилң̄утлью
манигуғақ̄ат ағнақ кияғнық Артемида. Сянғилькумта
югыт сюмыхтағ̄аткысягульық̄ат храм мыгнунй̄нъилюку,
Артемидамлью аңыльыхлъяга сятңунанихлъықуқ».

28 Т̄акут югыт нагальюку Димитрий ынң̄аталь
сякш̄ақат, акилг̄̄хлъякатлью: «Аңыхлъяхтуқ Артемидаңа
Ефесым!» 29 Мулюхпынатың қамахлъютың Ефесығмит
кытанқ̄ў̄ағ̄аткат акилг̄̄мағмың нальюкығн̄ағмыхтыки
с̄яқутаңи. Павелым иглығалгуткык Гаийемлью,
Аристархилью Македонияғмик там̄анлыңуқ
увитаңитни. Иляңита югыт т̄акук акуқағлюкык
қамуқльюкык кытарў̄акат қырңугутфихлъяғмун
малихлъюки юлғутыхлъягыт. 30 Павел итыг̄юк̄аялғй̄
юлғун алыхқуғналюку иўырңа ухпықат иглыкыхк̄ат.
31 Талў̄а иляңита Асиям иглығутистыңита
кывғақутк̄ат илякумт̄ахтың Павел ў̄атахлъяк
итыфқ̄ан қырңугутфихлъяғмун писқыльюку. 32 Т̄акут
қырңугутфихлъяғмылң̄ут ў̄анлыги ныпухлъягухтыкат.

Иляңи югыт сямьң акилг̃ұхльягыт, иляңи сямьң альяның акилг̃ұхльягыт. Кияң альюлюютың нальюкыхкаңат сяңамың қырңугутат. ³³Тәхкын юк а̃тқылг̃и Александрымың, Иудейт апыхтуг̃ұа̃глюку сямьң пильықхамың, акузиях̃тисқыхк̃ат сивуңитнун юлгутыхльягыт. Александрым йхыни ныңугутк̃и нагатысқылъюни югнун. ³⁴Иўырңа юлгутыхльягыт л̃игиксямыхтыху Александр Иудейеңутаңа, қырңахльягмың акилг̃ұхльякат: «Аңыхльяхтуқ Артемидаңа Ефесым!» Таўатын акилг̃ұкат кытхўиль м̃лгук афльюк.

³⁵Ат̃асим Ефесым ум̃йлўаған нып̃ихтыстықахсямики юлгутыт пик̃и: «Ефесыг̃м̃ни, тамахахльягми л̃исимака̃ Ефес афльыңакистыка̃ аңылг̃им Артемидам храмыңан, аглыңналг̃имлью уйғагым ифкақам қилягмың. ³⁶Китум алңунак айг̃угикн̃анг̃ит̃илью т̃акугның афльыңакистыңутфут ынк̃ам нып̃ихтык. Сяңў̃а тымңиҳльяк апыг̃иғвагилгафсигу сюмыхтағахтык. ³⁷Т̃акук югык хўавык тагиткақхси талўа сямьң тыглыңгитығңагмык храмыми, акузиткыңгитығңамыклью сямьң сығлығмың кияғныҳпут Артемида. ³⁸Уна нанқихтивигунгитук. Димитрийелью қыпхахтыкульх̃ит сямьң апальюлгукумың нанқихтивигмун агляглит. Таўани нанқихтистынун апыңнакаңит апальютың ынк̃ам ынңаталь авутк̃ирах̃ат. ³⁹Ўата сямьң пияхқалгукуфси сямьң там̃акын қырңугутфихпигагми аг̃иткын̃якыси. ⁴⁰Таўатын п̃имси қаюхльяк Римым ум̃илгита нагақукумыхтыху уна сығлыл̃ильық агнығми хўани, т̃ана апальюкльюку қаткуньыг̃ин̃ильюта л̃илих̃т̃үсямыхнун пинақилью. Сямьң'ңам пильықыстыки қаюхльяк апаль̃итукут сығлыл̃иҳқ̃ильымн̃ун». ⁴¹Т̃ам ум̃йлўағым таўатын пилюки аглях̃т̃үтыстык̃и.

Павел Македониямунлью, Грециямунлью Пилг̃и

20 ¹Т̃ана сығлыл̃ильықхльяк альпаг̃ьян Павелым ақфастык̃и ухпықат. Кайымлюки агуляқыхкақ Македониямун. ²Ынк̃ам Македониякун иглыг̃уткыльюку л̃ялих̃қ̃ұа̃гвикыхк̃и ухпықат, кайымум̃ита пик̃и. Т̃ахкын нагнықак Грециямун, ³там̃антыкақ пиңают

танқит. Ятāхқақуқлью аңьяхпахкун Сириянъалюни, лйгикыхкй Иудеянңуқ ятāхқақыфтут туқунъалюку. Тамāкын апальюқльюку утыхсюкақ Македониякун Иерусалимымун. ⁴Малихтыстыкыфтй Сосипатр, игныға Пиррым, Вериягмй, Аристархылью, Секундылью Фессалоникагмйк, Гаий Дервиягмй, Тихикылью, Трофимылью Асиягмйк, Тимофейлью. ⁵Тāкут ағуляқыкыстағлютың Троадамун, тамāни утақйгүт хўаңкунъың. ⁶Киңуңаның Нықынғахқылъхан Закваскалйманйлңум Нықыкшаңльям, Филиппымың аңьяхпахкун ағулякукут. Талъимат ағнығыт атуғлюки кāтапут иляпут Троадами. Тамāнтукут мағрағвинлык ағнық.

Павелым Киңулик Лялихтыльъха Троадамун

⁷Сивулигми ағнығани неделям Троадагмйт ухпықйтлью, хўаңкуталъю қырңугутукут нығналюта Атанғым Нықынғахқылъханың. Сивукльюни Павел уңипақикақ унугым куқāнун кынляңа, қаюхльяк унāми ағуляқсюгулгй. ⁸Қымтамылңукут кынылдугахтуқами. ⁹Нукальпигақ Евтих, ақумлюни қырғысым ысныңакун нагаткақ. Павел уңипақималюку қынўат Евтих қавағникақ. Қынўатлью умуқилъюни қавағьялгйми ысльятмун ифкақак памакын пиңаянның қымтам. Анлютың тугуяқмыхтыху туқулюни. ¹⁰Иўырңа Павелым укирахкйглюни сыгысқуқфикльюку қыткā. Пикй: «Алиңыхпынаси, хўā уңувāмāқ!» ¹¹Тāхкын маюхтўльютың Павелым нықыкшаңльяк āвуглюку нығыхкат. Алыхқўткат унульқусиқ кынляңа ахтыльыгмун, тāхкын Павел ағуляқыхкақ. ¹²Ухпықат нукальпигақ ағляткāt ныңанун илютульыңыхльяглютың уңувальъха апальюқльльюку.

Павел Троадамың Милитыльъхā

¹³Аңьяхпахкун ағулякукут Ассымун сивуңани Павелым, қаюхльяк қўткун Ассымун пилюни ўытку тамāни ўхнақнилгй аңьяхпагмун. ¹⁴Кāсян Ассымун қāклъюку аңьяхпагмун Митилинатукут. ¹⁵Унāмиңани Митилинамың ағуляқльюта ағулихтукут Хиосым

туңаңакун. Тāхкын унāмиңани кāтукут Самосымун, ынкām аўақағāни кāтукут Милитымун. ¹⁶Павелым нағуҳсюкā Ефес қаюҳлъяк Асиями кимāўионғилңуқ. Пилъықалгукуми Иерусалимымун кāсюпихтыңбулғй аңйнъялюни Пятидесятницамун.

Павелым Алыҳқуқани Ефесым Пресвитерыңи

¹⁷Милитымыльюни Павелым тахсиқлтықй ухпықат пресвитерыңит Ефесымылңут. ¹⁸Кāсията пикй: «Лйсимакаҳси натын кияхтāльға лыпысинильюна Асиямун кāсюхўāльымның има. ¹⁹Қыпхātкақақа Атанық қусывыхтыпихльюна, қунитўмағмалью қайўа Иудеит сығлылйхқыхльяғңātңалью, туқунъақуткығңātңалью. ²⁰Иўырңа лйсимакаҳси нуқытусигатанка сяңўāt каюткаққаси уңипақинымни, апыхтунымси юхтуқамилью, ныхпысинилью. ²¹Қывўльюки қылдақсяганка Иудеитлью, Грегытлью авутықкыльюки сығлықынъаниқата қйвысқылъюки Кияғнығмун, ухпықисқылъюкилью Атанымыңың Исус Христосымың. ²²Хўā мāтын қātкульюна Аглығналғйгнун Тағнығагнун Иерусалимынъақуна, нальюкақā сяҳқакātңа Иерусалимығмит. ²³Иўырңақун тамаҳйтни нунани такукамни Аглығналғйм Тағнығам уңипāтақāна Иерусалимыми сығлылйхльықнилюңалью, анусимиңльяхльықнилюңалью югнун. ²⁴Иўырңа хўаңа катам уңувальға ўāкигатақа апығйқахналюку қыпхақак Атанығм Исусым қылдуткā хўаңамнун. Апхысқыхкақй Пинилғйт Уңипат Кияғнығым пиниқылъханың аюқылғйт. ²⁵Лйсимакақа альямың ысхағнāнғитахпысиңа, лыпыси уңипиқуткамни Атаныҳпагульханың Кияғнығым. ²⁶Тамāкын апальюқльюку ағнығми хўани уңипāнъақамси малгукльильнунāн, налихси ифльякан хўаңа пильқынғитақа, ²⁷қаюҳлъяк нуқытусимаңитақа сяңўā тамаҳāн Кияғнығым лйтысюкā лыпысинун. ²⁸Кияғнығым юги пынйғыстун аюқут, ынкām Аглығналғйм Тағнығам лыпысинун афльыңакысқй катам таўатын пынйғнйхтым афльыңакыльхатун пынйни. Ынкām кылыңаңўāғлюси, Кияғнығымлью юги кылыңакңўāғлюки. Афльыңакитыки қаюҳлъяк Кияғнығым тукфиқакй льми катам āўмикун.

29 Лйсимакақа унискумси апыхтуғистысығуағыт такулъықйси. Катам тауатытут угихсялгйстун амәстун нәфқйнақылгйт пынйғмың, нәфқынбақуткыльықйт ухпықат апыхтуғилъығмыхтыхун. 30 Талұа иляңи ухпықалгугутыси иқлъыңиқсәхқәгут ухпықысқыльюки апыхтуғилъытың, ухпыхтықыхтыкумыхтыки малихсәхтыкналюки. 31 Ынкәм кылыңаңуағлюси пұхтылтыңнаюкафси. Нықамиклъюку пиңают аюмиқульхыт кылыңасяқақамси қамахлъюси тамākын ағныхтүмән, унухтүмән сығлылйхлъяғнәгма, қунитүмагма.

32 Нәңниткынбақақа, ныгьюкутамси Кияғныңмун афльыңақысқыльюси, уңипамунлъю пиниқылъханун қуястысқыльюси. Нагатылтыхпысигун тәна уңипақ ухпылтыси икнақухлъыкутлъю, альхыхлъықақсылъю лпыси пилйсәхқақси Кияғныңмың. Тәна пилйсәхқақ тамākунун пиңұқ афтыкаминун лъңанун катам югулюки. 33 Лпысинитақнама манихпысиныңлъю, атқахпысиныңлъю қилйгумаңитуңа. 34 Лйсимакахпысиңа сяңуа аклъюкыхкақа, илямалтъю хұаңамнилңұт аклъюкыхкйт қыпхәткаюуәнка альхыхналюки. 35 Сяңуа қамахлъюку пикақақа лпысинун успутәсқыльюку, хұаңамтун уғлығйльыхпысигун каюсйтысқыльюки пипағниңилңұт. Нықамиклъюку Атанғым Иисусым хұатын пильха: “Қуянағатағәхтуқ түнйльық альхығутылтығмың”».

36 Павел тауатын акузинығмың тәқсями, сыгысқухлъюни юғалгусиқй. 37 Қамахлъютың қиямағмың Павел қытақлъюку нәғатақат. 38 Қивғукыльыхпыгақыхқаңат қаюхлъяк пикақыхқаңи альямыңлъю ысхағнәнғинъилютың. Тәхкын қаникәт аңьяхпагмун.

Павел Иерусалимыльығй

21 1 Унисямтыки ухпықат аңьяхпагмун ұхлъюта наңақәхтукут Косымун. Унәмиңани Родосымун кәлъюта тәхкын нағныхтукут Патарамун. 2 Тауәни аңьяхпагмың нәлькутукут Финикиянбақылгймың ынкәм ұхлъюта ағулякукут. 3 Ысхағьямтыху қйхқақ Кипр

ұхқаңақун нағныхтукут Сириям ысныңақун Тирымун. Таўани усиңиғат аңьяхпак. ⁴Тамāни ивағлюки ухпықат нāлькысымтыки лъңитнитукут атāсиқ сянтилъық. Аглыңналғиғныкун Тағнығағныкун ухпықат Павел Иерусалимтыснаниқāt. ⁵Ағуляқсяхқāхтыңьамта, ухпықālгутымта нулихқульхйт, авақутақульхйт малихтйлью ыснамун. Таўани сыгысқухқульюта юғātукут. ⁶Тāхкын ұхтукут аңьяхпагмун, қаниғистыпут нымыхнун агляхтūtут.

⁷Ағуляқльюта Тирымың кātукут Птолемаидамун. Тамāни қуяқльюки ухпықālгутыпут атāсиқ ағнық лъңитнитукут. ⁸Унāмиңани Кесариямун кāльюта Филиппынкунитукут евангелистыми. Мāграгвинлықыхқаңат накмикыхкāt каютңулюки. ⁹Стаманың панилык угйғумаңилңуғмың, қамахльютың ўкналиқистыт. ¹⁰Сялин тамāнсималюта ўкналиқиста Агав, Иудеямың кātук. ¹¹Хўаңқуньун тагилюни Павелым тафсиңа йкльюку асихқыльюки итыганилью, йхынилью пйлью: «Аглыңналғиғ Тағнығақ пйк: “Иерусалимими тафсим ўм юмаңа Иудеит асихқысяхқакāt, тāхкын тўнылықāt язычнигнун”».

¹²Хўаңқуталью, иляңиталью югыт нагальюку Агав таўатын пилғи иғлығātкысяғахпут Павел Иерусалимтыфқāн писқыльюку. ¹³Иўырңа Павелым пйнкут: «Сяңафси қиямаҳпыси таўатын пистыңьа? Сығлылйхқахпысиңа! Хўā апығиғўағлюңа аюқуңа асихқысяхқālюңа Иерусалимими, талўа туқуяхқālюңа апальюқльюку Атанық Иисус».

¹⁴Павел сягиқсян йльқаягутахпут ынкāнам пйхпут: «Йықай Атанғым пиюкыльхә апығиғли».

¹⁵Ынкām қафсина ағнық атуғлюку ятāхқылъюта ағуляқукут Иерусалимымун. ¹⁶Иляңита ухпықат Кесарияғмйт малихтйлью, кāсыамта Иерусалимымун аглытйнкут тукухқамнъун Мнасонынкунун Кипрығмймун. Ухпықаксюхўахтыхун малигульюни ухпықыхкā Иисус.

Павел Лялихльыхй Иаковымун

¹⁷Иерусалимими ухпықālгутымта қуяқльюта упугатйлью. ¹⁸Унāмиңани Павел малихльюку

ысхағьяхтуғьяқыфут Иаков, Пресвитерытлью қамахльютың таўантыфгут. ¹⁹Павелым қуякыхкй. Тәхкын уңипәткй тамаҳаның Кияғныңым апығйльханың қыпхалбығмикун язычнигнильюни. ²⁰Нагальюку усуюкыхкәт Кияғның. Тәхкын пикәт Павел: «Ухпықәлгутымни, лйсимакан угляпыстәхльягыт Иудейт ухпықәт Христоса. Ынңәталь қәткусимаңинағьюгакутлью Моисейем Лйлихтүсйәнмнун. ²¹Уңипәтақйнңуқ апыхтуғақатынңуқ қамахльюки Иудейт, язычнигыт нунаңитнилңүт қәткутыфқыта Моисейем Лйлихтүсйәнмнун писқыльюки. Пйқатынльюңуқ игнығит обрезаниянғисяңәта, талўаңуқ атуқьснаниғақан Иудейт кияхтәльхат. ²²Кәсиманилютын нагақупыстәгнақңұатын. Сянақыстаңам? ²³Итагнапихнаяхтуқ писқылъымтыстун пиякувык. Стамат юмта апығйғьяхтуңыстәмйт акықильбыхтың Кияғныңмун. ²⁴Лъпыклью малихльюки Храмымун укмаңиғьяхтә Моисейем Лйлихтүсйән қылыльхатун. Тукфиғнакытынлью тығикусят ахқуткаққаси ынкәм ахқышаҳәси Кияғныңмун. Тәм киңуңаның югыт тәкут тәўа мықыстыңўәғлютың қигуғьяхқәхльықут Лйлихтүсйәт писқылъхистун. Лъпыклью укмаңиқувык қамахльютың Иудейт лйгикыльықәт қәткутңальхын Моисейем Лйлихтүсйәнмнун. Лйгикыльықәтлью нагақуқахтың тамәна тымңиңутаңа. ²⁵Тәкут язычнигыт ухпықит уңипәткақапут посланиятхун қәткысқыльюки укут: “Нығыхпынаси нықмың ахтуткыхкамың кияғныңльяқанун. Нығыхпынаси әўмың. Нығыхпынаси қымиткамың тығикусымың. Нуқытақитыклью блудамың”».

²⁶Ынкәм унәмиңани Павел укмаңиғьяхтуқақ Лйлихтүсйәт писқылъхистун малихльюки стамат югыт укмаңиғьяхтулғйт. Тәхкын Павел Храмымун итығлюни священнигыт пикй: «Неделя атуғлюку стамат югыт укмаңиҳсяльыхтың апығйғнақәт Лйлихтүсйәт писқылъхистун. Тукфиҳльықанка тығикусят ахқуткаққит ынкәм ахқышағутәтақағнакыси тәкут югыт».

Павел Тугуқанат Храмыми

²⁷Йўынлью сянтилъық нәңнақақуқ тәкут югыт укмаңиҳсяльхат, Асиямың пикат Иудейт ысхақәт

Павел Храмымыльюку. Ага акуқағлюку акилгүкат:
 28 «Израилығминни, тағиҳтыққун! Уна юк навык
 алңунак пинығмини сығлықүғақйлю Юдеяни
 хўаңкута, Лйлихтүсяпутлю. Ұатақағақ сығлығатағагук
 тагитақнамики язычнигыт Храмымун Лйлихтүсят
 йңгуткйт. Сякусийқақаллю уна аглығналдй Храм».

29 (Таўатын пикйт сюмығмыхни Павелымун язычник
 итхусиманилюку Храмымун, қаюхляк Иерусалимыми
 ысхақақыхкыхкыт Трофимылю қырғағмыльюкык.
 Трофим язычнигыңулдй Ефесығмй.)

30 Иерусалимығмит угумиюхлякат, кытанқуснақ
 агляхтүткат Храмымун акилдүсимағмың,
 сығлылйхқйхлякат. Храмыми Павел акуқағлюку
 қамуқат ыслыятмун. Таўаниңинақ китум амихлягыт
 ўмкй. 31 Туқунъақуткумалюку Павел Римығмит
 пильюўахтыңита умйлгат уңипаңыхкақ қага
 йңунағми сығлылйхқйхлягунилюку. 32 Таўаниңинақ
 Римығмит пильюўахтыңита умйлгат кыльқыхкақ
 умйлўағныңлю, пильюўахтыныңлю ынкәм ақфәснақ
 агляқат. Юлғутыхлягыт ысхағлюки пильюўахтыт
 қывүтйғнаниқат Павел. 33 Тәхкын пильюўахтыт
 умйлгита тугулюку Павел асиҳқыстыкә малдугнығның
 қйпшағутның. Пильюўахтыт умйлгита әптыкй:
 «Кинаңаўа уна юк? Сямә?» 34 Атәсикун акилдүмың
 кймсийсқмыхтыху рыпаль умйлгым лйгикынциткй
 сямың пикатаңи. Ынкәм пильюўахтыт умйлгита югминун
 аглятысқыхкә Павел пильюўахтыт мыңтыңйтнун.
 35 Тутымқйрағнун кәтульюку пильюўахтыт кыфкәт
 Павел, қаюхляк юлғутыхлягыт сйхльюғухтыхлялдйт.
 36 Юлғутыхлягыт малихлығәткәт акилдүсимағмың:
 «Тукутыху!»

Павел Мысиғалдй

37 Пильюўахтыт итхунъақнатни Павелым
 әптыкә пильюўахтыт умйлгат Грегыстун:
 «Алыхқуқағнаянғисикән?» Кймсиқә: «Аўй Грегыстун
 акузикаюгузйн? 38 Тәнаңунғисйн Египетығмй қавңанхақ
 қырнухтикақ югмың аўйнъалюку Римым кавымыңа,
 килгәнун ағуляқуткй 4,000 югыт атылгыт, Юхтахтыт?»

39 Павелым кїмсиқā: «Иудейенӯна, Киликиягмї, альхықāгуна ныхлъягми Тарсыми. Алыхқуқағнааянғисиңи югыт?» 40 Пильюўахтыт умилгита аңыхқумаксытни, Павел ныкывлюни тутымқїрāхтыхун йхыни ныңугуткї ныпығысқыльюки. Ынкāм қалығнаниңъята алыхқуқї Еврейистун.

22 1 Павелым пикї: «Аңлыгутымнилью, сїванлығнилью нагатахтыңа, лїгикыснақутқахнақамси сякутымның». 2 Иудейт нагасямыхтыху акузилғї лмыгыстун ынңātаль қалығнаниғӯагуткат. 3 Тāхкын пикї: «Иудейенӯна альхықак Тарсыми Киликиямылңугми иўырңа мāни Иерусалимыми аңликāгуна. Гамалиил апыхтуғистыкльюку лїтнӯāқақанка Лїлихтўсят сивунымта апыхтўсяқыхкїт, ынкāм тўныхкāгуна Кияғнығмун қаткыңўāғналюку катам таўатын лыпысистун. 4 Ынңātаль амьюқытātкыхқақанка тамāкут қаткутңалғїт Исусым апыхтўсянун рypаль туқуньякуткыхқақанка. Югытлью, ағнатлью тугустақльюки анусимиңльяхтысқуқақанка. 5 Первосвященнигымлью, ағистытлью ипаңунинāғāt апыльқа лыпысинун. Хўаңамкун посланият туюғїт Иудеялгутымнўн Дамаскымылңугнун, письмоткумақатңа ивағияхтўнилюна ухпықаның. Нāлькыхкумки асихқыльюки тагиньяқңуяғанка Иерусалимымун ағыбўғналюки».

Павелым Апқаңа Аляңухтыльыни

6 «Тāхкын Иерусалимымың Дамаскымун кāсяхтуғақуңалъю ағнығым қукāни қилягмың ниғухльяк кўкхутқахтуқ хўаңамнун. 7 Ульхадльюна нунамун нагақуғақа ма пилғї: “Савля, Савля, сяңама амьюткақсиңа?” 8 Аптақа: “Кинаңузин, Атанық?” Кїмсиғāңа: “Иисусыңӯна Назаретыгмї амьюқытātкыхкын”. 9 Тамāкут иглығалгутма ысхақакāt ниғук иўырңа алыхқухтыма мыңа нагақўманитāt. 10 Ынкāм аптақа: “Атанық, сяляңа?” Атанғым пїңа: “Ныкывлютын агля Дамаскымун. Таўани китум уңипāльықатын Кияғнығым ятāхқыхкāның лыпынун”.

11 Аямалдїңа ниғухлягым аңталяңаның ынкәм иглығалгутма таслюғатңа Дамаскымун.

12 Кәсямта югым Ананияңунїқыхкаңита ысхағьяхтуғаңа. Ынңаталь қаткутңалдї Лйлихтүсямнъун, Дамаскымїт Иудеит пинистахїнатун акузиткақыхкаңат.

13 Такулюңа пїңа: “Аңлыгутымни Савля, ысхасягуньықихтын!” Ынкәм таўаниңинақ ысхәсягульюңа ысхағақа. 14 Пїңа: “Кияғнығым, сивунымта манигуқїта, накмикәтын лыпынун лїгикысқылъюку пиюкылъыни, ысхїсқылъюку Сығлыхқумаңилңуқ Қыпхақтыни, нагатысқылъюку алыхқуқаңатын. 15 Ынкәм уңипахтыкылъықатын тамаңанун ысхәтылтыхпыныңлю, нагатылтыхпыныңлю. 16 Сямың утақїғақсин? Сяқсин крестиғыстын, сығлыхқылтыхтын угвухтыстики туқлюғилтыхпыгун Атхакун Атанғым”».

**Атанғым Каяхтыкаңа Павел
Уңипїсқылъюку Язычнигнун**

17 «Тәхкын Иерусалимымун тагинқихльюңа, Храмыми юғамалюңа ысхағуғалтыхқун 18 ысхағақа Атанық. Пїңа: “Ағуляқшахкїғи Иерусалимымың қаюхляк мәни тугукльиғнәнғитәт уңипан хуаңамның аюқылдї”. 19 Кїмсиғақа: “Атанық, Иерусалимығмїт лїсимақнұағәт синагоганъун пїқльюңа тугуляқақанка ухпылдїт лыпынун, анагулыхтыстақанкалью, анусимиңльяхтыстақанкалью. 20 Уңипахтын Стефан туқутақңатху лыган итагнақыхкақақа, тәкут туқутистыңита қасльїт әткїт афльыңақыхкақанка”. 21 Атанғым пїңа: “Ағуляқи, каяхнақнұамкын агавык уяванун язычнигнун”».

22 Тамәкут юлдутыт нагаткәт Павел кынляңа язычнигнун пинақнильханун. Тәхкын акилдгүхлякат: «Туқутыху! Уңуваңуяхқанғитуқ!» 23 Сякшитутыхлягым аңталяңаның акилдгүткылъюку қасльїт әткатың ныңугульюки ағуляткїт, сюнамыңлю құлмун милюғмикат. 24 Пильюуахтыт умїлгита ысхапаглюки пильюуахтыминун итхутысқыхкә Павел пильюуахтыт мыңтығїтнун. Каягуткәлью кахсягмигысқылъюку әпхысқылъюку сяңан юлдутыхлягнун акилдгүткутаңа.

25 Иўырҗа асиҳқысятни Павелым аптыкә умйлўақ:
«Римым лїлихтўситни итагнағьяхқәўә кахсягмикуфсигу
Римығмї, талўа нанқихтыхпынән сямың анахусиматаңа?»

26 Павелым таўатын пиятни умйлўағым умїлхтың
такулюку пикә: «Сянақсин? Уна юк Римығмїңўқ!»

27 Тәхкын умїлғым такулюку Павел аптыкә: «Ипа
Римығмїңузїн?» Кїмсиқә: «Аа».

28 Пильюўахтыт умїлгита пикә: «Хўаңа
лывивкутыхлъяглюңа Римығмїңухтыкәгуңа». Павелым
пикә: «Хўаңа Римығмїңулюңа альхықәгуңа».

29 Тәкут апкуғәхтыкаҳқақсяқәни таўаниңинақ
иқильяғәткат лъңаның. Пильюўахтыт умїлгита
лїгиксямигу Павел Римығмїңутаңа алиңыхкақ қаюхлъяк
асиҳқыстыкақыхкаңа.

Павел Агльскаңат Иудеит Аггистыңитнун

30 Пильюўахтыт умїлгита лїгикысюкә Иудеянун
сямың апальюқутаңа Павел. Ынкәм унәмиңани
қйпшагүтңиқтыстыкә. Тәхкын первосвященнигытлю,
аггистытлю қырңуғутысльюки агльткә Павел лъңитнун.

23 1 Павелым қйвлюки аггистыт пикй:
«Иудейелгутымни, ағныңмун хўавык кынляңа
сығлыгьугутаңитуңа кияхтылбымни Кияғныңмун». 2 Ага
Первосвященнигым Ананиям ныкывғалғїнун Павелым
туңаңани қылдүткә Павел қасяхтысқыльюку қанғақун.
3 Тәхкын Павелым пикә: «Ипапыстәқ Кияғныңым
ағьюхлъяқәтын, уюқ пинїюгның! Лїлихтўсятхун
нанқихсяҳқақхпыңа иўырҗа лъпык нәфқатын
Лїлихтўсят қасяхтыстылхыпгун».

4 Павелым сьғўанилңүт ныкывғалғїт пикәт: «Сығлытун
алыхқуған Кияғныңым первосвященнигаңа».

5 Павелым пикй: «Иудейелгутымни, лїсимаксяқумкун
первосвященнигуңутаңа таўатын пинаяңгитақа,
қаюхлъяк лїсимаксяғақа Акузитни Игақыхкани
хўатын пильык: “Иглыутилдїт юхпысиның сығлытун
акузиткысяҳқақынғитаси”».

6 Павелым лїгикльюки иляңи Саддукеиңутаңи, иляңи
Фарисеиңутаңи игляхтулюни пикй: «Иудейелгутымни,
Фарисейеңўа, сивунгынкалью Фарисеиңүт. Хўә

нанқиһнақахпысиңа қаюхльяк ухпықыхкынка тукукат уңувахсяхқатаңи».

7 Павел таўатын пиян Фарисеитлью, Саддукеитлью ахтирәгуткат ага малғуҳқыңынәмағмың пикат.

8 (Таўатын пикат қаюхльяк Фарисеит ухпықнукаңит тукукат уңувағьяхқәнилюки, якулыхтунилюку, тағнығахтунилюкулью, нақам Саддукеит ухпықигалькаңит тамәкут). 9 Қынұат ахтирәгульхит игляхтухтыкат. Иляңита Фарисеит апыхтуғикаюгыт Лйлихтүсяның мысиғәткәт Павел хұатын: «Сямың сығлығмың нәлькыфикнығмың ахтуғахпут, ипа ынтақун тағнығам налиғмың якулғым алыхқұмә».

10 Уанлығы ахтирәгутыхльягыята рыпаль Павел ўаяльюку лййғятху, пильюўахтыт умйлгита якуғьягульюку ақниҳнаюкатху пильюўахтыминун ақфасльюку аўитутысқыхкә агғистының. Ынкәм аглятысқыхкә пильюўахтыт мыңтығйтнун.

11 Таўани унугми Атанғым алиғвикльюку Павел пикә: «Илютулютын, катам таўатын Иерусалимыми уңипақылбыхпытун, Римымилью уңипақылбықахпыңа».

Иудеит Туқуньякутқыхкаңат Павел

12-13 Унәмиңани югыт мәлцугығның углялғит Иудеит аггильютың туқуньяқыхкәт Павел. Льмыхның акыкуткат ныңнәнғиньилютыңлью, мыңнәнғиньилютыңлью кынляңа туқутыльығмыхнун. 14 Ынкәм первосвященнигынунлью, сиванльыңнунлью агляллютың пикит: «Ипапыстәқ акықйкут ныңнәнғиньилюта кынляңа туқутыльымнұн Павел.

15 Лпысыллью, агғистытлью аптыху пильюўахтыт умйлгат тагиньықихтысқыльюку Павел апқуғәғәғнақнилюку. Ынкәм тумыми тәкўани хұаңкута тукулбықахпут».

16 Иўырңа Павелым уйғуңан нагақуғлюки аггильхит уңипәсяхтуқә Павел пильюўахтыт мыңтығйтнун.

17 Уңипәсятни Павелым туқльюғлюку умйлўақ пикә: «Ўм нукальпигәм уңипәсюәқә пильюўахтыт умйлгат сямың, аглятахтигу». 18 Умйлўағым тугулюку, агляльюку пильюўахтыт умйлгат пикә: «Анусимиңльяғам Павелым тагитысқә лпынун уна нукальпигақ, сямыңуқ уңипәсюәтын».

19 Умїлгым тасльюқльюку иқитульюку льціна̄хсямык а̄птык̄а: «Сямың уңип̄асюхсиңа?»

20 Кїмсиқ̄а: «Иудеит аг̄гисим̄ат а̄пналютың Павел агл̄ятахтысқылъюку аг̄гивигмун ун̄ами, а̄пқуғұағатағағнақнилюку. 21 Ухпықыхпынаки, қаюхльяк югык м̄алдугыгның угляхтут югыт ӣглютың тумыми утақ̄инақнилд̄ит туқунъалюку. Акықим̄ат нығн̄ангин̄илютыңлью, мығн̄ангин̄илютыңлью кынляңа туқутыльығмыхнун Павел. Апығ̄глютың утақ̄игақут натын пильыхққахпының».

22 Умїлгым иныхтыңъұақ̄а нукальпигақ: «Кина алңунақ уңип̄атыхпын̄ан уңип̄асяхт̄уманилюңа». Т̄ахкын а̄ныстык̄а.

Павел Агльскаңат Правительмун Феликсымун

23 Т̄ахкын пильюўахтыт умїлгита тахсиқльиғлюкык умїлўағык пики: «Уңип̄асяхтухтыки юк қуля пильюўахтыт, юк пиңают қуля сианықльюк к̄унитистыт, юк қуля панастыт иглыҳсяқльых̄ин̄ахльинңуқ Кесариямун, иғивгақун стаманың ин̄люлымикыльығми. 24 Павелылью к̄унимың ят̄ахқунъакыси иглығусихқамың, ўатахльяк пинитун к̄атунъакыси Правительмун Феликсымун». 25 Т̄ахкын правительмун письмоткыхк̄а Павел:

26 «Укут посланият Клавдий Лисийемың пиңұт Аңылғымнун Правительмун Феликсымун, қуякамкын.

27 Иудеит туғукақ̄ат Павел, туқунъақаксяхпыт̄атлью иўырңа л̄игикльюку Римығм̄иңутаңа пильюўахтыкульх̄ини ақф̄ахпут ақниҳнаюкатху.

28 Л̄игиксюглюку Иудеянун сямың апальюкутаңа аг̄гистыңитнун агл̄ятақа. 29 Иўырңа л̄игиксяқыхка сямың апальтыфтук туқусяхқ̄алюни, талўа анусимиңльығьяхқ̄алюни. Т̄аўаңинақ Иудеит қ̄атк̄уныңин̄илюку Л̄илихт̄үсямыхнун п̄иқыфт̄ат».

30 Уңип̄асятңа Иудеянңуқ туқунъақак̄ат Павел, таўаниңинақ лыпынун агл̄ятыстақа. Такутлью авуткыстыңи каяхтанка лыпынун апығ̄яхт̄исқылъюку апальят.

³¹ Ынкām унугми таўани пильюўахтыт каяхтыльыҕмыгыстун агуляқуткāt Павел кынляңа Антипатридамун. ³² Унāмиңани иляңи утыҕниқат пильюўахтыт мыңтығитнун, тākут кўнитистыт нагнығуткāt Павел Кесариямун. ³³ Кāльютың Павел ағляткāt правительмун, письмотлью тўныхкйт. ³⁴ Правительм посланият атихтуғлюки āптыкā Павел: «Налиғнығаның Римым пиңузин?» Павелым кймсиқā: «Киликиямың». ³⁵ Правительм пилятақā: «Авуткистытын кāската нанқихлыықамкын». Тāхкын кылыңакистынун каягуткā кылыңақысыльюку Преториями мыңтығами Иродым улимастыкāни.

Иудеит Анахуньикаңат Павел

24 ¹Тальимат ағнығыт атуғлюки Первосвященнигым Анания, иляңилью сйванлығыт, акузистыкаққātлью Тертулл, кātкат Кесариямун. Нанқихтивигми Правительмун Феликсмун āпқйт Павелым сығлытун пильхи. ²Туқльюғьятни Тертулл пикақ: «Аңылтымни Правитель Феликсми, льпык апальюқльютын ныкыхмыльылгўкут нунамньи қавңарухляхāның. Тамāкутлью кияхтыльымньи альяңухқуқахтын пинихтут. ³Сяльыхпынун тамаҳāнун игамсиқаюхлягўкут. ⁴Кимāйсинаюкамкын такыстāхāлюку акузинақуңа, игамсиқаюгвикамкын наганьяқыхкыфкут. ⁵Уна юк Павел сығлылйхкыстыңўк. Сығлылйхқакй қамахльюки Иудеит нāнсяғңāта. Мағьяхқухтыкāt Иисусым Назаретыгмйм малихсйхтыңита. ⁶Талўа сякусийқнақыхкақсяғā Храм, иўырңа тугукақахпут. ⁷*Нанқихнақыхкақсяғахпут лйлхытўсямта пильхатун, тāўаңинақ пильюўахтыт умйлгита Лисийем тагилюни пильюўахтыминун ўаяхтыстыкақā хўаңкуньың. Тāхкын қылғй авуткистыңи льпынун тагисқыльюки.* ⁸Правитель Феликсми, āпқуғāкувгу лйгикылбықатын анахуньилыпут ипаңутаңи». ⁹Иудеит илятқахтыкат Тертуллмун, акузильхи қамахльюки ипаңуникйт.

Павел Мысиғалғи

10 Тәхкын правителем Павел акузисқыхкә. Ынкәм Павел пикақ: «Правитель Феликсми, қуяңа мысиғағнақылғиңа лыпынун, қаюқлъяк лисимакамкын қавңарухляхәның нанқихтистыңұтын хұаңкуньун Иудеянун. 11 Лыпыни лигиксюгнахтуқ ипаңутаңа акугәрухляк Иерусалимтыльқа манигүнәлюңа Кияғнығмун. 12 Анахунъистыма лисимака́тңа ахтирәғумаңитақа кина алңунак, қапшаққимаңитуңалью юғның Храмыми, синагоганилью, талұа нани алңунак Иерусалимыми. 13 Ынкәнам таўатын пимаңиньығңағма ипапиқхынәнгитәт. 14 Иўырңа апыңнақақа уна лыпысинун, манигуғақақа Кияғнығат сивунымта малихлюку Тумаңа Исусым. Укут югыт пикаңат тымңиңунилюку. Иўырңа хұаңалью лъңистун ухпықанка Моисейем Лилихтүсй, ўкналиқистытлью игақыхкйт. 15 Анахунъистымтунлюю ухпықақа Кияғнығым уңувахтысяхқақи қамахтыңўәғлюки туқукат пиниғьяғңата, сығлығуяғңата. 16 Ынкәнам қўнпың кияхнақуткақуңа сығлығьюгуткахқильюңа Кияғнығмунлюю, югнунлюю.

17 Қафсиныгьяк аюмиқулъық атуғлюку қантағакунхақ утығнихтуңа Иерусалимымун манилинәлюки аклююмалғит Иудеялгутынка, ахқышәғналюңалью Кияғнығмун. 18 Пылюңихсяныңмың апығиғлюңа Храмыми ахқышәғумалюңа, иляңита Иудеит Асиямың пикат ысхағәтңа. Увитка пәхкитуклью, сығлылиғитуклью. 19 Такут Иудеит сяңамың тагинғитат? Сямың анахусимакума лъңиңуяхтут әпхистыкахқанка сығлытун пильымның иўырңа авйтут. 20 Йықай укут хұәнлыңұт нагаткақәтңа мысиғағакнама Иудеит аггивигитни, апығлитху анахутыльығмың нәлькыфикумакумыхтыңба. 21 Ынтақун лъңитни сығлығұқ хұатын пйқңамки: “Нанқихтахпысиңа қаюқлъяк ухпықыхкынка туқукат уңувағьяхқәнилюки”».

22 Иўырңа Феликсым, лисимақнўәғлюку кияхтәлъяқ Исусым апыхтүсй, ўинтакуситкә нанқихтыхпынән Павел. Пикақ: «Пильюўахтыт умилғат Лисий кәскан

аггиткылтықақа Павел». ²³Тәхкын умйлұағмун каягуткә Павел кылыңакысқылтыюу, нақам анусимиңлъяхтыснаникә. Иҳсякыснаникйлтыю илякумтәгита сямың тагинтығатху аклыюкыхкәның.

Феликсымлыю, Друзиллагымлыю Нагатқаңат Павел

²⁴Қафсинат ағнығыт атуғлюки Феликсым Иудеяғми нулини, Друзилла, кылтықылтыюу тагикақ. Тахсиқлтығлюку Павел, нагаткәк уңипалғи ухпықилтығмың Иисус Христосыкун. ²⁵Павелым акузиткысяки укут: пинитун кияхтәлтық, нуқынтыхтултық, Кияғнығымлыю нанқихтилтыхқә тамаҳәнун. Правитель Феликсым алиңлюни пикә: «Анылғатынңам, алты ақфаслтықамкын пилтыхқаңыхкума». ²⁶Таўани пилтығми Феликс нығыюнуялғи Павелымун манилилтықнилюни пыхтыкумигу. Тамәкын апалтыюқлтыюу тахсиқлтығакыхкәна мулютыхпынән алыхқұнъялютык.

²⁷Тәхкын мәлдук аюмикультық атуғлюкык, Порций Феста правительыңухтыкақ. Иўырңа Феликсым ыфқухсюглюки Иудеит Павел униткә паниның қйпшағусиңалюку.

Павел Нанқихтысюлғи Римым Умйлыхпигәнун

25 ¹Феста кәсями Кесариямун иглығутиналюни, пиңают ағнығыт атуғлюки ағуляқыхкәк Иерусалимымун. ²Таўани первосвященнигытлыю, иглығутистыңиталтыю Иудеит уңипикаткәт, Павел сығлылйхқйхлтыкәнилюку Иудеяның. ³Сягиқуткәт Фестымун, Павел тагитысқылтыюу Иерусалимымун қаюхлтық аксяқлтыюу туқусюкәт тумәңани. ⁴Иўырңа Фестым пикй: «Павел кылыңақақәхпут Кесариями. Қантағакун утыңнигыяхқәгуңа, ⁵иглығутистыхпыси малихнақаңатңа. Ынңәталты таўани сямың анахусимакан апыңнақаңат».

⁶Феста Иерусалимымытағакәк пиңаюның иңлюлык налиғмың қуля ағнық, тәхкын Кесарияткәк. Унәмиңани нанқихтивигым ақумутахкынкун ақумлюни ақфастыкә Павел. ⁷Тагисятху, Иерусалимығмит Иудеит қаңлтыюқахлтыюу анахутәтахлтыгуманикәт иўырңа

ипапиҳқыпагниңиткйт анахутыльхди. ⁸Павел мысиғақақ: «Қәткиганғығитанка Иудеит Лйлихтүсйт, сығлытун пиңигатуңа Храмыми, сығлытун пимаңитақа Римым Умйлыхпигә».

⁹Фестым ыфқуҳсюглоуки Иудеит әптыкә Павел: «Иерусалимыми хұаңамнун нанқихтысюхсйн?»

¹⁰Павелым кймсиқә: «Накә! Хұә Умйлыхпигәм нанқихтивигани ныкывғәңа ынкәм тамакын апальюқлыюку хұани нанқихсяққәгуңа. Лйсимакңұәған Иудеянун анахутыльхитуңа. ¹¹Анахусимакума Римым лйлихтүсйән пильхани рыпаль туқусяққәлюңа, анагнақнәнғитақа туқулъық. Иўырңа Иудеит анахунъильхат тымңиңукан, китум алңунак Иудеянун сястыкаңаңа, тәна юк қәткунъәнцитутқ Римым Лйлихтүсйәнмнун. Римым Умйлыхпигәнун нанқихтысюхтуңа».

¹²Фестым аггилгуткульхйт аггинъығмың тәқсямың Павелым пиюкыльханың, Павел пикә: «Нанқихтысюгулҕйтын Умйлыхпигағмун, Умйлыхпигағмун агляхлығықутын».

Фестым Әпқаңа Павел Умйлыгмун Агриппамун

¹³Тәм киңуңйхәның Умйлык Агриппа кәтқак Кесариямун кылькыльюку наяни Вереника, қуякналюку Правитель Феста. ¹⁴Тамәнсималюкык Фестым уңипамсюгуткә Агриппа Павелымың. Пикә: «Правительнухсялҕйңа Феликсым юк анусимиңляғвигмытыстақыфтә мәни.

¹⁵Иерусалимымыльюңа первосвященнигытлью, иглығутистыңиталъю Иудеит уңипәтәтңа Павелым анахутыльханың. Тәхкын әптәтңа хұаңамнун туқутыстысқыльюку, ¹⁶иўырңа кймсиқақанка: “Хұаңкута Римығмйни килью алңунак нанқихтыхпынаки туқусигатапут. Лйлихтүсйәпут хұатын пикәгут: ‘Сығлытун пиникәт, сивукльюни апыхтысяққәгуқ ипа пиматаңа анахунъистыт нагатыстыкльюки’. Тәхкын лйгикыльықәхпут сяльыққәхпут”. ¹⁷Ынкәм Павелым анахунъистыңи тагиляғсята ага унәмиңани ақумыхкәгуңа нанқихтивихкун, тагитыстыкақәқалъю Павел. ¹⁸Анахунистыңи ныкывўльютың сығлытун

пилъхи апыгъякъмыхтыки сюмыхтагәткылгымтун сығлыхтуткангитыфтут. ¹⁹Таўаңинахақ ахтирәгумақаңат ухпықилыгъмыхның, тәналъю юк әтқылғй Иисусымың туқуманилюку, иўырңа Павелым сягиқутқақә унувәманилюку. ²⁰Лйсимақыпагунгитутымның тамәкут, Павел аптақа нанқихтысюгутаңа Иерусалимыми. ²¹Иўырңа Павелым кймсиғәңа: “Нанқихтысюхтуңа Умйлыхпигағмун. Кылыңақыстиңа кынляңа агляхтыстылгыхпынун лъңанун”. Ынкәм анусимиңльгягвигмун канахтыснықихтақа кынляңа агляхтыстылгыхқамнун Умйлыхпигағмун».

²²Агриппам пикә Феста: «Хўаңалъю нагасюгақа Павел. Пикә: «Унәми нагалықан».

²³Унәмиңани Агриппамлью, Вереникамлью йтқак қырңугутфихльгмун ынңәталъ ашағўәғлютык умйлгым әткәмың, малихтыстыкльюки умйлгитлью пильюўахтыт, игльгитистыңилью Кесариям. Тәхкын Фестым итхутысқыхкә Павел. ²⁴Фестым пикй: «Умйлыгми Агриппами, лыпысылъю қамахльюси хўәнлыңуғни, уна юк ысхақыси, Павелыңўқ. Қамахльютың Иудейт мәнлыңўт, Иерусалимымылңўтлью қикыхқукыхқақат хўаңамкун рыпаль акилгўткыхқақат туқусяхқәнилюку. ²⁵Иўырңа нанқихсяқыхка сямың апальйтыфтуқ туқусяхқәлюни. Лъминың нанқихтысюкәтаңаның Умйлыхпигағмун агляхтысналюку пйқақа. ²⁶Иўырңа посланиятхун сямың ипапихқыңғалғймың апыгъяхқитуңа Умйлыхпигағмун ўмың югмың аюқылғймың. Ынкәм тагитақа сивухпысинун, кияң лыпынун Умйлыгми Агриппами! Ныгьюкақа әпқуғәкумтыху сямың письмосихқамың нәлькыфикнаюкамкун. ²⁷Хўаңамни тымңиңўқ агляхтыстыкумкун анусимиңльгяғқ Умйлыхпигағмун сямың анахутылыгъмың апальюңунән».

Павел Мысиғалғй Сивуңани Умйлгым Агриппам

26 ¹Агриппам пикә Павел: «Таўа мысиғәгъяхқәхтутын, сяқсин акузи».

Павелым йхыни ныңугульюки, пикә:

²«Умйлыгми Агриппами, ағнығми хўани ынңәталъ анығныхтуңа сивухпыни мысиғәгнақылғйңа»

Иудеит анахутыльқынғикаңитның, ³ қаюқхляк нальюкынғитңўағатын Иудеит наңағнығитлью, апальюкуткақхкаңитлью. Ынкәм наңлýchсипихльюңа а́птамкын нагатахтысқыльюңа.

⁴ Нунамнилнўтлью, Иерусалимымылнўтлью қамахльютың Иудеит лйсимакәт кияхтәльқа аңлинхәтымның има. ⁵ Апығьюгьякумыхтыху лйсимакыхкахтың апығнаяғәтңа йўлың қәткүтңалғиңа Иудеит Лйлихтўситнун. ⁶ Хўә Иудеит тагистәтңа хўавык нанқихтысқыльюңа қаюқхляк нығьюкңукуыхка Кияғнығым уңувахтилғыхқә туқуканың акықусяқыхкә сивунымнўн. ⁷ Тәната акықусяқ қуля мәлгук сйпнықылғит рамкымта нығьюкыхкаңат альхыхналюку, ынңәталь манигүтңулютың Кияғнығмун унухтүмән, ағныхтүмән. Умйлыгми, иўырңа тәна атәсиқ нығьюкильық апальюқльюку Иудеит нанқихтысюғәтңа. ⁸ Сяңафси сюмыхтағағақыстык Кияғнық уңувахтипағниңиньлюку туқуканың?

⁹ Сивунңани агани ухпықыпихтыкақақа кипульхинәлғыхляка ыльқуғүтңанилюку әтханың Исусым Назаретымйм. ¹⁰ Таўатын пикағуңа Иерусалимыми. Первосвященнигының пильықхәңыхкәгуңа анусимиңльяхтысналюки ухпықалғутыт. Туқуқуғнақңатки итагнақыпихтыкақанка туқутысқыльюки. ¹¹ Угяғңән ағьохтыстыкақанка тамахитни синагогаңитни, хўатынлью писнақуткыхкақанка: “Ухпықнанймәқа Исус”. Угумиягутыпихтыкақанка рыпаль малихқақақанка талўа язычнигыт нунаңитнун амьюткынғялюки.”

Павелым А́пқаңа Ухпықәхтыльыни

¹² «Тамәкын апальюқльюку Дамаскытуңа пильықхәлиғлюңа, қылыльылиғлюңа первосвященнигының. ¹³ Умйлыгми, иглыхтәлюта ағнық кукагитақуқлью ысхағақа ниғук ниғугатағалғи сиқинығмың, күкхульхй қиягмың памакын. Ынңәталь ниғупихльюни күкхуткәгуқ увитымнун, иглығалгутымнунлью. ¹⁴ Қамахльюта улығәтукут нунамун. Тәхкын ма нағақуғақа хўатын пилғи Еврейльымистун: “Савля, Савля!

Сянама амьѳоткысиңа? Ақниҳқўгутын лыпынун амьѳоткильыҳпыгун, таўатыҳпигақ волым ақниҳқулъхатун кытңиҳқулъығмикун югми мағьяҳқўсй”.
 15 Аптақа: “Кинаңузин Атанық?” Атанғым кймсиғаңа: “Иисусыңўна, амьѳоткыхкын. 16 Ныкыви. Алиғвикамкын қаюҳляк накмикамкын қыпхақтыңулютынлью, лйсимакыстыңулютынлью. Апығнакытын тамāкут ысхақақтың ағнығми хўани, тамāкутлью кылгусьяҳқанка киңувақун алиғвикыхкумкын. 17 Югулиқнағамкынлью лыпык катам юхпының, язычнигнунлью. Лъңитнун каяхнақўāмкын 18 ысхақтыстыскыльюки, тунульюки мамлығмың қйвыскыльюки ниғуғмун, тунульюки Туғнығāм аҳтуғьяҳқāнғильханың қйвыскыльюки Кияғнығым аҳтуғьяҳқāнғильханун. Тāхкын Кияғнығым сығывулъықй сығлыҳкыльхитның, иляльықйлью тамāвык āфтыкаминун ухпықильхитхун хўаңамның”».

Павелым āпқаңа Қыпхақани

19 «Умйлығми Агриппами, қātкыхкақақа тāна ысхағўāльқа қиялғмың. 20 Сивукльюңа уңипақйңа Дамаскыми тāхкын Иерусалимими, тамаңанилью Иудеями. Уңипақйңа Иудеянунлью, язычнигынунлью авутыҳқыльюки сығлыҳкынъаниғлюки қйвыскыльюки Кияғнығмун, пинитунлью писқанка ипапиҳқуткыскыльюку авутыҳқыльютың сығлыҳкынъанйматаңи. 21 Таўатын уңипақильқа апальюқльюку Храмыми Иудеит туғулюңа туқунъақуткыхкақātңа. 22 Иўырңа Кияғнығым каюситақāңа хўавымун кынляңа, ынкām сивухпысигун ныкывлюңа āпхақā Христос пиңўāхльягнунлью, укаванталғйнунлью. āпқақа тāнаңўқ атāсиқ ўкналиқистытлью, Моисейемлью ўкналиқуткыхкāt. 23 Пикāгут Христос икфиқыпыстāхльықнилюку ынкām сивулилюни уңувағьяҳқāнилюку туқулъығмың. Апығьяҳқāнилюкулью ниғуга югулильхым югнунлью, язычнигнунлью».

Фестым Налъюңухникаңа Павел

24 Павел мысиғāмалюку Фестым акилғўхльякā: «Павел, нальюңухтутын! Лйтыльыҳльяхпык нальюңухтыстāтын!»

25 Иўырҗа Павелым пикā: «Правитель Фестыми, нальюнухтылхитуна, лисималюна ипамың акузиңуна. 26 Умйлыгым Агриппам лисимақнўағā тамāна ынкām тытухпынāн алыхқуғақа. Лисимақақа нағақуқақй қамахлыюки тамāкут қаюхлъяк аксяқлыюку пикāнгитут. 27 Умйлыгми Агриппами, ухпықақсикй ўкналиқистыт иғақыхкйт? Лисимакамкын ухпықақатын!»

28 Умйлыгым Агриппам āптыкā Павел: «Сюмыхпынйи хўā такысқухāн алыхқуғлюна ухпыхтыснақсиңā Христосымың?»

29 Павелым кймсиқā: «Такысқухāғнāн, налиғмың тākльюку алыхқуғьяғнāmкын юғātкыңўўāmкын Кияғныгмун ухпығысқылъятын. Лъңинахпык юғātкыңўунгитамкын, юғātкыңўўāmси қамахлыюси нагалъхйни хўаңамның ағнығми хўани, хўаңамтун лъйғысқылъяюси иўырҗакун қйпшағутнунаси!»

30 Тāхкын Умйлык Агриппа, Правитель Феста, Вереника, тамāкутлью иляңи ныкывўткат.

31 Анлютың лъмыхнының алыхқўткат: «Ўмун югмун сямың апальйтукут туқутусихқамың налиғмың анусимиңлъясихқамың». 32 Агриппам пикā Феста: «Аныснаяғахпут Умйлыхпигағмун нанқихтысқылъяюни пикāнгисяқан».

Павел Агльскаңат Римымун

27 1 Фестым Италиятысқысюгилью аңьяхпахкун, агльтыстыкй Павелылью, иляңилью анусимиңлъяғат умйлўағмун Юлийюмун. Юлийюлью пильюўахтыкульхйт āтқылғйт: «Умйлыхпигām Пильюўахтыңи». 2 Таўа аңьяхпак Адрамитымың пи, агуляқсяқлъяхйнāхтыкақ нынун Асиям ысныңанилңуғнун. Таўавык ўхльюта агуляқукут. Аристархым малихтйлью Фессалоникағмйм. (Фессалоника Македониямылңуқ). 3 Унāмиңани кātукут Сидонымун. Юлийюм пинитуңўāқ пикā Павел, лълихтыстақлыюку илякумтāғанун Сидоными, сямың акльюкыхкāның тўнақлыюку писқылъяюку. 4 Сидонымың агуляқукут ануқа айгумун ынкām иглыхтукут уқйныльхакун қйхқам Кипрым.

5 Иглығакут ысныңакун Киликиямлью, Памфилиямлью тәхкын нагныхтукут Мирымун Ликиямылңуғмун.

6 Тамантыфтуқ аңьяқпак Александриямың пи, ынкәм Умйлўағым Юлийюм лйгикльюку Италиянбақутаңа ўхтыстйлью.


7 Нунмәсқуҳақ иглыҳтукут қафсиныгьяхльяк ағнық, иўырңа пияқльйғңамта кәтукут Книдымун. Ануқльйтм иглығапағниңйтыстйлью тәгавык, иглыҳтукут уқйныльҳакун қйҳқам Критым, нағуҳльюку Салмон.

8 Ысныңйҳакун иглыҳтукут пияқльйғңамта, кәтукут қаңғамун әтқылғимун, Уқитағвик Қаңғақ, тәна қаңтағанлыңуқ Ласеямың.

9 Тамантыҳльяхтукут қынўат якуғнаҳтә тәкльюку иглығамун, сиңынлью Ағнық нағуҳльыҳй священнигыт аҳқышәғвигат сығлыҳқыльҳитнун Иудейт. Ынкәм Павелым кылыңасяғй аңьяқпағым умйлўағи. 10 Пикй: «Укуҳси юғни, сюымни хўа ынңаталь якуғниғнакукут иглығалымынғы. Ифльяльықаҳпутлью аңьяқпаҳпут уситүмән, ынтақун талўа туқуляғәльыкукут».

11 Иўырңа Умйлўағым Юлийюм нагатқақыкык аңьяқпағымлью умйлга, аңьяқпалыклью йок авылғағлюку Павел.

12 Альюльютыңлью аңьяқпағым юги иглыҳсюкат қаюҳльяк тәна қаңғақ якуғналғй аңьяқпағмун уксюҳфигулюни. Кәнбақналютың Финикымун пикат уксюсяқәлютың тамәни. Финикым қаңғә қйҳқамылңуқ Критыми, северозападымунлью, югозападымунлью аюқылғй.



(Деяния 27:12)

Ануқльилъыхлъяк

13 Икыхкымың ануқатағәхсян аңьяҳпағым юги пикат: «Тәната ануқа утақақахпут». Ынкәм уйғита сяюглюку тылянаңакут Критым ысныңйхәкун. 14 Иўырңа ануқльихлъяхтуқ накағьямың ынкәм қйхқамың атҳахтыхлъягә. 15 Аңьяҳпак аўатмун тыңсягу қўтмун тагльагнакуткысяглюта йльқаюхтукут ынкәм упўпың тыңтыстукут. 16 Қйхқасқуҳәм Клавдам ўхқаңанун лъйғусилью уқитыгрәхтукут. Таўани қамуқсяқыфут аңьяҳахпут пияқльйгуткыңғәмтыху қәкахпут. 17 Тәхкын аңьяҳпак аюгиҳсягәт асиҳльюку тапҳағмың. Алиңлютың қынаҳльюхқўнъяюкамың Сиртыми тылянаңат ифкаҳқуғлюки тыңтыстукут. 18 Унәмиңани паниның ыслъя алмысиқыхлъягьягу, аңьяҳпағым усиңан иляңи мығмун атыхқуғит. 19 Аўакағәни ыслъя алмысиқсягу аңьяҳпағым сянкутңи атыхқуғит. 20 Қафсиныхлъяк ағнық сиқиннунани, иғалықытәңунани пйқ ыслъям сығлыхлъяғым аңталаңаның. Ынкәм талўа йльқаюхтукут, исигимақун туқуляғәнәқылғйкут.

21 Югыт нығыхпынатың мулйохлъягьята Павелым ныкывлюни пикй: «Укухси югни, нагаткақсякуфсиңа кынъяянғилңўкут Критымың ынкәм ахсян сығлылйғнаянғитуси, сягьяңйнъяянғитуси. 22 Иўырңа йльқаюхпынаси, налихйнахси туқунәнғитук иўырңақун аңьяҳпағйльықукут. 23 Унук Кияғнығым яқулған такукақәңа. Тәната Кияғнық манигуғақыхкыхка, лъңан пикәңа. 24 Яқулғым пйңа: “Павел, алиңыхпынаң, кәльықутын Римымун, ныкывылъықутын сивуңақун Умйлыхпигәм. Юғәткыхкакутыхпының аңьяҳпағмытылгутытын қамахльюки Кияғнығым югулилльықй”. 25 Ынкәм қуятык, ухпықйңа Кияғныхқун таўатытңўағысқыльюку уңипәтылғымтун. 26 Иўырңақун аңьяҳпағйльықукут қйхқами».

27 Қуля стамат сйпнықльюку унук Кылъйми Адриатическими тыңтилъю. Тәкўани унугым қукәни юляғыт пикәт қўтмун туғўәхсюгнинильюта. 28 Тапҳақ уқихкутиғлюку мығмун атыхсяқмыхтыху югинақ йғнық ўсқахтуткафтуқ. Тазиңапиҳқәғьямта

тапқақ атыхлъятагьяқмыхтыху акимигақ ягнық
 ўсқахтуткалїмалдї. ²⁹Юлягыт алиңыхкат аңьяхпак
 қалмысинъаюкан ынкām стаманың уйғиғат
 киңуңакун. Тāхкын юғахтут аҳшахкїдысқылюку.
³⁰Аңьяхпагым юляғи анагнақыхкат сивуяга аңьяхпагым
 уйғитылигнақысиғўагуткылюку, аңьяхқ мығмун
 атыхтыкāt. ³¹Иўырңа Павелым пикї умїлўақлю,
 пильюўахтытлю: «Укут югыт ағуляқыхката
 каютыпагїльыкукут ынкām лыпыси тукуляғālьықуси».
³²Ынкām пильюўахтыт аңьяхқ кыпуткāt.
³³Ахтағагнақақālью Павелым қамахльюки
 нығыскуғўақи, пикї: «Қуля стамат сїпнықлюку ағнық
 нығыльқунгитуси қаюхльяк ынңаталь кылыңарўлгїси.
³⁴Тамāкын апальюқлюку нығыскуғўагнақамси
 икнақухтысқылюси. Налихїнахси туқунāнцитук талўа
 ақнихнāнцитук». ³⁵Ныпїгьями нықыкшаңльямың
 тугульюни игамсиқаюгвиклюку Кияғнық мануңитни
 икульюни нығыхкақ. ³⁶Югыт илютухсяғьистың
 лъңитлю қамахльютың нығуткат. ³⁷Қырңахльягымта
 аңьяхпагмылңуғни 276ңўфтукут. ³⁸Қамахльютың
 нығўнъығмың апығиғьямың аңьяхпак уқыңылъиналюку
 пшеница мығмун атыхқуғат.

Аңьяхпагїтыльық

³⁹Ахсягу қўтмың ысхātут, тāўаңинақ лїсюқынгитāt
 натуңутаңа. Иўырңа каңиғалгүфтуқ ысналыгмың
 ынкām тāхун тамлягнақсюхтут. ⁴⁰Кыпўльюки уйғитыт
 униткїт мығмыльюки, пытугутїклю ақўтак нағихқуқит.
 Тāхкын сяюглюки тылянаңат сивуягмылңўт тыңтыстут
 тыспикавык ыснамун. ⁴¹Иўырңа аңьяхпагым сивуяга
 аққитағисян киңуңа қағихльягыт кагимтāt.

⁴²Пильюўахтыт пияғит анусимиңльяғат
 туқуқуғналюки лїбрақ қўтмун пугимлютың навык
 анагнаюката. ⁴³Иўырңа умїлўағым туқутысюгумаңиткā
 Павел ынкām йнгуткї. Йыңлығи қылькї пугимақаюхāt
 қўтмун таглисқыллюки. ⁴⁴Тамāкут пугимыльхилңўт
 аңьяхпагым икыльхākун тугулюки таглягнақысқыхкї
 қўтмун. Таўатын қамахльюта яйўасың ўхлығātукут
 қўтмун.


Павел Мальтами

28 ¹Яйўасың қўтмун ўхсямта лигикахпут қйхқақ Мальтаңутаңа. ²Тамāкумит ынңаталь упуғатилью кумақисимāmта қаюқльяк ақльяғақтыкаңа ысльяльюгухсимағми. ³Павел

сякумиглюни қўхкамың қйғималюку, туқуналғй нымыгьяқ мātнығым āнысльюку қўгның, йхакун амқыхтыкā. ⁴Тамāкумит ысхағлюку нымыгьяқ Павелым йханың қуғағналғй илятың пикйт: «Ипапыстāқ уна юк юхтахтыңүк. Қайўа унгани мығми туқунғитығңағми ысхаху туқуяхқамалғй».

⁵Павелым йхыни уфсюгусяқминици нымыгьяқ ифкахтуқ кынғыгнун иўырңа талўа нымыгьям ақниҳсимаңилькаңа. ⁶Югыт пикақсяқаңат Павел пўвыхльягнақнилюку налиғмың туқунақнилюку. Иўырңа сяхпынани мулїохльягьян, сюмыхтағātкыхкāt: «Уна налиқāt кияғнығыт».

⁷Там қйхқам умйлга Публий, нуналгүфтуқ уғухсиғвимта туңаңани. Публием ынңаталь упуғатилью, лъңанитукут пиңают ағнығыт. ⁸Атаңа пуқльығаңуфтуқ ақсяльикумағми. Павелым ысхағьяхтуғлюку юғātкыльюку, сйфсяқминигу нālьхутуқ. ⁹Павел таўатын пиян қамахльютың иляңи қинуюгыт тагиляғātкат ынкām нālьхуткат. ¹⁰⁻¹¹Тамāкын апальюқльюку тунқухтāгилью тунусямың. Тамāни пиңают танқит атуғлюки ағуляқсяхқāхсямта тунқухтāлятагилью тумаңани атухқамнъың.



(Деяния 28:3)

Павел Римылғхй

Аңьяхпак Александриямың пикақ уксюхсималғй тамāни қйхқами. Атқыфтā «Малғик кияғнығык»

сивуяганитыфтуклюю улимāгулюютык тākук.

Агуляқсяққāхсян тāхун ūхтукут. ¹² Сиракузымун кālъюта тамāнтукут пиңаут ағнығыт. ¹³ Тāхкын қапйғўтахтукут Ригиямун кāтыльымнъун кынляңа. Ағнық атāсиқ атуғлюку тамāни, унāмиңани ануқатағагүтилъю икывағмың ынкām аўақағāни ПUTEолымун кātuкут.

¹⁴ Тамāнтыфтут ухпықат, льмыхнитыскйлъю мāграгвинлык ағнық. Тāхкын Римымун нағныхтукут.

¹⁵ Ухпықат Римымылңūt нагақуғлюта, пāйгумакаңинкут туңаңитнун Акильпыгағвигыт Аппиева площадымылңūt, иляңита пāйгумакаңилъю туңаңитнун Пиңаут Ақылъқалғутат. Павелым ысқағлюки ухпықат илютухтыкақ ынкām игамсиқаюгвикыхкā Кияғнық.

Павел Римыми

¹⁶ Римымун кāсямта Павел льңинағмытыстāt нани пиюкылқхани иўырңақун атāсим пильюўахтым кылыңакā.

¹⁷ Пиңаут ағнығыт атуғлюки Павелым тахсиқльиғй Иудейт иглығутистыңит. Тагията пй: «Иудейелгутымни, сяңгитығңāmки юпут, налиғмың кипулъхинāнгитығңāmки наңағнығит сивунымта, паниның иглығутистымта Иерусалимымылңūt тугулюңа тўнātңа Римығмйнун.

¹⁸ Апқуғāглюңа сямың апальйсяма тукутусихқамың итымунъалюңа пияғātңа. ¹⁹ Иўырңа Иудейт иглыкātңа ынкām тамāкын апальюқльюку пйқа нанқихтиста Умйлыхпигағмун нанқихтысюгнилюңа. Умйлыхпигағмун сығлықўғяхтўнғитанка юлгутынка. ²⁰ Ынкām тахсиқльиғамси апығналюки тамāкут льпысинун. Лйтысюгақалъю льпысинун тāна атāсиқ Израилығмйт нығьюкыхкāt апальюқльюку қйпшағусиғңаңа».

²¹ Кймсиқāt: «Иудеяғмйт письмоткигатāтын хўаңқунъун. Талўа налихйнйтā ухпықālгутымта тāгыхкын тагилютың уңипақигатāтын, налиғмың сығлытун акузиткигатāтын. ²² Хўаңқута лйсюгақпут льпынун сямың сюмыхтағātкақутаңи тамāкут ухпықилғйт Иисусымың, қаюхляк лйсимақахпут нани алңунак сығлықўғакйт».

²³ Тāхкын накмикыхкāt ағнық атāсиқ қырңуғутфигулюку.

Тāна ағнық кāсян угляпихльютың тагиляғātкат Павелым кияхфиганун. Унāхāның унульханун

кынляңа апыхтуқй Атаныхпагульханың Кияғнығым,
 лйгикыстыңъўагнақуткыхкйлью Исусымың
 атуқльюки Лйлихтўсй Моисейем, ўкналиқистытлью
 игақыхкйт. ²⁴Иляңита ухпықыхкāt иўырңа иляңита
 ухпықумаңилькаңат. ²⁵Ынкām āхтйрāгуткат.
 Ныкывўтақутлью āнлығāнъалютың Павелым пикй:
 «Аглығналғйк Тағнығак ипа пималғйк сивуныхпысигун
 ўкналиқистыкун Исаиякун. ²⁶Хўатын пикāгук:

“Такулюки укут югыт хўатын пики:

Нагасяғнāхпыси,

ысхапағнāхпыси лйгикнāнғитуси.

²⁷Тāкут югыт таўатытут қаюхльяк умьюгйт
 пиныхльюхтыкāгут ынкām сигутытыңлью,
 ийытыңлью сйпыхкақйт.

Таўатынъығисяқумың ысхāнъаяхтут,
 нагақўнъаяхтут, лйгикнаяхтут,
 қйвнаяхтутлью хўаңамнун нāльхутысқылъютың”».

²⁸Павелым тāқнйткун пикй: «Лъпысинун
 лйгикысюгақа, Кияғнығым каяхтыңъўақақй уңипахтыни
 уңипйсқылъюки югулилъығмың язычнигнун. Лъңит
 нагатыпыстāғьяхқāгут». ²⁹Таўатын Павел пиян Иудеит
 āхтйрāгутыхльягумағмың āнлығātкат.

³⁰Мāлгук аюмиқульхык Павелым кияхфикыхкā
 мыңтығак лъвивикақльюку. Упуғатақыхкāңи
 қамахльюки итыхтыни, ³¹тытухпынанилью уңипақак
 Атаныхпагульханың Кияғнығым. Апыхтўткыхкāлью
 Атанық Исус Христос. Таўатын пильха китум алңунак
 ағулихсимаңилькаңа.

Иаковым Посланияңи

1 ¹Укут посланият Иаковымың пиңүт қыпхақтыңаның Кияғнығымлью, Атанғымлью Иисус Христосым. Письмоғақуңа Иудеит ухпықйтнун миңитңалғйнун тамаңани. Қуякамси.

Ухпыльықлью, Нуқынъыхтульықлью

²Ухпықалгутымни, қуяқитык альяҳйнағмың сығлылйныҳпысини, ³қаюхльяк лйсимакаси сығлылйльыҳпыси нанғйқуңўат ухпықилъыҳси, нуқынъыхтухсяғналюси. ⁴Тәхкын нуқынъыхтульыҳси нағнығнакыси. Ынкәм таўатын пикуфси аңтанйльықуси, йғўихльықуси нўғьяхқәхпынаси.

⁵Налиҳси пыҳқиныльыңьюкуми туңсиғли Кияғнығмың. Кияғнық иглыгитыхльяхтуқ, қуякусиқинағлюку тўныхкаюўа қамахльюку юк әплъыҳй. Кияғнығым тўныльықйси туңсиқуфси. ⁶Ынкәм әптык ухпықилъылиғлюку малғукльильңунән. Малғукльиңалғй имахльюгыстун аюқуқ, ануқым тыңқәтақыхқаңа. ⁷⁻⁸Малғукльиңалғй атәсйхсигатуқ сяльығмикун тамахән. Таўатылңуқ юк талўа суюмыхтағағьяхқәнцитуқ сямың алңунак альхығульықнилюни Атанығмың.

Акльюмалғйлью, Акльюңилңуқлью

⁹Йықай акльюмалғй ухпықалгун қуяли қўлвахтыстыңьалъығминың. ¹⁰Йықай акльюңилңуқ ухпықалгун қуяли қусывыхтыстыңьалъығминың, қаюхльяк авйгусяхқәгуқ пйтысиғагыстун. ¹¹Сиқинық пйнығмини мātныхқўәхльягақылғй, пйтысиғат палихтысльюки. Тәхкын пйтысиғат ифкақўтақут, пинигнйғутақй. Таўатыхпигақ акльюңилңуқ юк сякыстағңағми авйғульықуқ.

Нанғиқултық Кияғныңмың Пиңунғитук

12 Қуянағалық юғым нанғиқултыны нуқытуткаюги. Сюфлююқтыкумики альхықсыяққақә акилықтүсяни кынлыңилнуқ унвалтық, Кияғныңым акықусяқыхкә тұнылықнилюку пиниқистыминун. 13 Кина алңунак нанғиқултыңықхкуми хўатын пифқәми: «Кияғныңым сығлықсынақуткәңа». Кияғның нанғиқултыңыяққақәңгитук сығлығмың; тамәкын апальюқлюку кина алңунак сығлықсынақуткысяққақынғитә. 14 Иўырңа юк пиюкылылюган нанғиқултыңыстақә сығлыққылтығмун. Сивуклюку пиюкылылюган сяюгақә сығлыққылтығмун, тәхкын сығлыққылтығым нәптақә. 15 Пиюкылылюғым альхықтыстақә сығлыққылтық. Тәхкын сығлыққылтық аңлиныңмини туқульхұхтақуқ.

16 Пиниқыхкамни ухпықәлгутымни, пұхтысипынаси. 17 Қамахльютың пинилғитлю, сяльхўәқйлнұтлю тунусят қияғмың пиңұт. Тамәкут Атамың пиңұт улимағистыңаның қамахльюни ниғугым; альяңуқсигатуқлю, мамлыхтыстиңигатуқлю. 18 Кияғныңым лъңан катам Пиюкыльқақа, тўналюта нутағамың унвалтығмың уңипәкун ипапихқылтығым. Таўатын пикәгуқ, хўаңкута мыгнунальхықпигәсқылтыюта улимағьяхағмының.

Нагатылытықлю, Қаткутылытықлю

19 Пиниқыхкамни ухпықәлгутымни, нықамиклюку уна: тамахағми нагасюкыстағлюни пияхқәгуқ, акузйғахтафқәмилю, сякшәгағахтафқәмилю, 20 қаюхльяк сякшәм каюсйсигатйси пинитун кияхтәлтығмун Кияғныңым пиюкыхкәнун. 21 Тамәкын апальюқлюку пыхтыху қамахтыңўәғлюку альяқйнақ сығлық атуқақыхкыси. Қусывығнақпыси тугуклыхтыки Кияғныңым акузитаңи, пйтысиғакй илюхпысигун, қаюхльяк югулияққакйси уңувасихпысиның.

22 Нагатағыснақпынаки Кияғныңым акузитаңи итупиль атуқитыки. Пұхтақуси лыпысиның катам нагатағыснанықпысика атуқыпынаки. 23 Юк

нагатағыснақуми Кияғныңым акузитаңаның атуқыхпынаки, тағнығахқұлғйстун аюқуқ ²⁴ тунускуми таўаниңинақ пуйгульықә натытулыни. ²⁵ Кияғныңым ыльқуғутңалғйт Лйлихтүсй итымутыстйқут юғның. Юғым лйньакумаңинакумики тәкут Лйлихтүсят, пуйгухпынаки атуқыхкумики Кияғныңым қуясяхқақә сяльхакун тамаҳән.

Манигүтышилъық Кияғныңмун

²⁶ Юк сюмыхтағақаюк ухпықахльягунилюни, нақам акузиткысяхқақынғилькымъиның акузикаюк тымңи пұхтыңзұқ лъминың катам. Ухпыльха сятңунғитук. ²⁷ Кияғныңым Атамта пильхани юк ухпыльыпйлгукуми, каюсиғьяхқақй ййўәлитлью, угиңиғатлью сығлылйнгата, нуқысяхқәгуқлью сығлығаның нунам.

Пиниқльюки Юлгутыси

2 ¹ Ухпықәлгутымни, ухпықиңутыхпысиның Атанымнғың Исус Христосымың, Атаңаның ниғұхқыльхым сюмыхтағәткыхпынаки иляңи юғым мығнунағатағнилюки илямыхның. ² Мәлдук югык итыгьякуйык қырңуғутфихпысинун, әльха әшағлюни, золотамың аляңқуғитихтуғлюни, әльха әткалюкахльюни, ³ тәна әшағналғй юк пикуфсигу: «Хўагун ақуми пинильхақун ақумутам», нақам акльюмәлғй юк пикуфсигу: «Таўани ныкывға», налиғмың: «Ақуми итыгама сьгўакун», ⁴ таўатын пикуфси пакихульықаси иляңи югыт ынкәм сығлыхқылъықуси сюмыхтағатқахтыкилью.

⁵ Пиниқыхкамни ухпықәлгутымни, нагатахтыққун. Кияғныңым накмикыхқақй акльюмәлғйт нунами хўани ухпықилъыхтусқыльюки. Накмикыхқақй тугукльихтыңулюки Атаныхпагульығминың, ақықусяқыхкаминың югминун, пиниқиңалғйинун лъңаның. ⁶ Иўырңа льпыси акльюмәлғйт югыт укалйстақаси. Лйсимакаси акльюңилңүт пияқльйхқақйси, агльятақльюси нанқихтивигмун. ⁷ Лъңаңут сығлытун акузиткилғйт құлвағналғймың әтҳаның Исусым, атық тўныхқақ льпысинун қаюхльык лъңан пикыхқақиси.

⁸Кияғныңым Атаныхпагульхан Лйлихтүсә унәнук: «Пиниқлыюку юлгутын пиниқылъыхпытун лыпынун катам». Қатқыхкуфсигу тана Лйлихтүсяқ, таӱа пинитун пйси. ⁹Иӱырға пакихускуфсики иляңи югыт сығлықылъықуси, қатқынъанғитахсылъю тана Лйлихтүсяқ. ¹⁰Китум қатқысяғңағмики қамахлъюки Кияғныңым Лйлихтүсй, атәсиқ қатқынғилькумигу, қамахлъюки қатқыңбунғитй. ¹¹Кияғның пикәгуқ: «Гылгағнйхпынаң». Хұатынлъю пикәгуқ: «Юхтахпынаң». Гылгағнйңгисяғңахпык юхтакувык таӱа қатқыңбунғитатын Кияғныңым Лйлихтүсй. ¹²Акузилъыхпысигун, сялъыхпысигун пирәмсилиюси қаюхлъяк лыпысиңүси нанқихсяхқат мыгнуналъыхпигахқун Лйлихтүсякун. Там Лйлихтүсям итымуткақйси атуқысқылъюку Кияғныңым пиюкылъха лыпысинун. ¹³Кияғныңым нанқихтыкумиси наңлыгыягунъанғитйси, наңлыгыягунъығилькуфсики юлгутыси. Иӱырға наңлыкыхкуфсики юлгутыси Кияғныңым наңлыгыягульқыси.

Ухпықилъықлъю, Анығныхқылъықлъю

¹⁴Ухпықалгутымни, кина хұатын пиғңағми: «Ухпықилъылгұңа», иӱырға там ухпықилъхан югулинанғитә атуқынғилькумигу ухпықилъыни анығныхқилъығмикун. Сяйльықанам ухпықилъха анығныхқилънунани? ¹⁵Сянаястык ухпықалгутыси аткйсяқанлъю, нықанисяқанлъю? ¹⁶Тұныхпынән аклъюкыхканың тымңи хұатын пикуфсигу: «Кияғныңым қуяснағатын; сюнауқ ныгъяхқанилью, атқанилью мақалғймың», сяйльықаннам акузитыси анығныхқилънунатың? ¹⁷Ухпықилъықлъю тауатытуқ, анығныхқилъыхқун атуқынғилькуми сяйсйңитутқ.

¹⁸Кина пилъықуқ: «Лпык ухпықилъылгұтын, хұаңа анығныхқылъылгұңа». Кылгувикина ухпықилъыхпының анығныхқилъхилңуғмың, кылгувикыльықамкын ухпықилтымның анығныхқилтымкун. ¹⁹Ухпықан атәсихатаңа Кияғның. Тана пинихтуқ! Туғныңәтлью ухпықакат тана ынкәнам алиңрұтакут, уңылыхтакут қаюхлъяк лйсимакыхканат Кияғныңым нанқихсяхқақыхқани.

20 Уюқ нальюқақ юк, паниның лйгикигасигу ухпықилтық анығныхқилъунани сясйңгитуляңа? 21 Сяңан Кияғныңым тугукльиқақагу сивуныхпут Авраам сығлыққумаңилнуғыстун? Тугукльиқақә Авраам қаюқльяк ухпықилтыни атуқыхқақә анығныхқылтыгмикун ахқутқақңамигу игныни Исаак ахқыфигыгныкун.

22 Лйгиксигу? Ухпықилтықлью, анығныхқилтықлью қырңагмык қыпхақаюгук. Тамәкын апальюқльюку Авраамым ухпықилтыха йгуйхтықақә анығныхқылтықхкун.

23 Ынкәм Акузитыт Игақыхкат хұатын пильхит Авраамымың апығйқагут: «Авраамым ухпықыхқақыхқаңа Кияғның. Тамәкын апальюқльюку Кияғныңым тугукльиқақыхқаңа Авраам сығлыққумаңилнуғыстун». Ынкәм Кияғныңым Авраам илякумтәқнилюку пикақә.

24 Кияғныңым тугукльиқақә юк анығныхқилтыхакунлью, ухпықилтыхакунлью; тугукльйгатә ухпықилтырағинакун.

25 Раавылью успутәгуқ. Акикикаюгуялгй югусиминың. Иўырңа Кияғныңым тугукльиқақыхқаңа сығлыққумаңилнуғыстун апальюқльюку каюсиғильха. Иисус Навинам каяхтықақыхкык мәлгук югык аксяқльюку нунаңат ювгйгысқылъюку. Югыт ивагьяткык, Раавым альякун тумкун анахтыстыкакык.

26 Ынкәңам югусиқ тағнығаңунани туқуңақ, ухпықилтықлью анығныхқилтыңунани туқуңақ.

Улю

3 1 Ухпықалгутымни, альюльюси апыхтуғистыңухтыфқәфси Кияғныңым Акузитаңаның, қаюқльяк лйсимакаҳси хұаңкута апыхтуғистыни нанқихтыңьўағатағағьяхқағукут.

2 Қамахльюта анахутағаныхтухльяхтукут. Кина алнунак юк акузилтыгмикун анахусигалңуқ ыльқугутңапыстәгук. Югым ыльқугутңалгйм талўа югусинилью агиткылтыюку аюқсяхқақа. 3 Сявикынғәхәт сянитмун аюқльюки кунит қангитнун канахтақапут қаткысқылъюта ынкәм хұаңкута иглыгутақапут. 4 Сюмыхтағәтқахтыкиқунлью аңьяхпахльягыт; ақутасқувыгаҳәм қифтақй аңьялгым пиюкылъханун талўа ануқатыхльягьяғңән. 5 Улюлью мыкыстәхәгуқ иўырңа аңәюгныхльягук.

Кынх̄ам уқфилдугутықлыягыт кумахсяққақй! ⁶ Улюлюю кынғыстун аюқуқ. Ыслықңақ сығлыққылбығмың ынк̄ам сығлыққумалъа миңиткаюг̄уқ югусимун. Ынк̄ам нафқйикаюг̄уқ кияхт̄алтымнның қаюхляк геенам кынған кумахтақ̄а.

⁷ Альях̄ин̄ат тыгикусят, қаўагыт, нымыгъят, мығым тыгикусй қимухтыкаюг̄ут, ақун юғым қимухтақй ⁸ иўырңа китум алңунак қимухн̄ангит̄а улю. Ныкльыгигалңуғуқ, сығлығ̄уқ, ыслықңақ туқуналғймың ядымың. ⁹ Улю усюкусиқақахпут Атанымн̄ун Атамун. Нақам сығлығмың ныгьюхтағ̄асикақахпут юлгутымн̄ун, Кияғнығым улимағитнун л̄мисюгнильюки. ¹⁰ Усюқилықлыю, сығлығмыңлыю ныгьюхтағалық а̄ныхкаюг̄уқ ат̄асимың қанығмың. Ухпық̄алгутымни, таўатысях̄қангисях̄туқ. ¹¹ Пинилғйлью, сығлықлыю мық ма̄қыхкаюўақ ат̄асимың сыңбумың? ¹² Ухпық̄алгутымни, смоквам уқфига п̄тыстин̄ангитук маслинымың. Таўатых̄пигақ виноградым лозаңа п̄тыстин̄ангитук смоквामың. Талўа мыхтағвик тагьюғнилңуғмың мықылғй пинилғймың мыгитук.

Пых̄қинылбық

¹³ Кина акулыхпысинита пых̄қинылғй, лйгикималғйлью? Таўатытылбыни кылгульыгу пинитун кияхт̄алтығмикун, анығныхқилтығмикунлью қусывығңағми. ¹⁴ Иўырңа илюхпысигун ақинаңакуфсылъю, л̄ңин̄аюгныцукуфсылъю иқлыбыңиқуткыхпын̄ан ипапих̄қылбық, қағьялых̄пысигун л̄симанилюси. ¹⁵ Таўатылңуқ пых̄қинылбық қияхт̄ангитук, нунамың пиңуқ. Кияғнығым Тағнығахкының пиңунгитук, тугнығағмың пиңуқ. ¹⁶ Нани алңунак ақиналбылгунғанилью, л̄ңин̄аюхлбылгунғанилью таўа кипульхин̄албылўақуқ, сяў̄атлыю альях̄ин̄ат сығлығыт таўантақут. ¹⁷ Иўырңа пых̄қинылбық қияхтақ кияң пылюңитук. Амалықа ныкыхмытуқ, кавьюгитук, малих̄қутақиңақ, наңлых̄хтах̄туқ, пинистах̄инатун пикаюг̄уқ, танильх̄хитук, юпинг̄уқ. ¹⁸ Ныкыхмылбық п̄тутыстун аюқуқ. Там̄ақут ныкыхмылбығмун қыпхақаюгыт п̄тысиғағак̄ит, ынк̄ам

сығнақут ыльқуғналғимыңлыю, пинилғимыңлыю
кияхтальығмыхни.

Тўнитык Лпысының Катам Кияғныңмун

4 ¹Сям ахтирагутыстақисилью,
пильюгутыстақисилью? Апальюқақаҳси,
сығлығым пиюкыльыҳпыси пильюўағақй пинилғит
пиюкыльыси. ²Қилиғақуси аваңиньыҳпысини ынкәм
юхтағьяҳқақтақуси альхыҳналюки қилиқыхкаси.
Қилихльягақуси таўаңинақ альхыхтыпағниңитақаҳси
ынкәм ахтирагутақуси, пильюгутақуси. Альхығусигатуси
Кияғнық аписигатутыхпысиның. ³Талўа аптыңнаҳпысигу
Кияғнық альхыхсигатаҳси қаюхльяқ сығлығмун
атухқәлюки аштақылғйси. Пиюкыхкаҳси лпыси
катам пиюкыхкаҳйнаҳпысинун аюқақылғй. ⁴Укухси
атәсийғныгилнұғни! Лйсимакынғистыхў пиниқыхкуфсигу
нунам сығлыға, угумикаҳси Кияғнық? Китум
алнунақ пиниқыхкумигу нунам сығлыға аңуягўқ
Кияғныңмун. ⁵Сюмыхтағаҳпынаси Акузитыт Игақыхкат
тымңиңунилюку хўатын пильхат, тағнығак кияхльыҳйк
илюмнъи ақинанақныхтўк. ⁶Тамākын апальюқльюку
Кияғныңым каюсйтағағақйлью нуқытутысқыльюки
пиюкыльылюпут. Иўырңа Акузитыт Игақыхкат пйт:
«Кияғныңым каюсиғақй қусывығналғит пўру
кипульығмун пйқй қукәюгнығыт».

⁷Тўнлюси лпысының катам Кияғныңмун.
Аякльыхтыху туднығак, анағнйхльықуқ лпысының.
⁸Қантағалыйғахтык Кияғныңмун, Кияғнық
қантағалыйғахльықуқ лпысинун. Сығлыхқыстыни,
ўхтухтык! Лпыси атәсийхтыльхилнұғни, укмаңиқтыки
илюси қәмкүт. ⁹Қуянғитык, асымыхқитык, қиятык!
Ныңляхқыльыҳыси қияльхухтыки, қуяльыси
қуянғилнұхтыстыки. ¹⁰Қусывыхтык Атанығмун,
қўлваҳльықйси.

Нанқихтутыхпынаси

¹¹Ухпықалгутымни, сығлықўгутыхпынаси. Китум
алнунақ сығлықўкумигу ухпықалгутыни, сығлықўхльықй
Лйлихтўсят. Нанқихтыкумигулью ухпықалгутыни

нанқихтыңұй Лйлихтүсят. Нанқихтыкуфки Лйлихтүсят қаткыңбунғитатын. Йығлыги Лйлихтүсят нанқихтистыкатын. ¹²Кияғныхйнагуқ Лйлихтүсяңлъяхта, нанқихтисйлоки атуқақй, ынкәм сяңанңам нанқихсигу юлгутын? Кияғныхйнагуқ югулиғияхқақ, нәфқияхқақ.

Нальюкахпут Унәми Сяльыхқахпут

¹³Иляси хұатын пйқут: «Ағныңми налиғмың унәми таұавык нунамун агуляқылбықуңа. Тамәнлтықуңа атәсиқ аюмиқулбық, маниңлъяхлбықуңа». ¹⁴Иўырңа нальюкаҳси унәми сяльыхқаҳси! Талўа нальюкаҳси уңувалыхпыси тахталықақкә. Уңувалыхси такысқуҳагуқ, агыпсюгрухағыстун аюқуқ, мулюхпынани авйгуткауқ. ¹⁵Итупиль хұатын пйқитык: «Атанғым пиюкыльқыхакагу уңувакыстахлықыкут ынкәм апығйгутақылбықыкут сямың алңунақ». ¹⁶Таұатын пингилькуфси әңәюхлықысылью, қанаңултықысылью. Тамәкут әңәюхтыльхыт сығлығұт.

¹⁷Ынкәм китум алңунақ лйсимақыңәғмигу пинитун пильық атуқынгилькумигу, сығлыхқыңўқ.

Кылыңасяльық Акльюңилңуғнун

5 ¹Нагатык акльюңилңуғни! Қиякыстахтык, йльқыкыстахтык қаюхляк сығлылиғнақңүси.

²Акльюңиси ағумәт, әткәси молым нығумй.

³Золотасилью, серебросилью анахтәмәт. Анахтәльхита ипапиҳынәқаңўә лъңинәюғнығулъыхсылью, пакигнығулъыхсылью нанқихтыльыңыхкуфси.

Тәхкын анахтәльхым югусиси нәфқылбықй катам кынғыстун. Қайўа киңулиғнун ағнығнун лййғнәхпыси, қырнухтимәнинәгуси ўата акльюңиғиналюси.

⁴Талўа акилыхтульхитәси қыпхахтыси унатақат пйтусиғағвихпысини. Нагатыки акулгалыхит. Атанғым ахтуғьяхқәнғитыхляғым нагақүмй акилқұлхит. ⁵Кияхтәльыхпысини хұани нунами, акльюңитутыхпысиның сяңўә алңунақ пиюкыхқаҳси альыхыхтақаҳси ыфқуҳналюси лыпысиның катам. Таұатын пильыхпысигун пынйғыстун аюқуси. Пынйғыт қуғилисигат нальюкәт қантағақун тукутыльыхқахтың.

Налъюкыстых̄у қантағақун Атанғым нанқиһтилъыққ̄а?
 6 Лпысиңұт нанқиһтистикатлъю, тукутистикатлъю
 анахусимаңилңуғның юғның, лъңита аяклъймаңитйси.

Қыляныных̄лъяклью, Юғалъықлью

7 Ухпық̄алгутымни, қыляных̄пынаси кынляңа Атанғым
 тагинқиһтыльыққ̄анун. Пйтысиғахта успутақитыху.
 Нунами пйтысиғағлюни қылянығыюкақпынани
 утақйғақуқ уксяғымлъю, упынғ̄амлъю ыслъяльюўаның
 нагустикаюғмың пйсяқаның. 8 Лпысилъю
 қыляныных̄лъюгутык нығыюмаңинағлюси қаюхлъяк
 Атанық тагияхтухтуқ.

9 Ухпық̄алгутымни, сығлық̄ұхпынаки иляси ынк̄ам
 Атанғым нанқиһныңилъиси. Лъңаңұқ Нанқиһтиста
 к̄асяхтуңысталғй. 10 Ухпық̄алгутымни, нықамикльюки
 ўкналиқистыт акузикат а̄тзақун Атанғым. Успутақитыки
 қыляных̄пынатың нуқынъыхтулютың икфиқылъығми
 пикат. 11 Қуяңанйқапут ўкналиқистыт қаюхлъяк
 икфиқңуғңағмың паниның нығыюкумаңинақақ̄ат Атанық.
 Нагақуқақаси Иовым нуқынъыхтулъха, қуястыльхалъю
 Атанығмың икфиқылъха альпагыян. Ынк̄ам Иовыкун
 Атанғым лйтыстйси нафухталъығминыңлъю,
 наңлъыхталъығминыңлъю.

12 Ухпық̄алгутымни, апығнақыхкыхка уна
 мыгнунапихтуқ. Акықиных̄пысини, акықихпынаси
 қиляхкун, налиғмың нунакун, налиғмың сякун алңунак.
 Пияхқ̄акуфси лыган аңгг̄аси, пияхқ̄ангилькуфси лыган
 нак̄ах̄аси. Ынк̄ам атуқақитыки акықусяси, таўатын
 пикуфси Атанғым нанқиһн̄ангитйси агьюғьяхқ̄алюси.

13 Кина акулых̄пысини икфиқңў̄а? Юғағли. Кина
 қуяңа? Илягағли усюқилъығмың. 14 Кина қинуюў̄а?
 Туқльюғлики Пресвитерыт ынк̄ам юғ̄аткылъитху
 мысй̄хқылъюку А̄тзақун Атанғым. 15 Юғалъхым
 ухпықилъыққ̄ун н̄альхусяққақ̄а қинуюлғй йок. Ынк̄ам
 Атанғым юунқ̄ў̄ұхтыснықиһлъық̄а, сығлыққылъхилъю
 сығывульқы. 16 Там̄акын апалъюқльюку ап̄хақльюки
 сығлыққылъыси иляхпысинун, юғ̄аткутутақльюси
 н̄альхутыльыңысқылъюси. Ылкъуғутңалғйм юғым
 юғалъх̄и икнақых̄лъяхтут, альхыгуткаюғ̄т.

17Илия югӯқ хўаңкутыстун аюқылдї. Тāкуңинаҳāгның юғақақ ыслъяльюгухтыфқāн писқыльюку. Ынкāм ыслъяльюгухсимаңилңуқ пиңают аюмиқульхыт алья ағвинлык танқиқ иляльюку. 18Тāхкын алья юғақақ ыслъяльюгухтысқыльюку. Ынкāм ыслъяльюгухсялдїми нуна пїтыстикақ ныгьяҳқамың.

19-20 Ухпықālгутымни, уна киңулигук апыгьюкыхка льпысинун. Налиҳси ухпықинаниқан апыхтўсяпигның, китум каюсиғлигу ухпықинқихтыльыгмун. Таўатын пикумигу югулисльықāк сығлыҳқыстым уңувасикык туқульығмың. Кияғнығымлью сығувульықї тām сығлыҳқыстым сығлыҳқылъылдүтыхлъяги.

Петырым Сивулїт Посланияңи

1 ¹Укут посланият Петырымың пиңўт апостолаңаның Иисус Христосым, Кияғнығым накмикыхкитнун югнун ағуляқўтыстыкат Понтамун, Галатиямун, Кападокиямун, Асиямун, Вифиниямунлюю. ²Нығиғлюку Кияғнығым Атам накмикыхкақйси лъңанун югулюси, Аглығналғимлюю Тағнығам пылюңиҗсяқакйси. Таўатын пикағуқ қаткутысқылъюси Иисус Христосымун, укмаңиҗтысқылъюсилъю аўакун. Кияғнығым каюсилъхалъю, ныкихмылъхалъю ўата нулялик льпысинун.

Ухпықат Сиғималъхат

³Усюқылътыху Кияғнық, Атаңа Атанымта Иисус Христосым! Апалъюқлюку наңлътхталъхлъяни альхынқихтыстйлю уңувахтылътығмикун Иисусым Христосым туқулътығмың. Тәм сиғималътыңыстыхлъягйлю налъюнықнйлңуғмың. ⁴Ынкәм утақаңўапут пилйсяқкапут қуястылътхлъягыт Кияғнығым афлътыңақыхкаңи югминун. Афлътыңакңўй қилығми льпысинун ынкәм ағунанңитут, нawnанңитут, гывnanңитутлюю. ⁵Кияғнығым ахтуғьяхқангилътығмикун пақнйҗсяхлътықйси ухпықилътхпысигун. Ынкәм кынлътхўтылътығми алиҗлътықә югулилътық ятаҗқыхкәқ льпысинун.

⁶Тәм қуямастйси, қайўа мātын натыңйҗақ альъяҗйнағмың сығлылйгьяғнаҗпыси. ⁷Тамәкут сығлылйгыт наңйқусйгут ипапихқынъалюси ухпықилътхпылгутси. Ухпықилътхсы мығнунағатағалғйңуқ калмылҗимың. Калмылҗит наңйқунығмыхтыки кыныхқун нәфқыхкаюғут. Паниның кыңгыт атуқакйт пылюңиғналюки. Таўатыхпигақ

ухпықилъықси нангїқуяққāгук. Ағулїскан пылюңилъюни, альхықлъықақси усюқилъық, ниғухқылъық, қўлвалъық Кияғныңмың алиқтыкагу Иисус Христос.

⁸ Ысхїгатығңақпысигу пиниқақси, ысқангитығңақпысигу мāтын ухпықақси. Ынкāм қуяқлъягўси рыпаль āпхўāхпагниңитақси аңталяңа қуялъықпыси, ⁹ қаюқлъяк альхықтыңбукуси югулилъа уңувасиқпыси. Тāнаңўк апалья ухпықилгїси Христосыкун.

¹⁰ Нығиглюку ўкналиқистыт лїгикңўāгнақыхкақāt тāна югулилъық. Ыкналиқуткыхкақāt тунусяқ Кияғныңым тўнъяққā лыпысинун. ¹¹ Тағнығакык Христосым ўкналиқистыт илюңитниткāгук. Уңипāтыкыстақакї икфиқылъыққāның Христосым, қўлвалъыңылъыққāхлъяганыңлъя икфиқылъхан киңуңаның. Ынкāм ўкналиқистыт лїгикнакуткыхкақāt кинаңуяққāтаңа Христос, қакунлъя тамāкут пияққātани. ¹² Кияғныңым ўкналиқистыт лїгикыстыкақї ўкналиқуткыхкїт лъңитнун пиңуңинъилоки, иўырңа лыпысинун пиңуңилоки. Аглыңналгїк Тағнығак каяхтыкāгук қиялгмың. Лъңан ахтуғъяққāнгийлъякун уңипақилгїт Пинилгїның Уңипаның уңипātкақїси тамāкын. Талўа якулгыт лїгиксюпихтыкақїт тамāкут.

Ухпықат Кияхсяққāгут Пылюңилъютын

¹³ Ынкāңам умьюгаси апыгїхсягўāглюки аюқитыки сялъыққамун. Умьюгаси хўатықлъяюāғулюки, сиғимақнўāхтыхулью тунусяқ югулилъыңылъық Кияғныңым тўнъяққā Иисус Христос тагикан.

¹⁴ Қātкульюси Кияғныңмун қаюқлъяк авақутақїси. Ынкāм атуқыпынаки сығлығът пиюкылъыси атуқңуяқыси. Таўатысяхтуси нальюкутыхпысиның натын Кияғныңым кияхтыскысюльхан аюқутаңа. ¹⁵ Кияғнық накмикыстызи, пылюңитутаңаның лыпысылъя пылюңитык сялъықпысигун тамаҳāкун. ¹⁶ Акузитни Игақыхкани игақнāқ: «Пылюңитык қаюқлъяк хўаңа пылюңитуңа».

¹⁷ Юғанықпысини Кияғныңмун Атакнїқақси. Нанқихтақā атуныңўāқ юк тамаҳāн сялъықтулңатун. Ынкāм тальюқитыху нунатāмалюси нунами хўани. ¹⁸ Лїсимакақси сивунғани кияхтыкāгуси

сясїхпынаси катам сивуныхпысистун. Иўырҕа
Киягныңым итымуткақиси тәхкын сясїнҕилнұғмың
киягтәлтығмың. Тукфильхитїси серебромың налиғмың
калмылғимың нәвыхкаюғмың, ¹⁹иўырҕа тукфикақиси
мыгнунапихлығхїмың аўаның Христосым. Лъна
пынїйғағатун аюқуқ сялхўақхїлнұқ. ²⁰Киягныңым
накмикыхкақә Христос талўа сивуңани нуна
улималхїлтыюку. Матын киңулиғни ағнығни алихтыкақә
лтыпыси апалтыюқлыюси. ²¹Христосыкун ухпықақси
Киягның. Лънан уңувақтыкақә Христос тукултығмың,
құлвахлтыякақәлтыю. Тамакын апалтыюқлыюку
ухпықилтыхси, сиғималтыхси Киягныңмун аюқуқ.

²²Қаткутылтыхқун ипапихқылтығмун
пылюңихтыкақаси уңувасиси, ынкәм пиниқышпїгаси
ухпықәлгutyси. Пиникутыкыстахтык илюхпысиның
қамакын. ²³Алхынқихтыкәгуси. Уңувалтығрағаси
тукукаюғмың пиңунгитук, иўырҕа тукуңигалнұғмың
пиңўқ. Алхынқихтыкәгуси Киягныңым акузитаңитхун,
уңувалғит, кынлыңилнұт. ²⁴Акузитни Игақыхкани
игақңақ:

«Қамахлтыютың югыт вығәгыстун аюқут,
пиниңналхїлтыю пїтысиғагыстун аюқут.

Вығәгыт палиғақут, пїтысиғәтлтыю ифқағақут,

²⁵иўырҕа акузитаңи Киягныңым қўнпыкақңагут».

Такуста акузитыт Пинилғит Уңипат уңипақыхкәнит
лтыпысинун.

Атанық Уңувалғиңўқ Уйғак

2 ¹Ынкәм тәкитыху алъяхїнақ сығлық атуқыхкақси.
Иқлтыңиқнанихтык, пинїюхнанихтык,
ақинананихтык, сығлықўгунъанихтыклыю. ²Алхынҳақәт
қўнпың мамагыюгақут. Лъңистун қўнпың мамагыюхтык
пылюңилнұғмың тағнығам маманың. Аңтанїтыслтықә
югулилтыхси, ³қаюхлтыяк нәсиғақси Атанғым
наңлтыхталтыха.

⁴Тагитык Атанығмун, лъна уңувалғиңўқ уйғак.
Югыт иҳсякыхкәт сясїнҕилнұғыстун, иўырҕа
Киягныңым накмикыхкақә мыгнунағлюку. ⁵Лтыпысылтыю
уңувалғиҕстун уйғагыстун аюқуси, ынкәм Аглығналғим

Тағнығам ныкыфтусиқльиси Кияғнығым мыңтығәнун.
 Қыпхәльықаҳси афтыкәлюси священнигыт тӯнилғит
 ахтутмың Кияғнығмун. Лънан тугукльыхльықй ахтутыт
 Иисус Христосыкун. ⁶Игақыхкәлғй Акузитни Игақыхкани
 хұатын:

«Сиоными ныкыхтақақа мыгнуналғй уйғак;
 каңиғам уйғакә накмикыхкақә.

Кина алңунак ухпықилғй лъңаның
 кайңумиқнәнгитук».

⁷Тәна уйғак мыгнунапихтуқ льпысинун ухпықилғинун.

Иўырңа ухпықиңигалңуғнун хұатылңуғук:

«Тәна уйғак мыңтығаңльяхтыт ихсякыхкәт,
 каңиғам уйғакәхсимакаңа».

⁸Амалықа:

«Тәм уйғағым югыт нәхтыстақй, иқустақйлью».

Нәхтақут қаюхльяк қәткусигалңут Кияғнығым
 акузитаңанун. Таўатын Кияғнығым успықыхкақй.

⁹Иўырңа льпыси юғни накмикыхкәгуси, умйлғым
 священнигақйси, афтыкәгуси юғни, Кияғнығым
 лъңан катам юкйси. Накмикыхкәгуси әпхысқыльюки
 альяәхльюхұат анығныхқильхй Кияғнығым,
 тахсиғикақ льпысиның мамлыхльяғмың льми катам
 альяәхльюхұағмун ниғугминун. ¹⁰Сивунғани Кияғнығым
 юкынғисяғйси, иўырңа мәтын юлйсимйси. Сивунғани
 нальюксяғақси Кияғнығым наңльыхталъха, иўырңа
 мәтын альхыхсимәқси наңльыхталъха.

Кияғнығым Қыпхәхтыкйси

¹¹Илякумтәмни, нунатәгусилью, альяныхтәгусилью
 нунами хұани. Ынкәм кайымамси иляпхатыхпынаси
 югусиқпыси пиюкыльхәнун, қаюхльяк югусим
 пиюкыльхән пильюәңәңә уңувасихси. ¹²Пинитун
 кияхтык акулңитни ухпықәнгилңут, лйбрақ лъңита
 сығлытун пистыңунинаюкақиси. Ысхақумыхтыки
 анығныхқильыси усюкыльықәт Кияғнық Ағнығани
 Христосым тагильхән.

¹³Атанық апальюқльюку малихқутақльюси
 кияхтык тамаҳйтнун кавымым иглығутистыңитнун.
 Қәткульюси умйлғмун; лъңаңуқ аңыльыхпиғақ

иглыгутиста. ¹⁴Қаткыльюкилью иглыгутистыт;
 умйлгым ағыюгияқлыгухтыстақй сығлытун пистынун,
 усюкияқлыгухтыстыкақйлью пинитун пистынун.
¹⁵Кияғныңым Пиюкыльқақа пинитун пилъыхпысигун
 ныпйхтысқылъюки нальюқат тымңитхұамың азузилъхйт.
¹⁶Кияхтык итымңалғйстун иўырңа итымңалъыхси
 атуқыфқан сығлығмун. Кияхтык қыпхақтылйәгулюси
 Кияғныңмун. ¹⁷Құлвағлюку тамаха юк, пиникълюки
 ухпықалгутуси, аликълюку Кияғнық, құлвағлюкулью
 умйлык.

Христосым Икфиқылъха Успутақахпут

¹⁸Лпыси қыпхақтылйғни қаткутык пилтыстыхпысинун
 сйвакыльылиглюси. Қаткыхпынаки наңльыхтаһинәтлью,
 умьюгақыхтаһинәтлью, иўырңа қаткақитыкилью
 амьюқыталғйт. ¹⁹Кияғныңым ыфқуқақйси
 сюмығмикныхпысигу льңа икфиқнулюси сямың
 сяпихлъыхйстун. ²⁰Иўырңа сюфльюхсимакуфсики
 қывутқулъуси, сығлытун пилъуси апальюқлъюки, китум
 алңунак усюқнәнгитйси. Нақамынрақ сюфльюхсимакуфсигу
 икфиқылтық пинитун пилъыхпысинун, таўа Кияғныңым
 ыфқуқылтықйси. ²¹Кияғныңым накмикыхкақйси
 сюфльюхтысқылъюки икфиқылъхйт қаюхлъяк Христосым
 икфикуткыхкақйси. Икфиқылъха успутағуқ лпысинун
 малихтысқылъюку. ²²Льңа сығлыхқигатуқ, иқлъыңиқигатуқ,
²³Сығлықұлъыңақңами акисимаңитй. Икфиқақңами
 ақықсахсимаңитй. Итупиль нығыюкуткәгуқ льңаның
 нанқихтикаюгмун ылькуғахлъюку. ²⁴Христосым лъминың
 катам ағлятқақй сығлыхқылтыпут югусигмиклъюки
 қақұрамун. Таўатын пикағуқ туқумасқылъюта
 сығлыхқылтығмун уңувасқылъюта ылькугутңалъығмун.
 Кйтикульхақун нәльхуткәгуси. ²⁵Пыньйғыстун
 ағуляқаталғйстун аюқсахтуси. Иўырңа мәтын утыңнймәси
 Пыньйғнйхтымун Кылыңакистыңанун уңувасихпыси.

Нулихқулъхйтлью, Угикульхйтлью

3 ¹Лпыси угйқани, кияхтык қаткульюси угихпысинун.
 Иляңи нулйлгыт ухпықиңигалңұгут Кияғныңым
 акузитаңаның. Иўырңа таўатын кияхтылъыхпысигун

ухпық̄а̄х̄наюката сямьң пингитығ̄н̄а̄х̄пысики, ² қаюх̄л̄ьяк ысхапакаңат пылюңитун киях̄т̄а̄л̄ьх̄си, аликил̄ьх̄сыл̄ью Кияғ̄нығ̄мун. ³ Нуяқ̄ых̄сял̄ьх̄ым, ул̄ьңақ̄ыл̄ьх̄ым золотамың, а̄шал̄ьх̄ым пиниғ̄нах̄с̄йг̄ат̄ӣ илюси. ⁴ Итупиль пиниғ̄нах̄тык илюх̄пысигун қусывых̄л̄ьылиғ̄люси, ныкых̄мыл̄ьылиғ̄люсыл̄ью. Таўатыл̄ңуқ пиниғ̄нал̄ьық̄ қ̄ўнпыкақ̄а̄гуқ, мығ̄нунах̄л̄ьях̄туқ Кияғ̄нығ̄мун. ⁵ Сивунғ̄ани агани, ағ̄нат маниғ̄ўт̄каюгыт Кияғ̄нығ̄мун пиниғ̄нах̄сяқаюғ̄ўт илюмых̄тыхун, қусывых̄л̄ьылиғ̄лютың, ныкых̄мыл̄ьылиғ̄лютыңл̄ью. Нығ̄юкых̄кақ̄ат Кияғ̄нық̄, қ̄аткых̄кақ̄итл̄ью угитың. ⁶ Сарра таўатыт̄ка̄гуқ! Қ̄аткых̄кақ̄а̄ Авраам, атанқын̄ьикақ̄ал̄ью. Ынк̄ам л̄пыси паник̄йси пинитун пимакуфси, алиңигалькуфсыл̄ью сямьң ал̄ңунак. ⁷ Л̄пысыл̄ью нулих̄туқани кияғ̄утыки нул̄йси л̄йгикл̄ьюки натытуляңи қаюх̄л̄ьяк каятағах̄тут л̄пысиның. Қ̄ўл̄вағ̄люки нул̄йси қаюх̄л̄ьяк атуным альх̄ых̄сяқ̄ақ̄ах̄си Кияғ̄нығ̄ым тунус̄я кынлыңил̄ңуқ уңувал̄ьық̄. Таўатын пикуфси с̄ям ал̄ңунак пильхил̄ьық̄н̄аңгит̄ӣ юғал̄ьыси.

Икфиқыл̄ьық̄ Пинитун Пильығ̄мун

⁸ Тақмиғ̄нақанка сямьң пильх̄ынка х̄ўатын: қамах̄л̄ьюси ат̄асистун сюмығ̄ныл̄гутык, ақ̄ниқ̄утутык, пиниқ̄утык аңлыгуткул̄ьх̄йстун, наңл̄ьыкутутык, қусывгутутык. ⁹ Югыт сығ̄лытун пикаңиси акитых̄пынаки сығ̄лытун, налиғ̄мың сығ̄лық̄ўқаңиси акитых̄пынаки сығ̄лық̄ўғ̄мың. Итупиль акитыки қуястыл̄ьығ̄мың, қаюх̄л̄ьяк Кияғ̄нығ̄ым накмикых̄кақ̄йси таўатын писқыл̄ьюси л̄пысинун альх̄ых̄тысқыл̄ьюку қуястил̄ьыни. ¹⁰ Акузитыт Игақых̄кат пильх̄истун: «Кина ал̄ңунак қуяңал̄ғ̄имың уңувал̄ьыл̄гуюкуми, қуямал̄ғ̄иңыңл̄ью ағ̄ныл̄гуюкуми, сығ̄лытун акузинығ̄мың тақл̄ьи, иқ̄л̄ьыңиқ̄наниғ̄лил̄ью. ¹¹ Сығ̄лытун пинаниғ̄люни, пинитун пили. Ныкых̄мын̄ьақ̄л̄ьюнил̄ью киях̄л̄ьи, ¹² қаюх̄л̄ьяк Атанғым ысхапаўй ыльқуғ̄утңал̄ғ̄ит, нагатақил̄ью юғал̄ьх̄ит. Иўыр̄на Атанғым тыңвимун аюқ̄и сығ̄лытун пил̄ғ̄ит».

13 Китумңам ақниҳлығыси сягиқңукуфси пинитун пильығмун? 14 Иўырңа икфиқығңаҳпыси пинитун пильығмун қуястылығыңылығыси. Аликихпынаки югыт, талўа сюмығьялихпынаси. 15 Иўырңа илюхпысигун манигуғақитыху Христос Атандулюку. Китум алңунак аҗптықаңиси сиғималлығымың илюхпысинилңуғмың қўнпың лигикнатун кїмсиғьяқлығыхїнаўақитыки. 16 Иўырңа кїмсиғақитыки қусывыхлығылиглюси, сївакилығылиглюси. Сылығықынғилькуфси умыюгаси сылығынинангитут. Ынкām югыт сылығықўқаңиси пинитун кияхлығылығыпысиның Христосықун, кайңуохлығықут таўатын акузиллығымыхның. 17 Иўырңа Кияғныңым пиюкылығықыңзукагу икфиқысықлығыси пинитун пильығмун, тāна итагнағатағахтуқ икфиқылығыққаҳпысиның сығылтун пильығмун. 18 Христос туқукāгуқ атāсиғағмың апалыюқлығыки югыт сылығықлығыхит. Сылығықумаңитуқ, иўырңа туқуматкыхкақї сылығықыстыт тагиньалюки Кияғныңмун. Югусї туқуткāгуқ иўырңа тағныңақкық уңувахтыкāгуқ. 19 Ынкām тағныңāлюни уңипағьяхтуқāгуқ тағныңанун анусимиңлығыгвигмылңуғнун. 20 Тақуңўт қаткусимаңилңўт Кияғныңмун нығиғлюку Ной кияхтыңзулюку. Ной ковчегыңлығыялюку Кияғның қыляныхпынани утақїкāгуқ қаткусимаңилңуғнун авутықысықлығыки. Пиңаюның иңлюлхїнāt югыт итығлютың ковчегымун югуликāгут мыққун. 21 Тāнаңўқ мық успутақ крестиғылығығмун югулиғилғїлығысиның мāтын уңувахтылығыхакун Исус Христос. Крестиғылығық иқаңїсїнгитуқ югусимун. Итупиль крестиғылығыхқун ақықїкут Кияғныңмун умыюгамның сылығыниңилңуғмың. 22 Исус Христос қияғмун маюғлюни ағынқигныңанитуқ Кияғныңым. Ынкām иглығыутнўї қамахлығыки яқулғыт, қияғым иглығыутистыңи, ахтуғьяхқанғиллығыхитлығы.

Кияхтық Кияғныңмун

4 1 Икфиқыхкāтаңаның Христос югусимикунлығысылыю ятаҳқитық икфиқсыаққалюси Христосытун, қаюхлығык кина алңунак югусимикун

икфиқылдй сығлыққысюгнанймāқ. ² Ынкām хўакын кынлыкльюку уңувальхпыси тахталңатун малихқутақхпынаси югусихпыси пиюкылтханун, иўырңа атуқитыху Кияғнығым пиюкылтха. ³ Сивунғани сығлытун кияхтыльқинахтуси қātкусигалңуғыстун Кияғнығмун. Хўатын пикāгуси: сығлыгнапихльюку атуқуткаугуахтуси, қилиқутақльюси, сїомўтақльюси, қырңугутульюси угляпыстāғыт сығлығыт атуқақльюки, нықынғахқылльюси, мығўтыхльяглюси ынкām алнунасығахльягухтакуси, манигуқақасилью йнғуткат кияғныңльяқат. ⁴ Кияхнанилдйси ухпықāнғилңуғыстун, лйгикигатāt сяңан иляньанйғыстык сығлытун кияхтāльығмыхнун, ынкām сығлықўдақйси. ⁵ Иўырңа сяльытың лъңитның катам апығьяхқакйт Кияғнығмун, нанқихтияқльыхйнағмун уңувалдйныңлью, туқуканыңлью. ⁶ Тамāкын апальюқльюку Пинилдйт Уңипат уңипақыхкāгут талўа туқуканун. Тамāкут нанқихтыкāгут унуванулютың нунами хўани. Иўырңа Пинилдйт Уңипат уңипақыхкāгут лъңитнун, ынкām тағнығйт кияхсяхқāхльықут катам Кияғнығым кияхтыльхатун.

Кияғнығым Тунусй

⁷ Сяңўа қамахльюни кынлытхўсяхтухтуқ. Тамāкын апальюқльюку хўатыхльюўағулюки умыюгаси, нуқынъыхтулюси юғағьяхқāлюси юғалъыхқахпысистун. ⁸ Мыгнуналъыхпигāгуқ уна: пиниқутыпйглюси қаюхльяк пиниқылтхым сығвутыстақй сығлыққылтълғутыхльяғыт. ⁹ Упуғанғулюси қикыхқуфқāфси. ¹⁰ Тамахахпыси альхыгуткāгуси тунусяның атухқамың иляхпысинун. Альяхйнāt тунусят Кияғнығмың писи атуқақитыки пинитун. ¹¹ Тунусялгыт акузимун акузилит Кияғнығым акузитаңаның. Тунусялгыт қыпхғатимун қыпхғатилит икнақылъылиғлютың Кияғнығым тўныхкāның. Ынкām сяльыхпысигун тамахақун Кияғнық усюқылтъыңльықуқ Иисус Христосықун. Лъңан пикāt ниғуҳқылтъықлью, ахтуғьяхқāнғилъықлью қўнпырухльяк кынлыңунāн. Аминь.

Ухпықат Икфиқылъхат

12 Пиниқыхкамни илякумтāмни, қўвьюхпынаси сығлылйгрукутāхльягыт кāsкаңиси нанғйхсядағналюси.

Нанғйхсяғалгыси альякāягунгитут. 13 Итупиль қуятык иляльхйси Христосым икфиқылъханун қуяңахльягысқылъюси ниғухқыльха алихтыкан.

14 Сығлықўқаңиси апальюқльюку малихсяхтыңумалтъхси Христосымун, қуястыльылгўси қаюхльяк Кияғнығым Тағнығақык ниғухқыңалгйк кияхтыңўк льпысини.

15 Икфиқсяхқāкуфси, икфиқыхпынаси юхтахтыңулюси, тыглыгнйхтыңулюси, сыглытун пистыңулюси, налигмың януткустыңулюси. 16 Нақамынрақ икфиқсяхқāкуфси Христианиныңутыхпысиның, кайңуюхпынаси иўырңа усюкнакыси Кияғнық атиқаңиси Христосым āтханың.

17 Нанқихтилтъыхқак кātuқ, сивукльюни пйнлихльықуқ Кияғнығым ныңльюгутаңакун. Пйнлигнақнукан хўаңкутхун, сялъықанңам қātкусигалңūt Кияғнығым Пинилгйнун Уңипāнун? 18 Акузитыт Игақыхкат пильхистун:

«Бльқугутналгйт пыгным югуликāкуйың,
авылгасиңўālгйт Кияғнығмың,
сығлыхқыстытлью натынңам югулилтъыңылтъықат?»

19 Ынкāнам тамāкут икфиқылгйт апальюқльюку Кияғнығым пиюкыльха, ылъқудульютың пильықут, ныгьюкулъықйтлью уңуваситың атāsиғмылңугмун Улимағистымун.

Афльыңакыльықйт Кияғнығым Юги

5 1 Сямың пйхсюганка Пынъинихат югағвихпысинилңūt. Хўаңалью пынъинихагуңа, ысхапакақыкыхкалью Христосым икфиқылъха, илясяхқāгуңалью Христосым āңылтъыхльяганун Кияғнығым алихтыкагу. 2 Ынкām қылыгьюгамси Пынъинихатыни хўатын: Пынъйгнйхтыңутык Кияғнығым пынъйгитнун; ныгьюкуткақй льпысинун афльыңакысқылъюки. Афльыңакитыки қаюхльяк афльыңаксюкыси, накāн қаюхльяк пияхқātыхпысиның. Кияғнығым таўатын писқысюгйси. Афльыңакитыки

нак̄ан акилыхт̄сяңыпигыснағналюси, иўыр̄на қаюхл̄ьяк каюсиғ̄ьюкыси. ³Ағгиткақыхпынаки афл̄ыңақыхкаси, иўыр̄на малихсюгнақитык л̄ьңитнун. ⁴Ынк̄ам Иглығутистыңат Пын̄ьйгн̄иҳтыт тагикан альхығул̄тықуси пиниг̄напихл̄тых̄ймың қақпамың қылмығ̄йсяққ̄ангилн̄угмың.

⁵Таўатых̄пигақ л̄пыси уюқл̄тығни малихқутақл̄юси с̄иванл̄тығнун. Қамахл̄юси қусывгутул̄юси қаюхл̄ьяк Акузитыт Игақыхкат пикағут:

«Кияғнығым кипул̄тыгмун аюқ̄и құкаюгнығьт, иўыр̄на каюсиғақ̄и қусывығ̄налғ̄йт».

⁶Ынк̄аңам л̄пысиның катам қусывығ̄ңатык Кияғнығмун ахтуғ̄ьяққ̄ангитых̄л̄ьягмун. Т̄ахкын құлвах̄л̄тық̄йси накмикыхкамини ағнығми. ⁷Қамахл̄юки сюмығ̄ялиткыхкаси пыхтыки л̄ьңанун, қаюхл̄ьяк афл̄ыңақн̄ўйси.

⁸Л̄исималюси, кылыңалюси. Аңуяхси Тұғнығақ иглығаңуқ угинил̄ғ̄итун левытун, ивағ̄иқуқ кина н̄афқыньалюку. ⁹Аякл̄тых̄тыху Тұғнығақ айыпсюгилн̄уққун ухпықил̄тых̄пысигун, л̄исимакл̄юки ухпық̄алгутыси нунатах̄анил̄н̄ўт таўатын л̄ьңитл̄ью икфиқ̄н̄ўт.

¹⁰Иўыр̄на натың̄иҳақ икфиқ̄ыл̄тых̄пыси киңуңаның, Кияғнығым пиниқ̄иңақл̄ьягым тамаңанун, л̄ьңан катам нал̄хус̄ял̄тық̄йси с̄ямың тамах̄аның. Ухпықил̄тыси икнақух̄сях̄л̄тық̄и, айыпсюгих̄сях̄л̄тық̄и, ағулих̄тысл̄тық̄и. Кияғнығым накмикыхкақ̄йси Христосыкун илятысқыл̄юси кынлыңилн̄угмун аңыл̄тых̄л̄ьягминун. ¹¹Қамахл̄юку ахтуғ̄ьяққ̄ангил̄тық̄ л̄ьңан пика қунпырухл̄ьяк! Аминь.

Петырым Т̄ақн̄итаңи Акузитыт

¹²Сила ат̄ас̄йгмылн̄ўгуқ ухпық̄алгута; иг̄атақ̄аңа такыст̄ах̄ах̄тыхун посланиямкун л̄пысинун. Посланиянка Кияғнығым пиниқ̄ыл̄тып̄иганың аюқут. Уңип̄атамсил̄ью, кайымамсил̄ью киях̄тыкыст̄йсқыл̄юси пиниқ̄ыл̄тых̄ани.

¹³Ухпық̄алгутыси Вавилонымылн̄ўт, л̄пысистун Кияғнығым накмикыхкақ̄и. Л̄ьңитл̄ью, иг̄нығмал̄ью Маркым пиниқ̄йсиңут. ¹⁴Қуякутақитык н̄альх̄ққун Христосым пиниқ̄ыл̄тых̄акун.

Ныкыхмыл̄тық̄ тамах̄ах̄пысинил̄ыи Христосым пил̄йтк̄итни.

Петырым Тўнлїт Посланияңи

1 ¹Укут посланият Симон Петырымың пиңўт. Қыпхақтыкәналъю, апостолаңалъю Иисус Христосым. Письмомамси қамахлъюси альхыгуткани ухпықилъығмың хўаңкутыстун аюқылғимың. Альхықтыкақахпут ухпықилъыхпут ыльқугутңалъхакун Иисус Христосым, Кияғнықыхкыфутлъю, Югулиғистыкыхкыфутлъю.

²Пиниқыльхалъю, ныкыхмыльхалъю ўата нулялик льпысини лїсимакыльыхпысигун Кияғнығымлъю, Иисусымлъю Атаныхтамта.

Кияхтыльыхқақ Кияғнығым Кияхтысқысюльхатун

³Иисус ахтугьяхқәңгилъылгўқ Кияғнығмың. Тәхун ахтугьяхқәңгилъыхқун тўныхкақилью сямың тамаҳаның аклъюкыхкамнъың кияхтысқыльюта Кияғнығюныхтулюта. Тамәкут альхықтыкақапут қаюхлъяк лїсимакыхкыфут Иисус. Туқлъюғилью илятысқыльюта қўлвалъығминуңлъю, пинильығминуңлъю. ⁴Ахтугьяхқәңгилъығмикун, Иисусым тўныхкақилью акықусяминың мыгнунапихлъыхїныңлъю, пивагнапихлъыхїныңлъю. Тамәгун акықусятхун Кияғнығым илятыслъықїси наңағнығминун. Тәхкын анагьяқлъыгухлъықаси сығлығым пиюкылъхи нунамылңўт нәфқйяқлъыгыт льпысиның. ⁵Кияғнығым наңағнылиткакутаңаның льпыси, тәкуңинахәғның пинақылъахси қамахлъюку илятыки укут ухпықилъыхпысинун: ухпықилъыхпысинун илятыху пинильық, пинильыхпысинун илятыху лїсималъық, ⁶лїсималъыхпысинун илятыху нуқытутилъық, нуқытутилъыхпысинун илятыху ағулилькәмалъық, ағулилькәмыльыхпысинун илятыху

Кияғнығыюныхтулғық, ⁷Кияғнығыюныхтулғыхпысинун илятыху наңлыкутутылғық ухпықалгутыхпысинун, наңлыкутутылғыхпысинун илятыху пиниқылғық.

⁸Тамāкут атуқнукуфсики, нулястыкуфсикилью каюсйлғықйси атухқәлюсилью, каюткахқәлюсилью лйсимакылғыхпысигун Атанымта Иисус Христосым.

⁹Иўырңа китум алңунак атуқынғилькумики тамāкут, амухтапихтуқ ынкām ысхәтыпагниңитуқ. Пуйгукақә Кияғнығым укмаңиқа сығлыхқылғыға.

¹⁰Ынкāнам ухпықалгутымни, нальюнықниғўахтыху Кияғнығым туқлыюқақйсилью, накмикыхкақйсилью. Таўатын пикуфси таўа иқитықахнāнғитуси Христосымың. ¹¹Ынкām Кияғнығым куякусиқыхльяглюси итыхтыслғықйси кынлыңилнұғмун Атаныхпагульханун Атанымталю, Югулиғистымталю Иисус Христосым.

¹²Қайўа лйсимақыңәхпысики тākут ипапилхыт, сягиқутнұғнәхпысикилью қаткынъалюки, йўлың нықамикльықамси тākуның ипапилғығның льпысинун апыхтūtкамнғың. ¹³Сюымни итагнахтуқ нықамикыхкумси тамāкуның уңуваңулюңа.

¹⁴Лйсимакақа туқуяхтухтуңа қаюхльяк Атанымта Иисус Христосым уңипāтыкыстакақәңа. ¹⁵Пинақылғықа қамахльюку апыхтуғамси тамākын, ынкām туқульығма киңуңаның нықамикылғықаси.

Ысхәткат Христосым Ниғуҳқыльғаның

¹⁶Атуқумаңитапут пыққиниқутнўағлюки уңипағāтыңльяқат әпхақнамтыки льпысинун ахтуғьяхқанғильхалью, тагильхалью Атанымта Иисус Христосым. Хўаңкута катам ийыхльюўāmнғың ысхақақахпут лъңан аңыльыхльяга. ¹⁷Иисусым альыхытақнагу құлвалғықлью, ниғуҳқыльықлью Кияғнығмың Атамың, нагақуқақә мыңа Кияғнығым, Қулихпигәлғй Ниғуҳқыңъахльяк. Атам пикақә: «Унаңўқ пиниқыпихтыкыхка Иғнықа, ыфқуқыпихтыкыхка».

¹⁸Хўаңкута хўаңкунғың катам нагаткақахпут ма қиляғмың Иисусымытақнамта ағлыңналғйми нәйғами.

¹⁹Тамākын апальюқльюку хўаңкунйи нальюнықшахйтут ўкналиқистыт ўкналиқуткыхкйт

ипаңутаңи. Лъпысинун пиниҳлъықут
сюмыхтағаткыңъўақуфсики ўкналиқуткыхкїт,
қаюхлъяк кынылғутам кўкхутыльхатун аюқут
мамлыгмун. Таўатытыкыстахтык кынляңа Христосым
тагильыққан ағнығанун. Тәхкын ниғуга кўкхульықуқ
иллюхпысинун, унәңум игалықытәғатун аюқлюни.

²⁰ Лїгикнўағьяхқақаси уна: Китум алңунак лъңаның
катам лїгикыпағниңитї сямың писїтаңи ўкналиқыльхыт
Акузитнилўт Игақыхкани. ²¹ Ыкналиқистыт
накмикумаңитїт ўкналиқуткысяхқатың. Итупиль
Ағлыңналдїм Тағнығам ўкналиқистыт акузитылиткақї
акузисқыльюки Кияғнығтамың.

Апыхтуғистысиғўағыт

2 ¹ Сивунғани агани ўкналиқистысиғўағыт
акулңитнисяхтут Кияғнығым югитни, катам
апыхтуғистысиғўағыт акулыхпысинилъықут.
Налъюныҳпысини апыхтухлъықїси иқлъыңамың
нәфқынъалюки ухпықилъыси. Қайўа Христосым
Пилїтыстыңита тукфиқақыңнїстың итымунъалюки
сығлықхлъыхитның, паниның пикнанихлъықїт.
Ынкәм нўсаган лъңитның нәфқыслъықут. ² Юлгутыт
малигульықут апыхтуғистысиғўағнун кайңуналңинун
кияхтәлхитнун. Ынкәм югыт сығлықўхлъықїт
апыхтўсяпигыт атупут. ³ Пакихтыльығмыхтыхун
апыхтуғистысиғўағыт аклююңигиохлъықут
лъпысиның. Ынкәм апыхлъықїт апыхтўсяңлъяқатың
маниңналютың лъпысиның. Има нығихәның Кияғнығым
Нанқихтистыңатлъю, Нәфқїстыңатлъю қавїгатуқ
ағьюгьяқлыгухлъюки аюқї.

⁴ Кияғнығым ағьюғумаңинъығитї якулгыт
сығлыққақңата, иўырңа милїоткақї геенамун. Таўани
писяхтїхлъягми қїпшағусиңнәт, утақїлғїт Ағнығанун
Нанқихтильхым. ⁵ Нығиғлюку Ной кияхтыңбулюку,
Кияғнығым ағьюғумаңинъығитї югыт авылғасиңўағикат
лъңаның, ынкәм улывыстыкақә нуна. Иўырңа
югуликақә Ной, иляңилью мағрағвинлык югыт. (Ной
уңипахтыңукағуқ ыльқугутңалдїмун кияхтәлхыгмун.)

⁶ Кияғнығым ағьюқақәклью ныхлъягык Содомылью,

Гоморрамлю. Нәфқыхкақāk кыныхқун кынляна пепелынухтыльыхкынун. Ынкām успутāхтыкақāk сяхқātати югыт авылқасиғўағикат Кияғнығмың. 7-8 Лот ыльқугутңалғиңуяхтуқ юк кияхтыкақ акулнитни тамākуни сығлыгыт югыт. Ахутаңа тамаҳāн сығлылйгуткыхльякақй уңувасиғмикун ысхапаглуки, нагальюки сығлытун кияхтāльхит, нуқытыхпынатыңлю блудыльгит. Ынкām Атанғым югуликақā. 9 Таўа лйтаҳпут, Атанық лйсимакуқ натын югулилбыхқамың ыльқугутңалғит югыт, нанғйхсяғалыңыңгата. Кылыңакңўйлю сығлыгыт югыт ағьольбыңлыбьғмылңўт, утақймалюки Ағныңанун Нанқихтильхым. 10 Тана ағьольбық кияң тамākунун аюқуқ малигульхйнун югусимың сығлытун пиюкыльыхльягитнун, қātкусюгигалңуғнунлю китумун алңунак.

Тамāкут апыхтуғистысиғўағыт тытугигатутлю, льмиңуогныңўтлю. Алиңыхпынатың сығлықўдақит ниғугракыхтат. 11 Яқулгыт икнақатағахтут, ахтуғьяхқāнгитағахтут тāкуның ниғугракыхтаның, паниның сивуңани Атанғым анахусиманинāнгитит ниғугракыхтат. 12 Иўырңа тамāкут апыхтуғистысиғўағыт сығлықўдақит сяңўāt лйгикыхпынаки. Тығикусястун сюмыхтағаҳпағниңилңўгут. Тукутыльбыңлыбькут тығикусястун альхығлютың тығихтуғлюки тукуткāt. 13 Углялғит икфиқыстақит ынкām Кияғнығым икфиқыслыбькй. Талўа ағнырāгинағми мыңўтыхльягақут, югусимыңлю сығлыгыт пиюкыльхит атуқақйт. Кайңусяғāтыхльягақут нықынғахқылгусймалюси, ынкām акулыхпысини нукихнахқыхкастунлю, льмйгуткастунлю аюқут. 14 Ысханығмыхтыки ағнат қилйқақйт. Сығлыхқысюныхтўт иўырңа сығлыхқылбьлғутаңита кыпсюхсигатңўағйт. Маниқақйт югыт пўхнықыхтат сығлыхқысюгысқыльюки, пакигныпихтутлю. Тамākын апальюқльюку Кияғнығым ағьюғьяхқāкй! 15 Тамāкут апыхтуғистысиғўағыт ухпықнаниқақйт апыхтўсяпигыт. Ынкām ағуляқыхкāгут Валаамым пилхатун пиналютың. (Иғнықсяқаңа Веорым.) Қуяқуқ югыт акилыхтунғатни сығлытун писқыльюку. 16 Иўырңа осёлым акузипағниңилңўм, югым мыңакун

иныхтыкақ̄ Валаам. Ынк̄ам агул̄ихтыкақ̄а̄ ӯкналиқиста сюмыңнығ̄ильқылыханың.

17 Там̄акут апыхтуғистысиғ̄ӯағыт п̄атқастун сыңбустун аюқут, қияғ̄ӯағыстунлюю аюқут ануқыхл̄ьягым тыңтықаңи. Кияғнығым ныкаққаңл̄ьяткақ̄и писяхт̄ихл̄ьягми. 18 Ахс̄яғмикамың а̄н̄аюхтақут тымнитх̄уамың акузиткылыютың. П̄иқут итагнағнилюку малихқутақыл̄ыхқақ сығлығнун югусим пиюкыл̄ханун. Ынк̄ам югыт т̄ақақутлюю таўатын кияхтылығ̄цмыхның, манигақ̄ит таўатын пинқихтысқылыюки.

19 Апыхтуғистысиғ̄ӯағыт ӯңип̄аткақ̄ит там̄акут югыт итымңанилюки сямун алңунак пиюкыл̄хитнун, л̄ңит катам итымңаңунғитығ̄н̄ағмың. Қыпх̄ахтыл̄яг̄ӯт сығлығ̄цмыхнун ынк̄ам сығлығ̄цмыххита н̄афқысяқлығ̄ӯй. Юк қыпх̄ахтыл̄яг̄ӯк алңунак сямун иглықатақилд̄ймың л̄ңанун. 20 Югыт л̄итақнамыхтыху Атаныхп̄утлюю, Югулиғистывутлюю Иисус Христос анаг̄яхқақ̄ат нукихн̄а нунам. Иўыр̄на утыңнинқихтыкумың сығлытун кияхт̄альг̄цмыхнун а̄хқутақысимакумыңлюю там̄акунун, т̄аўа кияхт̄альхит сығлығ̄атағ̄ахқаг̄ут пиюх̄ӯальг̄цмыхның. 21 Там̄акут югыт, л̄ит̄н̄ӯаглюку аглыңналг̄и қылг̄усяқ альхыхтыкақтың, тунуткақ̄ат. Итагнағатағ̄ағнахтут л̄исимаңисяқумыхтыху ыльқугутңалг̄и кияхт̄альг̄ц. 22 Таўатын аныхтыл̄ххита ипаңуғтыст̄ат югыт пильх̄ат: «Қикмим утыхфикақ̄а миғьяқани, куругақлюю уғвух̄ыхқақ аглянқихл̄юни уғашамун миңугун̄ықихтақуқ».

Акықусяқ Атанғым Тагил̄ыхқ̄анун

З 1 Илякумт̄амни, укут алд̄йтк̄и письмол̄ығма л̄пысинун. Тамах̄ахкынкун письмол̄ығма нықаңуғтыснакуткамси л̄исимакыхқахпысиның. Сюмыхтағ̄йсқысюгамси там̄акуның ипапихқылыюси. 2 Л̄пысинун нықамикысюганка аглыңналг̄ит ӯкналиқистыт ӯкналиқуткыхк̄ит. Нықамикысюгақал̄ю қылг̄усяқ Атанымта Югулиғистым а̄пқ̄а апостолыхпысигун. 3 Лигик̄н̄ӯағ̄гяхқақахси уна: киңулиғни ағнығни лыгасиғ̄ӯахтылгуяхқаг̄уку; там̄акун̄т малихқутақ̄налг̄ит сығлығнун пиюкыхкамыхнун.

Лыгасиҕуҕаткыльықат Кияғнығым акықуся, ⁴хуатын пильқыт: «Исус акықикагуқ тагинқихльықнилюни. Нагу? Има сивуныпут туқуляғатыльхитның, паниның сяңуа қамахлыни алмысиқақа нунам пинлильханың». ⁵Накмйқагут авылгасиңуагналюку уна ипапилық; нығиглюку Кияғнығым акузитмикун улимакақа қияга, улимакақалю нуна мығмың, мыққунлю. ⁶Тәхкын Кияғнығым мығмың улывыслыюку нуна нафқыхқақа. ⁷Иұырға тәхун акузиткун Кияғнығым афлыңақақ қиягалю, нуналю нафқысыхқалюки кыныхқун. Афлыңақнұт кынляңа ағнығанун нанқихтильхым. Таўанилю ағнығми нафқылдықи югыт авылгасиңуагикат лңаның.

⁸Илякумтамни, пуйгухпынән уна! Атанығми ағнық атәсиқ тысяча аюмикульхыстун аюқуқ, тысяча аюмикульхыт атәситун ағныхтун аюқуқ. ⁹Атанық ыгнаңиньыгитуқ акықусяни пияхқалюку, иляңита югыт суюмхтағалхыстун. Йылығы ныкыхмытутақиси қаюхляк кина алңунак ифляюгунгилькаңа. Итупиль тамахан юк агүитыскысюуа сығлыхқылхитның.

¹⁰Иұырға Ағныға Атанғым тагилықуқ тыглығнихтытун. Таўани Ағнығми қияга авйгусяхқагуқ ыфтуғутыхлягмың. Сяңуат қамахлытың қиягамылнұт кынғым уғухлықи. Қамахлыютыңлю нунамылнұт паныхлықут. ¹¹Қамахлыютың тамакут уғугяхқатаңитның, лыпыси юғни натылыкыстык? Кияхтәлгыси пылюңилыт, Кияғнығмунлю аюқлыт, ¹²утақималюси Ағнығанун Кияғнығым. Пинақылхәхси қамахлыюку пинитун пйқитыки ағнық тагирахкйгысылыюку. Таўани ағнығми кынғым нафқылдықа қияга, мәннығымлю уғухлықи сяңуат қамахлыюки қиягамылнұт. ¹³Иұырға хуаңкута утақиндүкут Кияғнығым акықусяқыхканың. Пикагуқ нутағамың қиягаңляхльықнилюни нутағамыңлю нунаңляхльықнилюни. Таўани ыльқуғутналғиңинат кияхлықут.

¹⁴Ынқаңам илякумтамни, утақималюси тауавык Ағнығмун пинақылхәхси қамахлыюку пылюңитыклю, афқуйтыклю Кияғнығым ысхамалхәни.

Ныкыхмытыклью Лъдани. ¹⁵Сюмығмикитыху Атанымта нуқытутильха лыпысиның югулильыңысқыльюси. Пиниқыккамта ухпықалгутымта Павелым аҗқакй тәкут атәсит письмоғақнами пыққинылтылыглюни Кияғныхтамың. ¹⁶Письмоткыхкакй тамәкут қамахльюки посланиямикун. Налиғныңи Павелым посланияңан лйгикныхльюгүт. Югыт лйгикыльыпагилңүт, ухпықилыпагилңүт альяңухтақйт сямың писйтаңи посланияңанилңүт. Таўатынлью пйқйт иляңи Акузитыт Игақыхкат ынкәм нәфқыңгүт лңитның.

¹⁷Илякумтәмни, лйсимакутыхпысиның сяқутаңи қәткусигалңүт лйлихтүсянун, кылыңатык. Ағулякутыстыхпынаси анахутңалгйнун апықтуғилхитнун. Таўатын пикуфси малгукльинәнгитуси ухпықыхкақысиның. ¹⁸Иўырңа нағныхтык ўатақәғак лйсимакльюку Иисус Христос, Атанықпут, Югулиғистывут, нағныхтыклью ўатақәғак пиниқыльхакун. Ынкәм Христос усюқылтыху, құлвәльтыху мәтын, қүнпырухльяклью! Аминь.

Йоанным Сивӯлїм

Посланияңи

Акузин Уңувалъық

1 ¹Тәна пїнлиғьюхўалъығмың аюқылғи: нагақуқахпут, ысхақахпут хўаңкута катам ийымнғың, ысхапақахпут, сяфтықахпут йхымнғың, тәнаңўқ Акузин уңувалъық. ²Тәна уңувалъық ысхағьяхқәхтыстақнан ысхақақахпут; ынкәм хўа апқахпутлъю, уңипақахпутлъю лыпысинун тәна кынлыңилңуқ уңувалъық Атамысялғи, ысхахтыстыкақ хўаңкуньун. ³Апқахпут лыпысинун сяңўа ысхақахпутлъю, нагатқахпутлъю илятысқылъюси хўаңкуньун, илятңалъымнғынлъю Атамун, Иғнығанунлъю Исус Христосымун. ⁴Письмоткапут тамәкут қуялғыхпут йғўйсқылъюку.

Кияғнық Ниғугўқ

⁵Уна уңипақ нагақуқахпут Иғнығаның Кияғнығым апығнақахпут лыпысинун, Кияғнығңуқ ниғугўқ, мамлылғықшахйтук. ⁶Иўырңа илятңаникумта лъңанун нақам паниның мамлығми кияхтыңбулюта, иқлғыңиқңўкут, атуқиғатахпутлъю ипапихқылғық. ⁷Иўырңа ниғугми кияхтыкумта лъңан ниғугмытылхатун тәўа илятңәкут илямнғын, аўанлъю Исусым, Кияғнығым Иғныған, укмаңиўйлъю тамаҳаның сығлыхқылъымнғың.

⁸Сығлыхқылъхинькумта пұхтыңўкут хўаңкуньың катам, ипапихқылъхитукутлъю. ⁹Иўырңа апкумтыки сығлыхқылғыхпут Кияғнығмун, сығывусяхқакйлъю сығлыхқылъымнғың, укмаңиғьяхқакйлъюлъю тамаҳаның анахутағалъымнғың қаюхлъяк атәсйғмытуқлъю, ылькугульюнилью аюқылғиңўқ. ¹⁰Сығлыхқиғанькумта, Кияғнық иқлғыңиқыстыңуҳлғықахпут, акузитаңилью атуқңунғитапут.

Христос Каютфут

2 ¹Тагнухахамни, хұатын письмоңұамси сығлыққыфқәфси писқылыюси. Иўырңа кина алңунак сығлыққыхан Иисус Христосым ыльқуғутңалғим манигүтутақилью Атамун. ²Льңаңұқ иқитусиқ сығлықкыльымнъун, хұаңқуңинамта сығлықкыльымнъун пиңунгитук, иўырңа тамахақльяган югим сығлықкыльханун аюқук.

³Бсха хұатын ипапиққуткысяққахпут лїсимакильыхпут Кияғныңмың, қаткыльымтыхун қылғусй. ⁴Кина хұатын пилғй: «Лїсимакақа Кияғның», нақам қаткыхпынаки қылғусй, иқлыңиқыстыңұқ, нальюкәлью ипапиқкыльық. ⁵Иўырңа китум алңунак қаткыхкумики Кияғныңым акузитаңи, пиниқыльха Кияғныңмун ипапыстәп йғұақәгук, таўатын ипапиққуткысяққахпут льңанитулвут. ⁶Кина алңунак пилғй кияқтыңунилюни льңани, кияхсяққәгук Иисус Христосым пильхатун.

Нутағак Қылғусяқ

⁷Пиниқыхкамни, уна қылғусяқ письмоткыхкыхка льпысинун нутағәңгитук. Тәнаңұқ нығиқтақ қылғусяқ нагаткаюхси има пинлиғьюхұәльығмың, тәна уңипәгук нагаткахси. ⁸Иўырңа уна қылғусяқ письмоткыхкыхка льпысинун нутағәгук. Тәм ипапиқкыльха ысхағлюни аюқук Христосыкунлюю, льпысигунлюю қаюқльяк мамлык ага нағұхтыңұқ, ниғупик күкхутңұқ.

⁹Кина алңунак пилғй ниғугмынъиллюни нақам угумикльюку ухпықәлгутни, паниның мамлыгмылңұгук. ¹⁰Китум алңунак пиниқыхкумигу ухпықәлгутни ниғугми кияхтыңұқ, ниғугмытутминың нәхтусиққитук. ¹¹Иўырңа китум алңунак угумикыхкумигу ухпықәлгутни, мамлыгмытук. Иғлыхтыңұқ мамлыгми, талұа нальюкуқ навык пиңутни қаюқльяк мамлыгым аястыкақә.

¹²Тагнухахамни,

письмоғақамси қаюқльяк сығлықкыльыси
сыгывутыльыңыхкәгут апальюқльюку Христос.

13 Атани, письмоғақамси қаюқлъяк лїсимакихкыси
лѣңа пїнлигьюхўалтығмың аюқылгї.

Нукальпигани, письмоғақамси қаюқлъяк
кайльқыхкақыхкыси Тугнығақ.

Тагнухағни, письмоғақамси қаюқлъяк
лїсимакихкыси Ата.

14 Атани, письмоғақамси қаюқлъяк лїсимакихкыси
лѣңа има пїнлигьюхўалтығмың аюқылгї.

Нукальпигани,
письмоғақамси қаюқлъяк икнақылгїси,
акузитаңилью Кияғнығым илюхпысинилнўт,
кайльқыхкақыхкысилью Тугнығақ.

15 Пиниқыхпынән нуна талўа сяңўа алңунак
нунам пїңа. Китум алңунак пиниқыхкумигу
нуна, пиниқылъхитук Атамун. 16 Укут ысха
қамахльюки нунам пиңи: сяңўа югусим пиюкылъха
сығлықхусикақылгї, ийым қилїхтыстылъха, сяңўатлью
югыт кукаюгуткақыхкаңит нунами хўани. Такут
Атамың пиңунгитут, нунамың пиңўт. 17 Нуна авиғутнўк,
тамăкутлью сығлықхусиўақылгїт юғым пиюкақыхкаңи;
иўырңа китум атуқыхкумигу Кияғнығым пиюкылъха
кияхсяқкағуқ қўнпырухлъяк кынлыңунән.

Аңуякилгїт Христосымың

18 Тагнухамни, кынля қантағалыйғахтуқ! Уңипаткăгуси
Аңуякилгї Христосымың тагилықнилюку, хўа
мăтын угляпихлъяхїт аңуякилгїт Христосымың
альхыхтўтнўағлютың аюқут, ынкăм лїсимакахпуд
кынля қантағалыйғахтуқ. 19 Тамăкут хўаңкуньсияхтут
иўырңа униткақилью қаюқлъяк илятнўағумаңилнўт
хўаңкуньун. Илятнўақаякумың унинъаянцитилью.
Унитылығмыхтыхун лїгикыстыңўағат
илятнўағумаңитылығхтың хўаңкуньун.

20 Иўырңа лъпыси, Христосым кўвыхкақиси
Аглығналгїғның Тағнығағның ынкăм қамахльюси
лїсимакаҳси ипапихқылъық. 21 Письмоңустымсїи
ипапихқылъық нальюкутыхпысиның? Накă,
письмоңўамси лїсимакутыхпысиның. Лїсимакихкысилью
иқлғыңиқылъық ипапихқылъығмың пиңунгилнук.

22 Кина иқлғыңиқыстыңұа? Иқлғыңиқыстыңұқ хұатын пилғй: «Иисус, Христосыңунғитук». Танаңұқ аңуякилғй Христосымың қаюхльак иҳсякыхкык Атаңалью, Иғнығалью. 23 Китум алңунак иҳсякыхкумигу Иғныға, Атаңалью иҳсяксяхқақә; китум алңунак тугукльықумигу Иғныға, Атаңалью тугукльығьяхқақа.

24 Ынкәңам йўлың нықамикльюку апыхтўсяқ, апыхтўсяқыхқақ льпысинун ухпыгьюхўалъыхпысиның има. Атуқумаңинақуфсигу нагақуқаҳси таўа йўлың Иғнығмыльықусилью, Атамыльықусилью. 25 Унаңұқ акықусяқыхкә тўныльықнилюку хўаңкуньун, кынлыңилңуқ уңувальық.

26 Письмосиқанка льпысинун тамәкут пўхтинақуткылғйт льпысиның апальюқльюки. 27 Иўырңа льпыси Христосым кўвикыхкақйси Тағнығагминың. Тағнығақык илюхпысинитутмығның алъя кина алңунак Апыхтуғистыксюгнәңгитаҳси, қаюхльак Тағнығахкынка апыхтуғақйси сямың тамаҳәның. Апыхтўсй ипаңұт, тымңиңунғитут ынкәм Тағнығам апыхтулхатун Христосымытыкыстахтык.

28 Тағнуҳамни, Христосымытыкыстахтык ынкәм ука алиқан илютуяхқәлюта, йғнақыфқәмта кайңуюгым лъңаның пилғәкут таўани Ағнығми тагильхани.

29 Лйсимакыхкыси Христос ыльқуғутңалғй. Ынкәм лйсимаксяхқақасилью алңунак ыльқуғутңән пикаюгыт Кияғнығым тағнуҳақй.

Авақутй Кияғнығым

3 1 Ысҳақахтыхукун Атам пиниқималъыхльяга хўаңкуньун, авақутақнйқилью лъңанун, ипа авақутақилью. Тамәкын апальюқулюку нунам юган нальюкйлью қаюхльак нальюкыхкаңат Кияғнық.

2 Пиниқыхкамни, таўа авақутақыхкаңилью Кияғнығым, иўырңа сялин хұатыхльюўәқ лйгикигатахпут натын лъйлъыхқахпут. Иўырңа лйсимакахпут, Христос алиқан лъңатун аюқыльықукут қаюхльак ысҳахльықахпут лыған таўатыльюку. 3 Тәна китум алңунак лъминың сиғимакыхкумигу Христосыкун пылюңиҳсягьяхқәгуқ, катам Христосым пылюңитыльхатун.

4Кина алңунак сығлығықыхкаюк қаткусигатук Кияғныңым Лйлихтүсямнъун. Сығлығықылхұқ қаткунъцитылығық Кияғныңым Лйлихтүсямнъун. 5Лйсимакаҳси Христос альхықәгуқ иқинъалюки сығлығықылпыут, лыңа сығлығықылхитук. 6Кина алңунак Христосыми кияғлығық сығлығықумаңинағнәнигуқ. Кина алңунак сығлығықумаңинақуми, лйгикумаңитәлю, нальюкақәлю Христос.

7Тағнухағағни, китумун алңунак пұхтыстыхпынаси! Кина алңунак ыльқугульюни пикаюк ыльқугутңәқ катам Христосым ыльқугутңәльхатун. 8Кина алңунак сығлығықумаңиналғй Туғныңәм пикә қаюхляк Туғныңақ сығлығықыңұлғй има пйнлигыюхұәльығмың. Иғныға Кияғныңым альхықәгуқ уна апәлюқльюку, нәфқынъалюку Туғныңәм қыпхақә.

9Кина алңунак тағнухә Кияғныңым сығлығықумаңинйгатук қаюхляк Кияғныңым наңағныға лыңанилңук; қаюхляклью Кияғның Атакыхкаңа, ынкәм сығлығықумаңинағнәңитук. 10Хұатын лйсимаксяққақапут Кияғныңымлью авақутй, Туғныңәмлью авақутй: кина алңунак ыльқугульюни пиңигалңук налиғмың угумикиңалғй юлгутминың Кияғныңым авақутақынғитә.

Пиникутульюси

11 Уңипақ нагақуқаҳси пйнлигыюхұәльықпысының унаңук; пиникутусяқәгукут. 12Каинтун аюқсяққәңитукут. Каин Туғныңәм пикә ынкәм туқутқақә льми катам аңлыгутни. Сяңан туқутагу? Қаюхляк сяльхй анахутңалғйт нақам аңлыгутаңан сяльхй ыльқугутңалғйт.

13 Ухпықәлгутымни, сяғйғаюхпынаси нунам юган угумикыхкаңиси. 14Лйсимакаҳпут туқумың альпақәгукут уңувальығмун қаюхляк пиниқыхкыпут ухпықәлгутыпут. Кина алңунак пиниқиңигалңук паниның туқумытуқ. 15Китум алңунак угумикыхкумигу ухпықәлгутни юхтақтыңук. Лйсимакаҳси юхтақтым илюңани кынлыңилңук уңувальық кияқтыңбунғитук. 16Хұатын ысха лйсимакыхкыфут пиниқылығық сяңутаңа: Христосым тұныльхақун уңувальыни хұаңкунъун.

Ынкām хўаңкуталъю тўнылытыки уңувальышут ухпықалгутымнъун. ¹⁷Китум алңунак нāмағми кияхтāғым ысхағлюку ухпықалгутни акльюмалқй наңлытынқилькумигу, натынңам Кияғнығым пиниқылъха илюңанильықа?

Тытуўитыльық Сивуңани Кияғнығым

¹⁸Тағнуҳаҳағни! Пиниқияхқāнғитукут акузитырāгинахтыхунлюю, акузилъымтыхунлюю. Йығлыги пиниқильта ипапихқылъюта наңағнымтыхун. ¹⁹⁻²⁰Ынкāнам лйсимакыльықукут Кияғнығмун ипапихқылъығмун пикутфут. Сығлығнинымталъю Кияғнығым сивуңани нальюнықсюкнāнғитахпут сығывутиңальха қаюхляк Кияғнық āңатағахтуқ сығлыгьюнғалъымнъың, лйсимакыхкаңалью сяңўā тамаҳāн. ²¹Пиниқыхкамни, сығлығнингилькумта тытуғнāнғитахпут Кияғнық. ²²Апнымталъю сямың алңунак альхығутакукут лъңаның қаюхляк қаткақыхкыпут қылгўсй, атуқақыхкыпутлюю ыфкуғналғйт лъңани. ²³Уна ысха қылгўсй: хўаңкунъун ухпықысқылъюку Иғнығми āтха Иисус Христосым, пиниқутульюталью Христосым қылыльхатун. ²⁴Китум алңунак қаткыхкумики Кияғнығым қылгўсй кияхтыңўқ Кияғнығми, Кияғнық лъңани. Хўатын ысха лйсимакыхкыфут Кияғнығым хўаңкунъитыльхә: Тағныңағныкун тўныхкамикун хўаңкунъун.

Нанғйқутыки Тағнығат

4 ¹Пиниқыхкамни, ухпықыхпынаки қамахльюки тағнығат. Йығлыги лйгикнақакитыки Кияғнығмың пинутаңи, қаюхляк угляпихльыхйт ўкналиқистысиғўāғыт миңисимāt нунами. ²Ысха хўатын лйсимаксяхқаси Кияғнығмун Тағнығакуткык: тамаҳағми тағнығам āпқагу Иисус Христос югулюни альхықāнилюку, Кияғныхтāғуқ. ³Иўырңа тамаҳағми тағнығам мысйғāскагу Иисус югулюни альхықāнғинъиллюку Кияғныхтāнғитуқ. Тāкук тағнығак аңуякилғймың Христосымың пиңўк нағақуқахпысиның тағйяхқāнилюкык. Тāўа мāтын кātнўāғлютык нунамун аюқуқ.

4Тағнухағни, лыпыси Кияғнығым пикутаңаның, каяльқыхкақаси тамāкут қаюхляк илюхпысинилңуқ ахтуғьяхқангитағахтуқ нунамылңуғмың. 5Тамāкут нунам пикй, апыхтүсит нунамың пиңұт, ынкām нунам юган нагатақйт. 6Иўырңа хўаңкута Кияғнығым пикйлью, ынкām китум лйсимакилғим Кияғнығмың нагатақйлью. Тамāкут иляңита Кияғнығым пикынғилькақан нагасигатйлью. Ынкām таўатын ысха лйсимаксяхқахпут Тағнығакык ипапихқылъхым налиғмың тағнығакык ипаңунғилңұм.

Кияғнық Пиниқылъхұқ

7Пиниқыхкамни, йықай пиниқутутылыта қаюхляк пиниқылъық Кияғнығмың пиңұқ. Кина алңунак пиниқиңалғи тағнухақā Кияғнығым, лйсимакалью Кияғнық.

8Китум алңунак пиниқинғилңұм нальюка

Кияғнық, қаюхляк Кияғнық пиниқылъхұқ.

9Кияғнығым каяхтыкақā тāнаңинахақ Иғныни

нунамун, уңувальыңысқылъюта лъақун. Таўатын

пилъығмикун Кияғнығым кылгуткақā пиниқылъыни

хўаңкунъун. 10Пиниқылъық акузиткыхкыхка хўаңкута

пиниқылъқынғитахпут Кияғнығмун. Йығлығи Кияғнығым

пиниқылъқā хўаңкунъун кылгуткā каяхтылығмикун

Иғныни иқитусйлюку сығлыхқылъымнъун.

11Пиниқыхкамни, Кияғнығым пиниқылъха хўаңкунъун

таўатыскан хўаңкуталъю пиниқутусяхқāгукут. 12Китум

алңунак ысхйгатңўāғā Кияғнық; пиниқускумта Кияғнық

кяхтыңўұқ илюмнй, пиниқылъхалъю йғўйғьяхқāгуқ

илюмнй. 13Кияғнығым тўныхкақйлью льми катам

Тағнығагминың ынкām лйсимакахпут кяхтыңўұқ

хўанкунъи, хўаңкута лъңани. 14Ысхақақахпут Иғныңа.

Ынкām уңипақңўāхпут Кияғнығмун каяхтыкақнилюку

Югулиғистыңулюку тамаҳāнун югнун. 15Китум алңунак

āпқагу Иисус Иғнықнилюку Кияғнығмун, Кияғнық

кяхтыңўұқ лъңани, лъңа Кияғнығми. 16Ынкām

хўаңкута лйсимакахпутлью, ухпықахпутлью Кияғнығым

пиниқылъха хўаңкунъун.

Кияғнық пиниқылъхұқ, ынкām кина алңунак

кяхлғыхй пиниқылъығми кяхтыңўұқ Кияғнығми,

Кияғның лъңани. 17 Ынкām пиниқылтық йғўиұхтыкәгуқ илюмнби илютусқылыюта Нанқихтильхым Ағнығани. Таўатытукут қаюқлъяк Христосытун аюқылдйкут нунами хўани. 18 Пиниқылтығми алиңылтық авйтуқ қаюқлъяк йғўикам пиниқылтықым иқлтықаюўā алиңылтық. Ынкāнам пиниқылтық йғўймаңитуқ тамāкуни паниның алиңыхкаюгни, қаюқлъяк алиңылтылгўқ ағьўлбық.

19 Пиниқйкукут қаюқлъяк Кияғныңым сивукльюни пиниқыхкайлью. 20 Кина пикуми: «Пиниқақа Кияғның», нақам угумикльюку ухпықалгутни, иқлтыңқыстыңўқ. Қаюқлъяк китум алңунак пиниқынғилъкумигу ухпықалгутни ысқақәуни, пиниқнāнгитā Кияғның ысхйгалькынби. 21 Уна қылдусяқā Христосым хўаңкунъун, китум пиниқыхкумигу Кияғның, пиниқсяққақā ухпықалгутнилью.

Ухпықилтық Йғнығаның Кияғныңым

5 1 Китум алңунак ухпықнукумигу Исус, Христосыңутаңа, авақутақā Кияғныңым, китум алңунак пиниқыхкумигу Ата пиниқсяққақй авақутй. 2 Хўатын лйсимаксяққақәхпут пиниқилтықхпут Кияғныңым авақутйтнун: пиниқылтымтыхун Кияғның, қаткылтымтыхунлью қылдусй. 3 Уна пиниқылтықхўқ Кияғныңмун: қаткутылтықхпут қылдусянун. Қылдусй пияқнахльягунғитут, 4 қаюқлъяк тамахағми авақуталйткāн Кияғныңым каяльқықхкақā нуна. Хўатын ысқа каяльқысыққақәхпут нуна, ухпықилтымтыхун. 5 Кинаңāўа каяльқйста нунамың? Китум алңунак ухпықыхкумигу Исус Йғнықнилюку Кияғныңмун, тāната каяльқйста.

Пиңают А̄пхистыт

6 Исус Христосыңўқ тагикақ. Тагикагук мыққунлью, āхўкунлью. Тагимаңитуқ мықйнаққун иўырңа мыққунлью, āхўкунлью тагикагук. 7 Тағныңам āпхā тāна ипаңунилюку қаюқлъяк Тағныңак ипапихқыльхулдйк. 8 Тāўа пиңаюгўт āпхистыт, Тағныңак, мық, āкхў; тāкут қамахльютың итагнақульютың аюкут. 9 Ухпықнукумтыки югыт āпқйт хўаңкунъун, ипапыстāқ ухпықатағағьяққақәхпут Кияғныңым āпқй. Кияғныңым апыльха Йғныңмун

ипанӯқ. ¹⁰Ынкām китум алңунак ухпықыхкумигу Иғныға Кияғнығым қама илюәнитук Кияғнығым āпқā. Иўырңа китум алңунак ухпықынғилькумигу Кияғнық иқлтыңиқыстыңлтыялтықā, қаюлтыяк Кияғнығым āпқā Иғнығминың ухпықынғилькаңа. ¹¹Уна Кияғнығым āпқā, Кияғнығымңуқ тўныхкақилью кынлыңилңуғмың уңуалтығмың, тāна уңуалтық Иғнығанитук. ¹²Китум алңунак тугуклыкумигу Иғныға, уңуалтылгӯқ; китум алңунак тугуклымаңилькумигу Иғныға Кияғнығым уңуалтыңыльхитук.

Кынлыңилңуқ Уңуалтық

¹³Письмосиқанка тамāкут лыпысинун ухпықилгїнун āтҳаның Иғныған Кияғнығым, лыпысинун лїсимакысқылтыюку кынлыңилңуқ уңуалтыхси.

¹⁴Налтыюнықсюкигатахпут Кияғнық; лїсимакахпут нагатақилью āпнымтыху сямың алңунак пиюкыльхакун аюқылгїмың. ¹⁵Лїсимакыхкумтыху нагатыльхә сямың алңунак āптыльымнбың, лїсимакахпут альхығутакукут туңсиқанмбың лтыңаның.

¹⁶Китум ысҳакумигу ухпықāлгүтни сығлыхқылгї туқумун аюқынғилңуғмың юғātкыльгиу ынкām Кияғнығым тўнлигу уңуалтығмың. Акузиткыңтыўāнка югыт сығлыхқылтыхита туқумун пияхқақынғилькаңитның. Сығлыхқылтылгӯқ туқумун аюқылгїмун. Иўырңа юғātкысыңтыңунгитақа таўатын сығлыхқылгї.

¹⁷Қамахлтыюни сығлытун пилтық сығлыхқылтыхӯқ. Иўырңа сығлыхқылтылгӯқ туқумун аюқынғилңуғмың.

¹⁸Лїсимакахпут кина алңунак Кияғнығым авакутā сығлыхқумәнинагнāнгитук, қаюлтыяк Иғныған Кияғнығым афлыыңақңукаңа ынкām Туғнығām сығлытун пинāнгитā.

¹⁹Лїсимакукут Кияғнығым пикилью қайўа Туғнығām иглыгүтнүғнāгу қамахлтыюку нуна.

²⁰Лїсимакахпут Иғныған Кияғнығым тагилюни лїгикыстыкақилью лїсимакысқылтыюку Кияғныпик. Кияғныпигмытукут Иғнығанитутымнбың Иисус Христосыми. Таната Кияғныпиклыю, кынлыңилңуқлыю уңуалтық.

²¹Тағнухәхағни, иқитңалюси кияғнысығўāғның!

Иоанным Тўңлїт Посланияңи

¹ Укут посланият Нуївакмың пиңўт Кияғнығым накмикыхкāнун ағнамун, авақутāнунлѐю ипапигмың пиниқыхкамнун. Лѐңинāнғитуңа пиниқистызи, қамахлѐютыңлѐю лїсимакылғїт ипапихқылбығмың пиниқїси, ² қаюхлѐяк ипапихқылбық илюмнѐилнұқ. Тāна ипапихқылбық илюмнѐисяхқāгуқ кўнпырухлѐяк.

³ Каюсилбық, наңлѐыгѐюлѐық, ныкыхмылбықлѐю хўаңкунѐилбықут кияхтыңѐюлѐюта ипапихқылбыхқунлѐю, пиниқылбыхқунлѐю. Тāкут Кияғнығмың Атамың, Иисус Христосымыңлѐю, Атам Иғнығаның пиңўт.

Ипапихқылбықлѐю, Пиниқылбықлѐю

⁴ Қуяпихтыкāгуңа нагақуғлюки иляңи авақутахтын кияхтыңѐунилюки ипапихқылбыхқун таўатыхпигақ Атам қылылѐхатун хўаңкута. ⁵ Ағнами, пїмкын пиниқутутылѐта. Тāна нутағāнғитук қылгўсяқ пїсьмоткыхкыхка лѐпынун; қылгўсягуқ има пїнлигўюхāлтығмың. ⁶ Уна пиниқылѐхўқ, қātкутылбық Кияғнығым қылгўсянун. Қылгўсяқ нагақуқахси пїнлигўюхўāлтығмың унаңўқ: қамахлѐюси пиниқулыюси кияхтык.

Аңуякилғїт Христосымың

⁷ Угляпихлѐыхї пўхтиста нунами миңилѐюни аюқуқ. Тамāкут югыт апыңнāнғитāt Иисус Христос югулюни альхықāнилюку қаюхлѐяк ухпықигатāt. Таўатылнұқ їк пўхтистыңўқлѐю, аңуякилғїңўқлѐю Христосымың. ⁸ Ынкāм кылыңалюси, пыхсякунāн қыпхātкахси акилыхтўсяхқāхси қамахлѐюку альхыхсяхқāхси.

⁹ Китум алңунак қāsхускумики апыхтўсї Христосым Кияғнық лѐңанинѐығитук. Иўырңа китум

алнунак атуқумаңинақумики апыхт̄с̄й Христосым,
Атаңалю, Иғнығалю лъңанитук. ¹⁰Китум алңунак
апыхтуғъяхтуқаниси атуқыхпынаки Христосым апыхт̄с̄й,
ақылъқаңлъяхпын̄ан налиғмың қуякыхпын̄ан, ¹¹қаюхлъяк
китум алңунак қуякыхкумигу қыпхалгусиқалъх̄х̄лъяқ̄а
сығлығмың қыпхақ̄аның.

Нәңн̄итыт

¹²Апығъяхқахлъягуғ̄н̄ағма лыпысинун посланиятхун
пионгитанка. Иўырңа сюнаңуқ л̄ялих̄фиклъямси,
алых̄қ̄ун̄ьях̄тукут хинасях̄қ̄ўлъюта, ынк̄ам
қуятых̄лъяг̄наях̄тукут.

¹³Авақут̄ита накмикыхкам āкаҳпыси пиниқ̄йсиңуқ.

Иоанным Пиңайтаңи Посланияңан

¹ Укут посланият Нуйвакмың пиңүт Гаййемун ипапик пиниқыхкамнун.

² Пиниқыхкамни, лйсимакақа уңувасиққан итагнахтуқ. Юғаткақамкын итагнйсқлыютын сякун тамаҳакун, югунқыхтысқлыютынлюю. ³ Қуяпихтыкағуңа иляңита ухпықалгутыт калъютың уңипасятңа атасйғмытылғыпының ипапихқылтығмун, йўлың лыпысинун атуқңунилюку ипапихқылтық. ⁴ Қуяпихтақуңа нагақунымки авақуталйтканка атуқңунилюки ипапихқылтығмың. Аля сям алңунак қуясигатәңа таўатын.

Иоанным Усюқыхкаңа Гайй

⁵ Пиниқыхкамни илякумтамни, пинйпихтуқ атасйғмылыютын қыпхалғын Киягнығмун афлыңақылғыпыгун ухпықалгутыт талўа тамакут нальюкыхкақтың. ⁶ Мәни юғағвигми апҳақат пиниқылғын. Каюсйтахтики нагнығутысқлыюки иглығалғыт. Каюсйғилғын Киягнығым пиюкылғыхатун аюқлыюку ⁷ қаюлғык иглығаңүт апальюқлыюку Христос. Тугуклығиңигатут ухпықангилңуғның каюсылғығмың ⁸ ынкәм хўаңкута ухпықани каюсйғяхқақапут тамакут югыт. Таўатын пикумта қыпхалгуткылғықилью апыхтуғиңулютың ипапихқылғығмың.

Иоанным Апқык Диотрефьлю, Димитрийелью

⁹ Письмокайхтуңа ухпықанун иўырңа Диотрефым умйлуғуғныңым ўакигатй лйлихтульғынканка. ¹⁰ Лпысинун пикума апыхлықақа сякутаңа. Сығлытун акузиткақилью, иқлыңиқуткақильюлюю. Таўатыңинақ пиңигатук упуғасюгигатй ухпықалгутыпут канғығата. Упуғатиюлғйт

иныхтақй̄, упугатингатаљю ыфльықуғақй̄ ухпықат қырнуғутфигитның.

11 Пиниқыхкамни, сықлытун пикаюгыстун пихпынаң, йығлығи пинитун пикаюгыстун пй̄қи. Кина алңунак пинитун пикаюк Кияғнығым пик̄а; иўырңа китум алңунак сықлытун пикаюгым наљюк̄а Кияғнық.

12 Тамағағми ухпықам Димитрий̄ пинигнй̄қат й̄ок. Ипапихқылъюни кияхт̄альхан ипапихқуткыст̄а. Т̄аўа хўаңкуталъю таўатын пй̄хпут, лй̄симакаси акузилъыпут ипаңўт.

Иоанным Посланияңан Н̄аңнй̄таңи

13 Апығьяхқахљьяг̄ўна лыпынун иўырңа посланиятхун пионгитанка. 14 Сюнаңуқ қантағақун ысхағлякын ынк̄ам алыхқўльықукуң хинасяхқўльютуң.

15 Кияғнығым ныкыхмыльха лыпынилъи. Илякумт̄ахпык қамахљютың сюмығмикақ̄атыңуқ. Уңип̄ақуқағнакытын қамахљюки илякумт̄апут сюмығмикақапунңуқ.

Иудам Посланияңи

¹ Укут посланият Иудамың пиңүт, Иисус Христосым қыпшақтыңаның, Иаковым уюғаның.

Письмоғақуңа Кияғнығым накмикыхкйтнун. Кияғнығым Атамта пиниқйси, Иисус Христосымлью афльыңақақйси.

² Кияғнығым наңлътхталътхалътю, ныкыхмылтхалътю, пиниқылътхалътю нуляли лыпысини.

Иудам Аңқаңи Апыхтуғистысиғұағыт

³ Пиниқыхкамни, письмоғююпихтақамси югулилътымнътың. Иўырңа нағақуғьямки апыхтуғистысиғұағыт лыпысинилңүт, апығьюқақа лыпысинун симиғақа. Лйсимакаси Кияғнығым каяхтықақй апостолынилью, иляңилътю югыт апыхтйскыльюта ухпықсыхқамнътың. Ынкәм китум алңунак альяңуҳсыхқакыңгитйт лъңита апыхтуғилътхит. Тамākын апалътюқлътюку письмоңүңа қывўльтюси кипульхинағыскыльюки апыхтуғистысиғұағыт. Апыхтуғистыхпынаки ипаңуңгилңуғның апыхтўсйтның.

⁴ Қырңугунътхпысини малигутақут, иўырңа уңипāsигатйси сямың апыхтуғьюгақнилюси. Тамākут югыт тугуклығьюгигатāt Иисус Христос танаңинахақ Иглыгутистывут, Атаныхпутлътю. Ынкәм альяңухтақāt апыхтўсяқ Кияғнығым наңлътхталътханың аюқылдй. Хўатын пйқут: «Кияғнық наңлътхталътхытук, сығывутикаюгўқ ынкәм итагнахтук распутствағнамта». Қавңарухлътяқ Кияғнығым уңипātкақйлью ағьюхлътықнилюку кина алңунак апыхтуғилдй таўатын.

⁵ Уңипātкәяғңахпыси сивунғани Кияғнығым ағьюгилътханың сығлътхқыстынун, нықаңуҳсюгамси альямың тākут успутақлътюки. Нықамиклътюку Атанғым югуликақй Израилътмйт Египетығмйның, ағуляқыстықақй Египетмың. Иўырңа киңуңаның тәм

иляңи Израилығмит ухпықинанигыята, қаткунъанигыята
 лъңанун, тукустыкақй. ⁶Нықамикльюки якулгыт
 Кияғнығым писқыхкә нагныгусимаңиткәт, униткәтлью
 ныйың қиляк. Тамәкын апальюқльюку Кияғнығым
 асиққыхкй қйпшагутның ныкығңаяқханың қўнпырухльяк,
 ныкыхтыстыкй мамлхльяхкун. Таўантыснақңўй
 кынляңа ағьўлбьыхқаминун Нанқихтивигым Ағнығани.
⁷Нықамикльюки Содомығмитлью, Гоморрағмитлью,
 увитаңитнилңўтлью нунат. Якулгыстун сығлыққыхкәгут.
 Альяхйнақ блудодействыльық пикәт, талўа югыт
 юлгуткульхит атуқутақльютың, сяңўәтлью сығлығатағат
 атуқыхкақйт. Успутәгут Кияғнығым ағьюгильханың
 сығлыққыстынун кынлыңилңухкун кыныхкун.

⁸Апыхтуғистысиғўәғыт таўатытут. Пйқут
 қаванульхитаңуқ блудникыстақит, қаткысигатйтлью
 югыт иглығутистыт, сығлытунлью акузиткыстақйт
 якулгыт иглығутистыт. ⁹Нақам Михаил, якулгыт
 иглығутистыңита иляңат, таўатын пильхитуқ.
 Туғнығәнкук ахтирәгуткақңамыхтыху Моисейем
 югусй, Михаилым сығлытун акузиткумаңитә,
 анахусиманилюкулъю пильхитә. Йығлыги пикақә:
 «Атанғым ағьўғмиглитын». ¹⁰Иўырңа тамәкут
 апыхтуғистысиғўәғыт сяңўә алңунак лигикынғилькысың
 сығлытун акузиткақат. Сяңўә иляңа лигикақат
 тығикусястун сюмыхтағйгалңуғыстун. Тығикусят
 пиюкыльығмыгыстун пикаюгўт. Таўатыхпигақ
 апыхтуғистысиғўәғыт пикаюгўт. Ынкәм
 сығлыққыстыңухтағақут. ¹¹Сығлығўәгунақңўт
 лъңит! Каинытун пиңўт, туқуткақә аңлыгутни.
 Альхыгутықахналютың манимың сығлытун
 пикәгут Валаамым пильхатун. Корейтун пиңўт,
 қаткысюңиткақыхкәңи иглығутистыт Кияғнығым
 накмикыхкй. Ынкәм Кияғнығым нәфқыхкақә лъңа,
 апыхтуғистысиғўәғытлью нәфқысяхқакй.

¹²Нықынғақхусяхтуныхпысини, причастиямахпыси,
 тамәкутлью апыхтуғистыт пйқут. Якуғнахтут ухпықанун
 катам таўатын уйғалхьяк мығым асиңанилңуқ якуғналғй
 аңьянун. Нығақут қырңағмың ныңляхқасимағмың,
 акузимағмың ныпухльягыт кайңуюхпынатың.

Лъңинағмың нығақут килью тўныхпынаки.
 Сясїнғитут қиляўағыстун ыслъяльюгилңуғыстун
 аюқут, ануқым нағугускаңи қўлңақун нунам
 мығисяхлягым. Сясїнғитут пїтыстиңигалңуғыстун
 уқфигыстун аюқут, унатағвигми. Пїтыстиңигалңўт
 уқфигыт туқукастун аюқут. Тамāкын апальюқльюку
 пїтысиғағтым нусюгақї паныҳналюки. Ынкām
 мālғугығның тукукальхўдақут. ¹³Кайңуналғит
 наңаңныңит қағихлягыстун аюқут, тымңи пўхльюңльят.
 Иғалықытāғыстун қапшакаюгыстун аюқут, қаюхльяқ
 таўатылңўт иғалықытāғыт нальюниғутңуяққāнғитут
 иглығанун. Таўатыхпигақ иглыгусяхқакыңгитāt
 кина алңунак апыхтуғилгысигўālьығмыхтыхун.
 Тамāкын апальюқльюку Кияғныңым ятāхқуткақї
 писяхтїхлягмың ныкаққамың кынлыңилңуғмың.

¹⁴Енохыңуқ мāграғвинлиткыхкаңат киңуңгита
 Адамым, лъңан ўкналиқуткыхкақї тамāкут югыт.
 Хўатын пикағуқ: «Ысхағтық, Атанық тагияхқāгуқ
 аглыңналғит яқулылғутыхляғни кыльқыльюки,
¹⁵нанқихналюки қамахтыңўағлюки югыт.
 Қайвиҳқысыхқакї қамахтыңўағлюки сығлыҳқыстыт
 сығлыҳқыльхит, сығлыпыстātунлью акулильхит
 лъңаның. Тамāкын апальюқльюку Атанғым ағьюғьяхқакї
 сығлыҳқыстыхлягыт».

¹⁶Тамāкут югыт қўнпың тымңи акулильгахлягыт,
 ыфқугуткигалькаңит сяңўāt алңунак. Сяңўāt
 алңунак сығлыҳқусит атуқсюныңмыхтыки атуқақит,
 пинийюгныхлягыт, усюқнўхтақитлью килью сямың
 қилиғвикнығмыхтыки.

Кылыңасяльхытлью, Апыхтўсятлью

¹⁷Пиниқыхкамни, нықамикльюки Атанғым
 Иисус Христосым апостолыңгита āпкїт сивуңгани.
¹⁸Уңипātкақиси хўатын: «Киңулиғни ағнығни
 ныңляғьюхсяхтылгуяққāгуқ Кияғныңым
 ипапиҳқыльханың аюқылғїның. Сяңўāt алңунак югусим
 пиюкыльхї атуқсюныңмыхтыки пїкїт». ¹⁹Тамāкут
 югыт āхтїрағутыстиюгақут ухпықаның. Малихтақит
 югусимың пиюкыльхит сығлыҳқыльығмун аюқылғит,

Аглығналғиғның Тағнығағның аваңитутмыхның.
²⁰Иўырңа пиниқыхамни, ўата икнақуҳс̄ямаңинахтыху
 ухпықамалъхси, ухпықилъхпысигун Кияғныңым
 аглығналғитхун апыхтўс̄йтхун. Юғағақитык
 Аглығналғиғныкун Тағнығағныкун. ²¹Кияғныңым
 пиниқылъханитыкыстахтык, утақ̄ималюси Атанымның
 Иисус Христосымың тўнысқылъюси кынлыңилнуғмың
 уңувалъығмың наңлыхталъығмикун.

²²Наңлыкльюки там̄акут малғукльиңалғит
 Кияғныңым ипапиқылъханың. ²³Югулитыки
 ақуқақалъхўлғистун кынғығның. Наңлыкақльюки
 иляңитлью иўырңа пир̄амсиңўағлюси лўрақ
 сығлықкльхистун п̄іқс̄яхтуси. Угумикльюки
 сығлықкльхит катам угумикльыхпысистун
 нукухнаққыхльяк̄ит аткатың сығлыққыңбулютың.

Усюқилъық Кияғныңмун

²⁴Кияғныңым кылыңаксяққайси
 сығлықкльыхқахпысиның,
 сығлықкльх̄итысяққайсилью. Ынк̄ам қуяхльяхльықуси
 ныкывыхкуфси сивуңакун ниғуҳқыльхан. ²⁵Кияғныңым
 т̄анаңинаҳағуқ Кияғныңым, югуликақ̄илью Атанымтыхун
 Иисус Христосым туқульхакун. Има тазимақырухльяк,
 м̄атын, қ̄унпырухльяк кынлыңун̄ан Кияғның
 аңыхльяхтуқ, ахтуғьяққангитыхльяхтуқ, иглыгут̄ңў̄а
 сяңў̄а қамахтыңў̄ағлюку, ахтуғьяққақынгит̄а сяңў̄а
 қамахтыңў̄ағлюку. Кияғның усюқльи. Аминь.

Павелым Посланияңи Ухпықанун Римымылңуғнун

1 ¹Укут посланият Павелымың пиңүт;
қыпхақтыкәна Иисус Христосым. Кияғнығым
туқлыюқақәна апостолыңулюңа, накмикыхкақәңалью
уңипақысқыльюки Пинилғит Уңипани.

²Аюмиқ Кияғнығым акықусяқыхкақй тәкут Пинилғит
Уңипат үкналиқистымикун. Ұкналиқуткыхкақит
ағлыңналғйтхун Акузитытхун Игақыхкатхун. ³Тәкут
Пинилғит Уңипат Кияғнығым Иғнығаның аюкут.
Югулюни альхықәгуқ Умйлғым Давидым киңунғитхун.
⁴Ағлыңналғйм Тағнығам лйгикыстйлью Атаныхпут
Иисус Христос, Кияғнығым ахтуғьяхқәңгилңүгуқ
Иғныға. Тағнығам ипапихқыхкақә уңувахтысльюку
Иисус туқултығмың. ⁵Льңақун наңлыкылыңумәңа
апостолыңулюңа. Таўатын Кияғнығым пикақәңа
туқлййсқыльюки нунатахән юги ухпықысқыльюкулю,
қаткысқыльюкулю Христос. Ынкәм Христосым әтха
құлвалғыңылтықуқ. ⁶Льпысылью Римымылңуғни,
Кияғнығым туқлыюқақйси Иисус Христосымун
пикысқыльюси.

⁷Қамахльюси льпыси Римымылңуғни Кияғнығым
пиниқыхкйтни, туқлыюқйтнилью юкналюси:

Кияғнығым Атамта, Атанғымлью Иисус Христосым
каюсйльси, ныкыхмылтылысилыльлю.

Юғй Игамсиқаюльхым

⁸Сивукльюку тамахахпысинун игамсиқаюгвикақа
Кияғнықа Иисус Христосыкун, қаюхльяк уңипә
ухпықилыхпыси миңитңуқ юлғутнун тамахәни.

⁹Пинақылға қамахльюку қыпхәтақақа Кияғнық,

уңипақналюки Пинилгїт Уңипат Иғнығаның аюқылгїт. Кияғнық лїсимакистыкақа кўнпың юғаткыңзукымси. ¹⁰Юғағақуңалтью Кияғнығмун пиюкыльқыхкагу қынўатлтью лыпысинун пияхққалюңа. ¹¹Ысхағьюпихтақамси куястыльылингялюси Кияғнығым Тағнығахкының икнақсїохтысқыльюси. ¹²Хўатын пиңўамси: қырнāмта кайымутунгялюта, лыпыси ухпықильымкун, хўаңа ухпықильыҕпысигун.

¹³Ухпықалгугтымни, лїсимакысюгамси аўын лялихфиксюгақамси иўырңа сям кўнпың пингитыстақāңа. Ынкāм мāтын каюсїсюганка Римығмїт ухпығысқыльюки Христосыкун, иляңитнун язычнигнун пильымтун. ¹⁴Кияғнығым накмикыхкақāңа уңипақысқыльюки Пинилгїт Уңипат. Ынкāм уңипақсыхқаканка тамахāнун, Грегынкунунлюю, Грегынкунгунгилнугнунлюю, пықкиныгнунлюю, нальїқанунлюю. ¹⁵Ынкāм хўā уңипақиюхлгягўңа Пинилгїның Уңипаның лыпысинунлюю кияхлгьыҕни Римыми.

Пинилгїт Уңипат Кияғнығым Ахтуғьяхқāңгилькї Югулилгьығмун

¹⁶Кайңукигатанка Пинилгїт Уңипат: Кияғнығым ахтуғьяхқāңгилькї югулилгьығмун тамахāнун ухпықилгїнун. Сивуклюютың уңипақыхкāгут Иудеянун тāхкын язычнигнун. ¹⁷Такут Пинилгїт Уңипат лїгикыстїлтью натын Кияғнығым нальхусяғақутаңи югыт ылькугутңалгьығмыхнун. Ухпықильхинїтхун Кияғнық таўатын пїқуқ. Катам Акузитни Игақыхкани игақңāқ: «Нальхухқыхкақ Кияғнығым ылькугутңалгьханун кияхлгьықуқ ныгьюкльюку лгьаңа».

Кияғнығым Сякшитыльыҕлгьяга

¹⁸Қилягмың Кияғнығым югыт лїгикыстї сякшитутңунилюки, агьїхлгьықнилюкилью сығлыҕкыльхитнун, сығлытунлюю пильхитнун. Сығлытун пильхита лїгикнанихтыстїт Кияғнығым ипапильханың. ¹⁹Сяңўā югыт лїсимакыхкāt Кияғнығмың аюқылгї хўатыхлгьюағгўқ лгьңитнун қаюхлгьяк Кияғнығым хўатыхлгьюағгухтā лгьңитнун.

20 Кияғнығым улиматаңаның нуна, югыт лйгикнўағақат ахтуғьяхқангильға ағулиғигалңук, ипалью Кияғнығутаңа. Қайўа югыт ысхақпагниңитығңағмыхтыкык тәкук, паниның лйсимакахкыт Кияғнығым улимәгакун. Ынкәм югыт апальйтут хўатын пилъыхқамың, Нальюокақпут Кияғнылғутаңа. 21 Лйсимақығңағмыхтыху Кияғнық, қўлвйгатат Кияғнығулюку, игамсиқаюгвигататлью. Йығлыги сюмыхтағальхит Кияғнығмың сятңунаниқагут, умьюгйтлью лйгикнаниқагут. 22 Пыхқингунйкут иўырңа нальюхтақут. 23 Ынкәм манигухпынән Кияғнық тукуяхқахангилңук, йығлыги манигуғақйт кияғныңльяқатың юхсюгнилңўт, қаўахсюгнилңўт, тыдикусяхсюгнилңўт, налиғмың нымығьяхсюгнилңўт.

24 Тамākын апальюқльюку Кияғнығым пыхтй атуқысқыльюки нукихналғйт похотилғыт пиюкыхльякйт. Ынкәм атуқақйт югуситың анағңалюки, нечистотамың илямыхнун, 25 қаюхльяк ипапилъық Кияғнығмың аюқылғй нāvгусимāt иқльыңамун. Ынкәнам манигуғақйтлью, қшпхәатақйтлью Кияғнығым улимәғи, авылғағлюку Улимағиста льңа катам. Льңаңўк усюксяхқақ қўнпырухльяк кынлыңунән! Аминь.

26 Тамākын апальюқльюку Кияғнығым пыхтй атуқысқыльюки сығлыхқыльхыт пиюкыхльякйт. Ағнат альңунахқильгит югыт, йығлыги альңунахқысыгутут ағналгутмыхның. 27 Таўатыхпигақ югытлью альңунахқысюгнанигит ағнат, йығлыги альңунахқыльгит юлгутмыхның. Таўатын пикәтаңитның Кияғнығым ағьюгй югусйтхун апальюқльюки анахутыльыхльягит.

28 Тамәкут югыт сюмығмыхни сятңунгиньйқат лйсимакылъық Кияғнығмың аюқылғй. Ынкәм Кияғнығым пыхтй сятңунгилнұғнун сюмыхтағальхитнун, атухқақынғисяқанитнунлью. 29 Альяхйнағмың сығлығмың пимаңинағақут, сығлыхқақут, пакигнығўт, угумикытахутлью. Ақинакытахут, юхтағыюныхтўт, пильюўағыюныхтўт, пўхтиюныхтўт, сюмыхтағаткақйтлью илятың сығлыпигулюки. Ййльхйқут, 30 сығлытун акузиткақйт илятың. Угумикāt Кияғнық, юкыхқынғўт, қукәюгнығўтлью. Сюмыхтағағақут ўата сығлытун пиналютың; қаткусигатут аңаюқамыхнун, 31 нальют,

акықусятың атуқигатйт, наңлыгыгьюгигатут, нафухтйтакутлю илямышнун. ³² Лйсимакйт Кияғнығым Лйлихтўсй пилдйт таўатылңўт югыт альхыхсяхқақанңуқ туқулбық. Нағнығутңинахпынаки тамāкут атуқыхкатың, талўа итагнақакйт таўатын пилдйт.

Кияғнығым Нанқихтильха

2 ¹ Тамāкын апальюқльюку нанқихтикувык юғның анағнйльқавигитутын. Нанқихныхпыки, льпынун нанқихтакутын ағьбюгьяхқәлютын қаюхльяк льпыклью льңистун пйқылдйтын. ² Кияғнық нанқихтиқуқ юғның сығлыпыстатун пилдйның, лйсимакахпудлью нанқихтильхй ыльқуғутңāt. ³ Иўырңа нанқихтақатын анахулъхйт, нақамлью льпык катам пйқātын тамāкут атāсит анахутыльхыт. Ынкām сюмыхпынй анагьяхқәнилюку пизигў Кияғнығым нанқихтильха? ⁴ Лйгикынғисигў наңлыхтахтуляңа Кияғнығым? Ағьбюғахсигальқаңатын таўаниңинақ қаюхльяк нуқытутақыхқаңатын. Сюмыхпынйи тākут сятңунғитāt? Лйсимакынғисигў Кияғнығым наңлықақыхқаңатын қаюхльяк авутыхқысыюқаңатын? ⁵ Иўырңа льпык алыхқуныхльюгўтын, пиныхльюгўтын; тамāкын апальюқльюку авутыхқысюгигатутын. Ынкāңам льпык катам улимаңўāн ағьбюльгыңыльгыхқан сығлығатағāлюку Нанқихтильхым Ағнығани. Таўани Ағнығми Кияғнығым алихльықāk сакшālгынилью, ыльқуғутңалдйлью нанқихтильыни. ⁶ Нанқихльықй тамаҳйта югыт апыдйғутыльхистун. ⁷ Иляңи югыт пинитун пимаңинағакут қаюхльяк Кияғнығмың альхыхсюқаңит усюкильық, құлвалық, югусиқлью туқуяхқәңгилңуқ. Ынкām Кияғнығым кынлыңилңуғмың уңуалыльилықй. ⁸ Иўырңа иляңи югыт лъңинāюғнығўт. Ухпықсюгигатāt ипапильық сығлыпыстатун пиналютың. Ынкām Кияғнығым сакшитутыхльяглюки, ағьбюхльяхльықй. ⁹ Қамахтыңўāғлюни нунамылңуқ йок, Иудея налиғмың язычник, сығлыпыстатун пикақ, Кияғнығым ағьбюхльықā сығлылиғмыңлью, икфиқылтығмыңлью. ¹⁰ Иўырңа қамахтыңўāғлюни йок, Иудея налиғмың язычник, пинитун пикақ, Кияғнығым усюқылтықā, құлвахльықā,

ныкыхмыльилилгықалъю. ¹¹Танйльџунаки Кияғнығым нанқихлгықй қамахтыңъағлюки югыт.

¹²Язычнигыт альхықтыльхитит Лйлихтүсят Кияғнығым тўныхкй Моисейемун. Ынкām сығлыққылғит нальюкльюки Лйлихтүсят, туқуката Кияғнығым нанқихнāнгитй Лйлихтүсятхун. Иудеит Лйлихтүсялгўт, ынкām сығлыққыхкката Кияғнығым нанқихлгықй Лйлихтүсятхун. ¹³Тамāкут нагатағысналғит Лйлихтүсяминун, Кияғнығым нальхусйгатй ыльқуғутңалығминун. Иўырңа қаткульхит Лйлихтүсяминун нальхухқакй ыльқуғутңалығминун. ¹⁴Язычнигыт альхықтыльхитит Кияғнығым Лйлихтүсий. Иўырңа қаткынығмыхтыки тākут Лйлихтүсят, қаткутыльхита Лйлихтүсялгыстун аюқыстит илюмыхтыхун, альхықтыкақынғитыңнāғмыхтыки. ¹⁵Қаткутыльхита югнун лйгикыстит илюмыхтыхун лйсимакйт Лйлихтүсят қылгусйт. Сюмыхтағальхиталью лйсимакыстит Лйлихтүсят илюнитнитуляңи, қаюхльяк сюмыхтағальхита иляңакун анахуньйқйт налиғмың иляңакун итагнағнйқйт. ¹⁶Нанқихтилхым Ағнығани, Кияғнығым нанқихлгықй югыт аксяқыхкйт Христос Исусыкун. Апхақақа тāна уңипақнымки Пинилғит Уңипат.

Иудеитлью, Лйлихтүсятлью

¹⁷Мāтынңам письмоюганка Иудеит. Иудейяңукувык, нығюкатын Лйлихтүсят Кияғнығым тўныхқакй юхпынун. Қукāюхтутынлью Кияғнығмун пикнилютын. ¹⁸Лйлихтүсятхун лйсимакан сяңўā Кияғнығым сяқысюльха льпынун, натынлью накмиксяхқāтаңа сяңўā ыльқуғутңалғй. ¹⁹Ынкām сюмыхпыни мағьяхқуқтыңунйкутын аяканун, ниғугунйкутынлью мамлығмылңуғнун. ²⁰Сюмыхпыни нальхусяхтыңунйкутын нальйōқанун, апыхтуғистыңунйкутыңлью тағнухағнун. Лйлихтүсялгутыхпының, сюмыхпыни лйсимакнилюку сяңўā тамаҳан пйқан, қамахльюкилью ипапилық. ²¹Апыхтуғакатын илятың, сяңан льпынун апыхтигасин? Уңипақйкутын: «Тыглыхпынаң», льпыык,

тыглыгйгасйн? 22 Пйкутын: «Гылгагнйхпынаң», лыпык, гылгагнйгйгасйн? Угумикыпихтатын киягныңлыяқат, лыпык, тугунйқйгасйн храмыңитның? 23 Қукәюхтакутын қаюхляк Киягнығым Лйлихтүсяни тўныхкақй юхпынун. Иўырңа қаткынгиньықпыки Лйлихтүсят қўлвйгатан Киягнық. 24 Акузитни Игақыхкани игақңақ: «Апальюқлыюси лыпыси Иудеяни, язычнигыт сяңұхтақат Киягнығым атха».

25 Қатқыңбукуфки Киягнығым Лйлихтүсй обрезанияльхын пинихтуқ. Иўырңа қаткынгилюкуфки Лйлихтүсят обрезанияльхилңуғыстун аюкутын. Ынкәм қуястылыңнәнғитутын Киягнығым ақықусяның. 26 Язычник обрезанияльхилңуқ қатқульхй қылгусйтнун Лйлихтүсят, Киягнығым тугукльхльықә никимқун обрезаниякәлюку. 27 Лыпыси Иудеяни Лйлихтүсялгүси игақңалдйның, обрезаниякәгусилью, таўаңинақ қаткигатаси Лйлихтүсят. Иўырңа язычнигыт обрезанияльхилңұт, қатқақйт Лйлихтүсят. Ынкәм қаткутыльхитхун Киягнығым нанқихльықйси ағьюгьяхқәлюси. 28 Обрезанияңинағлюку юғым югусй Иудеяпигуғтыснәнғитә. Обрезанияльпыпйк пиңигатук югусим қайңинақун. 29 Итупиль, юк Иудеяпйгүқ Иудейяңукуми илюмикун. Ихсяқхұа обрезаниякәгуқ Аглыңналдйгныкун Тағныагныкун, накән игақыхкатхун Лйлихтүсятхун. Ынкәм Киягнығмың усюқылтыңылытықуқ, накән югның.

З 1 Сяңұа анығныхқусйгұа юк альхықуми Иудейеңулюни? Сяңұа анығныхқусйгұа обрезанияльығмун? 2 Угльпихтут анығныхқусит! Сивулихпигақ Киягнығым нығыюкуткақй Иудеянун Акузитыт Игақыхкат. 3 Иляңи атәсйгмынғыгильката Киягнығмун, Киягнық атәсйгмынғыгитыслыықатхұ? 4 Йығлыгилью! Тамахағми юк иқлыңықыстыңуғңән, Киягнық ипаңұқ. Акузитни Игақыхкани Киягнығмың аюқылдй игақңақ хұатын:

«Акузиныхпыни, тамахағми лйсимакыльықатын ыльқуғутңанилютын.

Югыт нанқихтықаңатын, ипапихқылтықатын анахутңанилюки».

5 Анахунъымта, анахутыльымта югыт
лйгикыстыңъўағакїт Кияғнық ыльқуғутҗанилюку.
Ынк̄ам пильқықыст̄а Кияғнық анахунъилоку
ағыўоқанилью анахутыльымнъун? (Акузиңўа югыстун.)

6 Таўатыннығитуқ! Кияғнық ыльқуғутҗангилькан,
натынми Кияғнығым нанқихлыбықаки нунам юги?

7 Иўырҗа юк пинаялғй: «Иқлыбыңқылығма югыт
усюкистақит Кияғнығмун қаюхльяк иқлыбыңқылығма
алих̄тақ̄а Кияғнығым ипаңульх̄а. Ынк̄ам сяңанңам
Кияғнығым нанқихтаңа ағыўоғьях̄қ̄алюна
сығлых̄қыстытун?» 8 Юк пинаялғйлью: «Сығлытун
пильта сяңўа пинилғй апығйғысқылъюку сығлытун
пилъымнъың». Иляңи югыт тымңимың пйкут х̄уаңкута
апых̄туғйқнилюта таўатын. Нанқихтыльыңьях̄қ̄агут
ағыўоғьях̄қ̄алютың, ағыўольых̄қ̄амыгыстун.

Кина Алңунак Ыльқуғутҗангитуқ

9 Ынк̄ам х̄уаңкута Иудеянй, пинигатағағыст̄а
язычнигыңың? Нак̄а, йығлыгилью! Апх̄ўақақанка
Иудейтлью, язычнигытлью таўатых̄пигақ
сығлых̄қылъх̄ым ах̄кутақлъюки аюқй. 10 Акузитни
Игақыхкани игақңақ:

«Т̄аўа кина алңунак ыльқуғутҗангитуқ, талўа
ат̄асих̄ақ.

11 Кина алңунак лйгикигатуқ,

китум алңунак ивйгат̄а Кияғнық.

12 Қамахльюни юк тунутк̄агуқ Кияғнығмың;

қамахльютың анахутк̄агут;

кина алңунак пинитун пиңигатуқ, талўа ат̄асих̄ақ.

13 Их̄сяльқит қыльпалңуғыстун лъйвгыстун аюқут;

улютың атуқңўйт п̄х̄тимун,

қызимыхтыхун ядылг̄ут нымығьястун;

14 қангит имиғңат злословияльығныңлью,

угумикытиқылығмыңлью.

15 Юхтағиракыхтут;

16 навук алңунак пинығмыхни н̄афқйстыңўақут,

сығлылйх̄қыстыңўақутлью.

17 Налъюкат ныкыхмыльюни киях̄тыльых̄қ̄ақ,

18 талўа аликигат̄ат Кияғнық».

19 Лїсимакапут Иудеит Лїлихтүсәлгит қаткысяққақит қылғусйт. Ынкәм тәкут Лїлихтүсәт ныпїхқылъықит югыт хўатын пилъыққитның: «Налъюкапут сяңутәңи сығлыққылъыт». Лїлихтүсәтлѐю лїгикыслъықит Кияғнығмун нанқихлъықнилюки қамахлъюки нунам юги. 20 Нанқихтыкумики югыт налхұсяғнәңгитї ыльқугутңалығминун қаткутылхитхун Лїлихтүсянун. Итупиль Лїлихтүсәт лїтыстї югыт сығлыққыстыңунилюки.

Ыльқугутңалық Ухпықильықхун

21 Иўырңа Кияғнығым югыт лїгикыстї налхұсяғлъықнилюки ыльқугутңалығминун, накән қаткутылхитхун Лїлихтүсянун. Кияғнығым әпқақә тәна Лїлихтүсәтхунлѐю, ўкналикыстѐхунлѐю.

22 Кияғнығым югыт налхұсяқәқї ыльқугутңалығминун ухпықильхитхун Исус Христосыкун. Тәна ипаңўқ тамаҳәнун ухпылғїнун Христосыкун қаюхлъяк альякуныңитут 23 қамахлъютың сығлыққыхкәтмыхның. Ынкәм нұхуткәгут Кияғнығым әңылығлъяганун.

24 Иўырңа Кияғнығым акиңилңухқун тунусямикун налхұсяқәқї ыльқугутңалығминун итымутистыңитхун, Христос Исусыкун. 25 Кияғнығым тўныхкәқә Исус ақутңулюку сығлыққылъығнун. Ынкәм Исусым әўакун сығывутақї югыт сығлыққылъыт ухпықиңалғит лъақун. Таўатын лїгикыстыкақә ыльқугутңанилюни. Сивунғани агани Кияғнығым нуқытуткақї югыт ынкәм ныпїгуткақї сығлыққылъыт. 26 Иўырңа ўми пилъығми ипапїхқә ыльқугутңанилюни налхұсялығмикун алңунак юк ыльқугутңалығминун апалъюқлъюки ухпықильхит Исусыкун.

27 Ынкәм сяңәўа қукәюгуткысяққағуа? Қукәюгуткақїтукут! Қукәюхнәңгитыстә қаюхлъяк қаткынъақуткыкыпут Лїлихтүсәт? Накә, қаюхлъяк Кияғнығым налхұсяқәңи югыт ыльқугутңалығминун ухпықильхитхун Исусыкун, накән қаткутылхитхун Лїлихтүсянун. 28 Ынкәм лїгикақпут юк налхұсяқәгүк Кияғнығым ыльқугутңалхәнун ухпықильықхун, накән қаткутылхықхун Лїлихтүсянун. 29 Кияғнық Иудеяңинахәт

Кияғнықатхӯ? Язычнигытлью Кияғнықынғитатхӯ? ̄Аа, язычнигытлью Кияғнықāt, ³⁰ атāсихāтаңаның Кияғнық. Ынкām нальхусяқлтықй Иудеит ыльқуғутңалтығминун ухпықильхитхун, язычнигытлью ухпықильхитхун. ³¹ Лйлихтӯсят сятңунанихқыстыкй ухпықильымтыхун? Накā! Йығлыгилью! Ухпықильымта қаткысюхтыстақй Лйлихтӯсят қылгуткйт.

Успутāльха Авраамым

4 ¹ Сямың'ңам пильықыста Авраамымың, сивунымнбың хўаңкута Иудеяни? Сямың лйткāйа? ² Кияғнығым нальхусяқақнукагу ыльқуғутңалтығминун сяльхақун, сямың қукāюгусихқалғунаяхтуқ. Иўырңа Кияғнығмун қукāюгуткыпағниңитй сяльыни. ³ Акузитни Игақыхкани игақнāқ хўатын: «Авраамым ухпықыхкақā Кияғнық ынкām ухпықильхā апальюқльюку Кияғнығым тугукльықакā ыльқуғутңалғйңулюку».

⁴ Юк қыпхалтығминың акилыхтӯсяңыхкаюгӯқ. Акилыхтӯся тунусяңгитук қаюхляк лъңан альхыхтықакā қыпхāльюку. ⁵ Кияғнығым нальхусяғнāнғитā юк ыльқуғутңалтығминун қыпхāтильхақун лъңанун. Итупиль юғым нығьюксяққакā Кияғнық нальхусяғикаюк сығлыққыстының ыльқуғутңалтығминун ухпықильхитхун. ⁶ Умилғым Давидым игақыхкақā тāна атāсиқ. Пикāгуқ югыт қуястыпикāнилюки Кияғнығым нальхусяғақнаки ыльқуғутңалтығминун авылғағлюки қыпхāтильхит Кияғнығмун.

⁷ «Қуястыкāгут тамāкут сығлыққыльхит Кияғнығым сығывуткй, анахутыльхит сяпыхкй!

⁸ Қуястыкāгуқ юк сығлыққыльхй Атанғым сюмығмикнаниқани».

⁹ Тāна қуястыльық Давидым акузиткыхкā, обрезанияқахйнағнун пиңўā? Накā! Обрезанияльхилңуғнунлью пиңўқ. Акузитни Игақыхкани игақнāқ: «Авраамым ухпықыхкақā Кияғнық, ынкām ухпықильхā апальюқльюку Кияғнығым тугукльықакā ыльқуғутңалюку». ¹⁰ Қавңақ Кияғнығым тугукльықакāгу? Сивуңани обрезанияльхāн налиғмың киңуңаның? Сивуңани обрезанияльхāн, накāн

киңуңаның. ¹¹Тахталми тākүани Авраам обрезаниякāгуқ. Обрезаниял̄ха нальюн̄илькутāгуқ ипапих̄қус̄ильюни Кияғнығым нальхусяқак̄ыхкаңа ыльқугутңалығминун ухпықильхакун. Сялин обрезаниял̄хильюку Кияғнығым тугукльиқақā ыльқугутңалюку. Тамāкын апальюқльюку Авраам атаңұқ тамаҳāнун ухпықилд̄йнун обрезаниял̄хитығңāта, ынкām Кияғнығым тугукльйм̄и ыльқугутңалюки. ¹²Авраамылью атакāt обрезаниякат. Тāна ипаңұқ таўаңинаҳақ ухпықильылгукуйың Аврааматун, сялин обрезаниял̄хильюку.

**Кияғнығым Акықуся Тамаҳāнун
Аюқуқ Ухпықильылыгнун**

¹³Кияғнығым акықыхкақй Авраамылью киңунқулх̄йт й̄нунаҳāн нуна л̄ңитгнун пагильықнилюку. Акықусяқылх̄итā тāна Авраамымун қаюҳ̄лъяк қаткыхкаңи Лйлих̄т̄усят. Итупиль Кияғнығым акықыхкақā қаюҳ̄лъяк ухпықыхкаңа ынкām Кияғнығым тугукльиқақā ыльқугутңалюку. ¹⁴Кияғнығым акықуся т̄уньях̄қāяқан қаткульх̄йнун Лйлих̄т̄усянун, таўа ухпықильық сятңунгитуқ. Кияғнығымлью акықуся сятңунгитуқ. ¹⁵Кияғнық сякшитақуқ югыт қаткуньыгиньығата Лйлих̄т̄усянун т̄уныхкāнун Моисейемун. Иўырңа Лйлих̄т̄усйсяқан таўа югыт қаткуньыгитусиньаях̄тут.

¹⁶Тамāкын апальюқльюку ухпықильығмых̄тыхун югыт альхых̄тāt Кияғнығым акықуся акиңилн̄люку тунусяқ. Ынкām қамах̄л̄ютың Авраамым киңунгита альхых̄тыпыстах̄л̄ықāt Кияғнығым акықуся. Тāна акықусяқ Иудеяңинаҳағнун аюқынгитуқ Лйлих̄т̄усялыгнун. Иўырңа ухпықилд̄йнунлью аюқуқ Авраамым ухпықильх̄атун. Ынкām Авраам қамах̄л̄юта атакаҳ̄пут ухпықилд̄йни. ¹⁷Акузитни Игақыхкани игақңақ: «Атаңұх̄тыстамкын угляпих̄л̄ых̄йнун нунат югитнун». Кияғнығым таўатын акықыхкақā Авраам қаюҳ̄лъяк ухпықыхкаңа Кияғнық. Кияғнығұқ туқуканың уңуваҳ̄тикаюк, қылд̄ильығмикунлью улиматкаюк сямың сяңилн̄уғмың.

¹⁸Авраамым авақутил̄ых̄қā сиғиман̄йткāгуқ. Иўырңа ухпықыхкақā Кияғнық, сиғимакумаңинақакāлью.

Ынкām атаңуқтыкāгуқ угляпихлғыхйинун нунат югитнун. Хўатын Кияғнығым пикақā: «Киңунықтың кыстыпагниңсияхқāгут». ¹⁹ Авраамым нулиха, Сарра, қумиңыпагниңиткālғй. Лъңа Авраам йок талымат аюмиқулғыхтуткалиғьяхтуғлюни, туқумун туғāгулғй. Иўырңа тамāкут сйомқығңāғмики, ухпықильха Кияғнығмун укавāмаңилңуқ. ²⁰ Ухпықинанймаңитуқ талўа айгуғикумаңитā Кияғнығым акықуся. Иўырңа ухпықйғатағақ, усуюхкālью Кияғнық. ²¹ Авраамым ипапихқуткыңўйāқақā Кияғнығмун пияхқақнилюку акықусяқыхкани. ²² Акузитни Игақыхкани игақңақ: «Кияғнығым тугукльиқақā ыльқугутңалюку», апальюқльюку ухпықильха. ²³ Тāкут акузитыт: «Кияғнығым тугукльиқақā ыльқугутңалюку», игақыхкāгут накāн Авраамыңинағмун, ²⁴ иўырңа игақыхкāгут хўаңкуньунлю. Кияғнығым тугукльиҳлғықйлью ыльқугутңалюта қаюхляк ухпықыхкыфут лъңа. Лъңаңўқ Иисусымың Атанымнғың уңувақтыстикақ. ²⁵ Кияғнығым тўныхкақā Иисус туқуматкысқылъюки сығлыққылъыпут, уңувақтыкақālью нальхусяғналюта ыльқугутңалғыңминун.

Ыльқугутңалғық Кияғнығми

5 ¹ Тамāкын апальюқльюку нальхусяқāтымнғың Кияғнығым ыльқугутңалъханун ухпықильымтыхун, ныкыхмыльылгўкут Кияғнығми Атанымтыхун Иисус Христосыкун. ² Апальюқльюку ухпықильыхпут Иисусым кияхтыстйлью Кияғнығым пиниқылъхани. Ынкām қуяхлягўкут қаюхляк лйсимақнўйāғахпут Кияғнығым ныңиқтыслғықйлью ниғуҳқылғығминың. ³ Тām сйгўакун қуяқукут сығлылйльымнғы қаюхляк лйсимақахпут сығлылйльығым нуқынғыхтулғыңыстақйлью. ⁴ Нуқынғыхтулғымтыхун Кияғнығым итагнаққйлью. Итагнақильхан сиғималғыңыстақйлью. ⁵ Тām сиғималъғым йльқамиқнāнғитйлью қаюхляк Кияғнығым кўвыхкақā пиниқылъыни қамавык илюмнғын Аглығналғйғныкун Тағнығағныкун, Кияғнығым тўныхкамикун хўаңкуньун.

6 Югулипагницильюта Христосым туқуматкыхкақй сығлыққыстыт, таўани пильыхқақльюўағми Кияғнығым накмикыхкәни. 7 Ынтақун қафсинкӯраҳинәт туқуматкиюгнаяхтут ыльқудутңалғимун югмун. Налиғмың ынтақун кина туқуматкиюгнаяхтуқ пинилғимун югмун. 8 Иўырңа Кияғнығым кылгуткақә пиниқылғыни хўаңқуньун, паниның сығлыққыстыңулюта Христосым туқуматкыхкақйлью! 9 Нальюнықниғахпут Кияғнығым нальхусямилью ыльқудутңалғыгминун Христосым аўакун. Нальюнықниғатағаахпут югулилғыңыльықукут Христосыкун Кияғнығым сякшәльханың. 10 Хўаңкута Кияғнығым аңуяксягйнкутлью, иўырңа илялйқакйнкутлью туқульхақун Иғнығми. Мәтын Кияғнығым илякумтәқйлью, ынкәм нальюнықниғатағаахпут югулилғыңыльықукут Христосым уңувальхақун! 11 Там сәғўакун, қуяғльягўкут Кияғнығми Атанымтыхун Исус Христосыкун. Льңаңўқ хўаңқуньун илялйгутыстилғй Кияғнығмун.

Адамылью, Христосылью

12 Юксюхўақ, Адам, сығлыққақнан, сығлыққылъхан туқульық итықтыстыкақә нунамун. Ынкәм қамахльюни юк туқуяғқәгуқ қаюхльяк қамахльюни сығлыққыхкәгуқ. 13 Сығлыққылъылгукәгуқ нунами сялин Кияғнығым тўныльхильюки Лйлихтўсят Моисейемун. Иўырңа Кияғнығым нанқихтыльхитй югыт ағьюғьяхқәлюки сығлыққылъхитнун қаюхльяк Лйлихтусйлңуқ. 14 Паниның югыт кияхтыкәгут има Адамымың Моисейемун, қамахльютың туқуяғқәгут, малигульютың тамәкут сығлыққылъхит Адамым сығлыққылъхатун аюқынғилңўт.

Адам Христосытун аюқуқ, тагияхқатун. 15 Иўырңа Кияғнығым тунусә Адамым сығлыққылъхатун аюқынғитуқ. Ипаңўқ угляпихльыхйт югыт туқукәгут апальюқльюку атәсим югым сығлыққылъха. Иўырңа Кияғнығым пиниқылъха сығлыхльягўқ. Ынкәм угляпихльыгйт югыт альыхытыкақәт Кияғнығым ақыққыңьалғй акиңилңуқ тунусә, пиниқылъхақун атәсим

югым Иисус Христосым. ¹⁶Альякутыхляхтук, Адамым сығлыққылъхалъю, тунусялъю Кияғнығым. Киңуңаның Адам сығлыққақнан Кияғнығым нанқихтыкақā ағъюгъяхқāлюку. Иўырңа киңуңитның юлгутыхлягыт сығлыққақната, Кияғнығым акиңилнухқун тунусямикун нальхусяхтыстыкақй ыльқугутңалъығминун. ¹⁷Атāсиқ юк сығлыққыхкāгуқ ынкāм лъңа апальюқлъюку, туқулъхым иглыгутй қамахлъюки югыт. Иўырңа сяңўā Кияғнығым апығйқā атāсикун юхкун, Иисус Христосыкун, āңатағахтуқ сығлыққылъханың атāсим югым. Ынкāм альхыцулъхйт Кияғнығым кымнапихлъхймың пиниқылъханың, тунусяныңлъю ыльқугутңалъханың, қамахлъютың иглыгутилъықут кияхтылъығми атāсикун юхкун Иисус Христосыкун.

¹⁸Апальюқлъюку Адамым атāсиқ сығлыққылъха, Кияғнығым нанқихтыкақй қамахлъюки югыт ағъюгъяхқāлюки. Таўатыхпигақ апальюқлъюку Христосым атāсиқ ыльқугутңалй пильха Кияғнығым нальхусяғй қамахлъюки югыт ыльқугутңалъығминун, тўнйлью уңувалъығмың. ¹⁹Қātкунъығитылъхакун атāсим югым, угляпихлъығйт югыт сығлыққыстыңухтыкāгут. Таўатыхпигақ, қātкутылъхакун атāсим югым, угляпихлъығйт югыт нальхусягъяхқāгут Кияғнығым ыльқугутңалъханун.

²⁰Лйлихтўсят Кияғнығым тўныхкй Моисейемун югыт лйсьағхтыстйт сығлыққылъығмың. Иўырңа югыт сығлыққатағагъята Кияғнығым наңлъыхталъха нуляңинаққ. ²¹Сығлыққылъхым иглыгуткақй югыт туқулъыхқун. Иўырңа Кияғнығым пиниқылъхан иглыгутңўй югыт нальхусялъығмикун лъми ыльқугутңалъығминун. Ынкāм альхыхтāt кынлыңилнуқ уңувалъық Иисус Христосыкун Атанымтыхун.

**Туқулъық Сығлыққылъыхқун Иўырңа
Уңувалъық Христосыкун**

6 ¹Сямыңңам пильықыста? Сығлыққумаңинālтъāа Кияғнығым наңлъыхталъха нуляқсылъюку?
²Накā! Қаюхлъяк туқукастун аюқукут, ынкāм туқукāкумта натын сығлыққумаңинағнақыста?

3 Лїсимакақси, қамахлыюта крестиғақнамта иляткәгукут Христос Иисусымун. Иляткәгуткутлюю туқульханун крестиғақнамта. 4 Крестиғылымтыхун туқукәгукутлюю, қуңукәгукутлюю Христосыми. Ахтуғыяққангильыхлыягмикун Атам уңувахтыкақә Христос туқульығмың. Ынкәм кияхсяққәхлыыкукут кияхтәлылиграғлюта.

5 Кияғнығым илясимакаңиллюю Христосымун туқульхакун, тәхкын илятыстыпыстәхлыықйльлюлюю лънанун уңувахтыслыюта лънатун. 6 Лїсимакақпут хұаңкутыльюгуялғит қақұрәткәгут Христосыкун иглықатақнанйсыллююта сығлықхлыығым ахтуғыяққангильханун, қыпхақтылйәгунаниғналлюталлюю сығлықхлыығымун. 7 Юк туқуныңмини итымақуқ ахтуғыяққангильханың сығлықхлыығым. 8 Туқумакумта Христосыми, ухпықақпут кияхтылгусиғьяхқақақпутлюю лъна. 9 Лїсимакақпут Христос уңувахтыстыкәгуқ туқульығмың ынкәм альямыңлюю туқуяққангитук қаюхляк туқульық ахтуғыяққангильхйткәгуқ лънанун. 10 Атәсихағмың туқукәгуқ каяльқыньәлюку сығлықхлыық. Иўырңа уңувагминың, кияхтыңбұқ Кияғнығмун. 11 Таўатыхпигақ сюмыхтағахтык туқукәлюси сығлықхлыығым ахтуғыяққангильханун, сюмыхтағахтыклюю уңуваңулюси Кияғнығмун Христос Иисусыкун.

12 Тамәкын апальюқлююку сығлықхлыығымун иглықатақыстыхпынаки югусиси туқукаюгыт. Сығлықхлыығым иглықатақыхкаки югусиси, қаткысюхлыықаси югусихпыси сығлыққыңғалғит пиюкыльхи. 13 Алңунак налиғнығи югусихпыси тўныхпынаки сығлыққусйлюки, қаюхляк таўатын пикуфси тўнылыықаси сығлығмун. Итупиль тўнитык Кияғнығмун. Туқукастун аюқсяхтуси, иўырңа Кияғнығым уңувахтыкақйси. Ынкәм тўнитыки йңунйта югусиси Кияғнығмун лънанун атуқысқыльлюки ыльқуғутғалтығмун. 14 Сығлықхлыығым иглықатақнәнгитйси қаюхляк иглықатақнўйси Кияғнығым пиниқыльхан; иглықатақнунгитйси Лйлихтўсят.

Қыпхақтыляғи Ылькугутңалъхым

15 Ынкām сянақыстаңам? Итагнахтāа сығлыққылъықхахпут қаюхлъяк Кияғныңым пиниқыльхән иглықатақнукаңилью накāн Лйлихтүсят? Накā, итагнаңитутқ! 16 Лйсимақыстыки тўныхкуфси китумун қаткысяхқалюку, тāўа лъңан қыпхақтыляқахлъықйси. Қаткыхкуфсигу сығлыққылъық, туқуслъықйси. Иўырңа қаткыхкуфсигу Кияғның, нальхусяхлъықйси ылькугутңалъығминун. 17 Қыпхақтыляғуяхтуси сығлыққылъығмун. Иўырңа игамсиқаюгвикақа Кияғның қаюхлъяк мāтын қамақырухлъяк қаткыхкыси апыхтүсяграғāt апыхтүсяқыхкат лыпысинун. 18 Итымуткāгуси сығлыққылъығмың ынкām қыпхақтыляғухтыкāгуси ылькугутңалъығмун. 19 Тамāкут лйгикныхлъюгутаңитның лыпысинун, успутақңўāнка қыпхақтыляғытлью пилйтыстыңитлью. Сивунғани тўныхкаюгуяғаси югусиси қыпхақтыляғулюки нукихналғйнунлью, нулямаңиналғйнунлью сығлытун пильығнун. Мāтын тўнитыки югусиси қыпхақтыляғулюки ылькугутңалъығмун кияхтысқылъюси пылюңильюси.

20 Қыпхақтыляғўāқнафси сығлыққылъығмун, ылькугутңалъхым иглықатақылъхитйси. 21 Сивунғани сығлытун пикāгуси, иўырңа мāтын кайңукаҳси тамāкут сығлытун пикаси. Сяңāўа альхыхтыкаҳси тамāкут пилюки? Альхыхтыкақаҳси туқульхйнаҳақ.

22 Иўырңа мāтын итымублюси сығлыққылъығмың қыпхақтыляғухтыкāгуси Кияғныңмун. Ынкām Кияғныңым пылюңйхтысимйси, альхығутысимйсылъю кынлыңилңуғмың уңувалъығмың. 23 Акильхтүсй сығлыққылъхым туқульхўк; иўырңа Кияғныңым акиңилңуқ тунусй кынлыңилңуғуқ уңувалъық Христос Исусыкун Атанымтыхун.

Ухпықатлью, Лйлихтүсятлью

7 1 Ухпықалгутымни, письмомамси лйсимакилғйни Лйлихтүсяның. Ынкām лйгикаси Лйлихтүсят қылғайт югыт кияхтыңбулюки. 2 Угйқақ ағнақ успутāгуқ. Лйлихтүсям қылыльхани ағнақ

угиминисяхқағуқ тахталқатун угими кияхтыльхан.
 Иўырңа туқукан угини, таўа итымыльықуқ
 Лйлихтўсяның ныңуғтыльхым. ³Иўырңа,
 угини уңувалюку альями югми кияхтыкуми
 гылгағнйхтыңулюни атиғьяхқағуқ. Иўырңа угиңа
 туқумакан, итымыльықуқ тәхкын Лйлихтўсямың.
 Гылгағнйгунгитук угйнқихтыкуми. ⁴Ухпықалгутымни,
 лыпысилью итымумәси Лйлихтўсяның қаюхляк
 туқукәгуси Христосыми. Тамәкын апальюқлююку
 Христосым пикйси. Льңаңуқ Кияғнығым уңувахтыкә
 туқулғығмың, хўаңкунъун қыпхатысқылююку Кияғнық.
⁵Сивунғани қатқақпут сығлыққыңғалғит пиюкыльхй
 югусимта. Лйлихтўсят атуқистысюгақйлюю тамәкуның.
 Ынкәм атуқыхкумтыки туқуслықйлюю. ⁶Сивунғани
 аносимиңляғастун аюқсяхтукут Лйлихтўсянун.
 Туқукәтымнъың Христосыми, итымуткәгукут
 қаткусяхқалыымнъың Лйлихтўсянун. Ынкәм
 қыпхәтңўәхпут Кияғнық уңувальығрағамтыхун
 Тағнығағныкун, накән уңувальылюмтыхун
 Лйлихтўсятхун.

⁷Сямың'ңам пильықыста? Лйлихтўсят
 сығлықкыльхўәт? Йығлыгилью! Тәкут Лйлихтўсят
 лйтыстыкақй хўаңамнун сығлықкыльхыт сянутаңи.
 Лйнъаянғитақа қилйқытиқыльық сянутаңа Лйлихтўсяқ
 хўатын қылғимаңисяқан: «Қилйқытиқыхпынаң».
⁸Иўырңа атуқлююку тәна қылғусяқ, сығлықкыльхым
 альъяхйнағның қилйқытаңляқақәңа. Лйлихтўсянунатың
 сығлықкыльхыт туқуңәт. ⁹Сивунғани кияхтыңбуяхтуңа
 Лйлихтўсянунән; иўырңа лйсяқыхка тәна қылғусяқ,
 сығлықкыльық уңувағлюни ынкәм туқўңа. ¹⁰Қылғусяқ
 уңувастияхқәялғй хўаңамнун, йығлыги туқустаңа.
¹¹Тәхун қылғусякун, сығлықкыльхым пўхсяқлыгығуғтәңа.
 Ынкәм атуқлююку қылғусяқ сығлықкыльхым туқутәңа.
¹²Иўырңа Лйлихтўсят ағлығналғйңўт, қылғусяқлюю
 ағлығналғйңўқ, ыльқуғутңәлқилью, пинихтуқлюю.
¹³Тәм қылғусям пинилғйм, туқустаңә? Йығлыгилью!
 Сығлықкыльхым туқутәңа атуқлююку сяңўә пинилғй.
 Ынкәм лйтахпут қылғусякун сығлықкыльық ынңәталъ
 сығлыпиғўқ.

Пиңигатақа Пиюкыльқа

14 Лйсимакапут Лйлихтүсят Кияғнығым Тағнығаның пиңұт, иўырңа мағьяхқўнгитāңа Тағнығам. Мағьяхқўнўаңа югусима пиюкыльхан, ынкām қыпхахтыляғўна сығлыхқылъығмун. 15 Лйгикигатақа сьқутка қаюхлъяк атуқигатақа сьңўā атуқсюоқақа. Итупиль атуқақақа сьңўā угумикыхқақа. 16 Иўырңа атуқыхкумки угумикыхканка атуқсюнгитығнāmки, тāўа итагнақақанка Лйлихтүсят пинйтаңи. 17 Ынкām хўаңаңунгитуқ таўатын пйқылғй, итупиль сығлыхқылъық илюмнилңуқ таўатын пйқуқ. 18 Лйсимакақа аваңитуңа пинилғймың илюмни, югусимни. Пинитун пиюгақсығнāғма, пипагниңитақа. 19 Пиңигатақа пинилғй пиюкыхқақа, йығлыги сығлық пйқақа пиюкынғиткақа. 20 Ынкām пиюкынғиткақа пинымкун, тāўа хўаңаңунгитуқ таўатын пилғй. Итупиль сығлыхқылъыхўāқуқ илюмнилңуқ таўатын пйқылғй.

21 Ынкām лйтақа тāна: пинитун пинақығнағма, паниның сығлық таўантақуқ. 22 Қāmкырухлъяк пиниғьюгусиқанка Кияғнығым Лйлихтүсй. 23 Иўырңа лйтақа тāўа иляңа лйлихтүсяк югусимнитуқ. Пильюўақаңи Кияғнығым Лйлихтүсй умьюгама итагнақыхкй. Лйлихтүсям югусимнилңўм сығлыхқыстақāңа, ынкām анусимиңлъяғастун аюқуңа тāmун лйлихтүсямун. 24 Сығлығўāғўна! Китумңам итымұлбықаңа хўакын югусимың тукустияхқамың хўаңамның? 25 Игамсиқанахалык Кияғнығмун итымускаңаңа Исус Христосыкун Атанымтыхун!

Ынкāңам қатканка Кияғнығым Лйлихтүсй умьюгамкун, иўырңа югусимкун қаткақа лйлихтүсяк сығлыхқыстилғй хўаңамның.

Кияхтыльық Тағнығагныкун

8 1 Ынкāңам киналью алңунак Христос Исусымун иляткākата Кияғнығым нанқихнāнгитй ағьюғьяхқāлюки. 2 Қаюхлъяк Лйлихтүсян Тағнығам уңувалъылитилғйм Христос Исусыкун итымуткақāңа лйлихтүсяның сығлыхқылъыхымлъю туқульхымлъю.

³Моисейем Лйлихтүсй таўатын пипагниңитут қаюхляк югусимта пиюкылъхита каяльхқыхкақй Лйлихтүсят. Иўырңа Кияғнығым пикақә Лйлихтүсят пипагниңиткәт. Каяхтыкақә льми катам Иғныни нунамун сығлыққумалғитун юхтун аюқльюку. Тўныхкақә Иғныни аққутңулюку сығлыққылғымнғун. Таўатын нанқихтыкақә сығлыққылғық югусимыльюку, ⁴хўаңқунғун қаткысяқлығығұхтысқылъюки Лйлихтүсят ыльқуғутңалғит қылғусй. Хўаңқуңўт кияхлығыйт малихқутақльюта Тағнығам пиюкылъханун, накән югусимта пиюкылъхитнун. ⁵Тамәкут кияхлығыйт малихқутақльютың югусимың пиюкылъхитнун, суюмыхтағәткыңынағәкит пиюкылъытың. Иўырңа тамәкут кияхлығыйт малихқутақльютың Тағнығагнун, суюмыхтағәткыңынағәкит Тағнығам пиюкылъхи. ⁶Умьюгапут малихқутақыхката югусимта пиюкылъханун, туқулғықукут. Иўырңа умьюгапут малихқутақыхката Тағнығагнун, Кияғнығым уңувалбылилғықйлью, ныкыхмылбылилғықйлью. ⁷Умьюгапут малихқутақынғата югусимта пиюкылъханун, аңуяғўәқукут Кияғнығмун қаюхляк қәткигалькыпут Лйлихтүсй. Ипа қәткыпагниңитапут Кияғнығым Лйлихтүсй. ⁸Тамәкут малихқутақңалғит югусимың пиюкылъханун ыфқуғтыпагниңитәт Кияғнық.

⁹Иўырңа лыпыси иглықатақңунгитйси югусихпыси пиюкылъхан. Иглықатақңўйси Кияғнығым Тағнығахкынка, қаюхляк ипа кияхтыңўулғй илюхпысини. Христосым Тағнығакык кияхтыңўунгилькайык илюңани юғым, пикынғитә Христосым. ¹⁰Югусиси туқунақңўт апальюқльюки сығлыққылғыси. Иўырңа Христос кияхтыңукан илюхпысини, таўа Тағнығам уңувалбылилғықйси, қаюхляк Христосым нальхусяқтыстыкақйси Кияғнығым ыльқуғутңальханун. ¹¹Кияғнығым Тағнығакык уңуваҳтикак Иисусымың, кияхтыңўқ илюхпысини. Катам Кияғнығым уңуваҳтыстыльхәтун Христос Иисус, уңуваҳтыслықй югусиси Тағнығамикун кияхлығыйгныкун илюхпысини.

12 Ынкāңам ухпықалгутымни, кияхсяхқāгукут Кияғныңым Тағнығакынка кияхтысқысюльхатун, накāн югусимта кияхтысқысюльхатун. 13 Кияхтыңзукуфси малихқутақлюси югусихпыси пиюкылъханун, туқульыкуси. Иўырңа Тағнығакынкун туқускуфсики югусихпыси сығлыхқыңңалғит пйқыхканит, тāўа кияхльыкуси. 14 Қаюхльак тамāкут мағьяхқуқй Кияғныңым Тағнығакынка Кияғныңым авақутақй. 15 Тағнығам альхыхтыкахпыси Кияғныңмың қыпхахтыл йғухтыснықихнāнгитйси алиңыльыгмун. Йығлыги Тағнығам Кияғныңмун авақутақыстыси. Ынкām лъцакун туқлююғаахпут Кияғнык: «Авва! Атāй!» 16 Кияғныңым Тағнығакык лъмыгның иляткāгук тағнығамнъун уңипāнъалюта Кияғныңмун авақутақнилюта. 17 Кияғныңым авақутақутаңаның, Кияғныңым пагитистыкйлью, Христосымлью пагитистылгуткйлью. Ниғуҳқылыңыльыкукут Христосытун икфиқыхкумта Христосым икфиқылъхатун.

Кияғныңым Тағнығакынка Каюсиғйлью

18 Сюымни икфиқылъыпут уңувальымнъи иңлютыпагниңитут ниғуҳқылыгмун Кияғныңым алихсяхқāнун хўаңкунъун. 19 Улимāқ қамахльюни утақйңўқ қыляныльылиглюни Кияғныңмун алихтысқылъюки кинкуңутаңи авақутй. 20 Кияғныңым нанқихтыкақā улимāқ ағьюғьяхқāлюку ынкām атўнанихтыстā. Улимāқ нанқихтысюңгиткāгук, иўырңа Кияғныңым таўатын пиюкыхкақā. Нақамлью паниның сиғималъылгўқ 21 қаюхльак атāсими ағныңми Кияғныңым итымұлъықā улимāқ ағульыгмың. Тāхкын улимāқ иляльықуқ итымңалъыхльыгитнун Кияғныңым авақутйтнун. 22 Лйсимакаахпут хўавымун кынляңа йңунағми улимāқ ңилъыхтыңьўқ ақнихқыльхатун игниюлгйм. 23 Иўырңа улимāхйнāнгитук ңилъыхльыхй, хўаңкуталъю ңилъыхтыңьўкут. Хўаңкуңўкут Ағлығналгйғның Тағнығакының пилығни Кияғныңым тунусяқсюххуāға хўаңкунъун. Ңилъыхтыңьўкутлью илюмтыхун утақймалюта Кияғныңмун альюхқисқылъюта авақутāлюта лъңанун, итымутысқылъюкилью

югусипут сығлыққылбыцмың. ²⁴Тәхун сиғималъыққун югуликāгукут. Иўырңа альхықсимакумтыху сиғимақыхқахпут, тәўа сиғималъхунгитук. Югыт сиғимаңигатут сямың альхықтыңъўақамыхның. ²⁵Иўырңа сиғимамакумта сямың альхықтыкақынгилькымнъың, утақалъықахпут қылянықпынāмта.

²⁶Таўатықпиғақ Тағнығам каюсиғақилью кайтылтымнъи, қаюқлъяк нальюкылгйкут натын юғалғыққақсықымтыстун. Иўырңа Тағнығам лъңаның катам юғатақилью Кияғнығмун қилғыхтылбықлъяхкун акузитңунāн. ²⁷Кияғнығым лйсимаки югыт сюмықтағалъхит. Лйсимакилью сюмықтағалъхи Тағнығам, қаюқлъяк Тағнығам юғаткақй юги Кияғнығым пиюкыльхатун аюқлъюки.

²⁸Лйсимақахпут Кияғнығым сяңўāt қамахлъюки қыпшақтыстақй қырңита пинихқылбыққйтнун пиниқистыми. Лъңаңут туқлъюқй ухпықылбығмитун. ²⁹Тамāкуңūt Кияғнығым накмикыкыстақй. Афтыкақилью Иғнығмитун лъйғысқылъюки. Таўатын пикāгуқ Иғныни альхығыюхўāғумасқылъюку аңлыгутылдутаңаның. ³⁰Ынкāм Кияғнығым афтыкани туқлъюқақй. Тамāкутлъю туқлъюқани нальхусяқақй ыльқуғутңалбығминун. Тамāкутлъю нальхусяқани ыльқуғутңалбығминун құлвақақй.

Кияғнығым Пиниқылъха Христос Иисусыкун

³¹Сямың'нам пинақыстыху уна? Кияғнық хўаңкунъун аюқңукан, китумңам тыңвимун пилъықилью?

³²Иғлыкумаңитā лъми катам Иғныни; итупиль тўныхқақā аққутңулюку тамахамнъун! Кияғнығым тўнумақаңилью Иғнығминың, тәўа лъңакун иғлыхпынани тўнылбықилью сямың тамаҳāның. ³³Китумңам анахунъилбықаки Кияғнығым накмикыхкй югыт? Кияғнығым лъңаның катам анахутылъхинъикақй! ³⁴Кинаңам пилъықā Кияғнығым юги нанқихсяққāнилюки ағьōгьяққāлютың? Христос Иисусым пилъықагў? Накā, қаюқлъяк лъңаңуқ туқуматкикақ хўаңкунъун, уңувахтыкағуклъю туқулбығмың. Мāтын юғаткақилью ақумлюни ағынқигнығани Кияғнығым. ³⁵Сямңам иқитыслықинкут

пиниқыльханың Христосым? Сығлылїльхым,
пияқлїльхым, амьюқытаткыльхым, панығниқыльхым,
акльюмалъхым, якуғнәм, налиғмың тукутыльхым?

³⁶Игақнāқ Акузитни Игақыхкани хўатын:

«Льпык апальюқлїютын ахутаңа тамаҳāн югыт
тукусюгақилью.

Сюмыхтағалығмыхни пынїғыстун аюқнїқилью
тукусяхқат».

³⁷Иўырңа тамāкут қамахльюки каяльқыңўāқақапут
Христосыкун пиниқистымтыхун. ³⁸Лїсимақнўāғақа сям
алңунак иқитыснāнгитилью Кияғнығым пиниқыльханың:
талўа тукульхым, уңувальхым, якулгыт, налиғмың
туғнығāt. Талўа сяңўā сяңнāн ағнығми налиғмың
сивуми агани, налиғмың ахтуғьяхқāнгильхыт. ³⁹Талўа
сяңўāt кулымнїи налиғмың асимнїи. Улимāғми
иқитыстияхқакшахїтуқ хўаңкуньың Кияғнығым
пиниқыльханың Христос Иисусыкун Атанымтыхун.

Кияғнығым Накмикыхкї Югыт

9 ¹Апыгьюкақа льпысинун ипаңўқ.

Иқлзыңиқнунгитуңа қаюхльяк Христосым
пикаңа, Аглығналғим Тағнығамлью иглығутнўāк
умьюгахка. ²Уңипāсюгамси хўатын: кивгұхльягўңа
қаюхльяк қāmхурухльяк илюмкун нāнигалңуғмың
ақниҳқуткыхльягўāнка ³юлгутынка, Иудеит.
Пияқлығыуяқан, лъңит апальюқлїюки Кияғнығымтуқ
нанқихтыкаңаңа ағўиғналюңа, иқитыстыкаңаңалю
Христосымың. ⁴Юлгутынка Израилым киңунқї,
Кияғнығым альюхқикақї лъңанун авақутāлюки.
Алїхтыкақā ниғуғқылгыни лъңитнун. Акықўқақї
сяльыхқаминың лъңитнун. Тўныхкақї Лїлихтўсяминың.
Апыхтуқақї лъңанун манигўтыльыхқамың
ылькугульюки. Акықўқақилью куясльықнилюки
қаткыхқаңатни. ⁵Киңунқит сивунықсюхўāмта, тāкутхун
киңуныхтыхун Христос альыхқāгуқ югулюни. Лъңа
Кияғнығўқ иглығутилғи сямың тамаҳāның. Усюқылгыңи
қўнпырухльяк кынлыңунāн! Аминь.

⁶Кияғнығām акықусяни пимаңитагў Израилығмїнун?
Накā! Акықусяни пикақā лъңитнун, иўырңа иляңинахї

киңунғи Израилым Израилығмипигүт. ⁷Иляңинахйлью Авраамым киңунғи лъңан авақутапйкй. Кияғнығым пикақā Авраам хўатын: «Киңунғыт лыпынун акықусянка Исаакакун аюқсяққагут». ⁸Тāна хўатын писйгуқ, иляңи авақутат альхықат Авраамымын авақутақынғитй Кияғнығым. Иўырңа альхықақхйнāt Кияғнығым акықусякун Авраамымун киңуныпйкй Авраамым. ⁹Кияғнығым акықуся Авраамымун хўатытуқ: «Аюмиқун утыңниқума хўатын лййқан Сарра игныңылбықуқ».

¹⁰Тāна Саррам игныға Исаакыңуқ, сивуныхпут. Нулихтуғлюни Ревеккамың, атакак малғик игнығыхкынка Ревеккам. ¹¹⁻¹²Талўа сялин альхылъхильюкык, сялинлъю пиңигальюкык пинилғймың налиғмың сығлығмың, Кияғнығым пикақā Ревекка: «Нуйыклъйм қыпхālъықā уюқлъық». Атанық таўатын пикагуқ лйгикысқылъюку лъңинағми накмйхтыңунилюни сялбықхамының. Кияғнығым накмикыхкақā тāна игнық қаюхлъяк лъңаңуқ Кияғнығым туқлыюғюкā. Накмикыхкақынғитā қаюхлъяк тām игнығым сяңўā пикақутаңаның. ¹³Акузитни Игақыхкани игақыхкālғй: «Пиникыхкақақа Иаков, нақам угумикыхкақақа Исав».

¹⁴Сямыңнам пинақыстыху тāна? Кияғнық анахутā? Йыңлыгилью! ¹⁵Қаюхлъяк Моисей хўатын пикақā:

«Наңлбыхтахлбықуңа китумун алңунак
наңлбықсяқхамнун;

нафухтахлбықуңа китумун алңунак нафуқсяқхамнун».

¹⁶Ынкāнам югыт альхықтыпағниңитāt Кияғнығым наңлбыхталъха пиюклъюку налиғмың сялбығмыхтыхун. Кияғныхйнāгуқ накмйғяхқак наңлбықсяқхаминун. ¹⁷Акузитни Игақыхкани игақнāқ Кияғнығым пикақā Фараон хўатын: «Умйлгухтыстыкақамкын кылгунъалюку ахтуғьяқхāңгилъқа лыпыгун. Ынкām югыт нунатахāни тамахāни уңипақылбықāt āтқа». ¹⁸Ынкām Кияғнығым наңлбыгыгуткаюгā кина алңунак пиюкыхкани, пиныхлъюхтыстақālъю кина алңунак пиюкыхкани.

Кияғнығым Угумиюльхалью, Наңлбыхталъхалью

¹⁹Ынкām āплбықахпыңа хўатын: «Кияғнық таўатытңукан, сяңанңам нанқихлбықаки килью алңунак

агъюгъяхқәлюки? Китум алнунак айгйнагъяхқакынгитә Киягныгым пиюкыльхә». ²⁰Иўырҗа кинаузин, югми, выгуснәскын Киягнык? Қикумың улимағым сягнығым әпсигатә улимастыни хұатын: «Сяңама хұатыльюңа улимазиңа?» ²¹Югым қикумың сягныңльяхтым пиюкыльгмитун атуқсяхқакә қику. Улимаюкумикык мәлгук атәсимиң қикумың пияхқакәк, әльхә мыгнуналгймун атүлюку, иляңа сямун алнунак атүлюку.



(К Римлянам 9:21)

22 Кияғныңым кылгусюкақā угумиюльықлъяни, лїсимакысюгāлью ахтуғьяхқāнғилъыни. Иўырңа нуқытунъықпакақї нанқихтыкани нāфқынъалюки.

23 Таўатын пикагуқ лїсимакысқылъюку ниғуқкыльықлъяни наңлыкыхкаминун.

Ятāхқыкыстақакї лъңитнун альхықтысқылъюку ниғуқкыльыни. 24 Талўа хўаңкуталъю туқлыюқакїнкут, накāн Иудейяңинағның иўырңа язычниғныңлъяю.

25 Осиям ўкналиқыльхани Кияғнық пикагуқ хўатын язычниғның:

«Тамāкут юкыңгилькынка, атихльықанка: “Югынка”.

Тамāкут югыт пиниқынғилькынка, атихльықанка:

“Пиниқыхканка”.

26 Таўани Кияғныңым уңипātфигитни: “Юкыңгитамси”, таўанилью атихльықйт:

“Авақутї уңувалғїм Кияғныңым”.

27 Исаям акилцўткыхкақā Израиль хўатын:

«Қайўа Израилығмит ысным қынāвзығātун

угляхтаткалиғңāта,

таўальїма қафсинкўраҳāt югулилъыңьяхқāгут,

28 қаюхльяк Атанғым кимāўильцунани

нанқихтыңъўāхльықї нунам юги».

29 Сивуңғани Исаям пинақнильхатун аюқуқ:

«Атанғым ахтуғьяхқāнғилцўм

сїпусимаңсияқаңилью киңунығмың,

қамахтыңъўāғлюта нāфқылъыңнаяхтукут Содомылью,

Гоморрамлью ныхльыгыхкытун».

Израилығмит Ухпыңгитыльхат

30 Сямыңңам пильқыста? Язычнигыт, лъңитның

нальхусяғнакуткумаңитут Кияғныңмун, иўырңа

Кияғныңым нальхусяқакї ыльқуғутңалығминун

апальюқльюку ухпықильхат. 31 Израилығмит

малихқутақнакуткыхкāгут Лїлихтўсянун

ыльқуғутңаналютың Кияғныңмун, иўырңа

пилятакумаңитут. 32 Сяңамың пилятақунгитат?

Қаюхльяк нальхусяғнакуткылғйт лъңитның Кияғныңмун

сялығмыхтыхун, ныгьюкыхпынāн Кияғныңмун

нальхусїсқылъютың ыльқуғутңалъханун. Ынкāм

нāхтақут «нāхтусикун уйғахкун». ³³Игақыхкālғи
Акузитни Игақыхкани хўатын:

«Йи, Сиоными ныкыхтақа уйғак югыт нāхтысқылъюки,
тāм уйғагым иқулъықй.

Иўырңа кина алңунак ухпықуми лъңакун
кайңуюгнāнғитук».

10 ¹Ухпықалгутымни, қамагун илюмкун
пиюкыпихтақанка хўаңа катам югынка
Иудеит югулилтыңысқылъюки! Ыннāталъ
Кияғнығмун юғātкақанка! ²Хўатын пйҳнақанка
югынка: Қыпхāсюпихтақāt Кияғнық иўырңа
лйгикигатāt натын Кияғнық қыпхāтысюхқақ
лъңитнун. ³Лйгикыльхитāt натын Кияғнығым
нальхусяғақутаңи югыт ыльқугутңалығминун. Ынкām
ыльқугутңалығнақуткақут қātкыльюки Лйлихтўсй.
Таўатын пилығмыхтыхун тугуклйғатāt Кияғнығым
ыльқугутңалығх. ⁴Христос кынлыкāt Лйлихтўсят. Ынкām
тамағағми ухпықилылык Кияғнығым нальхусяғльықā
ыльқугутңалығминун.

Югулилтық Тамаҳāнун Пиңўқ

⁵Моисей игақāгуқ Кияғнығмың нальхусяғилғймың
югның ыльқугутңалығминун қātкутыльхитхун
Лйлихтўсянун. Хўатын игақыхкақā: «Югым
қātкумакаки Лйлихтўсят, тākутхун кияхльықуқ».
⁶Иўырңа нальхусяқак Кияғнығым ыльқугутңалыханун
ухпықилыхқун, қыльқāгуқ: «Āптыхпынаң: “Кина
маюхльықа қиягмун?”» (укихналюку Христос
нунамун). ⁷Налиғмың āптыхпынаң: «Кина
укихльықа Кынлыңилңуғмун?» (майōнъалюку
Христос туқумың.) ⁸Акузитни Игақыхкани хўатын
игақнāқ: «Кияғнығым уңипā қантағантуқ лыпынун.
Акузиткыльықан қаныхпыгун, ухпықылықанлъю
илюхпыгун». (Кияғнығым уңипā ухпықилығмың
аюқылғй, тāнаңўқ уңипақыхкыфут.) ⁹Āпқувгу
қаныхпының: «Иисус Атанғунилюку», илюхпыныңлъю
ухпықыхкувгу Кияғнығмун уңувахтысиманилюку
туқултығмың, югулилтыңыльықутын. ¹⁰Юк
ухпыхтуқ илюмикун, ынкām Кияғнығым нальхусяғā

ыльқуғутңалғығминун. А̄пх̄алью қанығмикун
 ухпықыхкани, ынк̄ам югулилльыңуқ. ¹¹Акузитни
 Игақыхкани игақн̄ақ: «Китум алңунак ухпықыхкумигу
 лъна кайңуюгн̄ангитуқ». ¹²Альяңуғутңитут Иудейтлью,
 Грегытлью қаюқлъяк ат̄асйгуқ Атанық, Атанқ̄а
 тамах̄ан. Қуястыхлъягақ̄а тамах̄ан туқльюгилг̄и
 лънаның. ¹³Катам Акузитни Игақыхкани игақналг̄и:
 «Тамахағми туқльюгилг̄и ат̄хакун Атангым
 югулилльыңьяқ̄агуқ».

¹⁴Иўырңа натын югыт туқльюхлъықатху
 ухпыңгилькумың? Натын ухпыхлъықат,
 нагақ̄уньыгилькумың? Натынлью нагақ̄ухлъықат
 уңипақистыңунатың? ¹⁵Натын югыт уңипақилъықат
 лънаның ұйтку каяхтыльыңыхкуйың? Катам Акузитни
 Игақыхкани игақналг̄и: «Пиниғнахағмың итыг̄ит там̄акут
 уңипақилг̄ит Пинилг̄иның Уңипаның!»

¹⁶Иўырңа иляңин̄ита қаткыхкақит Пинилг̄ит Уңипат.
 Исаия а̄птык̄агуқ: «Атанық, китум ухпықыхкақагу
 уңипахпұт?» ¹⁷Кина алңунак ухпықилъылгун̄ангитуқ
 нагатыхпынани уңип̄амың Христосымың аюқылг̄иымың.

¹⁸Иўырңа п̄йқсиңа Израилығмит нагақ̄уньыг̄инъильюки
 уңип̄амың? Аа, нагақ̄упыст̄ақ̄агут. Акузитни Игақыхкани
 игақналг̄и:

«Мыңит агуляқум̄ат тамах̄анун нунам;
 акузитаңитлью кынлыңитнун нунам».

¹⁹Алья а̄пқуд̄альгылг̄уңа: Израилығмит л̄игикынгитатк̄ий
 Израилығмиңунгилңұт лъңитлью Кияғнығым юкатк̄и?
 Аа, л̄игикум̄ит. Сивукльюку Кияғнығым Моисей х̄уатын
 пист̄а:

«Лъпысинун ақинакыснақанка
 Израилығмиңунгилңұт.

Израилығмиңунгилңұхтыхун л̄игикигалңұхтыхун
 угумиюхтыснақамси».

²⁰Т̄ахкын Исаия тытухпынани а̄пх̄ик̄агуқ х̄уатын
 Кияғнығым пильҳаның:

«Там̄акут ивағимаңилңұт х̄уаңамның,
 н̄алькыхкақатңа.

Там̄акунун а̄птингилңұгнун х̄уаңамның,
 л̄итыстык̄агуңа».

21 Иўырҗа Израилымың Киягның хўатынлью пикәгуқ:
«Ағныльқусихляк ныңугутанка йхынка
қәткусигалңунлью,
кипульхинәлңинунлью хўаңамның».

Киягныңым Наңлыгыгягускаңи Израилығмит

11 ¹ Ынкәм аптамси: Киягныңым Израилығмит юксюгнанихтакй? Йығлыгилью! Хўаңа катам Израилығмиңўңа, Авраамым киңунға, Вениаминым рамкыңан пиңўңа. ² Киягныңым юксюгнанильхитй юни қаюхляк накмикыхкақй сялин нунаңляльхильюни. Лйсимакыңгистыхў Акузитни Игақыхкани Илиям қикықуткыхкақыхкаңи Киягныңмун Израилығмит? Хўатын пикәлғй: ³ «Атанық, туқуқуқақйт ўкналиқистытын, улыхқуқақйт ахқыфихтын; хўаңаңинахәгуңа сйпнық, туқунбақутқақатңалью». ⁴ Иўырҗа Киягныңым пикақә:
«Паниның 7,000мың юлғўңа манигўсигалңўт
киягныңляқамун Ваалымун».

⁵ Мәтынлью таўатытут. Сйпнылғўқ Киягныңым накмикыхкәның наңлыхталығмикун. ⁶ Киягның накмйгумакуми наңлыгыюльығмикун, тәўа накмикыльхитй пинитун пильхитхун. Таўатын накмикумакумики, тәўа накмикыльхитй наңлыгыюльығмикун.

⁷ Хўатын пйқуңа: Израилығмит нәлькыльхитәт ивақахтың, Киягныңым накмикыхкаҳинйта нәлькыхкақәт. Иляңи тамәкут Киягныңым пиныхльюхтыстыкақй.

⁸ Катам Акузитни Игақыхкани игақыхкәлғй:
«Киягныңым умьюгйт лйгиксяхқәнанихқыхкақй.
Хўавымун кынляңа ағнығмун ййңит
ысхагьяхқәнанихқыхкақй,
сигутңитлью нагақўсяхқәнанихқыхкақй».

⁹ Давидылью пикәгуқ:
«Нықынғахқыльхит ныгағәхлғит,
нәптыльхухлғит, нәхтусйхлғит, ағыюгисйхлғит
льңитнун».

¹⁰ Ййңит аялғыңлит ысхағнанйсқылбюки,
қукйтлью пакигныңлит уқигитның сығлылйльхита
қўнпырухляк».

11 Ынкām āптамси, Израилығмїт нāхтақнамың, алыя ныкывыпагниңитақāt? Йығлыгилью! Иўырңа Израилығмїт сығлыққыльхит апальюқљюки, язычнигыт югулилгыңут. Ынкām югулилгыңылъхита Израилығмїт ақинастїт. 12 Кияғнығым атуқыхкақї сығлыққыльхит Израилығмїт тагинъалюку қуястыльыхлъяк нунам юганун. Израилығмїт ифлїльхита тагитāt қуястыльыхлъяк язычнигнун. Тāхкын қамахлъютың накмикыхкāt Израилығмїт, иляскумың югуликанун, қуястыльыхыт натынми угляхтаткальықат!

Югулилльхат Язычнигыт

13 Мāтын алыхқуғьюгамси лыпыси язычнигни. Кияғнығым накмикыхкақāңа апостолыңулюңа язычнигың. Ынкām пирāмсипахлъюңа пїқақа уна мыгнуналғї қыпхақак Кияғнығым қылгуткā хўаңамнун. 14 Апыхтуғильымкун лыпысинун ақинасналюки пїнка Иудеялгутынка, иляңи югулилгыңысықљюки. 15 Кияғнығым ихсякақңаки Иудеит, нунам юги Иудейеңунгилңūt илялїхтыстыкақї лъңанун. Ынкām Иудеит тугукљинқихтыкумики, уңувахлъыхїстун туқукат аюқсяхқāгут.

16 Нықыкшаңлъям икыльықсюўāға тўныхкақ Кияғнығмун, аглығнāнукан, тāўа йңунағми нықыкшаңлъяк аглығнахтуқ. Аккўи уқфигым аглығнақата, авайїлью аглығнахтут.

17 Иудеит пїтысиғақастун маслинам уқфигатун аюқут иляңи аваян айымтыкат. Лпыси язычнигни аваястун аюқуси айымтыкат пїтысиғальхилңуғмың маслинам уқфиганың. Тāмың уқфигмың, китум тугулюку аваяқ ныкыхтыкумигу пїтысиғақамун маслинам уқфиганун, альхыгусяхқāгуқ акумуляның пїнъапихлъыхїмың. 18 Сюмыхтағхпынаси пиниғатағағнилюси аваяның айымтыканың. Қукāюхтыхпынаси, қаюхлъяк аваярāғинāгуси. Акут икнақухтысигатаси, акўгут икнақухсягилқїт лыпысиның.

19 Иўырңа пилгықуси: «Аа, аваят айымтыкāгут ныкыхналюта уқфигмун». 20 Тāна ипаңўқ. Кияғнығым айымтақї аваят қаюхлъяк ухпықынгилькаңат

лъңа. Иўырңа лъпыси ныкыхтыстыкақйси
 уқфигмун қаюхлъяк ухпықыхкыси лъңа. Ынкām
 қукāюхтыхпынаси, йығлыги алиңитык. ²¹Иудеит
 аваяҳпигāгут. Кияғныңым айымтыкақутаңаның
 аваяҳпигāt, тāўа лъпысылъю айымлъықйси уқфигмың
 нағнығунъығилькуфсигу ухпылтъыхси. ²²Ынкām
 лйгикаҳси Кияғнық наңлътыхтаҳтуқ, агъютапихтуқлъю.
 Агъюғақй сығлықыхкат, иўырңа наңлътыкақйси
 нығьюкумаңинаныҳпысигу наңлътыхталъҳа.
 Иўырңа ныгьюкнанймакуфсигу лъпысылъю
 кыпултъықйси. ²³Иудеит ухпықынқихтыкумыхтыху
 Кияғнық, ныкыхнықихлтъықй уқфигмун. Кияғнық
 аҳтуғъяхқāнғилъылгўқ ныкыхнықихсяҳқāлюки
 ныксяқаңитхун. ²⁴Лъпыси язычниғни аваяпикынғитйси
 пйтысиғақам маслинам уқфиган. Кияғныңым
 кыпыхкақйси пйтысиғальҳилңуғмың маслинам
 уқфиганың. Тāхкын ныкыхтыкақйси пйтысиғақамун
 маслинам уқфиганун, қайўа югыт ныкыхтиңигасяғңата
 уқфигмун таўатылңуғмың аваямың. Иудеит
 пйтысиғақамың маслинам уқфиганың пиңутмыхның,
 Кияғныңми пияқнитут ныкыхнықихсяҳқāлюки лъңита
 катам уқфигитнун.

Кияғнық Наңлътыхтаҳтуқ Тамаңанун

²⁵Ухпықāлгутымни, лйгикысюгамси сямың
 қайвиҳсиманйлңуғмың сивунғани. Апығъюгусика
 лъпысинун унаўқ; пыҳқинғуогнығуфқāфси писқылъюси
 сюмыҳтағаткаҳтыкилъю. Иляңита Израилығмйт
 ухпықсюумаңитāt Кияғнық. Таўатылтъықут кынляңа
 Кияғныңым накмикыхкй язычнигыт қамахлъютың
 тагиляғāтылъхитнун лъңанун. ²⁶Тāхкын қамахлъютың
 Израилығмйт югулилтъыңылыкъут. Акузитни Игақыхкани
 игақалғй:

«Югулиғиста тагилтъықуқ Сионымың; иқилтъықй
 қамахлъюки сығлыгыт киңунғаның Иаковым.

²⁷Тāна акықсыяқақа лъңитнун
 иқискумки сығлықхыльхит».

²⁸Иудеит ихсякыхкақйт Пинилғйт Уңипат
 ынкām Кияғныңым аңуякй. Лъпыси апалъюқлъюси

язычнигни Кияғныңым атуқыхқақā иҳсякильхат
 қуясналюси. Иўырңа Иудеит паниның Кияғныңым
 накмикыхқақй югыт. Пиниқумаңинаўй апалъюкльюку
 акықусяни сивунгитнун. ²⁹Кияғныңым умыюагни
 альянухтықахнāнгитāк. Выхнāнгитй тунусяни,
 пыхнāнгитйлью накмикыхкани льңанун югулюки.
³⁰Сивунғани льпыси язычнигни қātкыльхитахси
 Кияғның. Иўырңа мāтын альхыхтахси Кияғныңым
 наңльыхталъха қаюхльяк Иудеит қātкунъыгилңūt.
³¹Мāтын Иудеит қātкусигатут Кияғныңмун, ынкām
 наңльыкақйси язычнигни. Иўырңа иляңани ағныңым
 льңиталью альхыхлтъықāt Кияғныңым наңльыхталъха.
³²Қамахтыңўāғлютың югыт қātкигатāt Кияғның.
 Қātкунъыгитыльхат анусимиңльяғвихтун аюқуқ,
 Кияғныңым таўавык канахтақыхқаңи. Таўатын пйқуқ
 наңльыкналюки қамахльюки.

Усюқилъық Кияғныңмун

- ³³ Кāй, сығлыхльягūt Кияғныңым акльюңиңи,
 пықкиныльха, лйсимальхалью!
 Китумңам лйгикңўāхльықаки нанқихтильхи?
 Китумңам лйгикңўāхльықаки игльыңгы?
³⁴ Катам Акузитни Игақыхкани игақңалғй:
 «Китум лйсимакакык умыюакык Атанғым?
 Китумңам алыхқухльықагу апақунъалюку?
³⁵ Китум алнунак сялисигатагūу Атанық,
 Атанығмун львivyкысылъюку утығмун?»
³⁶ Сяңўā қамахльюни льңаның пиңўқ, льңакун пиңўқ,
 льңанунлью пиңўқ.
 Льңа усюқылъыңли қўнпырухльяк! Аминь.

Уңувалғйт Ахқутыт

12 ¹Ухпықālгутымни, Кияғның
 наңльыхтапихтутаңаның, ынңātаль кайымамси
 тўныскыльюки югусиси Кияғныңмун уңувалғйнулюки
 ахтутыт. Пылюңилъит, тугукльығьюгнағлитлью
 Кияғныңмун. Тāнаңўқ манигūtыльыпихси. ²Ум
 нунам югатун кияхтыхпынаси. Йығлыги Кияғныңмун
 альянухтыстык нутахтыслъюки умыюгаси. Тāхкын

лйгикыльықақси пиюкыльха Кияғнығым пинилгй,
тугукльиғьюгналгй, қамахтиңўағналгйлю.

³Кияғнығым тўныхкақутаңаның тунусямың
апостолюңулюңа, тамахақыпсинун пйңа:
Сюмыхтағаткыхпынаси лыпысиның пиниғатағағнилюси
аюқылъықыпсиның. Йығлыги ипапиқкыльюси
сюмыхтағаткақитык ухпықилъыхтулыхпысигун
Кияғнығым тўныхкәкун лыпысинун. ⁴Югусипут
налиғныхтупихтут, тамахағми налиғнық алыятун
сяхқәгуқ. ⁵Углығьяғнәмта, атәсигукут Христосым
югусйн. Ынкәм хўаңкута налиғнығни хўаңкуньың
пикутукут. ⁶Қамахлыюта алыякульхйның тунусялгўкут
Кияғнығым тўныхкәның наңлыхталъығмикун.
Тунусяхпут уңипақиңукан Кияғнығым уңипәмың,
уңипақилъта ухпықилъыхтуталымтыстун. ⁷Тунусяхпут
қыпхәтиңукан, қыпхәтилъта, апыхтуғиңукан,
апыхтуғилъта; ⁸кайымиңукан илямың, кайымилъта;
тўниңукан, иглыхпынәмта тўнилъта; иглығутиңукан,
сягиқлыюта иглығутилъта; наңлыкиңукан,
қуякусиқлыюку наңлыкильта.

⁹Пиниқитык ипапиқкыльюси. Угумиклыюку сығлық,
пиюкумаңинахтыху сяңўә пинилгй. ¹⁰Пиниқутутык
аңлыгуткульхйстун. Қўлвәтутақитык пакихульюку
қўлвйскысюльықыпсиның. ¹¹Тәкуңинахәғның қыпхәхтык,
ихсянифқәфси. Сягиқульюку қыпхәтақитыху Атанық
қамакын илюхпысиның. ¹²Қуяңатык қаюхляк
сиғималъылгўси, нуқытақитык ныкыхмыльюси
сығлылйныхпысини, юғағақитыклью йўлың.
¹³Ухпықалгутыхпысинун акльюлгйнун тўниқитык,
упуғатйқитык кинкуның алңунак.

¹⁴Юғаткақитыки амьюқытәткыстыси Кияғнығмун
қуястысқыльюки, накән ақнихтысқыльюки.
¹⁵Қуялгусиғақитыки тамәкут қуялгйт, қиялгусиғақитыки
тамәкут қиялгйт. ¹⁶Кияхтык ныкыхмытульюси.
Қукәюхтыхпынаси йығлыги илякитыки укаванталгйт.
Сюмыхтағаткыхпынаси пықингуниллюси иляхпысиның.

¹⁷Китум сығлытун пикаңиси, акитыхпынаки
сығлытун. Пйқитыки пинилгйт тугукльиғьюгналгйт
тамаханун. ¹⁸Пияхқәкан, пйқитыху сяңўә пияхқақси

кияқтысқыльюси ныкыхмыльюси тамаҳанун.

19 Пиниқыхкамни, акиниғнақыхпынаки сығлытун пистыси, итупиль пыхтыки Кияғныңым сякшальханун. Акузитни Игақыхкани игақңалғи хұатын:

«Хұаңаңұқ ағыюғияхқақ,
хұаңаңұқ акиниғьяхқақ, пйқ Атанық».

20 Игақңақлью Акузитни Игақыхкани:

«Аңуягын игатәңукан нығыснакын,
мықсюгукан мықсинакын.

Таұатын пикувгу нәсқұакун маюхфикильтықан
кумаңалғиың кўлямың».

21 Каяльқыстыхпынаси сығлығмун, итупиль каяльқытиху сығлық пинитун пилъыхқун.

Қаткыльюки Аңўағыт Иглығутилғит

13 1 Тамаҳағми қаткусяхқағуқ аңўағуқтыканун иглығутистынун. Кина алңунак иглығутистыңунанғитуқ ұйтқуқун Кияғныңым иглығутистыңуқтыстыкумигу. Иглығутистыңұт қаюхляк Кияғныңым ныкыхтыкақи иглығутисқыльюки.

2 Китум алңунак қаткынғилькумики иглығутистыт, қаткигатй Кияғныңым накмикыхкй. Ынкәм ағыюқтыслықуқ. 3 Пинитун пикаюгыт аликигатйт иглығутистыт, иўырңа сығлытун пикаюгыт аликсяхқақйт.

Аликсюнғилькуфсики иглығутистыт, пинитун пикатык, ынкәм усюқылбықйси. 4 Иглығутистыт Кияғныңым қыпшақтыкй анығныхқылъыхқақысинун. Иўырңа сығлытун пикуфси, ализнакыси, қаюхляк Кияғныңым қылғумй ағыюғысқыльюки сығлытун пикат. Кияғныңым қыпшақтыкй, ағыюгистыкйлью сығлытун пилғинун.

5 Тамākын апальюқльюку қаткитыки иглығутистыт. Қаткитыки қаюхляк Кияғныңмун ағыюқтысюнғилңўси. Иўырңа тәнаңинақ апальюнғитуқ. Қаткитыки қаюхляк лйсимакақси қаткутылтық ыльқуғутңақ.

6 Такуклью апальюқльюкык лывикақаси налогыси, қаюхляк иглығутистыт қыпшағут Кияғныңмун қыпшақатын пинығмыхтыки. 7 Ынкәңам налогыт асыңыси қамахльюки лывикитыки иглығутистыхпысинун. Сйвакитыкилью, қўлвақтыкилью қамахльюки.

Пиниқлъюки Иляси

8 Асыңыхпынāң китумың алңунак, иўырңақун пиниқылъыхси асыңықңинахтыху иляхпысинун. Китум алңунак пиниқыхкумики юлгутни қātкыңъўй йңунита Лйлихтўсят. 9 Игақңāt Лйлихтўсяни хўатын:

«Гылгағниҳпынаң, Юхтаҳпынаң, Тыглыхпынаң,
Қилйқытиқыхпынаң».

Қātкылъықатын тākут қылғусят, алңунаклью қылғусят, қātкыхкувгу уна қылғусяқ:

«Пиниқлъюку юлгутын пиниқылъыхпытун лыпынун».

10 Кина алңунак пиниқикуми юлгутминың, сығлытун пинāңгитй. Пиниқилъығмикун қātкутңўқ йңунитнун Лйлихтўсят.

11 Тамākут пикатыки қаюхлъяк лйсимакаҳси пилъыхқак кāsимāk. Қавалғйстун аюқуси иўырңа мātын тахтуғьяхқāхтуси. Югулилъыхпут туғāхтуқ ухпығьохālъымнъың. 12 Унук альпагьяхтухтуқ, хўā ахсяхтуңыстағā. Тāкылтыкиңам атуқныңмың сығлығьт юғыт пйқыхкаңит мамлыгми. Ынкām тугультыки пильюўāsихқат ниғугми. 13 Пинитун кияхтылыта катам югыстун кияхлъыхйт ниғугани ағнығым. Сығлытун тығигниқыфқāmта, сйомыфқāmта, алңунак алңунасығафқāmта, пильюўатыфқāmта, ақинатыфқāmта. 14 Итупиль акулдāғыстун āтыху Атанық Иисус Христос, сюмыхтағātкыфқйталъю атуқналюки югусихпыси пиюкыльхит.

Нанқихтыхпынāн Ухпықалгутын

14 1 Упудатыху йок ухпықилъыхқыстāхак акулыхпысинилңуқ. Ахтйрāгусиқыхпынāн сяңўā ухпықыхкā ыльқугутңатаңа налиғмың анахутңатаңа. 2 Атāsим юғым ухпықā нығьяхқāнилюни алңунак нықмың. Иўырңа йок ухпылъыхқыстāхак нығақуқ нунивахсығахйнағмың. 3 Юғым нығыхкаюғым алңунак нықмың, сйвакльигу йок нықаюк нунивахсығахйнағмың. Юғым нығыхкаюғым нунивахсығахйнағмың, нанқихнығилйигу йок нықаюк алңунак нықмың, қаюхлъяк Кияғнығым тугукльймā. 4 Кинаңуниллютын

пйқсин нанқихтилгй китум қыпхақтыңаның?
 Қыпхақтым пилйтистыңинан нанқихлғықā пинитун
 пиматаңа налиғмың сығлытун пиматаңа. Атанғым
 қыпхақтыңа пинитун пилғықуқ қаюхлғыак Атанғым
 қаюсиғъяқлғыгукаңа пинитун писқыльбуку.

5 Юғым ухпықā атāсиқ ағнық мыгнунағатағнилюку
 иляңитның ағнығың. Иляңан юғым ухпықй
 қамахлғыютың ағнығыт таўатылькунғылюки. Тамахағми
 юғым умьюгағни атāсйхтыңўāғгликык. 6 Китум алңунак
 ухпықыхкумигу мыгнунағлюку ағнық таўатын пйқуқ
 қўлвағналлюку Атанық. Китум алңунак нығыхкумигу
 алңунак нықа таўатын пйқуқ қўлвағналлюку Атанық,
 қаюхлғыак игамсиқаюгвикақыхкаңа Кияғнық
 нықмың. Китум алңунак нығыюнғилғыкумики
 иляңи нықыт таўатын пйқуқ қўлвағналлюку
 Атанық, игамсиқаюгвикақыхкаңалғыю Кияғнық.
 7 Уңуваңигатукут хўаңкуньун, туқуңигатукутлью
 хўаңкуньун. 8 Уңувакумта, Атанығмун уңуваңукут.
 Туқумакумта, Атанығмун туқулғыкукут. Ынкāм
 уңуваяғңāмта налиғмың туқуяғңāмта Атанғым пикйлью.
 9 Христос туқулони, уңувахтыкāгуқ Атанғуналони
 уңувалғйнунлью, туқуканунлью. 10 Лпысы, сяңан
 нанқихтақыстыки ухпықāлгутыси? Сяңанлью
 сйвакигастыки ухпықāлгутыси? Нықамикльбуку,
 қамахлғыюта ныкывьяхқāгукут сивуңакун Кияғнығым,
 лъңанун нанқихтысқыльюта. 11 Акузитни Игақыхкани
 игақңāқ:

«Атанық пйқ, қаюхлғыак хўаңа уңувалғйңа Кияғнық,
 тамахағми йок сығысқухқўлғықуқ хўаңамнун,
 тамахағмилғыю юғым усюқылғықā Кияғнық».

12 Ынкāм қамахлғыюта Кияғнығмун апығьяхқақхпут
 сяльыхпут, сяңанлью таўатын пиматфут.

Ухпықāлгутын Сығлыққыстыхпынāн

13 Ынкāңам тāқылыта нанқихтунғығмың. Ййғлығи,
 умьюгапут атāсйхтыльтыки ухпықāлгутфут
 нāхтыстыфқāн налиғмың сығлыққыстыхпынāн пильтыху.
 14 Атаныхқун Исусыкун лйсимакңўāғақа аваңитук
 йңуткамың нықмың. Йўырңа юғым ухпықыхкумигу сяңўā

йӳгүткӳлюку, тӳӳа лӳнани йӳгүткӳгуқ. ¹⁵Ухпықӳлгүтын унӳмқиқумакан сямың нығыхқапының, тӳӳа пиниқнанӳмӳн. Нығыхқапынун нӳфқыстыхпынӳн ухпықильхӳ Христосым туқуматкыхкӳ. ¹⁶Ухпықыхкан пинихтуқ; акузиткыстыхпынӳн сығлыгулюку. ¹⁷Қаюхлӳяқ Кияғнығым Атаныхпагулхӳнани сяӳӳат нығыхқапутлӳю, мығыхқапутлӳю мыгнуанӳгитут. Укут мыгнуахтут: ыльқугутӳалық, ныкыхмылық, қуялтықлӳю; тӳкут Аглығналӳйғның Тағнығағның пиӳт. ¹⁸Тӳкут атуқлӳюки қыпхӳтилдӳм Христосымун, ыфқухлтықӳ Кияғнық, итагнақылтықӳтлӳю югыт.

¹⁹Ынкӳм атӳлтыху ныкыхмылтыңыстияхқақ, кайымутутыльтӳлӳю ухпылтыхтухтағағналӳюта. ²⁰Нӳфқыхпынӳн Кияғнығым қыпхӳлхӳа апӳлӳюқлӳюку нықа. Қамахлӳюни нықа нығыахқӳгуқ, иӳырӳа анахутӳӳӳ нығылтыхқақ алӳунақ нықмың сығлыхқыстияхқақ китумың. ²¹Итагнағыахқӳгуқ кымыкшахтунӳгитылтық, винотунӳгитылтық, сяӳӳӳлӳю алӳунақ нӳхтыстияхқақ ухпықӳлгүтыхпысинун. ²²Кияғныхӳйнақлӳю лӳсимаксяхқақӳси тамӳкут ухпықыхқахтын. Қуяқуқ йӳк атуқнығминиқи ухпықыхкани ыльқугутӳанилюки сығлығниткыхпынақи. ²³Иӳырӳа юғым нығыхкани, ухпықыхкумигу анахутӳанилюку, Кияғнығым нанқиһлтықӳ қаюхлӳяқ пинӳилькӳаңа сяӳӳӳ ухпықыхкани. Сяӳӳӳ алӳунақ ухпықыхкани анахутӳанилюку атуқумакумигу сығлыхқылтықуқ.

Ыфқухтыки Иляси, Ыфқухтыфқӳфси Лпысиның

15 ¹Хӳаңкута ухпықильтыхтуқани каюсийсяхқақӳпүт ухпықильтыхқыстӳхӳт сығлылӳйӳгӳта. Ыфқухсяхқӳнӳгитукүт хӳаңкуньың. ²Итүпилӳ, тамахӳмта ыфқухнақылтыху ухпықӳлгүтфүт лӳнӳн кӳтам пинихқылтыхқӳнун, ухпықильтыхтухтысқылӳюку. ³Тӳлӳӳа Христос ыфқухсимаӳитүқ лӳнӳның кӳтам. Йӳғлығи игақыхкӳгуқ Акузитни Игақыхкани: «Югыт сығлықӳлӳйт лпынун, сығлықӳлӳхит тыкитакут хӳаңамкун». ⁴Сивунӳгани Акузитыт Игақыхкӳт игақыхкӳгүт апыхтуғналӳюта. Нуқынтыхтүстӳлӳю, кайымильӳлӳю сӳғималтыңнаюкамта. ⁵Нуқынтыхтулхӳылӳю,

кайымылтыхлыю Кияғныхтāгук. Лъңан кияхтыслъиси итагнакулъюси катам Христос Иисусым пилъхатун.
 6 Тāхкын қамахлъюси қырңахпыси атāсистун усюқылтықахси Кияғнық, Атаңа Атанымта Иисус Христосым.

**Пинилгїт Уңипат Иудеянунлъю,
 Язычнигнунлъю Пиңұт**

7 Тамāкын апалъюқлъюку тугуклътулъюси катам Христосым тугуклтықаюгукаңиси лъпыси. Таўатын пикуфси югыт усюқылтықат Кияғнық. 8 Амынкун Христос қыпшақтыңухтыкālдї Иудеянун лїгикысқылъюки Кияғнық йўлың ипапїкуқ. Тамāкын апалъюқлъюку Иудеит лїсимақңўāгāt Кияғнығым пияхқақї акықсыяқыхкани сивунгитнун. 9 Христос тагикālдїлъю язычнигнун усюқысқылъюку Кияғнық наңлтыхталъханун. Игақңақ Акузитни Игақыхкани:

«Ынкāнам усюқылтықамкын акулңитни язычнигыт,
 илягахлтықуңалъю усюқилтығмың атыхпынун».

10 Акузитни Игақыхкани игақңақлъю хўатын:

«Язычнигни, қуятык малигулъюси Кияғнығым югитнун!»

11 Алъя Акузитни Игақыхкани игақңақ:

«Усюқитыху Атанық, қамахлъюси язычнигни;
 усюқитыху, қамахлъюси югни!»

12 Исаия пикāгуқ:

«Киңунңа Иессейем тагилтықуқ иглыгунъалюки
 язычнигыт,
 ынкām лъңакун сїгималтықут».

13 Кияғнығұқ сїгимастилдї. Имиғлиси қуялтыхлтыгмыңлъю, ныкыхмылтығмыңлъю ухпықылтыхпысигун лъңанын. Тāхкын сїгималтыңатагахлтықуси ахтуғяхқāнғильхакун Аглыңналдїм Тағнығам.

Павелым Письмоткыхқаңа Қыпшақани

14 Ухпықālгутымни, лїсимақңўāғамси пинїпихтуси югни. Лїсимакақалъю лїгикңўāғлюки аюқаси апыхтўсят Кияғнығмың аюқылгїт, ынкām апыхтўсяқлтыгўāси

иляңитнун. ¹⁵Иўырңа тытульңунаңа письмокақамси сямың иляңитның нықамикысқылъюси тамākын. Таўатын письмомаңа қаюхлъяк Кияғныңым тунусихтуғāңа ¹⁶қыпхақтыңулюңа Христос Исусымун язычнигнун. Священнигыстун аюқақуңа уңипақинымни Пинилғиңың Уңипāмың Кияғныңым язычнигнун. Таўатын уңипақйқуңа лъңит тунусятун аюқысқылъюки тугукльгиғыюгналғй Кияғныңмун. Аглығналғйм Тағнығам аглығнахтыстā тунусяқ.

¹⁷Ынкām қукāюхтақуңа қыпхақамның Кияғныңмун Христос Исусыкун. ¹⁸Акузиткысяхқақанка Христосым апығйқахйни хўаңамкун. Лъңаңўқ язычнигның қātкутыстилғй Кияғныңмун уңипақильымкунлюю, қыпхақамкунлюю. ¹⁹Таўатын пикāгуқ ахтуғьяхқāнғильхакун альяҳлхлюхўахтильхыт, ахтуғьяхқāнғильхакунлюю Аглығналғйм Тағнығам. Уңипақңўāқақанка Пинилғйт Уңипат Христосымың аюқылғйт тамаҳāни Иерусалимымың тāгавырухлъяк Иллирикымун. ²⁰Йўлың пиюкыльқысығақа уңипақналюки Пинилғйт Уңипат нунани нагақўсигалңуғни Христосымың. Таўатын пикāгуңа қаюхлъяк ныкыфтиюгунғилңўна тумаңакун иляңан юғым пйнлиқākун. ²¹Катам Акузитни Игақыхкани игақалғй хўатын:

«Тамāкут сялин уңипāсигалңўт лъңаның,
ысҳахлъықāt, сялинлюю нагақўсигалңўт
лъңаның, лйгикыльықāt».

Павелым Лйлихнақылъха Римымун

²²Тамākын апальюқлъюку угляғнāн лпысинун пипагниңитақуңа қаюхлъяк иляңитни нунани уңипақйқылғйңа. ²³Иўырңа мāтын апығйғақа қыпхақақа мāни. Углялғйни аюмикулъығни лпысинун пиюпихтақсыхтуңа, ²⁴ынкām сюнаңуқ мāтын лйлихфиклъямси Испаниямун пикаткыльюку. Лйлигутахтыльымта киңуңаның сюнаңуқ каюсихтыңба ағуляқнақыхкума Испаниямун. ²⁵Иўырңа лпысинун пивагилгама, Иерусалимымыңақақуңа каюсйнъалюки Кияғныңым юги тамāнлыңўт.

26 Ухпықат Македониямылңұтлю, Ахаиямылңұтлю қуякусиқльюку тўникāгут манимың каюсїньальюки акльюмалғїт акулңитнилңұт Кияғныңым юган Иерусалимыми. 27 Қуякусиқльюку таўатын пикагут. Тāкут язычнигыт асыңымїт Иудеит қаюхльяк альхыгуткāлғїт Кияғныңым қуястильҳаның лъңитхун. Ынкāм язычнигыт каюсиғьяхқакїт Иудеит ухпықїт Иерусалимымылңұт туюғлюки манимың. 28 Хўā кыльқынъақақа язычнигыт маниңат Иудеянун. Апығїкумкун уна қыпхақак тўнлюку мани лъңитнун, лялихфиксяхтухльықамси, тāхкын Испанияльықуңа. 29 Лїсимакақа кāскума льпысинун, пилгульықуңа Христосым йңунāн қуястыльҳаның.

30 Ухпықалгутымни, Атанымтыхун Исус Христосыкун, пиниқыльҳакунлюю Тағныңам, малигульюси хўаңамнун юғātкыхльыақхтыңъа Кияғныңмун каюсїтысқыльюңа.

31 Юғахтык Кияғныңмун пақнїхсїсқыльюңа ухпықāнгилңуғның Иудеями. Юғātкитыхулюю қыпхақақа Иерусалимыми тугукльығьюгнїсқыльюку Кияғныңым югитнун. 32 Тāхкын Кияғныңым пиюкыльқыхагу, льпысинун пильықуңа қуяльылихльыағлюңа, ынкāм пиниғьїохнықихльықуңа лялихфикумалюси. 33 Кияғның ныкыхмыльылитилғї тамахахпысинилъи. Аминь.

Павелым Сїмқыхқанї Ухпықалгутыни

16 1 Уңипāсюгамси ухпықалгутымның, Фивамың. Пинилғїңұқ диаконисса ухпықанун қырңугуткаюгнун юғавигани Кенхреям. 2 Упуғанъакыси Кияғныңым югита пїқыльхистун қаюхльяк Атанғым пика. Каюткысюңгиси каюсиғақльюку қаюхльяк каютыхльыағўк углялғїнун югнун, хўаңамнунлюю талўа.

3 Уңипāтаҳнакыхси Прискиллалю, Акилалю сїмқақакануқ. Қыпхалгуткаха Христос Исусымун.

4 Талўа туқутыльықхқтынь пикаткыхпынāн пақнїхсїақхқағныңа. Тамāкын апальюқльюку игамсиқаюхльыағўңа лькыхкының. Қамахльютыңлюю ухпықат язычнигыт юғавигитнилңұт игамсиқаюгūt.

5 Уңипāтаҳнакыси ухпықат қырңугуткаюгның мыңтығакхыни сїмқақанкануқ.

Уңипатахнакыси пиниқыхкақа Епенет сѳмқақақануқ. Асиями льңа ухпыгыюхәқәгуқ Христосыкун. ⁶Уңипатахнакыси Мария сѳмқақақануқ; қывұлъюни қыпхәткақйси. ⁷Уңипатахнакыхси Андроникалью, Юниюлью Иудейялгутыхка, анусимиңльяғалгуткыхкақакхкалью, сѳмқақакхқануқ. Апостолыңуқ югыт лйсимакңуәқыхкыт; сивумни ухпықәхтыкәгуқ.

⁸Уңипатахнакыси Амплий, пиниқыхкақа Атанықкун, сѳмқақақануқ. ⁹Уңипатахнакыси Урбан, қыпхалгутфут Христосымун, пиниқыхкақалью Стахия, сѳмқақакхқануқ. ¹⁰Уңипатахнакыси Апеллесалью сѳмқақақануқ. Нанғйхсәғалгыңақнами ипапихқыхкақә атәсигмитылыни Христосымун. Уңипатахнакыси ныңльюгутаңи Аристовулым сѳмқақанкануқ. ¹¹Уңипатахнакыси Иродион, Иудейялгутка, сѳмқақақануқ. Уңипатахнакысилью ухпықат ныңльюгутаңанилңут Наркиссым сѳмқақанкануқ.

¹²Уңипатахнакыхси Трифеналью, Трифосалью сѳмқақакхқануқ. Тәкук ағнак қыпхәхтыңуқ Атанығмун. Уңипатахнакысилью пиниқыхкақа Персида, сѳмқақақануқ; қывульюни қыпхәқәгуқ Атанығмун. ¹³Уңипатахнакыхси Руфьлью нәкульхйк, сѳмқақакхқануқ. Руф Атанғым накмиқыхкақә, нәңанлью игнықылғйстун пйқәңа. ¹⁴Уңипатахнакыси Асинкритылью, Флегонтылью, Ермийелью, Патробалью, Ермылью, қамахльюкилью ухпықәлгутыт льңитнилңут, сѳмқақанкануқ. ¹⁵Уңипатахнакыхси Филологылью, Юлиолью, Нирейямлью наякульхйк, Олимпанлью, қамахльюкилью Кияғнығым юги льңитнилңут, сѳмқақанкануқ.

¹⁶Қуякутақитык нәгутмың Кияғнығым пиниқыльхакун. Қамахльютың ухпықат Христосым юғәғвиганилңут, лйсимакысюйси сѳмқақйсиңуқ.

Павелым Киңулит Апыхтүсй

¹⁷Ухпықәлгутымни, қылғамси кылыңасқылтыюси тамәкуның әфқұтыстикаюғның, тунутыстилғйның югыт ухпықильхитның, кипульхинәлғйның апыхтүсяның литкаұпысиның. Иқитңатык тамәкуның.

18 Югыт таўатын пикаюгыт қыпхәтнунгитәт Христос Атаныхпут. Таўаңинахақ лъмың катам ыфкуқыхкаҳинаатың пйқйт. Апыхтуғиңыхни акузитыхльюхұат атуқақйт, усюқұхтақйтлтью югыт пұхналюки пұхсюгумалдйт.

19 Қамахльютың югыт нагақұмәт қәткүтңалыхсы Атанығмун, ынкәм тамәкын апальюқльюку қуякыхльяўамси. Пыхқингусюгамси сямун пинилдйтмун, иўырңа анахутыльңунаси сығлығмун.

20 Кияғнығым ныкыхмылгылитилдйт қантағақун гагимльықә Тугнызақ итығахпыси асиңани.

Атаныхпут Иисус Христос наңлыххтағли льпысинун.

21 Қыпхалгутма Тимофейем, Иудейялгутмалью Луцийямлью, Иасонымлью, Сосипатрымлью сёмқақйсиңуқ.

22 Тертійяңұңа, игәтақақа Павел посланияңаның. Хұаналью сёмқақамси Атаныхқун.

23-24 Хұаңа Павел, Гаййемытақуңа. Мыңтығәни қамахльютың ухпықат қырңугуткаюгүт. Лъңанлью, ухпықатлтью сёмқақйсиңуқ.

Ныхльямта манимың афльыңакистыңан, Ерастым, ухпықалгутымталью Квартым сёмқақйсиңуқ.

Усюқилық Юғалыхқун

25 Усюқильтыху Кияғнық! Лъңан айыпсюгиҳсягьяқлыгуй ухпықилгыси Пинилдйтхун Уңипатхун Иисус Христосымың аюқылдйтмың уңипакумаңинағақыхкымнун югнун. Тәнаңуқ аксяқыхкақ уңипақ Кияғнығым қайвиҳсимаңиткә има пйнлигьюхәлхханың нунам. 26 Иўырңа мәтың, пйнлыгилнұм Кияғнығым қайвиҳсимй Пинилдйт Уңипат игақулхитхун үкналиқистыт. Қылгусимй Пинилдйт Уңипат лйтысқыльюки югнун нунатахәни тамахәни. Таўатын пикәгуқ лъңитнун ухпықысқыльюнилью, қәткысқыльюнилью.

27 Лъңинәгуқ Кияғнық, пыхқинылдй сямун тамахәнун. Югыт усюқлытху қўнпырухльяк Иисус Христосықун! Аминь.

Павелым Посланияксюхўағи Ухпықанун Коринфымылңуғнун

1 ¹Укут посланият Павелымың пиңўт, Кияғнығым накмикыхкәның Исус Христосымун апостолюңулюки. Ухпықалгутфут Сосфен хўаңамнитук. ²Письмоғақуңа Кияғнығым ухпыхтыңитнун Коринфымылңуғнун, Кияғнығым афтыкәнун юкналюси Христос Исусыкун. Накмикыхкақйсылъю пылюңитысқылъюси малигулъюси юлғутыхлъягнун тамаңанилңуғнун, юғақаюгнун Атанымнъун Исус Христосымун, қамахтыңўағлюта Атанқахпут. ³Кияғнығым Атамта, Атанымталъю Исус Христосым наңтыкльысылъю, ныкыхмылтылгусльысылъю.

Қуястыльхыт Христосыкун

⁴Игамсиқаюгвикақақа Кияғнық қаюхляк наңтыкыхкақйси Христос Исусыкун. ⁵Ынкәм лънакун аклюңиғикәгуси лйгикылығмыңлыю, акулзильығмыңлыю. Ынкәм мәтын лйгикатағалықахси Христос, акулзиткатағалықахсылъю Атанық. ⁶Альяңухтыкамлъю кияхтәлтыхпыси ипапихқә уңипақыхкахпут Христос. ⁷Аглығналдйғның Тағнығағның тунусялгүси сямың тамаҳаның, утақйңулюси Атанымта Исус Христосым тагинқихтылтыхқәның. ⁸Кияғнығым ухпылыси икнақухсәмаңаңағнәғи кынляңа киңулихпигағмун ағнығмун. Инқун анахутыльхитысқылъюси Атаныхпут Исус Христос нанқихтикан юғның. ⁹Атәсийғмылңўм Кияғнығым накмикыхкақйси илятысқылъюси Иғныңминун Исус Христосымун Атанымнъун.

Коринфығмит Ухпықйт Ахтірәгульхйт

10 Ухпықалгутымни, Атанымта Иисус Христосым а́тхакун пймси тақысқылъяуси а́хтірәгунныңымың. А́фқұтыхпынаси. Сюмыхтағалгысылъяу, сянақылгысылъяу атәсйхнақлъюки. 11 Ухпықалгутымни, иляңита Хлоям ныңлъюгутаңан уңипәткақәтңа а́хтірәгутақнилюси. 12 Илясиңуқ пйқут: «Хўаңа Павелым малихсәхтыкәңа». Иляси: «Хўаңа Аполлосым». Иляси: «Хўаңа Петырым». Паниның илясиңуқ пйқут: «Хўаңа Христосым малихсәхтыкәңа». 13 Ынкәңам қафсинахқахси Иисус Христос. Павелым қақурәткыхкақисй? Крестиғумастык Павелым а́тхакун?

14 Игамсиқаюгвикақақа Кияғнық крестиғумаңилькыхка налихйнахси иўырңақун Криспалью, Гаийялью. 15 Ынкәңам кина алңунак пинәңгитуқ крестиғыманилюни атымкун. 16 (Атхўай крестиғикақанкалью Стефановым ныңлъюгутаңа. Иўырңа нықамикынғитақа китумун алья алңунак крестиғиматка).

Христосым Ахтуғьяхқәңгильхәляю, Кияғнығымлью Пыхқиныльхә

17 Христосым крестиғилйскумаңитәңа, иўырңа каяхтыкақәңа уңипақисқылъяуңа Пинилғиның Уңипаның. Уңипақиңигатуңа атуқлъюки юғым пыхқиныльхи, лйбрақ ахтуғьяхқәңгильхйтиснаюкамкун қақурә Христосым. 18 Уңипақ Христосым туқульхә қақурақун тымңиңуқ ифлянақылғинун. Иўырңа югулилтыңылғини хўаңкута лйсимакахпут Кияғнығым ахтуғьяхқәңгильхә. 19 Акузитни Игақыхкани игақнәқ:

«Пыхқинғыт пыхқиныльхәт атүнанихтыслыққақа.
Лйтқахлягытлью лйтыльхәт
сясйнанихтыслыққақа».

20 Ынкәм сянақанңам нунам пыхқинылғиңи? Сянақанңам апыхтуғистыңи Лйлихтүсят? Сянақанңам а́хтірәхтыт? Қамахтыңўәғлюни лйтыльыхлгьяльхәт сясйңитуқ қаюхляк Кияғнығым тымңитхўаңляяқә пыхқиныльхә нунам.

21 Пыхқинылыгымикун Кияғнық пикāгук
 нунам юганун нальюкылбықнилюни
 пыхқинылыгытхун. Ынкāм Кияғнығым накмикй̄
 югулиналюки қамахльюки ухпылғйт Христосымың
 уңипақыхамнығың. Ухпықāнгилнūt сюмыхтағātкқāт
 тāна уңипақыхқахпут тымңиңунилюку. 22 Иудейт
 ысхāсюогакут альяҳльюхўахтилгыңның ухпықналюку
 Кияғнығым уңипā; азычнигыт пыхқинылыгыңюогакут
 ухпықналюку уңипақ ипаңутаңа. 23 Иўырңа паниның
 уңипақнақңўахпут Христосымун туқуткыхқақнилюки
 қақўракун. Уна уңипақ Иудеяни пияқнапихтуқ
 ухпықсыяқāлюни, азычнигни тымңиңūt. 24 Иўырңа
 хўаңкуньун Кияғнығым накмикыхкāнун Иудеяңуңāмта,
 азычнигыңуңāмта таўатынбығытуқ. Христосым
 туқульхан қақўракун лйтыстыкақйлью Кияғнығым
 ахтугыяхқāнгилыханьлтью, пыхқинылыгыханьлтью.
 25 Кияғнығым тымңитхўальха пыхқинғатағахтуқ
 юғым пыхқинылыгыханьң. Кияғнығым каятыльха
 икнақатағахтуқ юғым икнақылъханьң.
 26 Ухпықāлгутымни, нықамикльюку натсыяғыстык
 Кияғнығым туқльюоғақңиси. Қафсинкўрағағни
 пыхқингуяхтуси нунам юган сюмыхтағātккыльхитни.
 Қафсинкўрағағни ахтигасяхтуси иглығутистыт,
 налиғмың акльюңилнугның, ныңльюгутның пиңуяхтуси.
 27 Иўырңа Кияғнығым накмикыхқақй тамāкут
 нальюқат нунами кайңусякналюки пыхқинылғйт,
 Кияғнығым накмикыхқақй каялнūt нунами
 кайңусякналюки тамāкут икнақылғйт. 28 Кияғнығым
 накмикыхқақй укаванлыңūtлью, аситңинақйтлью
 нунами. Тамāкунūt Кияғнығым накмикыхкй̄,
 югнун лйгикысқылъюки сюмыхтағātкыхкйт āңўағулюки
 иўырңа Кияғнығми āңўағунцитут. 29 Ынкāңам кина
 алңунак āңāюхнāңцитут ныкывыхкуни сивуңани
 Кияғнығым. 30 Кияғнығўқ тўнистыси уңувалыгымың
 Христос Иисусыкун. Кияғнығым Христос Иисусымун
 тўныстйлью пыхқинылыгымың, ыльқуғутыстйльюлью
 Кияғнығми, аглыңнахтыстйльюлью, итымутыстйльюлью
 сығлыққылтымнығың. 31 Ынкāңам атуқыльтыху, Акузитни
 Игақыхкани игақңалғй:

«Кина алңунак аңаюхсюкуни,
аңаюгуткылъики Атанғым апығиқй лъңанун».

Павелым Уңипақильха Коринфығмйнун

2 ¹Ухпықалгутымни, уңипақияхтуғақнама лъпысинун, атуқумаңитанка акузитыт лйгикыпагниңилькыси. Пыхқилъыхлъямкун уңипақиюңгитутуа Кияғнығым уңипамың лъпысинун. ²Пакикақанка тамакут қаюхлъяк уңипақиюлғиңа Иисус Христосыңинахағмың туқульханыңлью қақұракун. ³Лъпысинитақнама тытуғатақағуңа, алиңрұқағуңа, уңылыхтыкәгуңалъю. ⁴Кукшағналғимың акузиткумаңитутуа пыхқиныхлъяғым акузитаңаның. Иўырңа Аглығналғим Тағнығам ахтуғьяхқәңгильхан ипапиқхықкақй апыхтуғильхынка ипанутаңи. ⁵Ынкәнам ухпыхтуси апалъюкльюку Кияғнығым ахтуғьяхқәңгильха, накән апалъюкльюку юғым пыхқинылъха.

Кияғнығым Пыхқинылъха

⁶Аңтанйтканун ухпықанун апыхтўсяқақа Кияғнығым пыхқинылъха. Иўырңа тәна пыхқинылъық нунамың пиңунгитук, талўа иглыгутистыңаның. Қантағақун авйғусяхқәгут. ⁷Пыхқинылъық апыхтўсяқа Кияғнығым пыхқинылъкә, нальюкәт югыт. Югыт нальюкнўәғьяқаңат тәна пыхқинылъық кынляңа Кияғнығым лйтыстылъханун. Талўа нунаңльямәңильюни Кияғнығым усюқсяхқәлюта пикақилью пыхқинылъығмикун. ⁸Налихйнитә нунам иглыгутистыңита лйгикумаңитәт тәна пыхқинылъық. Лйгикыхкақсякумыхтыху, қақұрағнаянғитәт Атанға ниғуҳқыльхым. ⁹Игақыхкани Акузитни игақыхкәгук:
«Тамакут ийым ысхамәңилькаңи,
тамакут сигутым нагақумәңилькаңи,
тамакут умыюгам сюмыхтағәткумаңилькаңи.
Кияғнығым ятәхқыхкақй пиниқистыминун».

¹⁰Иўырңа Кияғнығым лйгикыстыкақй хўаңкуньун Аглығналғиғныкун Тағнығаммикун. Тағнығам ювғиғақә сяңўә тамаҳән, талўа Кияғнығым қамнарухлъяганилңўт.
¹¹Юғым сюмыхтағалъха китум алңунак нальюкә иўырңакун лъңан катам тағнығыхкынка. Таўатыхпигақ

Кияғнығым сюмыхтағальха китум алңунак нальюкә иўырңакун лъңан катам Тағнығакхынка. ¹²Нунам тағнығаның альхығусимаңитукут. Йығлыги, альхығтыкақхпут Тағнығак Кияғнығмың пйк, лйгикналюки қамахльюки Кияғнығым тўныхкй хўаңкуньун. ¹³Ынкәм акузиңигатукут юғым пықиныльхақун, иўырңа атуқақапут акузитыт Аглығналғим Тағнығам апыхтўткй. Таўатын пйқукут апыхтўсяқнымтыки Тағнығам ипапильхи тамākунун альхығутканун Аглығналйғның Тағнығағның. ¹⁴Иўырңа кина алңунак альхығусимаңилңуқ Аглығналғиғның Тағнығағның, тугукльиғиңигатуқ тунусяның Тағнығағның пиның. Тамākут тунусят тымңитхўаңўт лъңани. Лйгикыпағниңитй қаюхльяк Аглығналғим Тағнығам каюсильхйнākун лйгиксяхқāгуқ. ¹⁵Юғым альхығуткам Аглығналғиғның Тағнығағның нанқихтақā сяңўā қамахльюку. Иўырңа китум алңунак нанқихсяхқақынғитā лъңа. ¹⁶Акузитыт Игақыхкат пильхистун:

«Китум алңунак нальюкә Атанғым сюмыхтағальха.

Ынкәм китум алңунак лйлихтуғнāнғитā».

Иўырңа хўаңкута ухпықани сюмыхтағағакут
Христосым сюмыхтағальхатун.

Кияғнығым Қыпшақтыңи

З ¹Ухпықалгутымни, льпысинитақңама алыхқуҳпағниңиткақамси алыхқуғўақылъымтун ухпықахльягыт. Йығлыги алыхқуқақамси ухпыльыси аңлильхилңуғыстун аюқльюки. Ухпықылъыхси Христосыкун тағнуҳаҳағыстун аюқут. ^{2,3}Кукшағнаңунāн апыхтуқақамси. Катам таўатын мамаҳағмың мығыслъыхйстун пикақамси. Нықыпигмың нығыстыпағниңиткақамси қаюхльяк нықыпихтуҳпағниңилңўси сялин. Паниның мātын нықыпихтуҳпағниңитақуси, қаюхльяк ухпықāнғилңуғыстун аюқуси сялин. Лйгикыстыңўāхси ухпыльыхпыси аңлиңгитыльха ақинальыхпысигунлью, ағиватыльыхпысигунлью. Ухпықāнғилңуғыстун кияхтыңўси. ⁴Налихси пиныңмини: «Хўаңа Павелым

малихсѣхтыкѣаңа», илясилъю пинығмыхни: «Хўаңа Аполлосым малихсѣхтыкѣаңа», ухпықанғилңуғыстун пїқуси.

⁵Кинаңаўа Аполлос? Кинаңузиңа хўаңа? Қыпхақтыкїнкуң Кияғнығым, каюсїткақамси ухпықысқылъюку Христос. Қыпхақалыстахїнѣагукуң Атанығым қылгуткѣаның. ⁶Льпыси Кияғнығым пїтысиғағвикїси. Пїтысиғағақуңа, Аполлосым мыхқақѣ, иўырңа Кияғнығым нагустақѣ. ⁷Ынкѣаңам кина алңунак пїтысиғалғїлью, мыхқилғїлью укавантуқ. Кияғныхїнақ ѣныхльяхтуқ нагустикаюгўқ. ⁸Пїтысиғахталъю, мыхқисталъю таўатылькутук. Кияғнығым акилыхтуғьяхқақѣк қыпхальхыхкїнкун. ⁹Қыпхалгуткутукуң Кияғнығымун; льпыси Кияғнығым пїтысиғағвикїси.

Кияғнығым мыңтығақїси. ^{10,11}Кияғнығым наңлтыхталъық тагивақѣ атуқлъюку пїнлиқақақа қыпхақак льпысини. Пыхқинылғїстун тунымиқақақа мыңтығақ улимаяхқақ. Иисус Христосыңинѣагуқ тунымақ, алъя сѣгўакун тунымахқїтуқ. Иляңита улимавикнўат қайңакун. Қамахлъюни пирѣамсилюни улимали. ¹²Иляңита атухльықѣт золото, серебро, аңляминалғи уйғақ, иляңита унахсиқ, палиқақ выгѣк, уңагақлъю тунымакун тѣхун. ¹³Сяңўѣ атуқыхқахпут ысхағьяхқақахпут атѣсикахтѣамта қамахтыңўѣаглюта ағнығми таўани Христосым нанқихтилъыхқѣани. Кынғым ысхақтысыхқақѣ қыпхақахпут натытуляңа. ¹⁴Сяңўѣ юғым атуқыхкѣ кумангилъюкуни, акилыхтўсянъяхқѣагуқ. ¹⁵Иўырңа иляңан юғым қыпхақѣ ифльяхқѣагуқ кумақуни, акилыхтўсяннѣнгитуклъю. Нақамынрақ лъна югулилъыңьяхқѣагуқ, катам таўатын кынығмың ѣнылғїстун.

¹⁶Лїсимакнўѣағхси Кияғнығым Храмкїси. Аглығналғїк Тағнығақык кияхтыңўқ илюхпысини! ¹⁷Китум алңунак нѣфқыхкагу Кияғнығым Храмыңа, Кияғнығым нѣфқысыхқақѣ лъна, қаюхлъяк Кияғнығым Храмыңа аглығналғїнўқ. Льпыси Храмкїси.

¹⁸Кина алңунак пўхтыфқѣми лъңаның пили. Налихси сюмыхтағѣнукуми лїтыпахлъякѣанилюни

нунам пықинылъханың, йықай малихлыгу Христос, ухпықангилнұт тымңиңуниңнұтху. Таўатын пикуни ыннұталь пықинғухтыпйхлықә. ¹⁹Кияғнығми нунам пықинылъха тымңиңұқ. Акузитни Игақыхкани игақнәқ: «Пықинғыт югыт нунами хўани Кияғнығым пипагниңитыстақй лъңита катам пықинылъхитхун». ²⁰Игақыхкәгуқлюю: «Атанғым лйсимакә пықинғым югом сюмыхтағалъха сясйңитуқ».

²¹Ынкәңам китум алңунак кукаюгуткысяхқақынғитй сяңўат югыт пйқыхкаңит. Сяңўә қамахлыюку Кияғнығым пинихқусихқәхтыстыкақә лыпысинун, ²²талўа Павел, Аполлос, Петырлюю. Нуналъю уна, уңувалъықлюю, туқулъықлюю, сяңўәлъю алңунак кияхтәлтығмылнұқ мәтын, сяңўәлъю алңунак кәсяхқәқ, қамахтыңўәғлюки лыпыси пикаси. ²³Ынкәм лыпыси Христосым пикйси, Христос Кияғнығым пикә.

Христосым Апостолены

4 ¹Сюмыхтағаткитыкут қыпшақтыкнилюта Христосымун. Қыпшақтыңукут апыхтуғилғйт ипапихқылтығмың Кияғнығым апыхтұткәның хўаңкуньун. ²Христосым қыпшақтыңи атәсийғмысяхқәгут. ³Хўаңа, атәсийғмынъиллюңа қыпшахта пикуфсиңа, налиғмың атәсийғмынъиңиллюңа китум алңунак пикаңаңа, сюмыхтағаткынъангитақа. Талўа хўаңамның нанқихсигатуңа. ⁴Налъюкақә сямың анахусиматка, иўырңа анахутыльхинъиллюңа пингитуңа. Атанхйнәм нанқихсяхқәқәңа. ⁵Ынкәңам ўйин нанқихтыхпынән кина алңунак сялъханың. Атанғым тагинқихтыкуми кукухсяхқәқй югыт илюңит алихқылъюки сяңўат йңаялғйт тысқамани. Алихқысяхқәқй сяңамың сйкутаңи. Тәхкын усюқсяхқат тамәкут усюқылтыңьяхқәгут Кияғнығмың.

⁶Ухпықалгутымни, лыпыси апалъюқлююси Аполлослюю хўаңкутуң успутақнұкуң. Успутәгукуң лыпысинун лйтысқылъюку уна игақналғй сямың писйтаңа: «Қаткақитыки сяңўат игақналғйт Акузитни Игақыхкани». Налихйнахпыси аңәюгуткысяқунән атәсик йок, әлхә угумиклююку. ⁷Китум пинигатағаттыстиси

ухпықалгутыхпысиның? Сяңўа қамахлъюку Киягныңмың пикаҳси. Киягныңым тўнумакаңиси, аңаюхтыхпынаси. Уңипахпынаси хўатын: «Сяңўа қамахлъюку хўаңамның пикақақа».

⁸Альхықтыңўағумāхси аклююкыхкаҳси қамахлъюку! Аклююңиңиңўағлюси аюкуси! Хўаңкуңунаси умйлгуҳсимāси! Умйлгулдйситук, ынкāм умйлгутилгусигнаягамси! ⁹Сюмыхтағалъымни Киягныңым ныкихтыкақилью апостолыни укалихпиғалюта югның. Анусимиңльяғастун аюкукут, туқусяхқастун. Югыт қамахтыңўағлютың, якулгытлью ысхапагақилью. ¹⁰Хўаңкута нальюңухтыкāгукут Христос апальюқлъюку, иўырңа льпыси сюмыхпысини пыҳкинышигўси ухпықани. Югыт ўāкигатйлью, иўырңа сюмыхпысини льпыси нагатақйсилъю, қўлвағақйсилъю, хўаңкута пиңигатйтинкут. ¹¹Хўавымун кынляңа нықаңисягакукут, мыгьяхқйсягакукут, āткйсягакукут. Югыт қывуткақилью. Ныңитукут, игльхтāгукут қўнпың. ¹²Қыпхағакукутлью қывўльюта маниңналюта кияхтāгусихқамың. Сығлыкўлгйт хўаңкунъың пинитун алыхқуғақапут. Ухпықāтымның амьйоткылдигтлью, акулзилгйгатукутлью, акисигатапутлью. ¹³Иқльыңиқулгилью пинитун алыхқуғақапут таўатын пифқйта писқыльюки. Хўавымун кынляңа сюмыхтағātкақилью, сякўағыстунлью, сясйңилнуғыстунлью. ¹⁴Письмонгитуңа кайнуохналюси. Иўырңа пиниқыпихльюси хўаңа катам тағнухāқылдистун лйлихтугьяогақамси кияхтāльыхқахпысиның. ¹⁵Қайўа апыхтугистытупихсяғнāхпыси Христосымың, ататухльянгитуси. Ухпықсюхўағақнафсигу Исус Христос нагақуғлюки Пинилгйт Уңипат, таўанита атастун лййқаңа льпысинун. ¹⁶Ынкāңам кияхтысюпихтамси хўаңамтун. ¹⁷Тамāкын апальюқлъюку Тимофей каяхтыңўақа льпысинун. Иғнықылгйстун аюқақа Атаныхқун. Атāсиймылнуқ ухпықак пиниқыпихтақа. Нықаңухнāгйси натын хўаңа кияхтақылъымның Христосымун. Таўатылнуқ кияхтāльық апыхтўсяқақақа ухпықанун тамаңанилнуғнун. ¹⁸Иляси аңаюгныңухтақут, қаюхльяк сюмығмыхни лйлихнāнгинъилиюңа пикақātңа Коринфымун.

19Иўырңа Атанғым пиюкылъкъыхкагу, льпысинун пияхтуңыстахтуңа. Тәхкын лигикылъықанка аңәюгнығыт аңәюхтылғығмығыстун пияхқәтаңи.
 20Кияғнығым Атаныхпагульха акузитытхун аюқынғитук иўырңа ахтуғьяхқәнғилъықхун аюқуқ. 21 Кәсума сясысюгыстыңа? Анагутагиғлюә ағбюғлямсй, налиғмың пиниқлъюси, пинитунуәқ пилямсй?

Анағналғи Атукутылғық

5 1 Нагақуғақақа налихпысиңуқ атами нулиха нулихқылғйстун аюқә. Сығлыпихлъықхймың сығлыққыңбүқ талуа ухпықәнғилнұт атуқыснаянғитәт тәна сығлықкылғық. 2 Паниның юкуткақытсй льпысиның катам? Қивғуҳлъягьяқлъығыстун! Льпыси иқисяқлъығыстун юк тәна акулыхпысиның.
 3-5 Уявантыхлъягьяғңәғма сюмыхтағәткыхлъяуәқа. Таўанлыңуғыстун льпысини агиткыхкақақа натын пилъықхамың тәна юк әтхакун Атанымта Иисусым. Ухпықани, альямың қырңуғускуфси, таўанлыңуғыстун умьюағмиклъюңа, ахтуғьяхқәнғилъхакун Иисус Христосым юк тәна льпысинитыстыхпынән альямыңлъю пинакыси. Түнитыху Туғнығағмун, пиюкылъығмитун югусй нәфқылғыгу, ынкәм тағнығақык югулилтыңысқылъюкык Атанық тагинқихтыкан.

6 Пиниюхтылғыхси сығлығуқ. Лисимакаҳси хўатын пилғық: «Закваскам хўхтыстыхлъякаюўә акўтақ». 7 Тамәкын апальюқлъюку сығлықкылғыхт акулыхпысинилнұт иқитыки. Таўатын пикуфси пылюңилтықуси акўтастун закваскаңилнұғыстун. Ипа пылюңитуси қаюхлъяк Христос Пасхам пынбйғағақә ахқуткыхкәгуқ сығлықкылғыымнбун. 8 Катам Иудейт иқитылъхистун закваскат мыңтығамыхның ятәхқутфагилгамыхтыху Пасхам нықынғахқылъха, таўатыхпигақ сығлықкылғыпут, иқилғықапут. Ынкәңам пылюңилтықукут, ипапихқыңғалғыкукутлъю.

9 Иляңитхун посланияма илятңаснаниғамси ухпықанун анағналғйкун атукульхйнун. 10 Акузиткыңбунғитанка ўм нунам юги анағналғйкун атукульхйт, налиғмың пакигнығыт, ўаяғнйхтыт, налиғмың тамәкут

манигүткаюгыт киягныңлъяқанун. Иқисюкуфси таўатылңуғның югның нуна унисяхқақаси. ¹¹Иўырңа посланиямкун илятыснаниқақамси тамәкунун ухпықәлгутңунилютың пилгїнун блудникиңуката, налиғмың пакигныңуката, манигүткаюгуката киягныңлъяқанун, сығлықүгутңуката юлгутмың, мығыстыңуката, ўаяғнїхтыңукаталъю. Талўа нығылгусихпынаки таўатылңўт.

¹²⁻¹³Хўаңа нанқихсяққақынғитанка ухпықәңгилңўт; Кияғныңым нанқихсяққақї. Иўырңа льпыси нанқихсяққақсяғаси ухпықәлгутыси. Акузитыт Игақыхкат пїт: «Сығлыҳқыста иқитыху акулыхпысиның».

Ухпықәңгилңуғнун Нанқихтысқыхпынаки Ухпықат

6 ¹Налиҳси әхтїрәныңмини ухпықәлгутминиң, сяңан ағлїтақагу нанқихтивигмун? Кайңуюгигастык ухпықәңгилңуғнун нанқихтысныңпысини льпыси ухпықани? Ухпықат ухпықәлгутмыхнун такляғутысяққәяхтут әхтїрәгутыльғығмыхның.

²Лїсимақынғистыхў Кияғныңым юган нанқихсяққї ухпықәңгилңўт иляңани ағныңым? Нанқихсяққақңукуфсики, натын пияқнахтуткальықыфатат льпысинун нанқихтыльыққї пияқнїлңўт?

³Лїсимақынғистыкї нанқихсяққақыкыпут яқулгыт? Ынкәм такляхқульхыт әхтирәгутыльығның хўани уңувалығми пияқнїсяққәяхтут. ⁴Әхтїрәгуньыхпысини сяңафсиңам ухпықәңгилңуғнун пїқыстык нанқихтысқильюси? ⁵Кайңунаҳалык льпыси! Лїсимақақа акулыхпысини лїсималғїмың такляғутыстыкаққалгўт ухпықәлгутыт әхтїрәгультхїт.

⁶Йығлыги ухпықам ухпықәлгутни ағлїтақә ухпықәңгилңуғнун нанқихтистынун, ағгиткысқильюки әхтїрәгутыльытынь. ⁷Таўатытыльыхпысигун ухпықәңгилңуғыстун кияхтәгўси. Ухпықәлгутыси ағлїтыхпынаки нанқихтивигмун. Ныпїғутақитыки анахтыңғиси, пўхтыңғиси. ⁸Итупиль льпыси катам ухпықәлгутыси анахтақасилью, пўхтақасилью.

⁹Ипапыстәқ лїсимақсяққақсяғаси сығлытун пистыт ныкаққїлңўт Атаныхпагульхани Кияғныңым.

Пұхтыстыхпынаси китумун алнунак. Кияғныңым Атаныхпагульхани ныкаҳқитут: блудникыт, манигұткаюгыт кияғныңльяқанун, гылгағнїхтыт, агн̄асит, югыт юлгутмыхның атуқикаюгыт, агнат агн̄алгутмыхның атуқикаюгыт. ¹⁰Там̄акултью тыглыңалқит, пакигныңыт, мықаюгыт, сығлықұхтыт югның, ұаяғнїхтыт, ныкаҳқитут Атаныхпагульхани Кияғныңым. ¹¹Иляси таўатысялқит сялин ухпықильхильютың Христосымың. Иўырңа м̄атын Кияғныңым Тағныңахкынка уғвуқыхкақйси сығлықылтыхпысиның, афтыкақйси Кияғныңмун, сығлыққуманилңұгыстунлю лыйхтыкагуси қаюхльяк ухпықилгйси Атаныхқун Иисус Христосыкун.

Югусиси Құлв̄асихқақаси Кияғныңмун

¹²Иляси пикагут: «Итагнахтуқ сяңўа пиюкыльқа пияғн̄амкун». Иўырңа хўаңа пймси, иляңан сяльыхпыси каб̄осин̄бангитй ухпыльыси. А, ынтакун: «Итагнахтуқ сяңўа пиюкыльқа пияғн̄амкун». Иўырңа сюмыхтагағьялқйңа сығлығмун айгипахльягнаюкама пин̄ангитуңа. ¹³Киналю пинаялқй: «Нықа улим̄агўк ақсяқумун, ақсяқуқ нықмун». А, иўырңа иляңани агныңым Кияғныңым н̄афқысяхқақак қамахльюкык ақсяқуқлю, нықалью. Югусиқ блудыққанхисагтуқ қаюхльяк югусиқ Атанығмун пиңўк, Атанық югусимн̄гун пиңўк. ¹⁴Иляңани агныңым Кияғныңым макысяхқақй югусипут туқульығмың ахтуғьяхқангильығмикун, таўатыхпигақ макытыльығмитун Атанық Иисус Христос туқульығмың.

¹⁵Лйсимакынғистыхў югусиси налиғнықыхкаңи Христосым югусйн? Югусиқа Христосым пилйтк̄а атуқын̄аяхсикўн агнамун акикикаюгмың югусиминың? Нак̄а! Пин̄ангитақа. ¹⁶Нықамикльюку, югым атуқыхкумигу агнақ акикилгй югусиминың ат̄асйхтыкаюгык югусйк. Қаюхльяк игақн̄ақ Акузитни Игақыхкани: «М̄алқук югусйк ат̄асйхсяхқ̄агук». ¹⁷Иўырңа Атанығмун лыйкувык, ат̄асйгутык тағныңакун.

¹⁸⁻²⁰Лйсимакынғистыхў югусиси Кияғныңым Храмкыхкаңи, Аглығналғйм Тағныңахкынка кияхфиги? Кияғныңым тўныхкақисй Аглығналғйгның

Тағнығағминың, ынкām мāтын Кияғнығым пилйтқақйси.
 Лпысиның пикынғитуси. Тамāкын апальюқльюку
 блудығпынаси. Блудықкуфси, нукухнахқылғйстун
 Кияғнығым Храмыңа пилъықахси. Иляңи сығлыхқылъхыт
 таўатынъығитут. Кияғнығым тукфикақйси
 акитупихльюку. Тамāкын апальюқльюку қўлвахтыху
 Кияғнық югусиҳпысигун.

Апқуғālъхыт Ныңуғутылығмың

7 ¹Аптыкақахпысиңа ныңуғутылығмың
 письмохпысигун. Укуста кймсйтынка. Пинихтуқ юк
 нулйңунани. ²Иўырңа юк тамағағми нулйлгуяхқāгуқ,
 ағнақ тамағағми угилгуяхқāгуқ, қаюхльяк
 нанғйкулъыңнаюкафси блудылығмун. ³Юғым
 ыфқухсяхқакā нулйни. Таўатыхпигақ ағнам ыфқухсяхқакā
 угини атуқутылығмығни. ⁴Ағнам лъңинағми
 югусини пикынғитā, угиңанлъю пикā. Таўатыхпигақ
 юғым лъңинағми югусини пикынғитā, нулиҳанлъю
 пикā. ⁵Ныңухсимакуфси ихсякутыхпынаси. Ыткुकун
 итагнақульюси атуқухсяхқāфқāфси қафсинат унугыт
 юғағатағағналюси. Тāхкын атуқунъықихлъыхāси
 нанғйкулъыңнаюкафси Туғнығағмың қаюхльяк
 нуқухсяхқāнаниқālғйси.

⁶Қылгунғитамси нулихтйскыльюси налиғмың
 угйғыскыльюси. Иўырңа пиюкуфси пилғāси.
⁷Хўаңамтун нулихтуфқāфси, ағнанилью угйфқāфси.
 Иўырңа альякутукут. Кияғнығым нулйлгустыкаюғй
 иляңи югыт, угилгустыкаюғй иляңи ағнат. Иўырңа
 итагнахтыстыкаюғй иляңи югыт нулйңунаки, ағнатлъю
 угиңунаки. Кияғнығым альякульхй тунусяқ тўныхкаюўā
 югнунлъю, ағнанунлъю.

⁸Уната пикыхка нулихтўмаңилңуғнун,
 угйғумаңилңуғнунлъю, угиңиғанунлъю: Пиниғнаяхтуси
 нулихтунғисякуфси хўаңамтун, ағнанилью угйңгисякуфси.
⁹Иўырңа юк пиниғатағағнаяхтуқ нулихтуғлюни
 нуқытыпағниңилңуқ ағнағюльығминың. Ағнақлъю
 пиниғатағағнаяхтуқ угйғлюни нуқытыпағныңилңуқ
 югюльығминың. Пиниғатағағнаяхтуси ныңухльюси
 нанғйкулъыңлыхқахпысиның блудамун.

10 Укут акузитыт хўаңамның пиңунңитут, қылгусягут Атанығмың ныңуҳтыканун. Ағнақ иқисяхқангитук угиминың. 11 Иўырңа иқискуми, альяның угйғяхқангитук налиғмың угиминун лыйнқихлты. Югымлю иқитысяхқақынғитā нулийни.

12 Уна қылгусяқ хўаңамның пиңўк иляңитнун. (Атанғым сямың пйҳсимаңитā.) Юк ухпықак ухпықангилңуғмың нулийлгукуми лъңанисюлғймың, иқитыснығилыгу. 13 Ағнақлю ухпықак ухпықангилңуғмың угилгукуми лъңанисюлғймың, иқиньығилты. 14 Инқун юк ухпықангилңуқ āфтыңўāкāгуқ Кияғнығмун қаюхляк нулиҳа ухпықалғй. Ағнақлю ухпықангилңуқ āфтыңўāкāгуқ Кияғнығмун қаюхляк угиңа ухпықалғй. Тамāкын апальюқлююу тағнухāt пылюңитутлю, āфтыңўāкāгутлю. 15 Иўырңа налиқ ухпықангилңуқ иқисюкуми, иқилты. Тāхкын ухпықак юк налиғмың ағнақ итымли таўатылңуғмың ныңуҳтылтығминың. Кияғнығым ныкыхмыльюси кияхтысқысюгақйси. 16 Ухпықами ағнами, угихпынискувык каюсийтақсйған югулилльығмун. Налиғмың ухпықами югми, нулийхпынискувык каюсийтақсйған югулилльығмун.

Кияхтык Кияғнығым Кияхтысқысюльхатун

17 Кияғнығым атāсикахтаҗпыси ухпықистақңиси Христосымың, ныңуҳтыкāстык налиғмың ныңуҳсимаңистык? Обрезаниякāстык налиғмың пимаңистык? Қыпхāхтылйғуяғыстык налиғмың қыпхāхтылйғунғистык? Алмысиқлююси таўатын нағныхтык қаюхляк Атанғым таўатытыстыкақйси. Қамахлююки ухпықат тāхкын апыхтуғақанка. 18 Юк обрезаниякақ ухпығақңами, альяңуҳтыфқāми пилғāк. Обрезаниямаңилңуқлю ухпықак, обрезанияқыфқāми пилғāк. 19 Обрезаниялтықлю, обрезанияңгитылтықлю пикатнунгитук. Питнуяхқақта тāна қаткылююки Кияғнығым Лйлихтўсй. 20 Атāсикахтаҗпыси ухпықйқнафси, натытылтыхпысисун алмысиқитыху. 21 Қыпхāхтылйғуяхсйн Кияғнығым туқлююғақңатын? Сюмыхтағātкыхпынāн. Иўырңа

қыпхақтылягунаницнақнукувык, сѣқсин лыган таўатын пилгатын. ²² Қыпхақтыляқ накмикыхкѧ Атанғым, льңан итымңалгѧкѧ. Таўатыхпигақ қыпхақтылягунгилнұқ юк накмикыхкѧ Христосым, льңан қыпхақтыляқѧ. ²³ Кияғнығым тукфихпакақѧси, ынкѧм қыпхақтыляғуғтыхпынаси югнун. ²⁴ Ухпықалгутымни, тамахахпыси ағулиѧсяхқѧгуси илятңалъыхпысигун Кияғнығмун алмысиқльюси таўатын туқльюльхатун.

Апыхтѧсяқ Ныңуҳсимаңилнұгнун

²⁵ Аптақахпысиңа натын сюмыхтағаткақутәни угѧгумаңилнұтлью, нулихтѧмаңилнұтлью. Атанғым уңипѧсимаңитѧңа Лѧлихтѧсямың тамѧкунун югнун, иўырңа уңипѧнѧқақмси сюмыхтағалъымның. Кияғнығым наңльыхталъхакун апостолюңуқтыкѧгуңа. Тамѧкын апальюқльюку ныгьюкнакыфсиңа.

²⁶ Сығлылѧхлягуғтуқ нуна мѧтын. Сюымни хўаңа итагнагьяхқѧгуқ юк алмысиқльюни. ²⁷ Нулихтѧмазѧйн? Иқитыстыхпынѧн нулихын. Нулихтѧмаңилъкувык, нулихтуғнақыхпынаң. ²⁸ Иўырңа нулихтукувык сығлыхқыңбунгитутын. Угѧгумаңилнұқ угѧкуми, сығлыхқыңбунгитутуқ. Иўырңа нулихтуқуфси, ағнатлью угѧкумың пияқльѧгатагағьяхқѧгуси хўани кияхтѧльығми. Пияқльѧхтысюңгитышихтамси таўатын.

²⁹ Ухпықалгутымни, уната пикыхка: Атаныхпут тагияхтуңыстахтуқ. Тѧна апальюқльюку ныңухтыкат қыпхѧльитху Атанық ныңуҳсимаңилнұғыстун.

³⁰ Қивгұлгѧйтлью қыпхѧльитху кивгунгилнұғыстун. Қуяңалгѧйтлью қыпхѧльитху қуянгилнұғыстун. Тамѧкутлью тукфихтухлякаюгыт қыпхѧльитху аваңилнұғыстун. ³¹ Кияхтыңбулюси нунами хўани, мыгнукаатағхпынѧн нунам сяңкутаңа. Қаюхляк нуна алмысиқльюни авѧгусяхқѧгуқ.

³² Кияхтѧльығмыңтуқ хўакын сюмыхтағаткыхкѧлнұси. Нулихтѧмаңилнұқ қыпхѧльыхқѧхтѧғахтуқ Атанғым қыпхақѧның қаюхляк ыфқуҳсюгақыхкаңа. ³³ Нулѧлык қыпхағатагақаюгѧк кияхтѧльхым қыпхақѧның қаюхляк ыфқуҳсюгақыхкаңа нулѧни. Ынкѧм сюмыхтағалъхә малғуҳқыңбўѧкуқ. ³⁴ Таўатыхпигақ ағнатлью аюқут. Ағнат

уғиңйткат, уғиғумаңилңүтлью қыпқалтыққахтағатут
 Атанғым қыпқакәның, қаюқлъяк югуситыңлью,
 тағнығатыңлью тўныюгақит йңунита Атанығмун.
 Иўырңа угилык қыпқағатағақаюғўк кияхтәлтәхым
 қыпқакәның қаюқлъяк ыфқуқсюгақыхқаңа угини.
 Лъңанлью сюмыхтағалъха малғуққыңбәқ. ³⁵Таўатын
 пїмси каюсїнъялюси. Ныңуқтыснаниңгитамси.
 Иўырңа накмикысюгақа пинилтықпигақ лыпысинун
 қыпқатысқыльюку Атанық угляфқуסיңунаси.

³⁶Нуліхқалғым атуқсюгьягускумигу
 нуліхқани, ныңуқлъяк. Ынкәм ныңуқтыкумык
 сығлыққыңбунангитук. ³⁷Иўырңа юғым
 лїсимақнўақумигу натын пилтыққани,
 нуқытутңукумигулью атуқсюлтығминың
 нуліхқани, пинитун пиңўқ. Китум алңунақ
 нулихтїскуғангилькумигу, нулихтуғьюнгилькуми
 пинитун пиңўқ. ³⁸Нуліхқалык ныңуқлъяюни пинитун
 пиңўқ, иўырңа нуліхқалык ныңуқныңилькуми
 пиниғатағатун пиңўқ.

³⁹Ағнақ альяның уғиғьяхқангитук угини кияхльюку.
 Иўырңа угини туқукан, пиюкылтығминың уғиғьяғнәғми
 итагнахтуқ, тәўаңинақ ухпықахїнағмың. ⁴⁰Иўырңа
 қуаңағатағағьяхқәгуқ угинқихныгилькуни. Тәкуста
 сюмыхтағалъхынка. Ухпықақа Кияғнығым Тағнығакык
 хўаңамнитук.

Апқугәльхыт Аққуткыхканың Нықның

8 ¹Кїмсиғьюганка апқугәльхыси нықның
 аққуткыхканың кияғныңлъяқанун. Ипаңўқ хўатын
 пилтықси: «Лїсималтылгўкут қамахлъяота». Таўатылңуқ
 лїсималтық аңәюхтыстикаюғўқ, иўырңа пиниқылтықым
 икнақуқтыңбә ухпылтықпут. ²Юк пилтыхуюгнық, ысхаху
 тәна паниның лїсяхқахтуқақ. ³Иўырңа Кияғнығым
 пиниқистыни хўатын пияхқакї: «Хўаңа пиканка».

⁴Ынкәм нығылтықыстә ахтуткыхкамың
 кияғныңлъяқанун? Лїсимакапут кияғныңлъяқат
 кияғныңунгитут. Атәсихәгуқ Кияғнық, алья
 кияғныңитук. ⁵Иляңита югыт ухпықақат
 кияғныңтунилюку, атаныхтунилюку қияляклью,

нуналью. ⁶Иўырҕа хўаңкута лїсимакаҳпут атāсихāгуқ Кияғнық, лъна Атангўқ. Сяңўā қамахлъюни лънаның пиңўқ, кияхтыңўкут лънанун. Лїсимакаҳпутлъю атāсихāгуқ Атанық, Иисус Христосыңўқ. Лънакун сяңўā қамахлъюни улимакāгуқ, уңуваңўкутлъю лънакун.

⁷Иляңита ухпықат нальюкїт кияғныңлъяқат кияғныпигунгитуляңи. Тамāкын апальюқлъюку ухпықакїт нықыт аҳқуткақнилюки кияғныпигунун. Ынкāм ныныңмыхни ахтуткыхкамың сюмыхтағаақут: «Сығлыҳқуңа». ⁸Иўырҕа нықа пикатңунгитук. Кияғныңым усюкатағағнāнгитїси нығылтыхпысигун нықмың. Ахқуткыхкамың нығынғилькумта сяңўā алңунак ифлянянāнгитаҳпут Кияғныңмың аюқылдї. Талўа нығығнāмта альхыгунъангитукун лънаның.


⁹Ухпықахлъяғни льпыси, пиюкылтыхпысистун пияхқалдїси, лїгикңатыхпысиның тāна ипапиҳқылтых апыхтўсяқыхкақа. Иўырҕа кылыңалюси каялңўт ухпылхит аюқнїхқыхпынаки лъңита сюмыхтағалхитни анахутңалдїмың. ¹⁰Налїта ысхақунитын нығумалютын кияғныңлъяқат храмыңитни, лъңалъю нығыюхтук сюмыхтағалығмини анахутңаяғнāн. ¹¹Ынкāм лїсималтыхпык сығлыҳқыстысяғā каялңук ухпылхā ифляслъюку, ухпықалгуткан Христосым туқуткыхкā. ¹²Ынкāнам аюқнїхқыхкуфсики сюмыхтағалхитни анахутңалдїмың, сығлыҳқылтыхкуси лъңитнунлъю, Христосымунлъю. ¹³Ынкāм нығылтымкун ахқутқыхкамың сығлыҳқыснаюкамкун ухпықалгутка, альямыңлъю нығнāнгитуңа сямың тамāкын.

Павел Лъминың Успутақылдї

9 ¹Итымнāна, пиюкылтымтун пияхқāгуңа. Апостолыңўна ысхātкақ Иисусымың Атанымнъың. Қыпхātылымкун лънанун ухпықāгуси льпыси. ²Талўа иляңита апостолыпигунғинъиғнātңа льпыси лїсимакаҳпысиңа апостолыпигўна Атаныхқун, қаюхлъяк кияхтāлтыхпыси Христосымун кылгускаңа. ³Тāкуста āпхāқыхкынка сығлықистымнун.

⁴Варнавалью хўаңкутуң туңсиғнāңцитўкуң
нығьяҳқамыңлю, мығьяҳқамыңлю лпысының
апыхтуқамсини? ⁵Навык пинымтуң кыльқыпағниңитапут
ухпықат нулїпут иляңистун апостолытун, Атанғым
аңлыгутаңистунлю, Петырытунлю? ⁶Варнавалью
хўаңкутуң лъңинаҳамтуң қыпхāсимаңаңағьяҳқакыстху
нықыкаҳқахпут? ⁷Пильюўахтым тукфиғьяҳқакынғитї
сягьяни пильюўахтыңильюни. Таўатыхпигақ
виноградымың пїтысиғахтым нығыхкаюғї иляңи
пїтыстыкани. Пынъїғнїхтымлю пынъїғми мамāн
иляңа пикаюғā.

⁸Такут успутат юғым апыхтўсякї, иўырңа Кияғнығым
Лїлихтўсянилю апыхтўсят таўатытут. ⁹Игақыхкāгуқ
Лїлихтўсяни, Кияғнығым тўныхкāкун Моисейемун:
«Сюругїталихпынан вол пшеницат тутмахтысныхпысики
қантїт сигиқысқыльюки». Кияғнығым
сюмығмикынғитагў вол? ¹⁰Сяңами Кияғнық таўатын пї?
Вольїнаҳāқ сїмқагў? Накā, хўаңкуталью сїмқақїнкут.
Ипапыстāқ хўаңкуньунлю игақыхкāгуқ, қаюхльяк
пїтысиғағвигмың ятāхқистынунлю, сяднастынунлю
нығьюкыхкаюғāпут ныңиҳқапут. ¹¹Кияғнығым акузитāңи
пїсяҳқастун аюкут. Хўаңкутуң пїтысиғағвикыхкақамси,
ынкām тағнығаси қуястыкāгут.



(1е Коринфянам 9:9)

Туңсипахлығыстўң туңсиғвикыхкумси акльюкихкамтығның? ¹² Апыхтуғистым иляңи льпысиның альхыгуттуката акльюкихкамыхның, хўаңкутуң ўатақағак пияхқахпигәяхтукуң. Йығлығи қыпхағьюкәгукуң маниңырыгағналютуң акльюкихкамтығның альхығунъялютуң. Иляңани манипагитакукуң. Талўа тамәни әпсюгигатамси акилыхтїсқылъютуң. Уната апальюқа, китумун алнунак хўатын писюнгитукуң: «Павел уңипақїқуқ Пинилғїның Уңипаның акилыхтўсяңыпигыснағналюни».

¹³ Лїсимакаси Храмым қыпхахтыңи нығыхкаюгыт нықмың Храмымун тўныхкамың. Ахқыфигымлью қыпхахтыңи ныңикаюгўт ахқуткахқамың. ¹⁴ Таўатытуқ Атанғым қылгүсә: Уңипахтытлью Пинилғїның Уңипаның акльюкихкатың альхыхсәхқакїт тамәкуның ухпықиканың Пинилғїның Уңипаның.

¹⁵ Льпысиның сямың алнунак альхыгусигатуңа пикахқақсықымның. Сюмыхтағәткыхпынаңа сямың алнунак туңсиғнилюңа мәтын. Қуякуңа акилыхтїскигалнўңа льпысинун уңипақинымни Пинилғїның Уңипаның. Уңипақинақнўңа акилыхтўсїтығнәғма талўа панығьянәғма. Ынкәм китум алнунак пинәнғитәңа: «Павел уңипақїқуқ Пинилғїның Уңипаның акилыхтўсяңыпигыснағналюни».

¹⁶ Иўырңа әңәюгусихқїтуңа уңипақинымни Пинилғїның Уңипаның, қаюхльяк Кияғнығым қылъқакәңа уңипақисқылъюңа. Сығлығўәгунаяхтуңа қәткынғисяқумкун Кияғнық. ¹⁷ Накмикыхкақсықумкун уна қыпхақак хўаңамның акилыхтўсяхқалгунилюңа пинаяхтуңа, иўырңа Кияғнығым накмикыхкақутаңаның пияхқақакә акилыхтўсїтығнәғма. Алья натын пильыхқїтуңа. ¹⁸ Сяңәўа акилыхтўсяқа? Акилыхтўсяқакә уна, қуяпихтакуңа акилыхтўсяңунаңа уңипақинымни Пинилғїның Уңипаның, қайўа акилыхтуғьяхқакәсәңнәхпысиңа.

¹⁹ Қыпхахтыльяғунғисяғнәғма, хўаңамның катам қыпхахтыльяғуғтыкәгуңа китумун алнунак, югмун углялғїмун ухпықысқылъюку Христос. ²⁰ Иудеяниньымни кияхтакуңа льңистун,

ухпықысқыльюку Христос. Кияхнымни язычнигни Лйлихтүсятхун кияхтәғни, лъңистун кияхтақуңа лйсимақығңамкун қаткутыльымкун Лйлихтүсятхун югулилтыңьяхқанғитығңағма, ухпықысқыльюку Христос.

²¹ Язычнигнинъымни нальюкилғйни Лйлихтүсяның, лъңистун кияхтақуңа нальюкылғйстун Лйлихтүсят, ухпықысқыльюку Христос. Қаткыңунгинъилюки пиңунгитанка Кияғныңым Лйлихтүсй, иўырңа қаткыңўәнка Христосым Лйлихтүсй. ²² Каялңуғни кияхнымни лъңистун лъйғақуңа, ухпықысқыльюку Христос. Ынкәнам кинкустун алңунак кияхтақуңа натысяғңата, натын алңунак югулилтыңысқыльюки. ²³ Таўатын пйқуңа нагақйсқықыхльюки Пинилғйның Уңипаның, қаюхльяк қуястыльыңақылғйңалью ухпықынғатху Христос.

²⁴ Қамахльютың кытанқустыт сивулийюкаюгүт, иўырңа атәсиҳақ каяльқйкаюгүк. Кияхтәльыхпысини Христосымун, кытанқустыстун каяльқйнақакитык.

²⁵ Кытанқустыт уляпақут югуситың икнақухналюки қаюхльяк қахпаңьюгақылғйт аваямың қуқуңалығмың. Тамәкут палиғьяхқәгут. Иўырңа қахпа ухпықат альыхсыяхқат қўнпыкахқәгуқ. ²⁶ Кытанқустыстун такляғрукытун кытанқўәқуңа кәнъялюңа кынлымун. Налиғмың тыңлюхтыстун, тыңлюхпағатағақуңа каяльқйналюңа. ²⁷ Уңипақйқуңа натын кияхтыльыхқамың Христосымун. Хўаңалью Кияхтыңүт лъңанун ынкәм югусимнун қаткыстақуңа, лйбрақ пингилькума Кияғныңым иқинъяюкаңаңа лъңаның.

Иудейт Успутақльюки Кылыңасятыт

10 ¹ Ухпықалгутымни, сюмыхтағәткысқысюганка Иудейт, малихсәғикат Моисейемың. Египетмың ағуляқакңамың қамахльютың малихтыкақат қиляўәк, мағьяхқуғилғй тўмақхйтхун. Кәсята Кавилңуғмун Кыльймун, Кияғныңым пыльыхтыкақыхкәңа мық ағвйсқыльюки яйўәсың. ² Қамахльютың крестигқалғйт қиляўәхқунлью, Кавилңухқунлью Кыльйкун малихсәхтыңулютың Моисейемун. ³ Қамахльютың нығыхкәгут маннамың, ⁴ мығыхкәгут атәсимиң тәхкын

мығмың Кияғнығым Тағнығакхынка тўныхкāның.
 Мығыхкақат мық мāқыхкақ уйғагмың. Тām уйғагым
 малихсяқақыхкәңи Кияғнығым Тағнығакхынкун.
 Уйғак тāна Христосыңуқ. ⁵Таўатын Кияғнығым
 афлығынақыхкақығңйстың, паниның альюлюютың
 ыфқуқсимаңилькаңат лъңа. Ынкām тумәңани Кияғнығым
 туқустаклюки югусихқўағит миңиткālдғит килгāни.

⁶Тамāна қамахлтьюни пильхат хўаңкунъун
 успутāгуқ, кылыңасяғйлю лъңистун пиюкыфқāн
 сығлық писқылыюку. ⁷Манигухтыңухтыхпынаси
 кияғныңлъяқанун иляңистун. Акузитни Игақыхкани
 игақыхкāгуқ: «Югытлюю, ағнатлюю нығакут, мығакут
 тāхкын ағуляқут». Таўатын манигўткāгут золотамың
 улимāгмун каумғагмун. ⁸Блудыфқамта иляңистун.
 Альхыңыңа сығлықхыльхита 23,000 юк туқуляғātкāгуқ
 атāсими ағнығми. ⁹Нанғйқунақыфқāmтыху
 Атанғым нуқынъыхтульха пильтыху, иляңистун.
 Нымығят туқуқуқакит иляңи сивуныпут қаюхльяк
 нанғйқукақыхкаңат Атанық. ¹⁰Акузилгахпынаси
 иляңистун. Яқулғым туқустикаюғым туқуқуқакй иляңи
 сивуныпут қаюхльяк акузилгātкақыхкаңат Кияғнық.

¹¹Қамахлтьюки тамāкут сивунымта атуқыхкйт,
 успутақкāкāгут хўаңкунъун. Игақыхкāгут
 кылыңасятңулютың хўаңкунъун кияхльыхйнун
 киңулиғни ағнығни, лъңистун пифқāmта писқылыюта.
¹²Ынкām кина алңунак сюмығмини пикуми
 ухпыльыни ағульинъилюку, кылыңали лйбрақ
 сығлықхысяхтуқ. ¹³Қамахлтьютың нанғйқульыси
 алякāягунгитут югнун. Иўырңа Кияғнық атāсиймытуқ,
 нанғйқульыгмун қасхутысяхқакынгитй икнақылъыси,
 икнақылъылитақнāғйси нуқытусихқамың. Ынкām
 иқитақылъыкуси тāхкын нанғйқульығмың.

Пилйтыстыкāкуфси Христосымун Туғнығāt Малихнāнгитаси

¹⁴Пиниқыхамни, манигўтыхпынаси кияғныңлъяқанун.
¹⁵Алыхқуғамси сюмығнылгулюси, сюмыхтағātкынъакыси
 сямың пильқа. ¹⁶Игамсиқаягунъымтыху қайбосимылнуқ
 вино Атанғым Нықынғақхыльхани, ныңиғақукут

Христосым аўаның. Йхымнъың авгуглюку нықыкшаңлъяк нынымтыху, ныңиғакукут Христосым югусйның. 17 Нықыкшаңлъяк авгукәғнәғми атәсйгуқ. Угляхлъягяғнәмта, атәсимың тәхкын нығакукут. Ынкәм кылгутақә налиңнықуғнилюта атәсимун югусимун.

18 Сюмыхтағәткахтыкиқун Израилығмит; ныныңмыхни ахтуткыхкамың, илятақут манигӯльхйнун Кияғнығмун ахқыфигығни. 19 Сюмыхпысинй кияғныңлъяқат кияғныпиуәт? Нықытлю ахқуткыхкат кияғныңлъяқанун, манигӯсипиуәқат? 20 Накә! Нальюкилдғит Кияғнығмың ахқышағақут туғнығағнун, накән Кияғнығмун. Илятңастысюңгитамси туғнығағнун. 21 Христосымун пилітыстыкәкуфси туғнығәт малихнәнғитаси. Тамәкын апальюқлюку Атанғым қаәсйның мығыхкуфси, туғнығәтлю қаәсйтның мығнәнғитуси. Тауатыхпигақ Атанғым Нықынғахқылъхани нығыхкаюгукуфси нықыкшаңлъямың Атанғым қаюғвигани, туғнығәтлю қаюғвигитни нығнәнғитуси нықмың. 22 Хуаңкута Христосым пиліткйтни туғнығәт малихнақыхкумтыки, Кияғнық қуңяхтыслықахпут. Нықамиклюку лңа икнақыхлъяхтуқ хуаңкунъың.

23 Иляси пикагут: «Итагнахтуқ сяңуә пиюкыльқа пияғнәмкун». Иуырңа хуаңа пймси, иляңи сяльыси пинингитут. Аа, ынтақун: «Итагнахтуқ сяңуә пиюкыльқа пияғнәмкун», иуырңа иляңан сяльыхпыси каәсйнәнғити ухпыльыси. 24 Кина алңунак лъңинаюхтыфқәми пйқлыи, йығлыги иляңиллю сюмыхтағәткақлюки.

25 Сяңуә алңунак кымыкшак тукфиқахси акильпыгағвигмың нығақитыху сюмыхтағәткыхпынән ахқуткыхкәтаңа кияғныңлъяқанун. 26 Қаюхлъяк игақыхкәгуқ Акузитни Игақыхкани: «Нуна, сяңуәтлю қамахтыңуәғлюки тауанлыңут Атанғым пикй».

27 Ухпықәнғилнұм нығяхтысқыхкаңиси пиюкуфси пилғәси. Сяңуә алңунак кытфахтуқәт нығақитыху сюмыхтағәткыхпынән ахқуткыхкәтаңа кияғныңлъяқанун. 28,29 Иуырңа китум пикаңиси: «Тәна ахқуткыхкәгуқ кияғныңлъяқанун», нығыхпынән, уңипәтистыхпыси ухпыльха каялиснаукафсигу, қаюхлъяк лңәни анахутңалдйңуқ.

Ынтакун сюмыхтағағнааялғиси: «Сяңаматук пиюкылтымтун пияхқангисиңа? Сяңаматук китум иныхкуғағақаңа алыятун сюмыхтағақаюғым хўаңамның?
 30 Игамсиқаюгвикыхкумкун Киягның ныгьяхқамның, сяңанңам китум сылықұхлығықаңа ныгыхкума игамсиқаюгуткыхкамның?»

31 Ынкām қамахлыюку сяльыхси құлвәсиқақитыху Киягныңмун, талўа нығылтысылью, мығылтысылью.
 32 Сяхпынаси сығлыхқыстияхқамың Иудеянун, язычнигнун, ухпықанунлюю. 33 Ыфқухнақуткақанка юлгутынка сяльымкун алңунак. Хўаңаңинамнун пинилыхқак пиңигатақа, иўырңа пинихқылыхқитнунлюю юлгутма пйқуңа, углялғи югулилтыңысқыльюку.

11 1 Ынкām хўаңамтун пйқитык, катам хўаңа малихтылымтун Христос.

Ағнат Насқуғитиғлютың Манигўсяхқагут

2 Усюқамси нықамикыхкыфсиңа, атуқыхкысылью апыхтўсянка. 3 Иўырңа лигикысюгамси Христос нәсқўитиғүк тамаханун югнун, югўклью нәсқўитилғи нулиғминың. 4 Насқуғитиғлюни юк юғақуми налиғмың уңипақуми Киягныңым уңипамың юғағвигми, құлвағьяхқакынғитә нәсқўитилғи. 5 Ынкām ағнақ насқуғитихпынани юғақуми налиғмың уңипақуми Киягныңым уңипамың, құлвағьяхқакынғитә нәсқўитилғи. Таўатын пикуми қигуғўақастун мықысльюни аюқылбықук. 6 Ағнақ насқуғитиғьонгилькуми, кыпудли нуййгульюни. Иўырңа ағнани кайңуналғиңүк қигултықлью, нуййгульюнилью кыпултық, ынкām насқуғитиғнаңали. 7 Юк насқуғитиғьяхқангитук манигўскуми қаюхляк Киягныңым наңағнығатун улимәғүк, Киягныңым аңыльха ысхйсқыльюку. Иўырңа ағнақ улимәғүк юғым аңыльха ысхйсқыльюку. 8 Лйсимакыхкыси юк ағнамың улимәгунгилнуқ, иўырңа ағнақ югмың улимәгулғи. 9 Юк улимәгунгитуклью ағнамун иўырңа ағнақ улимәғүк югмун. 10 Тана апальюқльюку ағнақ насқуғитиғьяхқагук, ынкām якулгыт лигикльитху юк ағнамун нәсқўитиңутаңа. 11 Иўырңа

нықамикитыху Атанғым успықылъха, югылью, ағнәмлью акльюкутңақ. ¹²Ағнақсюхәқ югмың улимағугңән, тәхкын кынляңа юк қамахльюни альхықәгуқ ағнамың, иўырңа ағнатлью, югытлью қамахльютың Кияғнығмың пиңўт.

¹³Сюмыхтағәткақтыхуқун: ипа анахутңа ағнам насқуғитаңунани юғальха Кияғнығмун? ¹⁴Югыт кўнпың ухпықакәт нуййхтыкағңуқ юк укавахтақуқ лъңаның, ¹⁵иўырңа ағнам нуяхльяни кўлвәсиқә. Насқуғитаққәлюни лъңанун пикәгуқ. ¹⁶Паниның кина әхтирәғьюгукуми насқуғитамың, уңипәнъқыхтахльякун тәната апостолыни апыхтўсяқакыхкыфут, Кияғнығым юган атуқакәт апыхтўсяқ нәнсяғңағмың.

Атанғым Нығыстильха

¹⁷Хўакын апыхтуғьюгамси қырңуғутақылъыхпысиның манигўтыльығмун. Усюқыпағниңитамси қырңуғутақылъыхпысинун қаюхльяқ ақниққўтағағакуси пиниқкутыхпынаси. ¹⁸Уңипәтақәтңа қырңугунъыхпысиңуқ иляси әфқымырәғутакут, атәсистун пихпынатың. Ухпықыкыстағлюку лыйғақа. ¹⁹Ынтақун әфкўтыльыхпысигун лйгиксяққақаси налиси ипа қәткүтңатаңи Атанығмун.

²⁰Ынкәм қырңугунъыхпысини Атанғым Нығыстильханун, ныгьяхтўнғитақәси.

²¹Ныгўнъыхпысини тамахақыси нырахкйғақуси нықыхпысиның, иляси утақхпынаки. Ынкәм иляси игатағакут, иляси сймақут. ²²Ныгигастык, мыгигастык ныныхпысини? Налиғмың угумикыстыкй Кияғнығым юги? Кайңусяғәтыснакуткақыстыкй аваңилңўт? Сямың пилямси? Усюқльямсй? Накә, усюқнәнғитамси!

²³Сяңўә лйткақа Атанығмың апыхтўсяққақа лпысинун. Атанғым Иисусым иғивгағми таўани увыхпагутыльыхқамини тугукә нықыкшаңльяқ. ²⁴Игамсиқаюгвиксямигу Кияғнық, әвгуглюку, пикақ: «Уна югусиқақа лпысинун пиңўқ. Нығақитыху нықамикусйлюку хўаңамның».

²⁵Ныныңмың тәқсямың, таўатыхпигақ тугулюку қайбисқ виноғрағағмың ималык, пикақ: «Уна қайбисқ Кияғнығым нутағәгуқ акықуся амкун.

Ауын мығақитыху нықамикусйлюку хуаңамның.

²⁶ Ынкәм қўнпың ныныхпысини тәхкын нықыкшаңлъямың, мыныхпысинилью тәхкын қаюсимың, кылгутһуақахси Атанғым туқулъа кынляңа алья тагильыхқанун.

²⁷ Кина алңунак тымңи нығыхкуми Атанғым нықыкшаңлъяның, мығыхкумилью Атанғым қаюсийның, қўлвағнанғитә Атанғым югусйлью аўалью. ²⁸ Тамākын апальюқльюку сивукльюни югым авутыхқуткылъики сығлыхқылъини алья пияхқәфқита пиналюки. Ынкәм нығылғәк нықыкшаңлъямың, мығылғәқлью қаюсимың. ²⁹ Кина алңунак нығылғй нықыкшаңлъямың, мығылғйлью қаюсимың, Атанғым югусй лйгикнақыхпынән сямың писйтаңа нанқихтыльыңьяхқәқуқ Атанығмың.

³⁰ Тәна апальюқльюку угляхтуси каялңуғнилью, қинуюғналғйнилью ынкәм қафсинат туқуляғәткәгут.

³¹ Иўырңа ипапихқылъюта нанқихтыкумта хуаңқунъын катам ынкәм авутыхқуткыхкумтыки сығлыхқылъыпут, Атанғым нанқихнәнғитйлью таўатын пикумта.

³² Иўырңа Атанғым апыхтуғьюныңминикут натын кияхтыльыхқамың, нанқихтақйлью. Ағьюғьяхқәфқәмта пиналюта нанқихтикуми ухпықиңигалңуғның.

³³ Ынкәм ухпықәлгутымни қырңуғунъыхпысини нығналюси Атанғым Нықынғахқылъханың нығағахтапынаси, утақатуақльюси. ³⁴ Игаталдйит тамәкут нымыхни нықлит ынкәңам Атанғым нанқихнығильики. Аглякума льпысинун иляңи әптыкаси кймсиғнәғанка.

Тунусят Аглығналғйғның Тағнығағның

12 ¹ Ухпықәлгутымни, лйтысюгамси Аглығналғйм Тағнығам тунусямың. ² Нықамикахси сялин ухпыльхильюси манигўтыстәтақақыхқаниси кияғныңлъяқанун акузиңигалңуғнун. Ахқутақыстыкәлғйси. ³ Тамākын апальюқльюку лйгикысюгамси кина алңунак хуатын пилғй: «Иисус сығлығўқ», Аглығналғйм Тағнығам акузистыңунғитә таўатын. Иўырңа кина алңунак хуатын пилғй: «Иисус Атанғўқ», Аглығналғйм Тағнығам акузистыңьуа таўатын.

4Аглыңналдғим Тағнығам тунусй альяхйинагут, иўырца тунусят қамахльюки тәм атәсим Тағнығам тунусяқй. 5Углыпихтуқ альяхйнақ қыпхәтильыхқақ илямун, иўырца тәна атәсиқ Атанық қыпхәтильыңақуқ. 6Углыпихтуқ альякульхй Кияғнығым қыпхақә, иўырца тәм атәсим Кияғнығым пистақй хўаңкуньун. 7Аглыңналдғим Тағнығам лйтыстыкаюгә ахтугьяхқангилыни ухпықатхун тунусялиткамикун. Тунусят китумун алңунақ пинихқусихқәгут. 8Тәм атәсим Тағнығам юғым иляңи акузистақй пықиныльығмикун, иляңи лйсималъығмикун. 9Тәм атәсим Тағнығам ухпықильылитағақай иляңи югыт, иляңи ахтугьяхқангилылытақй нәльхутияхқәлюки ақниғнығның. 10Тағнығам тўныхқақй иляңи югыт альяхльюхўахтисихқамың. Иляңан юғым тугукльықақә уңипақильыхқақ Кияғнығым уңипәмың. Иляңан юғым тугукльықақә лйгикильыхқақ Аглыңналдғим Тағнығам налиғмың туғнығат иглыгутңутаңа кина. Аглыңналдғим Тағнығам акузистақй иляңи югыт альяхйнакун улюкун. Ынкәм иляңитнун мумихқухтыстақй акузильхыт. 11Қамахльютың тамәкут тунусят атәсикахтағамың тәхкын атәсигның Тағнығаның пиңўт. Тўньюкани тамәкут налитның тунусяхқами тўнақй.

Атәсиқ Югусиқ Налиғныхтуқақ

12Катам югусиқ атәсиқ налиғныхтухльяқ, қамахльютың налиғнығыт югусим пикыхқаңи. Қайўа угляғнағмың атәсйгуқ югусиқ, Христосылью таўатытуқ. 13Қамахльюки ухпықат налиғнықуғй Христосым югусйн. Иляпут Иудеяңўт, иляңи язычнигыт, иляңи қыпхақтыльяғыт, иляңи қыпхақтыльяғунгитут. Иўырца қамахльюта крестиғыкәгукут тәхун атәсикун Аглыңналдғиғныкун Тағнығаныкун, Христосымун югусилйтысқылъюта. Қамахльюта тугукльықақахпут атәсиқ Тағнығак.

14Югусиқ атәсйнгитут налиғнық, налиғныхтупихтуқ. 15Итығат хўатын пиғнағмың: «Йхыңунгилнўна, югусим пикынғитәңа». Тәқнәнғитнўахтут югусимынъығмың. 16Сигута хўатын пиғнағми: «Ййңунгитута, югусим

пикынґитāңа». Тāқнāнцитнўāхтуқ югусимынъығмың.
 17Югусиқ ийырағинāякуми, натынңам нагақуғнаяхта?
 Налиғмың сигутырағинāякуми, натынңам нāгунъаяхта
 сяпагнимың? 18Иўырңа Кияғнығым улимамаңитї
 югусипут таўатыльюки. Накмикыхкаминың
 налиғнылихтуқақй. 19Югусиқ атāсийкуми
 налиғнық югусїнаянғитук. 20Ипапыстāқ югусиқ
 налиғныхтупихтуқ.

21Тамāкын апальюқльюку ийым пинāнғитї
 йхыт: «Акльюкынғитамси». Таўатыхпигақ нāсқум
 пинāнғитї итыгат: «Акльюкынғитамси». 22Ипапыстāқ
 югусимта натаңи каятысюгнилнўт мыгнунапихтут.
 23Югусимта натаңи сюымни мыгнунапагилнўт,
 ыннāталь афльыңақақпут. Югусимта натаңи
 ысхақтысюигалькыпут пилюгугнāқапут,
 24илияңи тамāкут ысхағьяғнāғмың аюқылғит
 пилюгугигатапут. Кияғнығым улимāқңамигу югусиқ,
 мыгнунағатағақтыстыкақй мыгнунапагитысюгнилнўт.
 25Ынкāм югусиқ қыпхақаюгўқ қырңағми. Налиғнығым
 қамахльютың афльыңақақит илиятың таўатынўāқ.
 26Атāсиқ ақнинғани қамахльютың ақниқаюгўт. Атāсиқ
 усюқлыбыңғани қамахльютың қуякаюгўт.

27Қамахльюси ухпықани Христосым югусиқйси,
 налиғнықуғйси. 28Кияғнығым ухпықанун накмикыхкақй
 сивукльюки апостолыт аңылыхпигāлюки, тўнлихї
 ўкналиқистыт (уңипақилғит Кияғнығым уңипāмың)
 пиңайй апыхтуғистыт, тāхкын альяҳльюхўахтистыт,
 тамāкутлью ахтуғьяхқāнғилылиткат нāльхутимун,
 каюсиғияхқат илиямыхның, пинилғит иглығутистыт,
 тамāкутлью альяҳйнāстун акузикаюгыт. Кияғнығым
 тўньюкани тамāкут налитның тунусяхқами
 тўнақй. 29Қамахльюси апостолыңустык,
 ўкналиқыстыңустык, апыхтуғистыңустык? Қамахльюси
 ахтуғьяхқāнғилылыстык альяҳльюхўахтисихқамың,
 30нāльхутикаюгустык? Қамахльюси альяҳйнāстун
 акузикаюгустык мумихқуқаюгустыклью альяҳйнағның
 акузилығның? Накā! 31Иўырңа пиюкитыки аңатағалғит
 Аглығналғим Тағнығам тунусй.

Хўā мāтын апығнақақа пиниғатағалғй тāкуның.

Пиниқылъық

13 ¹Акузикаюгуяғңағма югытлью, яқулгытлью азузильхистун, тымңи тыңъахтахлықуңа налиғмың лыңахтахлықуңа пиниқингилькума. ²Ўкналиқыхкаюгуғңағма, лйгикыхкаюгуғңамки алйньығилңўт қамахльюки, лйсималъық қамахтыкақсғңамкун, ухпықилъылгуғңағма нййғанун нўхтисиқхамың, пикатңунангитуңа пиниқингилькума. ³Тўньяғңамки қамахльюки сянка акльюмалғйнун, налиғмың паныхтысғңағма уңипақилъқа Пинилғйның Уңипаның апальюқльюку, альхығунъангитуңа пиниқингилькума.

⁴Пиниқылъық нуқынъыхтўқлью, наңлыхтахтуқлью; пиниқылъық ақинаңитук, налиғмың ямшаңитук, налиғмың аңаюғнығитук. ⁵Пиниқылъық сығлығюгутңитук, налиғмың лъңинәюғнығитук. Пиниқылъық сягиқигатук пиюкыльығмитун пиналюни, қикықуңигатук, налиғмың нықамиқигатук анахутыльығмың. ⁶Пиниқылъхым қуясиқигатә сығлық, йығлығи қуясиқакә ипапилъық. ⁷Пиниқылъық атәсйғмытук сянўә сянғңән. Йўлың ухпықиңақ, йўлың нығьюкиңақ, йўлың нуқынъыхтўқ.

⁸Пиниқылъық кынлыңилңуқ. Ўкналиқыльыхыт кынлытхўсяхқагут; альястун азузильхыт тақсяхқагут; лйсималъық кынлытхўсяхқагуқ. ⁹Қаюхльяк тунусяхпут лйсималъықлью, ўкналиқыльықлью йғўинъығилңўк. ¹⁰Иўырңа йғўилңуқ кәскан, қамахльютың йғўинъығилңўт авйғухсяхқагут.

¹¹Тағнухәлюңа акузикаюгуяғтуңа, сюмыхтағақаюгуяғтуңа, лйгикыхкаюгуяғтуңа тағнухағыстун, иўырңа югухсялғйңа тағнухағыстун пинанихтуңа. ¹²Лйгикыльыхыт Кияғнығмың йғўинъығитук, катам таўатытук ысхалғйстун тағнығаққўтылюхкун. Қақуқакун лйгикңўағьяхқахпут Кияғнық қаюхльяк ысхалъықахпут хинасяхқуғлюку. Мәтын лйсималъқа йғўинъығитук. Иляңани ағнығым лйсималъқа йғўиғьяхқагуқ катам таўатын Кияғнығым лйсимакңўақаңа йғўиғма.

¹³ Ынкāңам укут пиңаюут кынлытхўнбāнғитут:
ухпыльық, сиғималыық, пиниқылыық; иўырңа
пиниқылытхўқ аңылтытхпигақ.

Павелым Апыхтўткатағақаңи
Аглығналғым Тағнығам Тунусй

14 ¹ Пиниқылытыңюгатағағьяхқāгуси пакихульюку
сымың тамаҳаның. Иўырңа пиюкитыкилью
Аглығналғым Тағнығам тунусй, ўата пиюксяхқақаҳси
уңипақилтыық Кияғнығым уңипāмың. ² Юк акузиниғмини
альястун улюстун алытхқуғақā Кияғнық. Югыт
алытхқигатй қаюхлтыяк лйгикнāғитāt. Акузйқуқ
ахтуғьяхқāнғильхакун Аглығналғым Тағнығам
югым нальюкуыхкāның. ³ Иўырңа юк тунусялык
уңипақилтыығмың Кияғнығым уңипāмың акузикаюгўқ
югнун. Акузитаңи каюсиғикаюгўт, кайымикаюгўт,
илютухсягикаюгўт югнун. ⁴ Юк акузикаюк альястун
улюстун каюситкаюгўқ лтыңаның катам, иўырңа юк
уңипақикаюк Кияғнығым уңипāмың каюсиғикаюгўқ
ухпықаның.

⁵ Қамахлыюси пиюкақсяғамси акузисқылтыюси
альястун улюстун, иўырңа ўатақāғақтуқ тунусялгулғйси
уңипақсяхқāлюки Кияғнығым уңипй. Тамāкут
уңипақикаюгыт āңатағахтут акузикаюгның
альястун улюстун. Акузикаюгыт альястун улюстун
мумихқухтылгуяхқāгут каюситысқылтыюки ухпықат.
⁶ Ухпықалгутымни, лтыпысинун пилюңа алытхқуғьяқумси
альястун улюстун лйгиксяхқакынғилькыхпысигун
натынңам каюсйнбаяғамси? Иўырңа апыхтуғьяқумси
Кияғнығым кылгуткāның хўаңамнун, налиғмың
уңипāсяқумси сымың лйткамның, налиғмың
ўкналиқуткысяқумкун Кияғнығым сылытхқā, налиғмың
апыхтуғьяқумси ипапихқылтыығмың ынңātаль
каюсйнбаяғамси.

⁷ Свирелытлыю, гуслитлыю сылытун қалғихтыкуйык
китум алнунак лйгикнāнғитā сыңўā илягāн атуғақутаңа.
⁸ Пильюўахтым труба қалғихтыкагу сылытун иляңита
пильюўахтыт нальюкылытықāt пильюўалтытхқахтың.
⁹ Таўатытхпигақ акузикауфси альястун улюстун,

китум алңунак лйгикнәнҗитйси сямың пйқыстык.
 Акузинҗилңуғыстун пияхқәгуси. 10 Угляпихтуқ альяҳйнак
 акузилъық, атуқистыңита лйгикақйт. 11 Иўырңа
 лйгикынҗилькумкун йок акузилҗй альякун акузилъыхқун
 накумйңуқ хўаңамни, ынкәм хўаңалью накумйңуңа
 лъңани. 12 Ынкәңам лпыси, тунусяңьюпихтыкуфси
 Аглыңналҗйм Тағнығам тунусямың, туңсихтык
 каюткаҳқамың ухпықанун.

13 Тамākын апальюқлююку йок акузикаюк альястун
 улюстун, юғағли мумихқуғьяхқәлюку сямың пильыни.
 14 Юғағьякума альястун улюстун, тағнығахка юғахлыкуқ,
 иўырңа умьюгагма лйгикнәнҗитәк. 15 Сянақсиңаңам?
 Юғахлыкуңа тағнығамкун, юғахлыкуңалью
 умьюгамкун. Таўатыхпигақ илягахлыкуңа тағнығамкун,
 илягахлыкуңалью умьюгамкун. 16 Қаюхлъяк
 тағнығахпыгун усюқыхкувгу Кияғнық альястун улюстун,
 натынңам лйгикигалңум усюқилгусиҳлықыатын
 Кияғнығмун игамсиқаюлтыхпының? Налюкә сямың
 пйқсин. 17 Юғалыхын пинйпихсяғңән иляңа югым
 каюсилыңнәнҗитук.

18 Игамсиқаюгвикақақа Кияғнық акузйқылҗиңа
 альястун улюстун углягатағлюку лпысиның.
 19 Иўырңа юғағвигмынъымни апыхтуғиюгакуңа. Тамākын
 апальюқлююку апыхтуғйкуңа қафсинкӯрахәт акузитыт
 атуқлююки лйгиксяхқаси, акузинәнҗитуңа альястун
 улюстун угляпихллюку лйгиксяхқақынҗилькыхпысиның.
 20 Ухпықәлгутымни, суюмыхтағахпынаси
 тағнуҳаҳағыстун. Суюмыхтағақитык аңликастун,
 иўырңа сығлыхқысюлтыхси тағнуҳаҳағыстун аюқуқ.
 21 Лйлихтўсяни игақңәк: «Кияғнық пйқ:

“Каяхлықанка югыт альяның нунаның
 алыхқуғьяхтйскыльюси лъңита катам
 улюңистун.

Алыхқуҳлықамси қәнҗитхун иўырңа паниның
 нағанъәнҗитахпысиңа”».

22 Ынкәм тунуся акузилъыхым альястун улюстун
 ипапихқусйгуқ ухпықиңигалңуғнун, накән
 ухпықикаюгнун. Уңипақилық ухпықилҗинун аюқуқ,
 накән ухпықиңигалңуғнун.

23 Ынкāнам югагвихпысини ухпықат қамахлъяутың акузисякумың альястун улюстун, иляңи югым налиғмың ухпықāнғилнўт йтқумың нальюнухнилъықйси.

24 Иўырңа ухпықāнғилнуқ налиғмың лйгикигалнуқ югагвихпысинун итығлюни нагаскумиси уңипалдйси Кияғнығым уңипāмың, нагалъяуни нанқихтыңўйāхлъяуқ сығлыҳқыстыңунилюни. 25 Қаманлъиқыхкй аксяқналдйт қайвиҳқылықыут. Ынкām қуңуҳлъюни манигуҳлъяқā Кияғнық. Хўатын пильықуқ: «Ипапыстāқ, Кияғнық хўāнтуқ льпысини».

**Натын Атуқылъыҳқй Аглығналдйм
Тағнығам Тунусй Югагвигми**

26 Ухпықāлгутымни, уната апыхтўсяқнакуткақыхкыхка. Қырңугунъыхпысини манигўнъалюси иляси илягағақнāхтут, кина апыхтуғйқылықыуқ, налиғмың налиҳси уңипаҳлъяуқ Кияғнығым уңипақысқыхкāның, налиғмың налиҳси акузильықыуқ альястун улюстун, налиҳпыси мумиҳқуҳлъяқй. Ухпықат ухпыльхитнун икнакуғусйлит қамахлъяутың. 27 Югагвигми кина акузинақнукуми альястун улюстун, мālгук налиғмың пиңают пилдāт, утақалюки илятың тāқылыҳқйт. Китумлъю мумиҳқуғнақаңи сямың пильхит. 28 Иўырңа мумиҳқуғтыңискан акузилдймумун альястун улюстун, акузифқāми пилдāқ. Альястун улюстун акузиюкуми кавьюгўтыхпынани акузилдāқ лънанунлъю, Кияғнығмунлъю. 29 Укналиқистык мālгук налиғмың пиңают уңипаңылдйт Кияғнығмың акузилит. Қамахлъяутың нагалъит, лйгикльитху уңипақ Кияғнығмың пиңутаңа. 30 Иўырңа кина уңипаңыхкан Кияғнығмың, акузилдй ныпйғли, уңипаңылдй акузисқылыюку. 31 Таўатын пикуфси қамахлъяутың уңипақияхқат Кияғнығым уңипāмың акузйқылтықыут. Ынкām қамахлъяуни нагалъхй, лйльи, тāгавыңинāлтыңлилъю. 32 Нықамиклъюки уңипақикаюгыт Кияғнығым уңипāмың, ахтуғьяхқāнғилтылиткāгут акузисихқамың, тāқусихқамыңлъю. Йўлың ахтуғьяхқāнғилтылгўт акузисихқамың налиғмың тāқусихқамың. 33 Кияғнығым

алнунак писюгигатїлью. Қырңугутылыьшут
ныкыхмытысюгақї.

Кияғнығым юги қырңугуньығата, ³⁴ағнат
акузистыңуяққангитут юғағвигни. Акузияққангитутлью,
иглығутистыңуяққангитутлью қырңугутңалғїни,
қаюхляк Лїлихтусянилью игақңақ таўатын.

³⁵Апқуғағыюкумың, угитың ныхмыни аплытки.

Юғағвигни ағнат акузильыққат анахутңақ.

³⁶Льпыси Коринфығмит ухпықат аңаюгнығўси.

Сюмыхпысинї Кияғнығым акузитани льпысиньың пиңўат?

Льңинахахпысинун апыхтўткәўат? ³⁷Кина алнунак
сюмығмини ўкналиқистыңунилюни пикуми, налиғмың
ухпыхлягуманилюни, лїгикльики письмотхун
льпысинун Атанығым қылғусяқї. ³⁸Тугукльингилькагу
уна апыхтўсяк, тугукльихпынән лъна.

³⁹Ынкәнам ухпықалгутымни, уңипахтыңуягақитык
Кияғнығым уңипамың, иўырңа тәқыстыхпынаки
акузилғит альястун улюстун. ⁴⁰Юғағвигни сяңўа
қамахльюку пинитунўақ, таўатыңўақ пїқитыху.

Христосым Уңувақтыльға

15 ¹Ухпықалгутымни, нықамиксюгамси Пинилғїның
Уңипаның уңипақыхкамның льпысинун.

Тугукльықакәси ынкәм ухпыльыси тәхун ныкыңғат
аюгўильютың. ²Югулилтыңыхкәгуси ухпықакәнафсики
Пинилғит Уңипат, ынкәм ухпықумаңинахтыки аңқанка.
Иўырңа ухпықнаниқуфсики, ухпыльыси сясїнәнгитут.

³Апыхтуқакәмси апыхтўсяқыхкәмың хўаңамнун.

Тәкут ухпықсяхқакәси: Христосым туқуткыхқакї
сығлыққылышут, катам Акузитыт Игақыхкат
пинақнильхистун. ⁴Тәхкын лйфқакәт, ынкәм
пиңайни ағнығым уңувақәгуқ Акузитни Игақыхкани
пинақнильхистун. ⁵Петырым ысхақакә, тәхкын
киңуңаның қамахльютың қуля мәлғук сїпнықльюку
апостолыт ысхақакәт. ⁶Кинуңитның юк мәлғук
қуля сїпнықльюкуның углялғим малихсәхтыңита
қырңахлягмың ысхақакәт. Кияң тәкут уңуват, иляңи
туқукағңағмың. ⁷Тәхкын Иаковым ысхақакә, ынкәм
киңувақун қамахльютың апостолыт ысхақакәт.

8 Киңулилюңа ысхақақақа, ухпыгьяхқахпагнициткәғңәғма китуми алңунак.

9 Укалихпигәғуңа апостолыни, талўа атигьяхқәнғисяхтуңа апостолымың, қаюхляк амьюқытәтқыхкақанка Кияғнығым юги. 10 Иўырңа Кияғнығым наңлъталъхакун апостолаңуңа. Наңлъталъхә хўаңамнун аваңиньығитук. Қыпхағатағахтуңа тамахйтның апостольт, иўырңа хўаңамның пиңунғитақа, Кияғнығым наңлъталъхакун пйқуңа. 11 Қыпхағатағалъхыпут илямнғың мыгнунйтук. Мыгнуналғита тәна қамахлыюта уңипақыхкақапут лыпысинун тәкут атәсит Пинилғйт Уңипат, ынкәм ухпықыхкақаси.

Хўаңкута Уңувалъхықхәхпут

12 Ухпықнукуysi Уңипақ уңипақыхкақхпут: Христосым уңувахтылъхә туқулъығмың. Сяңамыңам иляси пйқат: «Туқукат уңувағнәнғитут?» 13 Кина алңунак уңувахтысимаңильқан, Христос паниның туқуңанаяхтуқ. 14 Паниның туқуңакан уңипахқитукут, ынкәм ухпықсәхқитуси. 15 Туқукат уңувахтысимаңильката туқулъығмың, Кияғнығым уңувахтысимаңитә Христос. Ынкәңам хўаңкута апостолыни қамахлыюта иқлыңиқыстыңүкут қаюхляк пикәгукут: «Кияғнығым Христос уңувахтыстыкақә туқулъығмың». 16 Туқукат уңувахтысимаңильката, Христосылью уңувахтысимаңитук. 17 Христос паниның туқуңакан ухпылыysi сясйңцитут ынкәм ағьюлыңылықыкуси сығлыққылъыхпысинун. 18 Ухпықистыт Христосыкун туқуляғәткат қамахлыютың ифлянаяхтут. 19 Нығьюкильыхпут Христосыкун хўаниңинахәқ кияхтәлымнғы атүкан, наңлыгналъхыпигәяхқәгукут юғни китумың алңунак.

20 Ипаңўқ Христос уңувақәгуқ туқулъығмың, тамākын апальюқльюку лйсимакнўәғахпут хўаңкуталъю уңувахтысәхқәгукут иляңани ағнығым. 21 Туқулъық альхықәгуқ атәсикун юхкун, Адамыкун. Таўатыхпигақ уңувахтыстылъық туқулъығмың альхықәгуқ иляңакун юхкун, Христосыкун. 22 Адамыкун

қамахлыюни туқуяққāгуқ, иўырңа қамахлыютың Христосымылңūt уңувақтысяққāгут туқулғығмың. ²³ Қамахлыютың туқуляғātкат пилыққатың кāнығгата уңувақанāхтут: Христос сивулиқпигāлюни уңувақāгуқ. Тāхкын тагинқихтыкан тамāкут лъңан пиңи уңувағьяққāгут. ²⁴⁻²⁸ Христос умйлгуяққāгуқ кынляңа каяльқылғыминун қамахтыңўāғлюки ақтуғьяққāнғилъхыт қātкүсюгигалңūt Кияғнығмун, туғнығātглю иглығутистыт, югытглю иглығутистыт иляглюки. Христос умйлгуяққāгуқ кынляңа Кияғнығым каяльқылъханун қамахтыңўāғлюки Христосым аңуяги. Киңулиқпигақ аңуяк туқулъхўқ Кияғнығым каяльқысяққā. Христосым тўныхкагу Атаныхпагулғық Кияғнығмун Атамун тāхкын кынля кāльықуқ.

Игақнāқ Акузитни Игақыхкани: «Кияғнығым сяңўā тамаҳāн итыгāн асиңанун лъйхтысяққāқā». Хўатын писйгуқ, Кияғнығым сямун тамаҳāнун қātкыстысяққāқā Христос. Иўырңа Кияғнығым қātкүсяққāхтыстыкумигу сяңўā тамаҳāн Христосымун, қātкүсяққāхсяққāнғитуқ, лъңаның катам. Таўатын пикан, тāхкын Иғнық лъңаның катам асилйхсяққāгуқ Кияғнығмың. Ынңāталъ Кияғнығым сяңўā тамаҳāн иглығульықā.

²⁹ Иляңи югыт крестиғистақут туқукаат апальюқглюки. Туқукаат уңувақсяққāнғилъката туқулғығмың, сяңамыңам иляңи крестиғистақат туқукаат апальюқглюки? ³⁰ Лйсимакапут туқукаат уңувақāгут туқулғығмың. Ынкāнам уңипақиңўкут Пинилғйның Уңипаның туқунъақсяғнйглю ахутаңа тамаҳāн. ³¹ Ипаңўқ туқусяқглыхйнақ аюқātта ахутаңа тамаҳāн. Катам лйсимакыльыхпысистун қуякыльқа ухпыльыхси аңлилғй Христос Исусыкун Атанымтыхун. Таўатыхпигақ ипапихқуткысяққāқаси туқусяқглыхйнақ аюқыхкāнатта ахутаңа тамаҳāн. ³² Югыт Ефесымылңūt пильюўақанка тығикүсястун аюқут. Альхыгунъалюңа хўани кияхтыльымни пильюўақумки, сямың альхыгунъāнғитуңа. Туқулғымта киңуңаның уңувағьяққāнғилъкумта: «Нығыльта, мығыльта, қаюлъяк унāми туқулғықукут».

³³ Китумун алңунак пұхтыстыхпынаси
 илякумтәңумакуфси сығлытун пикаюгмың,
 атуқсягульықақси сяңұа пйқыхқаңат.

³⁴ Сюмыхтағадақлюси пинитун, сығлықхынъанихтык,
 иляси акулыхпысинилнұт апыхтұмаңилнұгут
 Кияғнығмың. Қаюхлъяк лыпыси ухпықани
 кайңуюгьяхқәгуси.

Югусихқат Уңувақтыстыльхым Киңуңаның

³⁵ Кина алңунак хұатын пикан: «Натын туқукаат
 уңувақтыстақат туқульығмың? Натылңуғмың
 югусилгуяхқәўат?» ³⁶ Уюқ нальёқақ! Питута нунакун
 пығукувгу туқуяхқәгуқ сивуңани пйтыльықхами.

³⁷ Питутмың альяңулюни аңлйқуқ. Пйтысиғаныхпыни,
 пйтутыскувыгахақ пығўақан нунакун, пшеницакахаққ
 налиғмың сяңуяхқәқ. ³⁸ Питутыскувыгахақ тәна
 Кияғнығым накмикыхкаминың югусилитақә.

Альякульхйт пйтутыт альякульхймың югусихқалгұт.

³⁹ Таўатылькутңўағуңгитут югусйт. Югыт, тыгикусят,
 қаўағыт, иқальюгыт альякутут югусйт.

⁴⁰ Қиляк югусихтұқ, нуна югусихтұқ. Югусйт
 қилягмылнұт лъмыгыстун пиниғнахтут. Югуситлью
 нунамылнұт лъмыгыстун пиниғнахтут. ⁴¹ Сиқинық,
 танқик, иғалықытәғытлью альякутут пиниғнальхит.
 Талўа иғалықытәғыт альякақахтағмың альякутут
 пиниғнальхит.

⁴² Таўатысяхқәгут туқукаат уңувақтыстыката
 туқульығмың: нунами югусипут туқәкут, ағўакут, иўырңа
 югусиғрағапут туқунәнғитнўахтут. ⁴³ Льйфкумың
 нунамылнұт югусипут сығлығухсяхқат каялияхқат,
 иўырңа югусиқ уңувақтыстыкуми пиниғнағьяхқәқлю,
 икнақсяхқәқлю. ⁴⁴ Львыныңмини югусиқ югым
 пикә. Иўырңа югусиқ уңувақтыстыкуми тағнығамнъун
 югусйяхқәгуқ. Югусилгуката югыт югусихқалгұтлью
 тағнығапут. ⁴⁵ Ынкәм Акузитни Игақыхкани игақыхкәгуқ:
 «Юксюхўақ Адам уңувалғиңуқтыкәгуқ». Иўырңа киңулик
 Адам уңувальытикаюгұқ тағнығақ, Христосыңұқ.

⁴⁶ Сивукльюта югым югусйның югусиңакукут, тәхкын
 тәкўаниңани Кияғнығым югусилитақй тағнығапут.

47 Юксюху̇ақ нунамың пиңу̇к, пагуляңаның нунам улима̇гүк, иўырңа тўңлиҳа̇ юк Христос, қиялгмың пиңу̇к.
 48 Югыт кияхтыкумың нунами хўани, югусилгүт Адамым югуситун аюқылгїмың. Иўырңа тамакут қиялгми кияхсяхқат Христосытун югусилгуяхқагүт. 49 Адамытун югусилгульымтыстун, иляңани ағнығым Христосытун югусилгуяхқагүкут. 50 Ухпықалгүтымни, литысюгамси югусипут укут кымыкшагмың, аўмың улима̇гыт, итығнāнгитут Атаныҳпагульханун Кияғнығым. Иляңани ағнығым укут югусипут туқуяхқагүт. Уңуванāнгитут қўнпырухляк.

51 Уңипāтахлямси қайвиҳсимаңилнүғмың: қамахляюта туқунāнгитукүт, иўырңа қамахляюта альяңуҳсяхқагүкут, 52 сюкатыпихляюта қунқальбыльхыстун киңулиҳпигақ қалғиҳтақ нагақуқумтыху. Таўани қалғиҳталығми ухпықат қамахляютың туқуляғātкат уңувахтўсяхқагүт нутағамың югусилиглютың туқуяхқāнгилнүғмың. Тāхкын хўаңкуталю паниның уңувалгїни нутағамың югусиңағатāлыкукут. 53 Югусипут пагулямың улима̇гыт альяңуҳсяхқапыстагүт нāфқысяхқāнгилнүғмың. Укут югусипут туқукаюгыт симигьяхқагүт югусимың туқуяхқāнгилнүғмың. 54 Ынкāм Акузитни Игақыхкани игақыхкақ апығйхлыкуқ:

«Туқульық нāфқуқ; каяльқйльық игўйхтуқ!»

55 «Туқу, каяльқйльыңын нāгу?

Туқу, ахтуғьяхқāнгильыңын ақниҳқўсин хўаңкуньун нāгу?»

56 Туқульхым ахтуғьяхқāнгильыни альхыҳтақā сығлыҳқылығмың ақниҳналюта, ынкāм сығлыҳқылхым Лйлиҳтўсят ахтуғьяхқāнгилькй.

57 Ынкāңам игамсиқаюгвикақахпут Кияғнық қаюхляк каялькйстыкақйлю Атанымтыхун Иисус Христосыкун.

58 Ынкāңам, пиниқыхкамни ухпықалгүтымни, каялькйльыҳқахпут ипапыстагутаңаның, ухпыльыси ағулитыслюки, нўхахтафқāфси, қўнпың қыпхахтыху Атанғым қыпхақā. Лйсимакаҳси Атаныҳкун қыпхалыҳси аваңиньыгитук.

Мани Тўнъяҳқақ Ухпықанун Иудеямылнуғнун

16 ¹Укут ысқа льпысинун қылғусянка манимың тўнъяҳқақпысиның ухпықанун Иудеямылнуғнун. Уңипәтыльымтун Галатияғмит ухпықйт, льпысылью льңистун пикатык. ²Сивулиҳпигағми Сянтильхым ағнығани қамахльюси афтиқитык манимың альхығныхпысиның. Тўнъяҳқақпыси аңталяңа альхығныхпыси аңталяңаның йкльюку тўнъяҳқәгуқ. Ынкәм льпысинун пикума қырнухтифқәфси манимың пилдәси. ³Кәскума каяхльықанка тамәкут накмикыхкаси посланиятхун ағлятысқыльюку тунусяхси Иерусалимымун. ⁴Сюмыхтағалымни хўаңалью пилыхқақа пинигьяхқәкан, малихнақатңа.

Павел Лялихсүлғи Коринфымун

⁵Льпысинун лялихнақыхкума сивукльюңа Македониякун ахльықуңа. ⁶Ынтакун льпысинитағақхльықуңа ўальюмлью уксюлькусик. Тәхкын навык пинақыхкума ятәхқылгусиқағнакыфсиңа. ⁷Атанғым пиюкылтқыхкагу мәтын пикума льпысинитағагыюақуңа, ағвикагыснагыонғитамси.

⁸Иўырңа Ефесымыльықуңа кынляңа Пятидесятницам ағнығанун, ⁹қаюхльяк мыгнуналғи, анылғи қыпхалыхқақа Атанығмун пйқыфтуқ. Мәнльықуңа қайўа угляпихльыхым аңуяксяғңатңа.

¹⁰Тимофей льпысинун пикан, ынңәталъ упуғаньақыси, қаюхльяк қыпхәгуқ Атанығмун хўаңамтун. ¹¹Қамахльюси аситңинахпынән, ынкәм қуяңән каяхнақыси хўаңамнун. Утақәқақа малигульюку ухпықәлгутнун.

¹²Уңипәтағльямси ухпықәлгутымның Аполлосымың. Ынңәталъ қыльқақсыяғақа лялихфикысқыльюси малихльюки иляңи ухпықәлгутыт. Иўырңа мәтын пионгитук. Лялихфикнәғиси пилыхқаңыхкуми.

¹³Қылыңатык, ухпықилыхпысини ағулитык, илютутык, икнақитык. ¹⁴Пиниқыльыхқун пйқитыху сяңўа тамаҳән.

¹⁵Ухпықәлгутымни, лисимакаси Стефановолью ныңльюгуткульхит, ухпықәсюхўағулғит Ахайями. Атанығмун тўныхкәгут льңит, ухпықат иляңи

каюсїнъалюки. ¹⁶Қылғамси қәтқумаңинїсқылыюки
лїлихтульхит таўатылңұт югыт, иляңилъю
қыпхалгутаңит.

¹⁷Қуяңа Стефанамыңлыю, Фортунамыңлыю,
Ахаикамыңлыю кәльхїт қаюхляк каюсїтңўәтңа
авїльхыпысини. ¹⁸Қуястыңўәтңа қуястыльғығмыгыстун
льпыси. Каюсїтилъхитнун игамсиқаюгвикыльхыпысиның
лїсимақыстыңўәғнакыси.

¹⁹Ухпықат Асиямылңұт сїмқақїсиңуқ. Акиламлыю,
Прискилламлыю сїмқыхлягїсиңуқ Атаныхқун,
қамахлыютыңлыю ухпықат қырңугуткаюгның
ылькыхкынка мыңтығїтни. ²⁰Қамахлыютың
ухпықәлгутыт хўаңамнилңұт сїмқақїсиңуқ.
Қуякутақитык нәғлюки Кияғнығым пиниқыльхәкун.

²¹Хўаңа катам йхымның уна игақақа: Сїмқамси. Павел.

²²Китум алңунак пиниқынғилькумигу Атанық,
нәфқылтылгўқ. «Маранафа», хўатын писїгуқ, Атаныхпут,
таги!

²³Наңлыхталъхә Атанғым Иисусым льпысинилъи.

²⁴Пиниқамси қамахлыюси Христос Иисусықун. Аминь.

Павелым Тўңлїт Посланияңи Ухпықанун Коринфымылңуғнун

1 ¹Укут посланият Павелымың пиңўт, апостолаңаның Христос Иисусым Кияғнығым пиюкыльҳакун, Тимофейемыңлью пиңўт ухпықалгутымнъың.

Кияғнығым югитнун қырңуғуткаюгнун юағвигани Коринфым, тамаҳїтнунлью Кияғнығым югитнун йңунаҳāни Ахаиям.

²Йықай Кияғнығым Атамта, Атанымталъю Иисус Христосым тўнлиси қуястыльығмыңлью, ныкыхмыльығмыңлью.

Павел Игамсиқаюлđй Кияғнығмун

³Усюқылътыху Кияғнық Атаңа Атанымта Иисус Христосым, наңльыхтапихльыҳй Ата, Кияғнығмың тағйқуқ қамахльюни каюткаҳқақ!
⁴Каюсиғақйлью қамахльюта сығлылїльымнъи, ынкām хўаңкуталъю каюсиғьяқльығўāпут тамāкут альяҳйнағмың сығлылїлđйт, атуқльюку атāсиқ тāна каюсилъық альыхытыкаҳпут Кияғнығмың. ⁵Катам илятңалъымтыстун Христосым угляпихльыҳйнун икфиқылъханун, ынкām Христосыкун илятңалъықукут Кияғнығым каюсилъыхльяганун. ⁶Икфиқыхкумта каюсилъыхпысинунлью, югулилъыхпысинунлью пилъхўк; каюсилъыңыхкумта тāўа лыпысылъю каюсилъыңыльықуси ынкām тўныльыңыльықуси ныкыхмыльылиғлюси сюфльюҳсяҳқāлюки тамāкут атāсит икфиқылъхыт сюфльюҳтыкапут. ⁷Ынкām сиғимакильыҳпут лыпысинун ағулїтуқ; лїсимакаҳпут тāна катам илятңалъыхпысигун икфиқылъымнъун, лыпысылъю илятңāси каюсилъығмун альыхытыкамнъун.

8 Ухпықалгутымни, нальюкысюңгитамси сығлылйльығмың нанғйқамнъың Асиями. Ынңаталь сығлыхльягўқ уқихтупихтык̄агук, рыпаль сиғимананиқ̄агукут кияхтыльыхқамнъың. 9 Ипапыст̄ақ туқунақнилюта пияхтукут. Иўырға таўатын аныхтукут хўаңқунъың сиғимақыфқ̄амта писқыльюта, таўаңинахақ Кияғнық сиғимақысқыльюку уңувахтыстикаюк туқуканың. 10 Ынңаталь сығлыпыстағмың туқум тывнығаның югулйльи, югулилъықйсилъю. Ынк̄ам льнакун сиғимаңукут льнан югулилъятахльықйлью, 11 льпыси каюйсималюта юғалъыхпысигун. Юғаткильыхльяхси хўаңқунъың кймсилъыңылъықут, ынк̄ам Кияғнығым қуясльықйлью; угляпихльыхйтлью игляхтухльютың игамсиқаюгвикъыльық̄ат хўаңқунъың.

Павелым Альяңұхтықаңа Қакиқниқылъыни

12 Уна ысха қук̄аюгусихпут, сюмыхтағалъымта уңип̄атйлью кияхт̄альыхпут хўани нунами ипапихқыңъ̄ақлью, пиниқиң̄ақлью, кияң льпысинун. Таўатын пйқукут Кияғнығым пиниқиңалғйкун каюсилъхакун, нак̄ан юғым пыққиныльхакун. 13 Қамахльютың посланияпут льпысинун пияқнйтут атихтуғъяхқ̄алютыңлью, лйгиксяхқ̄алютыңлью. Сиғимакақамси лйгикнў̄ағысқыльюку 14 сяңў̄а м̄атын лйгикыхқапыси налиғныхй̄на, ынк̄ам Ағнығани Атанғым Иисусым льпыси қук̄аюгуткыльықахпысикут катам хўаңқута қук̄аюгуткыльымтыстун льпыси.

15 Қаюхльяк ипапихқуткыхқақа қамахльюку там̄ана, сивукльюңа льпысинун лйлихналюңа пик̄аяхтуңа, қуястыльыңнаюкафси малғұхқыңъ̄ан. 16 Лйлихфиксюкақамси агльяткыльюку Македониямун, утыңнйткыльюкулью там̄акын, каютыңналюңа льпысиның игльығалъыхқамнун Иудеямун.

17 Сюмыхпысинй таўатын қакиқниқылъымни ат̄асйғнығисин̄а? Сюмыхпысинй қакиқниқылъықа нунам югатун аюқ̄а, таўаниңинақ пияхқак: «Аа», «Нак̄а»?

18 Ипапыст̄ақ Кияғнық ат̄асйғмытуқ, акықусяқа льпысинун «Аңгунгитуклью», «Нак̄аңунгитуклью».

19 Кияғнығым Иғныға, Иисус Христос уңипақыхқахпут

лъпысинун Силуанамлъю, Тимофеймлъю, хўаңалъю: «Аңгунгитуклъю», «Накәгунгитуклъю»; иўырңа лъңани қўнпың «Аңгўк». ²⁰ Лъңаңўк «Аңылъық» тамаҳйтнун Кияғнығым акықусйтнун. Тамәкын апалъюқлъюку хўаңкута «Аминакукут» лъңакун усуюкнымтыху Кияғнық. ²¹ Кияғнығым айыпсюгихсяғйлъю, малигулъюта лъпысинун Христосыкун; Кияғнығым лъңан катам әфтйлъю; ²² нальюнйғйлъю лъңанун пиңулюта, тўнәклью Тағнығағни илюмнъун нальяңйсялюкык тамаҳәнун акықусяқыхкаминун хўаңкунъун.

²³ Туқлъюғақа Кияғнық лйсимакистыңулюку қаюхлъяк лйсимақыхқаңа қәмна илюка! Коринфысюгунгитуңа сығлылйхқыснаюкамси. ²⁴ Иглыгунъакуткыңъунгитахпут ухпықилъыхси; қыпхалгусигъюгамси қуямасқыльюси, қаюхлъяк ағулйтуси ухпықилъыхпысигун.

2 ¹ Таўа умыюгахка атәсйхсимәхка алъя лъпысинун пикума қуяңгитысяхқәфқәфси пиналюси. ² Қаюхлъяк қуяңгитыстыкумси китумңам хўаңа қақаюхтыслъықаңа? Алъя китум пинәңгитаңа иўырңақун лъпыси қуяңгитыстыкама. ³ Тамәкын апалъюқлъюку письмоқақамси қаюхлъяк лъпысинун пиюңгилңўңа қуяңгитыснаюкафсиңа, лъпыси қуяңгитыснаюкафсиңа, лъпыси қуястистымни. Ипапихқуткыңъўәқа уна, хўаңа қуяңанымни таўа лъпысилъю қамахлъюси қуяңәқуси. ⁴ Письмокагуңа лъпысинун ынңәталь әңлюку қивғулъылиғлюңа қамагун илюмкун, қиямағма алъя қуяңгитыстыфқәфси пиналюси таўаңинақ лйгикысқыльюку пиниқыльыхлъяка лъпысинун.

⁵ Тәна юк сығлыхқылғй таўани, сығлыхқынгитук хўаңамнун. Йығлыги лъпысинун сығлыхқыңўк иўырңа накән тамаҳахпысинун. Униғмихсюңгитақа сямың пильымкун. ⁶ Таўатыңинақ ағбюгилъыхси итагнахтуқ. ⁷ Мәтын сығывульюкуңңам кайымитыху ўата йльқынъаюкан рыпаль йльқаюхлъягнаюкан. ⁸ Манигўтутақа лъпысинун лйгикыстысқыльюку ипапыстәқ пиниқнилюку лъпысинун. ⁹ Тәна апалъюқлъюку письмоқақамси: лйсимақналюку қәткүтңўағыстык сямун тамаҳәнун. ¹⁰ Кина сығывунъыхписигу сямың лъпысинун пильҳаның

хўаналъю сығывутақақа. Сяңўā алңунак сығывусяхқақ
сығывусюгақақа лыпыси апалъюглиуסי Христос
таўантыпихлъяхїстун, ¹¹Туғнығам аҳқутақнаюкаңилью
қаюхлъяк лїсимакихкыфут сяңутаңа ятāхқыхкā.

Павелым Нулъқавїхтылъя Троадами

¹²Кāсялђїңа Троадамун уңипақналюку Пинилђї Уңипā
Христосым, Атанғым пилъяхқаңыстыңўāғумакаңаңа.
¹³Иўырңа пыңыхлъякāгуңа қаюхлъяк ухпыкāлгутка
Тит авїлңуқ тамāни. Ынкāм унилъюки ағуляқуңа
Македониямун.

Каялъякїлъяқ Христосыкун

¹⁴Иўырңа игамсиқанахалык Кияғнық! Йўлың
иглыгутңўїлъю каялъякїңалъяхқун Христосыкун.
Кияғнығым хўаңкутхун миңитыстыңўā лїсималъяни
нани алңунак катам нықнилђїм тыпыңлъясим
тыпаңан миңитылъяхатун. ¹⁵Қаюхлъяк хўаңкута
тыпкыхтастун нықниҳсїсистун аюкукут Христосым
аҳқуткыхкātун Кияғнығмун. Тыпывут миңитңўқ
югуликанунлюю, ифлъяканунлюю. ¹⁶Тамāкунун
ифлъяканун тыпкїлъю туқульхым туқутикаюғым;
иўырңа югуликанун тыпкā уңувалъяңыстикаяюғым.
Кинаңам қыпхағьяхқāўа таўатылңуғмың қыпхақамың?
¹⁷Угляпихлъяхїстун кинкустун аюқынђитукут сялин
қыпхағьяхқāңгилңуғыстун тамāкын қыпхақамың.
Пинилђїт уңипат пїқїт иляңистун қыпхақастун
аюқнилюки альхыгутусихқат кияхтāгусихқамун.
Иўырңа хўаңкута атāсїғмылъяота ипапихқылъяота
қыпхағакукут; āпхақапут уңипат Кияғнығым
писқылъяхатун, каяхтылъяхатун уңипахтыңулюталъю,
қыпхахтыңулюталъю Христосымун.

Қыпхахтыңи Нутағам Акықусям

3 ¹Хўаңкута усюқысїюхнақлъятағыстā хўаңкунъяң
катам? Налиғмың иляңистун аклъюкиңустā
посланиямың āпхысқылъяота лыпысинун, налиғмың
лыпысиның? ²Лыпыси, лыпыси катам хўаңкута
письмокамси, игақңāси илюмтыхун тамаңанун

лїсимақысқыльюсилью атихтїсқыльюси. ³Хўатыхльюўақ посланияңүси Христосымың пикат хўаңкуньун туюқй. Письмоткыхкәнғитуси чернилакун налиғмың льйвнықыхтатхун уйғахтыхун. Письмоткыхкәгуси югыт иллюңитхун Тағнығакхынкун унувалтїм Кияғнығым.

⁴Таўатын пїкут қаюхльяк ныгьюльылгүкут Кияғнығми Христосыкун. ⁵Хўаңкуньың пикнинәнғитахпут қыпшағьяқльыгунилюку тана қыпшақақ. Кияғнығым пияқльыгухтыстақйлью қыпшақамун. ⁶Льңан қыпшағьяқльыгухтыстїлью нутағамун акыкусямун. Тана нутагақ акыкусяқ игақналғйңунғитук лїлихтүсяқ, иўырңа Тағнығағның аюқуқ. Игақналғйм Лйлихтүсям тагитә тукулъық, иўырңа Тағнығам тўнә уңувалъық. ⁷Лйлихтүсят игақыхкәгут уйғахтыхун, ынкәм Кияғнығым ниғуҳқыльха аликәгуқ Лйлихтүсят тўнақната. Моисейем хинә күкхуткәгуқ тәхкын ниғуҳқыльығмың, қайўа ғывығңән Израилығмїт ысхапағниңиткәт хинә. Лйлихтүсят тукустияхқәгут қаюхльяк югыт қаткынғилькәңит. Лйлихтүсят ниғуҳқыстихльягумакаата, ⁸натынми аңкән қыпшалъха Кияғнығым Тағнығакхынка ниғуҳқыстиғатағалъықа! ⁹Лйлихтүсяқ нанқихтияхқәкан югмың агьюгьяхқәлюки ниғуҳқыңьяахтуқ; анахутыльхинбиллютың югыт пилғит натынми аңкән ниғуҳқыңьалъыхтульықат! ¹⁰Таўатын пиңүкут қаюхльяк ниғугатағалғйңухтуқ ниғуҳқыльық мәтын, тана ниғуҳқыңьяалғй сивунғани авйгусимәқ. ¹¹Ниғуҳқыльылгуяқан таўатын мулюғракамьң, натынми аңкән ниғуҳқыльылгульықа мулюхльягьяхқамың күнпырухльяк!

¹²Тана сиғимакутымның тытугигатнўахтукут.

¹³Моисейитун аюқынғитукут, хинани сяпутикә ынкәм Израилығмїт ысхәмаңитәт ниғуҳльяк авйгульхй.

¹⁴Умьюгит лйгикыпағниңйткәгут, хўавымун кынляңа умьюгит сяпңат тәхкын атәсимың сяпутамың, атихтуныңмыхтыки нығихтат акыкусят. Тана сяпутақ иқисяхқәгуқ Христосыңинахәхкун. ¹⁵Талўа ағнығми хўани, атихтуныңмыхтыки Лйлихтүсят Моисейемун тўныхкәт, умьюгит сяпутамың сяпңақут. ¹⁶Иўырңа юк қйвнығмини Атанығмун сяпутә иқитақуқ. ¹⁷Мәтын Атанық Тағнығалғй,

кина алңунак Атанғым Тағнығажкының пилгукуми, итымңалғылғұқ. ¹⁸Қамахтыңўағлюта сѣпутаңунаки хинапут ысхаҳлықахпут ниғуҳқылъха Атанғым. Тана атасиқ ниғуҳқылъық тагилдї Атанығмың Тағнығағуқ, альянуҳтїлью лъңасюғниҳтысқылъюта аңатағағлюку ниғуҳқылъығмың.

Юғым Каятылъха Кияғнығымлью Ахтуғьяхқанғилъха

4 ¹Ынкәм Кияғнығым наңлыхталғыммикун қыпхақалитїлью хўакын қыпхағьяхқамың. Тамākын апальюқльюку йлъқаюгигатукут. ²Ихсягуткақапут аксяқыхкатлью, кайңуналдїтлью. Пўхсигатапут югыт, альянуҳсигатапутлью Кияғнығым акузитаңи. Хўатыхльюўақлью апыхтўсяқақапут Кияғнығым ипапильхи, ынкāнам югыт лїлғықйлью натылңўтфут ысхāманғани Кияғнығым. ³Уңипақыхқапут Пинилдїт Уңипат сѣпңаката, сѣпңат ифльяхқақйнағнун. ⁴Лъңита ухпықигатāt уңипахпут қаюхльяк Туғнығам, ўм нунам Кияғнығын, аястыкақй умыюғит. Ысханғитыстақā ниғуга Пинилдїм Уңипам ниғуҳқылъханың Христосымың аюқылдї. Христос Кияғныхтун аюқуқ. ⁵Хўаңкунъың катам уңипақнунгитукут, итупиль уңипақнўахпут Исус Христос Атанғунилюку. Қыпхақтықахпысикут Исус апальюқльюку. ⁶Кияғнығұқ хўатын пикақ: «Йықай ниғук кўкхулғы мамлылғығмың!» Лъңаңұқ атасиқ Кияғнық кўкхутыстилдї ниғугмың илюмнъун. Тāхун ниғухкун лїтахпут ниғуҳқылъха Кияғнығым, кўкхулхдї Исус Христосым хинāның.

⁷Иўырңа хўаңкунъун Кияғнығым канахтыкақā тāна ниғук кўкхутысқылъюку илюмнғы. Хўаңкута қикустун қантахқастун аюқукут, ынкām тамаңан лїгикылғықāt ахтуғьяхқанғитыхльяк Кияғныхтāнилюку, хўаңкунъың пиңунғинғылюку. ⁸Сығлылїлғыңақукут альяғйнатун иўырңа каяльқигатїлью. Иляңакун кукшагьюлғыңақукут иўырңа сїгимальхїсигатукут. ⁹Амыюқытātкылыңақукут, иўырңа Кияғнығым унисигатїлью; ақниҳқўалғыңақукут, иўырңа туқуңигатукут. ¹⁰Иўлың туқульха Исусым югусимнғытуқ, ысхїсқылъюку уңувальха Исусым

югусимнѣи. ¹¹Уңуванулюта йўлың якуғналъханитукут туқулъхым апалъюқлъюку Иисус, ысхїсқылъюку Иисусым уңувалъха югусимнѣи туқукаюғни. ¹²Ынк̄ам хўаңкута якуғналъханитукут туқулъхым қаюхлъяк қыпх̄атнуқыфут Кияғнық. Иўырңа қыпхалъымта кынлыңилңуғмың уңувалъыңыстыңъўйси.

¹³Игақн̄ақ Акузитни Игақыхкани: «Ухпықақа Кияғнық ынк̄ам акузиткақақа». Ухпықилъыхпут таўатытуқ игақыстытун. Хўаңкуталъю ухпықахпут Кияғнық ынк̄ам акузиткақахпут. ¹⁴Лїсимакахпут Кияғнығым уңувахтыкақ̄а Атанық Иисус. Хўаңкуталъю уңувахлъықўкут Иисусыкун. Тахкын ағл̄ялғықйнкун қырңамта лыпысылъю таўантылғыгминун. ¹⁵Қамахлъютың там̄акут апығйқат хўаңкунъун лыпысинун аюкут. Кияғнығым наңл̄ыхталъхан нуляслықй̄ югыт ухпықилг̄йт Христосыкун. Ынк̄ам игамсиқаюлғыхлъяк Кияғнығмун нулялғықуқ, қўлвалъыңықл̄ялғықуқлъю.

Кияхт̄алғық Ухпықилғыықкун

¹⁶Ынк̄ам йл̄ьқаюгигатукун. Қайўа югусипут каялиқыстағьғн̄ата, тағнығапут нутахтыңъўт ахутаңа тамахан. ¹⁷Сығлыл̄ильыпут сясқуҳағут мулюяққангитут. Иўырңа там̄акут ят̄ахқутн̄ўйлью альыхықтысқылъюку Кияғнығмың кынлыңилңуқ қуялғыхлъяк.

Ынк̄ам сығлыл̄ильыпут аваңилңуғыстун аюкут.

¹⁸Сюмыхтағ̄аткумаңин̄гатапут сығлыл̄ильыпут. Итупиль сюмыхтағ̄аткақапут ысхахпағниңилькыпут. Қантағақун сығлыл̄ильыпут кынлытх̄ўлғықут, иўырңа қуялғыхпут ысх̄йгалъкыфут қўнпыкаққағуқ.

5 ¹Хўани нунами укут югусипут кияхфипут хижинастун аюкут. Лїсимакахпут югусипут туқуката Кияғнық мыңтығалг̄ўқ қиялгми хўаңкунъун кияхфихкамың. Кияғнығым улимакақ̄а мыңтығақ, юғым улимақынғит̄а. Тана мыңтығақ қўнпыкаққағуқ.

²Ипа ңилъыхтукун нунамытңулюта қаюхлъяк кияхсюпихлъыхйкун югусиғрағамнѣи қиялгми.

³Аткастун ал̄ьықахпут там̄акут югусиғрағат амсикағмынъыңин̄ьялюта. ⁴Югусипут хижинастун аюкут.

Хижинамыльюта ңильыхтакукутлюю, сығлылихтукутлюю қаюхляк матахсюгигалькыпут. Итупиль симиғьюгақапут югусинун туқуңигалңуғнун. ⁵Кияғнығым ятәхқутқақилью хўавык альяңуҳтыльығмун. Хўаңкунъунлюю тўныхқақәк Тағныңағни лїсимақысқыльюку альяңуҳтыльыхқақпут ипапыстәк апығйхльықнилюку.

⁶Ынкәм йўлың илютәкукут. Лїсимақақпут нымытңулюта югусимнъи, Атанығмысигатукут. ⁷Кияхтыңьўкут ухпықилыхқун, накән ысхақаяумтыхун. ⁸Ынкәм илютәкукут. Унисюгақапут югусипут нымынъалюта Атанығми. ⁹Нымысяғңәмта налиғмың нымынъыгитығңәмта, ыфқуҳсюгақақпут Атанық. ¹⁰Қамахльюта ныкывыпыстағьяхқәгукут Христосым сивуңакун нанқихтысқыльюта. Атәсикахтәмта альхығульыкукут пинилғймың налиғмың сығлығмың апығйгутыльымтыстун югусимтыхун.

¹¹Ынкәнам алиқақақпут Атанық, тамākын апальюқлюку ухпыхтыснақутқақапут югыт Христосыкун. Кияғнығым лїсимақилью натылңутфут юғни, сюнаңқ лыпысылю лїсимақитыкут таўатыльюта. ¹²Льпысинун тугукльихтыснақутқыңьунғитукут альямың. Итупиль уңипәтақамси хўаңкунъың лыпысинун қукәюгуткысқыльюта. Тәхкын апығьяқлыгухльықақпысикут қукәюгуткилғйнун юғым қәстүлңинаханың. Ұәкигатәт сяңутаңа юғым илюмикыхкә. ¹³Нальютуйиқңукумта, Кияғнығмун аюқуқ, иўырңа нальютуйиқңунғилькумта, лыпысинун аюқуқ. ¹⁴Христосым иглығутңйлью пиниқылғығмикун. Лїсимақнўағақпут юғым атәсим тукуматкыхқақә қамахтыңьўағлюку йөк. Тамākын апальюқлюку қамахтыңьўағлютың югыт туқукагут. ¹⁵Христосым тукуматкыхқақй қамахтыңьўағлюки югыт. Ынкәм кияхльыхйт кияхсяқлыгульыкут лъңанун, накән лъмыхнун катам. Туқулюни уңувахтыкәгуқ лъңит апальюқлюки.

Илякумтәгульық Кияғнығмун Христосыкун

¹⁶Хўакын кынлыкльюку кина алңунак суюмыхтағәткынъанймәхпут нунам юган суюмыхтағәткыльхатун. Қайўа атәсимиң

сюмыхтағаткыхкақахпут Христос нунам юган пильхатун, таўатын сюмыхтағаткынъанймāхпут. ¹⁷Кина алцунак Христосым пильнъыгминигу нутағахльюгухтакуқ. Кияхтāльльюга авйгутақуқ, иўырңа нутағахльюк кияхтāльхә пинлиғақуқ. ¹⁸Кияғнығўқ таўатын пикақ. Лъңан илялиғутыстыкақилью лъңанун Христосыкун. Қыпхақалитильюлью, иляңилью югыт илялиғутысқыльюки лъңанун. ¹⁹Христосыкун Кияғнығым илялиғўй қамахтыңўәғлюки югыт, умьюгағмикыхпынаки сығлыҳкылъхит. Ынкāнам уңипақалиткақилью āпхысқыльюки натын лъңанун илялиғутаңи лъңит. ²⁰Кияғнығым каяхтыкақилью уңипақтыңулюта Христосымун, ынкām хўаңкутхун тагисқыльюси лъңанун. Акузистыңўкут Христосымун кайымилғит илялиғутысқыльюси Кияғнығмун. ²¹Христос сығлыҳкумаңитўәхтуқ, иўырңа сығлыҳкылъымнъун Кияғнығым ағыўқақә сығлыҳкыхкāлюку. Ынкām Христосыкун Кияғнығым ылькуғуттаңлъяқакилью.

Б ¹Қыпхалгуткутутымнъың Кияғнықлью, таўа кайымамси Кияғнығым наңлыхталъхә тугукльиҳпынāн тымңитхўаңулюку. ²Кияғнық пикағуқ: «Пильыҳқахльюўәғми нагақуқақамкын, ағнығани югулилъхым каюсиқақамкын».

Уңипāтамси, мāтыңўқ Кияғнығым пильыҳқахльюўәға; нагатық, мāтыңўқ ағныға югулигильхым!

³Кияхтāльымтыхун нāхсяғаңльйгатапут югыт, сығлықўфқāн писқыльюку қыпхақахпут Атанығмун.

⁴Иўырңа сяльымтыхун тамаҳākун лигикыстакукут югнун Кияғнығмун қыпхахтыкнилюта. Тамāкын апальюқльюку нуқытутималъымтыхун сюфльюхтағақапут сығлылильхыт, пияқльильхыт, икфиқылъхыт. ⁵Қывутқуқāгукут, анусимиңлъяқāгукут, углятыльыңыхкāгукутлью. Уғлығйқāгукут, қавалькумаңитукут, игатақāгукутлью.

⁶Лигикыстыңўкутлью Кияғнығмун қыпхақахпут пинитун кияхтāльымтыхун, лйсимакильымтыхун, нуқытутилъымтыхун, наңлыхталъымтыхун, пиникипилъымтыхун, Аглыңналғиғныкун Тағнығағныкун.

⁷Қыпхатнўәхпут Кияғнық уңипақылъымтыхун ипапилъық. Атуқақахпут Кияғнығым ахтуғьяхқāңгильхә,

ылькүгуттаңалықлыю гүтуткылыюку ағынқиғнығымлыю,
 сяғумигнығымлыю. ⁸Құлвалбыңақукутлыю,
 укаваҳлыңақукутлыю; сығлыкұхсиғақукутлыю,
 усюкылыңақукутлыю. Иқлыңалғиңуніқйллыю, иўырңа
 акузйқукут ипапигмың. ⁹Югыт нальюкниқйтлыю,
 нақамлыю лйсимаклыюта; угляғңән туқувзиғақукут,
 иўырңа паниның уңувакут. Ағыюгьяғңамталыю,
 туқусигатйнкутлыю. ¹⁰Қивғуңуғңамта, нақамлыю
 қуяңаҳлыяўақукут; аклыюмағңамта, нақамлыю
 аклыюниғистақапут югыт; авақшахйтығңамта, нақамлыю
 пилўақукут сямың тамаҳаның.

¹¹Ухпықалгутымнйи, Коринфығмйни,
 ипапихқылыюси аюқамси. Уңипатамси
 пиниқыпихтамси. ¹²Нукныгусимаңитамси
 пиниқылтымнйың, иўырңа лыпысиңүт нукныгутикат
 пиниқилтыхпысиның хўаңкуньун. ¹³Матын алыхқуғамси
 авақутақыпихлыхйстун, пиникахтикут катам хўаңкута
 пиниқылтымтыстун лыпыси.

Кылыңасяллық Ухпықанғилнүт Аюкнйхқилхитның

¹⁴Иңлюкыхпынаки ухпықанғилнүт.
 Ылькүгуттаңанғилнүклыю, сығлығкылыю
 иңлюкутышағниңитук. Ниғуклыю мамлыклыю
 қырңағмытышағниңитук. ¹⁵Христосым
 итагнақсяхқақынғитңўағә Туғнығақ. Ухпықат
 пиюкыльхит альяңүт ухпықанғилнүғның.
¹⁶Кияғныңляяқат манигуғьяхқангитут Кияғнығым
 Храмыңани. Қаюхлыяк хўаңкута Храмыкйлыю уңуалғим
 Кияғнығым, Кияғнық пикалғй:

«Льңитнилтықуңаллыю, акулңитнилтықуңаллыю;

Кияғнықылыықатңа, льңитлыю юкылыықанка».

¹⁷«Тамакын апальюкылыюку Атанық пикалғй:

Унитыки тамакут югыт, афтык льңитның.

Сяфтыхпынаки укмаңиньығилнүт;

ынкәм тугуклыхлыықамси.

¹⁸Атакылыықахпысиңа,

ынкәм лыпыси игнықылыықамсыллыю,

паникылыықамсыллыю),

пйқ Атанық Ахтуғьяхқаханғилнүк.

7 ¹ Пиниқыхкамни илякумтәмни, Кияғнық тамақуның ақықусяңлъяқатаңаның хўаңқуньун, укмаңиҳсяльтыки альяҳинāt нукухнї югусимталъю, тағнығамталъю. Пылюңиҳтыңўағылъта қаюхлъяк аликаҳпут Кияғнық.

Павелым Қуялъха

² Илялїқаҳқут илюхпысигун. Кина алңунак анағналғїмың пиңигатаҳпут, ухпықилъха нāфкумаңитаҳпут, талўа пұхнықхўсимаңитаҳпут.

³ Уңипātнунғитамси тамақуның авуткынъалюси. Сивунғани уңипātкақамси пиниқыпихнилюси, ынкām кияхтылгусиҳлъяқамси налиғмың туқулгусиҳлъяқамси.

⁴ Нығьюкықхлъяглюси аюқамси, қукāюгуткыпихтамси. Кайымыхлъягақаҳпысиңа. Ынкām сығлылїлъяхлъямнъи паниның тывугāқуңа қуялъығмың.

⁵ Кāтақнамта Македониямун, мығнāлипағниңиткāгукут. Сығлылїқāгукут тамаңани, югыт аҳтїрāқагūtлъю,

тыхыльҳїқāгукутлъю. ⁶ Иўырңа Кияғнығым илютухсяғақї йльқыңғалғїт, ынкām илютухсяғїлъю тагистыльығмикун Тит хўаңқуньун. ⁷ Илютухтыкāгукут тагїқңан Тит, иўырңа илютухлъыңатағахтукут уңипāсилъю лыпысинун илютухсяманилюни.

Уңипātїлъю лыпысинун ысҳағьюпихнилюңа, қивғукнилюңа сығлылїхқыльықпысиның, қаюсиғьюпихнилюңалъю. Таўатын пилъықпыси ўанлығы қуястыхлъягāңа.

⁸ Қайўа посланиямкун қивғустыңғāmси, авутыққуткыңунғитанка посланиянка. Сивукун авутыққысяхтуңа қаюхлъяк посланияма қивғустахтықаңиси. ⁹ Қуяңунғитуңа посланиямнун қивгусиманилюси. Иўырңа қуяхлъягўңа қивғулъықпыси альяңуҳтыстыкақыхкәңи кияхтālғыси. Қивғулъықси Кияғнығым атуқыхкәқā лыпысинун, ынкām натын алңунак хўаңкута ақниҳтыльхитамси. ¹⁰ Кияғнығым атуқакā қивғулъық югнун авутықхыльюки сығлықхыльхитның, югулилъыңысқылъюки. Китум алңунак авутыққуткынъанғитā югулилъық. Иўырңа қивғулъық нунамың пи туқустїқуқ. ¹¹ Ысҳақахтыхуқун

сянутаңа Кияғныңым апығиқә қивғулғыхпысигун.
 Қивғулғыхпыси ыфқуғутысюхляғи Кияғныңмун.
 Ынңаталь ипапихқыньақуткыхкәяхтуси
 анахутыльхинъилюси. Угумиягуткақаҳси анахутыльық,
 алиңрұқәгусилью. Ысқағьюпихтыкақахпысиңа, пинитун
 пикәгуси, ағьоқақахсилью анахуткақ. Таўатын
 пильхпысигун ипапихқыхкәгуси апальинъилюси.

12 Ынкәм қайўа таўатын письмояғнәмси,
 апальюқнунгитақа анахуткақ, налиғмың таўавык
 сығлытун пикәнун. Итупиль письмокақамси
 лйгикңўағысқыльюси Кияғныңым ысхәманғани
 тунңўағлюси хўаңкунъун аюқылғи. 13 Тамәкын
 апальюқлюку илютухтыңўақут.

Илютухтыңинахпынәмта, иўырңа қуяғатағахтукут
 ысқағлюку Титым қуямальға. Қамахлюси
 сюмығьялиңитысимәхси. 14 Қанаткыхкақамси
 Титымун ыфқуқнилюси. Лпысинун пйқнами лйтқақй
 ипаңутаңи сямың пильхынка лпысиның аюқылғит,
 ынкәм кайңуягутыльхитанка қанаткильхынка. Йўлың
 ипапихқыльюта алыхқуғақамси. Таўатыхпигақ ипаңут
 қанаткильхыпут Титымун. 15 Ынкәм Титым ўанлығы
 пиниқәхтиси сюмыхтағәткынбығминигу қәтқутңалғыхси
 лъңанун. Упуғатқақыхкисилью алиңыльылиғлюси,
 уңыльыхтыльылиғлюси. 16 Қуяхлягўңа қаюхляк
 нығюкыхляглюси аюқамси сямун тамаҳәнун!

Ухпықат Тўнильхат

8 1 Ухпықалгутымни, хўаңкута лйсимақысюўамси
 Кияғныңым наңлыхталъханың ухпықанун
 юғағвигитни Македониям. 2 Икфиқлғйхтыльыхлягита
 нанғйхсяғалыңыстыхляяқәйт. Қайўа
 акльюмахлягьяғнәғмың, паниның қуямахлякәгут
 рыпаль иғлыхпынатың тўникагут каюсиғналюки
 иляңи ухпықат. 3 Уңипәтамси тўникагут
 тўньяхқахтуталмығыстун, талўа тўниғатағақәгут.
 Таўатын пикәгут қаюхляк лъңит тўниюлғит. Китум
 алңунак писқумаңити. 4 Талўа апукўтыхлякәгут
 тўнилгусиғналютың Кияғныңым югитнун. 5 Тўнильхат
 углякәгуқ сиғимакыльымнбың. Сивукльютың лъңитның

пыхтут Атанығмун, тәхкын хұаңқуньун пиюкыльҳакун Кияғнығым. ⁶Тит льпысинитақнами пйнлиғикәгуқ қырнухтилъыхпысиның манимың. Ынкәм кайымаҳпут каюсийсхәтйскыльюси апығйғыскыльюку наңльыкусяхси тунусяқ. ⁷Сяльыхпысигун тамаҳәкун пинитун пйкуси: ухпықилъыхпысигун, акулзильыхпысигун, лйсималъыхпысигун, каюсиғиюкысталъыхпысигун, пиниқилъыхпысигунлюю хұаңқуньун. Мәтымиллюю пинитун пйқитык тўнилъыхпысигун.

⁸Қылгунғитамси тўнисқылъюси, иўырңа уңипәтңўәмси натын иляңит тўниматаңи. Ынкәм тўнилъыхпыси ипапихқылъықә пиниқилъыхси ипаңутаңа. ⁹Лйсимакаҳси пиниқиңалъыхлъяга Атанымта Иисус Христосым. Акльюңиҳлъягмини таўальйма лъңаның катам акльюмәхтыкәгуқ льпыси апалъюқльюси. Таўатын пикәгуқ акльюңиғисқықаҳльюси акльюмалъығмикун.

¹⁰Аўатаңани льпыси қырнухтиюхўәкәгуси манимың, тўникәгусиллюю қаюхлъяк тўниюлғйси. Сюмымни хұатыльюку пияқуфсигу, итагнагнаыхтуси, ¹¹нағнығусяқуфсигу пйнлиқахси! Сягиқнакәгуси қырнухтиюхўәгақнафси манимың. Ынкәм сягиқынқиҳльюси апығйхтыху қырнухтыкаҳси. Тўнитык тўнилъыхқаҳпысистун. ¹²Тўниюпихтыкуфси Кияғнығым тугукльиҳльықй тунусяси. Пиюкақә юк тўнисқылъюку тўняхқалгукан, иўырңа аваңискан тўнинғисяғңән.

¹³Нўқшахтистысюгунғитамси иляси нўқшахтинғисималюки. ¹⁴Мәтын льилыхлъяглюси аюкуси ынкәм каюсиғяхқақаси тамәкут акльюлғйт. Иўырңа акльюкуфси таўа лъңита каюсиҳльықйси. Таўатын пикуфси каюситулъықуси ынкәм атуным пильықуси. ¹⁵Катам Акузитыт Игақыхкат игақылъхистун: «Юк сягнаҳлъякақ сййваҳсимаңитук, иўырңа юк сягнапагумәңилңуқ акльюнәңгитук».

Титымлюю Қыпхалгутңи

¹⁶Игамсиқаюгвикақа Кияғнық қаюхлъяк Тит каюсиғиюхтыстыхлъякаңа льпысиның катам хұаңкутыстун. ¹⁷Тит аңыққумакаәгуқ льпысинун пискысыамтыху. Льпысинун пиюпихтыкәгуқ, тәна

лһан Пиюкыльһақа. ¹⁸Ухпықалгутфут Титымун малигутыснақаһпут. Қамахтыңўағлютың ухпықат қырнуғуткаюғның юағвигни усюқыпихтақат уңипақильһаның Пинилгһиңың Уңипаның.

¹⁹Танаңинаһпынән, ухпықат накмикыхкақат малигутысқыльюку хўаңкутхун, тўнияхтуқумта наңлькусыямың тунусыямың ухпықанун. Таўатын пиңукут усюкыльһыңысқыльюку Атанық, югнунлью литысқыльюку каюсиғиюльһыңпут.

²⁰Пирәмсиңукут китумун алңунак сығлықўфқамта пискыльюта натын афльһыңақылльһыңпут тана тунусяхльһак.

²¹Ынкәм тамәкын апальюқльюку атуқсюақаһпут Кияғныңми ылькуғутңалғи, югнилью ылькуғутңалғи.

²²Титмунлью малигутыснақаһпут иляңа ухпықалгутфут. Аўын ысхағналюку натытуляңа пйқаһпут, пиялғйкут йўлың каюсиғиюкыстағлюни аюқыфтуқ. Ўанлығы мәтын каюсиғиюхльһягухтуқ қаюхльһак нығыюкыхльһякаңиси. ²³Тит қыпхалгуткақа, қыпхалгусиғақәңа каюсйһьялюси. Тәкуклью ухпықалгутык ухпықат юағвигнилңут каяхтыкақажыт. Қўлвахльһяглюку Христос аюқак. ²⁴Ынкәм Коринфығмиңи, ысхақтыстыху пиниқильһыңси тәкугнун юыгнун. Тәхкын пиниқильһыңпыси ипапихқыслльһықит ухпықат юағвигнилңут сяңан қанаткыльһымнғың льпыси.

Каюсиғильһық Ухпықалгутнун

9 ¹Письмоткыңғисяғңәмкун аюқақа тунусяқ туоғьяхқахси Кияғныңым югитнун Иерусалимым.

²Лйсимакамси каюсиғиюглюси аюқуси ынкәм қанаткақамси ухпықитнун Македониям. Хўатын пикәгуңа: «Аўатаңани има ухпықалгутыт Ахаиямылңут ятәхқыхкәгут тўниналютың». Сягиқылльһыңпыси альюльюки ухпықат мәнлыңут тўниохтыстыкақйтлью.

³Иўырңа каяхнақанка иляңи ухпықалгутыпут льпысинун. Апальюқақа қанаткильһақ льпысиңың тымңиуфқән пискыльюку. Ятәхқысқысюгамси катам хўаңа пискыльһымтун льпыси, ⁴лўрақ Македонияғмит иляңита малихнаюкаңатңа Коринфымун. Ысхақумиси ятәхқыльһильюси тунусяхқаһпысиңың, тәўа хўаңкута

кайнусякыльықылтыю, лыпысылтыю кайңуюхлытықуси.

⁵ Ынкәм сюмыхтағаттуңа сивумни каяхтыкыстағналюки иляңи ухпықалгутьпут. Таўатын каюсильықиси ятәхқысылтыюку акықусяқыхкаҳси тунусяқ. Тәхкын кәскума тунусяҳси апығиғнальықуқ, ынкәм югыт лйсимакыльықат тўниюльыҳси, накән қаюхльыак тўнияҳқатыхпысиның.

⁶ Нықамикльыюку уна, юк паляҳағмың пйтутмың пйтысиғақуми, паляҳән сяғналъықуқ. Юк угляглюку пйтутмың пйтысиғақуми, угляглюку сяғналъықуқ.

⁷ Тамаҳаҳпыси сюмыхтағаткитыху тўнилъыҳқахтуталыси. Иғлыгумаҳпыси тўнихпынаси налиғмың тўнияҳқатыхпысиның. Иўырңа қуякусиқльыюку тўнйқитық қаюхльыак Кияғнығым пиниқй таўатылңўт тўнистыт.

⁸ Кияғнығым тўньяқльыгўйси акльюкыхкаҳпысиның қайғульыюку. Ынкәм йўлың сямың алңунак пилгульықуси, сйпңәнльыю каюсйтықсылтыюки иляси. ⁹ Акузитни Игақыхкани игақңақ:

«Иғлыльңунани тўнйқуқ акльюмалдйнун;
пинитун пимальҳа нағнығьяҳқағуқ қўнпың».

¹⁰ Кияғнығўқ тўникаюк пйтутмың пйтысиғахтымун, нықмыңльыю нығьяҳқамың. Тўныльықә қамахльыюку пйтун акльюкыхкаҳси, нагусльықйльыю. Ынкәңам унатахльыяхлытықуси қаюхльыак иғлыгилңўси.

¹¹ Сякун тамаҳәкун акльюңиғисльықйси, наранңунән тўнисқыльыюси сяльығми тамаҳәни. Ынкәм тўнилъыҳпысигун хўаңкутхун углялғйм игамсиқаюгвикыльықат Кияғнық. ¹² Кияғнығым югита Иерусалимымылңўт альыххлытықит акльюкыхкатың тунусяҳпысигун. Ынкәм

юлгутыхльыагыт игамсиқаюльыгмың тывуғалтықут Кияғнығмун. ¹³ Тўньяҳқахпысигун ипапихқыльытықуси ухпықиңанилюсылтыю, қаткутңанилюсылтыю Пинилдйнун Уңипәнун Христосым. Тамәкын апальюқльыюку югыт усюкыльықат Кияғнық. Усюкыльықатльыю иғлыльңунаси тўнилъыҳпысиның Иерусалимығмйнунльыю, иляңитнунльыю. ¹⁴ Ынкәңам пиниқыпихльыюси юғаткыльықйси апальюқльыюку пиниқылтығрухльыак Кияғнығым тўнңақаңа лыпысинун. ¹⁵ Ййқай

игамсиқаюгвикыльтыху Кияғнық тунусянун акузитыт апыҕпагницильқаңат.

Павелым А̄пқаңа Қыпхақани

10 ¹Иляңита юхпыси п̄йқ̄атңа тытухтағнилюңа лпысининьымни, иўырңа тытугиганьй̄қ̄атңа лпысининьығиньымни. Хўаңа Павел, хўаңамның катам, Христосым қусывығңалъхақунлью, пиниқыльхақунлью, ²тытухтыснығитаҳнакыфсиңа л̄ялих̄фикынқихтыкумси. Иўырңа тытугьяҳқақынғилькумки там̄акут югыт пилд̄йт кияхтыңьунилуңа нунам югыстун, ынң̄аталь тытугн̄ангитанка. ³Нунамытңуғң̄амта пильюўй̄гатукут нунам юган пильюўальхистун. ⁴Г̄утутыт пильюў̄асипут нунам юган г̄утуткынғитй̄. Г̄утутыпут Кияғныңым ахтугьяҳқ̄ангильханың пилг̄ут. Н̄афқысяқлыг̄уйт айыпсюгилн̄ут миңльютыт аңуяғым ныкыфқуқй̄ югыт увитаңитхун. ⁵Т̄акутхун г̄утутытхун н̄афқақапут аңуяғым иқлыңй̄, сюмығныңитлью аң̄аюғныңыт. Апыхтуғильхита амигиғақйт югыт л̄итыльыхқ̄йтның Кияғныңмың. Катам пильюўахтыт тугутыльхистун анусимиңльгьяҳқамың, хўаңкуталъю туг̄ўақапут қамахльюки сюмығныңыт қ̄аткутысқыльюки Христосымун. ⁶Христосымун қ̄аткутңьў̄ақуфси, т̄аўа ағыюғияҳқ̄ахльықукут қ̄аткуньығилн̄угнун.

⁷Нанқихтй̄куси ысхальх̄йнахпысигун.

Христосымун пикыпыстағникуфси, нықамикльюку хўаңкуталъю Христосым пикй̄лью, лпысисун.

⁸Кайңукигатақа қанаткивлығапалъқа Атанғым иглығутистыңухтыстықаңа лпысинун. Таўатын пика̄гуқ хўаңкуньун кайымысқылъюку ухпықильыхси, нак̄ан н̄афқынъалюку.

⁹Сюмыхтағахпынаси алиңыснакуткыңунилюси посланиямкун. ¹⁰Иляңита п̄йқ̄йт Павелым посланияңи сығлыхльягунилюки ахс̄ягмикағңанилюки, нақам хўаңкуньынъығмини, ахс̄ян аюқақуқ, акузийй̄тақуқлью! ¹¹Там̄акут югыт таўатын пикат л̄йгикльйтху сямың пильыхпут посланиятхун, там̄акуңут ат̄асит пияҳқапут л̄ңитнун пикумта.

¹²Иңлюнъақуткынъангитукут там̄акунун аң̄аюхлых̄йнун. Сюмыхтағағақут аң̄нилютың

қаюхляк уңип̄атуақылг̄ит̄ аңнилютың. Налъѳохағмың!

¹³Қук̄аюгуткынъангитахпут алңунак қыпхақақ Кияғнығым каягусимаңилькаңа хұаңкунъун. Иўырңа қук̄аюгуткыңинахлығыахпут қыпхақақ каягутк̄а хұаңкунъун. Лпысылъю илятңәси қыпхақамнъун.

¹⁴Сивулихпиг̄агукут уңипақияхтуқани лпысинун

Пинилг̄иның Уңип̄амың Христосым. Ынк̄ам альпагигатахпут қыпхақақ Кияғнығым каягутк̄а хұаңкунъун. ¹⁵Қук̄аюгуткылығыахпут танаңинақ

қыпхақақ пикахпут, нак̄ан иляңита қыпхақат.

Ухпылтыхтухтыкуфси сигим̄акут каюсиғатағй̄сқылъюта қыпхақамнъың. ¹⁶Ынк̄ам уңипақияхтухлығыкут

Пинилг̄иның Уңипаның иляңитнун нунат.

Қук̄аюгуткысюгунгитахпут қыпхақақ иляңита апығй̄қат.

¹⁷Иўырңа игақңақ Акузитни Игақыхкани хұатын:

«Кина алңунак қук̄аюхсюкуми, қук̄аюгуткылығыу Атанхйнақ». ¹⁸Атанғым тугукльй̄гат̄и пиниг̄нилг̄ит̄.

Итупиль Атанғым тугукльй̄дақй̄ там̄акут пиниг̄нилюки пикани.

Павелылью, Апостолысиғўағылтъю

11 ¹Сигимакамси ныкыхмытутысқылъюңа азукикума тымңитхўалг̄й̄стун натыңй̄хақ.

Ныкыхмытутықахтыңъа. ²Қуңьяғақуңа Кияғнығым қуңьяқылъхатун лпыси, қаюхляк т̄нум̄амси Христосымун. Пылюңилңуғыстун угй̄гнақылг̄й̄стун аңдусим̄амси лъңанун, угикысқылъюку лъңина.

³Иўырңа алиңутқақамси аңуяғым п̄хнаюкаңиси, катам таўатын нымығям пыхқиниқуткыльюку п̄хтыльхатун

Ева. Ынк̄ам лпыси пиниқнаниг̄ўағнаюкафсигу

Христос. ⁴Уңипақақңамтыки Пинилг̄ит̄ Уңипат лпысинун, ухпықыхкақахси Иисус, тугукльй̄гахсылъю

Аглыңналг̄ик Тағнығак. Иўырңа нагасюкыстаглюки аюқыхкақаси уңипақияхтулг̄ит̄ иляңаның Иисусымың.

Тугукльй̄гиюхтусилью иляңаның тағнығам, ухпықсюкақасилью иляңи пинилг̄ит̄ уңипат.

⁵Там̄акут уңипақистыт апостолыңунилютың

пй̄кут. Сюмығмыхни аңўағунй̄кут апостолыт.

Иўырңа лй̄симаканка аңўағунгитут хұаңамның.

6 Акузильхитығнағма, лйсимахльяхтуңа. Угльаңан лйгикыстақамси лйсималтьымның.

7 Лъпысинун акилыхтухсяқумаңитуңа уңипаққамки Пинилгйт Уңипй Кияғныңым. Таўатын пикағуңа қусывыхлюңа құлвағналюси. Сығлыққысиңаа таўатын пилюңа? 8 Ухпықат иляңитнилңұт юғавгигыт акилыхтуқақатңа лъпысинилъюңа. Ыаяқальхўғанка маниңитның каюсйньалюси. 9 Лъпысинитақнама уғлығйхтыльхитамси каюсйтысқылъюңа акльюкыхкамның. Ухпықалгутыт Македониямың тагитқақатңа сямың тамаҳаның акльюкыхкамның. Ынкām āпфикыльхитамси акльюкыхкамның, āпфикнāнгитамси. 10 Китум алңунак Ахайями ағульхнāнгитā қукāюхтыльқа тāхкын. Таўатын пйңа Христосым ипапихқылъхакун хўаңамнилңуққун. 11 Каютыңльянгитутымның лъпысинун, сюмыхпысинйи пиниқынғинъилюси пйқыстык хўаңамнун? Кияғныңым лйсимака пиниқильқа лъпысинун.

12 Тāўа ихсякйвikuмаңинағнақамси манихпысиның. Таўатын пйқуңа қукāюхнанйсқылъюки апостолысиғўағыт хўаңкутыстун қыпхағнилгйт акилыхтўсяңунатың. 13 Тамāкут югыт апостолысиғўағўт пўхтилгйт югның иқльыңиқылъгмыхтыхун. Югнун сюмыхтағātкыстақут Христосымун апостолыпйкнилютың. 14 Тамыңхўақун. Талўа Тугныңақ альяңухтақуқ лъңаның катам алиғьяхқāлюни кўкхутңалгйтун якулыхтун. 15 Ынкām сяғйғанитут Тугныңām қыпхақтыңи таўатын пикумың. Югнун сюмыхтағātкыстақут ыльқуғутңалдйңуниллютың қыпхақтыңи Кияғныңым. Иўырңа кынлыми Кияғныңым ағьюхльықй ыльқуғутңалдймың ағьюльығмың анахутыльхитнун.

Павелым Уңипақыхкәңи Икфиқыльыни

16 Алъя пймси, китум алңунак сюмыхтағātкынғилъыңа тымңитхўаңулюңа. Иўырңа таўатын сюмыхтағātкыңбукуфсиңа, тугукльықахтыңьа тымңитхўаңулюңа. Тāхкын хўаңалъю қукāюхтывлығахльықуңа. 17 Қукāюгуткыльқа хўаңамның Атанығмың пиңунгитуқ. Итупиль акузиңуңа

тымңи пилгїстун. ¹⁸ Углярлгїт ухпыкӑнҗилнугыстун
 қукӑюхтакут қыпхақамыхның, ынкӑм хўаңалью таўатын
 қукӑюхлығыуа. ¹⁹ Сюмыхпысини пыхқиньпихнилюси
 пїқуси. Ынкӑм қыякусиқлыюку нагатақаси
 тымңитхўалгїт. ²⁰ Тугуклығақаси қылыльхит никимқун
 лыпыси қыпхақтыльғыт лъңитнун. Кагукақыстақуси,
 тыглыгвикыстақуси, укалиқыстақусилью, талўа
 хинахпысигун қасяхтыстақлыюси. ²¹ Кайнуоухтуңа
 каятыпихтукут таўатын пильыхқамндың лыпысинун
 тамӑкустун апостолсиғўағыстун.

Кина алңунак қукӑюхсяхқакан, хўаңалью
 қукӑюхлығыуа. Иўырңа таўатын пильыхқак
 тымңитхўаңўқ. ²² Такут апостолсиғўағыт, Еврейеңўат?
 Хўаңалью Еврейеңўа. Израилыгмїңўат? Хўаңалью
 Израилыгмїңўа. Авраамым киңунқакї? Хўаңалью
 киңунқӑна. ²³ Христосым қыпхақтыкакї? Иўырңа
 хўаңа пинигатағатуңа қыпхахта лъңитның. Таўа
 акузїна нальыкағнилнугыстун. Қыпхағатағакӑгуна
 лъңитның, анусимиңлягвигмытӑгақӑгуналью лъңитның.
 Кахсягмильыңыхкӑгуна кыстыкӑнҗилнугмың, углярлҗӑн
 туқувзиғӑтақӑгуна. ²⁴ Тальимагьягның Иудейт
 иглығутистыңита кахсягмихтыстӑтағӑтҗа. (Юк мӑлгук
 қуля стаманың иңлюлык сїпнықлыюкуңўақут атӑсит
 кахсягмильхыт.) ²⁵ Римыгмїт умїлўағита пиңаюның
 анагулыхтыстыкақӑтҗа. Атӑсимың иляңита югыт
 милуопагӑтағӑтҗа. Пиңаюның аңьягигутутақӑна
 ынкӑм атӑсимың унульқусиқ, ағныльқусиқ ўхуткақӑна
 кылїни. ²⁶ Углярпихлығыхїми иглығалғымни
 ынңӑталъ якуғнихтуңа кигўигни, ўаяғнихтының, талўа
 юлгутымныңлыю, язычнигныңлыю. Якуғнихтуңалью
 ныхльягни, килгӑни, кылїнилью. Талўа якуғнихтуңа
 ухпықӑлгутысиғўағның. ²⁷ Уғлығїхльыкӑгуна,
 пияқлїйғақлыюа. Иляңани қавахпынаңа,
 игатағӑғмалью, мықсюғӑғмалью. Аўын нықңитақлыюа,
 азигутїтақлыюа, хўтақлыюналью ӑткїтым. ²⁸ Тамӑкут
 сӑғўитхун, ахутаңа тамаҳӑн сюмыгьялиткыхкақанка
 ухпықӑлгутыт тамаҳїтни юғӑвигни. ²⁹ Ухпықӑлгутым
 ухпықильхӑ каянбығани, хўаңалью каятақуа.
 Ухпықӑлгута китум сығлығқыснығагу, ськшитақуа.

³⁰ Қукāюхнақдукума, қукāюхлығыуна каяльықусимның.
³¹ Кияғныңым лйсимакаңа иқлығыңқнāнгитуңа. Лъңа
 Атакā Атанғым Иисусым, усюқсяхқақ қўнпырухльяк.
³² Дамаскымыльюңа, правителым тугустысюкақāңа.
 (Умйльгым Аретам правителынухтыстыкам.) Ынкāм
 тугусқылъюңа пильюўахтыни қылыңакистыкақй
 ныхльягым амихльягитни. ³³ Иўырңа илякумтāгма
 укихтыкақātңа корзинагныкун миңльютым
 қырғысыхкынкун ынкāм анакагуңа правителымың.

Павелым Ысхағўальха

12 ¹ Қукāюхсяхқāгуңа, анығныхқусйнгитығңāн.
 Паниның уңипāнбақамси ысхағўальтымның,
 Атанғымлью алихқуқāның хўаңамнун. ² Лйсимакақа
 йок Христосымылңуқ. Қуля стамат сйпнықльюки
 аюмиқулъығни агани нағухтыкани Кияғныңым
 майтқахтыкақā пиңаянун қияльгым. Налъюкңўāгақа йок
 югусиминитутаңа налиғмың югусиминың āнқакāтаңа,
 иўырңа Кияғныңым лйсимака. ³ Лйсимакақа тāна йок
 Кияғныңым майтқахтыкақā Райемун. Налъюкңўāгақа йок
 югусиминитутаңа налиғмың югусиминың āнқакāтаңа,
 иўырңа Кияғныңым лйсимака. ⁴ Таўани нагаткақй
 сяңўāt апығьяхқāнгилңўт. Тамāкут йнғуткāгут югмун
 акузиткысяхқāлютың. ⁵ Қукāюгуткынбақақа тāна йок,
 иўырңа қукāюгуткынбақынғитуңа хўаңамның иўырңақун
 каяльықусиқыхкаҳинамның. ⁶ Қукāюгуткысюкума
 хўаңамның, тымңиңунāнгитуңа қаюхльяк апыхльыкақа
 ипапилъық. Иўырңа қукāюгуткынбаңғитуңа хўаңамның,
 қаюхльяк югнун сюмыхтағātкысюхтуңа ыльқуҳльюңа
 ысхапальхитхунлью, нагатыльхитхунлью хўаңа.

⁷ Кияғныңым алихтыкақығңāки хўаңамнун
 угляпихльығйт сяңўāt қияльгми, қукāюхтыстысюңгитāңа.
 Ынкāм Кияғныңым қусывыхтысқылъюңа
 сикухльюңыстāңа югусимкун. Тāна сикухльюк
 уңипахтыңўқ Туғнығағмың. Тāм икфиқыстāңа
 қусывығңасқылъюңа. ⁸ Пиңаюның кытўиль Атанығмун
 юғағақуна иқитысқылъюку. ⁹ Иўырңа пиңа: «Каюсилъқа
 нāмāқ лыпынун сюфльюхтысқылъюку тāна икфиқылъық
 қаюхльяк ахтуғьяхқāнгильқа икнақылъыхпигāгўақуқ

кайлъиқныхпыни». Ынкām қуякусиқлъюку кукāюхтақуңа кайлъиқусимның хўаңамнитысқылъюку Христосым ахтуғьяхқангильха. ¹⁰Тана апальюқлъюку қуяқуңа кайлъиқңанымни, сығлықұлтыңнымни, пияқлъйнымни, амьботкылыңнымни, альяҳйнағмыңлъю сығлылйнымни Христос апальюқлъюку. Қаюхлъяк кайлъиқңанымни таўа икнақақуңа.

Павелым Сюмығъялиткыхкаңи Коринфығмит Ухпықит

¹¹Акузиңуңа тымңитхўастун, иўырңа лыпыси таўатын пистахпысиңа. Лыпыси пинитун акузиткысяхқақсығахпысиңа иляхпысинун. Қайўа сясйңгитығңағма, тамāкут «аңўағыт апостолыт» аңўағунгитут хўаңамның. ¹²Лыпысинильюңа ныкыхлъюўан угляпихлыгыт альяҳйнāt альяҳлъюхўахтильхыт пикақанка. Тамāкут ипапихқātңа апостолыпйгутка. ¹³Сякақсиңи ухпықат иляңитнилнўт юғағвигми лыпысинун пимаңилькымның? Атāсиҳйнақ альяңўк, акилгукумаңитамси. Сығывутахтыңа анахсимакумси! ¹⁴Лялихфикнақақамси пиңаййткун, иўырңа уғлығгуткыстысюңгитуңа лыпысинун. Лыпыси сюмығмикақамси, накāн сяғьяси. Тағнухāкылгйстун аюқамси. Тағнухāt афльыңақияхқангитут аңаюқамыхның, иўырңа аңаюқат афльыңаксяхқакйт тағнухатың. ¹⁵Тўньяхқахтамси сямың тамаҳāның хўаңа пимның, талўа хўаңамның тўнылықуңа лыпысинун. Пиниқатағанымси, льяңақа лыпыси пиниқыпагигатахпысиңа.

¹⁶Лыпысилью, хўаңалъю лйсимакахпут уғлығхтысимаңитамси. Иўырңа иляхпыси анахусиманйтңа. Пйкут пўхнллиюси иқлъыңиқылъымкун. ¹⁷Натын таўатын пистымси? Сякыңыхкāзиңа лыпысиның каяхтақамки югыт лыпысинун? ¹⁸Каяхтыкақақа Тит лыпысинун писқылъюку, ухпықалгутфутлъю малигутысқақа. Титым пўхсимисй? Накā, Титымлъю, хўаңалъю қыпхақахпут атāсйгуқ, атāсикун тағнықакун.

¹⁹Сюмыхпысинийи лыпысинун ипапихқынъақуткыстыху анахусиманилютуң? Накā! Кияғнығым нагақўманғани, акузйкукут Христосым акузисқылъхатун. Пиниқыхамни,

сяңўа қамахльюку пйқахпут икнақухсяғналюку ухпыльыхси. ²⁰Сюмыгъялиткақамси льпысинун к̄аскума ысқақумси альякнаюкамси хўаңа сиғимақылгымның. Льпысылью хўаңа ысқақуфсиңа альякнаюкафсиңа сиғимақылгыхпысиның. Сюмыгъялиткақамси ағиватңунаюкафси, ақинакутңунаюкафси, сякш̄атутңунаюкафси, лъңин̄аюгутңунаюкафси, сығлықўгутңунаюкафси, ййльхитңунаюкафси, қук̄аюгутңунаюкафси, с̄охльиқутңунаюкафси. ²¹Сюмыгъялиқуңа алья такукумси Киягныңма кайңусякнаюкаңаңа сивухпысини апальюқльюки сығлықылгыси. Ынк̄ам қивғухльяхльықуңа қаюхльяк углялг̄ини льпыси сығлыққумаңинагуси авутыхқыпынаси. Паниның сюмыхтағақуси нечистотамың пылюңиньыгилңуғмың, блуда атуқақаси, алңунасығат анағналг̄ит нуқытусигатаси.

Киңул̄ит Кылыңасяльхыт

13 ¹Уна пиңаййтк̄а л̄ялихнақылгьыгма льпысинун. Акузитни Игақыхкани игақңақ хўатын: «Юк анахусимаңиткатху, м̄алгук налигмың пиңают л̄исимакистыт ипапихқысыяққак̄ат анахутыльха». ²Тўңлих̄ани л̄ялихфикақңамси кылыңасяқак̄амси там̄акут сивунг̄ани сығлықылг̄ит. Иляңитлью кылыңасяқак̄анка, тагинқихтыкума ағьюгмихльықнилюки сығлыққумаңинақата. Там̄аньыгитыг̄нагма кылыңасяг̄нақанка. ³Хўаңамнун ипапихқыстысюкиси Христос акузйкутаңа хўаңамкун. Христос каяньыгитук̄ ағьюгмикумиси, итупиль ахтугьяхқангитук̄. ⁴Қайўа Христос каятк̄аяхтуқ қақўрағак̄анамыхтыху, м̄атын кияхтыңьўқ Киягныңым ахтугьяхқангильхакун. Хўаңкуталью каятукут катам Христосым каятк̄аяльхатун. Иўырңа льпысиниткумта каюсийльықамси Киягныңым ахтугьяхқангильхакун.

⁵Ювг̄йхтык льпысиның л̄игикысылгьюку ухпықылгыхси Иисус Христосымун. Л̄игикынгистыхуу Иисус Христос кияхтыңьутаңа илюхпысини? Илюхпысининьыгитңукан, т̄аўа ухпықыпильхитахси. ⁶Сюнаңуқ л̄игикитыху

Кияғныңмун итагнақуманилюта. ⁷Юғағақукут Кияғныңмун каюсйтысқыльюси анахутыфқәфси писқыльюси. Иўырңа юғәңунңитукут ипапихқыньалюку льпысинун Кияғныңмун итагнақуманилюта. Итупиль хўаңкута юғәткақамси ыльқудутңән писқыльюси, қайўа югыт пиғнатәлью итагнақыльҳинъиллюта Кияғныңмун. ⁸Кипульхинәҳпағниңитахпут ипапилтық; итупиль иляпхаяҳқақхпут. ⁹Қуяқукут каянъымта, икнақңуныхпысини. Ынкәм юғәткақамси вығунъықихтысқыльюси кияхтысқысюльханун Кияғныңым. ¹⁰Тамākын апальюқльюку письмокақамси льпысинун пивагилгама қаюхльяк нанқихсюңилтькымси ағьюғмигьяҳқәлюси. Атанғым қыльқақәңа нанқихтыстыңулюңа льпысинун. Ынкәм нанқихсюгамси каюсйньалюси ухпықильыхтухтысқыльюси, накән каялисқыльюси.

¹¹Ухпықәлгутымни, таўатынңам пйңа. Қуяңатык. Выгутык кияхтысқысюльханун Кияғныңым. Писқысюльымтун питык. Кияхтык итагнақульюси, ныкыхмытульюси. Ынкәм Кияғның тынымыңа пиниқыльхымлью, ныкыхмыльхымлью льпысинилъи.

¹²Қуякутутақитык аглығналдйкун нәльыхқун.

¹³Қамахльютың ухпықәлгутыт пиниқйсиңут.

¹⁴Наңльыхталъҳа Атанғым Иисус Христосым, пиниқыльхәлью Кияғныңым, қырңағмытыльхәлью Аглығналдйм Тағныңам льпысинилъи.

Павелым Посланияңи Ухпықанун Галатиямылңуғнун

1 ¹Укут посланият Павелымың пиңўт, апосто­лымың. Югыт накмикыльхитатңа апосто­лыңулюңа, талўа каяхтыльхитатңа. Апосто­лыңўхтыкәгуңа Иисус Христосыкунлю, Кияғныхкунлю Атакун, уңувахтыстикақ лънаның туқул­гымың. ²Письмоғақамси ухпықани Галатиямылңуғни. Қамах­лыютың ухпықалгутма мәнлыңўт пиниқйсиңук хўаңамнун малигульютың.

³Кияғнығым Атамта, Атанымталю Иисус Христосым наңлыкльисилью, ныкыхмыльылгусльисилью.

⁴Христос лънаның аққуткыхкәгуқ сығлықкыльымнбун, итымунъалюта хўакын сығлығмың кияхтәльығмың. Кияғнымта Атам пиюкыльхатун пикагуқ. ⁵Ынкәм Кияғнық усюкыльыңли қўнпырухляк кынлыңунән. Аминь.

Атәсйнәгуқ Пинилгй Уңипақ

⁶Сяғйаягутамси әўалю пыхтахтаҳси туқлюғистызи наңлыхталъхакун Христосым, тугуклығйси альяның «пинилгйның уңипаның». ⁷Авақшахйтуқ аля «пинилгйның уңипаның». Иўырңа иляңита югыт тыхыльхйхтыстақйси альяңуҳнақуткыльығмыхтыхун Пинилгйтнбың Уңипаның Христосымың аюқылгйт.

⁸Қайўа яқулык қилягмың, налиғмың налимта хўаңкута уңипақыхкумтыки «пинилгйт уңипат» альяңулюки уңипақыхкамнбың лпысинун, тәна Уңипақилгй Кияғнығым нанқихлыгу ағьюльығмун. ⁹Сивунғани уңипатқақамси, хўа уңипәнъақльятәгамси, китум алңунак уңипақыхкумики «пинилгйт уңипат»

алъянулюки ухпықыхқахпысиның, Киягныңым
нанқихлығыу ағъюльығмун.

10 Таўатын акузильымкун ыфқуҳнақуткыңунғитанка
югыт. Накā, Кияғныхйнāгуқ ыфқуҳсюкақа. Паниның
югнун ыфқуҳтинақуткыңбукума, Христосымун
қыпшақтыңунāнғитуңа.

Натын Павелым Апостолыңуҳтыльға

11 Ухпықалгутымни, уна лйсимакысюгақа лыпысинун,
Пинилғит Уңипат уңипақақыхкынка югның пиңунғитут.

12 Нагақуқақынғитанка югның, талўа китум алңунак
апыхтўткумаңитй хўаңамнун. Иисус Христосым
алихтыкақй хўаңамнун.

13 Нагақуқақахси натысътка малихтыңбулюки
Иудейт кияхтāльхит. Ынңātаль наңлыгыюльнңунаңа
амьюткыхкақанка ухпықат, тāкуңинахāгның
авйгутыснақуткыхкақанка. 14 Иңьяқақанка альюлюки
аңтāлгутынка атуқңулюки Иудейт кияхтāльхит,
қаюхляк сягиқныхлягуяхтуңа сивунымта
наңағнығитнун.

15 Иўырңа альхығумаңильюңа Кияғныңым
намикыхкақāңа, наңлыхталығмикун туқлююқақāңа.
16 Ынкāм хўаңамнун алихтыкақā кинаңутаңа
Иғныни уңипақысқылюку язычнигнун. Кинкунун
алңунак акузиткысяхтульхитақа тāна, 17 талўа
Иерусалимытыльхитуңа акузиткынъалюку
апостолыңуҳтыканун сивумни. Йығлыги Аравиямун пйңа.
Тахталми утығнихтуңа Дамаскымун. 18 Тамāни пиңают
аюмиқульхыт атуғлюки Иерусалимытуңа алыхқуғналюку
Кифа (Петр). Лъңанитуңа акимигақ унук. 19 Кина алья
апостол алыхқуңгитақа иўырңакун Иаков, Атанғым
аңлыгутаңа.

20 Апқанка укут ипаңт, Кияғныңым лйсимакаңа
иқльыңиқңунғитутуңа.

21 Тāхкын иглығāңа Сириямунлюю, Киликиямунлюю.

22 Тамāни Иудеями ухпықат Христосыкун сялин
налъйгалькаңатңа хинасяхқуғлюңа. 23 Таўаңинақ
лйсимака̄т нагақульықтың хўатын: «Юк
амьюқытиқыстыкыхкахпут, нāфқйнақуткыхкақлюю

ухпықилъымнъың Христосымың м̄атын х̄ў̄а уңипақйқуқ
ухпықилъығмың Христосыкун!» ²⁴ Ынк̄ам Кияғнық
усюқақāt х̄ў̄аңа апальюқлъюңа.

Апостолыт Тугукльықаңат Павел

2 ¹Қуля стамат сйпнықлъюку аюмиқулъық
атуғлюку утығниҳтуңа Иерусалимымун;
Варнавам малихт̄аңа Титлъю кыльқақа. ²Кияғнығым
лйгикыст̄аңа Иерусалимытысқылъюңа. К̄асямта ухпықат
иглығутистыңинйт қырңуғутахтысқанка. Таўани
уңипамсюгутанка натын язычнигнун уңипақилъымның
Пинилғйның Уңипаның. Таўатын пика̄гуңа лйбрақ т̄акут
иглығутистыт апыхтуғилъхынка тымңиңунинаюкатки
сивунғанилъю, м̄атынлъю. ³Лйгиканка апыхтуғилъхынка
тугукльығйт қаюхлъяк малихтистыка Тит,
Грегыңуғн̄ан, обрезаниясқынғилъқаңат. ⁴Иўырңа
иляңи ухпықасиғў̄ағыт аксяқлъюку илятут
х̄ў̄аңкуньун рйрңиналюку итымңалъыхпут Христос
Иисусыкун. Қыпхахтыл̄яғуҳнықихтысқылъюта пйлью
Лйлихт̄ус̄ямн̄ьун. ⁵Льңитнун малихқутақылъхитукут
талўа натыңй̄хақ алмысиқысқылъюки ипаңулъхит
Пинилғйт Уңипат апыхт̄ус̄яқылъымтыстун лыпысинун.
⁶Т̄акут ухпықат иглығутистыңита альяңуҳсимаңитйт
Пинилғйт Уңипат уңипақақыхкынка.
(Иглығутистыңуяғн̄ата, х̄ў̄аңамни альяңуғутңитут
қаюхлъяк Кияғнық танйльхитук.) ⁷Иглығутистыт
лйгикум̄ат Кияғнығмун нығьюкусиманилюки х̄ў̄аңамнун
Пинилғйт Уңипат уңипақысқылъюки язычнигнун, катам
таўатын нығьюкутыл̄хатун Петырымун Пинилғйт Уңипат
уңипақысқылъюки Иудеянун. ⁸Катам Кияғнық қыпхақ̄агуқ
Петыркун апостолыкын̄ялюку Иудеянун, х̄ў̄аңамкунлъю
қыпхақ̄агуқ апостолыкын̄ялюңа язычнигнун. ⁹Ынк̄ам
т̄акут иглығутистыт Иаковым, Петырым, Иоанным
ныкывг̄атилғйт ухпықанун, лйгик̄ат Кияғнығмун
тунусялисиманилюңа таўатын қыпхй̄сқылъюңа язычнигнун.
Там̄акын апальюқлъюку Варнавалъю йхыпут ағулятит
тугукльығнилюку қыпхаңулъыхпут язычнигнун, льңит
Иудеянун. ¹⁰Т̄анаңинақ пуйгуснаниғ̄ат каюсийтысқылъюки
акльюмалғйт, т̄аната нағнығусюпихтыкыхка.

Павелым Ағъёғмикаңа Петр Антиохиями

11 Тахталми тākўани Петр Антиохиямыльюни сямьң анахуткақ. Ынкām сивуңитни ухпықат ағъёғмигақа анахутыльҳаның апальюқлююку. 12 Петр нығылгусиғикаюгуялғи язычнигыт ухпықатның кынляңа Иаковым югыт Антиохиятыстыльҳитнун. Иўырңа кāsята нығылгусиғнаниғи язычнигыт, афтыкақлюю льңитның. Таўатын пикālғи қаюқльяк алиңылғи тākут югыт сягиқутңукаңит язычнигыт ухпықат обрезанияхқāнилюки. 13 Тāхкын қамахльютың Антиохияғмит Иудеит ухпықат малигуткат Петырым анахутыльҳанун, талўа Варнавалюю иляльюни. 14 Лйгиксямки қаткуньығитыльҳит апыхтўсйтнун Пинилғит Уңипат, сивуңитни югыт Петр пйқа: «Льпык қайўа Иудейеңуғнāхпык кияхтыңңўтын язычнигыстун, накāн Иудеястун. Сяңитаңам язычнигыт Иудеястун кияхтыснақуткысики?»

Иудеитлюю, Язычнигытлюю

Ухпықильықкун Югулильыңыльҳат

15 Иудеяңулюта альхықāгукут, накāн язычнигыт сығлыққыстыт. 16 Нақамлюю лйсимакаҳпут Кияғныңым ыльқугутңалығминун нальхусяғнāнгитā йок қаткутыльҳакун Лйлихтўсянун, таўатыңинақ нальхусяғльықā ухпықильҳакун Исус Христосымың. Талўа хўаңкута Иудеяни ухпықыхкааҳпут Христос Исус, Кияғныңым ыльқугутңалыҳанун нальхусйсқыльюта ухпықильымтыхун Христос, накāн қаткутыльымтыхун Лйлихтўсянун. Кина алңунак қаткутыльҳакун Лйлихтўсянун Кияғныңым ыльқугутңалығминун нальхусяғьяхқакынғитā. 17 Иудеяни хўаңкута нальхусяғтысюгукумта Христосыкун, накāн Лйлихтўсятхун, иляңита Иудеит сығлыққыстыңунильықйнкут язычнигыстун. Ынкām Христосыңуфтā сығлыққыстынухтыстилғи? Йығлыгилью! 18 Лйлихтўсят пыхтыкақанка, атуқынқихсягускумки тāўа Лйлихтўсянун анахульықуңа. 19 Лйлихтўсятхун туқукагуңа Лйлихтўсянун кияхсяхқālюңа Кияғныңмун. 20 Қақўрātкāгуңа Христосымун малигульюңа, ынкām

хўаңанунанīmāқ кияхльыҳї; Христосыңуҳусимāқ кияхльыҳї илюмни. Кияхтыңуғңағма югусимни, Кияхтыңўт ухпықилъымкун Иғнығаның Кияғнығым. Пиниқыхкаңаңа, тўныхкālдїлью хўаңамнун. ²¹ Ынкām пакигигатақа Кияғнығым тунуся. Юк қаткутылбығмикун Лїлихтўсянун нальхусягьяхқāяқан Кияғнығым ылькугутңалъханун, тāя Христосым тукульха тымңиңунаяхтуқ.

Апальї Лїлихтўсят

3 ¹Нальюағмың лыпыси Галатияғмїни! Китум пўхтиси? Пуйгустыхў āпхўāқақсықыхка Иисус Христосым тукульха қақўрақун? ² Аптахльямси: натын альыхытыкақыстыкык Аглығналғїк Тағнығак, қаткутылбыхпысигун Лїлихтўсянун налиғмың ухпықылбыхпысигун нагаткахпысигун? ³Нальюпигыстык? Аглығналғїғныкун Тағнығағныкун пїнлиғлюку нутагақ уңувальыҳси, апығїғнақыстыхўу лыпысиның катам? ⁴Икфиқылбыхси тымңиңуфтā? Ухпықыпыстāгақа тымңиңуңгитук. ⁵Кияғнығым тўныхкақисий Тағнығағминың, альяхльюхўахтикаўалью акулыхпысини қаюхльяк қаткыхкыси Лїлихтўсят, налиғмың ухпықыхкыси нагақуқаҳси?

⁶Акузитыт Игақыхкат āпқақат Авраамым ухпықыхкақā Кияғнық, ынкām Кияғнығым нальхусяқақā ылькугутңалбығминун. ⁷Ынкām лыпыси лїсимакылбықаси тамāкут ухпықилъылгыт Кияғныхқун Авраамым киңуныхпиғақї. ⁸Акузитыт Игақыхкат āпқыстақақат Кияғнығмун нальхусяғнақнилюки язычнигыт ылькугутңалбығминун ухпықилъхитхун. Нығиғлюку Кияғнығым āпқақā тāна Пинилғї Уңипақ Авраамымун, хўатын пїқңами: «Қамахтыңўāғлютың нунам рамкыңи қуястылбыңнақңўт лыпыгун». ⁹Авраамым ухпықыхкақā ынкām қуястылбыңыхкақ. Таўатыхпиғақ тамаағми ухпықилғї қуястылбыңьяхқāгуқ лънатун.

¹⁰Иўырңа Кияғнығым ағьюгьяхқакї тамāкут сиғималғїт қаткутылбығмыхтыхун Лїлихтўсянун нальхусяхльықнилютың ылькугутңалъханун.

Қаюхляк игақңақ Акузитни Игақыхкани хўатын: «Китум алңунак қаткынғилькаки тамаҳита игақңалғит игитхун Лйлихтўсят нанқихтыльыңыльықуқ ағыўғыаққәлюни».

11 Хўатыхльыўақ лйгикнахтуқ, кина алңунак нальхусягьяхқәңгитуқ Кияғныңым ыльқуғутңальханун қаткутыльығмикун Лйлихтўсянун. Қаюхляк Акузитыт Игақыхкат пикагут: «Тәна Кияғныңым нальхусяқә ыльқуғутңальығминун кияхльықуқ ухпыльығмикун».

12 Иўырңа қаткульхй Лйлихтўсянун сиғимаңунгитуқ ухпыльыхқун, қаюхляк Акузитыт Игақыхкат пикагут: «Сиғималдй Лйлихтўсятхун кияхльықуқ қаткыльыюки».

13 Ынкәм Кияғныңым нанқихтыкақилью ағыўғналюта апальюқльыюки Лйлихтўсят, иўырңа Христосым навьхқылъикақилью нанқихльыхқамның тугульығмикун ағыўльыхқахпут. Қаюхляк Акузитыт Игақыхкат пикагут: «Нанқихтыкәгуқ ағыўғыаққәлюни тамахағми агахтыкақ уқфихкун». 14 Христос Иисусым навьхқылъикақилью ынкәм лъақун Кияғныңым қуястыкақй язычнигыт тәхкын атәсимың қуястыльығмың акықусяқыхкаминун Авраамымун. Ынкәм ухпыльыхқун альхыхтахпут Тағнығак Кияғныңым акықусяқыхкакык.

Лйлихтўсятлью, Акықусяқлью

15 Ухпықәлгутымни, уңипәтахльямси успутахқамың ахутаңа тамахан пйқылдйның: югык акықускумык сямың, игақльыюку игакун, атытыңлью игақльыюкык, китум алңунак ағульхсяхқақынғитә акықутутыльхак налиғмың иляяхқақынғитә. 16 Кияғнық акықусяңльяхтықәгуқ Авраамымунлью, киңунғанунлью. Кияғныңым акықусяңльямаңитй: «Киңунғи», Акықусяңльяхтықәгуқ атәсйнағмун киңуныңмун, тәна Христосыңқ.

17 Тәна лйгикысюгақсяғақа: Кияғнық акықусяңльяқәгуқ Авраамымун ынкәм акықусяни пинақникақә. 430 аюмиқульхыт киңунғитның акықильығми, Кияғныңым тўныхкй Лйлихтўсят. Тәкут Лйлихтўсят тәна акықусяқ сятңунанихқынғанғитә налиғмың нәфқынғанғитә.

18 Лйлихтўсятхун альхыхнақңукумтыху Кияғныңым тунуся, тәўа акықусякун альхыхнанғитахпут. Иўырңа

акықилъыңмикун Кияғныңым тунусяни тўныхкақ̄
Авраамымун.

19 Сяңамың Лйлихтўсят тўныхкаўат? Тўныхкагут югнун
лйгикысқылъюки анахутылъхит сығлыққылъхунилюки.
Такут Лйлихтўсят таўатытк̄агут кынляңа киңунық
тагильханун. Лъңаңўқ Кияғныңым акықусяңлъяқ̄.
Такут Лйлихтўсят Кияғныңым яқулыхтыхун тўныхкақ̄
Моисейемун. Т̄ахкын Моисейем уйгукутистым тўныхкақ̄
югнун. 20 Иўырңа уйгукутистысюғнитук ат̄асиқ акықикуми.
Кияғнық ат̄асих̄атминың уйгукутистысюғнитук.

Апалъй Лйлихтўсят

21 Лйлихтўсят тыңвимун аюқаткй Кияғныңым
акықусй? Нак̄а, йығлыгилью! Лйлихтўсям
уңувальыңысяхқақсякумикут, таўа Кияғныңым
нальхусяғнаяғилью ыльқуғутңалъығминун т̄ахун
Лйлихтўсякун. 22 Иўырңа Акузитыт Игақыхкат
пик̄агут қамахлъюки нунам юги сығлыққылъхым
анусимиңлъяғақ̄й. Ынк̄аңам Кияғныңым акықусяқыхкани
тўнылыкъ̄а ухпықикақ̄йнағнун Исус Христосымың.

23 Сялин ухпыльхильюку анусимиңлъяғ̄аяхтукут
Лйлихтўсянун. Лйлихтўсят а̄хқутақнуяғилью кынляңа
Кияғныңым х̄уаңкунъун лйтыстылъханун ухпыльық.

24 Лйлихтўсят апакутистыксяғапут кынляңа Христосым
тагильханун. Ынк̄ам м̄атын ухпықильымтыхун
Христосыкун, Кияғныңым нальхусяғьяхқ̄ах̄тилью
ыльқуғутңалъығминун. 25 Ухпыльық тагитаңаның
Христосыкун Лйлихтўсят апакутистыкнаниғапут.

26 Ухпықильыхпысигун Христос Исусыкун,
қамахлъюси Кияғныңым авақутақйси. 27 Крестиғақнафси
Христосымун, а̄льх̄йстун Христос пикақақси таўатын
пиюлюгугақылъыхпысистун. 28 Альяңугутңитут
Иудейтлью, язычнигытлью; альяңугутңитут
қыпхақтыльягытлью, қыпхақтыльягунғилн̄ўтлью;
альяңугутңитут югытлью, ағнатлью, қаюхлъяк
қамахлъюси атуным аюқуси Христос Исусыкун.

29 Христосым пикңукаңиси таўа Авраамым киңунқйси.
Ынк̄ам льпысылъю пилйльықақси Кияғныңым акықуся
Авраамымун.

4 ¹Нагныгутахлякун хўатын, иґнық пилїтияхқақ атами сягьяңаның қыпшахтыляґыстун киягуткаюгўк мыкыстāхāлюни, қайўа лъңан пиксяґнāгу сяңўа тамаҳāн атами пїңа. ²Мыкыстāхāлюку югыт афльыңақыхқақāt, сяңўātлю тамāкут лъңан пикахқї кынляңа атаңан пияхқāхнилъханун. ³Хўаңкуталью таўатысяхтукут. Тағнухāлюта қыпшахтыляґуяхтукут нунам иглыгутистыңитнун туғнығағнун. ⁴Иўырңа Кияғнығым накмикыхкā ағнық кāsян каяхтыкā Иғныни, альхықақ ағнакун. Лъңан қātкыхқақї Лїлихтўсят ⁵итымунъалюта Лїлихтўсяның, авақуталїтысқыльюталью Кияғнығмун. ⁶Лпыси авақутақутминың Кияғнығым, Иғнығми Тағнығақык каяхтықақāк илюмнъун, қывульютык пикак: «Авва, Ата!» ⁷Ынкāм Кияғныхқун қыпшахтыляґунанихтутын, авақутақātын. Авақутақāхтутминың льми пини лпынун пилїтыслъықї.

Павелым Сюмыгьялиткыхқаңи Галатияғмїт

⁸Сивунғани нальюксяғахси Кияғнық, ынкāм қыпшахтыляґуяхтуси кияғныгунгилңуғнун. ⁹Иўырңа мāтын лїсимақахси Кияғнық, налиғмың ипапыстāқ Кияғнығўк лїсимакистызи. Сяңафсиңам утыхсюгыстык каялңуғнун сясїнғилңуғнун иглыгутилдїнун туғнығағнун? Сяңан тамāкунун қыпшахтыляґухнықихсюгыстык? ¹⁰Паниның қātкақаси апыхтуғальхит ағныңнун, танқинун, аюмиқулбығнун ағныңнунлю сяльқумсивикақыхқаңитнун. ¹¹Алиңутқақамси, қамахльюни қыпхātилъқа лпысинун сясїнғинъаюкан.

12-13 Ухпықāлгутымни, туңсиғвикамси, хўаңамтун лъйғысқыльюси қаюхльяк хўаңалью лпысистун лъйқāгуңа язычнигыстун.

Сивунғани уңипақитақāмси Пинилдїның Уңипаның сығлытун пимаңитахпысиңа. Нықамиқахси таўани такуқақамси қаюхльяк қинуюгулдїңа.

¹⁴Қайўа қинуюлтығма сығлылїхтысяґнāғмиси укавахсимаңитахпысиңа налиғмың ихсякумаңитахпысиңа. Йығлыги, упугатахпысиңа никимқун Кияғнығым якулгатун, налиғмың Христос

Иисусытун. ¹⁵Нāгу қуяңалъықси? Лйсимакамси пиякльыгуяқата ийыси нусюглюки тагивағнаяғаси. ¹⁶Ынкām аңуййғыстыңъā қаюқлъяк уңипāскымси ипапигмың?

¹⁷Тамāкут югыт қātкутысюкаңиси Иудеит Лйлихтүсйтнун, пиюкыпихтйси лъмыхнун малихқутақысқыльюси, иўырңа апалъят пинингитук. Лъңита āфтысюгйси хўаңамның, лъңинағмың малихтысқыльютың. ¹⁸Пинихтук югыт сōмқыхкумыхтыки юлгутытың, тāўаңинахақ апалъйт пиникаата. Қўнпың тāна ипаңўқ, авйсағңағма. ¹⁹Тағнухахамни, катам ағнам ақнихқыльхатун игниюльығмини хўаңалъю таўатын ақнихқуткынъықихтыңъўāmси кынляңа Христосытун лъйлъыхқахпысинун. ²⁰Хўātук мātын лпысинильхиңа ынкām лйсимакнаялғйңа натын алыхқуғъяхқālюси. Сюмығъялиткыхльяўāmси.

Успутаққак Агарылью, Сарралъю

²¹Лпыси атуқиюлғйни Иудеит Лйлихтүсйтның, талўа лйгикигатаси Лйлихтүсят сямың писйтаңи. ²²Игақңақ Акузитни Игақыхкани Авраамынуқ мālдугыгның игнылгўқ, āльха қыпхақтыльяхқун ағнакун, иляңа қыпхатыльгунгилнухқун ағнакун. ²³Иғныңа қыпхақтыльяхқун альхықāгук югыстун китутун алңунак. Иўырңа иляңа игныған қыпхақтыльгунгилнухқун альхықāгук қаюқлъяк Кияғнығым акықусяқыхкаңа. ²⁴Такук ағнак успутагук мālдугыгнун акықусяхкынун Кияғнығым. Қыпхақтыльяқ Агарь акықусятун Кияғнығым аюқуқ Синайым найғаҳани ынкām альхықāгут қыпхақтыльяхқālютың. ²⁵Агарь Синайым найғаҳақңулони аюқуқ, Аравиямылнуқ. Ағныңмимлъю Иерусалимыңатун аюқуқ, қаюқлъяк авақутақульхйт қыпхақтыльгūt Лйлихтүсянун. ²⁶Иўырңа пāmна Иерусалим қыпхақтыльгитук, лъңа нāкахпут. ²⁷Акузитыт Игақыхкат пикāгут:

«Қуяхлъяги, лпык қумиңигалңўтын,
ақнихқигалңўтын игниюльығмың.
Угихпык унитыңңатын,

ар̄а қуяқлъягым аңталяңаның қаюқлъяк
тағнухағтағасяққагутын ағнамың угилыгмың».

28 Ухпықалгутымни, Исаакытун аюқуси қаюқлъяк
авақутақйси Кияғнығым апальюқлъяку акықусяни
Авраамымун. 29 Тамәни ағнығни тәна иғнық альхықак
югыстун китутун алңунак амьюқытәткыхқақә иғнық
альхықак Тағнығам пильҳакун. Паниның мәтын
таұатытуқ. 30 Иўырңа Акузитыт Игақыхкат сямың
пйтху? «Қыпшақтыляқ ағнақ, иғнығалью ағуляқыстыкык.
Қаюқлъяк қыпшақтыляғым ағнам иғныға ныңиғнәнгитук
атами сягяңаның малигульюни иғнығанун
қыпшақтыляғунгилңұм ағнам». 31 Ухпықалгутымни,
хўаңкута авақутақынгитйнкут қыпшақтыляғым ағнам,
иўырңа авақутақйнкут қыпшақтыляғунгилңұм ағнам.

Итымңалғық Христосыкун

5 1 Христосым хўаңкута итымуткақутаңаның,
итымыпйгумәкут. Ынкәңам ныкывғатык
ағулилькәлюси, қыпшақтыляғуҳнықихтыхпынаси
Лйлихтүсянун.

2 Нагатык! Хўаңа, Павел, уңипәтамси:
обрезаниястыкуфси Лйлихтүсям писқыльхатун, тәўа
Христосым апығйқә каюткынъәнғитаҳси. 3 Аля
кылыңасяғақа тамаҳән юк, обрезаниястыкуми
тәўа қаткыңъўағьяққакй қамахльюки Лйлихтүсят.

4 Лйлихтүсятхун нальхусяқтыснақуткыхкуфси
Кияғнығым ылькугутңальханун, әфльықуси
льпысиның Христосымың, унилғықаҳсилъю Кияғнығым
наңлтыхталъха. 5 Аглыңналғйгныкун Тағнығагныкун
утақанъаҳпут сигималыхпут апығйғысқылъяку.
Сигималыхпут тәнаңұқ: Кияғнығмун нальхусйсқылъяута
ылькугутңальханун ухпықылъымтыхун Христосыкун.

6 Христос Иисусым пикңукаңисилью, юк мыгнуангитук
обрезаниякәкуми налиғмың обрезанияльхилъкуми.
Уна ысқа мыгнуналғй, ухпықилғық Христосыкун
пиниқистилғй юлгутымнъың.

7 Сивунғани пинитуңўақ пиңуяҳтуси. Китум
қаткунъанихтыстиси ипапихқылбығмун? 8 Кияғнығым
туқлыюгистыхпыси пильқынғитә. 9 Нықамикльюку:

«Закваскаңиҳам хўхтыстыхлягақә акўтақ».

10 Лпысылъю, хўаңалъю пикутаңаның Атанғым, нальюнықсюкыңгитанка ухпықнанифқита апыхтўсянка лпысинун писқылъюки. Лйсимакақалъю Кияғнығым ағьюхльықә сығлылйхқилдй лпысиның, кинауяғңән.

11 Ухпықәлгутымни, уңипақиңгатуңа югыт обрезаниясқылъюки. Таўатын уңипақиңуякума Иудейт амьюқытәткынъаниғнаяғәтңа ынкәм қақўра Христосым сюагнйгуткынъаянғитәт. 12 Тамәкут сығлылйхқилдйт лпысиның обрезанияльығмың, лңцитңут обрезаниястыңулютың евнухыңлялхйт лңцитның.

13 Ухпықәлгутымни, Кияғнығым тахсиқәқиси итымңалльығмун Христосыкун. Тәўаңинақ атуқыхпынән итымңалльыхси атуғьяхқәлюки сығлыхқыңғалғит пиюкыльхи югусим. Итупиль қыпхәтыки иляси пиниқылльыхпысигун. 14 Қаюхльык қәткыльықаси қамахльюки Лйлихтўсят қәткыхкуфсигу уна Лйлихтўсяқ: «Пиниқльюку юлгутын пиниқылльыхпытун лпынун катам». 15 Иўырңа лпысиның қаниқунъақнукуфсылъю пильюгунъақнукуфсылъю угихсялғйстун тығикусястун, кылыңатык, қаюхльык нәфқутунъақуси.

Кияхтык Аглыңналғйгныкун Тағнығагныкун

16 Хўатын пймси, кияхтык қәткыльыкык Аглыңналғйк Тағнығак. Таўатын пикуфси атуқнәнғитаси сығлыхқыңғалғит пиюкыльхи югусим. 17 Қаюхльык сығлыхқыңғалғит пиюкыльхи югусим кипульығңәт Тағнығагнун, пиюкыльхи Тағнығам кипульығңәт пиюкыльханун югусим. Тәкук аңуякутук ынкәм атуқнәнғитаси пиюкыльыси. 18 Тағнығам мағьяхқўнукаңиси тәўа Лйлихтўсят атуқсяхқәнаниғаси.

19 Югусим сығлыхқылльыхтуқам пиюкыльхи нальюнйгут. Уқуңт: алңунасығак, сығлытун атуқутыльық, нуқысигалңут алңунақ атуқимун, 20 манйғўтыльық кияғныңльықанун, уйвйниқылльық, аңуйиқылльық, пильюгутыльық, қуңьяқилльық, сякшитыльық, лңинәюхтыльық, әфқымырәльық, қырңуҳпахтәтыльық, 21 ақинальық, сймыльық, қырңуғулютың ахсяхпәхтақут сығлытун пильығмун, иляңаныңлью сығлыхқылльығның.

Кылыңасяғнақлъятағамси сивунғани пильымтун,
тамāкут таўатын кияхлъяхйт илятқананғитут
қуясльығаның Кияғнығым Атаныхпагульхан.

²² Нақамынақ Ағлығналғим Тағнығам пйтыстыкй
укуңўт: пиниқылъық, қуямалъық, ныкыхмылъық,
нуқынъыхтулъық, наңлъяхталъық, пинилъық,
атāсиймытылъық, ²³ якумаңиңитылъық, нуқытылъықлюю.
Такут йнгутылъхитут алңунак лйлихтўсяни. ²⁴ Христос
Иисусым пиңита қақўрātкақит сығлыхқыңьалғит
пиюкылъхит югусимың. ²⁵ Кияхтыңьукумта Тағнығағныкун,
қаткылътыкык Тағнығақ. ²⁶ Қукāюғнығуфқамта,
қинуоухтифқамта, ақинакутыфқамта.

Каюситульюси

6 ¹ Ухпықалгутымни, кина сығлыхқылъхым
кātфальюхтыкагу, льпыси кияхлъяхйни
Тағнығағныкун, пинитуңўақ якуқльюку каюситыху
малигунъықихтысқыльюку Атанығмун. Льпысилью,
кылыңаңўағлюси лўорақ нанғйқулъяңнаюкафси.
² Каюткутульюси сығлылйльыхпысини; таўатын
қаткылъықахси Лйлихтўсяқ Христосым қылгуткā. ³ Кина
сюмыхтағақуми сяңунилюни, сяңунғитығңāғми, лъңаның
пўхтыңьўқ. ⁴ Йықай тамахағми юғым ювғйғўағлигу
кияхтāльыни. Ынкāм пиниқан қуякнақаңа лъми катам
апығйқани успутақылъңунан китум апығйқанун.
⁵ Тамахағми юғым иглығусяхқақй лъми пияхқани.
⁶ Кина алңунак апыхтуқақ Кияғнығым апыхтўсямның,
пинилғимың тўнили апыхтуғистыминун.
⁷ Сюмыхтағақувык пўхлъықнилюку Кияғнық льпынун
пўхтыңьўтын. Юғым сяңўа пйтысийғакани унатағьяхқақā.
⁸ Пйтысиғақувык ыфқухналюку сығлыхқыңьалғй
пиюкылъхын, тāхкын унатахлъықан тукулъық. Иўырца
пйтысиғақувык ыфқухналюкык Тағнығақ, тāхкын
Тағнығағның унатахлъықан кынлыңилңуқ уңувалъық.
⁹ Ынкāм қинуягутыхпынāн пинитун пильық пильтыху,
қаюхлъяк йльқаюңилькумта пильыхқақ кāскан
акилыхтўсяңылъыкукут. ¹⁰ Ынкāм пильыхқалгунымта
йўлың пинитун пйқылътыки қамахтыңьўағлюки югыт,
кияң тамāкут аңлыгудылытқапут Христосыкун.

Павелым Киңулик Кылыңасялхә

11 Ысхақахтыкиқун яхтухлягыт игальхынка букват!

12 Югыт ысхақсяқсюныхтуқатлю

қанаткиюныхтуқатлю пинитун қыпхалығмыхның,
лһңиңүт обрезанияскүғүәгилгит лпысының.

Таўатын пйқут қаюхляк алиңақылгит

амьюқытаткылыңнаюкамың уңипақыхкумыхтыху
қақұраһинә Христосым, авылғаглюку обрезаниялғық.

13 Қайўа обрезаниякәяғңағмың, лһңит катам

қаткусигатут Лйлихтүсянун. Обрезанияскысюгақйси
қанаткыпигыснағналюси лмыхнун

обрезаниястыкақнилюси. 14 Иўырңа хўаңа қананәңгитуңа

сямың алңунак иўырңақун қақұрәның Атанымта Иисус
Христосым. Туқульхакун қақұрами нуна қақұрәмәқ
хўаңамнун, ынкәм хўаңа қақұрәмәңа нунамун.

15 Мыгнунаңгитуқ юк обрезаниякәкуми, налиғмың

обрезаниялхилькуми. Уна мыгнуналгйңүқ; Кияғныңым
улимакақйлю нутағәлюта юғни. 16 Тамаҳйтнун

қаткульхйнун апыхтүсямнун, йықай Кияғныңым

ныкыхмыльхалю, наңлыхталхалю лһңитнильи,

Израилыңанилю Кияғныңым.

17 Хўакын кынлыкляюку китум алңунак аля

сығлылйхтыстыфкәма пилиңа қаюхляк югусимнилңүт
мәмыльхыт кылгутңүәт қыпгақтылягульқа Иисусымун.

18 Ухпықәлгутымни, йықай пиниқиңалгй каюсилхә

Атанымта Иисус Христосым тамаҳахпысинильи. Аминь.

Павелым Посланияңи Ухпықанун Ефесымылңуғнун

1 ¹Укут посланият Павелымың пиңүт. Христос Иисусым апостолыкәңа Кияғнығым пиюкыльхакун.

Письмоңуңа Кияғнығым югитнун Ефесымылңуғнун, атәсийғмылңүт малихсяхтыңи Христос Иисусым.

²Кияғнығым Атамта, Атанымталью Иисус Христосым наңтыкльисилью, ныкыхмыльылгусльисилью.

Кияғнығым Накмикыхкақилью Христосыкун

³Усюқылғыңли Кияғнық, Атаңа Атанымта Иисус Христосым! Христосыкун Кияғнығым қуястыңұйилью тамаҳаның тунусямың қиляхтамың. ⁴Нуна улималъхильюку Кияғнығым накмикыхкақилью Христосыкун пылюңитысқыльюталью, авутңитысқыльюталью льңанун. ⁵Қаюхляк Кияғнығым пиниқыхкаңилью, нығиғлюку альюхқинакыхкақилью авақутәлюта Иисус Христосыкун. Таўатын пикағуқ қаюхляк пиюкыхкәңа, ыфқуқыхкәңалью. ⁶Ынкәм усюқахпут Кияғнық қаюхляк иглыхпынани наңтыкыхльягилью пиниқыхкамикун Иғнығмикун.

⁷Христосым аўакун, Кияғнығым итымуткақилью сығлықкыльтымның. Сығвуті сығлықкыльыпут апальюқльюку наңтыхталтыхльяни ⁸ақыққусиқыхльякәңа хўаңкуньун. Пыхқингустилью, лигикыстилью ⁹успықылтығминың сялин алихсигалькымьиның сивунғани. Тәнаңүк Кияғнығым успықыхкә, пикақә Христосыкун. ¹⁰Кияғнығым успықылтығни апығйхльықә пильыққахльюгўағми. Қамахтыңўағлюки улимәни қиляғмылңүтлью, нунамылңүтлью қырнухльықй, Христосымун иглыгутысқыльюки.

11 Христосыкун Кияғнығым накмикыхкақйлью лъңанун югулота. Аюмирухлъяк пиюкылъығмитун ухпықыхкақ̄. Лъңан сяңў̄а тамаҳ̄ан пиюкылъығмитун пистақ̄а.

12 Хўаңкута Иудеяни ухпықани сигимакиюхў̄ақ̄агукот Христосыкун. Ынк̄ам кияғт̄альтымтыхун усюқьслық̄ахпут Кияғнық̄ аңылъығлъяганун.

13 Христосыкун лъпысылъю нагақуқ̄ақ̄ахси ипапик уңипақ. Пинилғ̄иңўқ̄ Уңипақ̄ уңип̄атилғ̄и югулилъығпысиның. Ухпық̄ақ̄афсигу Христос, Кияғнығым налъюниқ̄ақ̄йси Аглығналғ̄иғның Тағнығағның, акық̄усяқ̄ыхкаминиң т̄унылъық̄нилюкык.

14 Аглығналғ̄им Тағнығам ипапихқыстылью пагитахқ̄амның кынляңа хўаңкута пил̄ытылъығқ̄амнун. Ынк̄ам усюқ̄ьслық̄ахпут Кияғнық̄ аңылъығлъяганун!

Павелым Юғ̄и

15 Нагақ̄ум̄ақа ухпықилъығ̄хси Атаныхқун Исусыкун, пиниқ̄ьслығ̄хсылъю тамаҳ̄итнун Кияғнығым югитнун. Там̄акын апалъюқ̄лъюку, 16 нық̄амикақ̄амси юғанымни, игамсиқ̄аягунъығмың т̄ақ̄игатамси Кияғнығмун.

17 Атахлъяк̄а Атанымта Исус Христосым. Лъңанун туңс̄итақ̄амси пыхқ̄ингусқылъюси Тағнығахкынкун, л̄игикатағ̄исқылъюси Кияғнығмың. 18 Юғ̄аткақа ниғук̄ к̄үкхутысқылъюку илюхпысинун, л̄игикысқылъюку сигималъық̄ Кияғнығым лъпысинун пикыстык̄а қаюхлъяк̄ накмикыхкақ̄йси. Юғ̄аткамсылъю л̄игикысқылъюки кымнахлъягыт қуястылъығ̄лъягыт Кияғнығым акық̄усяқ̄ыхк̄и югминун. 19-20 Юғ̄ахтуңалъю л̄игикысқылъюку сығлығ̄лъяг̄үк̄ Кияғнығым ахтуғ̄ьяхқ̄ангилъығ̄лъяга қыпхалғ̄и хўаңкунъи ухпықилғ̄ини. Т̄ана ахтуғ̄ьяхқ̄ангитылъығ̄лъяк̄ ат̄ас̄йгуқ̄ Кияғнығым уңувахтисиқыхк̄а Христосымун туқулъығ̄мың. Т̄ахкын қиялғ̄ми Кияғнығым ақ̄умысим̄а ағынқ̄игнығмикун. 21 Кияғнығым қулихпиг̄ахтыстыкақ̄а Христос тамаҳ̄итның иглығ̄утистының, қылғ̄икаюғ̄ның, ахтуғ̄ьяхқ̄ангилъылығ̄ның, ум̄ылығ̄ныңлъю. Ат̄ха иңьят̄нахлъяхтуқ̄ атығ̄ьяхағ̄ның нунами хўани, нунағ̄рағ̄ақ̄амилью. 22 Кияғнығым лъикақ̄а сяңў̄а камахтыңў̄ағ̄люку Христосым итығ̄ан асиңанун,

нәсқұтистыңлыяқақалыю сямун тамаҳанун апалыюқлыюки ухпықат. ²³Қамахлыютың ухпықат югусикй Христосым, ынкәм лыңа йғұихтуқ. Христосым йғұихтә сяңұа қамахлыюку нани алңунак.

Туқулғығмың Уңувалғығмун

2 ¹Сивунғани тағнығаси туқуңаяхтут қаюхлыяк қаткумаңилькыси Кияғнық, сығлыҳқыстыңуяхтусилью.

²Таўатысяхтуси кияхтыңбулюси нунам сығлығмун иглыңнығанун. Қаткыңбуяғахсылыю иглығутистыңат туғнығат қиягамылңұт. Лыңаңұқ аңылғыхпиғақ туғнығак иглығутилғй юғның қаткусигалңуғның Кияғнығмун. ³Қамахлыюта кияхтыкәгукут тамәкустун югыстун. Атуқыхкақапут сығлыҳқыңғалғйт пиюкыльхй югусимталыю, умьюгамталыю. Ынкәм қамахлыюта альыхқатымның сығлыҳқыстыңулюта, ағьолыңнақнуяхтукут Кияғнығым сякшәльхакун.

⁴Иўырңа Кияғнық наңлыыхтахлыяхтуқ, пиниқыпихтйльхуқлыю. ⁵Қайўа тағнығапут туқуңаяғңита апалыюқлыюки сығлыҳқыльыпут, Кияғнығым уңувахтйлью малигульюта Христосымун. (Югуликәгуси Кияғнығым наңлыкыльхакун.)

⁶Кияғнығым уңувахтйлью малигульюта Христос Исусымун, хўаңкунъунлыю ақумылгусихтыстә қиягми.

⁷Кияғнық таўатын пикағуқ киңулиғағнун лытысқыллыюку пиниқылғыгрукутәхлыяни хўаңкунъун Христос Исусыкун. ⁸Кияғнығым наңлыыхталхакун югуликәгуси ухпықилыыхпысигун. Югулилыыхси лыпысиның пильқынғитахси, Кияғнығым тунусяқә лыпысинун.

⁹Югулилххитйси апалыюқлыюку сялыыхси, ынкәм қукәюгуткысяҳқақынғитахси. ¹⁰Кияғнығым улимәқйлью таўатыльюта. Христос Исусыкун улимәқйлью қыпхйсқыллыюки пинилғйт қыпхақат. Сивунғани тәкут пинилғйт қыпхақат ятәхқыңўәқакй хўаңкунъун қыпхйсқыллыюки кияхтыльымныи.

Атәсйхтыльық Христосыкун

¹¹Нықамиклыюку язычнигыңулюси альыхқәгуси. Иудейт атиғакйси «обрезанияльхилңұт», лыңит

атиқаюг̃т «обрезаниякат». (Обрезанияльхат югусих̃йнитнитук.) ¹²Нықамикльюку там̃ани пилъығни нальюксяғәхси Христос кинаңутаңа. Нунат̃аяхтуси Израилығм̃йнун ынк̃ам илятыльх̃исяхтуси Кияғнығым акықусяқыхк̃әнун лъңитнун. Нунами х̃ўани кияхтыңъуяхтуси сиғимальңунасылъю, Кияғныңунасылъю. ¹³Иўырңа м̃атын пилъығми Христос Иисусымун илясим̃аси. Сивунғани аўавансяхтуси Кияғнығмың, иўырңа м̃атын пилъығми туғ̃агусим̃аси лъңанун Христосым аўакун. ¹⁴Христос лъңа катам ныкыхмыльқахпуд. Лъңаңуқ ат̃асих̃тыстилғ̃и Иудеяныңлъю, язычнигыныңлъю. Нафқыхкақ̃а миңлъюта афтилғ̃и х̃ўаңкунъың, ынк̃ам аңуакунъаних̃қыхкақ̃илью. ¹⁵Христосым туқулъығмикун ат̃унаних̃қыхкақ̃и Иудеит Лйлих̃т̃усйтлъю қылгусйтлъю. Таўатын пика̃гуқ Иудеитлъю, язычнигытлъю ат̃асих̃тыскыльюки л̃ьмикун. Ынк̃ам ныкыхмыльыңыстыкақ̃и. ¹⁶Туқулъығмикун қақ̃уракун, Христосым угумикунъаних̃қ̃и Иудеитлъю, язычнигытлъю. Т̃ахкын ат̃асих̃тыст̃и, илялйг̃утыст̃илью Кияғнығмун. ¹⁷Христос тагилюни уңипақика̃гуқ ныкыхмыльығмың лыпысинун язычнигнун, аўавантыңъуялғ̃иси Кияғнығмун. Уңипақика̃гуқлъю ныкыхмыльығмың Иудеянун, қантағантыңбулғ̃ит Кияғнығмун. ¹⁸Ынк̃ам Христосыкун Иудеянилъю, язычнигнилью тагияқ̃лыгыұхтукут Атамун ат̃асикун Тағнығакун.

¹⁹Ынк̃аңам лыпыси язычнигни нунат̃ананих̃туси. Итупиль нуналгутк̃ах̃т̃иси Кияғнығым югита, илятусилъю ныңлъюгутаңанун Кияғнығым. ²⁰Мыңтығ̃атун аюқуси ныкыфтыкат тумыңлъяқ̃итхун апостолынилъю, ўкналиқистытлъю. Христос Иисус лъңа катам қаңығам уйғак̃а. ²¹Қамахлъютың мыңтығам налиғнығи ныкыхқ̃утғ̃ат қырңағмың Христосыкун. Т̃акут налиғнығ̃ыт нулялғ̃и мың храмыңухтыңб̃ут Атанығмун. Т̃ана храм аглығнахтук. ²²Илятқалъых̃пысигун Христосымун, малигульюси иляңитнун ухпықанун ныкыфтыңб̃уси мыңтығамун Кияғнығым киях̃фиганун Тағнығамикун.

Павелым Қыпхәтилъха Язычнигнун

3 ¹Тамākын апальюқлъюку, хўаңа, Павел,
анусимиңльгвигмытуңа қаюқлъяк қыпхәскыхка
Христос Иисус льпыси апальюқлъюси язычнигни.
²Ынтақун нагақӯмәҳси Кияғнығым наңльыхталъығмикун
қыпхақалиткақәңа льпысинун. ³Кияғнығым лйтыстә
хўаңамнун қайвиҳтыльхилңуқ успықылъыни.
Қавңанҳақ письмоткаҳтыкақәқа тәна. ⁴Атихтуқуфсигу
письмоткыхкақа лйльықәҳси лйгикылъқа
қайвиҳтыльхилңуқ успықылъық Христосымың
аюқылғй. ⁵Сивунғани Кияғнығым уңипәтыльхитй
югыт қайвиҳтыльхилңуғмың успықылъығминың.
Иўырңа укуни ағнығни Аглығналғйгникун
Тағнығагникун қайвиҳтә успықылъыни аглығналғйгнун
апостолыминунлью, ўкналиқистыминунлью. ⁶Хўатытуқ
успықылъха: язычнигыт ухпықилъығмыхтыхун
Пинилғйның Уңипаның илясимәт Иудеянун Кияғнығым
қуястыльханун. Налиғнықәҳсимй атәсим югусим, ынкәм
илятут Кияғнығым ақықусянун Христос Иисусыкун.
⁷Кияғнығым наңльыхталъығмикун,
ахтуғьяхқәңгилъығмикунлью тунусялитәңа
қыпхаҳтыңулюңа уңипақысқылъюки Пинилғйт
Уңипат. ⁸Укалихпигәгуңа тамаҳитның Кияғнығым
юганың. Таўальйма Кияғнығым наңльыхталъығмикун
тунусялитәңа хўатын: накмикәңа язычнигнун
уңипақысқылъюки Пинилғйт Уңипат Христосым
акльюңиңаның аюқылғйт. Акльюңиңи
иңьятңәт югыт лйгикылъхитның. ⁹Кияғнығым
накмикыхкақәңалъю лйгикыстысқылъюки қамахлъюки
югыт қайвиҳсимаңилңуғмың успықылъығминың.
Кияғнығым, улимағикам сямың тамаҳәның,
қайвиҳтыльхитә успықылъыни пйнлиғьюхәлғығмың
мәтымун. ¹⁰Тәхкын қиягнилңұт: иглығутилғйтлъю,
ахтуғьяхқәңгилъылғытлъю, Кияғнығым лйтыслъықй
альъяҳйнағмың пыққиңыльығминың. Таўатын пилъықуқ
юмикун юғавигнилңуҳтыхун. ¹¹Тамәкуңұт Кияғнығым
успықыхкй сялин нунаңльялғильюни. Апығйғумй
Христос Иисусыкун Атанымтыхун. ¹²Ухпықилъымтыхун

Христосыкун аглягъяхқәхсимәкун Кияғнығмун тытульңунәмталъю, алиңыльңунәмталъю. ¹³ Ынкәнам йльтаягутыхпынән ухпықилъыхси апальюқлъюку икфиқуткыңбуқымси. Икфиқылтъгма құлвахтыслъықйси.

Пиниқылъха Христосым

¹⁴ Ынкәм тәна апальюқлъюку сыгыскухтуңа сивуңани Атам. ¹⁵ Лъңаңуқ атигилгй тамахйтның ныңльюгутның қиягмылңуғныңлью, нунамылңуғныңлью. ¹⁶ Юғахтуңа Кияғнығмун акльюңихлъяганың ахтугъяхқәңгилъылитыскыльюси икнақухсйскылюки илюси қәмкун Тағнығакхынкун. ¹⁷ Юғәткамси Христос кияхтыскыльюку илюхпысини ухпықилъыхпысигун. Юғәткамси акулгускыльюсилъю, тунымалгускыльюсилъю пиниқылъыхқун. ¹⁸ Юғәткамси, қамахльюкилью Кияғнығым юги, лйгиксяқльыгускыльюку Христосым пиниқылъхан, иқытуляңа, тахталяңа, ўсақхтуляңа, сямавныхтуляңалъю. ¹⁹ Лпысинун лйсимакыскысюгақа Христосым пиниқылъха, қайўа пиякнағңән лйгикңўәльыхқә. Тәхкын пиниқылъхакун, Кияғнығым наңағнығатун ўата лъйхльықуси. ²⁰ Кияғнығым ахтугъяхқәңгилъхакун қыпхалгйкун илюмнби, лъңан пияқльыгўә қайғульюку сяңўә алңунак әптыкахпут налиғмың сюмыхтағәткыхкахпут. ²¹ Кияғнық усюқылъыңли ухпықатхун юғавигнилңухтыхун, Христос Исусыкунлъю. Усюқитыху қўнпырухлъяк кынлыңунән. Аминь.

Ухпықат Христосым Югусиқй

4 ¹ Анусимиңльягәгуңа қаюхлъяк қыпхәскыхка Атанық. Кияғнығым накмикыхкақйси лъңанун югулюси; тамәкын апальюқлъюку кайымамси кияхтыскыльюси Кияғнығым кияхтыскысюльхатун. ² Йўлың қусывыхльюси, якумаңилъықыхпынаси, нуқынъыхтулюси, тугукльйтұлъюси пиниқылъыхқун. ³ Кияғнығым Тағнығакхынка қырңуғуткақйси ныкыхмылъыхқун. Ынкәм наңгйқухлъяхтык йўлың кияхтык таўатын. ⁴ Атәсйгуқ югусиқ, атәсйгуклью Тағнығак, катам таўатын атәсимун сиғималъығмун Кияғнығым тахсиғйси. ⁵ Атәсйгуқ Атанық,

атәсйгуқ ухпықилъық, атәсйгуқ крестиғылъық. ⁶ Атәсйгуқ Кияғнық, Атакәт сям тамаҳән. Лъңан иглығуттұа сяңұа тамаҳән, тамаҳәнитуқ, сямытуқлюю алңунақ.

⁷Христосым тамаҳәмта тўныхкақйлюю тунусямың қыпшақани писқылыюку. Тўныхкақй тәкут тунусят тўнюкылығмитун. ⁸Тамākын апальюқлююку Акузитни Игақыжкани игақыжкәлғй:

«Маюғақнаи ўсқалығмун тугукақй угляпихлығйт ўаяқат,

югытлюю тунусялиқуқакй».

⁹Сямың писйўа: «Маюқәгуқ»? Хўатын писйгуқ, сивукльюни укикәгуқ сямавық асилиғнығанун нунам.

¹⁰Ынкәм лъңа тәна укикақ сямавық, лъңаңўқ атәсиқ тәна маюқак памавық иңьяғлюки қилягыт, имиғналюку сяңұа қамахлююку наўтңалығминың. ¹¹Лъңаңўқ тунусялиқуқак югнун: иляңи апостолыңулюки, иляңи ўкналиқистыңулюки, иляңи евангелистыңулюки, иляңи юғақтыңулюки, апыхтуғистыңулюкилюю.

¹²Тәкут тунусялиткақй апыхтйсқылъюки Кияғнығым юги лъңитнун қыпхәтысқылъюку лъңа. Кияғнық таўатын пикагуқ лъңитнун ныкыфтысқылъюку Христосым югусй. ¹³Тәна қыпшақак нағныхлықуқ кынляңа атәсйхтылымнўн ухпықилымытхун, лйсимакылымтыхунлюю Иғныға Кияғнығым. Тәхкын аңтанйтңўағлюта Христосытун лййхлықукут. ¹⁴Ынкәм тағнухәҳәнанихлықукут. Тамākын апальюқлююку пўхтыснәңгитукут югнун тымңимың апыхтуғильхитхун.

Апыхтуғильхит ануқыстунлюю, имахлююгыстунлюю аюкут нўхтәталғйт югның. Тамәкут пыхқинылғйт, иқлыңалғйт югыт, иқлыңатың ипасюгнихсяғакйт мағьяхқуныхлыюхналюки югыт. ¹⁵Итупиль

акузиткылыгыху ипапилық пиниқылъыхқун, ынкәм ўата Христосытун лййхлықукут сялымтыхун тамаҳәкун. Христос нәсқуқат ухпықат. ¹⁶Ухпықани

югусиқйлюю Христосым. Лъңакун йңунағми югусиқ қырнұгуткәгуқлюю, нувышәткәгуқлюю югусим ивалюңакун. Қамахлюютың налиғнығыт қыпханьығмыхни қыпхалъыхқамыгыстун, тәўа югусиқ нағўақуқ, икнақуҳсяғақуқлюю пиниқылъыхқун.

Уңувалыыграҕак Христосыкун

17 Ынкāнам Атанҕым āтхакун хўатын пїмсилью, кылыңасяҕамсилью: кияхтыхпынасиңам язычнигыт кияхтāльхистун. Сюмыхтаҕальхит сясїнҕилңугут, 18 умыюгїтлюю лїгикиңигалңугут. Илятңаңгитут уңувалыыгмун Кияҕныҕым тўныхкāнун, қаюхляк нальюкңўаҕāt, пиныхльюгүтлюю. 19 Талўа кайңуюгьяхқāнанимāt; атуқақитлюю сяңўāt алңунак сыҕлыгыт югусимың пиюкыхкїт. Нагныгусюгақит қамахляюки сыҕлыгыт нуқытутыхпынаки.

20 Иўырңа тамāкут лїтыльхитаси Христосым апыхтўсїтның! 21 Нагақупыстāқақахси льңа, қаюхляк малихсәхтыкыхкаңиси. Ынкām апыхтуқāгуси ипа апыхтўсямның Иисусым. 22 Хўатын апыхтуқақиси: сыҕлыгыт пиюкыльхыпыси пўхльықйсилью, нāфкыльықйсилью. Тамākын апальюқльюку пыхтыки наңағнылюсилью, кияхтāлькысяқысилью. 23 Итупиль тағнығам нутахльики умыюгаси. 24 Ынкām атуқитыху наңағныҕраҕахси қаюхляк Кияҕныҕым улимакақā льмитун аюқльюку: ыльқугутңапїглюку, аҕлыңағлюкулюю.

25 Ынкām иқльыңиқнанихтығңам! Итупиль иўлың апыхтыху ипапилық иляхпысинун, қаюхляк қамахляюта налиғнықугїллю Христосым югусїн. 26 Сякшитык иўырңа сыҕлықхыпынаси. Сиқинық тывихтыстыхпынāн паниның сякшитңулюси. 27 Талўа туғныҕак пильхықалитыхпынāн нанҕїкусыкльюси сыҕлықкыльыгмун. 28 Тыглыгнїхта тыглыгнаниғли. Итупиль қыпхағли альхыгусяхқālюни акльюкыхкаминиң, тўнияхқāхльықуқлью акльюкилгїнун. 29 Акузиткихпынаси сыҕлығмың. Итупиль алыхқухтыки пинитун югыт акльюкильхитни. Пинилгїт акузитыт кайымьяхқакїт, анығныхқысяхқакїт нағальхит. 30 Қивгустыхпынакыклью Аҕлыңналғик Тағныҕакык Кияҕныҕым. Тағныҕағминиң нальюниқакйси льми пикналюси. Таўатын пикагук льпысинун лїсимакысыкльюку итымультықйси сыҕлықкыльыхыпысиның Итымутыльхым Ағныҕа

кәскан. ³¹Пыхтыху угумикырәк, сясшә, сясшәхльяк, юпихқағатак, сығлыққ, қамахльюкилью сығлығит.

³²Йығлығи наңлыхтахтык, нафухтахтык иляхпысинун, сығывутульюсилъю, катам Кияғнығым сығывутқақыхқаңиси Христосыкун.

Кияхтәльық Ниғугми

5 ¹Кияғнығым льпыси авақутақутаңаның пиниқитыху, аюқысиғахтыху. ²Кияхтәльыси ахқутақыстыки пиниқылъығмун, катам Христосым пиниқыхқаңилью, туқуматкыхқақыхқаңилью. Туқулъха тыпкыхтатун тунусятун аюқуқ Кияғнығмун, ахқутнұқлью лъңанун.

³Льпыси Кияғнығым юкыхқаңиси, ынкәм китумун алңунак альяниһтыстыңунифқәфси, налиғмың алңунак блудыстыңунифқәфси, налиғмың пакигниһтыңунифқәфси. Тамәкут сығлығұт ынкәм Кияғнығым югита пияхқақынғитит.

⁴Кайңусяғәтыхпынаси, тымңитхұамың акузиткыхпынаси, налиғмың амьюғәгуткыхпынаси. Итупиль игамсиқаюгвиксяхқақәси Кияғнық.

⁵Нальюнықнаһитук уна: Кина алңунак пагисяхқитук Атаныһпагульхани Христосымлью, Кияғнығымлью сығлыхқылғи альяниғмың, алңунак блудникиғмың, налиғмың пакигниғмың. (Пакигнығит маниғухтыңұт кияғныңльяқанун.)

⁶Югнун пұхтыстыхпынаси уңипәсқаңиси тамәкут сығлыхқылъхыт сығлығунңинъилиюки. Иўырңа таўатылңұт сығлыхқылъхыт Кияғнық сясшәстыхльягақәт қәткуньығилңұт лъңанун. ⁷Тамәкын апальюқльюку илятыхпынаси таўатылңуғнун югнун. ⁸Югыстун аюқсяхтуси кияхльыхит мамлығми, иўырңа мәтын кияхтыңұси ниғугми қаюхльяк Атанғым пикыхқаңиси. Ынкәм кияхтык югыстун ниғугмылңуғыстун.

⁹(Қаюхльяк кияхныхпысини ниғугми пиниһтыстақйси, ыльқуғутңастақйси, ипаңустақйси.) ¹⁰Лйнбақитыхулью сяңұа ыфқуғналғи Атанығмун. ¹¹Илятқахтахпынаси югнун сятңунғилңуғмың пилғйнун мамлығми.

Итупиль лйгикыстыкй таўатын пильхит сығлығұт.

¹²Кайңунапихтут талұа акузиткыхсяхқәлютың тамәкут

пйқыхкаңит аксяқлыюку. ¹³Иўырңа қамахтыңўағлютың алиҳтыкумың ниғугмун, таўа натытыхпигатаңи хўатыхльюўақ алиҳлықут, қаюхльяк сяңўа қамахлыюни ниғугым ысағарьяхқәхтыслықә. ¹⁴Тамākын апальюқлыюку югыт пикагут:

«Қавалғими, тахтухатын.

Уңувā туқульығмың ынкām Христосым кукухлықатын».

¹⁵Ынкām кылыңалюси кияхтык.

Пыхқингунғилнугыстун кияхтыхпынаси; итупиль пыхқингыстун кияхтык. ¹⁶Пинитун атуқитыху тамахан пилыхқакси қаюхльяк ағнығни матын югыт сығлытун пйқут. ¹⁷Тамākын апальюқлыюку нальюфқәфси, иўырңа лйгикитыху сяңўа Атанғым писқысюльха лыпысинун.

¹⁸Сюмыхпынаси виномың қаюхльяк нәфқылықәйси. Иўырңа имиҳтык Тағнығағның, ¹⁹алыхқұтақлыюси акузитаңитның псалмыт, илягәтыт, тағнығакунлюю илягәтның. Иляғағакитык илягәтныңлюю, псалмыныңлюю Атанығмун, усюқилылығлюси илюхпысигун. ²⁰Атхакун Атанымта Иисус Христосым, игамсиқаюгвикумаңинахтыху Кияғнық Атаңа сям тамахан.

Нулихытлюю, Угитлюю

²¹Малихқутақалюси иляхпысинун қаюхльяк сйвакңукуysi Христос.

²²Нулиғни, малихқутақлыюси угихпысинун катам Атанығмун пилғйстун. ²³Қаюхльяк уги нәсқуқә нулихан катам Христос нәсқуқыхкаңат ухпықат. Христос Югулиғистыкәт ухпықат; лъңан югусиқй.

²⁴Катам ухпықат малихқутақыльхистун Христосымун, таўатыхпигақ сядыхқун тамаханкун нулихыт малихқутақсяхқәгут угимыхнун.

²⁵Угини, пиниқлыюки нульси катам Христосым пиниқыльхатун ухпықат. Пиниқыпихтыкақй рпаль тукуматкыхкақй. ²⁶Ухпықат аглығнахсяқакй ахтуғьяхқәңгильхакун акузитми, пылюңихсяқакйлюю ағвиглюки мыхқун. ²⁷Христос таўатын пикагут аңгунъалюки ухпықат лъңанун катам

пиниғналғитун уғиғнақылғитун. Тукукәгуқ ухпықат тағнықшйтсықлыюки, уңльыврығитысықлыюки налиғмың сямың алңунак афкуййтсықлыюки. Ынкәм нулїхқә аглығнахльықуқ, авутңилъықуқлъю. ²⁸ Угим пиниқсяхқақә нулїни пиниқылъығмитун югусини. Уги пиниқилдї нулїғминың лъңаның пиниқнӯқ. ²⁹ Китум алңунак угумикигатә лъми катам югусини. Йығлығи нығыстақалъю, афльыңақақалъю, катам таўатын Христосым пїқылъхатун ухпықанун, ³⁰ қаоухльык налиғнықуғилъю лъңан югусїн. ³¹ Акузитни Игақыхкани хўатын игақңақ: «Тамākын апальюқлъюку юғым унильықәк атанилью, нāнилью иляньалюни нулїғминун. Ынкәм нулихқульхїк атāsїхльықуқ». ³² Тām Акузитым Игақыхкам қайвихтā мыгнунапихльыхї ипапилъық: Христосылью, ухпықатлъю атāsїгут. ³³ Иўырңа тāна льпысинунлъю аюқуқ: тамахағми угим пиниқыпыстағьяхқақә нулїни лъми катам пиниқылғитун. Тамахағмилью нулихым сїваксяхқақә угини.

Тағнухātлъю, Аңаюқатлъю

6 ¹ Тағнухағни, қātкульюси аңаюқахпысинун Атанғым писқысюльхатун льпысинун. Таўатын ыльқуғутңақ. ² Акузитни Игақыхкани хўатын Кияғнық қылғикагуқ: «Құлвағлюку атанлъю, нāнлъю». Тāна қылғусяқ сивулїгуқ акықусялык. ³ Хўатын Кияғнық пикагуқ: «Кияхтālъхын итагнахльықуқ, тākльюкулью кияхльыкутын нунами». ⁴ Аңаюқани, сякшитыстыхпынаки тағнухаси. Йығлығи аңлистыки пыхқихсяглюкилью, апыхтуғаглюкилью Атанғым писқыльхатун.

Қыпхақтыльяғылъю, Пилїтистыңитлъю

⁵ Қыпхақтыльяғни, алиңылғылиғлюсилъю, уңылыхльылиғлюсилъю қātкитыки пилїтистыси нунами хўани. Ипапихқылъюси қыпхāтақитыки, катам Христос қыпхāтыльыхпысистун. ⁶ Пилїтистыси қātкитыки қайўа ысхапанғитығңиси. Қыпхақтык ыфқуҳналюки пилїтистыси катам ыфқуҳтыльыхпысистун Атанық. Илюхпысиның атуқитыху Кияғнығым пиюкылъха

Христосымун қыпхақтыляқылгїстун. 7 Ынк̄ам қыпхақтык сягиқльюси Атанығмун пилдїстун, нак̄ан югнун. 8 Нықамикльюку Атанғым акилыхтуғьяхқақй югыт қамахльюки, пинитун пильхитнун.

Атанық таўатын пильықуқ қыпхақтыляғнунлью, қыпхақтыляғнунгилнұғнунлью.

9 Пилїтистыни, пинитун пїқитыки қыпхақтыляси катам уңипатылтьымтун лъңит пинитун писқылтьюси. Алиңсықухпынаки. Нықамикльюку льпысылъю, қыпхақтылясилъю атасимың Атанылгүси қилягмылнұғмың. Лъңан нанқихсяхқақй югыт қамахльюки танильнунаки.

Йңунағмылнұк Акулдғәхқык Кияғныңым

10 Киңулиқ апығьяхқақа унаңұк, икнақылъыңитык Атанығмың, ахтуғьяхқангилъыхльяганыңлью.


11 Атыкык йңунәхкынка акулдғәгык Кияғныңым ятәхқыхкакык льпысинун. Тәхкын тыңвимун ныкывгасяхқәхльықаси Туғныңәм пұхтильхи.

12 Нықамикльюку, пильюўаңунгитапут югыт. Итупиль пильюўаңуапут иглығутилгїт, ахтуғьяхқангилъылгыт, иглығутилгїт нунам мамлыганың, сығлығылъю туғныңәт қиляганилнұт. 13 Тамākын апальюқльюку атыкык йңунәхкынка акулдғәхқык Кияғныңым ятәхқыхкакык льпысинун! Ынк̄ам сығлылїғым ағныңани пильюўағьяқльыгульықаси аңуяғым сюғугальхи. Тәхкын пильюўанығмың апығйқуфси, льпыси паниның ныкывғанулъықуси.

14 Ынк̄ам ныкывғамәнахтык. Ипапилъық тафсїтыху, ылькуғутңалъықлью сякимагїтїтыху. 15 Пинилгїт Уңипат ныкыхмылтығмың аюқылгїт, камїтыки.

16 Тамāкут сяғўитхун, атуқитыху ухпықилъық амїгигахтәсийлюку қәмсяхқәлюки кумаңалгїт айгуңи Туғныңәм. 17 Атыху югулилъық нәскуғитәлюку, Тағныңамлью сяхихпага, Кияғныңым акулзиткә.

18 Йўлың юғахтык Тағныңам мағьяхқұтыльхакун. Атуқльюки альяҳинәт юғальхыт, әпнїхтыклью Кияғныңмун. Тамākын апальюқльюку кылыңалюси, йльқаюхпынаси. Йўлың юғәткыльюки қамахльюки



(К Ефесянам 6:17)

Кияғнығым юги. ¹⁹Хўаңалью юғаткитыңъа
 Кияғнығмун акузитылитысқылъюңа. Тāхкын
 тытухпынаңа апыҳлыбақақа сяңўā Кияғнығым сялин
 лйгикыстылхилъкаңа Пинилгйның Уңипаның аюқылдй.
²⁰Кияғнығым накмикыхкақāңа акузистыңулуңа лъңанун.
 Ынкāм тамāкын апальюқлыюку анусимиңлъяғāгуңа

қйпшағусиглюә. Юғақтык уңипақиналюә тытухпынаңа
катам Кияғныңым пиюкыльхатун.

Посланиям Нәңнйтаңи

21-22 Лйсимақысюгамси натытулымныңлюю,
сйқутымныңлюю. Тамāкын апальюқлююку каяхсимāқа
Тихик льпысинун. Пиниқыхкақпут ухпықалгутфут,
атāсйғмылңүтуқлюю қыпхақтыңа Атанғым. Кāскуми
уңипālтықйси сямың тамахаңың хўаңамның,
кайымылтықйсиллюю.

23 Кияғныңмың Атамың, Атанығмыңлюю Иисус
Христосымың льпысинун пиңўк ныкыхмылтықлюю,
пиниқылтықлюю ухпықилтылык. 24 Наңлтыхталтық
тамахақысинун пиңўқ пиниқилдйни Атанымның Иисус
Христосымың пиниқылтылиғлюку нāңьяққангилңуғмың.

Павелым Посланияңи Ухпықанун Филиппымылңуғнун

1 ¹Укут посланият Павелымыңлыю, Тимофейемыңлыю пиңүт, қыпхақтыкйнкуң Христос Иисусым. Письмоғақамси қамахлыюси Кияғнығым югитни, юғағвигым иглығутистыңитни, диаконынилъю Филиппымылңуғни, ухпықилдїт Христос Иисусыкун. ²Кияғнығым Атамта, Атанымталъю Иисус Христосым наңлыкльисилъю, ныкыхмыльылгусльисилъю.

Павелым Юғаткыхкәңи Ухпықат Филиппымылңүт

³Игамсиқаюгвикақақа Кияғнықа льпысиның сюмыхтағаткынъымси. ⁴Юғаткынъымси қуяпихтақуңа, ⁵қаюхльяк нықамикақа уңипақилгусикақахпысиңа Пинилдїның Уңипаның. Каюсиқақахпысиңа ухпықиюхәльыхпысиның Пинилдїның Уңипаның хўавымун кынляңа. ⁶Лїсимақңўәғақа Кияғнық пйнлигикақ пинилдїмың қыпхақамың илюхпысини, лъңан апыдїхльықә Христос Иисус утығниқан. ⁷Итагнапихтуқ хўаңамни сюмыхтағаткынъымси таўатын қаюхльяк илюмнитақуси. Уңипақиңулюңалъю, ипапихқиңулюңалъю Пинилдїт Уңипат ипаңунилюки, мәтынлыю анусимиңльяғвигмыльюңа, қамахлыюси альхыхтыңўәхси Кияғнығым наңлыхталъхә хўаңамнун малигульюси. ⁸Кияғнық лїсимакистыкақа ысхағюпихтақамси, қаюхльяк қамахлыюси пиниқамси Христос Иисусым пиниқылъхатун льпыси. ⁹Юғатқақамси пиниқиҳльягысқылъюси, лїсималъыңатағдїсқылъюси, лїгикыльыңатағдїсқылъюсилъю. ¹⁰Таўатын лъйқуфси кияхтыльыхпысини сяңўә пинилъыхпигақ

накмикумаңинағъягулғықаҳси. Тәхкын Христос тагинқихтыкан пылюңилғықусилью, анахутыльхилғықусилью. ¹¹ Ынкәм уңувалғыси имиҳлығыут ипапыстәқ пинйпихлығыймың Исус Христосыңинаҳәм пйтыстыкәның. Тәхкын югыт құлваҳлығықәтлью, усюқлығықәтлью Кияғнық.

**Павелым Анусимиңльгяльхан
Уңипақыстй Пинилгйт Уңипат**

¹² Ухпықәлгутымни, лыпысинун лйсимақысюгақа анусимиңльгяғвигмытылығыма ипапыстәқ углялгй юк нагатыстә Пинилгйның Уңипаның. ¹³ Тамәкын апальюқлююку қамахльютың умйлгым мыңтығән кылыңакистыңита лйтәт анусимиңльгяғуңа қаюҳляк қыпхақтыкыхқаңа Христосым.

¹⁴ Анусимиңльгяғвигмытылығыма альюльютың ухпықалгутыт ухпықйғатағақтыстй Атанықхун. Ынкәм ўата тытугнаниғатағатут уңипақнығмыхтыху Христос.

¹⁵ Ипаңўк иляңи уңипақиңўт Христосымың қаюҳляк ақинакңуқаңатңалью, ахтйрағуқаңатңалью. Иўырңа иляңи уңипақиңўт Христосымың ылькугульютың.

¹⁶ Уңипақиңўт қаюҳляк пиниқыхқаңатңа.

Лйсимақыхқаңат Кияғнығым тагистыкақәңа хўавык ныкывғатысқылгюки Пинилгйт Уңипат аңуямнғың.

¹⁷ Иўырңа иляңит уңипақиңўт Христосымың льңинәюхтым, ипапиқыхпынатың. Сюмығмыхни таўатын пилғығмыхтыхун сығлылйқхатағағнилюңа пйтңа анусимиңльгяғвигмысималюңа. ¹⁸ Итагнахтуқ, уңипақильхат ылькугутңаяғңән налиғмың сямың аल्याның апальюлгуяғңән, уңипақильхита қуястақәңа, қаюҳляк уңипақиңўт Христосымың угляпихлығыйнун.

¹⁹ Аа қуяңалғықуңа, қаюҳляк лйсимақақа әнъяққағуңа анусимиңльгяғвигмың юғәткылығыпысигун, каюсилыхакунлью Исус Христосым Тағнығән.

²⁰ Пиюкылығылгякалью, сигимақылығылгякалью ысха тәна, кайңусяғәтыфқәма пиналюңа Христосымун. Итупиль кияқсюгақуңа илютулюңа ўатақәғак мәтын анусимиңльгяғвигмытылымни. Ынкәм Христос құлвалғыңылығықуқ уңувағңәғма, налиғмың

туқуяғнәғма. ²¹Хўаңамни уңувалъық Христосыңуқ,
 ынкәм туқульық альхығутағалъхуқ. ²²Иўырңа
 уңуванақңукума қыпхағатағалъықуңа Христосымун.
 Наликык накмикыльыққақа нальюкақә, уңувалъық
 налиғмың туқульық. ²³Кукшиқңуңа налихкының
 накмйльыққамның. Ағуляқсюпихтақсяхтуңа
 Христосымынъалюңа, қаюхляк пиниғатағағьяхқәгуқ
 тәна. ²⁴Иўырңа мығнунағатағатұқ лыпыси
 апальюқлыюси уңуваңуңа. ²⁵Ипапихқуткумақа тәна,
 лйсимакақа ўйн уңуванақңуңа. Лпысининъақңуңа
 каюсйнъалюси нагусқылъюси, қуямалғыңысқылъюси
 ухпыльықпысигун. ²⁶Лпысинун пикума,
 усюқатағалъықәси Христос Иисус хўаңа апальюқлыюңа.

²⁷Сяғңәтңа нағнығутыки кияхтәльыси Христосым
 апыхтульхатун Пинилғйтхун Уңипатхун. Ынкәм
 ысхағьяхтуқумси, налиғмың авйтығнәғма нагақуқумси,
 лйгикыльыққақа атәсистун пилъықси. Лйгикыльыққақалъю
 қырңахпыси ныкывғанъақуткыльыси Пинилғйт
 Уңипат аңуяхпысиның. ²⁸Аликыхпынаки аңуяси,
 қўнпың илютульюси. Ынкәм таўатын пилъықпыси
 ипапихқылъықәт лъңит каяльқйнанғитут. Лпыси
 каяльқйльықуси қаюхляк Кияғныңуқ каяльқйстилғй
 лпысиның. ²⁹Лпысинун қыпхәсяқльығухтыстыкақә
 Христос, ухпықңинахпынән, икфиқылгусиқысылъю.
³⁰Пильюўалгусихтыңъа. Сивунғани ысхапакақәхпысиңа
 пияқльйлғйңа, нагақуқәқасилью пияқльйльықынка мәтын.
 Лпысылъю тамәкут атәсит пияқльйғуткынъақңуәси.

Христосым Қусывығнәльхәлью, Аңыльхәлью

2 ¹Кияхтәльықпыси Христосыкун икнақухтисй?
 Пиниқылъхан илютухтисй? Қуястык атәсистун
 лййлғйси ухпықәлгуткулъхйни Аглығналғйғныкун
 Тағнығағныкун? Пинитун пйқыстыкй,
 наңлыкақыстыкй иляси? ²Таўатынцукуфси,
 қуямастыхляхтыңъа пиниқутылъықпысигун, атәсистун
 сюмыхтағатқәхтыкилью, атәсистун пилъықпысигун.
³Лъңинәюғныңухпынаси, аңәюғныңухпынаси. Йығлыги
 қусывгутульюси, иляхпысиның пиниғатағағнилюси
 сюмыхтағахпынаси. ⁴Сюмқыхпынаки пиюкыльхйнаси,

йығлығи пиюкылтыбиси пакикағлюки каюсйтақлыюки иляси. ⁵Сюмығныси Христос Исусым сюмығнығатун аюқлыт.

⁶ Исус Кияғнығтун аюқсығнāғми сюмығтағāмаңитук
Кияғнық иңлюксяққāлюку.

⁷ Йығлығи Кияғнығултыни пакиглюку,
қыпхāхтыстун лыйкāгуқ.
Югыстун лыйкāгуқ, альхықāгуқлыю югыстун.

⁸ Югухсями қусывыхтыкāгуқ ынкām қātкуткāгуқ
туқулығмун,
талўа туқукағуқ қакўракун.

⁹ Тамāкын апалтыюқлыюку Кияғнығым ныкыхтыкақā
Исус āңылтыхпигāлюку,
атиқакāлыю Атанығмың āңылтыхпигағмың
атығьяхағның.

¹⁰⁻¹¹ Ынкāңам қамахтыңўāғлюни қиягмылнўм,
нунамылнўм, нунам асиңанилнўм қўлвахлтықāt
Исус қуңуққўтылтығмыхтыхунлыю,
апылтығмыхтыхунлыю:
«Исус Христос Атанғўк».
Таўатын пилтығмыхтыхун қўлвахлтықāt Кияғнық
Ата.

Кўкхутылтық Ниғугыстун Нунами

¹² Ынкāңам пиниқыхкамни, лыпысинилтыюңа
қātкумаңинақакāхпысиңа, мāтын авйлыымни
қātкатағахтыңба. Йғўйхтысқылтыюку югулилтыхси
қыпхāмаңинахтық алиңылтылиғлюсылтыю,
уңылыхтылтылиғлюсылтыю; ¹³ қаюхлтык Кияғнық қўнпың
қыпхāгуқ лыпысини атуқсыгутысқылтыюку пиюкылтыни,
қātкусыгутысқылтыюсылтыю пиюкылтығминун.

¹⁴ Сяңўā тамахан пйқитыху акулзилгафкāфси, налиғмың
āхтйрāгутыфкāфси. ¹⁵ Ынкām авутңилтықусилтыю,
пылюңилтықусилтыю. Кияғнығым авақутй авутңисяққāгут
кияхтыңўлютың акулңитни пўхтинғылтыю,
сығлықхыстылтыю. Кўкхутыпыстағьяхқāгуси
иғалықытағыстун нунами, ¹⁶ уңипақиңулюси
лңитнун Христосымың уңувалтыңыстикаюғмың.
Ынкām тагинқихтыкан қуяслықакāхпысиңа ынңātаль,

қаюхляк кияхтәлтыхпыси кылгусяхқақә қыпхалықа тымңиңунғилнуқ.

17 Ухпықилтыхсылю, қыпхалтыхсылю Кияғнығмун ахқутыстун аюқут. Туқусканатңа хўани анусимиңлығвигми қуялыықуна, қаюхляк туқульқа ахқутыстун аюқсахқәгуқ тўнылғи лыпыси ахқутыхпысинун йғўйсильюни. Тәм қамахлыюта қуясльықинкутлюю. 18 Таўатыхпигақ лыпысылю қуаяхқәгуси, қуялгусихлығьяхқақахпысиңа.

Тимофейлю, Епафродитлю

19 Атанғым пиюкыльқыхкагу, Тимофей каяхсяхтуңыстағақа лыпысинун. Ынкәм қуялыықуна уңипаңхкума лыпысиңың. 20 Тимофейеңинахәм суюмхтағәткақйси суюмхтағәткылымтун. 21 Тамәкут иляңи кияң лңитның катам суюмхтағәткақут Иисус Христосым қыпхакә авылдағлюку. 22 Иўырңа Тимофей лйсимакнўәғахси натытуляңа. Иғнығыстун каөситкақәңа уңипақиңулюңа Пинилғиңың Уңипаның. 23 Лйгикағыснакумкун анысахқәтка анусимиңлығвигмың каяхлыыққақа лыпысинун. 24 Ныгьюкақа Атанық хўаңалю лыпысинун пияхтуңыстахтуңа.

25 Суюмхтағәткақақа ухпықәлгутфут Епафродит лыпысинун утығнихтысналюку. Каюткахқағыюгумалюңа тагистыкақыхкыси каюситысқыльюңа. Қырңамтуң қыпхакәгукуңлюю, уңипақиқәгукуңлюю Пинилғиңың Уңипаның. Ныкывғаткақапуңлюю Пинилғит Уңипат кипульхинәлғиңың. 26 Агляхтыснақақа лыпысинун қаюхляк ағыюқнўқ. Пыңғақйси қаюхляк нагақуқақыхкыси қинуюльханың. 27 Ипаңқ қинуюхлякәгуқ рыпаль тукувзикағуқ. Иўырңа Кияғнығым наңлыгыггуткақә, хўаңалю наңлыгыггуткақәңа. Туқумаяқан ўатақәгақ қивғульыңатағәнахтуңа. 28 Тамәкын апалыюқльюку ўатақәгақ агляхтысюгақа лыпысинун. Кәскан ысхақуфсигу қуялыықуси, ынкәңам итагнағилыықуна хўаңалю. 29-30 Епафродит туқуяғнәғми қыпхакәгуқ Христосымун, әқун тукувзикағуқ. Каюситкақәңа қаюхляк лыпыси

каюсйтыпагниңиткақахпысиңа, авйлңүси. Куякусиқльюку
упуғанъакыси қаюхлъяк аңлыгуткаҳси Атаныхқун.
Ынкәм құлвағлюки қамахлъюки югыт Епафродитытун
аюқылғйт.

Югулисихпиғақ

З ¹Ухпықалгутымни, нәңнйткун уңипәсюамси:
«Қуямәқитык Атаныхқун!»

Қинуягусигатуңа уңипәнъықихнымси посланиятхун
игақыхкамның сивунғани, ынкәм иляльықуқ
пақнйтыльыхпысинун. ²Қылыңалюси сығлытун
пикаюғның, тамәкуның қикминың, югүт сягикутилғйт
кыпфיקысқыльюки югусйт. ³Хўаңкутаңүкут ухпықани
обрезанияпйўәқани қаюхлъяк манигуғақхпуд
Кияғнық Тағнығажкынкун, усюқақхпудлъю
Христос Иисус. Нығьюңигатукутлъю Кияғнығмун
пилйтысқыльюта хўаңкута катам сяльымтыхун.
⁴Кина алнунак Кияғнығым пилйсяхқақсақагу
льңан катам сяльхакун, хўаңа пияхқәяхтуңа.
Югыт таўатын пияхқәяқата хўаңа ўатақәғак
пинаяхтуңа укут апальюқльюки: ⁵Обрезаниякақәтңа
пиңаюның иңлюлык ағнық атуғьямкун киңуңаның
альхылъығма. Израилығмйның пиңуңа, рамкыңаның
Вениаминым. Еврейпйгүңа, аңаюқажкалью Еврейеңүк.
Малихқутақнахлъяхтуңа Иудеит Лйлихтүситнун,
тамәкын апальюқльюку Фарисейеңухтуңа.
⁶Сягиқыпихлъюңа амьюқытәткыхкақанка ухпықат.
Қәткыңъўәқаканка Иудеит Лйлихтүсит рыпаль
анахутыльығмун авутңиткәгуңа. ⁷Иўырңа тамәкут
альхыхтыкақникақсақынка ифльямәнка апальюқльюку
Христос. ⁸Ипа сяңўәт қамахлъюки ифльямәнка
апальюқльюку мыгнунахтулңа литңўәльымның
Христос Иисусым, Атанқа. Лъңа апальюқльюку сяңўәт
қамахлъюки ыхсимәнка. Ысхағанка малъястун аюқльюки
альхыхтыпиғналюку Христос, ⁹илятңўәхтуңалъю
льңанун. Ухпықнанймәқа хўаңамның пиниғнақылъық
қәткутыльымкун Кияғнығым Лйлихтүсйамнун. Йыңлыги
лйсимакақа Кияғнығым пинихтыстақәңа қаюхлъяк
ухпықыхкыхка Христос. Уна пинилъық Кияғнығмың

аюкук, югыт альхықтақат ухпықилығмыхтыхун Христосымың. ¹⁰Пиюкылгыхляякақа, ліньялюку Христос, нанғиғналюкулю ахтугыяққангильға уңувахтыльхан; иляньялюналгю икфиқылъханун, лънатунгю лъйгыяққалюңа тукулъхани. ¹¹Таўатын пикума, Кияғнық сиғимакақа хўаңалгю уңувахтысқылгюңа тукулгығмың.

Кытанқустыстун Аюқуңа Кынлымун Кәсюхўағгюхляк

¹²Хўатын пиңунгитуңа: «Христосытун лъйгумāңа налиғмың Христосытун кияхтақуңа қўнпың». Иўырңа пинақылъғақа қамахлгюку атуқнўақа Христосым пиюкылъхатун лъйғналюңа атуқналюкулю писқысюлгя хўаңамнун. ¹³Ухпықалгутымни, сюмыхтағиғатуңа каяльгылгягтуманилюку. Иўырңа атәсиқ пйқақа, пуйгулюку сяңўа тунутымнилңуқ сивутмиғнақуткақуңа кәнъялюку сяңўа сивумнилңуқ. ¹⁴Ынкām таклягрукытун килгәқуңўа каяльгйсиқналюку акилыхтўсяқ, Кияғнығым туқльбткәнун памавык Христос Иисусыкун. ¹⁵Таўатын сюмыхтағангилькуфси, Кияғнығым лйгикыснәғи сюмыхтағалгыси анахутңалғит. ¹⁶Уна мыгнунапихтуқ, нағныгутыльтыки кияхтәльыпут малихлгюку ипапихқылгық лйтқахпут.

¹⁷Ухпықалгутымни, успутақлгюңа малихтыңба. Ысхапаглюки иляңилгю кияхлгыхит хўаңамтун. ¹⁸Сивунғани угляғңан уңипәтәтақақамси, мәтын уңипәнъяқлгятағамси қунитўмағма. Угльпихтут кияхлгыхит аңуягулютың Христосым тукулъханың қақўрақун. ¹⁹Сюмқақит югусимың пиюкылъхит кияң, Кияғнық авылғаглюку. Кайңуюгусихқақсықтың аңәюгусиқақит. Сюмыхтағаткақат нунамылңухйнақ кияхтәльгыхтың ынкām нәфқылгыңьяхқәгут геенами. ²⁰Иўырңа ухпықани хўаңкута қиялгмиңкут. Ынкām утақанўахпут югулиғиста, Атанық Иисус Христос, укигыяққак хўаңкуньун қиялгмың памакын. ²¹Тагикуми альяңухсяққәй каялнўт, тукумун аюқылғит югусипут. Уңувахтыкатун югусимитун лъйхсяққәй ахтугыяққангильгығмикун. Тәхун атәсикун ахтугыяққангильгықкун иглыгусяққәхлгықә сяңўа қамахтыңўағлюку.

Павелым Сяльыхқамың Уңипәскаңи Ухпықат

4 ¹Ынкәңам пиниқыхкамни ухпықалгутымни, ысағәюпихтамси, қуямасиқамси, акилытұсыяқамсылю қыпқалғымнун. Таўатын ағулитыкыстахтык Атаныққун. ²Еводия, Синтихия, қывӯльюңа қылығнақамтык, тәқитык ағиваньығмың. Атәсистун лыйхтык, қаюхляк ухпықалгуткутутык Атаныққун. ³Қыпқалгутымни Сизыгус, лыпыклью каөсйтахтыкык ағнак тәкук тәқысқыльюкык ағиваньығмың. Ылькыхкынка қывӯльютык қыпқалгусиқақйлью Клименталью, иляңилью қыпқалгутынка, қамахльюта уңипақиңулюта Пинилғйның Уңипаның юлғутыхлягнун. Қыпқалгутма қамахльютың әтхит игақңәт Игәкун Уңувальхым. Таўантут игани әтхит қамахльютың кынлыңилңуғмың уңувальыңықкат.

⁴Йўлың қуямәқитык Атаныққун. Пинақльятәғамси, Қуямәқитык! ⁵Нуқынбыхтульыхси юғым

қамахльюни лйльигу. Атанық тагияхтуңыстахтуқ.

⁶Сюмығялиткыхпынән сяңўә алңунак. Йығлыги,

сямың акльюкуфси юғаныхпысини туңсиғақитык

Кияғнығмун тўнысқыльюси. Йўлың туңсиғақитык

игамсиқаюльылиғлюси. ⁷Ынкәм Кияғнығым илюсилъю,

умьюгасилью ныкыхмытыснағй Христос Иисусыкун.

Кияғнығым ныкыхмыльха аңыхляхтуқ, китум алңунак

лйгикңўәғнәнғитә.

⁸Ынкәңам ухпықалгутымни, нәңнитәқакун посланияма

уңипәсюәмси сюмыхтағәткумаңинйсқыльюки

пинилғйтлью, усюқсяқатлью хўатылңўт: тамәкут

ипапигыт, қўлвағьяхқат, ыльқугутңалғйт, пылюңилңўт,

пиниқсяқат, тамәкутлью пинитун акузиткысяхқат.

⁹Сяңўә қамахльюку нағнығутыху лйткахси хўаңамның

апыхтуғильымкунлью, кияхтәльымкунлью. Ынкәм

Кияғнық ныкыхмыльылитикаюк лыпысинилъықуқ.

Павелым Иқамсиқаюгвикыхқаңи
Филиппыйғмйт Ухпықат Тунусйтның

¹⁰Ынңәталъ қуяпихтуңа Атаныққун қаюхляк қавңарухляхәның хўә альямың каюсйльятәқыфсиңа!

Лїсимакақа каюсїсюкақақпысиңа, иўырңа
пипагниңитк̄агуси. ¹¹Аклъюңунилюңа пиңунгитуңа
қаюлхьяк натысяғн̄ағма итағнағақуңа. ¹²Иляңани
нўғнағма кияхтақуңа, иляңани сїптїлюңа кияхтақуңа.
Итағнағъягусим̄аңа нани алңунак сятулымтун
кияхнымни. Итағнағақуңа кыпсюғнағма кияхнымни,
игатағн̄ағмалъю кияхнымни, талўа аклъюмағн̄ағмалъю,
аклъюнгитығн̄ағмалъю. ¹³Сяңўа алңунак пияхқақақа
Христосыкун икнақухсяхтымкун. ¹⁴Паниның лыпыси
пинитуңўақ каюсїтақақпысиңа сығлылїнымни.

¹⁵Лыпыси Филиппыйғм̄иңи, лїсимақн̄ўағақси
ағуляқақнама Македониямың, уңипақиюхўағақнама
Пинилғиның Уңипаның, лъңин̄агуси ухпықани
каюсигикат хўаңамның. Лъңин̄агуси илятңалғит
альхығутыльымнунлюю, ифл̄ьйл̄ьымнунлюю.

¹⁶Ат̄асих̄ахпын̄ан аклъюпигнымни манимың
Фессалоникамыльюңа, туюғақақпысиңа. ¹⁷Иўырңа
лїгикысюгамси тунусяси манит мыгнуналъыхпиг̄ангитут
хўаңамни. Мыгнуналъыхпигақ ысха уна: акилыхт̄с̄сяхқақ
альхыхсяхқақси Кияғныңмың пинитун пилъыси
апалъюқлююки.

¹⁸Хўа м̄атын н̄ам̄аңа, аа, талўа сїптїлюңа аюқуңа.
Туюсяси Епафродиткун қамахл̄ьютың к̄асим̄ат, ынк̄ам
хўа аклъюңигатуңа. Тунусяси хўаңамнун аққуткыхкастун
аюқут Кияғныңми ыфқуҳтинапихл̄ьыхйт. ¹⁹Ынк̄аңам
Кияғныңма ят̄ахқунъағиси сямың тамаҳ̄аның
аклъюкыхқақпысиның аклъюңитыльыхл̄ьягмикун
Христос Исусыкун. ²⁰Кияғнымнун, Атамун усюқилъта,
қўнпырухл̄ьяк кынлыңун̄ан. Аминь.

Киңулїт Сїмқилхыт

²¹Уңип̄атахнакыси қамахл̄ьюки ухпықат Христос
Исусыкун сїмқақанқақуқ. Ухпықалгутыт хўаңамнилңўт
сїмқақисиңуқ. ²²Қамахл̄ьютың Кияғныңым юган
сїмқақисиңуқ, кияң т̄акут Кесарым мыңтығағм̄иңита.

²³Наңл̄ьыхталъха Исус Христосым
тағнығақпысинилъи.

Павелым Посланияңи Ухпықанун Колоссымылңуғнун

1 ¹Укут посланият Павелымың пиңүт. Кияғнығым пиюкылъҳакун апостоһынухтыкәгуңа Христос Исусымун. Тимофейемыңлью пиңүт ухпықалгутымнъың.

²Кияғнығым югитнун пиңүт Колоссымылңуғнун, атәсйғмылңүт ухпықалгутыт Христосыкун.

Кияғнығым Атамта, наңльыкльысылъю, ныкыхмыльылысылъылью.

Юғй Игамсиқаюльҳым

³Йўлың игамсиқаюгвикақахпут Кияғнық, Атаңа Атанымта Исус Христосым, юғәткынъымси. ⁴Таўатын пйкукут қаюхльык нагақұмәхпут ухпықилъыхси Христос Исусымың, пиниқилъыхсылъю тамаҳйтнун Кияғнығым югитнун. ⁵Пинилғйт Уңипат уңипапигүт. Нагақуғьюхўәғақнафсики, лйткагуси сиғималъығмың Кияғнығым тўныхкәның льпысинун. Ынкәм сиғмалъыхпыси ухпықилъылгустақйсылъю, пиниқилъылгустақйсылъю. Қиягми Кияғнығым кахпагумә льпысинун сяңўә сиғимакыхкаҳси. ⁶Пинилғйт Уңипат қуястимаңинагут югнун. Ынкәм Пинилғйт Уңипат миңитнүт йңунаҳәнун нунам, катам таўатын қуястильхистун льпысинун нагақуғьюхўәғақнафсигу Кияғнығым наңльыхталъҳа. Тәхкын кынляңа лйтаҳси Кияғнығым наңльыхталъҳа Епафрасымың, пиниқыхкамнъың қыпхалгутымнъың. Атәсйғмыльюни қыпхәгуқ Христосымун, қыпхәқәқә хўаңкута қыпхәғьюхўәқахпут. ⁸Лъңан уңипәсиминкутлью пиниқилъығмың Аглыңналғйм Тағнығам тўныхкәның льпысинун.

⁹Ағныңмың тәхкын нагақұтымнның тамәкуның, юғәткынһанйгатамси. Туңситңұәмси Кияғныңмун лйсимакысқылъюку қамахлъюку лъңан пиюкылъха. Юғәткақамсилъю пыққинғусқылъюси, лйгикысқылъюкилъю сяңұәт Аглығналгйм Тағныңам апыхтүткй. ¹⁰Тәхкын кияхсяққәхлъықуси Атангым пиюкылъхатун, йўлың атуқақылъықахси сяңұә ыфқугналгй лъңани. Таўатын кияхтылғыхпысини альбәхйнақ пинилгй қыпхақлғықахси ынкәм ұата лйльықахси Кияғның. ¹¹Юғәткақамси Кияғныңмун икнақұхсйсқылъюси илюхпысигун ахтуғьяхқәнғилғыхлъягмикун. Таўатын пйқуқ нуқынғыхтухтыхлъягысқылъюси ныкыхмылғылиғлюси сямун тамаҳәнун. ¹²Ынкәм қуямалғылихлъяглюси игамсиқаюгвикылғықахси Ата. Лъңаңулгй лпысинун ныңилгутыстикақ сямың тамаҳәның акықусяқыхкаминың тўнылғықнилюки юни кияхлғыхйт ниғугми. ¹³Лъңан югуликақйлью ахтуғьяхқәнғильханың мамлығым ынкәм тагиткақйлью Атаныхпагульханун пиниқыхками Иғныңми. ¹⁴Лъңан тукфиқақйлью, сығывуткақйлью сығлыхқылғыпут.

Христос Кияғныхтуңұәк Аюқуқ

¹⁵Христос таўатытңұәхтуқ алйнғығилнухтун Кияғныхтун. Кияхтыңұқ сивуңани сяңұә алңунак улималъхильюку, ынкәм қулихпигәгуқ улимағьяхағның. ¹⁶Лъңакун Кияғныңым улимакақй сяңұәт қамахлъюки қиягмылңұтлью, нунамылңұтлью. Улимакақй ысқақаюпут, ысхйгалькыпутлью, тамәкутлью умйлгыт, атангыт, иглыгутыстыт, пилғыхқалгытлью. Кияғныңым улимакақй сяңұәт қамахлъюки Христосыкун, Христосымунлью. ¹⁷Христос таўантыкәгуқ сивуңитни сяңұәт алңунак, ахтуғьяхқәнғильхакунлью сяңұәт қамахлъюки лъңан ныкаққақлъяўәгитнитыстақй. ¹⁸Лъңа нәсқұгуқ ухпықанун юғағвигмылңуғнун, лъңан югусиқй. Лъңан югусиқ уңуваңустыңұә. Лъңаңуқ уңувагьюхұәқак туқулғыңмың, ынкәм қулихпигәгуқ сямун тамаҳәнун. ¹⁹Кияғныңым Пиюкылғықақа қамахтыңұәғлюни лъми катам кияхналюни Иғныңми илюңани. ²⁰Кияғныңым

Иғныңмикун выгүтыстыкақй лъңанун сяңўāt қамахльюки нунамилью, қиягмилью. Ынкām āўакун Иғныңми туқāқңан қакўраами илялйгүтыстыкақй лъңанун.

21 Атāсимың пыльығңаяхтуси Кияғныңмың.

Ынкām аңуаяксягйси сюмыхтағаткахтыкилью, сығлыгунлью пильыхпысигун. 22 Иўырңа Кияғныңым илялйгунъықихтыстйси лъңанун Иғныңми югусйн туқулъхакун. Таўатын пикагүк тагинъалюси найтңалығминун аглығнағлюси, пылюңильюси, авутңильюсилъю. 23 Кияғның таўатын пильықуқ нағнықуфси ухпықльюки Пинилгйт Уңипат айгүгикыльңунаки. Иқитыхпынаси сигмалығмың альхыхтыкахпысиның нагақуғакңафсика Пинилгйт Уңипат. Тākут Пинилгйт Уңипат уңипакңүт тамаҳāни нунам. Кияғныңым накмикыхкақāңа, хўаңа Павел, қыпхахтыңулюңа лъңанун уңипакысқылъюки Пинилгйт Уңипат.

Павелым Қыпхāтилъха Ухпықанун Юғағвигнилңуғнун

24 Икфиқылъығма югусимкун льпыси апальюқльюси қуястыхльягāңа. Таўатын каюсигиңўңа апыгйғналюки Христосым икфиқылъхй югусиминун. Лъңан югусй ухпықāгут юғағвигмылңүт. 25 Кияғныңым қыпхахтыңльяқакāңа ухпықанун. Тагивақакā уна қыпхақак каюсйтысқылъюси, льпысинун лйгикңўāғысқылъюки Кияғныңым акузитаңи. 26 Сивунғани Кияғныңым қайвиҳсимаңитā уна ипапилъық тамаҳāнун югнун, иўырңа мāтын қайвиҳтыңўā льми югминун. 27 Кияғныңўқ накмйлгй югминун лйсимакысқылъюку сяңўā қайвиҳтыльхилькынъи сивунғани. Накмикыхкақā лйсимакысқылъюку āңылъыхльяга ўм ипапилъхым акулңитни язычнигыт. Ипапилъық қайвиҳтыкā унаңўқ: Христос кияхтыңўқ илюхпысини. Христосыңўқ сигимавут кияхтысқылъюта Кияғныңми лъңан ниғуҳқылъхани. 28 Ынкām уңипакңўāхпут Христос тамаҳāнун. Қамахльюку пыхқинылъыхқун, кылыңасяғақапутлью, апыхтуғақапутлью қамахльюки югыт. Таўатын пйқукут тагинъалюки атāсикахтйта югыт Кияғныңым

найтңалъханун аңтанйткәлюки Христосыкун.

29 Тәна пиналюку тәкуңинахәгның уғлығйхтуңа атуқлюку Христосым ахтуғьяхқәңгилъха қыпхалғй икнақыпихлюни илюмнъи.

2 1 Уңипатахлъямси тәкуңинахәгның қыпхәтилъымның льпысинун, ухпықанунлю Лаодикиямылңуғнун, тамахәнунлю ысхәсигалңуғның хуаңамның.

2 Таўатын пйқуңа илюңит илютухтысқылъюки, атәсйхтысқылъюкилю пиниқылъыхқун. Ынкәм лйгикнўәхлъықәт сяңўә Кияғныңым қайвиҳсимаңилъкаңа сивунғани. Тәна Кияғныңым қайвиҳтыкә Христосыңўқ.

3 Қамахлюки Кияғныңым пыхқиңыльхилью, лйгикиңалъхилью Христосымытут. Тәкук аклююңистун аюқук йңңалдйк Христосыми.

4 Уңипатамси, китумун алңунак пўхтыстыхпынаси тымңиның апыхтуғалъхитның, қайўа ипасюғнитыңғәта.

5 Қайўа уявансяғңәгма льпысиның, умьюгамкун льпысинитақуңа. Қуяңа қаюхлъяк кияхлъыхйси Кияғныңым писқылъхатун, ухпықилъыхсылъю Христосыкун ағулилңуқ.

Нағныңутыху Кияхтәльыхси Христосыкун

6 Тугукльилъыхпысигун Христос Исус Атанғулюку, таўатыхпигақ ухпықилъыхқун кияхтык лъңакун.

7 Лъңакун акулгутык асиванун сямавык, лъңакун ныкыфтыки кияхтәльыси ынкәм икнақухтык ухпықилъыхпысигун апыхтульыхпысигун.

Иқамсиқаюғумаңинахтык.

8 Кылыңалюси! Китумун алңунак ағулякутыстыхпынаси тымңитхўатхун апыхтуғалъхитхун. Тамәкут апыхтуғалъхыт югыт сюмыхтағалъхитның пиңўт, туғныңағныңлю пиңўт, иглығутилдйт хўани нунами.

Христосымың пиңунғитут, 9 қаюхлъяк қамахтыңўәғлюни Кияғның кияхтыңўқ Христосым югусйн. 10 Христос нәскўуқ иглығутистынунлю, пилъыхқалығнунлю. Илятыслъюси Христосымун Кияғныңым тўныхкақисй уңувалъыпигмың.

11 Илятңалъыхпысигун Христосымун обрезаниякәгуси. Обрезанияльыхси югыт пистыльхитәт, иўырңа Христосым

пистыкақә. Ынкәм итымуткақйси ахтуғьяхқәнғилъханың югусихпыси сығлыхқыңалғйт пиюкыльхитның.

12 Крестиғақнафси қуңұткәгуси Христосыкун. Тәхкын макыткәгуси уңувалъығмун Христосыкун қаюхлъяк ухпықыхкыси Кияғныңым ахтуғьяхқәнғилъхә.

Кияғныңым макыткақә Христос туқумың. 13 Туқукәгуси қаюхлъяк сығлыхқыстыңуялғйси, қаюхлъяклью обрезанияльхилңүси югусихпысигун. Иўырңа Кияғныңым уңувақтыстыкақйси Христосыкун қаюхлъяк сығывуткақй қамахлъюки сығлыхқыльыпут.

14 Қәткынғитақнамтыки Кияғныңым Лйлихтүсй сығлыхқыльхыт пикапут игақыхкәгут. Кияғныңым иқиткақй игақуқат сығлыхқыльыпут туқуқәльюки Христосым қақұрәнун.

15 Кияғныңым ўаяхтықақй гүтутаңит иглығутилғйтлью, ахтуғьяхқәнғилъылгытлью туғнығәт. Таўатын тамаңанун ысхақтыстыкә кәйлькйльыни тамәкуның туғнығағның.

16 Китумун алңунак нанқихтыстыхпынаси нығыльыңмыңлью, мыңыльыңмыңлью, нықынғақхыльхыт ағныңитның, нутағат танқит ағныңитның, налиғмың Субботат ағныңитның.

17 Такут тағнығаңульхйстун аюкут тәкунун пияхқанун ага сивумылңуғнун. Иўырңа тамәкут ипапигыт Христосымытут.

18 Иляңи юғым қусывығнасюғнихқысюныхтүт, манигуғақйтлью яқулгыт. Иўлың акузиткақйт ысхағўәльытың ысхақатың. Лъңитнун уңипәтыстыхпынаси анахутңанилюси. Лъңит ыслықңәт тымңитхўамың куқәюхлығымың қаюхлъяк сюмыңнығит юғым сюмыңнықй.

19 Лъңит иляньанихтут Христосымун нәсқұлығмың югусимун. Иглығутңўә йңунән югусиқ, икнақуҳсағәқәлью ныхқәкльюку. Қырңағмытыстақә югусиқ атуқыслъюки нафльйлью, ивалюңилью. Ынкәм югусиқ нағуңқ Кияғныңым нағустысқысюльхатун.

Туқулғйтлью, Уңувалғйтлью Христосыми

20 Христос туқәққан туқулгусикальхўқақәси. Ынкәм итымуткәгуси туғнығағның иглығутилғйның хўани нунами. Сяңанңам кияхтақыстык нунамун пикыпихльхйстун? Сяңан қәткақыстыки лйлихтуғалъхит хўатылңұт: 21 «Сяфльыхпынән, Нәсйхпынән, Сяфтыхпынән?» 22 Такут лйлихтуғалъхыт

югыт нығыхкїтныңлыю мығыхкїтныңлыю аюкут. Ынкām нығыхкїтлыю, мығыхкїтлыю атуқсыаққананиғакут. Тамāкут лїлихтуғалыхыт таўаңинахақ югыт лїлихтуғалықїтлыю, апыхтўсяқїтлыю. ²³Тамāкут лїлихтуғалыхыт апыхтуғїт югыт пықинысығўағысқылыюки. Апыхтуғїтлыю амьїоткысқылыюки югусїт, атуқнанїсқылыюки югусїта пиюкыльхїт. Иўырңа таўатын пильхїта ағулихсигатїт атуқнанильыхқамың тамāкут сығлыхқыльхыт. Тамāкут лїлихтуғалыхыт ипасюгнитут иўырңа тымңиңут апыхтўсят.

3 ¹Уңувахтыкātыхпысиның малигульюси Христосымун, пиюкақитыки сяңўāt Кияғнығым лыпысинун пикысқылыюки қиягмылңūt. Таўани Христос ақумгāқ ағынқигнығакун Кияғнығым. ²Сїюмқакитыки тамāкут қиягмылңūt, накāн тамāкут нунамылңūt. ³Таўатын сїюмыхтағақитык қаюхляк туқукагуси. Уңувалыхси иғңāқ Христосыми Кияғныхқун. ⁴Христос уңувалықахпут. Алиқан, лыпысылыю айлгусихлыықахси ниғухқыльхани.

Кияхтālылыюкляю, Кияхтālыығрағақляю

⁵Такитыки атуқнығмың югусихпыси сығлыгыт пиюкыльхїт, катам альянїқ, укмаңиньыгилңуқ кияхтālыық, атуқсюльха сығлығым, пакигнїқляю. Пакигнїқ манигўльхїстун кияғныңлыяқанун аюқуқ. ⁶Тамāкут апалыюқлыюки Кияғнығым сякшālыыхлыяга тагнїқ қаткусигалңуғнун лыңанун. ⁷Сивунғани таўатын кияхтыңуяхтуси.

⁸Иўырңа мātын атуқнанихтыки қамахлыюки укут: сякшā, сякшāхляк, угумикырāқ, сығлықўқ, сығлығмыңлыю акузиткильық. ⁹Иқлыңиқутыхпынаси қаюхляк тāқумāхси кияхтālылыюхси, айғїткақсықысылыю. ¹⁰Ынкām кияхтālыығрағақ атуқāхсимāхси. Нутахтыңўси, Улимагистыхпысистунлыю лыйғўси. Тамākын апалыюкуку лїгикыкыстағахси Кияғнық кинахпигāтаңа. ¹¹Кияхтālыығрағағми, альяңуғутңитут акулңитни язычнигытлыю, Иудейтлыю, акулңитни обрезаниякатлыю, обрезанияльхилңūtлыю,

акулңитни варварытлью, Скифатлью, акулңитнилью, қыпхақтыляғитлью, қыпхақтыляғунғилңүтлью. Иўырңа Христос қулихпигәгуқ, кияхтыңўқлью тамахамнғи ухпықани.

12 Кияғныңым юкйси аглығналғйт, пиниқыпихтйсилъю. Накмикыхкақйси. Ынкәм наңльыхтағлюси, наңльыкилюси, қусывыхльюси, якуқльюси, нуқынъыхтулюсилъю. 13 Сякшитутыхпынаси иўырңа сығывутульюси. Килью анахтыкаңиси сығывунъакыси катам Атанғым сығывутульхистун льпыси. 14 Қамахльютың тамәкут мыгнунахтут иўырңа пиниқылъық мыгнуналъыхпигәгуқ. Пиниқутыльхым атәсйхтыңўәғйлью. 15 Тамахахпыси налиғныңйси Христосым югусйн, ынкәм накмикыхкәгуси кияхтысқыльюси қырңахпыси ныкихмыльыхқун. Тәна апальюқльюку Христосым ныкихмыльхан иглыгульки илюси. Иқамсиқаюғңатыклью. 16 Йықай Христосым апыхтўсй кымнағлютың кияхлғит илюхпысини. Апыхтўтутақльюси, кылыңасягутутақльюсилъю тамахақун пықкиныльыхқун. Илягахтык Кияғныңмун игамсиқаюльылиғлюси илюхпысигун, илягахтык псалмының, илягәтның, манигүтмунлью илягәтның. 17 Ынкәм сяңўә пикахси, акузиткун налиғмың қыпхалъыхқун қамахльюку пйқитыху әтхақун Атанғым Исусым. Льңақун игамсиқаюгвикитыху Кияғның Ата.

Натын Ныңльюгутыт Кияхтыльыхқәт

18 Нулиғни, малихқутақльюси угихпысинун қаюхльяк таўатын Атанғым писқысюйси.

19 Угини, пиниқльюки нулйси, якуқльюки пйқитыки.

20 Тағнухағни, қәткыльюки аңаюқаси сяльыхқун тамахақун, қаюхльяк таўатын пильхым ыфқухтақә Атанық.

21 Атани, сякшәсяғахпынаки тағнухаси лйбрақ йльқынъаюката.

22 Қыпхақтыляғни, йўлың қәткыльюки пилйтистыси. Йўлыңлью ыфқухнақльюки ысхапагугңәта налиғмың ысхапагунғитығңәта. Қыпхәтыки ипапихқыльюси қаюхльяк таўатын қўлвәңўәхси Атанық. 23 Сяльыхпысини

тамаҳани қыпхағакитык пинақылъхаҳси қамахтїлюку қыпхātыпихлътхїстун Атанық, накāн югнун.

²⁴Нықамикльюку Атангўқ Христос қыпхātкаҳси.

Алътхлътхықаҳси акилыхтўсяҳси лъңаның. Акилыхтўсяк

акыкусяқыхқақā тўнылықнилюку югминун. ²⁵Иўырңа

кина алңунак сығлытун писта налътяңиғьяхқāгуқ

сығлытун пилъханун қаюхлътхык Кияғнығым нанқихсяхқақā тамаҳан юк таўатыхлътхыўақ.

4 ¹Қыпхахтылътхыт пилїтистыңитни, пинитунўақлътхы, атуныўақлътхы пїқитыки қыпхахтылътхы,

лїсимакльюку лътхысылътхы Пилїтистылгўси

қилътхыми. ²Юғāмаңинахтык, йлътқаюхпынасылътхы

юғағакитык игамсиқаюгвикумāн Кияғнық.

³Юғақуфси, юғātкынъақыфсикутлътхы. Юғахтык

Кияғнығмун қылътхыпгутысылътхыта амигмың миңитысылътхыки акузитаңи Христосымың аюқылгїт.

Сивунғани Кияғнығым қайвиҳсимаңитā ипапилътхық

Христосымың аюқылгїй. Иўырңа Кияғнығым

уңипātāна уңипақысылътхыку тāна қайвиҳсимаңилңуқ

ипапилътхық. Уңипақыхқақутымның тāна ипапилътхық

анусимиңлътхыгātңа. ⁴Ынкām юғātкитыңъа уна уңипақ

уңипақсяхқālюку хўатыхлътхыўақ катам Кияғнығым

хўаңамнун писқылътхатун.

⁵Пыхқингўақитык ухпықāнғилңугнинътхыпысини.

Атуқақитыху тамаҳан пилътхықаҳси уңипāsяхқālюки

Христосымың. ⁶Алътхқуныхпысики йўлың

наңлътхытағлюси, акузйїқлътхыси итағнағьюғнағлюси,

нагасюғнағлюсылътхы. Таўатын пїқитык

лїсимакысылътхыси натын кїмсылътхықїт āпқуғālхыт.

Павелым Āпқаңи Югыт Лъмнинлңўт

⁷Тихик ухпықālгуткақа, пиниқыпихтыкақа.

Қыпхалгуткақа, қыпхāтақālлътхы Атанық хўаңамнун

малигулътхыни. ⁸Каяхтақа лътхысинун, лїсимакысылътхыку

натытулвут ынкām қайымылътхыңысылътхыси.

Уңипāнъағїси хўаңамның. ⁹Каяхтақālлътхы Онисим

лътхысинун. Пиниқыхкāгуқ атāsйғмылңуқ ухпықālгун,

лътхысиның пиңўқ. Тихикылътхы уңипālлътхықїси сямың

тамаҳаның сялътхыңның мāни.

¹⁰ Аристархым анусимиңлъяғалгутма, Маркымлъя аталгутаңан Варнавам сјомқақйсиңуқ. (Уңипатқақамси посланиятхун Маркымың, кәсимақан лыпысинун упугатысқылъяуку.) ¹¹ Иисусымлъя, алья атылгым Иустымың сјомқақйсиңуқ. Тәкуңинагут Иудеит ухпықат, қыпхалгусиғақатңа Атаныхпагульханун Кияғнығым. Илютуқутканка ынңаталь.

¹² Епафрас, қыпхақтыңа Христос Иисусым, лыпысиның пиңуқ, лыңанлъя сјомқақйсиңуқ. Йўлың тәкуңинахәғның юғатқақйси аңтанитысқылъяуци, лйсимақңўәғғысқылъяуку сяңўә Кияғнығым писқысюльха лыпысинун, лыпысинунлъя қамахтыңўәғлюку пиюкылъха пикысқылъяуку. ¹³ Уңипәсюгамси Епафрас қыпхахлякәгуқ каюсйнъалюци, каюсйнъалюкилью Лаодикияғмйтлъя, Иераполығмйтлъя. ¹⁴ Лукамлъя пиниқыпихтыкамта ағалихтым, Димасымлъя сјомқақйсиңуқ.

¹⁵ Ухпықәлгутнун Лаодикиямылңуғнун, Нимфанымунлъя, ухпықәлгутнунлъя қырңуғуткаюгнун манигўнъалютың мыңтығәни, уңипәнъакыци сјомқақанқаңуқ. ¹⁶ Атихтуғнакыци укут посланият ухпықанун қырңуғуткаюгнун юғағвигани Колоссым. Ыатахляклью атихтуғнакыци укут посланият Лаодикияғмйт ухпықйтнун. Атихтуғнакысилъя посланият Лаодикияғмйт ухпықита туюгьяхқйт лыпысинун. ¹⁷ Архипп Уңипәтаҳнакыци хўатын: «Ыатахляк апығйгнакын қыпхақақ Атанғым қылцуткә лыпынун».

¹⁸ Хўаңа, Павел, хўаңа катам йхымның уна игақақа. Нықамикльюңа анусимиңлъяғәгуңа, қйпшагусиглюңа аюкуңа. Қамахлъяуци сјомқақамси.

Кияғнық наңлъяхтағли лыпысини.

Павелым Посланияксюхўағи Ухпықанун Фессалоникамылңуғнун

1 ¹Укут посланият Павелымың, Силамың, Тимофейемыңлью пиңўт, Фессалоникағмїт ухпықйтнун Кияғнығым Атам пиңи Атанғымлью Иисус Христосым. Кияғнығым наңльыкильхалъю, ныкыхмыльхалъю лыпысинилъик.

Фессалоникағмїт Кияхтәльхатлью, Ухпыльхатлью

²Қўнпың игамсиқаюгвикақахпут Кияғнық тамахахпысинун, йўлыңлью юғатқақамси. ³Юғанымта Кияғнығмун Атамнъун нықамикақахпут қыпхалъыхси ухпыльыхпысигун, қыпхалъыхси пиниқылъыхпысигун. Игамсиқаюгвикақахпутлью ухпыльыхси нағнығускыси икнақльюку қаюхлъяк сигимаңулдїси Атанымтыхун Иисус Христосыкун. ⁴Ухпықалгутымнъи, Кияғнығым пиниқыхкәни, лїсимакахпут накмикыхкақйси ⁵қаюхлъяк Пинилдїның Уңипаның тагитақнамси, акузитырағинахтыхун пимаңитукут, иўырңа ахтуғьяхқәңилъыхқунлью, Аглығналдїгныкунлью Тағнығагныкун пикағукут. Ынкәм ухпықаси Пинилдїт Уңипат ипаңутаңи. Лїсимакахсылъю натын кияхтыкәтфут лыпысинилъюта, таўатын каюсїнъалюси кияхтыкәгукут. ⁶Ынкәм хўаңкутыстунлью, Атаныхтунлью лъйхтык. Қайўа икфиқыхлъягңахпыси, тугукльиғаси Пинилдїт Уңипат қуямалъылиғлюси Аглығналдїгның Тағнығагның. ⁷Ынкәм успутәхтуси тамахїтнун ухпықанун Македониямилъю, Ахаиямилъю. ⁸Атанғым уңипә миңитңўқ лыпысиның Македониямилъю,

Ахаиямилъю. Ухпықилтыхсылъю Кияғнығмың лїтāt тамаңани. Ынкām хўаңкута сямың пинґисяғңāmтыху ухпықилтыхси, қаюхляк сїңынлъю югыт нагақұмāt. 9Тамаңани āпхақāt упуғатилтыхлтяхси хўаңкунъың лпысинитңулюта. Қйвуманилюсилъю уңувалдїмун Кияғныпигмун қыпхāнъялюку, пыхлтыюки кияғныңлтяқат. 10Утақāқахсылъюңуқ Кияғнығым Иғныға, Иисус, тагияхқақ қиягмың. Лънаңўқ Кияғнығым уңувахтыкā туқулбығмың, югулїқāқалъю Кияғнығым сясшālъханың кāsяхқамың.

Павелым Қыпхалъха Фессалониками

2 1Ухпықалгутымнџи, лїсимакаҳси лпысинун пилтыхпут тымңиңунғиткāгуқ. 2Иўырңа сивунғани лпысинун пилтымта, лїсимакаҳси Филиппами икфиқлїхтыстыкақйнкүтлъю, сығлықўқақйнкүтлъю. Тамāнлъюта қайўа углялдїм юғым ағулїхнақуткығңилъю Кияғнығым илютустыкақйнкүтлъю, ынкām уңипāsяхтуғамси Пинилдїның Уңипāмың Кияғнығым. 3Уңипақилтыхпут ипаңўқ. Иқлбыңиқнунғитукүт лпысинун, сығлығмың пиюкыхкїтукүт лпысинун, пўхнақуткиғатамси. 4Йыңлығи, уңипақақапүт Пинилдїт Уңипат қаюхляк Кияғнығым итагнақлъюта нығьюкүткақй хўаңкунъун. Акузилығмытыхун ыфқухнақуткыңъунғитапүт югыт, иўырңа ыфқухсюкақпүт Кияғнығўқ, нанқихтаиңалдї илюмта сюмыхтағалъханың. 5Лїсимакаҳси усюқўхсяхтўнғитамси налиғмың сясқыңвиксяхтўнғитамси. Кияғнық лїсимакистыкақпүт. 6Усюқсыяюхтыңъунғитукүт юғның, лпысиның, налиғмың кинкуның. 7Апостолыңутымнъың Христосымун, туңсиғнїғвиксяхқақсяғамси сямың алңунак. Иўырңа лпысинилъюта якумаңилтықүткумаңитамси, йыңлығи мамахтикаюгыстун нāстун афлбыңақилдїстун тағнухағмыхның аюқыхкāгукут. 8Пиниқыпихтамси, ынкām қуякусиқинағлюку лпысинун лїсимақысюгапүт Кияғнығым Пинилдїт Уңипї. Пинилдїңинāt Уңипат пихпынаки, қуякусиқинағлюку сямың тамахāның каюсиғъюглюси аюқамси, қаюхляк пиниқсялїткақамси.

9 Ухпықалгутымнѝ, нықамиқахси натын аңкән қыпхалъыхпутлью, уғлығильыхпутлью! Қыпхақәгукут унухтӯмән, ағныхтӯмән қаюхлъяк лпысинун уқихтукутнуонгилнӯкут; лпысинисималюта уңипақиқәгукут Пинилгїның Уңипәмың Кияғныңым.

10 Лпысылъю, Кияғнықлъю лїсимакистыкамси. Лпысини ухпықани кияхтықәгукут пылюңильюта, ипапихқыльюта, анахутыльңунәмта. 11-12 Лїсимақахси катам атам афльыңакильхатун тағнухағминың, хўаңкуталъю тамахахпыси таўатын катам афльыңакихқақамси. Кайымыхқақамси, илютухсяқақамси, қылгутақақахпут лпысинун атуқысылъюку кияхтәлтық ыфкуғналгї Кияғныңми. Туқльюңўйси илятысылъюси льми катам Атаныҳпагульгминунлъю, пинигналъыхлъягминунлъю.

13 Игамсиқаюгвикумаңинаңўәхпутлью Кияғнық уна апальюқлъюку: хўаңкунъың нагакуғлюку тугукльиғахси Кияғныңым уңипә. Лпыси тугукльиғахси Кияғныңмың уңипә, накән югның уңипәлюку. Тәнаңўқ Кияғныңым уңипахпигә қыпхалгї лпысини ухпықилгїни. 14 Ухпықалгутымнѝ, лпыси таўатытуси ухпықистыңистун Христос Иисусым қырңугуткаюгның юғағвигитни Кияғныңым Иудеями. Нуналгутыхпыси икфиқыстықақйси катам Иудеит икфиқыстыльхистун ухпықат Иудеями. 15 Иудеяңūt тукутикат Атанығмың Иисусымың, ўкналиқистыныңлью, амьюқытәткихқақйльюлью. Ыфкухныңитәт Кияғнық, кипулъхинағūtлью тамахәнун югнун 16 агулїхнақуткыльығмыхтыхун уңипақилъыхпут язычнигнун югулилъыңнаюката. Таўатын пильығмыхтыхун илямаңинағйт сығлыхқылытың ынкәм қынўатлью Кияғныңым угумиягутыхлъяглюки қантағақун ағьохлъықй.

Павелым Лялихфикынқихсюқаңи Фессалоникағмйт

17 Ухпықалгутымнѝ, амьюқытәткистымта ағуляқыстақңамикут Фессалоникамың, пыльхутутыстїнкулъю, иўырңа паниның сюмығмиқақамси. Ысхағьюпихтақсяғамси

хинасылъю ¹⁸ынкām такунақутқақсығамси. Хўаңа, Павел, такунақуткāтағақсығамси иўырңа Тугныңām амигиғахтақйнкүтлюю. ¹⁹Лъпыси сиғимальқамси, қуясиқамси, қахпакамсылъю. Тāна қахпа хўаңкута қукāюгусиқылъықахпут мануңани Атанымта Иисусым тагикан. ²⁰Ипапыстāқ лъпыси қукāюгусиқамсылъю, қуясиқамсылъю!

3 ¹Иўырңа ысхātусигатутымның қавнахāның пылығыңатутылъыхпут нуқытутыпағниңйтахпут. Ынкām агғиткāгукут хўаңа лъңинағма

Афинымынғалюңа, ²каяхтыкақахпутлъю Тимофей лъпысинун. Ухпықалгутқахпут, қыпхалгусиғақйнкүт Кияғныңмун. Уңипақилгусиғақйнкүң Пинилғйның Уңипаның Христосымың аюқылғйның.

Каяхтыкақахпут икнақуҳсяғяхтйсқылъюки ухпықилъыси, кайымысқылъюсылъю, ³қаюхлъяк йльқаюхтысюңилькымси ухпықилъыхпысиның сығлылйльыси апалъюқлъюки. Иўырңа лйсимакақәси ухпықани хўаңкута сығлылйғяхқкāгукут.

⁴Лъпысинилъюта уңипātнўāқақамси амъюқытātкылъыңылъықнилюта; ынкām лйсимакақәси тāўа ипа икфиқуткыхкақахпут амъюқытātкылъық.

⁵Тамāкын апалъюқлъюку ахтуғьягусяма нуқынбығмың, каяхтыкақақа Тимофей лъпысинун лйгикналюку ухпықилъыхси натытақутаңа. Пыңқақамси қаюхлъяк Тугныңām нанғйкуманаюқаңиси ухпықинанйсқылъюси, ынкām қыпхалъыхпут тымңисюғниҳсиманаюкан.

⁶Иўырңа Тимофейем утығниғлюни уңипātйнкүт қуяналғймың уңипāмың ухпықилъыхпысиныңлъю, пиниқылъыхпысиныңлъю. Уңипāтақйнкүңлъю йўлың нықамикақнилюта пинитун, ысхағьюгақнилюталъю катам хўаңкута ысхағьюлымтыстун лъпыси.

⁷Ухпықалгутымныңи, сығлылйхлъягумалюта, икфиқыхлъягумалюта илютухтукут қаюхлъяк нағныгутнукыси ухпықилъыхси. ⁸Хўā аныхтағахтукут қаюхлъяк агулйлькālғйси Атаныхқун. ⁹Ынкām игамсиқаюгвикнўāхпут Кияғның лъпысиның. Лъпыси апалъюқлъюси қуяхлъягўкут сивуңани Кияғнымта.

¹⁰Такуңинахāғның юғātкыңўāмси унухтўмāн,

ағныңтұмāн алья ысқағьяхқāлюси, иляяхқāлюки
ухпықилъыхпыси аклююкыхкйт.

11 Кияғнымта, Атам лъңаның катам, Атанымталъю
Иисусым қантағақун лъпысинун пияхқāхтыслъикут!

12 Атанғым, пиниқсялїтутыстағағлиси.

Пиниқылъыхсилъю тывуғаслбигу тамаҳāнун югнун,
катам хўаңкута пиниқылъымтыстун лъпыси. 13 Таўатын
айыпсюгихсәхлъықй илюси авутңитысқылъюсилъю,
пылюңитысқылъюсилъю сивуңани Кияғнымта Атам,
Атанымта Иисусым тагилъҳани. Таўани кылъқылъықй
қамахтыңъўағлюки лъми юни.

Кияхтылғық Ыфқуғналғй Кияғныңми

4 1 Ухпықāлгутымнъи, аляграң хўатын пинақамси,
лїтивикыхқақамси натын кияхтылғыхқамың
ыфқуғнағлюси Кияғныңмун, ысқа таўатын
кияхлъыхйси. Атҳакун Атанғым Иисусым кайымамси
ўатақāғақ таўатын писқылъюси. 2 Лїсимакаси сяңўāt
қылгутапут лъпысинун писқылъюки Атаныхқун
Иисусыкун. 3 Хўатытуқ Кияғныңғым пиюкылъха
лъпысинун: пылюңитысюгйси сығлыхқыстысюңитйси
атуқутылғыхқун. 4 Лїтысюгйсилъю тамағахпыси
нуқутутысқылъюки югусиси пинилъығмун ынкām
кияхлғықуси пылюңилъюси, ыфқуғнағлюси
Кияғныңмунлъю, югнунлъю. 5 Иляпхатыхпынаси
югусихпыси атуқиюльҳанун ухпықāңилнўт
пилъхистун нальюкилцїт Кияғныңмың. 6 Китум
алңунак сякусийқыфқāн пилигу ухпықāлгутми иңлюңа
атуқилғығмун. Атанғым ағьюхлъяхлъықй таўатын
пикаюгыт. Сивунғани кылыңасяхлъякақамси тамāкын.
7 Кияғныңғым накмикыхқақйлью кияхтысқылъюта
пылюңилъюта, сығлыхқылъңунāmта. 8 Ынкāнам китум
алңунак қātкынғилькумики тамāкут апыхтўсят,
Кияғныңўқ қātкынғилькаңа накāн юк. Кияғныңўқ
тўнистызи Аглығналғйғның Тағныңағның.

9 Китум алңунак письмонғисяғнāғмиси аюқйси
уңипāнъалюси пиниқысқылъюки ухпықāлгутыси,
қаюхлъяқ Кияғныңғым апыхтуқақйси пиникутысқылъюси.

10 Ипаңўқ пиниқыхкаси қамахлъюки ухпықāлгутыси

тамаҳани Македониями. Иўырға ухпықалгутымни, қылғамси пиниқутағисқылъюси. ¹¹ Пинақылъхаҳси қамахлъюку кияхтык ныкыхмылгылиғлюси, лыпыси сяххқаси пйқитыки, авылғағлюки иляхпыси сяххқйт. Қыпхахтык альхығусяххқалюси аклъюкыхкаҳпысиның катам хўаңкута қылылымтыстун. ¹² Таўатын пикуфси нығюкнәнғитасилью алңунак аклъюкыхкаҳси, ухпықанғилңўтлъю сйвакылгықйси.

Атанғым Тагильға

¹³ Ухпықалгутымни, лйсимакысюгамси ухпықаның қавалғиның қивғукуфқита писқылъюки сиғимальхилңуғыстун. ¹⁴ Ухпықахпут Иисус туқулюни уңувақағуқ. Ынкām ухпықахпут Кияғнығым тагилгықй Иисусыкун тамāкут қавақат ухпықилютың лъңаның.

¹⁵ Уңипātңўағамси Атанғым апыхтўткāның. Атанық тагикан, хўаңкута паниның уңувалғини иңьядағнәнғитапут тамāкут қавақат. ¹⁶ Атанық лъңа катам қилягмың укихлъықуқ, югыт нагақуҳлъықāt игляхтуқак қылылгық, мыңа архангелым, қалғихтāтаңалъю Кияғнығым. Тамāкут ухпықилютың Христосымың туқуляғātкат уңувағыюхāхлъықут. ¹⁷ Тāхкын хўаңкута уңувалғини уныхтыкани, Кияғнығым қырңугутыслъюта, лъңитнун, ҳатағахтāтыслгықйнкүтлъю қилягўағнун пайғысқылъюку Атанық ыслъями. Ынкām Атанығмылгықукут қўнпырухлъяк. ¹⁸ Тамāкын апалъюқлъюку илютухсйсиқакитыки тāкут акузитыт.

Апығйхсйғлюси Атанғым Тагилгықхқанун

5 ¹ Ухпықалгутымни, лыпысинун письмоткынъунғитут қакун тамāкут пияхқātани. ² Қаюхлъяк лыпыси лйсимакнўағаҳси Ағныға Атанғым тагияхқāгуқ ўāкынғильғағульюни тагильхатун тыглығнйхтым унугми. ³ Югыт хўатын пималюки: «Ныкыхмылгылгўкутлъю, пақнйтукутлъю», нāфқылъхым кātқахлъықй катам ағнам игниюлъхан ақниҳқылъхатун. Югыт анағнәнғитāt тана нāфқылгық. ⁴ Иўырға лыпыси ухпықалгутымни, мамлыхлъягмынъығитуси ынкām Ағныған Ағнығым ўāкынғильғахнәнғитйси

тыглығнйхтытун. ⁵Қамахлыюси авақутақйси нигугым, авақутақйсилъю агнығым. Унугым пикынғитйлью налиғмың мамлххлягым. ⁶Бнкәм қавәфқәмта пильта иляңистун, итупиль тыхумальта, лйсималюта. ⁷Тамәкут қавалғйт қавағақут унугми, тамәкут мығылғйт сјомақут унугми. ⁸Иўырңа Атанғым пикйлью ынкәм лйсималюта кияхтыльта. Пақнйхсйсилъыхқамнъун сјакимамтыхун атыльтыху сјигималъық югулилъығмун. ⁹Кияғнығым пиюкыльқынғитә икфиқысқылъюта сјакшәлтъығмың, иўырңа югулилъыңысюйлью Атанымтыхун Иисус Христосыкун. ¹⁰Иисусым туқуматкыхкақйлью лъминитысқылъюта уңувағңәмта, туқукәяғңәмта тагикуми. ¹¹Тамәкут апалъюқлъюки кайымутутақитыклью, каюткутақитыклью хўә мәтын пильыхпысистун.

Киңулйт Апыхтуғальхыт Қуякыльхытлью

¹²Ухпықәлгугымнъи, сйвакитыки Атанығмун қыпхалғйт акулыхпысини. Лъңан накмикыхкақй иглығутистыңулюкилью, апыхтуғистыңулюкилью лпысинун. ¹³Сйвакыхлъягақитыкилью, пиникақитыкилью апалъюқлъюки қыпхальхит. Ныхыхмытульюси пйқитык.

¹⁴Ухпықәлгугымнъи, кылыңасяхтыки ихсяниталғйт, илютухсяхтыки алиңталғйт, каюсихтыки каялңут, ныхыхлъюўән пйқитыки қамахлъюки. ¹⁵Ўатахлъяк акисяқунаки сығлытун пистыси иўырңа пинитун пйқитыки иляси, қамахлъюкилью югыт.

¹⁶Қуямаңаңлюси, ¹⁷юғәмаңаңлюси, ¹⁸игамсиқаюғлюси тамаҳәни ныкығнығми. Тәкуңут Кияғнығым пиюкыльхй лпысинун Христос Иисусым пилйткйтнун.

¹⁹Қәмтыхпынакык Аглығналғйк Тағнығак, ²⁰сясйңиньихпынаки ўкналиқилъхыт. ²¹Иўырңа сяңўә қамахлъюку нанғйқўәқитыху ынкәм тугукльиғақлъюки сяңўәт пинилғйт, ²²иқитңатык тамаҳәның сығлығмың.

²³Кияғнығым ныкихмылғылитистым йғўйхтыңўәғлюси пылюңихльиси. Авутңитыслъики тағнығаси, уңувасиси, югусиси Атаныхпут Иисус Христос

тагикан. 24 Тахсиқлѣхтыхпыси пилъықѣ там̄акут
қаюхлъяк ат̄асѣгмытуқ.

25 Ухпық̄алгутымнѣи, юғ̄аткақлъюта.

26 Қуякақитыки ухпық̄алгутыси н̄ағлюки Кияғнығым
пиниқылъхакун.

27 Қылғамси Атанғым пилъық̄алитыльхакун
укут посланият атихт̄ѣсқыльюки тамах̄йтнун
ухпық̄алгутыхпысинун.

28 Пиниқылъха Атанғым Иисус Христосым
лъпысинилѣи.

Павелым Тўңлїт

Посланияңи Ухпықанун

Фессалоникамылңуғнун

1 ¹Укут посланият Павелымың, Силамың, Тимофейемыңлью пиңўт. Ухпықанун Фессалоникамылңуғнун Кияғнығым Атамта пиңитнун, Атанғымлью Иисус Христосым.

²Наңльыхталъықлью, ныкыхмыльықлью льпысинун пиңўк Кияғнығмың Атамың, Атанығмыңлью Иисус Христосымың.

Нанқихтилъыққақ Христосым Тагильҳани

³Ухпықалгутымнѝ, йўлың игамсиқаягусяққақамси Кияғнығмун. Ыльқуғутңақ таўатын пильыққақпуд, қаюлъяк ухпықиныхтухтағалғїсылъю, пиникутағағлюсылъю льйїхтуси. ⁴Тамāкын апальюқльюку қанатқақамси иляңитнун ухпықат Кияғнығым юғағвигитнилңуғнун. Āпҳақақпуд нуқытутиныхтульықсылъю, ухпықилъықсылъю қайўа амьїоткылъыңыңахпыси, икфиқылъыңыңахпысылъю.

⁵Тамāкут ипапиққāt Кияғнығым нанқихтилъа ыльқуғутңалғїңўқ. Ынкām Кияғнығым āпҳїси итагнағнилюси кияхтысқылъюси Атаныхпагульығминни қаюлъяк икфиқуткыңбукыси. ⁶Кияғнығым пияхқақā сяңўā ыльқуғутңалғї: икфиқысыяққақї тамāкут икфиқыстилғїт льпысиның. ⁷Ынкām льпыси икфиқылдїни Кияғнығым мыңнāлиснāғїси икфиқылъығмың хўаңкуталъю малигульюта. Таўатын пильықуқ алїхтыкумики Атанық Иисус, икнақылъялғїтлью яқулги. Қияғмың укихльықут кынығмыльютың кумағуғңалғїми. ⁸Тāхкын Иисусым ағьїохльықї тамāкут нальюкилғїт Кияғнығмың,

қаткусигалнұтлю Пинилдїның Уңипамың Иисусымың аюқылдїт. ⁹Агьѳогнақңўйллю кынлыңилнұғмың нәфқылтығмың, иқитыснақңўтлю Атанығмың, ниғуганыңллю ахтуғьяхқангильхан. ¹⁰Тамăкут пияхқăгут таўани Ағнығми Атанық Иисус тагикан. Қамахлэютың югыт ухпықикат лънаның усюқылтықат, сяғйагагултықатллю. Лпыси акулнитнильықуси қаюхлэяк ухпықыхкыси уңипақ апқахпут лпысинун.

¹¹Ынкăм қўнпың юғатқақамси хўатын:

Кияғнығым апылси кияхтыңунилюси лми кияхтысысюлтығмитун. Ахтуғьяхқангильтығмикунллю нăмихлэигу қамахлэюку пиюкылтыхси пинилтығмун, қыпхалхиллю ухпықилтыхпыси. ¹²Ынкăм атха Атанымта Иисусым қўлвалтыңылтықуқ лпысигун, лпысиллю лънакун қўлвалтыңылтықуси нафухталхакунллю, наңлтыхталхакунллю Кияғнымта, Атанымталлю Иисус Христосым.

Сыңлыпыстăгыт Пияхқăгут

2 ¹Ухпықалгутымнѳи, уңипăсюгамси тагилтыхқаның Атанымта Иисус Христосым, қырнұгутылтыхқамнѳыңллю лънанун. ²Умыюгаси қапшагахтысюнгитнўағапут налиғмың какавысюнгитапут нагақуқфсигу Ағныға Атанғым кăсиманилюку. Ынтакун китум ўкналиқуткыхкақă, налиғмың китум уңипақыхкақă, налиғмың китум письмогуманилюку хўақуньун пикақă. ³Иўырға пұхтыстыхпынаси! Тăна Ағныға Атанғым кăнбăнгитуқ кынляңа югыт малихқутақсюгнанилдитнун Кияғнығым иглығутилханун, кăтылханунллю Сыңлыпыстăғым Югым. (Лъна нăфқысяхқăгуқ геенами.) ⁴Тăм югым кипульхинăхлтықї кияғныңлэякат налиғмың манигуғьяхқат, тамăкуның лънаның қулихпигăхсяхқăгуқ. Ынкăнам итығлюни Кияғнығым Храмыңанун ақумлюни Кияғнығунильықуқ.

⁵Нықамикынғистыхў сялин лпысиниллэюңа уңипатқақыхкымси тамăкын? ⁶Лїсимакахси китум мăтын нуқнықақă Сыңлыпыстăқ Юк тагилтыхқаның. Ыткун ағныни кăскан тагилтықуқ. ⁷Аўаллю

қайвиҳсимаңилнұқ ахтуғьяхқангильха сығлыҳқылъхым қыпхәхсимақ нунами. Иўырңа мәтын китум кимәўистақә тәна сығлыҳқылъық. Кимәўистистыңа таўатын пилъықуқ кынляңа Кияғныңым иқитыстылъханун. 8Тәхкын Сығлыпыстәқ Юк алиҳтыслъылықуқ, иўырңа Атанғым Исусым тагикуми туқулъықә анығныңаның қанығми, нәфқылъықәлъю ниғухлъягакун тагилъығми. 9Сивутхулъюку Атанғым Исусым тагилъыҳқә, Сығлыпыстәқ Юк тагилъықуқ ахтуғьяхқангильылиғлюни Туғнығағмың. Тәна Юк алъяхлъюхұахтисигўәхлъықуқ алъяхйнағмың сядйғаналдйның. 10Атуқылъықйлъю алъяхйнәт сығлығыт пұхналюки туқуяҳқат. Туқуяҳқәгут қаюхлъяк ухпықсюнгильқаңат ипалъық югулисиҳқақсықысың. 11Тамәкын апалъюқлъюку Кияғныңым пұғнықхұтыслъықй ухпықысқылъюки сянўәт ипаңунгилнұт. 12Ынкәм қамахтыңьўағлютың ухпықингилнұт ипапилъығмың нанқихсяхқәгут ағьюғьяхқәлютың қаюхлъяк пинигьюгусиқыхқаңат сыхлъыҳқылъық.

Накмикыхкәгуси Югулилъығмун

13Ухпықәлгутымнби, йўлың игамсиқаягусяхқақамси Кияғныңмун, лъпыси пиниқыхкйтни Атанғым. Игамсиқаюгвикақахпутлъю Кияғнық қаюхлъяк накмикыхқақйси югулисқылъюси има пйнлиғьюхўәлханың нунам. Югуликәгуси пылюңихсялъхақун Аглығналдйм Тағнығам, ухпықылъыҳпысигунлъю ипапилъық. 14Таўатын кияхтәлъығмун Кияғныңым тахсиқақйси Пинилдйтхун Уңипатхун уңипақыхкамыхтыхун; тагисқақйси пилйтысқылъюку ныңихқақйси пинигналъха Атанымта Исус Христосым. 15Ынкәм ухпықәлгутымнби, ағулитыкыстахтык, ухпықыкыстахтыху ипапилъық апыхтұткахпут лъпысинун уңипақилъымтыхунлъю, письмолъымтыхунлъю.

16Кияғныңым Атамта, пиниқистымта, наңлъыхталъығмикун тўныхқақйлъю кынлыңилнұғмың илютулъығмың, пинилдймыңлъю сиғималъығмың. Атанымта Исус Христосым лъңан катам, Кияғныңымлъю

Атамта, ылькыхкынка ¹⁷илютухсяғлисылъю,
икнақухсяғлисылъю тамаҳākун пинилғикун
қыпқалъықпысигунлъю, акузилъықпысигунлъю.

Юғаткитыкут

З ¹Ухпықалгутымнџи, тākнйткун сямџң
пйғатақағлямси. Юғаткитыкут Атанғым уңипā
миңишахкйғысқылъюку, югнунлъю қўлвйсқылъюку,
катам лыпыси пилъықпысистун. ²Юғаткитыкутлъю
Кияғнығмун югулискылъюта сығлығның югның,
қаюқлъяк углялғй џк ухпықилъылгунғитук.

³Иўырңа Атанық атāсиймытук; икнақухсяқлъықйсылъю,
пакнйхсяқлъықйсылъю Тұғнығағмың. ⁴Атанғым
нальюнықнйгумā хўаңкунъун қātкунтңўси қылылымнъун,
қātкумаңинахлъықахсылъю.

⁵Атанғым лйгикыслъыси ўатақāғақ Кияғнығым
пиниқылъханың, Христосымлъю нуқытутиныхтулъханың.

Қамахлъютың Ухпықат Қыпқағлит

⁶Ухпықалгутымнџи, āтҳакун Атанымта Исус
Христосым қылғамси иқитңасқылъюси тамаҳйтның
ухпықалгутыхпысиның ихсяниталғйныңлъю,
малихқутақигалңуғныңлъю апыхтўткамның
лъпысинун. ⁷Лыпыси катам лйсимақахси
аюқысиғағьяққақсығақысыкут; лыпысинилъюта
ихсянитикумаңитукут. ⁸Тугуклъйгатапут нықыт
кинқуның алңунак тукфильнунаки. Иўырңа
унухтўмāн, ағныхтўмāн қыпқақāгукут, уғлығйқāгукут
уқихтукутнўюнғитутымнъың налихйнахпысинун.

⁹Лыпысинун āпсяқлыгыуяхтукут каюсйтысқылъюта,
йығлыги қыпқақāгукут афлъыңакналюта хўаңкунъың
успутāналюта лыпысинун аюқысиғйсқылъюта. ¹⁰Талўа
лъпысинилъюта хўатын қылъқақыхкымси: «Кина алңунак
қыпқағьонғилңуқ нығыстыхпынāн».

¹¹Таўатын пикāгукут қаюқлъяк нагақуғақукут
илясиңуқ ихсянитахтут, қыпқағьюгигатут, йығлыги
януктўāқйңуқ югыт. ¹²Атҳакун Атанғым Исус Христосым
қылғапутлъю, кайымапутлъю таўатылңўт югыт
ихсянитиқыфқйта альхығутысқылъюки кияғусихқйтның.

13 Ухпықалгутымнѝи, қинуягутыхпынаси пинитун пинығмың. 14 Кина алңунак қаткусюңилъкан сямың пильымнѝун укутхун письмотхун, сѝомқынъакыси кинкуңутаѝи. Ынкѝам иқитңалғѝси лъңаның кайңуюгысқылъюку анахутыльҳаның. 15 Иўырңа киягутыхпынѝан аңуягулюку, итупиль кылыңасяҳтыху ухпықалгуткыльюку.

Тѝақнѝыт

16 Атанғым лъңаның катам ныкыхмыльылитикаюгым, ныкыхмыльылисильи йўлың сями тамаҳѝани. Атанық тамаҳѝаҳпысинильи.

17 Хўаңа, Павел хўаңа катам йхымның игақақа пиниқильқа лыпысинун. Таўатын игағақуңа қамахлъюки посланиямкун лыпысинун лѝсимакысқылъюки хўаңамның пиңутаѝи.

18 Наңлыхталъҳа Атанымта Иисус Христосым тамаҳѝаҳпысинильи.

Павелым

Посланияксюхўағи

Тимофейемун

1 ¹Укут посланият Павелымың пиңўт апостолаңаның Христос Иисусым. Апостолыңуҳтыкәгуңа қылыльҳакун Кияғнығым Югулиғистымта, Христос Иисусымлю сiғимакыхкамта.

²Тимофейемун; игныпикамкын ухпықилгьымтыгныгун. Кияғнығым Атам, Христос Иисусымлю Атанымта қуясльытын, наңльыклъытын, ныкыхмыльылгусльытынлю.

Кылыңасяльхыт Апыҳтуғистысиғўағның

³Ағуляқнақумалюңа Македониямун Ефесымытысқыхкақамкын. Иляңи югыт таманлыңўт апыҳтуғиңўт ипаңунғилнұғмың апыҳтўсяның. Қылыҳқи тақысқыльюки ⁴сяңилхәткыхпынакиңуқ акузимхуткыльюки уңипағатыңляқат, сивунылгутыхлягытлю атхит. Тамакут ахтирағусихйнагут, каютнунгитут қыпхақанун Кияғнығым. Лънан қыпхақә апығйақуқ ухпықильхйнахақун. ⁵Қылыльюгуткақа ухпықат пиниқутыпйгысқыльюки, умьюгақыхльюки, ипапигмың ухпықильльгулюки. ⁶Иляңита югыт пыхтыкақит тамакут ынкәм ахтирағақут тымңимың. ⁷Апыҳтуғистыңуюақут Кияғнығым Лйлихтўсямнўн. Иўырңа лйгикигатит акузиткыхкатың қайўа апыҳтўсяқыңнағмыхтыки ипасюгнильюки.

⁸Лйсимакапут Лйлихтўсят пинихтут ыльқухльюки атуқылғйни. ⁹Лйсимакапут Лйлихтўсят улимагунгитут пинилғйнун югнун. Улимагўт лйлихтўсяның нафқикаюгнун, қаткусигалнұғнунлю. Улимагўт

Кияғнығыюгигалңуғнун, сығлықкыстынунлюю. Улимәғүт
 ўакигалңуғнун Кияғнығмың, лыгасиғўәткилдғинунлюю
 аглығналдғинун. Улимәғүт тукутикаюғнун атамыхның
 налиғмың нāмыхның, юхтағтынунлюю. ¹⁰Улимәғүт
 блудникыстынун, юғнун юлгутмыхның атуқикаюғнун,
 юғнун акикикаюғнун юғмың қыпхағтыляғулюки,
 иқлыбыңиқыстынун, иқлыбыңалдғинун лйсимакистынун,
 кипулъхинāлдғинунлюю Кияғнығым апыхтўсйтнун
 ипапихқыңғалдғинун. ¹¹Тәкут апыхтўсйт
 пинйпихлыбхйның Пинилдғиның Уңипаның пиңүт.
 Аңхўәт усюқналдй Кияғнық, нығыюкуткақй хўаңамнун
 аңхысықлылюки.

Иқамсиқаюлғық Кияғнығым Наңлыхталъханун

¹²Игамсиқаюғвикақа Христос Иисус Атаныхпут,
 икнақухсяқақāңа қыпхақамнун. Игамсиқаюғвикақа
 ысхақақāңа атāsиғмыльюңа накмикльюңа
 қыпхāтысықлыюни. ¹³Сивундани сығлыпыстātун
 акузиткыхкақақа Христос, сығлыпыстātунлюю пикақақа.
 Амьюқытātкақнамки малихсяхтыңи таўатытыфтуқ
 амьюқытātкыңуфтақа лъңа. Таўалтйма Кияғнығым
 наңлыкыхкақыхкаңаңа қаюхлъяк сялин ухпықигалькыхка
 Христос, лйгикумаңилькыхка сйкутка. ¹⁴Иўырңа
 Атанымта наңлыкыхлъякақāңа! Ухпықилылиткақāңа,
 пиниқлытылиткақāңаллю Христос Иисусымылңуғмың.
¹⁵Сямың пилыбхқақа ипаңўқ ынкām қамахлыюни
 ухпықсяхқāгуқ: «Христос Иисус тагикāгуқ нунамун
 югулиналюки сығлықкыстыт». Хўаңа сығлылбххпигāгуңа
 сығлықкыстының. ¹⁶Нақамллю Кияғнығым
 наңлыгыягуткақāңа. Ынкām успутāгуңа натын тахкāн
 Христос Иисусым утақйлыбхқāның сығлықкыстының
 ухпықысықлыюни. Тāна успутақ тамākунун аюқуқ
 ухпықияхқанун лъңаның уңувалыбыңсықлылюки
 кынлыңилңуғмың. ¹⁷Умйлыгмун кынлыңилңуғмун,
 туқупағниңилңуғмун, алйнығыилңуғмун, лъңинā
 Кияғнығўк; лъңа қўлвалыбыңлилюю, усюқлыбыңлилюю
 қўнпырухлъяк кынлыңунāн! Аминь.

¹⁸Тимофейеми игнымни, қавңақ иляңита
 ўкналиқыстыт акузиткыхкақāтын. Ынкām мāтын

қылғамкын акузитаңит г̄утуткики пильюуамун.
 Таўатын пинитун пильюуаҳлықутын Христосымун.
 19 Ухпықикыстә Христосыкун атуқлюку лйсимақыхан
 ыльқуғутңалғй. Иляңита югыт атуқигатйт
 лйсимақыхкатың ыльқуғутңалғйт ынкәм нәфқақйт
 ухпықилытың катам аңьяҳпагйлхйстун. 20 Именейелью,
 Александрлю тамакут акулңитнитук. Тўныхқақаха
 Туғнығағмун лйтысқыллюкык сығлыпыстәтун
 акузиткыфқән Кияғнық писқыллюку.

Апыхтўсят Манигўтылығмың

2 1 Сивуклюку кайымамкын юғаткысқыллюки
 қамахлюки югыт, туңсйтысқыллюки Кияғнығмун
 аклюкыхкйтның, игамсиқаягунъакытынлю Кияғнығмун.
 2 Юғаткики умйлгыт, қамахлюкилю иглығутилдғйт,
 кияхсяққәлюта ныкыхмыльюта манигўсималюта,
 құлвәмалюкулю Кияғнық. 3 Таўатылңуқ юғалық
 пиниғтуқ, ыфқуғнағтуқ Кияғнығми Югулиғистымњи,
 4 қаюхляк қамахлюку юк югулиллыңысюгә,
 лйтысюгәлю ипапилық. 5 Таўа атәсйнәгуқ Кияғнық,
 атәсйнәгуқлю илялйғутиста Кияғнығмунлю, югнунлю.
 Тәнаңўқ юк Христос Иисус. 6 Льминың тўныхкәгуқ
 ақутңулюни итымунъалюки сығлықылхитның
 қамахлюки югыт. Тәнаңўқ пильхқақхлююәқ Кияғнығым
 кылғутилхә югулиллыңысюгнилюки югыт қамахлюки.
 7 Тамакын апальюқлюку Кияғнығым накмикыхқақәңа
 уңипақистыңулюңа, апостолюңулюңа. Каяхтәңа
 апыхтйсқыллюки язычнигыт ухпықилығмыңлю,
 ипапилығмыңлю. Ипа уңипәтамкын,
 иқлыңиқңунғитуңа!

8 Тамаҳәни юғағвигни югйнәт юғйсқысюганка.
 Тамәкуңулит кияхлыхйт қаткульютың Кияғнығым
 пиюкылхәнун. Юғағлит ныңуғульюки йхытың
 сякшәлхунатыңлю, ахтйрәлхунатыңлю.
 9-10 Пиюканкалю ағнат пиниғналхит кылғутысқыллюки
 пинитун пилюгульхитхун. Аткйт малығңафқита
 налиғмың кайңунағьяққәфқита. Итупиль
 пиниғналлытың кылғулғитки анығныхқилығмыхтыхун,
 накән нуяқыхсяғўәллықхун налиғмың золотамыңлю,

жемчугымыңлыю ульңақлыютың налиғмың акитуқамың
 āткамың āлыютың. Таўатын пилық ыльқуғутңақ ағнанун
 манигўткаюгнун Кияғнығмун.

11 Юғыт апыхтуғинғата юғағвигни ағнат
 нагасяхқāгут ныпїңағмың, малихқутақлыютың.

12 Ағнат апыхтуғистысюгигатанка налиғмың
 иглығутистыңсюгигатанка югнун. Ныпїңаяхқāгут,

13 қаюхляк Кияғнығым улимаюхāқақā Адам, тāхкын
 Ева. 14 Адамыңунғитуқ пўхтылығыңыхкақ, иўырңа ағнāгуқ
 пўхтылығыңыхкақ ынкām сығлыхқыстыңухтыкāқуқ.

15 Иўырңа ағнат игниката тағнухāғның
 югулилтығылғыкут нағнығумакуйың нығьюкльюку Иисус,
 пиникимаңинақумың илямыхның, кияхсимаңинақумыңлыю
 ағлыңағлюку кияхтāлығмың қусывыхтылығлиглютың.

Иглығутистыңит Ухпықат

З 1 Хўатын пилық ипаңўқ: Кина алңунақ
 иглығутистыңуюкуми ухпықанун тāна қыпхāққ
 пиюкыхкā пинїпихтуқ. 2 Иглығутиста авутңисяхқāгуқ,
 атāсимың нулїлгуяхқāгуқ, нуқынбыхтуяхқāгуқ,
 сюмыхтағақысхяқāгуқ, юпїнгуяхқāгуқ, упугангуяхқāгуқ,
 апыхтуғияқлығўқлыю. 3 Сїюмыстыңуяхқāнғитуқ,
 сїохльюгуяхқāнғитуқ иўырңа наңлыхтағьяхқāгуқ,
 қаныңнақигасяхқāгуқ, маниюныхтуяхқāнғитуқ.
 4 Иглығутистым иглығутңўағьяхқāқї мыңтығағмїни,
 авақутанилью апыхтуғьяхқāқї вығуснāтыфқāми
 қātкысқыльюни. 5 Иглығутиста иглығутильхискуми лъми
 катам ныңльюгутминың, натынңам афльыңақылғықаки
 ухпықистыңи Кияғнығым? 6 Иглығутиста
 ухпынхāнғисяхқāгуқ, лїорақ кукаюхтыпагнаюкан
 ынкām нанқихтылығыңылғыкуқ ағьїоғьяхқāлюни
 Туғнығахтун. 7 Иглығутиста пинитун кияхсяхқāгуқ
 ухпықāнғилңуғнун акузиткысқыльюку итағнағлюку.
 Ынкām сығлықўхпағниңилғықāt, Туғнығāmлью
 каяльқыпағниңилғықā.

Диаконьт Каюткїт Ухпықат

8 Таўатыхпигақ Диаконьтлью пиниглюки
 акузиткысхяқāгут, ипапихқыңьяхқāгут, виномың

мыгыпагыяхқангитут, пакигныгуяхқангитутлю
 манимың. ⁹Пыхсяхқақынгитит апыхтүсят Кияғнығым
 қайвиҳқыхкй, умьюгйтлю сығлыгыюгисяхқагут.
¹⁰Иглығутистыт накмиғвагилгамың диаконкақхамың
 қыпшақалильюки лйгикнақанит пинйтаңи югыт. Тәхкын
 диаконыңухтыснақанит. ¹¹Таўатыхпигақ ағнатлю
 пиниглюки акузиткысяхқагут, ййльхияхқангитут,
 иўырңа нуқынъыхтуяхқагут, атәсиймысяхқагутлю
 сякун тамаҳакун. ¹²Диаконыт атәсимиң
 нулйлгуяхқагут, иглығутнўағьяхқакйт авақутатыңлю,
 мыңтығағмиыңлю. ¹³Тамәкут диаконыт қыпшақыхтат
 құлвалгыңьяхқагут, нальюнықсюкнәнгитатлю
 ухпықилыхтың Христос Иисусыкун.

Натын Ухпықат Кияхтылгыхқйт

¹⁴Сюнаңуқ қантағақун лыпынун пиляңа, иўырңа мәтын
 лыпынун письмотканка тамәкут апыхтүсят. ¹⁵Ынкәм
 кимәўимакума посланияма лйсимакыслгықатын
 натын ухпықат кияхсяхқатаңи Кияғнығым
 ныңлюгутаңанилнўт. Льңитнўт ухпықистыңи
 уңувалғим Кияғнығым, ағвығақытәгут, тумыңутлю
 ипапилгығмун. ¹⁶Нальюнықнаҳаңунаки ухпықапут
 апыхтүсят Кияғнығым қайвиҳтыкй сығлыхльягўтлю,
 ипапыстағўтлю:

Христос альхықағуқ югусипигулюни,
 Кияғнығым Тағнығакынка лйсимакыстй тамәкут
 льңан пикй ыльқуғутңатаңи,
 якулгытлю ысхақақат.
 Уңипақыхкәгуқ нунатаҳани тамаҳани,
 ухпықыхкақат нунатаҳани тамаҳани,
 тәхкын қиягмун маўткагуқ.

Иқлыңалғйт Апыхтуғистыт

4 ¹Аглығналғйк Тағнығак хўатыхльюўақ пйк
 киңулиғни ағнығни иляңита югыт пыхлгықат
 ухпықилыхтың Христосыкун. Таўатын пилгықут
 қаюхльяқ қаткылықыхқанит иқлыңалғйт
 туғнығат, апыхтүситлю. ²Таўатылнўт апыхтүсят
 иқлыңалғйның пиңўт. Иқлыңиқылыгытың

āпхақйт ипапихсюгниҳқылыюки. Наганъаниқақйт
 умьюгатың лїсимакилқйт ыльқуғутңалығмыңлыю,
 анахутңалығмыңлыю. ³Таўатылңұт югыт
 ныңугутыснаниғйқут, иляңилыю нықым нығыснаниғақйт.
 Иўырңа Кияғнығым улимақй қамахлыюки нықыт
 нығьяхқәлюки игамсиқаягутақлыюки. Ухпықат
 лїсимакилқйт ипапилығмың лїсимақйт тамәкут.
⁴Кияғнығым улимағи қамахлыютың пинилғйңұт. Ынкәм
 ихсяксяхқәңгитут тугукльймакумың игамсиқаягулыюки.
⁵Акузитаңакун Кияғнығым, югакунлыю афтыкәгут
 ағлығнағлюки.

Пинилғй Қыпшақтыңа Христос Иисусым

⁶Тамәкут апыхтүсят лїгикыстыңўәқуфки
 ухпықәлгутыхпынун, пинилғйңулбыкутын қыпшақтыңа
 Христос Иисусым. Ухпықильхын икнақуҳлықә
 лїсимаңинақуфки ипапилыхыт ухпықат ухпықақыхканит,
 пинилғйтлыю апыхтүсят қәткыхқахтын. ⁷Нагатыхпынаки
 сясйңилңұт уңипағәтыт тыңвимун аюқылқйт Кияғнығым
 ипапилыханун. Йығлыги пыхқихсәткигу Кияғнығмун
 аюқылғй кияхтәлтық. ⁸Югусим уляпылыхә пинихтуқ,
 иўырңа кияхтылыхыпут Кияғнығым пиюкылыхатун
 аюқылғй пинигатағатұқ. Каюсийсяхқәқилью
 хўани уңувалымынби, тўңлихәнилыю уңувалыхым.
⁹Тәна пилық ипаңұқ, ынкәм қамахтыңўәғлюни
 ухпықсяхқәгуқ. ¹⁰Тамәкын апалыюқлыюку
 қыпшахлягүкутлыю, сягиқльйхтыңўүкутлыю югнун
 ухпықысқылбыюку ипапилық. Таўатын пйкут қаюхляк
 нығьюқахпут уңувалғй Кияғнық, Югулиғистыңат
 қамахлыютың югыт, кияң тамәкут ухпылқйт ләңакун.

¹¹Қылыхқи апыхтухқи тамәкын. ¹²Китумун
 алңунак паляқыстыхпынән аңлинхәмалыхын. Иўырңа
 ухпықанун успутәўи акузилыхыпыгун, сялыхыпыгун,
 пиниқылыхыпыгун, ухпықильыхыпыгун, пылюңилыютын
 кияхтылыхыпыгун. ¹³Қәтылымынун кынляңа, ухпықат
 қырңугунығата атихтүтақики Акузитның Игақыхканың,
 уңипақитақики, апыхтуғақики. ¹⁴Атуқақигу
 тағнығағныкун тунусяқ илюхпынилңуқ. Тәна тунусяқ
 тўныхкәгуқ лыпынун ўкналиқылыхықун Пресвитерыт

йхтиғақнатын. ¹⁵ Пинақылъхын қамахлъюку пйқики қылдutkanка. Таўатын югыт лйльықāt пильхұхльыхйтын. ¹⁶ Пирāмсиңўағлютын кияхтālъыхпынилью, апыхтуғилъыхпынилью. Таўатын пикувык лыпынун югулилъыкутын, тамāкутлью нагатыстытын.

Апыхтуғалъхыт Кияхтыльыхқйтнун Ухпықат

5 ¹ Ағьōхпынāн сйванльық йок, иўырңа кавьюңунāн нальхусяғакигу атакылдйстун. Уюқльйт югыт аңлыгуткылдйстун пйқики. ² Сйванльығыт ағнат нāкылдйстун пйқики, ынкām уюқльйт ағнат наягыстун пйқики, қилйгыюкыфқйта.

³ Каюсийтики угиңиғат афльыңакистыңйткат.

⁴ Иўырңа угиңиғақ авақутахтукуми налиғмың ыльтуғахтукуми, кылгульит ныңльюгутмыхнун кияхсюгнилютың Кияғнығым кияхтысқылъхатун. Афльыңакыльығмыхтыхун аңаюқатың акинақылъықйт ынкām ыфқухльықāt Кияғнық. ⁵ Угиңиғақ илякўағйткақ сиғимаңұқ Кияғнықхун. Ынкām унухтўмāн, ағныхтўмāн юғāмаңинāгуқ каюсийтысқылъюни. ⁶ Иўырңа угиңиғақ тығигниқңинакуми лъңаның ыфқухналюни, уңувағңағми туқукастун аюқсяхқāгуқ. ⁷ Қылыхқи ухпықат тамāкут писқылъюки ынкām китум алңунак сығлықўнғилъитки. ⁸ Китум алңунак афльыңакынғилькумики илякўāни, ўата льми катам ныңльюгутни, таўатын пильығмикун пыхтыкақā ухпықилъыни. Ынкām сығлығатағālъықуқ ухпықāнғилңуғмың.

⁹ Угиңиғақ йок пиңают уксюхтуткалймакан, ныңухтыкāканлью атāсимың, āтха игақсяғңағми аюқуқ угиңиғат атылдутйтхун. ¹⁰ Амалъықа тамаңан лйсимақāt қышқалъыхтуляңа, катам авақутани пинитун аңлистыльхатун, упуганыхтуляңа, ухпықālгутми итығйт уғвухтуғақлъюки, каюсийқлъюни сығлылйлғйның, қўнпыңлью пинитун пйқылдй.

¹¹ Иўырңа нутағат угиңиғат āтхит игақыхпынаки атылдутатхун. Югусйта пиюкылъхан сякниқысынығистың угйғюхльықут. Таўатын пимакумың нāфқылъықāt акықилъыхтың Христосымун. ¹² Ынкām Кияғнығым нанқихльықй ағьōгьяхқāлюки қаюхльык нāфқыхқаңат

акықилъықтың. ¹³Там сяғуакун ихсянитахтақй, итхитухтақй, йильхитухтақй, янутқуныхтухтақй, акузиткақйтлю сяңуат акузиткысяхқақынгилькытың. ¹⁴Ынкām итагнағатағаяхтут нутағат угинхат угйгьякуйың, тағнухаңлютың, афльыңақысыльююкилю ныңлюгутаңит. Таўатын пикумың аңуяк сығлықуғвигйтыслықат хўаңкунъың. ¹⁵Аўалью иляңи нутағат угиңигат ухпықананиглютың малигусимāt Тугнығағмун. ¹⁶Ухпықақ ағнақ илякўалгукуми угиңиганың, лъңан каюйсйсахқақй. Ынкām иляңита ухпықат каюйснъығысяғнағмыхтыки аюқит. Тәхкын ухпықат каюйснъықит угингигат афльыңакистыңйткат.

¹⁷Пресвитерыт иглығутиюқат юғағвигми, тәкуңинахәғныңлю қышқалқит апыхтугилъықхун, уңипақилъықхунлю, құлвағақитыки малғуғқылыюки акилыхтүсйт. ¹⁸Қаюхлъяк Акузитыт Иғақыхкат пйт: «Вол тутмалгй зерномың малъйғналюки, нығысқылыюку зерномың сюругйтихпынән». Амалықа: «Қыпхахта акилыхтуғьяхқағуқ қышқалъханун».

¹⁹Нагатыхпынаки килью алңунак авуткилгйт Пресвитерымың анахусиманилюку, ұйтқуқун авуткилгй лйсимакистылгукан мālғугыгның налиғмың пиңаюның. ²⁰Кина алңунак сығлықхумаңинақан, ағъюғнакын сығлықхынъанйсыльюку ухпықат мануңитни. Таўатын пикувгу иляңи тамāкут алиңылъықут.

²¹Тамāкут қылгутанка лыпынун қаткысқылыюки, пакихутифқāвык налиғмың танилькифқāвык писқылыютын. Таўатын қылғамкын ысхāмангитни Кияғнығымлю, Христос Иисусымлю, накмикыхкатнилю яқулгытни. ²²Йхтиғағтыхпынән кина иглығутистыкахқāлюку юғағвигми. Тәюхқыхкувык илялькйнъаюкавык сығлыққыльханун. Кияхтыкыстā пылюңилъютын.

²³Мыхйнағмың мығыхпынаң, иўырңа виноңйғағмың мықағақлыютын каюткыльықан ақсықухпынун, қинуюғātалъыхпынунлю. ²⁴Иляңита югыт сығлыққыльхит алитңўағакут, талўа сялин нанқихтыльхильютың. Иўырңа иляңита югыт сығлыққыльхит алихсяхқāгут киңувақўақун.

25 Таўатыхпигақ анығныңқильхат алиһтңўағакут, иўырңа тамāкут алиһныңғилнўт йғңананғитут.

6 ¹Қамахльютың қыпхақтылығыз сивакыхльеглитки тамāкут пилитистытың, ынкām китум алңунак сығлытун акузиткынғилыкык āтха Кияғныңым, апыхтуғилыхпутью. ²Қыпхақтылығыз пилитистыңит ухпықалгутнуката сивакатағалитки қаюхльяк ухпықалгуткыхкаңит. Ынкām қыпхатағалитки қаюхльяк каюсийўит ухпықалгутытың пиниқыхкатың. Тамāкут апыхтўсяқикилью, уңипақикилью.

³Кина алңунак апыхтуғикуми альяңулюку тамāкуның апыхтўсяның, итагнақынғитй апыхтўсяпиги Атанымта Иисус Христосым. Лъңан апыхтўсян уңипātилью Кияғныңым пиюкыльхатун кияхтыльыхқамың. ⁴Кина алңунак алыатун апыхтуғилгй āңāюғныхльягўк, лйгикигатук сямың алңунак. Āхтйрāғьюныхтўклью, қаниқсюныхтўклью акузитның. Таўатын пильхым альхыхтақй: ақинальық, ағиватыльық, сығлықўгутыльық, ухпыкунъанильық. ⁵Таўатылнўт қўнпың āхтйрāғутыстйкут. Умьюгит сюмығныхльюхтақут ынкām лйсимакнаниғакāt ипапилық. Сюмығмыхни қыпхāскумыхтыху Кияғның акльюңиғилықнилютын пйкут. ⁶Иўырңа альхығутыхльяхльықкукут кияхтыкумта Кияғныңым кияхтысқысюльхатун итагнақльюку пикатуталвут. ⁷Альхығақңамта нунамун кылькүтңитукут, тукукумталъю кылькүтылгунанғитукут. ⁸Ынкām итагнахльықкукут нықылгукумта, āткәлгукумта. ⁹Иўырңа тамāкут акльюңиғиюлгйит нангйқульыңақут. Сығлығым пиюкыльхита тугўāқй ынкām тымңитхўахльягухтақут. Тāхкын пиюкыльхита сяюгақй нāфқыллығмун. ¹⁰Манимың пиниқыллық акуқā қамахльюни сығлығым. Иляңита югыт пыхтақāt ухпықилыхтың қаюхльяк манитухқāхльягьюлгйит. Ынкām льңит қивғухльягухтақут.

Нықамиксяхқат

¹¹Иўырңа льпык Кияғныңым юкātын, ынкām иқитңалютын тамāкуның. Сягиқутики ылькүгутңалық, кияхтын Кияғныңым кияхтысқыльхатун, ухпықилылығлютын, пиниқилылығлютын,

нуқынғыхтулютын, наңлыхтағлютын. ¹²Пильюўәтигу ухпықилық қаюхляк таўатын пильюўалық пинилғиңқ. Тугугулю кынлыңилңуқ уңуалық. Кияғнығым тахсиқақатын тугукльйскылюку тана уңуалық апхақнавгу ухпықилықын ухпықалғутнун. ¹³Қылығнақамкын нагасиманғани Кияғнығым, уңуалылитикам сямун тамаханун уңуалғинун, нагасиманғанилю Христосым Исусым, кймсиғилятақуғикам Понтий Пилатым. ¹⁴Қылғамкын пирәмсилютын қаткыскылюки қамахлыюки қылғутканка лыпынун. Нағнығутики кынляңа Атанымта Исус Христосым утыңнинқихлығанун. Таўатын пикувик китум алңунак анахунилютын пинанғитатын. ¹⁵Кияғнығым пильықхақлыюўағмини тагислықә Исус Христос. Усюқналғй Кияғнық, лъңинағуқ Иғлығутистыхляк, лъңаңуқ Умйлгат умйлгыт, Атанғат атангыт. ¹⁶Лъңйнағуқ туқунигалңуқ. Кияхтыңбұқ нигугракыхлягми рыпаль китум алңунак тугухпағниңитә. Китум алңунак ысхйгата, талўа ысхағнанғитә. Кияғнығым пикльыкық құлвалықлыю, ахтуғьяхқанғилықлыю қўнпырухляк. Аминь.

¹⁷Қукәюхтыснанихқи тамәкут акльюңилңұт нунами хўани, талўа сиғимаснанихқи акльюңиңитхун нальюнықналғйтхун. Иўырңа сиғимасқики Кияғныхқун. Лъңан иғлығутыхпынәмта тўнақилью сямың тамаханың пиниғьюгусиқхамың. ¹⁸Акльюңилңұт пинитун писқики, акльюңитысқики пинитун қыпхалыхқун, иғлыльңунаки тўниюкыстағлюки иляңитнун югнун. ¹⁹Таўатын пикумың кахпахлықат акльюңи лмыхнун. Тана акльюңи аюғилңұгук тунымақ ағнакахқитнилңуқ. Ынкәм уңуалыңылғықут уңуалыпыгмың.

²⁰Тимофей, кылыңакльюки тамәкут Кияғнығым нығьюкуткй лыпынун. Иқитңалютын ухпықанғилңұтныын тымңитхўаның акузитңитныңлыю, ахтирәғутыльхитныңлыю. Тамәкут ухпықанғилңұт сюмығмыхни лйсималыпйлгунйқут, иўырңа ипаңунғитук. ²¹Иляңита пыхсимат ухпықилыхтың қаюхляк ухпықыхқаңат ипаңунғилңуқ лйсималық. Кияғнығым қуясльиси.

Павелым Тўнлїт Посланияңи Тимофейемун

Павелым Тўнлїт Посланияңи Тимофейемун

1 ¹Укут посланият Павелымың пиңўт апостолаңаның Христос Иисусым Кияғнығым пиюкыльҳакун. Каяхтыкақāңа āпхысқыльюку акықусяқыхкақ унувалғық Христос Иисусымылңуқ.

²Тимофейемун пиниқыпихтыкамнун иғнымнун. Кияғнығым Атам, Христос Иисусымлью Атанымта қуясльытын, наңльыкльытын, ныкыхмыльылгусльытынлью.

Иқамсиқаюльықлью, Кайымыльықлью

³Унухтўмāн, ағныхтўмāн юғалтымкун игамсиқаюгвикақақа Кияғнық лыпынун.

Қыпхāтақақа сығльыгюльңунаңа, катам сивунымтун.

⁴Ысхāгюпихтақамкын альямың, қаюхльяк нықамикақа пыльхутутақнамтуң қиякālғитын.

Ынкām қуяхльяхльықуңа қырңуғуньықихтыкумтуң.

⁵Нықамикақа ухпықильыпйғын. Тāнаңўқ атāсиқ

ухпықильық ныңьюхпык Лоидам, нāхпыклью

Евникам атуқыхкаңак. Лйсимакңўāгақа льпыклью

атуқңўāн. ⁶Тамāкын апальюқльюку нықаңуҳсюгамкын,

атуқумаңинаху тунусян Кияғнығмың, тўныхкақā

йхтиғақнамкын. ⁷Кияғнығым тағнығалитыльхитйлью

алиңьюгналғймың. Итупиль Тағнығахкынка

имиқакйлью ахтуғьяхқāнғильығмың, пиниқылтығмың, нуқытыльығмыңлью.

⁸Кайңукухпынāн уңипақигу Атаныхпут, талўа кайңуягутыхпынаңа анусимиңлььяғāгуңа Христос

апалъюқлъюку. Итупиль ахтуѓьяхқанцильхакун Кияғнығым икфиқылгусиғна Пинилѓит Уңипат апалъюқлъюки.

⁹Кияғнығым югуликақилью, накмикыхкақилью пылюңитысқылъюта. Таўатын пикаѓуқ апалъюқлъюки льми катам успықылъынилью, пиниқилъынилью, накән қыпхалтыхпут апалъюқлъюку. Пиниқыхкақилью Христос Иисусыкун сивутхульюку пинлильыхқан нунам. ¹⁰Иўырңа хўа пиниқылъыни лйтыстā хўаңкунъун тагилъхакун Югулиѓистымта Христос Иисусым. Христосым нāфқыхкақā туқулъық, тāхкын Пинилѓитхун Уңипатхун лйтыстйлью туқуңигалңуѓмың уңувалъыѓмың.

¹¹Пинилѓит Уңипат апалъюқлъюки Кияғнығым накмикыхкақāна уңипақистыңулюңа, апостолюңулюңа, апыхтуѓистыңулюңалъю. ¹²Тāкут апалъюқлъюки икфиқнўна. Иўырңа кайңуюңѓитуңа қаюхлъяк лйсимакақа кинаңутаңа ухпықыхкақā. Лйсимақнўāгақа лъңан кылыңаксяқлыѓыўā сянўā ныѓюкуткақа лъңанун кынляңа киңулиѓмун Ағныѓмун. ¹³Малихтики апыхтўсяпигыт нагақуқахтын хўаңамның. Успутāгут атухқақатын. Апыхтўсякики ухпықилъыхқунлью, пиниқылъыхқунлью альхыхтыкақатын Христос Иисусымың. ¹⁴Кылыңакигу ипапилъық ныѓюкуткақ льпынун. Кылыңакигу каюткылъюкык Аглыңналѓйк Тағныѓак кияхлъыхйк илюмнйи.

¹⁵Лйсимакан қамахтывзиѓлютың ухпықат Асиямылңўт каюсиѓюгнанймātңа, талўа Фигеллымлью, Ергогенымлью. ¹⁶Юѓātкыңўāнка Атаныѓмун наңлыѓьягутысқылъюки Онисифорым ныңльюгутаңи, қаюхлъяк угляѓңāн илютухсяѓақāңа. Кайңуягусимаңитāлью анусимиңльяѓāмалъка. ¹⁷Кāтақңами Римымун иванѓйѓуткақāңа кынляңа нāлькылъыѓминун. ¹⁸Атаныѓмун юѓātкақāка Онисифор наңлыѓьягутысқылъюку таўани Ағныѓми! Лйсимакан каюткыхлъякақāка Ефесыми.

Атāсиймытылъық Христос Иисусымун

2 ¹Ынкāңам льпык иғнымни, икнақи атуқылъыхпыгун пиниқылъа Христос Иисусым. ²Льпыклью таўантыкалѓитын нагаткақаси апыхтўсянка. Ынкām

апыхтүсянка нығыюкутики атәсйғмылңуғнун. Тәхкын
лңита апыхтүсяқлығыгульықйт илямыхнун.

3 Икфиқылгусихқут пинилғйтун пильюўахтыңатун
Христос Иисусым. 4 Пильюўахтым илятңалғим
пильюўахтынун ыфқуҳсюгақә умйлыни, ынкәм
акумхўсигатуқ пильюўахтыңунғилңўт кияхтәлхитнун.

5 Каяльқйрәхта килгәкумун малихқутақынғилькуми
лйлихтүсямыхнун, альхығуньәнғитуқ қахпаңаның
кайльқйстым. 6 Уғлығйхляякақ пйтысиғахта
ныңиғыюхўағьяхқәгуқ унатақата. 7 Сюмыхтағәткики
сямың пильхынка қаюхляк Атанғым
лйгиксягутыслықәтын сямың тамаҳаның.

8 Нықамикльюку Кияғнығым унувахтыстыкақә
Иисус Христос туқульығмың, киңункә Давидым.
Тамәкуңўт уңипақақыхкынка апынымки Пинилғйт
Уңипат. 9 Икфиқнўңа қаюхляк уңипақыхкынка
Пинилғйт Уңипат. Талўа қйпшағусиглюңа аюкуңа
лйлихтүсямың нәфқйстытун. Иўырңа акузитаңи
Кияғнығым қйпшағутңитут. 10 Ынкәм икфиқусиқсюглоку
аюқақа сяңўа тамаҳән Кияғнығым накмикыхкй
югулилтыңысқыльюки Христос Иисусықун.
Югулилтығмыхтыхун ниғуққылыңылылықут
кынлыңилңуғмың.

11 Макут пильхыт ипаңўт:

«Туқулгусймакумтыху, кияхтылгусихлығықахпут.

12 Йльқаюнғилькумта, иглығутилгусихлығықахпут.

Нальюнқыхкумтыху, лъңанлью

нальюнқылықйлью.

13 Атәсйғмынғыилькумта, лъңа атәсйғмытақуқ
қаюхляк тәқнәнғитуқ атәсйғмынғығмың».

Итагнақыхкақ Қыпхахта

14 Китумун алңунак пуйгустыхпынаки тамәкут.
Кияғнығым нагасимаңғани, кылыңасяҳқи
қаникутуткыфқйта акузитыт писқыльюки. Қаникутыльхат
каютңунәнғитуқ, нәфқыңынахлығықат ухпықильхат
нагалхйт. 15 Тәкуңинахәғның қыпхә Кияғнығмун
итагнақысқыльютын. Қыпхахтыңу кайңукиңигалңуқ
қыпхақаминың. Ыльқуғахльюкулью апыхтүсяқигу

Кияғнығым уңипақпигә. ¹⁶Иқитңалютын тымңитхўаның, сямың писйңгилңуғның алыққўтыльыңның. Таўатылңўт алыққўтыльыңхыт уявәтағахлығыйт юғыт Кияғнығмың. ¹⁷Таўатылңўт тымңитхўат апыхтўсят ақниғнығыстун аюкут миңиткаюғыт мәмьяхқәнгилнўт. Именейемлью, Филитылью апыхтуғильхик таўатылңўгут. ¹⁸Пыхтыкақйк апыхтўсяпигыт қаюхляк пйқук сйңынлью туқукат уңувахтысиманилюки. Ынкәм иляңитнун ухпықнанихтыстыкақак ипапилық. ¹⁹Иўырңа аюгилңуқ тунымақ Кияғнығым ныкыхтыкә қапшахтыпағниңитуқ. Тәхун тунымакун игақңат акузитыт:

«Атанғым лйсимакей льми пини».

Хўатынлью игақңақ:

«Кина алңунак туқльюгилдй атҳаның Атанығым, сығлытун пинығмың тәқлы».

²⁰Мыңтығахлығыми альяҳйнағмың сялғутахтўк; иляңи улимәғўт золотамың, серебромың, унаҳсимың, қикумыңлью. Иляңи сялғутат мығнуналдйинун атўгут, иляңи сямун алңунак. ²¹Кина алңунак льминың катам пылюңихсякуми сығлығмың, сялғутахтун атухқәхлығықук мығнуналдйимун. Афтыкәхлығықук атўлюни мыңтығам юганун. Тәхкын атухқәхлығықук алңунак пинилдйимун қыпҳақамун. ²²Иқитңалютын сямың сығлығмың аңлинхат атуқсюгақыхқаңитның. Қўнпың атуқақигу ыльқуғутңалық. Атәсйғмыльютын, пиниқиңалютын, ныкыхмыльютынлью. Тамәкут атуқики, малигульютың туқльюгилдйинун Атанығмун қамакын пылюңилңуғмың илюмыхның. ²³Иқитңалютын тымңитхўаның алыққўтыльыңхитның юғыт акузиткилдйиңың лйгикумаңилькымыхның. Лйсимакатын әхтйрәғутыстикаюғўт. ²⁴Атанғым қыпҳахтыңа әхтйрәхтыңунғитуқ. Итупиль наңлыхтағьяхқәгуқ тамаңанун. Пинилдйиңуяхқәгуқ апыхтуғиста. Нуқынъыхтуяхқәгуқ. ²⁵Атанғым қыпҳахтыңа кавьюгисяхқәгуқ апыхтуғикуми кипульхинәлдйинун. Ўальюмлью Кияғнығым авутыхқыстақлыки ухпықысқыльюку ипапилық. ²⁶Ынкәм лйсяғағьякумың анагнайғат Туғнығам нығағә. Туғнығам нәпсиманығминики әхқутақай.

Киңулит Ағнығыт

3 ¹Лїсимакысюгамкын киңулиғни ағнығни сығлылїхлъягуяхқәгуқ. ²Югыт лмыхның пиниқылбықут, маниюныхтулбықут, ямшатулбықут, аңәюхлбықутлєю. Сығлықұхлбықит илятың, қаткынәңгитит аңаюқатың, игамсиқаюгнәнгитут, ұакнанихлбықатлєю Кияғнық. ³Пиниқинәнгитут, сығывутинәнгитут, иқлбыңиқуткилбықут, сїохлєюгулбықут, амьюқытиқылбықут, угумикылбықатлєю сяңұә алңунак пинилғї. ⁴Увыхпагулбықит илятың, наңйїгулбықут, қукәюхтыхлъяхлбықут, тығигниқылбық пиниқатағахлбықат пакихулєюку Кияғныңмың. ⁵Қаймыхтыхун ухпықәюхлбықут, иўырңа кияхтәлхита апыхлбықат аваңитулңи Кияғныңым ахтуғьяхқәнгильханың. Иқитңалютын таўатылңуғның югның. ⁶Иляңи тамәкут нынун йтхәтахлбықут әхқутақышигыснағналюки налбыкағнилңут ағнат. Тамәкут ағнат сығлыхқылхита уқихтуқусихлъяхлбықї, сығлығымлєю пиюкылтылғутңита әхқутақылбықї. ⁷Тамәкут ағнат нагалбықут апыхтуғильханун китум алңунак, тәўаңинақ лїнәңгитат ипапилбық. ⁸Тамәкут апыхтуғилғїт лңитнун кипулхинахлбықат ипапилбық, катам Ианнийым Иамврийым кипулхиналхыхкытун Моисей. Умьюгахлїохлбықут, ухпықильхатлєю ипануңгильбықуқ. ⁹Иўырңа таўатын пильхат мулюнәнгитуқ. Тымңитхўалхат алїлбықуқ тамаңанун, катам Ианнийым, Иамврийым тымңитхўалхак алїтңалхатун.

Павелым Киңулит Апыхтўсї

¹⁰Иўырңа лпык лїсимақңұағатын апыхтуғильхынка, кияхтәлхқа, апалъялєю кияхтылбығма. Лїсимаканлєю ухпықильқа, йлқаюнғитылхқа, пиниқильқа, ағулилбкәмалхқа. ¹¹Лїсимакан амьюқытаткысылхқа, иқфиқылхқалєю. Лїсимакан таўатын пикақатңа Антиохиями, Икониями, Листрамилєю. Угяғңән амьюқытаткылыңыхкәгуңа, таўалыма Атанғым

югуликақāңа тамаҳйтның. ¹²Тамаҳағми амьюқытātкылғыңлықуқ кияхсүлғи Кияғныңым пиюкылъхатун Христос Исусыкун. ¹³Сығлыгыт югыт, пұхтистытлю, сығлығухтағалықут. Пұхқуҳлықут, лъңитлю пұхтылғыңлықут. ¹⁴Иўырңа лъпык атуқумаңинаҳқи апыхтўсят литқахтын, ухпықыпикахтын. Лисимакатын ипаңутаңи, қаюхляк лисимакатын кинкуңутаңи апыхтуғистыкыхкахтын. ¹⁵Има тағнухāтыхпының лисимакыхкақатын аглыңналғит Акузитыт Игақыхкат. Акузитыт Игақыхкат апыхтуғьяқлыгыўатын югулилтыхқамың ухпықилтыхпыгун Христос Исусыкун. ¹⁶Қамахлыютың Акузитыт Игақыхкат Кияғныңым анығзйлқй. Ынкām апыхтуғисихқāгут, ағыўгусихқāгут, налхусясихқāгут анахутылыгмун, апыхтуғисихқāгутлю пинитун кияхтālтыхқамун. ¹⁷Ынкām атуқлыюки Акузитыт Игақыхкат, Кияғныңым қыпхақтыңа пықихсяғўāғналықуқ, ятāхқыңалтықуқлю тамаҳāнун анығныхқилыгмун.

4 ¹Христос Исус тагикуми иглығутиналюни Атаныхпагулыгмини, нанқихлтықй уңвалғйтлю туқукатлю. Ынкām нагасиманғыхкыни Кияғныңылю, Христос Исусылю, қылғамкын ²уңипақики Пинилғит Уңипат. Сягиқлыютын уңипақики югнун нагасюгүңāта налиғмың нагасюгунғитыңāта. Ныкыхмылыютын апыхтуғилтыхпыгун ухпыхтыснақики, иныхтики анахутылхитның, кайымикилью. ³Пилтыхқак тағиңқ югыт нагасюгнанихлықут ипапигнун апыхтўсянун. Ивағилтықут пиюкыхкамыхның апыхтуғистылғутның нагатыпигыснағналюки нагақуғыюкыхкаҳинатың. ⁴Нагасюгнанихлықут ипапилыгмун, нагасюгьягулықут тымңинун уңипағанун. ⁵Иўырңа лъпык йўлың ныкыхмылыютын, нагнығутигу сяңўā пияхқан икфиқнуғнāхпык, уңипақикыстā Пинилғиның Уңипаның. Лъпык қыпхақтыкыхкаңатын Кияғныңым, апығйху қамахлыюку қыпхақак лъпынун писқыхкā.

⁶Хўаңа ахқуткысяхқāхсимāңа Кияғныңмун, тукултыхқакā кāсяхтўмақ. ⁷Пильюўāмақа пинилғи пильюўалтық, апығйақа килгāкульқа, атāсйғмысимаңинақāгуңа

Атаныңмун. ⁸Ынк̄ам т̄аўа Кияғнығым утақйт̄н̄ўа хўаңамнун қахпаңа ыльқуғутналхым. Атанғым ыльқуҳл̄ьюку нанқихтистым акилыхтухлыық̄аңа Нанқихтильхым Ағнығани. Хўаңаңинахпынаңа иўырңа акилыхтухлыық̄и қамахл̄ьюки там̄акут қылянылг̄ит тагилыық̄аңың.

Павелым Т̄ақнит̄ци

⁹Пинақылх̄ахкын қамахл̄ьюкык тагирахк̄иги хўаңамнун. ¹⁰Димасым пиниқсял̄исим̄а нунам кияхт̄альха ынк̄ам унисим̄аңа, ағуляқум̄ақ Фессалоникамун. Крискента Галатиясим̄ақ ынк̄ам Тит Далматиямун пим̄ақ. ¹¹Лукаңинах̄ақ хўаңамнитук. Марка ақфалюку кыльқыныақын қаюхл̄ьяк каюткыпихтақа қыпхалтымни. ¹²Тихик Ефесымун каяхсим̄ақа. ¹³Троадамыл̄ьюңа унитқақахка қ̄асл̄ыхка Карпынкуни. Тагинақыхкувык тагитахнакыхкын. Тагитахнакытынл̄ью ймгат иганка, кияң т̄акут ам̄ирамың улим̄ағыт.

¹⁴Александрым с̄люмың сяңл̄ьяхтым ын̄ғаталь сығлытун пикақ̄аңа. Атанғым ағ̄ьог̄нағ̄а таўатын пильханың. ¹⁵Лъпыклью кылыңакльюку таўатын пинаюқаңатын қаюхл̄ьяк уңипахпут угумикыпихт̄а.

¹⁶Нанқихтистымун аглясюх̄ўағақңатңа китум алңунак мысиг̄асяхтулхит̄аңа, йығлыги уникағ̄аткақ̄атңа. Юғ̄аткақанка Кияғнығмун акинақыфк̄ита писқыл̄ьюки таўатын пильхитның. ¹⁷Иўырңа Атанық хўаңамнитк̄агуқ. Икнақусикақ̄аңал̄ью уңипақыскыл̄ьюки йңунита Пинилг̄ит Уңипат қамахл̄ьюки язычнигыт нагақ̄исқыл̄ьюки. Ынк̄ам Кияғнығым югуликақ̄аңа туқутыльық̄хамың. ¹⁸Атанғым югулияхқақ̄аңа тамах̄аның сығлығым сюгугалх̄аның, ынк̄ам пақнанаңун̄ан агл̄ял̄ыық̄аңа қиягмылңуғмун Атаныхпагульығминун. Лънанун усюқилыық қ̄унпырухл̄ьяк кынлыңун̄ан. Аминь.

¹⁹Уңип̄атахнакытын Прискиллал̄ью, Акилал̄ью, Онисифорылью ныңл̄ьюгуткульх̄ит с̄юмқақанқаңуқ. ²⁰Ераста уныхтык̄агуқ Коринфыми; қинуюгутаңаның Трофим унитқақа Милитыми. ²¹Уксюгвагилган тагинақыхл̄ьяги.

Еввулымл̄ью, Пудымл̄ью, Линымл̄ью, Клавдиямл̄ью, иляңитал̄ью ухпық̄алгутыт уңип̄атыск̄иси с̄юмқак̄исиңуқ. ²²Атанық тағнықахпынил̄ьи, қуясльысил̄ью.

Павелым Посланияңи Титымун

1 ¹Укут посланият Павелымың пиңүт қыпхақтыңаның Кияғнығым, апостолыңаныңлыю Иисус Христосым. Каяхтыкәгуңа каюсйтысқылъюки Кияғнығым накмикыхкй югыт ухпыльыхтухтағйсқылъюки, лйтысқылъюкулюю ипапилъық. Тәм ипапилъхым каюсйхлықый югыт кияхтыльыхкйт Кияғнығым пиюкыльхатун. ²Тәхкын атәсимиң ипапилъығмың сиғималъылгүкут кынлыңилңуғмың уңувалъығмың. Иқлыңиқигатңуағым Кияғнығым акыкусяқыхкақә тәна уңувалъық има аюмирухляхәның. ³Ынкәм пилъықхахлыуағмини Кияғнығым лйтыстыкақә тәна кынлыңилңуқ уңувалъық уңипамикун. Хуаңамнун ныгыкуткақә уңипани ынкәм уңипақақақа қылгутыльхатун Кияғнығым Югулиғистымта.

⁴Укут посланият Титымун пиңүт, иғныпикамкын ухпықильымтығныгун. Кияғнығым Атам, Христос Иисусымлыю Югулиғистымта қуясльытынляю, ныкыхмыльылгусльытынляю.

Титым Қыпхақә Критыми

⁵Униткақамкын Критыми, апығйғысқылъюку қыпхақахпут апығйльхилңуқ. Накмихтйсқысюгамкын Пресвитерыкақхамың юғағвигнун тамахйтни нунахағми. Нықамиклъюки қылгутканка:

⁶Пресвитерыкақхақ авутңисяхқәгуқ; атәсимиң нулйлгуяхқәгуқ, авақутйлью ухпықәяхқәгут; ныльықныгуяхқәнғитут, қәткусигасяхқәнғитутляю.

⁷Иглығутистыңутминың Кияғнығым қыпхақәнун, Епископа авутңисяхқәгуқ. Юкыхқынгуяхқәнғитут, налиғмың қәтқахтәмаңуяхқәнғитут, налиғмың сймыстыңуяхқәнғитут, налиғмың сйхльюгуяхқәнғитут,

налиғмың пакигныңуяққанцитук аклююңигиналюни.
 8 Итупиль упуғангуяққагуқ, пиниқистыкаққақ
 пинильхым. Нуқынъыхтуяққагуқ, ыльқугутнаяққагуқ,
 тағныдагмикун пылюңисяхқагуқ, нуқытутияққагуқ
 алнунак сыдлығмың. 9 Лъңа атәсигмысяхқагуқ
 ипапигнун апыхтүсянун апыхтуғалъыңлығмитун.
 Атуқлъюки ипапигыт апыхтүсят кайымылъықй
 югыт, лйгикыслықйлю апыхтуғистысиуагыт
 анахутңанилюки.

10 Угльапихтут қаткусюгигалңут, тымңи акузилдйт
 пұхтилдйт илямыхның, кияң тамәкуңут апыхтугилдйт
 язычнигыт ухпықйт обрезанияққанилюки.

11 Тақыстики таўатын апыхтугильхитның. Тымңимың
 апыхтугильығмыхтыхун алңунасығаққакйт
 йңунйта ныңлъюгутыт. Апыхтугйкут
 апыхтүсяққакыңгилькымыхның; таўатын пйкут
 аклююңигипигыснағналютың. 12 Атәсим Критығмйм
 ўкналиқистым пикақй: «Критығмйт қўнпың иқлъыңақтут,
 угйхсялдйстун тыцикусястун аюкут, ихсяниталгйңутлъю
 нығыхлъягыт». 13 Таўатын пильха ипаңўк. Тәна
 апалъюқлъюку қывўлъюки ағыўхқи Критығмйт ухпықйт
 ухпықысқылъюки ипапигыт апыхтүсят. 14 Уңипәтики
 наганъаниглиткиңуқ Иудейт тымңи уңипағатацит.
 Қаткынъаниглиткиңуқ югыт қылдусяңлъяқйт. Тәкуңут
 ихсякикат ипапигның апыхтүсяның. 15 Сяңўа қамахлъюни
 пылюңитук тамәкунун пылюңилңуғнун. Иўырңа
 сяңўа қамахлъюни пылюңинъыгитук тамәкунун
 пылюңинъыгилңуғнун. Кияхтыңўт сылхқылъығми,
 ухпықигатәтлъю Христос. Умьюгйтлъю, сюмыңныгитлъю
 нукухнахтыкәгут, ынкәм лйгиксяққананймәт
 пинильықлъю, сығлылъықлъю. 16 Лйсимакнйқат Кияғнық
 иўырңа кияхтәлъхита ипапихқақат налъюкутаңа:
 угумикнипихтут, қаткусигатут, сясйңцитутлъю сяңўа
 алңунак пинитун пинәңгитәт.

Ипапигыт Апыхтүсят Ухпықанун

2 ¹Иўырңа льпык апыхтүсяқики ухпықанун
 ипапигыт апыхтүсят. ²Апыхтухқи нуйыклйт
 югыт нуқынъыхтусқылъюки, сйвакналдйңулюки,

сюмыхтагаюсқылъюки, айыпсюгитысқылъюки
ухпықилъықхун, пиниқылъықхун, нуқынъықтульықхун.

³Таўатықпигақ апықтуққи нуйықлът ағнат
кияқтысқылъюки тўнңалюки Кияғнығмун. Сығлытун
акузиткысяққақынғитт илятың, налиғмың
мығылъяфқита виномың. Апықтуғияққагут пинитун
кияқтальықхамың, ⁴ынкām пыққиқлъықйт уюқлът
ағнат пиниқысқылъюки уғиңитлъю, авақутитлъю.

⁵Сюмыхтагақыхсяққагут, пылюңисяққагут
кияқтальығмыхни, қыпқақыхсяққагут нымыхни,
наңлыхтагыяққагут, қаткусяққагут угимыхнун. Ынкām
китум алңунак сығлықўнғиңитт Кияғнығым апықтўсй.

⁶Таўатықпигақ қылыққи нукальпигат
нуқынъықтусқылъюки. ⁷Лъпык сялықпыгун
тамақакун, успутайи лъңитнун анығнықилъықпыгун.
Апықтуғиқи ипапихқылъютын, пирāmсилютын.

⁸Ўатақлъяк апықтўсяқықан ыльқугутңали ынкām
китум алңунак сығлықўнғилъилью. Таўатын пикувык
кипульхинәқтыт сығлытун акузиткынъаңгиттлъю,
кипульхинәлхиталъю кайңуюхтыслъықй. ⁹Апықтуққи
қыпқақтылғыт қаткысқылъюки пилтыстыңит,
ыфқуқтыңъағысқылъюкилью. Выдуснагыяққақынғитт,

¹⁰налиғмың тығлыгвиксяққақынғитт. Ығлығи
қўнпың пинитун, атәсйғмыльютың пияққайт. Ынкām
сялығмыхтыхун тамақакун пиюкнаңлъяхлъықйт
апықтўсй Кияғнығым Юғулиғистымта.

¹¹Таўатын кияқсяққагукут қаюқлъяк Кияғнығым
алихтыкақā пиниқылъыни югулилъыңысқылъюку
юк тамақан. ¹²Там пиниқылъхым апықтуғилъю
пыхтысқылъюку кияқтальық Кияғнығмун
аюқынғилңуқ, ихсякысқылъюки нунам юган
пиюкылъхи сығлыққыңалғит. Апықтуғилъюлью
нуқынъықтусқылъюта, ыльқугутңалюта, кияқтысқылъюта
Кияғнығым пиюкылъхатун нунами хўани. ¹³Таўатын
кияқтыльта утақималюта қуяналғимың сиғималъығмың.
Сиғималъқақпут ниғуққыңалғи алильыққā Иисус
Христосым Кияғнықлъямта, Юғулиғистымта. ¹⁴Лъминың
тўнықкәгук югулиналюта тамақаның сығлыққылъығмың.
Таўатын пикәгук қаюқлъяк пылюңихсягыюкаңилью

лънанун югулота, сягиқлыота анығныңқысқылыота югнун.

15 Апыхт̄сяқики там̄акут ухпықанун. Кияғныңым қылгусй атуқлыюки кайымики, ағулихтикилыю сығлытун пиңуката. Йықай китумун алңунак укавақтыстыхпынаң.

Ухпықат Кияхт̄альыхқ̄ат

З 1 Нықаңухтики ухпықат малихқутақысқылыюки кавымым иглыгутистыңитнун, умил̄уағнунлыю. Қаткутңаяхқ̄агут, апығиғңаяхқ̄агут тамаҳанун анығныңқилығнун. 2 Уңип̄атики кина алңунак сығлытун акузиткыфқан, ахт̄ирафқан писқылыюку. Итупиль ныкихмытулыюки, қусывығнатулыюки писқылыюки тамаңанун. 3 Х̄уаңкуталю сивунғани нальюяхтукут, қаткусигасяхтукут, п̄ухтыңбаяхтукутлыю. Югусимта пиюкыльха айғил̄юку, итагнахқусиқлыюку аюқсағап̄ут. Уңувальыпут киягусиқсағап̄ут сығлыпыстағмун, ақинальығмунлыю. Югыт угумиксяғил̄ю, угумикусяхтукутлыю. 4 Иўырңа Кияғныңым Югулиғистымта л̄исимакыстыкақил̄ю наңлыхталығминың, пиниқлығминыңлыю. 5 Югуликақил̄ю апальюқлыюку наңлыхталығми, нак̄ан анығныңқилығмытхун. Аглығналғиғныкун Тағнығағныкун уғвуқақ̄и сығлыхқылыпут, нутағамыңлыю, уңувальылиткақил̄ю. 6 Кияғныңым к̄уыхкақ̄ак Аглығналғиғ Тағнығак кымнапихлыюкык х̄уаңкуньун Исус Христосыкун, Югулиғистымтхун. 7 Кияғның таўатын пика̄агуқ пиниқилығмикун нальхусяғналюта ылькугутңалығминун. Ынк̄ам сигималыльг̄укут х̄уаңкута пил̄иньалюку кынлыңил̄нуқ уңувальық. 8 Там̄акут пильхыт ипаңўт. Там̄акут апыхт̄сяят лыпынун сягиқутысқысюганка югнун қаткысқылыюки. Т̄ахкын ухпылығлыт Кияғныңкун анығныңқипыстахлықут. Там̄акут анығныңқилыхыт пинил̄ғиңўтлыю, каютңўтлыю тамаңанун.

9 Иўырңа лыпык иқитңалютын там̄акуның тымңи қаникульх̄иның, ахт̄ирағульх̄иның сивуныңмың а̄тхитның, Л̄илихт̄усяныңлыю. Там̄ана сяс̄иңгитуқ, каютңунангитуқ китумун алңунак. 10 Кина

алнунак а̄фқ̄ӯтыстилг̄и кылыңася̄г̄накын ат̄асимың
налиғмың алғиғлюку. Наганьыгилъкан пыхнакын.

11 Лй̄симақан таўатылң̄ум югым их̄сякыхкақ̄а
ипапилъық, сығлыққыстың̄уқ̄лю. Ынк̄ам лъңан катам
сығлықкыльхан нанқиһсях̄қ̄ах̄тыслық̄а ағ̄ю̄г̄ьях̄қ̄алюку.

Т̄ақ̄н̄итыт Апых̄туғ̄альх̄ыт

12 Аглях̄тыстыкумкун Артема налиғмың Тихик
льпынун, Никополын̄бақыл̄ьях̄атын, қаюх̄лъяк
уксюх̄сюгақуңа там̄ани. 13 Каюсиғ̄нақыл̄ьягнакыхкын
законник Зина, Аполлослюю иглығ̄алъых̄қ̄ахкынун.
Ўатах̄лъяк ят̄ах̄кун̄бакыхкын кыльқысях̄қ̄амың
сямың акльюкыхкахкының. 14 Ухпық̄ал̄гутымта
пых̄қиһсяткыльитху анығ̄ных̄қуткақ̄ақ̄ ынк̄ам
каюсиғ̄ьяқ̄лыгух̄нақанит акльюкыхкапилгыт. Тымңи
киях̄таф̄қ̄амың пилит. 15 Қамах̄л̄ютың х̄ўаңамнилң̄ут
пиниқ̄йсиңуқ. Пиниқ̄ылъых̄пут а̄пқағнакын
ухпық̄ал̄гутымн̄гун пиниқ̄истымн̄гун. Кияғ̄ныңым
қуясльйиси қамах̄л̄юси.

Павелым Посланияңи Филимонымун

¹ Укут посланият Павелымың пиңўт, анусимиңльяғақ Христос Иисус апальюқльюку, ухпықалгутымнъыңлью Тимофейемиң.

Пиниқыхкамтыгнун қыпқалгутымтыгнун Филимонымун, ² ухпықанунлью қырңугуткаугнун мыңтығахпыни, Апфиямунлью наямнъун Христосыкун, Архиппымунлью пильюўалгутымтыгнун.

³ Кияғнығым Атамта, Атанымталъю Иисус Христосым наңльыкльысилъю, ныкыхмыльылгусльысилъю.

Филимоным Пиниқильхалъю, Ухпықильхалъю

⁴ Филимоными, қўнпың игамсиқаюгвикақақа Кияғнықа юғаткынъымкын, ⁵ қаюқльык нагақуғақақа пиниқылъхын тамаҳйтнун Кияғнығым югитнун, ухпықильхынлью Атаныққун Иисусыкун. ⁶ Юғаткақамкын уңипатысқылъюки илятың ухпықильымнъың Христосыкун. Таўатын пикувык лйгикатағахльықатын қамахльюки қуястыльхыт альхыхтыкапут Христосыкун. ⁷ Ухпықалгутымни, пиниқильыхпык Кияғнығым юганун қуястыхльыгәналъю, кайымәналъю! Пиниқылъыхпык қуястй Кияғнығым юги.

Павелым Апускаңа Онисим

⁸ Тытугнәнгитуңа қылығналютын Христосыкун атуқысқылъюку ыльқугутңалғй, иўырңа таўатын пинәнгитуңа. ⁹ Пиникутыльыхпуң апальюқльюку әпфикамкын атуқысқылъюку ыльқугутңалғй. Хўаңа, Павел, нанывгәгуңа, анусимиңльяғәгуңалъю апальюқльюку Христос Иисус. ¹⁰ Хўаңаңўқ әпутилғй иғнымнун, Онисимымун. Анусимиңльяғвигми аталйтқақәңа Христосыкун. ¹¹ Сивунғани сясйңгисяхтуқ

льпынун, иўырңа хўа каютңуҳтыпихсимāқ
хўаңкутыгнун.

12 Онисим льпынун агляҳтыснақақа, лыганқун илюка
малигуньақуқ лъңакун. 13 Хўаңамнитысюгуяғақа
каюсйтысқылъюңа анусимиңльяғвигми, катам льпык
каюсйнъаяқывңа мәнсяқувык. Лйсимакыхкынқун
анусимиңльяғалғиңа Пинилғйт Уңипат апальюқльюки.
14 Иўырңа хўаңамнитыснәнғитақа ўыткуқун сивукльютын
āптахльютын. Итагнакумакувгу хўаңамнитысқылъюку
тāўа льпык пиюкыльқылықан, қаюҳльяк
қылғунғитамкын таўатын писқылъютын.

15 Ынтақун Онисим иқитаҳтыкāгуқ льпынисяхқālюни
қўнпырухльяк. 16 Лъңа паниның қыпҳаҳтылйғўқ. Иўырңа
қыпҳаҳтылйғумалъығминың аңлиғатағāmāқ қаюҳльяк
пиниқыкхкāҳсимāқ ухпықālгута. Пиниқыпихтақа,
иўырңа льпык пиниқатағаҳлықан қыпҳаҳтылйғулюку,
ухпықālгутңулюкулью Атаныҳқун.

17 Ынкāңам тугукльймакувңа қыпҳалгутңулюңа,
тугукльиңнакын Онисим хўаңаңуслъюку. 18 Сямың
сығлытун пимакаңатын налиғмың асыңымакаңатын,
асыңыңа хўаңа лъивикылыықақа. 19 Хўа, хўаңа
катам йхымның игаҳтуңа хўатын: хўаңа, Павел,
лъивикылыықамкын. Иўырңа пуйгухпынāн уңувальҳын
асыңылюку аюқан хўаңамнун. 20 Аа, ухпықālгутымни,
āпфикамкын Атаныҳқун тугукльйсқылъюку Онисим.
Таўатын пикувык қуясльықаҳпыңа Христосықун!
21 Письмогамкын лйсимакңўāғлюку қātкысяҳқақан
қылғутқақа льпынун, рыпаль қайғульюку пилъықутын.
22 Атхўай, ныкаҳқаңльятәнакывңа қаюҳльяк сиғимаңўңа
Кияғнығым кймсиҳльықй юғалғыси, ынкām льпысинун
пилъықуңа.

Павелым Тāқнйтаңи

23 Епафрасымңуқ пиниқйси; анусимиңльяғалгутқақа
апальюқльюку Христос Иисус. 24 Қыпҳалгутмалъю
Маркымлъю, Аристархымлъю, Димасымлъю, Лукамлъю
лъңитальюңуқ пиниқйси.

25 Пиниқылъҳа Атаңғым Иисус Христосым
тамаҳаҳпысинилъи.

Еврейенун Посланият

Кияғнығым Акузитаңи Иғнығмикун

1 ¹Сивунғани агани угляглюкулюю, альяҳинәлюкулюю Кияғнығым алыҳқуқақй сивуныпут ўкналиқистытхун. ²Иўырңа укуни киңулиғни ағнығни алыҳқуқақйлю Иғнығмикун. Лъцакун Кияғнық нунаңляқәгуқ, накмикыхқақйлю пилитысқылъюку сяңўә тамаҳән. ³Иғнығым күкхутақә Кияғнығым ниғуҳқылъха, Кияғныҳтуңўәқлю аюкуқ. Сяңўәт қамахлъюки нағнығастыңўй таўатылъюки аҳтуғьяҳқәнғилцүтхун акузитмикун. Иғнығым тўныхқәә лъми катам уңувалъыни укмаңиғналюта тамаҳәның сығлыҳқылъымнъың. Апығйғьямигу таўатын пилъыни, қиягми акумыхқәгуқ ағынқигныцакун Кияғнығым, аҳтуғьяҳқәнғитылъыҳпигәм.

Иғнық Аңатағахтуқ Яқулығның

⁴Кияғнығым қулйхтыкақә Иғнық яқулығның, атылиткақәлю иңьятңалғймың әтхитның. ⁵Таўатын пикақә қаюхлъяк Кияғнығым пимаңитй налиҳйнит яқулгыт хўатын:

«Иғнықамкын;
ағнығми Аталйтаҳпыңа».

Кияғнығымлю пимаңитй налиҳйнит яқулгыт хўатын:
«Атакылъықәңа ынкәм лъңа Иғнықылъықәқа».

⁶Кияғнығым каяхсяҳқәхсямигу Иғнықсюхўәни нунамун, хўатынлю пикагук:

«Йықай қамахлъютың Кияғнығым яқулгита
манигуғлитху».

⁷Хўатынлю пикагук яқулығның:

«Кияғнығым яқулыни ануқыстун лъйхтыстыкақй.
Қыпхаҳтыңи кумағулғйстун кыңгыстун
лъйхтыстыкақй».

- 8 Иўырҗа Кияғнық Иғныңминың хўатын пика̄гук:
 «Кай̄ Кияғнық, ақумутахкын кынлыңисяхқ̄агук
 қўнпырухльяк!
 Иглығултықан атаныҳпагульхын
 ыльқуғутңалтылиғлюку.
- 9 Пиниқан ыльқуғутңалтық, угумикан анахутңалтық.
 Там̄акын апальюқлюку Кияғнық,
 Кияғныҳпык накмикум̄атынлю, қўлв̄ам̄атынлю
 пакихулюку иляхпының.
 Ынк̄аңам қуястихльяхтуқ аңиҳақатынлю
 мысйғмың».
- 10 Хўатынлю пика̄гук:
 «Льпык, Атанық, п̄инлигьюх̄агми нунаңльяқ̄агутын,
 йыхпыныңлю қилягаңльяқ̄агутын.
- 11 Қамахльютың авӣгусяхқ̄агут,
 иўырҗа льпык кияҳсахқ̄агутын.
 Агьюгьяхқ̄агут аткастун.
- 12 Имыхтыхльықатын қ̄асльистун,
 симихльықатынлю аткастун.
 Иўырҗа льпык қўнпың алмысиқыльықатын,
 агьюгьяхқ̄ангитутынлю».
- 13 Кияғныңым пимаңитңў̄ағй налих̄ин̄ит якулыни хўатын:
 «Ақуми хўагун ағынқигнымкун,
 кынляңа аңуяхтын тунымал̄итыстыльымнун
 итыгаҳпык асиңанун».
- 14 Сяң̄аўанңам якулгыт? Қамахльютың тағнығ̄агут
 қыпх̄атилг̄ит Кияғныңмың, каяхтақйлю
 каюс̄итысқыльюки там̄акут югулилтыңьяхқ̄ат.

Кияғныңым Югулиғилтыхльяга

- 2 ¹ Там̄акын апальюқлюку
 сюмыхтағ̄аткыңў̄ағылтыки ипапилх̄ыт
 нагақуқапут л̄брақ ў̄акнаниқыстағнаюкамтыки.
- ² Кияғныңым апых̄т̄с̄й ипаңў̄т; апқақй югнун
 якулыхтыхун. Кина алңунак қ̄аткуньығилңуқ
 апых̄т̄сянун, Кияғныңым аг̄ь̄о̄хльық̄а
 аг̄ь̄олтыхқ̄ахтуталыңатун. ³ Ынк̄ам их̄сякумакумтыху
 Кияғныңым югулиғилтыхльяга анахпағниңитахпут
 аг̄ь̄о̄гилтыхқ̄а. Атанғым апыгьюх̄ақ̄ақ̄а т̄ана югулилтық.

Тәхкын тамāкут нагақұткат лъңаның, ипапихқāt хўаңқунъун. ⁴Кияғныңымлъю ипапихқыхкақā хўаңқунъун. Таўатын пикагук атуқылъыгмикун альяҳйинāt альяҳлъюхўахтильхыт, уйыхтылъыгмикунлъю тунусй Аглығналғим Тағнығам пиюкылъыгмитун.

Иисус, Югулилғыңыстикақ Хўаңқунғың

⁵Кияғныңым накмикылъхитй якулгыт иглыгутисқылъюки сивумылңуғмун нунакаққамун. (Тāнаңұқ нуна акузиткыхкыфут.) ⁶Налиғныңитни Акузитни Игақыхкани хўатын игақңақ:

«Кияғның, сяңāўа юк умьюгағмикақыхкын, налиғмың игныға югым афлбыңақыхкан?

⁷Улимāқан укавақāнлъюку якулығның, қахпалиқақан ниғухқылъыгмыңлъю, құлвалъыгмыңлъю,

⁸иглыгутистыңлъяқақанлъю сямун тамаҳāнун». Таўанилъю Акузитни Игақыхкани игақңақ, Кияғныңым улимāқā юк «иглыгутистыңулюку сямун тамаҳāнун». Тāна хўатын писйгук сяңўā қамахлъюни илятңақ иглыгутильханун. Нақамлъю сялин ысхйгатахпут юк иглыгутилғй сямун тамаҳāнун. ⁹Иўырңа ысхағахпут Иисус! Кияғныңым натыңйхақ укавахтыстыкақсяғā якулығның. Мāтын ысхағахпут қахпалюни ниғухқылъыгмыңлъю, құлвалъыгмыңлъю қаюхлъяк икфиқлъюни туқукāгук. Кияғныңым пиниқылъха апальюқлъюку, Иисус туқукāгук тамаҳāнун. ¹⁰Кияғныңўқ улимағикақ сямың тамаҳāның лъңанун, нағнығастыңўйлью таўатылъюки. Итагнапихтыкāгук Кияғныңым пиниҳсяғўāкақā Иисус икфиқылъыхқун пйнлихтыңулюку югулилхитнун. Ынкām Иисусым тагисяхқāхтыкақй юлгутыт ниғухқылъыгмун.

¹¹Иисусым пылюңихсяқай югыт сығлыхқылъхитның. Ынкām лъңалъю тамāкутлъю пылюңихсяқй, қамахлъютың Атакāt Кияғның. Тамāкын апальюқлъюку Иисусым кайңукигатй атиғьяхқālюки аңлыгутңулюки.

¹²Иисусым пикақā Кияғның:

«Апыхлтықақа āтхын аңлыгутымнун; усюқылтықамкын қырңугутката».

13 Хўатынлью пикāгуқ:

«Нығьюкыльықақа Кияғнық».

Пикāгуқлью:

«Хўаңалью, тағнухātлью Кияғнығым тагивақй хўаңамнун».

14 Такут тағнухāt югūt кымыкшалгутлью, āлгūtлью ынкām Иисус лъңистун лъйкāгуқ. Таўатын пикāгуқ туқуналюни нāфқынъалюку Туғнығақ, ахтуғьяхқāнғилылык туқумун. 15 Ынкām таўатын пильығмикун итымуткақй тамāкут қыпхāхтыльығистун аюқылғит уңувалытың қамахльюки қаюхльык алиқнуқаңат туқульық. 16 Хўатыхльюгāгūк якулгунгитут Иисусым каюсиқй, иўырңа Авраамым киңунғи каюсиғақй. 17 Тамāкын апальюқльюку Кияғнығым Иисус лъйхтыстыңъўāғьяхқакā хўаңкутыстун. Таўатын қыпхāсқлыгыўā Кияғнық Первосвященнигулюни, наңлыхтаглюнилью, атāсиймыльюнилью. Ынкām тўнияқлыгыухтыкāгуқ ахтутмың Кияғнығмун сығывутысқыльюки югыт сығлыхқыльыхит. 18 Иисус икфиқыхкātминыңлью, нанғйқульыңыхкātминыңлью, каюсиғьяқлыгыўй тамāкут нанғйқульыңылғит.

Иисус Аңатағхтуқ Моисейемиң

3 1 Ынкāңам ухпықāлгутымни, Кияғнығым āфтыкақйси лъңанун югулюси, туқльюқақйсилъю лъминитысқыльюси қилягми. Сюмығмикльюку Иисус. Кияғнығым каяхтыкā апостолюнулюкулью, Первосвященнигаңулюкулью āпхāқыхкыфут ухпықнилюку. 2 Иисус атāсиймыткāгуқ Кияғнығмун накмикистыминун, катам Моисей атāсиймыткқ Кияғнығмун қыпхāтақнамигу Кияғнық мыңтығāни. 3-4 Тамаҳағми мыңтығақ китумың улимағистылгулғй, иўырңа Кияғнығым Иисусыкун сяңўā тамаҳāн улимāкā. Югыт усюқатағағьяхқакāt Иисус пакихульюку Моисейемиң, қаюхльык югыт усюқлыбықāt мыңтығаңльыхта пакихульюку мыңтығамың. 5 Моисей атāсиймыткāгуқ қыпхāхта Кияғнығым мыңтығāни, уңипātкақйлью югыт Кияғнық сямың апығьяхқалгунилюку тағаниқāғақ. 6 Иўырңа Христос

иҥныгулюни атәсйғмыткәгуқ иглыгутиста Кияғнығым
мыңтығәни. Хўаңкута мыңтығақилью Кияғнығым,
илютумаңинақумта, ипапиҳқуткумаңинақумтыхулюю
сиғимақыхқахпут.

Қаткунъығитыльхат Израилъғмйт

7 Ынкәңам катам таўатын Аглығналдйк Тағнығак пйк:
«Ағнығми хўани нагақуқуфсигу Кияғнығым мыңа,

8 пиныхлығыхпынаси сивуныхпысистун.

Тамәни ағнығни килгәнильютың қаткысюумаңитәт

Кияғнық,

нанғйхсяғақақәтлью нуқынъыхтульха».

9 Кияғнық пйқ:

«Тамәни юк мәлғук аюмиқулығығни сивуныхпыси
ысхақақығнәғмыхтыки апығйқанка, паниның
нанғйхсяғақақәтңа.

10 Тамәкын апальюқльюку тамәкут югыт
сякшитыстыкақәтңа.

Ынкәм пикәгуңа:

“Йўлың атәсйғмысигатут хўаңамнун,
лйгикигатутлью натыльюку кияхтысқысюльымның.

11 Сякшитңулюңа ақықикәгуңа
альяңуҳсяхқәнғилңуғмың”.

Хўатын пиңа:

“Итығнәнғитңуәғәт мығнәливихкақ ятәхқыхкақа
льңитнун”.

12 Ухпықәлгутымни кылыңалюси, сығлығмың
сюмыхтағалығныңлью, ухпыңгитыльығныңлью,
икитутыстыхпынаси уңувалғймың Кияғнығмың. 13 Йўырңа
ахутаңа тамаҳән кайымотақитык пилъыхқалгумалюку
атильқылғймың «Ағнығми». Таўатын пинғилькуфси тәўа
сығлыхқылъхым пұхльюси пиныхльюңляхльықйси.

14 Йўырңа атәсйғмылькумта уңувалъымта кынлыңанун,
нығюкльюку Кияғнық ухпығыюхўәльымтыстун,
тәўа Христосым пилгуткыльықйлью лъми пиминың.

15 Акузитни Игақыхкани игақнәқ:

«Ағнығми нагақуқуфсигу Кияғнығым мыңа,
пиныхльюгухпынаси сивуныхпысистун
қаткусимаңилңүт Кияғнығмун».

16 Кинкуңаўат нагақұткат Кияғнығым мыңаның нақам қаткутыхпынатың? Тамәкуңұт югыт Моисейем мағьяхқуқй Египетмың. 17 Юк мәлғук аюмикулығыни килью Кияғнық сякшитыстатху? Тамәкуңұт сығлығқыльютың туқуляғәткат килгәни. 18 Кинкунун Кияғнық акықикәўа итығнәнғитңўағнилюки мығнәливихкамун ятәхқыхкаминун? Акықыхкақй қаткусимаңилңұт лъңанун. 19 Таўа лйгикахпут итыхпағниңиткәгут таўавык мығнәливигмун қаюхльяк ухпықынғилькаңат.

Кияғнығым Акықуся Мығнәлилтық

4 1 Кияғнығым акықуся югнун агулйтуқ йтхысқыльюки мығнәливигминун. Иўырңа алиңылъта лйрақ налихси нўхунъаюкан итыхпынани мығнәливиганун. 2 Пинилғй уңипақ Кияғнығым мығнәливиганың аюқылғй нагақуқақхпут катам тамәкустун югыстун Моисейем мағьяхқуқйстун Египетмың. Иўырңа пинилғйм уңипам каюсийтыльхитй қаюхльяк ухпықумаңитәт нагақуқахтың. 3 Хўаңкута ухпылғйни итыхльықукут Кияғнығым мығнәливиганун. Иўырңа Кияғнығым акузиткыхкақй ухпықильхилңұт хўатын:

«Сякшитңулюңа акықикәгуңа
алъяңуҳсяхқәнғилңуғмың.

Хўатын пйңа:

“Итығнәнғитңўахтут мығнәливихкамнун”».

Таўатын акузикағуқ қыпхақани апығйқақыңғәмики има нунаңлъяльығминың. 4 Нәнтуқ Акузитни Игақыхкани игақльюни мәграғвинлйтаңа ағнығым хўатын: «Кияғнық мығнәликәгуқ тамәхәаның қыпхақаминың мәграғвинлйтаңани ағнығым». 5 Акузитнилью Игақыхкани Кияғнық пикәгуқ:

«Итығнәнғитңўахтут мығнәливихкамнун».

6 Паниның иляңи югыт итыхльықут Кияғнығым мығнәливиганун. Иўырңа нагақўсюхўақат пинилғймың уңипәмың, итыльхитут мығнәливигмун қаюхльяк қаткутыльхилңұт Кияғнығмун. 7 Тамәкын апальюқльюку Кияғнығым ныкыхтыкақә иляңа ағнық, атильқылғй «Ағнығми». Киңурухльяғаның Моисейем, Кияғнығым

акузиткыхкақ̄а т̄ана ағнық Давидыкун. Утықпахтанка Давидым игақыхк̄и Акузитни Игақыхкани х̄ұатын:

«Ағнығми х̄ұани нагақуқуфсигу Кияғнығым мыңа, пиньх̄лтықыхпынаси сивуных̄пысистун».

⁸Иисус Навинам мағьях̄қульхит̄и югыт таўавык мығн̄аливигмун. Л̄исимакаҳ̄пут қаюх̄лъяк т̄ам киңуңаның Кияғнығым акузиткыхкақ̄а иляңа ағныға мығн̄алильх̄ым. ⁹Там̄акын апальюқльюку таўа Суббота ағулітуқ, мығн̄аливик Кияғнығым югитнун. ¹⁰Кина алңунак йтқуми Кияғнығым мығн̄аливиганун, мығн̄алильықуқ қыпшақаминың катам таўатын Кияғнығым мығн̄алильх̄атун. ¹¹Там̄акын апальюқльюку итығнақых̄лъягыльта Кияғнығым мығн̄аливиганун. Қ̄аткынғитыфқ̄ан пильтыху Кияғнық сивунымта пильх̄истун.

¹²Акузитани Кияғнығым уңув̄ат қыпх̄агут. Й̄пхатағах̄тут алңунак иңлюх̄тун ипых̄сяқаның сьавихпағның. К̄апуткаюг̄т қамавырух̄лъяк

уңувасимлью, тағнығамлью к̄атутңалх̄ыхкынун, нафльютлью п̄атх̄ытлью

к̄атутңалх̄итнун. Кияғнығым акузитани нанқихтикаюг̄т югым сюмыхтағалх̄яныңлью, сьақыльх̄яныңлью.

¹³Сяңұ̄а қамахтыңұ̄ағлюни Кияғнығым улим̄аға йғңаңгитуқ Кияғнығмың. Ал̄итут, х̄ұатых̄льюў̄аг̄тлью ийыхкыни. Л̄ңанун қайвиҳқысых̄қақапут сьалышут қамахльюки.



(К Евреям 4:12)

Иисус Первосвященнигах̄лъякаҳ̄пут

¹⁴Там̄акын апальюқльюку Первосвященнигрух̄лъяг̄кут қиягмун маюқамың. Иисусыңұқ, Йғныға Кияғнығым. Ынк̄ам ухпықильығмытыкыст̄альта апқамн̄и югнун.

¹⁵Первосвященнигамта л̄игикңұ̄ақак̄и каяльикусипут, қаюх̄лъяк нунамыльюни нанғиқульыңыхк̄агуқ х̄ұаңкутыстуңұ̄ақ. Нақамлью сығлых̄қумаңитуқ.

¹⁶Ынк̄ам тытульңун̄амта агл̄яльта ум̄илгусигнун ақумутахкынун Кияғнығым, альхыгусах̄қ̄алюта

наңлыхталъханун. Таўани наңлыкылыкъйлью, каюсиҳлыкъйлью аклюкильымнъи.

5 ¹Тамаҳан первосвященнига Кияғнығым накмикыхкақә юлгутаңаның. Кияғнығмун агляғақуқ югыт апальюқлююки тўналююки тунусйт аҳқышәгунғалюкилью сығлыҳқыльхитнун.

²Первосвященнига каяльықыхкаюгутминың наңлыхтағьяҳқәгуқ тамәкунун нальюкылдїнунлью, ухпықинанилдїнунлью ипапилығмун. ³Қаюҳляк каяльықыхкаюгутминың, первосвященнига аҳқышәгьяҳқәгуқ льми катам сығлыҳқыльығминун, сығлыҳқыльхитнунлью югыт. ⁴Кина алңунак накмикигатуқ лъңаның первосвященнигуҳналюни қўлағьяҳқәлюни. Иўырңа юк первосвященнигуҳтақуқ Кияғнығым накмикынғатни, катам таўатын накмикыльхатун Аарон.

⁵Таўатынлью Христос қўлвалъхитуқ льминың накмикльюни первосвященнигуҳтыльығмун, иўырңа Кияғнығым накмикыхкақә. Пикақә:

«Иғнықамкын; ағнығми хўани Аталїтаҳпыңа».

⁶Налиғнығитни Акузитни Игақыхкани Кияғнығым пикақә:
«Священнигуықытуын қўнпырухляк,
Мелхиседекым священнигаңульхатун».

⁷Кияғнық аҳтуғьяҳқәңгилыльгўқ югулияҳқәлюку Иисус туқульығмың. Ынкәм Иисус нунамытңулюни, игляхтулюни қунитўмағми югақәлдїлью, туңсиқәлдїлью Кияғнығмун югулисқыльюни туқульығмың. Кияғнығым нагаткақй юғалъхи, қаюҳляк қусывыхльюни қәткыхкә Кияғнығым пиюкыльха. ⁸Қайўа Иисус Кияғнығым Иғнықығнәтни, паниның литкәгуқ қәткусималығмың икфиқылтығмикун. ⁹Апығйғьягу қамахльюку Кияғнығым писқыльха, Иисусыңуҳтуқ кынлыңилңуғмың югулилтыңыстияҳқәқ тамаҳанун қәткульхїнун лъңанун. ¹⁰Ынкәм Кияғнығым накмикыхкақә первосвященнигаңулюку, Мелхиседекым первосвященнигаңульхатун.

Тағнуҳаҳәтлью, Аңтанйткатлью Ухпықат

¹¹Апығьяҳқәхлягўкут тамәкуның. Иўырңа апыҳтуныхльюпихтуси тамәкуның қаюҳляк

лйгикағақсигалнӯси. ¹²Ныгипихльюси ухпықалдҕйси
 ынкām апыхтугияхқәхтыкәгуси иляхпысинун.
 Йығлыги паниның акльяқуси китумун
 апыхтунқихтысқылъюси ухпынхат лйсюхўагьяхқитның
 Кияғныңым акузитаңаның. Катам тағнухағағыстун
 мамахтугьюгақуси, нықыпигьюхпынаси. ¹³Кина
 алңунак мамахтуқаюк паниның тағнухағагук. Сялин
 нальюкә ылькугутңалтықлъю, анахутңалтықлъю.
¹⁴Иўырңа нықыпик аңтанйтканун пиңўк. Пыхқихсяқәгут
 лйгиксяхқәлюкык пинилдҕилью, сығлылдҕилью.

6 ¹Ынкām лйтыльтыки апыхтўсят аңтанйтканун
 ухпықанун аюқылдҕит. Лйтңўақақаси
 апыхтўсюхўақат Христосымың аюқылдҕит ынкәңам
 лйнықыхсяхқакыңгитаси. Лйтңўагумәси
 атуқсяхқәфқйта пиналюки тамәкут туқумун аюқылдҕит.
 Лйнықыхсяхқакыңгитахсилъю ухпықилгығмың
 аюқылдҕй Кияғныхқун, ²крестиғыльгығның, йхтильгығның,
 унувахтилгығның туқуканың, Кияғныңымлъю
 нанқихтильгыхқәның югның ағўюгьяхқәлюки
 кынлыңунән. ³Кияғныңым пистыкаңилью,
 апыхтухлықамси аңтанйтсқылъюси ухпықат.

⁴⁻⁶Тамә иляңаның юлгўк альхыгуткәялдҕйның
 Кияғныңым ниғуганың, нәсйқақәтлъю қиялығым тунуся.
 Альхыгуткәгутлъю Аглыңналдҕйгның Тағнығагның.
 Нандҕйқақйт пинихтуляңи Кияғныңым акузитаңи,
 нандҕйқақәтлъю Кияғныңым ахтугьяхқәңгильха
 нунакаққамылнуқ. Тәхкын ухпықнаникумыхтыху
 Христос, авутықынқихтыпағниңильықут
 қаюхляк қақўранқихтықаңат Кияғныңым Иғныға,
 кайңусякыхқаңатлъю юхтуқами.

⁷Нуна мықақуқ ыслъяльюгухнъығани, пйтыстйқуқлъю
 нунавахсығамың атухқамың тамәкунун пыксийқиканун
 нунамың. Ынкām Кияғныңым пинихқыстақә нуна.
⁸Иўырңа нуна пйтыстимакуми сикухльюгныңлью,
 плевелыныңлью сятнунгитук. Якугнәнитук Кияғныңым
 сығлығунильгыхқәның, ынкām паныхсяхқәгук.

⁹Пиниқыхкамни, қайўа льпысинун
 письмоткыңдәмтыки тамәкут, суюмхтағәткигатамси
 таўатыльюси. Лйсимақахпут пинигатағалдҕймың

қуястыльыгӯси югулилъықпысигун. ¹⁰Кияғнық ыльқуғутңан нанқихтиқуқ, ынкәм пуйгунангитә қыпхалъықсылъю, пиниқилъықсылъю лъңанун каюсйтлыықпысигун юги. Нықамикыльықалъю паниның каюсйтңуқыси. ¹¹Нағнықтысюгамси сягиқлъюси қыпхәтысқылъюку Кияғнық унвалъықпыси тахталңатун. Ынкәм альхықтыпыстәхлықақси сиғимақықхақси. ¹²Ихсяниталғиңуқтысюңгитамси. Йығлыги тамәкустун аюқыстысюгамси ухпықилъығмыхтыхун, нуқытутилъықмыхтыхунлъю альхыгусяққат Кияғнығым акықусяқықхәның.

Кияғнығым Акықуся Айыпсюгитук

¹³Кияғнығым акыққаңамигу Авраам, акықықхақә пияққапыстәгунилюку. Аваңитутаңаның аңатағалғиың лъңаның, атуқлъюку льми катам атыни акықиқәгуқ. ¹⁴Авраам пикақә: «Қуястыпыстәглютын, угляпихлъюку киңунылилъықамкын». ¹⁵Авраам қылянықпынани утақикәгуқ, ынкәм альхықтықақә Кияғнығым акықуся. ¹⁶Китум ныкльыхсюнығминигу ахтирәгутылъық, акықийқуқ сямың пилъыни ипаңунилюку атуқлъюку китум атха лъңаның аңатағалғим. ¹⁷Альхыгусяққат акықусяминың, Кияғнығым лигикыстысюғи альяңуқсәққакыңгитңуағнилюки агилъыни. Ынкәм акықиқәгуқ атуқлъюку атыни. ¹⁸Кияғнығым таұатын кайымилъю. Кияғнық иқлыңиқигатук акықинығмини, иқлыңиқнәнгитуклъю акықикуми атуқлъюку атыни ипапихқынъалюку пияққақутни. Тақуқ альяңуқтықақнәнгитук. Хуаңкута анағниқани Кияғнығмун пақниңъалюта, кайымыльыңықхляхтукут сиғимақналюку Кияғнығым акықуся. ¹⁹Тәна сиғималъық уйғитңуқ уңувасимнъун, пақнәниғутыстильюлью, айыпсюгитыстильюлью. Тәна сиғималъық итықтуқ аглыңналъықпигағмун нымун сяфкәгутым аўатаңанилңуғмун. ²⁰Таўавық Иисус йтқәгуқ сивумнъи хуаңкута апальюқлъюта. Первосвященнигуңуқтықәгуқ құнпырухляғмун, Мелхиседекым священнигаңумальхатун.

Священнига Мелхиседек

7 ¹Тана Мелхиседек умїлькысяг̃а Салимым, священникак̃алью Кулихпиг̃ам Кияг̃ныг̃ым. Авраам утыг̃нїмалюку пильюўамың каяльк̃уғлюки умїлгыт, Мелхиседекым наляг̃люку қуястыкақ̃а. ²ТӃхкын Авраамым т̃уныхк̃а куляғ̃кыльханың сямың тамағ̃аның тугукамының пильюўаами. Мелхиседекым а̃тха мӃлгугыг̃ның сямың писилг̃уқ, сивулиқ х̃уатын писйг̃уқ; «Умїлга Ыльк̃угутғальхым». Умїлькыхк̃атағ̃аның Салимым, а̃тхан а̃льха х̃уатын писйг̃уқ; «Умїлга Ныкыхмыльхым». ³Иг̃итуқ игақфикыхк̃амамың Мелхиседекым атағ̃аныңл̃ю, нағ̃аныңл̃ю налиғ̃мың сивунғаның, талўа альхылъханыңл̃ю, тукульханыңл̃ю. Кияг̃ныг̃ым Иғнығатун ағулиг̃туқ священнигуңлуни қ̃нпырухльяк. ⁴Таўа лигиках̃си Мелхиседекым а̃нумалъыхльяга. Талўа сивунықсюх̃ўамта Авраамым т̃уныхк̃а Мелхиседек куляғ̃кыльханың тугуляқамының пильюўаами. ⁵Священникат киңунқ̃ї Левийем. Лїлихт̃ўсяни, Кияг̃ныг̃ым қыльқак̃ї священнигыт қыр̃нухтисқыльюки юлгутағ̃итның куляғ̃кыльығ̃мың альхыхтык̃итның. Священникат таўатын п̃їкут, священнигатл̃ю, югытл̃ю Авраамым киңунқығ̃нйстың. ⁶Мелхиседек киңунқынғит̃а Левийем, иўыр̃на тугукльыкақ̃а куляғ̃кыльық Авраамым т̃уньягу. Қуястыкақ̃алью Авраам, альхыг̃утк̃алг̃ї Кияг̃ныг̃ым акықус̃яның. ⁷Нальюнықн̃итуқ т̃ана қуястилг̃ї а̃ғатағ̃ах̃туқ тӃхкын қуястыкамың. ⁸Священнигыт юг̃ут тукукаюгыт нақамл̃ю альхыг̃утк̃агут куляғ̃кыльығ̃мың. Мелхиседекл̃ю альхыг̃утк̃агуқ куляғ̃кыльығ̃мың, иўыр̃на кияхтыңз̃уқ, Акузитыт Игақыхк̃ат апыльхистун. ⁹Левий альхыг̃утк̃агуқ юг̃ның куляғ̃кыльығ̃мың. Пинаялг̃йкут талўа лъғалью л̃вивикик̃агуқ куляғ̃кыльығ̃мың Мелхиседекымун, Авраамыкун. ¹⁰Қайўа Левий альхылъхитығ̃нғ̃ми, сивунығ̃ми Авраамым югус̃инитк̃агуқ Мелхиседекым наляғ̃ақ̃агу Авраам.

Иисус Мелхиседекытун Аюқуқ

¹¹Лїлихт̃ўсяни игақн̃ақ священнигыт киңунқысях̃қак̃ї Левийем. Лъғита Лїлихт̃ўсят апых̃т̃уткақ̃ит югнун,

иўырңа қыпхақат Кияғнығмун нұхуткәгуқ. Тамәкын апальюқльюку югыт акльюкәгут священнигымың Мелхиседекытун аюқылдймың, Ааронытун аюқынғилнуқ. 12 Левит священнигыт симинығмыхтыки альяның священниганың, тәўа Лйлихтүсятлью альянухсяхқәгут. 13 Священникат қўнпың Левийем рамкыңаның пиңўт, иўырңа Атаныхпут рамкыңаның пиңунғитук. Кина алнунак Атанымта рамкыңаның пи қыпхйгатңўахтуқ священнигаңулюни ахқыфигыгни. 14 Тамахағми лйсимақат Атаныхпут альхықәгуқ рамкыңанун Иудам. Моисейем пимаңитй киңунғи Иудам священнигуңуахқәнилюки.

15 Ынкәм тамәкут лйгикатағагапут хўатыхльюўәқ қаюхльяк иляңа священнигым Мелхиседекытун аюқылдй тагимәқ. 16 Лйлихтүсят қылгуткақат священник киңунқысяхқәнилюку Левийемун. Атаныхпут священнигуңухтыкәңгитук Лйлихтүсят писқылхитхун, иўырңа священнигаңухтыкәгуқ ахтуғьяхқәңгилнухқун уңувальығмикун кынлытхўсяхқәңгилнухқун. 17 Акузитыт Игақыхкат пикәлғйт:

«Священнигуңўтын қўнпырухльяк,
Мелхиседекым священнигуңульхатун».

18 Тамәкын апальюқльюку Кияғнығым симиқақә Лйлихтүсяқ священнигның аюқылдй қаюхльяк кайлнуқлью, атўнғилнуқлью. 19 Лйлихтүсят кина алнунак пистысимаңитә Кияғнығым пиюкылхатун. Ынкәм Кияғнығым тўнумилью пинигатағалдймың сиғимальығмың. Тәхун сиғимальыхқун аглягьяхқәхтукут Кияғнығмун.

20 Там сиғимальхым сйғўакун Кияғнық альянухнәңгилнуғмың акықимәқ. 21 Иўырңа таўатылнуғмың акықильхитук Левийем киңунғи священнигаңухтақдата. Иисусыңинағмун хўатын пикәгуқ:
«Атанық акықимәқ, альянухнәңгитәклью
умьюгагни;

“Льпык священнигуңўтын қўнпырухльяк”».

22 Тамәкын апальюқльюку Иисусыңуқ ипапихқылбық Кияғнығым акықусяни пипыстәхльықә. Тәна акықусяқ пинигатағахтуқ акықусяқыхкамының Моисейкун.


23 Сивунҕани священнигытуяҳтуқ. Туқунҕата иляңита священнигыт нагнығутақāt қыпхақāt. 24 Иўырңа Иисус священнигуңқ қўнпырухляк қаюхляк уңувалбықуқ қўнпың. 25 Тамākын апальюқлююку Иисусым йўлың югулияқлыгыўй Кияғнығмун аглялҕит лъмикун, қаюхляк қўнпың уңуваңққ манигўтунъалюки тамākут Кияғнығмун.

26 Иисус Первосвященнигуңқ тўникаюк сямың аклююкыхкамның. Аглығнахтуқ, авутңитук, пылюңитук, афтыңбақ сығлықкыстының, Кияғнығым қўлвақақә қулихпигағмун қиягмун. 27 Иисус иляңистун первосвященнигыстун аюқынҕитук. Ахутаңа тамаҳән первосвященнига аҳқышағьяхқәгуқ, сивуклююни лъми сығлықкыльгыминун, тәхкын югыт сығлықкыльхитнун. Иисус тўнақами лъми катам, аҳқуткыхкәгуқ сығлықкыльхитнун югыт, атәсиҳағмың. 28 Лйлихтўсяни игақнәқ югыт накмиғьяхқәнилюки первосвященникахқамың сығлықкыхкаюгуғнән алңунак югыстун. Киңуңаның Кияғнығым апыльхан Лйлихтўсят Моисейемун, тахталми тәкўани альяңухсяхқәнҕилңуғмың акықикәгуқ. Тәхун акықилбыхқун Кияғнығым Иғныни Первосвященнигуңуҳтыстыкақә, афкуяңунән, қўнпырухляк.

Иисус, Первосвященникахпут

8 1 Апқахпут лпысинун, хўатын писйгуқ: таўатылңуғмың первосвященнилғукут ақумгалғймын ағынқигнығани сяғўакун Ахтуғьяхқәнҕитыльхпигәм қиягми. 2 Қыпхәтиңққ первосвященнигуңулюни святилицами. Тәна скинияпигққ Атанғым ныкыфтыкақә, юғым ныкыфтыкақынҕитә.

3 Тамаҳағми первосвященнига накмикыхкәгуқ тўнисқыльюку тунусяның, тығикусяныңлюю аҳқышағысқыльюку Кияғнығмун. Ынкәм Первосвященнигывутлюю сямың тўняхқалгуяхқәгуқ Кияғнығмун. 4 Иисус нунамысяқуми священнигуңунаянҕитук, қаюхляк священнигыт



(К Евреям 8:5)

нунами т̄никаюгут тунусяның Кияғнығмун Лйлихт̄с̄ят писқыльхистун. ⁵Священнигыт қыпқақ̄агут святилицами, қиягмылңухтун аюқысюгнилңугми. Сялин Моисейем скиния ныкыфтыльхильюку, Кияғнығым апақуткақ̄а: «Ўатахльяк сяңў̄а қамахльюку улиманакын таўатыңў̄ақ успықылъымтун кылгуткамтун лыпынун н̄йғами».

⁶Кияғнығым Иисус қыпқақалиткақ̄а священниганулюку. Қыпқақ̄а мыгнунағатағатұқ Левитат священнигыт қыпхальхитның. Таўатыхпигақ акықусяғрағак пиниғатағалд̄иңў̄қ акықусялюгмың қаюхльяк т̄ахун Иисусым илял̄иғутыстыкақ̄й Кияғнықлью, югытлью. Пиниғатағатұқ қаюхльяк тунымит̄н̄ақ акықусятхун пиниғатағалд̄йтхун.

⁷Сивулиқ акықусяқ афкуй̄йсяқан, т̄аўа т̄ңд̄л̄ин̄баяхтұқ.

⁸Иўырңа Кияғнығым афкуялгуникақ̄й юни хўатын п̄йқңами:

«Ағныңт к̄альықут, п̄йқ Атанық,
акықусяғрағак пильықақа Израилығм̄инунлью,
Иудағм̄инунлью.

⁹Акықусяғрағақа таўатын̄б̄ангитұқ акықусяқыхкамтун сивунгитнун тасльюқльюки агулякутақнамки Египетмың.

Қ̄аткусимаңитут акықусяма писқыльхатун.

Ынк̄ам авылдақ̄йнақақанка, п̄йқ Атанық.

10 Ағнығыт тәкут киңуңитның уна акықусяғрағақ
 пильықақа Израилығмінун, пйқ Атанық;
 Лйлихтүсянка умьюгйтнун канахлықанка,
 игақылтықанкалю қамагун илюңитхун.

Кияғнықылтықатңа, лъңит юкылықанка.

11 Налихйнитә апыхтуғьяхқақынғитә нуналгутни,
 налиғмың ныңлыюгутни лйтысқылтыюку
 Атанық,
 қаюхлыяк қамахлыютың лйсимакылытықатңа,
 укалихпиғағағның пиңўахлыягнун.

12 Сығывулықанка анахутылыхит,
 альямыңлыю нықамикнәнғитанка
 сығлыхқылтыхит».


13 Кияғнығым акузиткақңамигу акықусяғрағақ,
 сивулик акықусяқ атүнанихтыстыкақә. Ынкәм сяңўә
 алңунак атүнаниңлюни ағыюглюни мулюхпынани
 авйгулыықуқ.



(К Евреям 9:2)

Манигӯтылтық Нунамылнуғми Скиниями

9¹ Ақықусяқсюхӯағмини Кияғнығым иғақыхқақй қылғусят натын манигӯтылтығыққамаың лыңанун, натынлыю ныкыфтылтығыққа̄ святилище нунами. 2Тәна святилище югыт улимакәт палаткаңуфтуқ мәлғугығның нылык. Сивулїм ным әтқыфтә Аглығналғи На. Илюңанитыфтут кынылғуталғутак, қаюғвикык нықыкшаңлыялгык тўныхкамың Кияғнығмун. 3Аўалиғныңани тўңлихән сяфкәгутым иляңа ным атилъкылғи Аглығналтыхпигақ На. 4Илюңани таўа золото ахқыфигык паныңрығәсик фимиамымун. Таўалыю сялңагык қаспығиқак золотамың, атхык ковчегык, нықаңсихқак Кияғнығым ақықусянун. Ковчегым имақыфтї золото ақимлығутак маннамың ималгык, Аароным аявїға пїтқуғвикыхқак, мәлғуклыю лыйвнықыхтак уйдагык иғақуғвикңалғик Кияғнығым қылғусяның.



(К Евреям 9:4)

5Қўлңани ковчегым таўа золото херувимык, яқхўик тағнығаңулъхїк искупленият нықахқакит. Иўырңа ўми пилығми акузиткыпағниңитапут тамәкут.

6Сяңўа тамахән палатканилңуқ апығйғлюку, тәхкын ахутаңа тамахән священнигыт йтхақут сивулиғмун нымун қыпхағналютың. 7Иўырңа первосвященнигаңинахәқ итыгьяхқәгуқ тўңлихәнун ныңанун палаткам. Таўатын пїқуқ атәсихағмың аюмиқулбығми. Итынығмини таўавык нымун йўлың кыльқысяхқәгуқ аўаның ахқуткыхкам тығикусям. Тўнйқуқ аўмың Кияғнығмун льми сығлыхқылбығминун, югытлыю сығлыхқылъхитнун. Тәна аўк сығлыхқылъхитнун пиңуқ нальюкльютың пикїтнун. 8Тамәкутхун Аглығналғим Тағнығам лйгикыстїлыю итығвик Аглығналтыхпигағмун Нымун

сялин қыльпыхсигалнуқ скиния атуқңулюку. ⁹Тāкут
 успутāгут мāтымун. Лйгикыстйлью тунусятлью,
 ахтуткыхкатлью тыгикусят нальхусяхпагницитāt
 манигӯтистым сюмығныға. ¹⁰Тамāкут тунусятлью,
 ахтутытлью атуқыхкāгут қātкысяхқāлюки
 қылгусят нықныңлью, мығяхқаныңлью,
 пылюнихсялбыхқаныңлью югусйтның аюқылғит.
 Тамāкут қылгусят югусихйнағмун аюкут.
 Қātкысяхқāгут кынляңа Кияғныңым акықусяғрағā
 атӯхтыльханун.

¹¹Христос тағйқңами Первосвященнигуңулюни,
 тагиткақй қамахльюки пинилғит куястильхыт хўā
 мāтын хўāнлыңūt. Йтқакā скиния қилягмылңуқ,
 мыгнунағатағалдйлью пиниғатағалдйлью
 нунамылңуғмың скиниямың. Қилягмылңуқ скиния
 югыт улимāқынғитāt ынкām нунам пикынғитā.
¹²Тāхкын Христос йтқāгуқ атāсимың қўнпырухльяк
 Аглығналбыхпиғағмун Нымун сығлыхқылбымнбның
 итымунъалюта кынлыңунāн. Таўатын пикāгуқ
 тўнылығмикун лъми катам āўни, атухпынаки āўит
 козёлытлью, каумғātлью. ¹³Лйхтӯсят қыльқақит
 священнигнун сивильяхтйскыльюки югыт āўитның
 козёлыт, каўым юхтанғит, паныльханыңлью
 каумғām. Таўатын пйқут пылюнихсяғналюки югыт
 югусйт тугукльиғьюгнахтыскыльюки Кияғныңмун.
¹⁴Тамāкут пылюңиғияқлыгуката югыт югусйтның,
 тāўа Христосым āўан ўата пилбьқй. Пылюнихльбьқй
 умьюгаси сятңунғилңуғның ухпықилбьғның
 льпысинун қыпхātыскыльюку уңуалдй Кияғның.
 Кынлыңилңуғныкун Тағныңағныкун, Христос
 сығлыхқылбьхилңуқ, тўныхкāгуқ лъңаның катам
 Кияғныңмун ахқутңулюни.

¹⁵Ынкām Христосым тагиткақā Кияғныңым акықусяғрағā
 югнун туқльюқāнун. Христос таўатын пикāгуқ
 лъңитнун альыхықтыскыльюку кынлыңилңуқ пагитақ
 Кияғныңым акықусяқыхкā лъңитнун. Альыхылбьқйт
 пагитат қаюхльяк Христосым туқуматкыххакыхқани.
 Ынкām югыт кияхтыкат акықусяқсюхўāғми, итымумāt
 сығлыхқылбьғмыхның.

16 Игакун югым игақуҳлығыңи сяғъяни китумун пагисяхқәнилуюки туқукуми. Пагитияхқам альхыхнәнғити пагисяхқани ұйтку китум ипапихқыхагау юк туқуматаңа. 17 Там югым игақуқи пикатңунәнғитут сялин кияхтыңулюку. Игақуқи пикатңулығыт киңуңаның туқукан. 18 Тамākын апальюқлюку талўа акықусяқсюўақ пикатңумаңитук аўңунани. 19 Моисейем аҗқақи югнун қамахлығы ки қылғусят Лихтўсянилңут. Тāхкын каумғātлығы, козёлытлығы аўитның тугулығыни мығмың акумыхкā. Тугулығыни кавилңуғмың шерстымың, аваяныңлығы иссопым ныптыки аўмун. Тāхкын сивильяхтақи игат Лилихтўсялғутат, қамахлығыкилығы югыт. 20 Пикй: «Унаңўқ аўк апығиғилғи Кияғныңым акықусяның қылғускаңа лыпысинун қātкысыллығыу». 21 Таўатыхпигақ Моисейем сивильяхтақақи аўмың скиния, қамахлығыкилығы сяғят атуқыхкат манигўтылығымун. 22 Ипапыстāқ Лилихтўсят пильхитни, қамахтывзиглығыни сяңўа тамахағми пылюңиқāгуқ аўкун. Кияғныңым сығвунбәнғити югыт сығлығықлығыхит ұйткуқун аўк мақыхкан.

Христосым Ахтуткылығыхан Сығлығықлығыхит Иқитқақи

23 Нунамылңуқ скиния, илюңанилңутлығы сяғят қиягмылңуғыстун аюқут. Тамāкут нунамылңут сяғят пылюңиғяхқāгут аўитхун тығикусят. Иўырңа қиягмылңут сяғяпигыт пылюңиғяхқāгут ахтутытхун пинигатағалғит нунами ахқуткыхканың. 24 Христос йтхумаңитук Аглығналғыхпигағмун Нымун югыт улимағитнун. Тāна ипапихтун қиягмылңухтун аюқуқ. Йығлығы қиягмун йтқāгуқ ынкām мātын Кияғныңмытуқ Первосвященнигаңулығыни хўаңкунғын. 25 Христос нунам правосвященнигыстун аюқынғитук. Атāсихағмың аюмиқунғани правосвященник йтхақуқ Аглығналғыхпигағмун Нымун кылығылығыни аўмың лмы пикынғилғыкымының. Иўырңа Христос ахқуткумаңитук лғыңаның утыхпахтиңақ, 26 қаюхлығык иқфиқнаыхтуқ углынағлюку има улимальханың нунам. Иўырңа укуни киңулиғни ағныңни тагикāгуқ атāсимың қўнпырухлығык иқинғалуюки сығлығықлығыхит

ахтуткылъыгмикун лъминың. ²⁷Тамахағми туқуяққалдй атәсихағмың, ынкām тām киңуңаның Кияғнығым нанқихлъықй. ²⁸Таўатыхпигақ атәсихағмың Христос ахтуткыхкәгуқ лъмитның иқинъалюки сығлықхылъхит юлгутыт. Иўырңа алья тагикуми, ахтуткысяхтүнғитуқ лъминың сығлықхылъыгмун. Йығлыги югулияхтухлъықй қылянкйлдйт лъңаның.

10 ¹Лйлихтүсят тағнығанульхйстун аюқут пинилдйнун кәсяққанун, иўырңа Лйлихтүсят тәкухпигангитут. Лйлихтүсят қылыльхистун Иудейт аққышәгумаңинағақут аюмйтаңа тамаҳән. Иўырңа тамәкут аққышәльхыт укмаңиғұахпағниңитит сығлықхылъхитның манигуғьяхтуныңмыхтыху Кияғнық. ²Югыт манигүтыстыңи Кияғнығым укмаңипйгумакумың сығлықхылъыгмыхның, сығлықхинаниғнаяхтут. Ынкām ахтуткинаниғнаяхтут. ³Иўырңа аюмйтаңа тамаҳән, тамәкут аққышәльхыт нықаңухтыстақйт югыт сығлықхылъхитның, ⁴қаюхлъяк әйита каўым юхтаңгитлю, козёлытлю сығлықхылъхихпағниңитит. ⁵Тамәкут апальюқлюки Христос тагйқңами нунамун пикақә Кияғнық:

«Ахтутыюгумаңитутынлю,
тунусягьюгумаңитутынлю,
иўырңа ятәхқыхкақан югусиқ хўаңамнун.

⁶ Ыфқукумаңитатын тыгикусят йңунйта паныхтыкат аққыфигығни налигмың ахтутыт сығлықхылъыгнун.

⁷ Тәхкын хўаңа пйқа:

“Йи Кияғнық, тагйңа пиюкылъыхпытун пиналюңа, катам таўатын игақуқақыхкаңатңа Акузитни Игақыхкани”».

⁸Христос пикәлдй: «Ахтуғьюгумаңитутынлю, тунусягьюгумаңитутынлю. Ахтуғьюгумаңитутын тыгикусяның йңунағмың паныхтыканың аққыфигығни налигмың ахтутның сығлықхылъыгнун. Тамәкут ыфқухсимаңитатын». Христос таўатын пикәгуқ Лйлихтүсят қылдуткақыңдәтки тамәкут ахтутыт писқыльюки. ⁹Тәхкын пикәгуқ: «Йи, тагйңа пиюкылъыхпытун пиналюңа». Ынкām Кияғнығым

қамахлъюки иқиқуғлюки ақтутыльюгыт ныңитхун
ныкыхтықақ̄ Христос аққутңулюку. ¹⁰Иисус
Христосым қаткысяқминиғу Кияғнығым пиюкыльха,
пылюңиқақйлью сығлыққылтымнғың тўныльтығмикун
югусини ат̄сихағмың қўнпырухлъяк.

¹¹Ақутаңа тамаҳ̄ан, тамахағмың священнигыт
ныкывғағмың қыпхақатың пйқйт. Утыхпахтїнақ тўнйқут
таўатылькульхїның ақтутның. Таўальйма там̄акут
ақтутыт сығлыққылъхигияхқаҳ̄ангитут. ¹²Иўыр̄на
Христосым тўныхқақ̄ ат̄сиқ аққун сығлыққылъығнун
қўнпырухлъягмун. Т̄ахкын ақумыхқақ ағынқигныңақун
Кияғнығым. ¹³Таўани Христос утақйгақуқ кынляңа
Кияғнығым ныкыхтыльыққ̄анун аңуяги итыг̄ан
асиңанун. ¹⁴Т̄ахун ат̄сикун ақтуткыльыққун, Христосым
қўнпырухлъяк н̄амихтыстықақй̄ пылюңихсяқат
сығлыққылъығмыхның.

¹⁵Аглығналғймлью Тағнығам уңип̄атйлью там̄акуның.
Сивукльюни хўатын пикагуқ:

¹⁶«Унаңуқ акықусяқа юмнун,
киңуңитның там̄акут ағнығыт, пйқ Атанық,
Лйлихтўсянка канахлығықанка илюңитнун,
игақылбықанкалью умьюўйтхун».

¹⁷Т̄ахкын пйқ:

«Альямьңлью нықамикн̄ангитанка сығлыққылъхит,
сығлытунлью пильхит».

¹⁸Ынк̄ам Кияғнығым сығывускаки сығлыққылъхит,
ақтутыт атуқсяқ̄ананихлығықут сығлыққылъыңнун.

Туг̄ағыльта Кияғнығмун

¹⁹Там̄акын апальюқлъюку, ухпық̄алгутымни,
алиңыльңун̄амта итыльыққаңукут Аглығналъыхпигағмун
аўақун Иисусым. ²⁰Қыльпығусимисилью тумығрағағмың
уңувальығмун сяфкагуткун; т̄ана сяфкагун югусика̄.
²¹Священнигалыхлъяг̄укутлью иглыгутилғймың
Кияғнығым мыңтыг̄аның. ²²Там̄акут апальюқлъюки
туг̄ультыху Кияғнық ипапиққылъюта, ныгьюкңӯағлюку.
Таўатын пильыққаңукут қаюхлъяк умьюгалъюпут
сивильяхтақ̄агут Христосым аўаның укмаңйхтысқылъюки,
югусипутлью уғвухқыжк̄агут пылюңилңуққун мыққун.

23 Ықай атәсйғмыльюта сйғималъығмытыкыстәлтә хўаңкунъун пикникамнъун, қаюхляк ухпықахпут Кияғнық атәсйғмытуқ ынкәм пияхқақй акықусяни.

24 Ықай сюмыхтағәлтә натын қйлңумиғусяхқәлюта пиниқсяхқәлюки илят, пинитунлюю пияхқәлюта.

25 Ықай тәқыфқәмта қырңуғунъығмың пильта манигугәлюку Кияғнық, иляңита пйқылъхистун. Ығлығы қырңуғусимаңинәлтә кайымутунәлюта. Ұата кайымусимаңинәлтә қаюхляк Атанғым Ағныға туғәлғй.

26 Сығлыққысюғәтақумта киңуңаның лйльюку ипапилъық, тәуа ахтутқақйтуқ иқитусихқамың тамәвик сығлыққылъығнун. 27 Тамәкут таўатын пилғйт алиңрүғмың утақйльықут Кияғнығым нанқихтильханың. Атуқылъықәк угуқнахлягык кынғык нәфқынәлюки тамәкут кипульхинәлғйт лъңаның. 28 Мәлгук налиғмың пиңают лйсимакистыт әпқатху йөк қәткусимаңинйлюку Моисейем Лйлихтүсймнъун, нанқихтистым наңльыкыхпынән тукутыслъықә. 29 Сюмыхтағәтқахтыху натынми аңқасльюган Кияғнығым ағьйөхльықагу йөк тутмәсхақйқылғй Иғныңаның Кияғнығым, пйқылғй сятңунғинйлюку әўк апығйгуткақ акықусяғрағағмың (қайўа Кияғнығым укмаңйсиқыхқақығңәгу сығлыққылъханун), сығлықүғйқылғйлью наңльыхталғйғнун Тағныцагнун. 30 Лйсимакахпут Кияғнық; лъңаңулғй хўатын пикақ: «Хўаңаңұқ ағьйөгияхқақ, акисяхқақанка сығлытун пильхит». Хўатынлюю пикағуқ: «Атанғым нанқихсяхқақй льми юни». 31 Татамәтағнапихтуқ кина алңунак йханисяхқақ уңувалғйм Кияғнығым Нанқихтильхым Ағнығани!

32 Нықамикихкыси тамәкут ағнығыт сивунғани лйсюхўәғақнафсигу ипапилъық Христосымың аюқылғй. Ағулиткәгуси атәсйғмыльюси қайўа икфиқыхляғңәхпыси. 33 Иляңакун юхтуқами югыт сығлытун акузиткақйсилъю, амьюқытәткәқйсилъю. Иляңани ныкывгалгусиғақаси тамәкут амьюқытәткысилғйт. 34 Наңльыкақаси анусимиңльяғвигмылңүт. Талўа қуяңәкуси югыт тугуляңгатки сяғьяси қаюхляк лйсимакақси паниның сялгүси пиниғатағалғймың қўнпыкаққамың. 35 Ынкәнам

йльқаюхпынаси қаюхлъяк илютумаңинақуфси
альхығульықуси акилыхтўсяхлъягмың. ³⁶Акльюкңўаҳси
нуқынъыхтульық атуқсяхқәлюку Кияғныңым пиюкыльха.
Тәхкын альхыхлъықаси акықусяқыхкй. ³⁷Катам
игақңалдй Акузитни Игақыхкани хўатын:

«Қантағақун тәна тагияхқақ кәльықуқ;
кимәйинәнғитуқ.

³⁸ Ыльқуғутңалдйт югынка кияхлъықут
ухпықильықхун.

Иўырңа китум алңунак пыхтыкумигу ухпықильыни,
уңувасигма ыфқуқнәнғита».

³⁹ Иўырңа хўаңкута пыхтикастун ухпықильығмыхның
аюқынғитукут, нәфқыльыңьяхқастун. Иўырңа
ухпықильыльгўкут ынкәм уңувасипут югуликәгут.

Ухпықильық

11 ¹ Ухпықильықым лйсимакыстыңўағйлью
альхыхсяхқақнилюку сигмакыхкақпут,
ипапиққусигуқ ысхағьяхқақынғильыкымнбун.

² Ухпықильығмыхтыхун аюйм юги
итагнақыльыңыхкәгут Кияғныңмың.

³ Ухпықильықхун лйгикыхкақхпут Кияғныңым
улимәкә нуна акузитмикун. Тамәкут алилңўт улимәғўт
ысхағьяхқанғилңуғмың.

⁴ Ухпықильықхун Авель тўникәгуқ Кияғныңмун
тугукльиғьюгнағатағалдймың ахтутмың
Каиным ахтуткыхкәның. Кияғның пикәгуқ Авель
ыльқуғутңалдйңунилюку йогым ухпықильыха
апальюкльюку. Кияғныңым ипапиққыхкақә Авель
ыльқуғутңанилюку тугукльилъығмикун тунусй.
Ухпықильығмикун Авель паниның акузиңўқ,
туқукәйғнәғми. ⁵ Ухпықильықхун Енох майўтыстыкәгуқ
қиягмун ынкәм нанғйльхитә тукулъық. Китум алңунак
нәлькыльхитә қаюхлъяк Кияғныңым тугукақыхкаңа.
Маюльхильюни қиягмун, игақңакәгуқ Енохым
ыфқухтыкақә Кияғның. ⁶ Ухпықильыңунани китум алңунак
ыфқухтыпағниңитә Кияғның. Кина алңунак тагиюкуми
Кияғныңмун ухпықыпыстәғьяхқақә Кияғнылғунилюку,
акилыхтуғьяхқақйлью ивағипйльйт лъңаның.

7 Ухпықилъықхун Нойем нагаткақй Кияғнығым кылыңасягуткй тамāкут сялин пиңигальюки. Ынкām қаткыльюку Кияғнық аңьяҳпаңлъяқāгуқ ныңльюгутни югулиналюки улывыльығмың. Таўатын пилъығмикун Нойем нунам юги нанқихтыстыкақй Кияғнығмун ағъюғысқыльюки. Ухпықилъыни апальюқльюку Нойем альхықтыкақā ыльқуғутңалъық Кияғнығмың.

8 Ухпықилъықхун Авраамым қаткыхкақā Кияғнық туқльюғақңатни ағуляқысқыльюку иляңанун нунам. Кияғнығым акықусяқā тāна нуна лъңанун тўныльықнилюку. Ынкām униткақā льми нунани нальюкльюку навык пинақутни. 9 Ухпықилъықхун кияхтыкāгуқ нунатāлюни нунами Кияғнығым акықусяқыхкāни. Палатканиткāгуқ катам Исаакылью, Иаковым пильхыхкытун. Ылькыхкынкалью альхықтыкақāк Кияғнығым акықусяқыхкā тāна нуна. 10 Авраам таўатын пикагуқ қаюхлъяк утақйңулғй кияхналюни ныхлъягми тунымахтуқами. Кияғнығуқ успықистыңалъю, улимағистыңалъю ныхлъягым.

11 Авраам нанывгахлъяғңāгми, Сарралъю қумиңьяхқāнгитығңāгми, паниның ухпықилъықхун Сарра қумиңыхкāгуқ, қаюхлъяк ныгьюкыхкақā Кияғнығмын пильықнилюку акықусяқыхкани. 12 Тамāкын апальюқльюку Авраам туқуяхтуңыстақāғңāгми, паниның киңуныхтухқāхлъякāгуқ. Льңита угляхталңит иғалықытāғыстун қиягамылңуғыстун аюқут, кыстыкāнғилңуғыстунлью қынāвзығātун ысам.

13 Қамахлъютың тамāкут югыт паниның кияхтыкāгут ухпықилъықхун туқульығмыхнун кынляңа. Туқуляғātкālғйт альхықтыхпынаки Кияғнығым акықусяқыхкй льмыхнун. Иўырңа ухпықилъықхун ысхақакйт Кияғнығым акықусяқыхкй уяванльюки сивумыхнилъюки қуякыхкақйтлью. Ынкāңам уңипātкақйт югыт нунатāнилютың хўани нунами, нунамун пикынғинъилютың. 14 Тамāкут таўатын акузилғйт, хўатыхлъюўāқ āпхўāt нунақаққағъюгнилютың льмыхнун пикахқамың. 15 Сјомқыхкақсяқумыхтыху тāна нуна униткақтың, утыхтыльықалгунаяхтут. 16 Йығлыги пиюкатағақāт пиниғатағалғй нуна, қиягмылңуқ.

Ынкām Кияғнық кайңуюгигатук Кияғнықнинғатни. Талўа ятāхқуткақй ныхлъягмың.

17-18 Кияғнығым акықыхкақыхкаңа Авраам:

«Исаакыкун киңуныхлъягултыкутын». Ухпықилтыхқун Авраамым ныңьюкыхкақā Кияғнық нанғиқўāқңатни.

Ынкām ахқуткысяхқāхтыкā кызымаҳақ игныни,

Исаак. 19 Авраамым ухпықыхкақā Кияғнық

уңувахтияқлыгунилюку туқуканың. Ынкām Кияғнығым туқутыснаниғақңагу Исаак, Авраамым выхтыкалххўақā Исаак туқултығмың.

20 Ухпықилтыхқун Исаакым қуястыкақāк Иаковымлью, Исавылью, туңситкақāк Кияғнығмун қуястысқылыюкык āгакахқйк.

21 Ухпықилтыхқун Иаковым, туқунақңулюни қуястыкақāк альякақахтāхкынка игнытык Иосифым.

Тāхкын қуңуҳлыюни аявйғмикун манигуқақā Кияғнық.

22 Ухпықилтыхқун Иосифым, кынлытхўнъяқылхэхани уңувалығми, акузиткыхкақā агуляқылтыхқāt Израилығмит Египетмың. Апыхтўтқақйлью ныхқўāни натын сялтыхқй.

23 Ухпықилтыхқун Моисейем аңаюқахкынка йғахтуқақāк пиңают танқит альхылхэхан киңуңаның.

Ысҳақаңат юкыхтыпихлыхй, алиңумаңилнўклью қātкуньығисяхқāлютык умйлғым қылғутыльханун.

24 Ухпықилтыхқун Моисей, югухсями ихсякāгуқ игнықыснығмың Фараоным паниганун. 25 Йығлыги накмйқāгуқ икфиқылгусиғналюки Кияғнығым юги, авылғағлюку ыфқуғьюгнальхэ сығлыхқылыхым мулюяхқāнғилнуқ. 26 Итупиль сюмыхтағātкыхкақā икфиқылтыхқани Христосымун итагнағатағāғнилюку акльюңилғутаңаның Египетым. Сюмыхтағātкыңўй акилыхтўсяхқат ага сивумылнўт.

27 Ухпықилтыхқун Моисейем униткақā Египет алиңыльнунани умйлғым сякшālхэханың.

Йльқаюгумаңитук қаюхлъяк ысхалқйстун пикақыхкаңа алиңығилнуқ Кияғнық. 28 Ухпықилтыхқун Моисейем

қылқақй югыт Пасхасқылыюки, қылғуткақāлью āкў сивильяхтātысқылыюку амихтыхун. Ынкām Яқулган Туқулхым туқутыльхитй игнықсюхўāғит Израилығмит.

29 Ухпықилъыққун Израилығмїт ағвиқақāt Чермное Море никимқун қутыстун. Иўырңа Египетығмїт, ағвиғнақуткыңулютың пыкақуткāгут.

30 Ухпықилъыққун Израилығмїт мāграгвинлығни ағнығни узивгақакāt Иерихоным миңльютаңа. Тāхкын миңльюта улығātкāгуқ. 31 Ухпықилъыққун Раавым, югусиминың акикикаюғым, упуғаткақāk Израилығмїт рїрңистыхкыт. Тамāкын апальюқлююку туқульхитуқ малигульюни қātкусигалңуғнун Кияғнығмун.

32 Ұатақāғак уңипамсюгульямсї юғның ухпықиканың Кияғнығмың? Тāкыхльягьяқкāгут акузиткысяқкāлюки Гедеонылью, Варакылью, Самсонылью, Иеффайелью, Давидылью, Самуилылью, ўкналиқистытлью.

33 Ухпықилъыққун иляңи юғыт хўатын пикāгут: каяльқыхкақīt атанықпагульхыт, ыльқуғутңалютың иглығутикāгут. Ынкām Кияғнығым акықусї тугукақīt. Иляңита левыт қāнгит мықытыстақīt. 34 Қумағуқльягыт кынғыт қāmтақīt, анагақльюкилью тукутистыкақхатың сьвихпахкун. Каятақут иўырңа ухпықильхита икнақуқтақīt. Ухпықилъыққун пильюўақтыңит икнақуқтықльягақут ынкām каяльқакīt иляңита нунат пильюўақтыңит. 35 Ухпықилъыққун ағнат тукумастїтың выхтақīt туқульығмың Кияғнығым уңувахнығаки.

Иляңи ынңаталь икфиқыстықльягақīt пыхтысқыльюку ухпықильхат. Иўырңа туқуналютың пїқут Кияғнығмун уңувахтысқыльютың пиниғатағалқимун уңувальығмун.

36 Иляңи лыгасїғўātкақлюки, иляңи кахсыгмигақлюки, иляңи қїпшағусиғлюки анусимиңльягақīt. 37 Иляңи милюқпагāтамың туқутақīt, иляңи югусїт пиляхтуғлюки малқуққакīt, иляңи туқутақīt сьвихпахкун. Иляңи тымғи тамāни иглықтақут āльютың пынўйғымлью, козёлымлью амїның. Иляңи акльюмапихльықīt, юғыт амьюқытātкыхкїт, сығлытунлью кияғуткїт.

38 Нунам юги пинипагунгитут кияхтылгусиғьяқкāлюки тамāкут ыльқуғутңалқīt юғыт! Иляңи ыльқуғутңалқīt тымңи тамāни иглықакālқīt пāққилъхани, нāйғани, кияхтақлютың қайыни, ляўāғнилью.

39 Қамахльюки тамāкут Кияғнығым итагнақыхкақї ухпықильхит апальюқлюки! Нақамлью

альхықсимаңитāt Кияғныңым акықусяқыхкā, ⁴⁰ қаюқлъяк
Кияғныңым успықыхкā хўаңкунъун пинигатағалғиңўқ.
Ухпықильға хўатытук; акықусяни пинангитї льңитнун
хўаңкунунаки. Қырңамта қамахлъяота йғўихлъяқйнкут.

Кияғның Хўаңкута Атавут

12 ¹Қамахлъяотың тамāкут югыт лїгикыстїлью
ухпықилтығмыхның натын кияқтылығмыхтыхун.
Мāтын увитаңиғлюта ысхапагақйлью. Ынкām
килгāкустыстун иқитыльтыки қамахлъяоки уқихкутат,
сығлықхыльхытлью иглягульхїт хўаңкунъун.
Сягиқлъяотаңам килгāкулъта сивумнъилнұғмун,
²ысхāмакльюку Иисус, пїнлиғистыңалъю,
апығйғистыңалъю ухпықилтымта. Кайңунахтуқ
тукулъыхқак қақұракун, иўырңа Иисусым пикаткумаңитā
кайңусяғāтылтық. Йығлығи накмїқāғуқ икфиқналюни
қақұракун апальюқлъяоку қуялтық альхықсяққани.
Ынкām мāтын ақумгāқ ағынқигнығани Кияғныңым.

³Сюмыхтағātкақтыхуқун Иисус.

Йльқаюгумаңитук қайўа сығлықхыстыт
угумикырāхлъяғңātни. Таўатын лыпысылъю
илютульхїнъангитусилью, йльқаюгнāнгитусилью.

⁴Сығлықхыңинъақуткыльхыпыси сялин югнун
туқутысигатїси. ⁵Пуйгустыкї илютухсясит акузитыт
уңипātилғит Кияғныңмун игнықнилюси? Акузитни
Игақыхкани игақңāқ:

«Иғнымни, авылдақйнахпынāн Атанғым
нальхусянғатын,
йльқаюхпынаңлью ағьōнғатын.

⁶Қаюқлъяк қамахлъяоки пиниқыхкани Атанғым
апыхтуғақй қātкысқыльюни,
ағьōғақйлью тугукльықани авақутāлюки».

⁷Тугукльығақитыху Кияғныңым ағьōгильға қаюқлъяк
игнықылғйстун пйқйси. Қамахлъяоки авақутатың
атаңита ағьōғақйт нальхухқынъалюки. ⁸Қамахлъяотың
авақутат ағьōльыңақут. Ағьōльыңыңгилькувык
тāўа атаңилнұгутын ынкām авақутапикыңгитātын.

⁹Там сяғўакун, атамта нунамылнұт ағьōғақйлью
апыхтуғналюта қātкысқыльютың, иўырңа паниның

құлвағақапут. Ынкām Атавут қиягмылнуқ қаткатағағяхқақахпут уңуваналюта. ¹⁰Атамта нунамылнұт ағыбәғәқилью натыңйхак, сюмығмыхни ыльқуҳлыюку ағыбәғәқилью пинихқылғыхқамнбун пылюңйхтысқылгыюта льмитун. ¹¹Қуяңитуқ ағыбәльыңнымта қаюхльак ақнихтақыхқаңилью. Иўырңа тахталми, лйтфикнымтыху, ныкыхмыльыңақукут қаюхльак кияхсягутақукут ыльқуғульюта.

Апығтуғальхытлью, Кылыңасяльхытлью

¹²Кывыхтыки йхыси қуғағналғйт, тәхкын икнақуҳсяхтыки каялнұт сыгыскуси! ¹³Такльяхтыки тўмңи тутмалғыхпык, тәхкын каялнуқ игун әнқағнәнғитуқ нафльюминың, иўырңа нәльхульықуқ.

¹⁴Кияхнақитык ныкыхмытульюси тамаҳәнун югнун, кияхнақитыклью сығлыхқылғынунаси. Килью алңунак пылюңиньығилнұт ысхағнәнғитәт Атанық. ¹⁵Ысхәмакульюси килью алңунак люрақ альхыхнығысйғәт Кияғнығым наңльыхталъха. Нагусяқунәнлью сюағнилнуқ ақуқ сығлылйхқильюни нәфкйяхқак юлгутмың. ¹⁶Ысхәмакульюси килью алңунак блудникысахтут, налиғмың килью алңунак құлвағинғисйхтут Кияғнығмың Исавытун. Акикыхкақыхқаңа пагитахқани атәсихағмун нығьяхқамун. ¹⁷Лйсимакаҳси тәм киңуңаның, альхыхсюақнамигу атами қуястыльха, атақан ихсякыхкақә. Исавым альяңуғтыпағниңиткақә апығйқани, қайўа қунитўмағми туңсиғнәғмигу атами қуястильха.

¹⁸Сивуныхпысистун аюқынғитуси Синайым найғақанун пикастун. Ысхағьяхқәт, сйфсяхқәтлью. Таўани мамлыхльягукақ, нәфтыхльягукақ, нәйғақлью кумағуҳльягулғй. ¹⁹Нагақуқәт қалғихтән қалғихльыхй, нагақуқәтлью Кияғнығым мыңа. Иўырңа ныпйқйсқыхкәт, ²⁰қаюхльак тугукльығьонгилькаңат қылгильхә хўатылнуқ: «Тәна нәйғақ, юғым налиғмың тығикусям сйфтыкумигу, туқусяхқапыстағуқ милиухпағатамың». ²¹Моисейем ысхақә какавәтагнапихльыхй рыпаль хўатын пикалғй: «Льңәталь уңылыхтуңа алиңрұғым».

22 Иўырҗа катам лыпыси тагикāгуси Сионым найғаханун, қиягым Иерусалимыңанун, ныхляганун уңвалғим Кияғнығым. Тагикāгуси кыстыкāнғилнұғнун яқулыгнун қырнұғутканун қуялыылихляглюси. 23 Тагикāгуси қырнұғутыльхитнун қамахтыңўағлютың ухпықат игнықсюхўағыстун аюқылғит. Қиягми āтхит игақнāt игатхун. Тагикāгуси Кияғнығмун нанқихтистыңитнун қамахтыңўағлютың югыт, тағнығитнунлюю ыльқуғутналғит югыт йғўиқтыстыканун. 24 Тагикāгуси Иисусымун, лыңакун Кияғнық акықусяграңляқāгук. Тагикāгусилью сивильяхтātкамун āғанун Иисусым. Пиниғатағахтуқ Авелым āғаның, қаюхляк Кияғнығым сығивути сығлыққылхыт Иисусым āўакун.

25 Ынкāм кылыңатык, нагасюңгитыхпынāн Кияғнық акулзлғи. Сивунымта нагасюңгиткақāt кылыңасягильхā нунами хўани, ынкāм анагумаңитāt ағьюгильхā. Хўаңкута ағьюғатағахлықйнкүтлюю нагасюңгилькумтыху кылыңасяльхā қиягмың.

26 Кияғнық акулзйқами Синайым найғаханың, мыңан уфсюгуткаā нуна. Иўырҗа мāтын акықимāқ хўатын: «Атāсиҳағмың уфсюгуньықихлыққақа нуна, иўырҗа қиякляю уфсюгулыққақа». 27 Таўатын акулзильхан: «Атāсиҳағмың уфсюгуньықихлыққақа нуна», лйгикыстыңўағилью хўатын, сяңўāt қамахлыюки улимāни, Кияғнығым иқилықй уфсюгусяқат. Тамāкуңинахāt уфсюгутышағниңилнұт тамāнлыкут қўнпырухляк.

28 Тамāкын апальюқлююку игамсиқаюгвикылтыху Кияғнық қаюхляк тўныхкаңилью атаныхпагулығмың уфсюгусяқкāнғилнұғмың. Ынкāңам манигўльтыху Кияғнық ыфқуғналькыхкātун алиңылтылиғлюталюю, қўлвағилтылиғлюталюю, 29 қаюхляк Кияғныхпут нāфқйлғиңўқ кынық.

Ухпықат Кияхтāльықкāt

13 ¹Пиниқыкыстахтыки ухпықалгутыси. ²Упуғамаңинахтык ақйягнун қаюхляк иляңита упуғатақит нальюкляюки якулгутаңи. ³Нықамикляюки

анусимиңлъяғвигмылңұт, никимқун лпысылъю
анусимиңлъяғвигмылңуси. Нықамикльюки икфиқңалғйт,
никимқун лпысылъю икфиқылғйси.

4Тамахаҳпыси сйвакитыху ныңугутылтық ынкәм
угитлъю, нулихытлъю атәсйғмытулът. Кияғнығым
нанкихсяҳқақй гылгағнйлғйт, тамәкутлъю иляңаның
блудникыльғит.

5Кияхтык пакиғнығухпынаси манимун,
итагнағақитыклью сятуталыхпысистун. Кияғнық пикағуқ:
«Унинъәнғитңўағамси;
пыхнәнғитңўағамси».

6Ынкәм тытульңунәмта хўатын пильта:
«Атанық каюткақа!

Алиңнәнғитуңа югыт сялъяҳқйтның».

7Нықамикльюки иглыгутистыси уңипақикат
лпысинун Кияғнығым акузитаңаның. Нықамикльюки
натын кияхтыкәтаңи ынкәм ухпылъялгунақитык
льнистун. 8Иисус Христос алмысиқақә иғивгақ, ағнығми,
қўнпырухляклью. 9Иқитутыстыхпынаси ипапилығмың
алъяҳйнағнунлъю, алъякәяғнунлъю апыхтўсянун.
Наңлыхталъхақун Кияғнығым айыпсиюғихсяхтыки
илюси, накән қаткыльюки Лйлихтўсят нықның
аюқылғйт. Тәкут нықыт Лйлихтўсйт қаткыхкуфсики
айыпсиюғихсяғнәнғитит илюси.

10Священнигыт қыпхалғйт скиниями иныхтыкәгут
нығылъяҳқйтның ахтуткыхкамың аҳқыфимтыхун.

11Первосвященнигым тагитақй әўит тығикусят
Аглыңналъяҳпиғағмун ахтуткынәлюки
сығлыҳқылъяғнун. Иўырңа кымыхкўағит тығикусят
ныхлъяғмың иқитутльюки паныхтақйт. 12Тамәкын
апалъяюқльюку Иисусылью иқитуткәгуқ ныхлъяғмың.
Таўани тукукәгуқ, пылюңихсяғналлюки югыт
сығлыҳқылъяҳитның лъми катам әўминың. 13Ынкәңам
ныхлъяғмың хўаңкуталъю агльәлта Иисусымун,
сығлытун акузиткысқылъяюта катам лъңа сығлытун
акузиткыльхистун. 14Нунами хўани қўнпыкаҳқамың
ныхлъягитукут, иўырңа утақаңўаҳпут ныхлъяк тагияҳқак.

15Иисусықун йўлың ахтуткильта Кияғнығмун.
Ахтутыпут усюқильқапут апынымтыху Иисус

Атанџунилюку. ¹⁶ Пуйгухпын̄ан пинитун пилъық, т̄нунтақитыклью қаюхльяк там̄акут ахқутн̄т ыфқуғналғит Кияғнығмун.

¹⁷ Қаткитыки иглығутистыси атуқлыюки қылғусйт. Кылынақиңт̄ унувасихпысиның л̄исимақлыюку Кияғнығмун нанқихсяхқ̄аси. Қуянғитыстыхпынаки иглығутистыси, итупиль қаткыльыхпысигун қыпхақатың пилъықит қуякусиқлыюки. Қаткынғилькуфсики каюситыпағниңит̄си.

¹⁸ Юғаткитыкут. Л̄исимакапут умыюгамта анахутыльхин̄йл̄ю, қаюхльяк й̄ўлың пиюкыльқахпут ыльқуғутңалғи пияхқ̄алюку. ¹⁹ Такуңинах̄ағның каяхтамси юғаткысқыльюңа қантағақун лыпысинун утыңниғналюңа.

Тәқн̄ита Юғак

²⁰ Кияғнығым ныкыхмыльылитистым Атаныхпут Исус уңувақтыстыкақ̄а туқульығмың. Ынк̄ам а̄ўмикун Пын̄йғнихтыхльягухтык̄агуқ пын̄йғнун. А̄ўан ат̄ўяхқ̄ахтыстыкақ̄а Кияғнығым қ̄унпыкахқак акықуся. ²¹ Юғахтуңа Кияғнығмун т̄ұнысқыльюси сямьң тамах̄аның пинилд̄имың лыпысинун пиюкыльх̄а писқыльюку. Исус Христосыкунлью илюхпысинун Кияғнығым пилигу ыфқуғналд̄и л̄ңанун. Христос усюкыльыңли қ̄унпырухльяк кынлыңун̄ан. Аминь.

Н̄аңн̄итыт

²² Ухпық̄алгутымни, нагатңў̄ақахтыки посланиянка қаюхльяк кайымыюгақамси. Там̄акын апальюқлыюку такыстах̄алюку письмоғамси. ²³ Л̄исимақысюгамси ухпық̄алгутымнғың, Тимофейемың, а̄нысим̄ақ анусимиңльяғвигмың. К̄атылғахтуғьяқан қырңамтуң ысхағьяхтухльықамси.

²⁴ Қуякаҳнакыси қамахльюки иглығутистыси, қамахльюкилью Кияғнығым юги. Ухпық̄алгутытлью Италиямың пикат қуякаҳнакысиңуқ.

²⁵ Кияғнығым пиниқиңалд̄и каюсилх̄а тамахахпысинил̄и! Аминь.

Иисус Христосым Алихтильха

1 ¹Хўани игани игақңат Кияғнығым алихтыкй
Иисус Христосымун. Кияғнығым алихтыкақй
льңанун лйгикыстысқылтьюки қыпхақтыни сяўат
пияхтуңыстағнилюки. Ынкām Христосым каяхтыкақā
якулыни қыпхақтыминун Иоаннымун тамāкут
лйсимакысқылтьюки. ²Тахкын Иоанным āпқақй қамахлъюки
ысхақанилью, нагатканилью. Нагаткақй акузитаңи
Кияғнығым, уңипақлъю Иисус Христосымың аюқылдй.
³Қуястыкāгуқ атихтулдй игляхтулюни акузитаңитның
ўкналиқылъхым. Қуястыкāгутлъю нагалъютың қаткульхйт
қаюхлъяк қантағакун тамāкут пильыкут.

Иисусым Уңипā Ухпықанун Юғағвигнилңуғнун

4-6 Укут посланият Иоаннымың пиңут ухпықанун
қырғутқаюгнун мāграғвинлығни юғағвигни Асиями.

Наңлъыхталъықлъю, ныкыхмылъықлъю лыпысинильик
Кияғнығмың, мāграғвинлык тағнығāның, Иисус
Христосымыңлъю. Кияғнығўк кияхлъыхй мāтын,
льңаңўк кияхлъыхй сивунғани, льңаңўк тагияхқақ.
(Тāкут мāграғвинлык тағнығат сивуңанитут Кияғнығым
умйлгусйн акумутāн.) Иисус Христос атāсиймылңўгуқ
лйсимакиста ипапилъығмун. Льңаңўк Кияғнығым
уңувахсюўāқā туқулъығмың. Льңаңўк иглыгутистыңат
умйлгита нунам.

Льңаңўк пиниқилдй хўаңкунъың, āўмикунлъю,
итымуткақйлью сығлыхқылъымнъың.
Атаныхпагулъығминитыстйлью,
священнигаңухтыстйльюлью Кияғнығминун Атамун.
Иисус Христосым альхыхлъикык ниғуҳқылъықлъю,
ахтуғьяхқāнғилъықлъю иглыгутимун қўнпырухлъяк
кынлыңунāн! Аминь.

7 Йи! Иисус тагйқуқ қиялгўахтыхун.

Тамахағми югим ысхаҳлыықат,

талўа тамāкут панасқылыюку пикāt ысхаҳлыықат.

Қамахлыютың нунам рамкыңи қиягўтыхлыяхлыықут
апалыюқлыюку лыңа.

Аа, тамāкут пияхқагут!

Аминь.

8 «Хўаңа Альфаңўналыю, Омегаңўналыю», пйқ Атанық
Кияғнық, Ахтуғьяхқангитыхлыяк. Лыңаңўқ кияхлыыхй
мāтын, лыңаңўқ кияхлыыхй сивунғани, лыңаңўқ
тагияхқак.

Иоанным Ысхағўалыа Христосымың

9 Иоанныңўна, ухпықалгуткапысиңа. Икфиқуңа
лыпсистун қаюхлыяк Иисусым Атаныхпагулыхан
пикйлыю. Лыңакун икфиқылыыпут нуқытутапут.
Агляхтыстыкāгуңа қйхқамун āтқылгй Патмосымың
қаюхлыяк уңипақыхкынка Кияғнығым акузитāңи,
уңипақлыю Иисусымың аюқылдй. 10 Атанғым Ағнығани
Аглыңналдйм Тағнығам йтхāңа. Тāхкын тунутымнилыюку
нагақуғақа ма игляхтуқак қалғихтāтытун. 11 Хўатын пйқ:
«Игақухқи игатхун ысхақахтын. Тāхкын туоғнакытын
ухпықанун қырңугуткаюгнун мāграғвинлыгни
юғағвинги: Ефесымылңўт, Смирнамылңўт, Пергиямылңўт,
Фиатирамылңўт, Сардисымылңўт, Филадельфиямылңўт,
Лаодикиямылңўтлыю».

12 Тāхкын қйвуңа ысхағналюку ма алыхқуқтыка.
Қйвьялдйңа ысхағанка мāграғвинлыгугфутт золотат
кынылғутат тунымйт. 13 Тāўа қукйтни кина лыяңақа
игныға югим акухтухлыягыгның аткуйяқыфтук,
сякимагмикунлыю тафсиңафтук золотамың. 14 Нāсқўалыю
нуялыю қатыхпытук шерстыстун налиғмың анигустун,
йскыклыю кыңғым кумаңалыхатун аюқлыютык. 15 Итыгй
қылмыхсяқастун сйлюстун аюқыфтут пылюңихсяқат
кыныхқун. Мыңалыю ыфтухлыягатун мыхлыягым
тывуғалыхан аюқлыюни. 16 Агынқигнығминың
тугумйқыфтй мāграғвинлык иғалыкытāғыт, қанғаныңлыю
āнуқ сывихпак иңлюхтун хинакык ипыхсяқак. Хинā
ниғухлыяк ағнығым қукāн сиқингўхтылыхатун.

17 Ысхагъямкун итыг̃ан мануақун у̃льхақтауна туқукастун. Иўырҗа ағынқигныгминың йхминың с̃яфльюҗа п̃йҗа: «Алиңыхпынаң, х̃ўаңа сивулиг̃уҗалъю, киңулиг̃уҗалъю. 18 Уңувадг̃иңуҗа! Туқукаяқтауна, иўырҗа йи, уңуваңуҗа қ̃ўнпырухлъяк кынлыңун̃ан. Қипыталг̃уҗа Туқульыг̃мыңлъю, Адымыңлъю.

19 С̃яқсин игақуҗқи игатхун с̃яңў̃ат қамахлъюки ысхақытын м̃атын, с̃яңў̃атлъю киңувақун пияхқат. 20 Ысхағатын м̃ағрағвинлык игалықыт̃ағыт ағынқигныгма йханилңўт, м̃ағрағвинлыклъю золотат кынылг̃утат туным̃ит, т̃акут с̃ямың пис̃итаци с̃ялин қайвихтылъхитут. Х̃ўатын пис̃игут: М̃ағрағвинлык игалықыт̃ағыт яқулг̃ўт. Киягныгым уңипахтык̃й ухпықанун қырңугуткаюгның м̃ағрағвинлыг̃ни юғағвигни. М̃ағрағвинлык кынылг̃утам туным̃и т̃акуңўт м̃ағрағвинлык юғағвигыт».

Ухпықанун Ефесымылңугнун

2 1 «Письмогу яқулык иглығутилг̃й ухпықаның қырңугуткаюгның юғағвигани Ефесым.

Х̃ўаңаңўқ тугум̃лык м̃ағрағвинлык игалықыт̃ағның ағынқигнымкун, иглыхтыңў̃уҗалъю акулңитни м̃ағрағвинлык золотат кынылг̃утат туным̃итни.

2 Л̃йсимакамси с̃яльыхси, уғлыг̃йлг̃йси, йльқаюнгитыльыхсылъю. Л̃йсимакамсылъю тугукльйгатаси сығлыгыт югыт, иўырҗа апостолюңунилг̃ит л̃йтақаси ысхапаглюки тымңиңутаңи. Т̃аўа л̃йтаси иқльыңиқыстыңўт.

3 Мыг̃нигатуси икфиқыльыхпысиның х̃ўаңа апальюқлъюҗа, йльқаюгигатусилъю.

4 Иўырҗа пиюкынгитусиқа льпысинун унаңўқ, пиниқнан̃им̃ахпысиңа, ухпық̃алг̃утысилъю сивунг̃ани пиниқыльыхпысистун. 5 Там̃акын апальюқлъюку пуйг̃ухпын̃ан пиниқыхлъяг̃ьяқыфсиңа, ухпық̃алг̃утысилъю. Пиниқнаниғахпысиңа п̃йқыльыхпысистун. Ынк̃ам авутыхқитык.

Пиниқынқихтикут пиниқсюхху̃альыхпысистун.

Авутыхқынгилькуфси, такулюси иқилъықақа кынылг̃утахпыси туным̃а ныңаның. 6 Иўырҗа уна пинитун пильқахси: угумикаси п̃йқыхқанит

Николайем малихсәхтыңита, катам хуаңа
угумикылъымтун.

7 Сигутылгукуфси, нагатыкык Тағнығак сямың
пйкуткык ухпықанун! Тамәкут каяльқйлдіт
каяльқйлтығмың нығысқылтықанка пйтыстыкәның
уқфиган уңувалъхым, таўанлыңуқ Кияғнығым
Пйтысиғағвигани».

Посланият Юғағвигитнун Ухпықат Смирнами

8 «Письмогу яқулык иглыгутилдй ухпықаның
қырнуғуткаюгның юғағвигани Смирнам.

Уна уңипақ хуаңамның пиңуқ: Сивулигуналью,
кинулигуналью, туқулюңа уңувақәгуңа.

9 Лйсимаканка сығлылйлыси, акльюмаңуҗилъю
иўырңа акльюңитуси! Лйсимакақа сығлығит акузитыт
иляңита югыт пйқыхкаңит лпысинун. Иудеяңунйкут,
Иудеяпигунгитығңағмың. Югүт қырнуғуткаюгның
Туғныңәм синагогаңани. 10 Аликыхпынаки тамәкут
икфикуткынъақыхкыси. Нагатык! Туғныңәм
иляси анусимиңлъяхтыснақй нандйкуналюси.
Ынкәм икфиқылтықуси қуля ағнығнун. Иўырңа
атәсйғмытык, қайўа туқуяққәғңахпыси. Таўатын
пикуфси, акилыхтүсялилтықамси кынлыңилнуғмың
уңувалтығмың.

11 Сигутылгукуфси, нагатыкык Тағнығак сямың
пйкуткык ухпықанун!

Тамәкут каяльқйлдіт каяльқйлтығмың, тўңлихән
туқульхым ақнихнәңгитй».

Посланият Юғағвигитнун Ухпықат Пергамыми

12 «Письмогу яқулык иглыгутилдй ухпықаның
қырнуғуткаюгның юғағвигани Пергамым.

Уна уңипақ сьавихпалығмың пиңуқ иңлюхтун
хиналык ипыхсяқамың. 13 Лйсимакамси
нәнтыстык, таўантуси Туғныңәм умйлгутивиган
ақумутахкыни. Хуаңамнун атәсйғмытуси,
ухпықнанилхитахпысиңалью. Таўатыткәгуси талўа
Антипа, атәсйғмылнуқ уңипахтыка, кияхтыңбулюку.
Таўани Туғныңәм кияхфигани туқуткақат.

14 Иўырҗа пиюкынҗитусинка льпысинун
 укуңўт: таўа льпысинитут иляңи қаткульхїт
 Валаамым апыхтўсянун. Апыхтуқақā Валак натын
 сығлыҳқыстысқылъюки Израилығмїт. Ынкāм
 Валакым апыхтуқақї ныҗьяғңїта писқылъюки
 нықыт аҳқуткыхкат кияғныңльяқанун.
 Апыхтуқақїлью итагнағнилюку алңунак
 развратыльығқақ. 15 Таўатыхпигақ иляси қаткутут
 Николайем апыхтўсянун. 16 Авутыҳқыльюси
 сығлыҳқынъанихтык! Пинҗилькуфси қантағақун
 такульықамси. Тāхкын пильюўахльықанка тамāкут
 югыт сьвихпагмың қанымнилңуғмың.
 17 Сигутылгукуфси, нагатыкык Тағныҗак сьмың
 пїкуткык ухпықанун қырңугуткаюгның юғағвигни!
 Маннамың йҗңалҗїмың, манналилъықақа тāна
 каяльқїлҗї Туғныҗағмың. Льңанунлью тўныльықақа
 қатылҗї уйҗак, атыҗрағағмың игақфикыхқақ.
 Китум алңунак нальюкыхкā атық иўырҗақун
 альхыхтикахїнāм уйҗағмың лїсимакаā.

Посланият Юғағвигитнун Ухпықат Фиатирами

18 «Письмоғу якулык иглығутилҗї ухпықаның
 қырңугуткаюгның юғағвигани Фиатирам.
 Уна уңипақ Иғнығаның Кияғнығым пиңўқ. Йскык
 кумағўгук кынҗыстун, итыҗї қылмыхтуткāt
 сїлюм қылмыхсялҗатун. 19 Лїсимакамси сьльыхси.
 Лїсимакақа пиниқылъыхси, ухпықылъыхси,
 қыпхāтилъыхси, нуқытутилъыхсилъю. Лїсимаканка
 тамāкут ўата пїқаси сивунҗани пїқылъыхпысиның.
 20 Иўырҗа укуңўт тыңвимун аюқыхканка льпысинун:
 Ағулихнъыҗитахси ағнақ Иезавель апыхтуғилҗї
 ипаңунҗилңуғның. Ыкналиқыстыңунїқуқ
 Кияғнығмун. Иўырҗа апыхтуғилъығмикун пўхтақї
 югынка развратысқылъюки, ныҗысқылъюкилью
 нықыт аҳқуткыхкат кияғныңльяқанун.
 21 Пильыҳқалитқақсяғақа авутыҳқысқылъюку,
 иўырҗа тāксюнҗитуқ альяниңығмың. 22 Йи!
 Милїонъақақа қавағвигмун таўани икфиқысқылъюку.
 Малигульюки льңанун милїольықанка тамāкут

гылгағнйлгутаңи ынкām икфиқыстықлъяхлъяқанка.
 Таўатын пильықуңа ўытқуқун авутықкыхката
 сығлытун пильхитның. ²³Туқулъяқанкалью
 авақутй. Ынкām қамахлъяютың ухпықат
 юғағвигнилңўт лйльықātңа хўаңаңўқ лйсимакилғй
 юғым тамағаҳми сюмыхтағалъхитныңлъяю,
 илюмикыхкйтныңлъяю. Ағьюғьяҳқақамси
 тамағаҳпыси сығлыққытулыхпысисун.
²⁴Иўырңа иляхпыси Фиатирами, малихтылъяхитаси
 Иезавелым сығлығыт апыхтуғилъхи.
 Лйтылъяхитасилью Туғныңām аксяқумтāхлъяги.
 Тамāкын апальюқлъяюку қылғатағағнāңгитамси,
²⁵иўырңақун ухпықумаңинахтыху апыхтулъяси
 кынляңа утығнилъяымнун.
²⁶Лъңа тāна каяльқйлғй каяльқйлъяғмың,
 атуқилғйлъяю анығныхқилъяымның кынлымун,
 ахтуғьяҳқāнғилъяилилъяқақа иглығутысқылъяюки
 народыт. ²⁷Иглығутысқылъяюки сявиқынғағмың
 жезлылиғлюки ынкām кагимнъякаңит қикумың
 қулмысйтыңлъяқастун. ²⁸Тўнылъяқанкалью унāңум
 иғалықытāғаның. ²⁹Сигутылгукуфси, нагатыкык
 сямың пйқуткык Тағныңак ухпықанун!»

Уңипақ Ухпықанун Сардисымылңуғун

3 ¹«Иғақигу уна уңипақ яқулыгмун иглығутилғй
 ухпықаның қырнуғуткаюғның юғағвигани Сардисым.
 Тāна Кияғныңым мāғрағвинлык тағныңāның
 пильык мāғрағвинлыклью иғалықытāлык, пйқ:
 “Лйсимакамси сйқыстык. Югыт пйқйси уңуванилюси
 иўырңа туқуңāси. ²Тахтуғлюси, икнақухсяхтыху
 сяңўā сйлин лъяпыси пизи туқунақылғй. Лйтанка
 укавантут сяңўāt пйқыхкыси Кияғныңма
 писқысюльханың лъяпысинун. ³Нықамикльюки
 апыхтўткат лъяпысинун, нағақуқасилью. Қātкитыки,
 авутықкитыклью сығлыққылъяхпысиның. Иўырңа
 тахтунғилъякуфси, такулъяқамси тығлығнйхтытун.
 Налъяюкылъяқаҳси қақун тагилъяхқақа лъяпысинун.
⁴Паниның қафсиңғагут югыт Сардисыми āткатың
 нукухнақылъяхилъякаңит. Иглыхтылгусихлъяқātңа

āльютың қатылғймың āткамың қаюқлъяк
итагналғйңūt. ⁵Каяльқйлғй, лъңистун āльықуқ
қатылғймың āткамың. Āтхалью ғывыснāнгитақа
Кынлыңилнұм Уңувальхым Игāның. Атамалью
яқулганлью сивуңитни хўаңамнун пикнилъықақа.
⁶Сигутылгукуфси, нагатыкык сямьң пйқуткык
Тағнығак ухпықанун!»»

Уңипақ Ухпықанун Филадельфиямылңуғнун

⁷«Иғақигу уна уңипақ яқулыгмун иглығутилғй
ухпықаның қырңуғуткаюгның юғағвигани Филадельфиям.
Уна уңипақ Аглығналғймың, Ипапигмың пиңұқ.
Лъңанитуқ Давидыми қипытақ. Қыльпыхтыкумигу
амик, китум алңунак умыгнāнгитā. Ūмкумигулью
амик, китум алңунак қыльпыхнāнгитā.
⁸Лйсимакамси сьяқыстық, лйсимакамсилью
кайтуси. Нақамлью қātкаси апыхтўсянка,
мысиғйгатусилью хўаңамнун малихсәхтыкнилюси.
Йи, қыльпығусимāмси амигмың; китум алңунак
умыгьяхқақынғильқаңаның. ⁹Йи! Тамāкут
қырңуғулхйт Туғнығам синагоғаңани, Иудеяңунйқут.
Иўырңа иқлыңиқыстыңūt; Иудеяңунгитут.
Льпысинун писльюки қуңухтыснақанка сивухпысигун.
Тāхкын лйльықāt пиниқыхкымси. ¹⁰Қыльқақамси
нуқытысқыльюси. Қātкыхқақутыхпысиның
қылғильқа пақнйхсәхльықамси сығлылйльығның
кāнъақылғйның нунатағағының тамахāның. Тамāкут
сығлылйльхйт нанғйқулъықйт қамахльюки югыт
кияхльыхйт нунами.
¹¹Тагияхтухтуңа. Айыпсюгильюси
ухпықумаңинахтыңъа китумун алңунак
ўаянғитысқыльюки қахпаси. ¹²Каяльқйлғй
ағвыдақытāхтыслъықақа Кияғныңма Храмыңани,
альямыңлью āнāнгитуқ. Ынкāм лъңакун
игақылъықақа āтха Кияғныңма, āтхалью Кияғныңма
ныхльяган, Иерусалимығрағак, укилғй қиялгмың
Кияғнымның. Лъңакунлью игақылъықақа атығрағақа.
¹³Сигутылгукуфси нагатыкык сямьң пйқуткык
Тағнығак ухпықанун!»»

Уңипақ Ухпықанун Лаодикиямылнугнун

14 «Игақиғу уна уңипақ яқулыгмун иглығутилдй ухпықаның қырнугуткаюғның югағвигани Лаодикиям.

Уна уңипақ Аминымың пиңұқ. Атәсйғмылнұғуқ, ипапиҳқыңғалдйңұқ лйсимакиста. Лъңакун Кияғныңым улимакақә сяңұә қамахльюку.

15 Лйсимакамси сйқыстық: исыкинанғитуси, налиғмың уғуқнанғитуси. Исыкиналдйситуқ налиғмың уғуқналдйситуқ! 16 Ынкәм мақағрәхәтыхпысиның,

исыкинанғилнұси налиғмың уғуқнанғилнұси, қысйнбақамси қанымның! 17 Пйқуси акльюңинъилюси, альхығутыхльягақнилюси, акльюңиганъилюсилъю.

Иўырңа нальюкуси сығлығұәғүси, наңлығнахтуси, акльюмәси, аяңәси, амсикағмытусилъю.

18 Тамәкын апальюқльюку уңипәтамси акльюңигисқылъюси тукфиҳтыху золото қығхтыңұәқак кыныхқун, тыңьяхтухтык хұаңамнун. Тукфиғитыклью хұаңамның қатылдйның әтканың сйпысқылъюки кайңуналдйт амсикағмытыльysi. Тукфиғитыклью хұаңамның ағакақхамың ийыхпысинун ысхәсйгутысқылъюси.

19 Тамәкут пиниқыхканка нальхусяғаканка, ағьюғаканкалью. Ынкәм сяғиқнығухтык,

авутыққылъюси сығлықынъанихтык. 20 Йи!

Ныкывлюңа амигми тыңлюхтухтуңа. Китум алңунак нагақуқумигу мыка, амигмың қыльпығусимакаңаңа итыхльықуңа лъңанун. Ынкәм нығылгусихльыққақа, лъңанлъю нығылгусихльықәңа.

21 Каяльқйлюңа ынкәм ақумгәңа сйғүани Атама

умйлгусйкун ақумутахкынкун. Таўатыхпигақ

кайльқйлдй ақумысльыққақә сймкун умйлгусигныкун

ақумутамкун. 22 Сигутылгукуфси, нагатыкык

Тағнығак сймың пйқуткык ухпықанун!»

Манигүтыльық Қилягми

4 1 Тахкын тамәкут киңуңитның тәўа ысхағақа қилягми амик қыльпалңуқ!

Ма нагатқақа қалғихтәтытун аюқылдй, хұатын пйқ: «Май хұавык. Лпынун ысхақтыснақанка сяңұәт

пияхқат». ²Таўаниңинақ Тағнығагнитуңа. Тәўа қиялғми ысхағакка умїлгусик ақумутак, кина ақумгафтуқ.

³Ақумгалғї умїлгусигни ысхақалюни иқахтаккытун ясписылью сардисылью аюқуқ. Увитаңани умїлгусим тәўа аглюк иқыхтакык смарагдытун аюқльютык.

⁴Увитаңани умїлгусим ақумутахлягым тәўа югинақ стамат сїпнықльюки умїлгусит ақумуталғутыт. Тәкутхун ақумгатнафтут югинақ стамат сїпнықльюки утфат қатылғїмың аткуяғульютың, золотамыңлью қақпалютың. ⁵Умїлгусим ақумутахлягыхкының кальюгым ниғўахпахтї, лывыкльюхтї, тыңбахтїлью пїт. Сивухкыни умїлгусим ақумутахлягым тәўа мағрағвинлык нанит кумаңалғїт, тәкут мағрағвинлыгүфтут тағнығї Кияғнығым. ⁶Умїлгусим ақумутахлягым сивухкыни тәўа кылїсюгнилңуқ қырғыся, мығрақыхтақ кристаллыстун.

Умїлгусим ақумутахлягым увитаңани, тамахїтни сянихкыни, тәўа стамат Уңувалғїт, ийыхлягүфтут сїймыхтыхунлью, ақсягымыхтыхунлью. ⁷Сивулик Уңувалғї левысюгнитыфтуқ, тўңлихә Уңувалғї волсюгнитыфтуқ, пиңаят сяңўа Уңувалғї хиналгүфтуқ югым хинаның, ынкәм стамїтаңат Уңувалғї тыңақаохтун қаўахпахтун аюқыфтуқ. ⁸Ынкәм стамат Уңувалғїт тамахағмың ағвинлығның яқулгүтүтыфтут, ыңңаталь югүсит ийыхлягүфтут талўа қамавык яқхўита асиңитнун. Ағныхтүмән унухтүмән тәкигалңўт иляганығмың:

«Аглығналғї, аглығналғї, аглығналғї,
Атанғўқ Кияғнық, Ахтуғьяхқахәнғитыхляк,
льңаңўқ мәтын, льңаңўқ сивунғани,
льңаңўқ тагияхқақ!»

⁹Тәкут стамат Уңувалғїт илягахтут илягәтңитның усюкильхым, қўлвағильхым, игамсиқаюльхым ақумгалғїмун умїлгусигни ақумутахлягығни, кияхльыхїмун қўнпырухляк кынлыңунән. Таўатын пинғата ¹⁰югинақ стамат сїпнықльюки утфат нїңгутақут сивуңакун ақумгалғїм умїлгусим ақумутахлягыхкынун, манигуғақат кияхльыхї қўнпырухляк кынлыңунән. Тәкут пресвитерыт

қақпатың матахльюки лыйкйт сивуңакун умйлгусим ақумутахльяххынка, ынкәм илягағақут:

11 «Хўаңкута Атаныхпут Кияғныхпут!

Лпык тугупыстағьяхқақатын усуюқылъыхльяхыт,
құлвалъыхльяхыт,

игамсиқаюлъыхльяхыт ахтуғьяхқәнгильыхпынун.


Улимакакутыхпының сяңўа қамахтыңўағлюку,
пиюкыльыхпытун кияхльықут ынкәм альхыгульықутлъю
уңувалъыңмың».

Ймгат Игат, Пынъйғахақлъю

5 1Тәхкын ысхағанка ймгат игат ағынқиғныған
йханильюки ақумгалдйм умйлгусим ақумутахкыни.
Тәкут ймгат игат игағвикыхкәфтут иңлюхтун,
умыглютың мәғрағвинлык печатының. 2Тәхкын ысхағақа
ахтуғьяхқәнгильықуқ яқулык.

Игляхтулюни әптилдй: «Кина итагнағьяхқәўа икуғьяхқәлюки
мәғрағвинлык печатылъхыт
қыльпыхсяхқәлюки ймгат
игат?» 3Тәўа аваңитук
китумың алңунақ қиялгми,
налиғмың нунами, налиғмың
нунам асиңани итагналдй
қыльпыхсяхқәлюки ймгат игат,
ысхағьяхқәлюкилью илюңит.

4Ынкәм қияғўахльяхтуңа
қаюхльях нәлькынғилькәңат
кина алңунақ итагналдй
қыльпыхсяхқәлюки ймгат
игат, ысхағьяхқәлюкилью
илюңит. 5Тәхкын атәсим
утфам пйңа: «Қияхпынаң!
Йи, лев. Иудам рамкыңаның
пиңўқ, Давидымлью киңунқә.
Каялькйстыңўқ ынкәм лъңа
итагнахтуқ икуғьяхқәлюки
мәғрағвинлык печатылъхыт
қыльпыхсяхқәлюки ймгат игат».



(Откровение 5:1)

6Тәхкын ысқағақа Пынъйғазақ ныкывгалгй сяғұани умйлгусим ақумутам. Қукйтнитыфтуқ стамат уңуалдйт, утфатлью. Пынъйғазақ ысқақәлюни никимқун туқутқақ. Мәграғвинлыгның сиғунылгуфтуқ, мәграғвинлыгныңлью ийылгуфтуқ. Тәкут ийыт мәграғвинлык тағныңақй Кияғныңым, каяхтыкй тамаҳәнун нунам. 7Пынъйғақәм такулюку умильхусигни ақумутагни ақумгалгй, ағынқиғныңан йханың туўй ймгат игат. 8Тугуяки ймгат игат, тәкут стамат уңуалдйт, югинақлью стамат сйпнықльюку пресвитерыт сыкықұтут нунамун сивуңакун Пынъйғақәм. Тамахағмың тугумйқльютың гуслимың, золотамыңлью сягныхағның ыслықңалдйт фимиамымың. Фимиамыт юғақйт Кияғныңым югита.

9Илягахтут нутағамың илягәтмың хұатын:

«Итагнахтутын тугуяққәлюки ймгат игат,
икуғьяхқәлюкилью печатыңит.

Туқуткәлдйтын, аўапыныңлью тукфиқақатын югыт
Кияғныңмун.

Льңит тамаҳйтның пиңұт рамкының,
улюның, югның, нунатәныңлью.

10 Ынкәм Атаныхпагульханитыстатын,
священнигаңұхтыстатынлью Кияғнымнун,
умйлгыстунлью иглығутилъықут нунами».

11 Ысқапагумалюңа нагақуғанка мыңит
яқулылғутыхльягыт. Угльпихльығйт кыстыпагниңиңлұт.
Ныкывгатңуфгут увитаңани умйлгусим ақумутам,
стаматлью уңуалдйт, утфатлью. 12 Игляхтулютың пйқут:

«Пынъйғазақ туқутқақ,
итагнахтуқ альхыхсяхқәлюку ахтуғьяхқәңгильық,
акльюңи, пыхқиныльық, икнақылъық, құлвалъық,
ниғұхқылъық, усюқылъықлью!»

13 Тәхкын нагақуғанка тамахағмың улимағыт,
қиягмылңұт, нунамылңұт, нунам асиңанилңұт,
кылйнилңұтлью. Қамахльютың пилдйт
ақумгалдймуңлью умйлгусигни ақумутагни,
Пынъйғазақмунлью:

«Усюқилъыңитык, құлвалъыңитык,
ниғұхқылъыңитык, ахтуғьяхқәңгильылгутыклью
құнпырухльяк кынлыңунән!»

14Тәхкын стамат уңувалғит пїт: «Аминь», утфатлью сыкықўльютың нунамнун, манигуғакхыт Кияғнықлью, Пынййғаҳамлью.

Пынййғаҳам Қыльпыхқуқани Печатыльхыт

6 1Тәхкын ысхапағақа Пынййғаҳам қыльпыхтықаңа сивулиқ печатыльық тәкуның мағрағвинлыгның печатыльығның. Таўантыфтут стамат Уңувалғит, нағақуғақа атәсиқ пилдй: «Таги!» Мыңа калыюгыстун тыңбәлдй. 2Тәхкын ысхағақа қатылдй кўни. Иглығутистыңа уғлювылгуфтуқ, қахпалитәтлью. Льңаңўқ каялькйкақ аңуягминың, ынкәм әнуқ каялькймаңинағналюни.

3Пынййғаҳам қыльпыхсяқминиғу тўңлихә печатыльхым, нағақуғақа тўңлихә Уңувалғи пилдй: «Таги!» 4Иляңа кўним әнуқ, кавилнўфтуқ. Иглығутистыңа пилыхқалитәт югыт ныкыхмытунъанйтысқыльюки туқуқўтысқыльюки. Тўныхкәтлью сьавихпагрухльягмың.

5Тәхкын Пынййғаҳам қыльпыхсяқминиғу пиңаййтаңа печатыльхым, нағақуғақа пиңаййтаңат Уңувалғи пилдй: «Таги!» Ысхағақа тағнылдй кўни. Иглығутистыңа әпқәсилгуфтуқ йхмини. 6Нағақуғақа мыстун аюқысюгнилнуқ акулңитни стамат Уңувалғит пилдй: «Мерам има пшеница акикә атәсим динарийем. Пиңают мерам имй ячменйт акикй атәсим динарийем. Иўырңа нәфқыхпынакык маслинам мысыға, винолью».

7Тәхкын Пынййғаҳам қыльпыхсяқминиғу ыстамйтаңа печатыльхым, нағақуғақа стамйтаңат Уңувалғит пилдй: «Таги!» 8Ысхағақа ахсяльяк кўни. Иглығутистыңан әтқыфтә Туқульық, Адым малихтә. Пилыхқалиткәфтуқ туқуқйсқыльюки ыстамаҳқыльхән нунам юги сьавихпахкун, панығәтыльыхқун, ақниғныхқун, угўйхсялғитхунлью тыңикусйтхун нунам. 9Тәхкын Пынййғаҳам қыльпыхсяқминиғу талымйтаңа печатыльхым, ысхағанка асиңанильюки аҳқыфигым уңувасит туқуқуқат. Туқуткақыхқаңит қаюхльяк ухпықыхкақыхқаңит Кияғнығым акузитани, уңипақумаңинақйтлью. 10Акилдғўхльяхтут: «Кәй Ахтуғьяхқаҳәнгитыхльяк Атанық, ағлығнахтутынлью,

ипапигӯтынлью! Тамāкут нунам юги тукукуқат хўаңкуньың, натын тахкāн утақйн̄бақсики нанқихсяққалюкилью, ағыюгьяққалюкилью?» ¹¹ Тāхкын атāсикахтїта уңувасїт туқуткāt қатылғймың аткуялиткїт, мығнāлїстысықхкїтлью. Таўатын пияққагут қаюхляк иляңи ухпықалгутңит, Христосымлью қыпхақтыңи тукусяққагут льңита тукутыльхистун. Ынкāм мығнāлинакут кынляңа угляхталңит нāмастыката тамāкут тукусяққат.

¹² Ысхапагақа Пын̄йғахāм қыльпыхсяқминигу ағвинлїтаңа печатыльхым нуна уфсюгутыхляхтуқ. Сиқинық тағныхтā сювиналғитун қйпағахтун улимакатун козёлым мыльқўаның. Танқикльлью ысльықналғй āўыстун л̄йїхтуқ. ¹³ Иғалықытāғыт қиягамың ифкақўтут нунамун катам таўатын қигумаңилңўт смокват ифкақўльхїт уқфигмың ануқыхлягым уфсюгутыльхатун. ¹⁴ Қияга авїгутуқ ймгат игат имыльхистун, қамахляютың нāйғатлью қйхқатлью нўхқўтут нымыхның. ¹⁵ Тāхкын нунам умїлги, иглығутистыңи, пильюўахтыт умїлгыт, акльюңилңўт, қйлңумихтикаюгыт, тамахағмың қыпхақтыльғыт, қыпхақтыльгунгилңўтлью йхтўтут қайыни, акулңитнилью уйғагыт нāйғани. ¹⁶ Нāйғанунлью, уйғагнунлью акилгўгут: «Ульығвикикут йғысылъюта хинāның ақумгалғим ақумутахкыни умїлгусим, сякшāльыхляганыңлью Пын̄йғахāм! ¹⁷ Кātуқ Ағныға ағыюгильыхқахляга хўаңкуньун ынкāм китумңам анахльықагу!»

144,000 Израилығмїт

7 ¹ Тамāкут киңуңитның ысхағанка стамат яқулгыт ныкывғальхїт ыстамани каңиқїтни нунам. Яқулгыт нуқнықыфтїт стамат ануқыт ануқл̄ынғитысықлылюку нунами налиғмың кыльїни налиғмың алңунак уқфигни. ² Тāхкын ысхағақа иляңа яқулык маюлғй асивағмың тугумїлык нальюнїғутаңаның уңувалғим Кияғныңым. Яқулгым акилгўгй стамат яқулгыт Кияғныңым тўныхкй ахтугьяхқангилығмың нāфқысыллюку нуна, кыльїлью. ³ Яқулгым пй: «Нāфқыпынāн нуна налиғмың кыльї налиғмың уқфигыт! Утақйтык кынляңа печатыльымн̄бун

қауїтхун қыпшақтыңи Кияғнымта». 4Тәхкын нагақуғанка қафснгутаңи югыт печаталяхтуқит қауїтхун. Югыт угляхталяңит 144,000ңуфтут тамахїтның рамкыңаның Израилым.

- 5 Иудам рамкыни 12,000ңуфтут,
 Рувимым рамкыни 12,000ңуфтут,
 Гадым рамкыни 12,000ңуфтут,
 6 Асырым рамкыни 12,000ңуфтут,
 Неффалимым рамкыни 12,000ңуфтут,
 Манассиям рамкыни 12,000ңуфтут,
 7 Симеоным рамкыни, 12,000ңуфтут,
 Левийем рамкыни, 12,000ңуфтут,
 Иссахарым рамкыни, 12,000ңуфтут,
 8 Завулоным рамкыни, 12,000ңуфтут,
 Иосифым рамкыни, 12,000ңуфтут,
 Вениаминым рамкыни, 12,000ңуфтут.

Юлгугутыхлягыт Манигуқаңат Кияғнық

9Там киңуңаның ысхағанка угляпыстәхлягыт юлгугутыхлягыт китум алңунак кыстыпагниңилькаңи! Тамахїтның пиңуфтут нунатаның, рамкының, югның, улюныңлю. Ныкывгатңуфтут умїлгусим ақумутам, Пынъйғахәмлюю сивухкынкун. Қйпағәльютың қатылғйның, тугумйғлютыңлюю пальмам уқфиган авайитның. 10 Акилгўтыхляхтут:

«Югулилгық Кияғнымта пика умїлгусигни ақумутағни ақумгалғй, Пынъйғахәмлюю!»

11 Қамахляютың яқулгыт ныкывўтут увитаңитни умїлгусим ақумутам, утфатлюю, стаматлюю уңувалғйт. Тәхкын сыкықўтут нунамун сивуңакун умїлгусим ақумутам, манигугәт Кияғнық. 12 Пйт:

«Аминь! Кияғныхпут тамахағми усюқльигу,
 ниғухқылъигу, игамсиқаюгвикльигу,
 қўлвағлигу қаюхляк лъңаңўқ пыхқинылтылык,
 ахтуғьяхқәңгилылык, икнақылтылыклюю.
 Лъңа таўатытуқ қўнпырухляк кынлыңунән!
 Аминь!»

13 Тәхкын атәсим утфитның әптәңа: «Кинкуңәўат қатылғймың қйпағағңалғйт, накынлюю пиңўәт?»

14 Кімсиғақа: «Югунік, лыпык лйсимакатын». Утфам пйңа: «Тәкунұт сюфлююуткат сызлылйгрукутәхлягмың. Пынййғахәм аўакун ағвиглуки қйпағатың, қатыхтыстыкақйт.

15 Тамākын апальюқлююу ныкывғатңұт сивухкыни
Кияғныңым умйлгусйн ақумутахкыни.
Манигуғақāt ағныхтұмән унухтұмән Храмыңани.
Ақумгалдйм умйлгусигни ақумутагни
азигутихлығый найтңалығминың.

16 Игатиқнанихлығыут,
налиғмың мықсюгьюгнанихлығыут.
Сиқиңғым налиғмың алңунак угукнахлялдйм
угуньәнғитй.

17 Пынййғахақ умйлгусим ақумутам сйғўанилңуқ
пынййңнйхтыкылығықāt.
Мағяхқулығый сыңбулдйнун мығнун
уңувальылитикаюгнун, Кияғныңымлю
қуниңихтулығый».

Мәғрағвинлйтаңи Печатыльхым

8 1 Пынййғахәм қылыпхтакңамигу мәғрағвинлйтаңа печатыльхым, қйлягми қалығнаниғўағутут ынтақун афльюм авыльхатун тахкән. 2 Тәхкын ысхағанка тәкут мәғрағвинлык яқулғыт ныкывғалдйт Кияғныңым сивуңакун. Тамахағмың қалқихтәтыңұтут. 3 Тәхкын иляңа яқулык, тугумйлык золотамың сйғныңмың, тагилюни ныкывуқ ахқыфигыгни. Тұныхкāt фимиамылдұтмың илятықсыльюки қамахлюки юғйтнун Кияғныңым юган. Яқулғым лйй золотагнун ахқыфигыгнун сивуңанилңұк умйлгусим ақумутам. 4 Фимиамым агыпсй маюхтуқ малигульюни юғальхитхун Кияғныңым югита. Маюхтут Кияғныңмун сйғныңмың яқулғым тугумйғаның. 5 Тәхкын яқулғым, тугулюку сйғның, имиғā кыңғаның ахқыфигым. Сйғныңым имй миллиөтй нунамун. Ынкām калыюгухтыхляхтуқ, кавлыхтахляхтуқ, ниғўахпахтахляхтуқ, нуналю уфсюгутьхляхтуқ.

Қалқихтәтыт

6 Тәхкын мәғрағвинлык яқулғыт, қалқихтәтылғыт ятәхқут қалқихтиналютың.

7 Сивулїм якулгым қалқихтātни қалқихтā. Тāхкын кафтыкшаклью, кынықлью акумлютык āўмың нунамун милїотакхыт. Ынкāм пиңаюхқылъха нунам паныхтуқ, пиңаюхқылъхитлью уқфигыт паныхтут, қамахльютыңлью сюңағыулғит выгāғыт паныхтут.

8 Тўңлихāн якулгым қалқихтātни қалқихтā. Тāхкын сяңўā нāйғахльяхсюгнилңуқ кумағуғналғи, милїотāt кылъинун. Ынкāм пиңаюхқылъха кылъим āўгухтуқ.

9 Пиңаюхқылъхит кылъинилңўт уңувалғит туқўт, пиңаюхқылъхитлью аңяхпагыт нāфқыңўāғи.

10 Пиңайїтаңита якулгым қалқихтātни қалқихтā. Тāхкын иғалықытāхльяк, кумағуғналғи нанистун, қилягамың ифкахтуқ пиңаюхқылъхитхун кийўитлью, сыңбулғитлью мығыт. 11 Атха иғалықытāғым «Сюңағни». Пиңаюхқылъха мығым сюңағнихтыкақ ынкāм юлғутыхльягыт мығлютың туқукат қаюхльяк мық сюңағнихтыкālғи.

12 Стамїтаңита якулгым қалқихтātни қалқихтā. Тāхкын сям тынпї сиқинық, танқиқ, иғалықатāғытлью, ынкāм пиңаюхқылъхи мамлыхти. Пиңаюхқылъха ағнығым мамлыхтā, пиңаюхқылъхалью унугым.

13 Ысхағақалью, нагақуғақалью қаўāхпак тыңālғи кўлвани, игляхтулюни пилғи: «Сығлығўāғунақнўқ! Сығлығўāғунақнўқ! Сығлығўāғунақнўқ! Киңулїт пиңают якулгыт қалқихнақыхкумыхтыки қалқихтāтытың, тāхкын ынңātалъ сығлыпыстāғунақнўқ югнун нунами кияхльыхїт тамāни пильығни!»

9 1 Тāхкын талъимїтаңита якулгым қалқихтātни қалқихтā. Ысхағақа иғалықытāқ ифкақак қилягамың нунамун, қипыталиткāфтуқлью



(Откровение 9:1)

қылыпқытысқылыюку асилиғныңилнұқ ляўақ.

²Иғалықытәғым қылыпқытә асилиғныңилнұқ ляўақ. Тысямакын агыпсюқ ануқ катам агыпсјтун ыхлыюқлъягым рыпаль сиқинықлыю, қиягалъяю мамлхытә агыпсюм. ³Тәхкын агыпсюмың аңлығәтут саранчалғутыт, нунамунлыю укихтүтут. Кәпуғьяхқат юғның, катам скорпионыт кәпыльхистун. ⁴Уңипәткәлғит саранчат нәфқыфқыта вығәгыт писқылыюки налиғмың сюнағьюгыт нунивахсығат налиғмың алңунақ уқфигыт. Ақнихтысқыхкйлъяю тамәкуңинәт югыт Кияғныңым нальюнйлъхилькаңи қаўйтхун. ⁵Саранчанун туқуқухтыснаниқй тамәкут югыт, тәўаңинақ икфиқыстыхлъягыстысқыхкй талыматнун танқинун. Скорпионыт кәпыльхистун югыт икфиқыхлъякат.

⁶Тақуни талымани танқини тамәкут югыт туқуюпихлықыт, иўырңа туқупағниңилықыт. Югыт туқунақыхлъяхлықыт, иўырңа туқунәңгитут.

⁷Саранчат ысхақәлютың кұнистун аюкут пильюўамун ятәхқыхкат. Нәсқұитнитыфут льяңақа золотат қахпат,

хинитлыю югыт хинйстун аюқлыютың. ⁸Нуййт ағнат

нуййстун аюқлыютың, хұтңитлыю левыт хұтңистун

аюқлыютың. ⁹Югусимыхтыхун қалтылгуфут

ысхақәлютың сявиқынғәгыт сякимағитат. Яқұдиталъяю

сюлюхталъхит льяңақа колесницат кұнитуқат

сюкыралғит пильюўамун. ¹⁰Папылгуфут скорпионыстун

кәпикаюғмың. Ынкәм талыматнун танқинун

югыт икфиқыстыхлъягит папыгмыхның капуглюки.

¹¹Умйлылгуфут иглыцүтилғй лъңитның, яқулгуфтуқ

ысхәмакистыңа асилиғныңилнұм ляўағым. Еврейистун

әтха Аваддон, Грегыстун Аполлион, (хұатын писиқ:

«Нәфқыста»).

¹²Сивулиқ сығлыпыстәхлъяк альпахтуқ, тәм

киңуңаның паниның мәлғук сығлыпыстәхлъягык

пияхқәгук.

Ағвинлітаңа Қалғихталъхым

¹³Тәхкын ағвинлітаңита яқулғым қалғихтәтни

қалғихтә. Нагақуғақа ма золотағның ахқыфигығның

стаманың сиғунылгығның тыкышқамығныкун

Кияғнығым сивуңанилңұк. ¹⁴Тәм мым алыхқуғā ағвинлїтаңат якулгыт қалғиҳтāтылык. Пикā: «Итымутики стамат якулгыт асихқыңбалғит кйгўльягыгни Евфратыгни!» ¹⁵Ынкām стамат якулгыт итымуткї. Ятāхқыхкāфтут тāmун афльюмун, ағнығмун, танқимун, аюмиқульығмунлью туқуқйсқыльюки пиңаюхқыльхи югыт. ¹⁶Уңипātāңа угляхталаңитның кўнитхун иглыхльыхїт пильюўахтыт, юк қуля миллионыңуфтут. ¹⁷Ысхағўālьымкун ысхағанка кўнит, иглыгутистыңитлью. Сякимагїтїт кынғыстун кавитыфтут, сапфирыстун сюңағыюкыхтыфтут, уқумьягыстун, тықуҳсюгнилңуфтут. Кўнит нāсқўит левыт нāсқўистун аюқыфтут, қāңгитның āнұт кынық, агыпсюқ, уқумьяк. ¹⁸Тākутхун пиңаютхун нāфқйльыхльяхтыхун туқуқуғїт пиңаюхқыльхи югыт. Кўнит қāңгитның āнлығātут кынық, агыпысюқ, уқумьяк. ¹⁹Кўнит ахтуғьяхқāңгилъылгўт қāңгитнилью, пāпхитнилью. Пāпхит нымығьястун аюқылғїт нāсқулгыт кїтикусїт югнун.

²⁰Иляңи тамāкут югыт туқутыльхилькаңит тамāкут нāфқйльыхльягыт, авутыхқумаңилңўт пыхсюумаңилъкаңит кияғныңльяқатың. Манигуднāимаңитїт туғнығāt, кияғныңльяқатлью улимāғыт золотамың, серебромың, сїлюмың, уйғагмың, унаҳсимыңлью. Тамāкут ысхāсяхқāңгилңўт, нагақўсяхқāңгилңўт, налиғмың пиюгьяхқāңгилңўт. ²¹Талўа авутыхқуткумаңилъкаңит юхталъытың, алигнахтālъытың, ныңухтыхпынатың атуқутыльыхтың, налиғмың тыглыгнїльытың.

Яқулыклью, Ймгатлью Игахāt

10 ¹Тāхкын ысхағақа иляңа ахтїгатыхльяк яқулык укилғї қиягмың. Пилюгугнафтук қиягўāғмың, нāсқўан қуляңани аглюк, хинā сиқиныхтун кўкхульюни, иғуыклью кумағулғїстун столпыстун аюқльютык. ²Тугумйқыфтї ймгат игахāt қыльпалңўт. Ағынқигнығық итыгани тўтыстї кыльїм мыған қайңакун, сяғумигнықлью итыгани тўтыстї қўткун. ³Игляхтупихльюни акилгўгуқ левым уўихнїльхастун. Акилгўхльягьян мāрағвинлыгьягыт

кальюгыт тыңъахтадтут. ⁴Мăграгвинлыгыгьыт кальюгыт тыңъахтагьята игақнақсығанка сямьң пильхит. Иўырңа нагақуғақа ма қиягмың пилгї: «Ақсықики мăграгвинлыгыгьыт кальюгыт сямьң пильхит, игақыпынаки!»

⁵Тăхкын ысқағақа яқулык ныкывғалгї кылъйкунлью, кўткунлью. Қиягмун ныңугутї ағынқигнығық йхыни, ⁶акықйқ Киягнығым атхақун кияхлътыхї кўнпырухлъяк кынлыңунан. Лъңаңулгї улимағикақ қиягамың, нунамың, кылъйның, сямьңлью тамахаңың тăкунилңудғның. Яқулык пйқ: «Пильыхқақ катук. ⁷Иўырңа мăграгвинлитанита яқулгым қалғихнақыхкумигу қалғихтатни, тăўа Киягнығым апығйхлътыхқā ухпықилъыни қайвиҳсимаңилькынъи сивунғани. Ухпықильха атасйгуқ апқā қыпхақтыминун ўкналиқистынун».

⁸Тăхкын нагақуқама мым қиягмың алыхқудгльятағана: «Агльаглютын тугуки қылъпалңўт ймгат игат йханилңўт яқулгым ныкывғалгїм кылъйкунлью, кўткунлью».

⁹Яқулыгмун агльаглюна туңсиғанка имыңалгїт игахāt. Пйңа: «Тугулюки нығики; ақсықуҳпыни кугахлътыхут иўырңа қаныхпыни мўгалътыхут мёдыстун».

¹⁰Яқулгым йханың тугулюки ймгат игахāt нығанка, имани қанымни мўгатут мёдыстун. Иўырңа тўфсықынка ақсықуқа қуўахтā.

¹¹Тăхкын пйтңа: «Альямьң ўкналиқуткыпыстағьяхқақатын юлгутыт, нунаталгутыт, альяҳйнāt улюлгутыт, умйлылгутытлью».

Мăлдук Уңипахтык

11 ¹Тăхкын китум аявїлитана успутасиқысқылъюку. Ынкām каяхтана: «Успутағьяхтуху Киягнығым Храмыңа, ахқыфигыклью, кыснакытынлью югыт манигўлътхит таўани. ²Иўырңа успутахпынән Киягнығым Храмыңан уқха ыслътāнилңуқ, қаюхлъяк тўныхкāгуқ язычнигнун. Тутмасхақнақўāt Агльғналгї Ныхлъяк югыгмалгу мăлдук сйпнықлъюку танқини. ³Уңипахтыхка пилюугғалгїк вретичемиң, ахтуғьяхқангилъылылътыхахка ўкналиқысқылъюкык 1,260 ағныгнун».

⁴Мәлгук уңипақтык мәлгугүк маслинам уқфигык, мәлгугүклью кынылгутам тунымакык ныкывгалгик сивуңани Атанған нунам. ⁵Бнкәм китум алңунак ақниҳнақуткыхкумикык, қанғыхкының кыңғым әнлюни туқуқуҳлығықй аңуягит. Китумлью алңунак ақниҳнақуткыхкумикык тәўа туқусяхқәхлығықуқ. ⁶Ахтуғьяхқәнғилгыльгүк қиялга ыслъяльюгугнанйсылгылюку үкналиқылытьхыхкыгни. Ахтуғьяхқәнғилгыльгүк мығыт әўуқтысылгыюки. Ахтуғьяхқәнғилгыльгүклью альяҳйнағның икфиқналгйның сығлылйхлығының, аўын таўатын пйқылыгықуқ пиюкылыгымыгыстун.

⁷Апыгйқуыйк уңипанығмың, асилиғнығилңуғмың ляўағмың анылыгықуқ тығикусяльбөк. Пильюўахлығықак ынкәм каяльқыхкумикык туқульықак. ⁸Кымыхкўағик тамәнлыгықуқ тўмңани ныхлығым, Атанғита қақұрағивгани. Тәна ныхлығык әтқыфтук Содомымыңлью, Египетмыңлью қаюхлығык юги Содомығмйстунлью, Египетығмйстунлью аюқылгйт. ⁹Югыт нунатаҳаның, рамкының, альяҳйнағның улюның, нунатаныңлью тагилгықут ысхағналюкык кымыхкўағик. Таўатын пилгықут пиңаюнун ағнығнун авылылығлюку, китумунлью алңунак қуңуҳтыснанихлығықакхыт. ¹⁰Тәкук үкналиқистык икфиқыстихлығыкәлгик нунам югитнун. Бнкәм югыт қуяхлығыхлығықут, тунқұлгықутлью тунусямың илямыхнун, апальюқлығыку туқульыхкынун. ¹¹Иўырңа киңуңитның пиңают ағнығыт авылылығлюку Кияғнығым анығныни итықтыстыкә үкналиқистығнун. Бнкәм ныкывьямык, қамахлығытың тамәкут ысхағлюкык алиңрүгүтылығыкат. ¹²Тәхкын үкналиқистык нагақуғәк игляхтупихлығыхй ма қиягмың пилгй: «Маюхтык хўавык!» Аңуягит ысхапагумалюки маюхтук қиягмун қияўахқун. ¹³Таўани пилгығми қывўтыпихлығыни нуна уфсюгутылығыхтык; қуляхқылығых ныхлығым нәвуқ. Бнкәм 7,000 бөк туқуқуғә нунам уфсюгутылығыхлығыған. Тамәкут югыт яйўасыкат какаватәтылығыглютың усюқұхтәт Кияғныға қиягым.

14 Тўңлиҳā сығлыпистāҳлягым сығлылйлъхым альпахтуқ, иўырңа ысҳахтыху пиңая сығлыпистāҳлягым сығлылйлъхым кāсяхтуңыстахтуқ.

Мāграғвинлїтаңа Қалғиҳтāтым

15 Тāхкын мāграғвинлїтаңита яқулгым қалғиҳтāтни қалғиҳтā. Игляхтупихльютың мыт қилягми пїт: «Атаныҳпагульҳа нунам атаныҳпагульҳахтāк Атанымталъю, Христосыңанлъю, ынкāм Лъңа иглығутилъықуқ қўнпырухльяк кынлыңунāн!» 16 Тāхкын югинақ стамат сїпнықльюку сїванльығыт ақумгалғїт умйлгуситхун ақумутамыхтыхун Кияғнығым сивуңани, хинатың сыкыльюки маниғугāt Кияғнық. 17 Пикāt:

«Игамсиқаюгвикамкын,

Атанық Кияғнық Ахтуғьяхқāнғилңуқ,

кияхльыҳї мāтын, иўлыңлью кияхльыҳї!

Тугумāн ахтуғьяхқāнғитыльыхльягын ынкāм пїнлиҳтутын иглығутимун.

18 Нунам юги сякшитыхльяхтут,

иўырңа мāтын сякшāльыхқан кātуқ.

Туқукат нанқихсяхқāхтут.

Акильыхтуғьяхқāхтатын қыпҳахтытын ўкналиқистыт, аглығналғїт юхтын,

қамахльюкилью сївакилғїт льпынун,


укаванлыңўтлью, апыҳсығутлью.

Туқуқульыхқан кātуқ тамāкунун туқуқуқаның юғның нунами».

19 Тāхкын Кияғнығым Храмыңа қилягмылңуқ қыльпатыфтук. Таўани Храмыңани ысҳағахка Ковчегык Кияғнығым Заветылғутакак. Тāхкын ниғўāхпахтахтуқ, ыфтұхтахтуқ, тыңбāхтахтуқлью кальюгык; нуна уфсюгутыхльяхтуқ, кафтыкшағухтыхльяғāлью!

Ағнāқлью, Драконылью

12 1 Тāхкын қилягами сяңўā сяғїғанापихльыҳї алиҳтуқ лїгикусиҳқāхпут пияхқамун: Ағнāқ пилюгуғлюни сиқинығмың, итығї танқикун ныкыхльютың, нāсқумикун қахпалюни қуля мālғук сїпнықльюку иғалықытāғның. 2 Қумилғуфтук,



(Откровение 12:1)

иґниюгым ақниҳқылыюку лыйғā, āнақылъхан тағнуҳām араҳқā.

³Тāхкын қиялами сяңўā иляңа сяйғанапихлбыҳй алиҳтуқ лиґикусихқаҳпут апыйғнақылғимун: Тāўа кавилңуқ драконыҳлъяк, мāграғвинлык нāсқулык, қуля сиғунылык, ынкām қамахлътютың нāскўа қаҳпалгутутыфтут. ⁴Папығминың сяқипхутй нунамун пиңаюҳқылъхи қиягам иғалықытāғи. Тāхкын дракон ныкывыхкақ мануңакун ағнам нығналюку тағнуҳā иғниғыснақагу. ⁵Ағнақ иғныңуқ, иглығусяхқй қамахтыңўāғлюки нунам юги сявиқынғағмың анагуталиғлюни. Иўырңа ағнам тағнуҳā ақуқағлюку ағлятāt Кияғнығмун, умйлгусихкынунлюю ақумутағнун. ⁶Ағнақ қимахтуқ килгāнун. Тамāни Кияғнығым ятāхқуткақыхкаңа ныкаҳқамың, афлыңаксяҳқақыхкаңат 1,260 ағнығт.

7Тәхкын қиягми пильюгутут. Михаилымлью якулькульхйт пильюўағат дракон. Дракономлью якулькульхйт пильюўағит Михаилылью якулькульхйт, 8 иўырңа Михаилым каяльқә дракон. Ынкәм дракон якулькульхйт қиягмысяхқананихтут. 9 Қиягмың милѳтат драконыхляк. (Нығихталюк нымыгьяқ атха Туғнығақ, налигмың Туғнығақ, пұхқухтыңа нунам юган.) Милѳтат нунамун якулыхтұман.

10 Тәхкын нагақуғақа ма игляхтулюни қиягмың пилғи:

«Хўа кәсимат Кияғнығым югулигильха,
ахтугьяхқангильха, атаныхпагульхалю,
Христосыңанлью ахтугьяхқангильха.

Сялин Туғнығақ милѳтыльхильюку қиягмың,
ағныхтұман унухтұман анахутқанйқи
ухпықалгутыпут Кияғнығмун.

11 Ухпықалгутымта каяльқумат аўакун Пынйғахам,
уңипақылтығмыхтунлью Кияғнығым
ипапиқхыльха.

Талўа тукуяңғамың аюқут Христос апальюқльюку.

12 Ынкәм қамахльюси кияхльыхйни қиягми,
қуятыхляхтык!

Иўырңа сығлығўағунақнўси нунамылңуғнилью,
кыльйнилңуғнилью!

Туғнығам укигвикумйси,
сякшитыхлягўқ қаюхляк лйсимакә
пилыхқйгусяхтухтуқ».

13 Драконом лйгиксямигу нунамун милѳтыльыни,
малихқағә ағнақ игныххкақ. 14 Иўырңа ағнақ тўныхкәт
қаўахпагрухлягым яқухкының тыңасқыльюку килғанун.
Тамәни пақнйльтықуқ нымыгьямың, афльыңақылтықәтлью
пиңают аюмиқульхыт, ағвинлык танқит иляльюки.

15 Тәхкын нымыгьям уғьѳтә мық кйўыстун аюқылғи
ағнақ мақутысқыльюку. 16 Иўырңа нунам каюситә ағнақ.
Нунам агитағульюку тўфтә мыхляк драконом уғьѳткә.

17 Тәхкын драконом угумиягутыхляглюку ағнақ, ынкәм
пильюўағяхтуғи қамахльюки иляңи киңунғи. Тамәкуңт
қәткүтңалғит Кияғнығым қылғусйтнун, атәсиймылңүтлью
ипальгымун апыхтўсяқыхкәнун Иисусым. 18 Тәхкын
дракон ныкывуқ кыльым ыснәкун.

Мәлгук Тығикусяльбюгк

13 ¹Тәхкын ысхағақа тығикусяльбюк анылғи кылбймың. Қуляңфутт сиғунги, мәграгвинлык нәскулык. Қамахльютың сиғунги қахпалгутутыфутт, тамахағмың нәскут игақуғвикнафутт атығмың сығлықұлғиың Кияғныңмун. ²Тәна тығикусяльбюк барсыюгнитук, итығи кайңым итығатун аюқылғит, қанға левым қанғатун аюқылғи. Драконом тәна тығикусяльбюк ахтуғьяхқангилығминың, умйлгусигминың ақумутағның, иглыгутияхқахтыстәлю атыни атуқлюку. ³Атәсиқ нәскүа тығикусяльбюгым туқутысюгниткақ китиғлюни, иўырңа тәна кйяльха мәмыхкафтуқ. Йңунахағмың нунам югита сяғиғаягулюку малихтәт тығикусяльбюк. ⁴Қамахльютың югыт манигуғат дракон қаюхляк тығикусяльбюгмун тәныхқаңа ахтуғьяхқангилыни. Манигуғатлю тығикусяльбюк, пйт: «Кинаңам тығикусяльбюхтун аюқә? Китумңам пильюўахлығыагу?»

⁵Тәхкын тығикусяльбюк акузияхқахтуқ. Аңәюхтыхляхтуқ, сығлыпыстәтунлю акузиткә Кияғның. Ахтуғьяхқангилыңуқ иглыгутияхқәлюни югымалғу мәлгук сипнықлюкугнун танқинун. ⁶Пйнлиғә сығлыпыстәтун акузиткильыни Кияғныңмун, әтханың, кияхфигануң, тамәкуныңлю кияхлығыһинун қиягми. ⁷Ахтуғьяхқангилылитә пильюўйскылюки Кияғныңым юги, каяльқыскылюкилю. Иглыгусяхқахтысти қамахлюки рамкыт, югыт, улют, нунатәнилңүтлю югыт. ⁸Қамахлюни нунами кияхлығыһим манигухлығықәт тығикусяльбюк. Иўырңа тамәкут әтхит игақналғит Игитхун Уңувальхым манигуғнәнғитәт. Кияғныңым игақыхкақи әтхит нунаңляльхильюни. Тәкут игат пикй Пынйғаҳам, югыт туқуткйта.

⁹Нагатык, сигутылгукуфси:

¹⁰«Кина алңунак тугуяхқәкуми, тугулығықәт.

Кина алңунак туқусяхқәкуми сявихпахкун,
туқулығықәт сявихпахкун.

Тәкук хўатын писйгук: Кияғныңым юги

нуқынбыхтуяхқәгутлю, ухпықилғылгуяхқәгутлю».

11 Тәхкын ысхағақа иляңа тыңикусяльбюк нунамың анылді. Мәлғугығның сиғунылғуфтуқ Пынъйғағам сиғунғатун, акузйқлюю драконытун. 12 Сивулиқ тыңикусяльбюк таўанлююку тўңлихән тыңикусяльбюгым атуқә қамахлююку ахтуғьяхқәнғилъға. Тәхун ахтуғьяхқәнғилъыхқун манигүтыстй қамахлююки нунам юги сивулиғмун тыңикусяльбюгмун. (Кйңан туқутысюгниткә, иўырңа кйяльға мәмыхкақ.) 13 Тўңлихә тыңикусяльбюк альяҳлыюхўахтихльяғатахтуқ, талўа қилягмың нунамун кынық укихтыстә югыт ысхапагит. 14 Тўңлихә тыңикусяльбюк ахтуғьяхқәнғилъыңуқ альяҳлыюхўахтияхқәлюни таўантыльхәни сивулим тыңикусяльбюгым. Тамәгун альяҳлыюхўахтильыхтыхун пўхтй қамахлююки югыт кияхльыхйт нунами. Қылдй югыт наңағныңльйскылююки қўлвйскылююку сивулиқ тыңикусяльбюк. (Тәна туқуткәялдй сявихпахкун иўырңа уңувақә.) 15 Тўңлихә тыңикусяльбюк ахтуғьяхқәнғилъыңуқ анығныңыстияхқәлюни уңувалъығмың наңағныңанун тыңикусяльбюгым. Ынкәм наңағның акузияқлыгыхтуқ. Тәхкын наңағныңым қылдй югыт туқуқйскылююки тамәкут манигүсюнғилнўт льңанун. 16 Тўңлихән тыңикусяльбюгым нальюниҳтйскй числомың қамахлююки югыт ағынқигныңитхун йхитхун налиғмың қаўйтхун. Таўатын қылдй аңўағуғңата, укавансяғңата, аклюөңитығңата, аклюмағңата, қыпхахтыльяғунғитығңата, қыпхахтыльяғуғңата. 17 Кина алнунак тукфиғияхқәнғитуқ налиғмың акикияхқәнғитуқ ўйткуқун нальюнильылгукуми. Тәна нальюнилькутақ тыңикусяльбюгым әтқә налиғмың әтхан числокә.

18 Пыҳқиныльылгым лйгикнәғә уна.

Сюмыхтағалығмикун лйгикыльықә сямың писйтаңа тыңикусяльбюгым числоңа. Тәна число югмун әтхўқ, 666ңўқ.

Пынъйғағақлюю, 144,000ытлюю Югыт

14 1 Тәхкын ысхағақа тәўа Пынъйғағақ ныкывғалдй Нәйғами Сионым. Лъңанитутыфтут 144,000 югыт, қағумыхтыхун иғақфикыхкат әтханың, Атаңанлюю әтханың. 2 Нағақуғақаллю ма қилягмың.

Нагаткәлюни льяңақа қалъяңатун мыхльягыт,
тыңьәгатунлюю калъюгым. Нагаткақа ма льяңақа
гуслистыт айңанаңалъхйстун гуслитхун аюқылдй.
3 144,000 югыт ныкывғатңуфтут сивуңани умйлгусим
ақумутам, стаматлюю уңувалдйт, утфатлюю. Тәкут югыт
илягағақыфтут илягәтығрағағмың. Китум алңунак
тәна илягән лйсяхқақынғилъкаңа иўырңақун 144,000
югыт. Льяңаут Кияғнығым югуликй қуңаңитның нунам
юганың. 4 Тәкут югыт нукихнахқумаңилңут ағнамың
атуқилъыхқун. Малихтақәт Пынъйғағақ навик алңунак
пинғани. Кияғнығым югуликақй акулңитның нунам юган,
тунусяқсюхўағўт Кияғнығмунлюю, Пынъйғағағмунлюю.
5 Иқлыңиқиғатңўахтут. Апальйтут.

Пиңают Яқулгыт

6 Тәхкын ысхағақа иляңа яқулык тыңәлдй қўлваҳпани.
Апхй кынлыңилңўт Пинилдйт Уңипат нунами
кияхльыхйнун, тамахйтнун нунатәнилңуғнун югнун,
рамкынун, улюнун, югнунлюю. 7 Игльхтупихльюни
пйқ: «Аликитыху Кияғнық, усюқитыху аңылъыхльяга!
Югның нанқихтилъыхқә кәтўқ. Манигухтыху улимағикақ
қияламың, нунамың, кылъйның, сыңбулғйныңлюю
мығның!»

8 Тўңлихән яқулгым малихтә сивулик, хўатын
пимағми: «Нәвумәк! Вавилоныхльяк нәвумәк! Вавилоным
атуқильхә блудамың винотун аюқуқ. Виноминың
мығысқуғй қамахльюки нунам юги, ынкәм лъңиталлюю
блуд атуқсягутәт. Ынкәм таўатын пильығмыхтыхун
Кияғнығмун ағыюхтыслықут».

9 Пиңаяк яқулгым малигутуқ сивульгнун.
Игльхтупихльюни пйқ: «Китум алңунак манигуқумигу
тықикусяльбюк, наңағныңәлюю, альыххсимакумигулюю
налъюнйльық қагумикун налиғмың йхмикун
10 мығьяхқақә виноңа Кияғнығым сякшәльхән.
Тәна вино мылймаңилңуқ кўвыхкақ қайәсимун
Кияғнығым сякшәльқә! Кина алңунак манигўткақ
тәкугнун икфиқыхльягьяхқәгуқ кыныңмиллюю,
уқумьягмиллюю, сивуңитни ағлыңналдйтни яқулгыт,
Пынъйғағәмллюю. 11 Кыңғым икфиқыстыхльяхльықй,

агыпс̄я маюх̄лтықуқ қ̄нпырух̄лтыяк кынлыңун̄ан.
Икфиқнаниғн̄ангитут ағных̄т̄м̄ан унух̄т̄м̄ан,
маниг̄утк̄атмыхның тығикусяльб̄огмун, наңаңыңанун,
налъюнк̄атмыхныңл̄ью атханың».

12 Там̄акут қамахл̄ьютың х̄уатын пис̄йгут, Кияғныңым
юги нуқын̄ых̄тупыстағ̄ьях̄қ̄агут. Там̄акуң̄т қ̄аткутңалғит
Кияғныңым қылгус̄янун, ат̄ас̄йғмыл̄ьютыңл̄ью
Иисусымун.

13 Т̄ахкын нағақуғақа қиягмың ма пилг̄й: «Иғақиғу
уна: Х̄уакын кынлык̄люку қусях̄қ̄агут тукуях̄қат
қыпх̄асималюку Атанық!»

Тағнығак п̄йк: «Қуянапыстах̄тут! Мығн̄әлилтықут
уғлығ̄йл̄ығмыхның, югыт нықамикылтықит
анығных̄қильх̄ит».

Нунамың Унаталық

14 Т̄ахкын ысхағақа т̄ауа қатылг̄й қиял̄яӯақ, қиял̄яӯақун
ақумгафтуқ л̄ьяңақа иғныға юғым. Н̄асқумикун
золотамың қахпалгүфтуқ, тугум̄иқыфт̄алью ипылг̄й
пакшығмылңуқ с̄явик. 15 Т̄ахкын иляңа яқулык̄ а̄нуқ
Храмымың. Акилг̄ӯх̄лтыг̄ә ақумгалг̄й қиял̄яӯағми:
«Пакшығмылңуқ с̄явигын атуқлюку унат̄ә,
қаюх̄лтыяк унаталых̄қақ к̄атуқ, нунам п̄итыстык̄ә
унатағ̄ьях̄қ̄ах̄тың̄ӯқ!» 16 Ынк̄ам қиял̄яӯағми ақумгалг̄им
пакшығмылңуқ с̄явини унат̄әсиқ̄ә нунамун.

17 Т̄ахкын иляңа яқулык̄ а̄нуқ Храмымың қиял̄яғми,
л̄яңалью ипылг̄ймың пакшығмылңуғмың с̄явилгүфтуқ.

18 Т̄ахкын иляңа яқулык̄ а̄нуқ ах̄қыфигығның
афл̄ыңакистыңа кынған ах̄қыфигым. Акилг̄ӯх̄лтыг̄ә
яқулык̄ ипылг̄ймың пакшығмылңуғмың с̄явилык̄:
«С̄явихпының кыпух̄қи виноградыт нунам лозаңаның,
қаюх̄лтыяк виноградыт қигум̄ат!» 19 Ынк̄ам ягулгым
пакшығмылңуқ с̄явини с̄яқипхут̄ә нунамун, кыпуғ̄й
виноградыт нунам лозаңаның. Т̄ахкын милюкутақ̄и
виноградым қагых̄қ̄усих̄лтыяғанун. Т̄әнаңуқ
Кияғныңым с̄якшитфих̄лтыяга. 20 Виноградымун
қагых̄қ̄усик ысл̄ят̄анилңуқ ных̄лтыяғым. Виноградыт
қагых̄қуғ̄ялг̄ймың а̄уқ м̄ақуқ қагых̄қ̄усиның 300
километр тахталык̄люку, 1,5 метра ӯсқах̄тульк̄люку.

Моисейемлю, Пынъйғахамлюю Илягәтнат

15 ¹Тәхкын қиялами алихтуқ сяңуә
сяғиғанापихльыхй лисимакусихқақпұт
пияхқамун. Тәуа мәграғвинлык яқулгыт, тагитилгит
мәграғвинлыгның сығлылйльыхльыгның. Тәкут
сығлылйльыхльыгыт тәқниткыфтй Кияғнығым
сякшәльыхльыган.

²Тәхкын ысхағақа кыльйсюгнилңуқ мыдрәкыхтак
сиқинұағыстун, акумңалғй кынығмың. Ысхағанкалью
кайлькйкат тығикусяльбюгмың, наңағныңаның, әтханлью
числоңаның. Ныкывғатңуфтут сяғуағни кыльйм,
гуслилихтұлъютың Кияғнығым тұныхкитның льңитнун.

³Илягағақыфтут илягәтаңаның Моисейем, (Кияғнығым
қыпшақтыңа), илягәтаңаныңлю Пынъйғахам:

«Кәй, Атанық Кияғнық Ахтуғьяхқахәңгитыхльык,
қыпшалғыхтын сығлыхльыгүт,
альяхльыохуахльыгүт!

Кәй, умйлгат нунам югита,

льпык сяльыхтын ыльқуғутңәтлюю, ипаңүтлюю!

⁴Атанық, қамахтыңуәғлютың югыт аликыльықәтын,
құлвахльықәтлюю әтхын!

Льңинәгутын аглығналғй!

Қамахтыңуәғлютың нунатат

манигуғьяхтухльықәтын,

қаюхльык лисимакыхкаңат нанқихтилғыхтын
ыльқуғутңәлғйт!»

Киңулит Мәграғвинлык Сығлылйльыхльыгыт

⁵Тәм киңуңаның ысхағақа қиялгми қыльпыхтыкаңат
Храм. (Аглығналғыхпигәгуқ На, льңан югита
лисимакусиқәт Кияғнық тауанъилюку.) ⁶Тәхкын
мәграғвинлык яқулгыт әнлығәтут Храмымың
кыльқыльютың мәграғвинлыгның сығлылйльыхльыгның.
Тамахағмың атқуяғульютың қатыгракыхтамың
ниғулғймың, сякимагмыхтыхун золотамың тафсилютың.

⁷Тәхкын атәсим уңуалғйім стаманың тәкуның,
золотамың сягнылиқуғй мәграғвинлык яқулгыт. Тәкут
сягныгыт имиғңәт сякшәльыхльыганың Кияғнығым,

кияхлығыҗи қўнпырухляк кынлыңунан. ⁸Храмым илюна агыпсюхқага Кияғнығым ниғуҳқыльханыңлюю, ахтуғьяхқанғильханыңлюю. Кина алңунак итығнәнғитук Храмымун кынляңа мағрағвинлык сығлылйлғыхлягыт кынлытхўтыльхитнун, тагиткїт мағрағвинлык яқулгыт.

**Сяғнығыт Имақылдїт Кияғнығым
Сякшитыльғыхляганың**

16 ¹Тәхкын Храмымың нагақуғақа игляхтулдї ма, уңишәскаңи мағрағвинлык яқулгыт: «Кўвьяхтухтыки нунамун мағрағвинлык сяғнығыт Кияғнығым сякшәльғыхляги!»

²Ынкәм сивулїм яқулгым сяғныни кўвьяхтуға нунамун. Тәхкын сыңлыпыстахлягыт ақниғнапихлығхит пупигыт пїтқўтут нальюнїльыңыхканун тығикусяльбюгмың. Тамәкуңўт манигўткат наңағнығанун.

³Тўңлихән яқулгым сяғныни кўвә кылїнун. Тәхкын кылї әўатун туқукам югым лбїглюни, ынкәм қамахляютың уңувалдїт кылїни туқуляғатут.

⁴Пиңайїтаңита яқулгым сяғныни кўвә кїгўнунлюю, сыңбунунлюю мығнун ынкәм әўуҳқўтут. ⁵Нагақуғақа иглығутилдї мығның яқулык пилдї:

«Кәй, Аглығналдї Кияғнық,
льпыңўқ мәтын кияхлығыҗи,
льпыңўқ қўнпың кияхлығыҗи!
Нанқихтильғыхтынлюю, ағбюгилғыхтынлюю
ыльқуғутнәт.

⁶Югыт туқуқуқақит юхтын, ўкналиқистытынлюю, ынкәм мығьяхқалитатын әўмың.

Таўатын ағбюгьяхқәлютың лмыхның
альхықтыкақәт!»

⁷Тәхкын нагақуғақа ахқыфигығның ма пилдї:

«Аә Атанық, Кияғнық Ахтуғьяхқанғилңуқ!

Ипаңўтлюю, ыльқуғутнәтлюю нанқихтильғыхқахтын!»

⁸Ыстамїтаңита яқулгым сяғныни кўвә сиқиныхқун ынкәм Кияғнығым сиқинғым кынғанун паныхтыстї югыт.

⁹Сиқинғым угуқнахляган паныхтыстї югыт. Ынкәм сяңўхтыхлягәт әтхә Кияғнығым,

иглығутистыңутаңаның тамәвык сығлылйлғыхлягнун.

Авутыққынғитутлью, усюқынғитәтлью Кияғныңым аңылыхльяга.

10 Талымйтаңита яқулғым сяғныни кӯвā тығикусяльбюғым умйлгусйн ақумутахкынкун, ынкām атаныхпагульха мамлыхқўāгā. Югыт икфиқым улютың амқыхқуғйт. 11 Сянұхтыхльягāt Кияғныңа қиялғым апальюқльюку ақнихқылтығмыхныңлью, пупихтәлтығмыхныңлью. Авутыққынғитутлью сығлытун пильығмыхның.

12 Ағвинлиґтаңита яқулғым сяғныни кӯвā кийўльягыгнун Евфратыгнун. Кийўык патыхтук ятәхқунъалюки тўмаққамың умйлгыт тагилғйт асивағмың.

13 Тәхкын ысқағанка пиңают нукихналғйт туғнығāt ұамынгусюгнилнұт. Анут қәнғитның драконым, тығикусяльбюғым, ўкналиқистысиғўāғымлью. 14 Тәкут туғнығāt альяхльюхўахтикаюгүфтут. Ағуляқут умйлгитнун нунатахән тамахән қырңухналюки пильюўамун ағныхльягани Кияғныңым Ахтуғьяхқахәнғилнұм.

15 Атанық пйқ: «Нагатахтык! Тагиңұңа тығлыгнйхтытун! Қуянахтуқ тыхумалғй, āткани пйфтыңўāғлюки аюқыхқәңи. Ынкām иглыхнәнғитук амсикағми, кайңусяғәнбәнғитуклью тысқагани югыт ысқақумыхтыху!»

16 Тәхкын туғнығāt қырңухтйт умйлгыт Армагеддонымун. Таўатын Еврейльмистун атильха аюқуқ.

17 Тәхкын мағрағвинлиґтаңита яқулғым сяғныни кӯвā ысльямун. Храмыми умйлгусигның ақумутахльягыгның игляхтупихльюни ма пйқ: «Апығйхтуқ!» 18 Тәўа ниғўāхпахтахтуқ, тыңбәхтахтуқ, калытуқ, нуналью уфсюгутыхльяхтуқ. Тана нунам уфсюгутылыхльяга сығлылыхльхпигāгук Кияғныңым юңльягыюхальханың.

19 Ныхльяк пылыхтуқ пиңаюқхльюни. Нунатлью нихльягит қамахтыңўāғлютың нәвүтут. Кияғныңым нықамики Вавилоныхльягым сығлыхқхльхи. Ынкām мығыстā вино қабсимвлңуқ сякшитылыхльягминың имақылғй. 20 Қамахльютың қйхқат авйғуқұтут, қамахльютыңлью нәйғат кәвүтут. 21 Кафтыкшагрухльягыт

йок талымат уқихтуткавзилгит қияламың ифкақутут югнун. Ынкәм тамәкут югыт сяңұхтыхлягәт Кияғнық апальюқлюки кафтыкшагрухлягыт. Тәна сығлылйльыхляк сығлыпигулдй.

Ағнақлю, Тығикусяльйоклю

17 ¹Тәхкын якулгыт мәграғвинлыгның сягнлыгыт, такуның атәсим такулюңа пйңа: «Таги, кылгувикнақамкын ағйльыхқәның апыхсықұм ағнам югусиминың акикикаюгым, ақумгалдй мыхльяхтыхун. ²Нунам умйлги сығлыхқақут атуқақлюку ағнақ. Сығлыгыт атуқистилхди винотун аюқут, ынкәм нунам юги сймақут мыныңмыхтыху виноңа».

³Тәхкын якулгым Тағнығагныкун ағлйәтәңа килгәнун. Таўани ысхағақа ағнақ ақумгалдй кавишакыхтакун тығикусяльйоккун. Тығикусяльйок игақудвикнафтуқ узимун сяңұхтусиның атығның Кияғныңмун. Мәграғвинлык нәсқулгүфтуқ, құлңуфтултлю сйгунғи. ⁴Ағнақ пилюгугнафтуқ ыснйғдыңлю, кавишакыхтамыңлю, ынкәм улънақлюни золотамың, акитухлягмың уйғагмың, жемчугымыңлю. Тугумйқыфтә золото қайбисқ ыслықналдй сығлығналдйның кияхтәлтығның, нукухналдйныңлю блудыльғаның. ⁵Қаўани игақнафтуқ атық қайвиҳсимаңилңуқ хўатын писиқ:

Апыхсықуқ Вавилон,

нәкәт югусимыхның акикикаюгыт ағнат,

сығлығнальханыңлю нунам.

⁶Ысхағақа ағнақ сймылдй әўитның Кияғныңым югита, әўитныңлю туқуқат қаюхляк атәсйғмылңұт Исусымун.

Ысхағлюку ағнақ сяғйғаюхляхтуңа. ⁷Иўырңа якулгым пйңа: «Сяңавык сяғйғаюхсин? Уңипәнбақамкын қайвиҳсимаңилңуғмың сямың писйткык ағнамлю, тығикусяльйогылю. Тәна тығикусяльйок иглығутилдй ағнамың, нәсқулгүқ мәграғвинлык, сйғунылгүқлю қуля. ⁸Тығикусяльйок ысхақан уңуваялғиңүқ, Иўырңа туқуқәгуқ. Маюхлықуқ Сямнаңилңуғмың Лйғўағмың нәфқыльыңналюни. Юлгүқ нунами әтхит игақыльхилңұт

Игїтхун Уңувальхым нуна пїнлилїхдильюку. Тамāкут югыт ысхақумыхтыху тығикусяльбюк сяғїғаохлгықут қаюхлгык уңуваялғї, тукукақ иўырңа тағияхқақ.

⁹Сюмыхтағаяоқам лїгикылгықā уна: Мāграғвинлык нāсқут мāграғвинлыгūt қымит ағнам ақумгавиги. ¹⁰Тāкут нāсқут мāграғвинлыгūtлгыю умїлгыт. Талымат тукукāгут, атāсиқ иглығутиңүк, ынкām атāсиқ сялин тағиңигатүк. Тагикуми иглығутияхқāгүк натыңйхақ. ¹¹Тығикусяльбюк уңуваялғї иўырңа тукукақ, пиңаюның иңлюлїтңүк умїлык. Тāна пиңаюның иңлюлїта умїлык илякāt сивулїт мāграғвинлык умїлгыт, нāфқылгыңьяхтүгүк.

¹²Ысхақахтын қуля сиғунгыт, қуляңүт умїлгыт сялин иглығутиңигатут. Иўырңа ахтуғьяхқāнғилгыңылгықут иглығутияхқāлютың атāсиқ афлгыю малигулгыютың тығикусяльбюгмун. ¹³Тāкут атāсиқ умьюгақлгыюку тўнылыкїт тығикусяльбюгмун ахтуғьяхқāнғилгытыңлгыю, пилгыхқатыңлгыю. ¹⁴Ынкām пилгыюўахлгықāt Пынййғағақ. Иўырңа Пынййғағāм каялькылгықї қаюхлгык Атанқыхқаңат атангыт, Умїлькыхқаңатлгыю умїлгыт. Пынййғағағмылңүт туқлгыюқāгут, накмикыхкāгут, атāсиймылңүтлгыю».

¹⁵Тāхкын якулгым пїңа: «Ысхағатын мығыт ағнам югусиминың акикикаюгым ақумгавиги. Тāкут мығыт юлғутыхлгыгūt нунатахāның тамахāның пиңүт, улюкылғит альяйнағмың. ¹⁶Ысхақахпык қуля сиғунгыт, тығикусяльбюгымлгыю, угумїлгықāt ағнақ югусиминың акикикаюк. Сяқшахїғулыюку, амсиқахқылгыюку, кымга ныңлюку, тāхкын сїпныға кумахлгықāt. ¹⁷Тāкут қуля сиғунгыт таўатын пикāгут қаюхлгык Кияғнығым лъңитнун атуқыстыкақā пиюкылгыни. Аңыққуматкāгутлгыю тўналюки атаныхпагулгытың тығикусяльбюгмун. Таўатын пикāгут кынляңа Кияғнығым пиюкылгыха апығильханун. ¹⁸Тāна ағнақ ысхақан ныхлгыгүк иглығутилғї умїлгитның нунат».

Вавилоным Нāфқылгыха

18 ¹Тāм киңуңаның ысхағақа иляңа якулык қиялгмың укилғї. Ахтуғьяхқāнғилгылыхлгыгүфтуқ, ниғухқылгығминың йңунахāн нуна ниғухтā. ²Акилгүхлгыхтүк:

«Нāvумāқ! Нāvумāқ Вавилоныхл̄ьяк!

Нык̄āхсимāt туғнығāt,
 нукухналғīt туғнығāt,
 укмаңиньығилңūt кусыхналғīt қаўāгыт.

3 Вавилоным атуқилъха блудамың винотун аюқуқ,
 нунатах̄ан тамах̄ан мығā.

Нунам умйлгита атуқақāt,
 нунамлъю акильпыгахтыңита акльюңигисиқңўāt
 нуқытусяхқāнғилңухқун блудам атуқиюльхақун».

4 Тāхкын нагақуғақа иляңа ма қилягмың пилғī:

«Юмни, āнлығātык Вавилонымың!
 Илятыхпынаси сығлыҳқыльханун
 ағьōльыңнаюкафси льңанун малигульюси.

5 Сығлыҳқыльх̄и маюхтыхл̄ьягңāt ūсқахтуткағмың
 қиляхтун,

Кияғнығым нықамик̄и сығлыҳқыльх̄и.

6 Сығлытун пикатыху Вавилон катам льңан сығлытун
 пильхатун.

Малғухқыльюку сығлытун пильха пикатыху.

Қаўсийкун кўвитыху вино икнақытулңа
 малғухқыңьāн льңан атуқақылъхастун.

7 Льминың усюқыхл̄ьягақуқ,

акльюңихл̄ьянилъю атуқақā сямун алңунак
 пиюкыхкаминун.

Ынкām икфиқыстыхл̄ьяхтыхулью,

қивгустыхл̄ьяхтыхулью атунык̄итысльюку
 қағьяльыхл̄ьяганун.

Льминың п̄иқуқ:

“Царицаңўна ақумгалғī умйлгусимкун.

Угиңиғāнғитуңа ынкām қивгунāнғитңўāхтуңа!”

8 Тамāкын апальюқльюку ағных̄йнағми кālъықā
 туқульхым,

қивгульхым, нықаңисяхл̄ьягым.

Тāхкын кыңым паныхл̄ықā қаюхл̄ьяк ағьōгистыңа,

Атанық Кияғнық, ахтуғьяхқāнғитыхл̄ьяхтуқ».

9 Нунам умйлги иляткат атуқилъханунлъю,

қилиғьюльханунлъю, ысхақумыхтыху агыпс̄я
 паныльхан қиякылъықāt, игляхтупихл̄ьютыңлъю
 қиякыхл̄ьяхл̄ықāt. 10 Уяванлъютың ныкывылъықут

қаюхляк алиңылдїт лъмыңлью илянъаюкамың
икфиқылъханун. Пилъықут:

«Сығлығағмың! Сығлығағмың лъпык аңыхляк
ахтигалңуқ ныхляк, Вавилон!

Агъюльыңутын атәсиғағми афльюми!»

11 Нунам акильпығахтыңита қияғұяткāt

қивғухлягумағмың, қаюхляк китум алңунак

тукфиғнаниқанит сягъяңит. 12 Вавилоными

акильпығахтыт акикақсяқанит золотат,

серебруют, акитухлягыт уйғагыт, жемчугытлью;

акикақсяқанитлью қйпағақат улимāгыт виссонымың,

шелкымың, қйпағақатлью иқыхтақылдїт

ысныгъягыт, кавишақыхтатлью. Акикақсяқанитлью

тышкыхтыпихльыхит унақсит, улимāгыт нāңқуның,

акитухлягның унақсиның, сїлюның, сявиқынғāгның,

мраморыныңлью. 13 Акикақсяқанитлью корицат,

благовоният, фимиамыт, смирнат, ладанат; винот,

маслинам мысїғи; авляўат, пшеницат; скотыт, пынъйгыт,

кўнит, колесницат; талўа югыт акикақсяқанит

қыпшақтылғулюки. 14 Акильпығахтыт Вавилон пилъықāt:

«Қамахльютың пинилдїт альхықсюкыхляқахтын
авїгутут.

Қамахльютыңлью акльюңихляхтын қылмыхлягыт
авїгутут,

альямыңлью альхықсяққананиғатын!»

15 Акильпығахтыт акльюңиқикат акикилютың

Вавилоными, ныкывғалықут уяванльютың қаюхляк

алиңылдїт илянъаюкамың икфиқылъханун. Қияльықут

қивғухлягумағмың, 16 хўатынлью пилъықут:

«“Сығлығұағұқ! Сығлығұағұқ ныхляк!

Аткаюгуяхтуқ виссонымың, ысныяғмың,

кавишақыхтамыңлью, ульңақыхкаюгуяхтуқлью
золотамың,

акитухлягмың уйғагмың, жемчугымыңлью!

17 Атәсими афльюми акльюңихлягїтā!”

Қамахльютың аңьялгыт, югит, иглығат,

акильпығахтытлью иглығакаюгыт аңьяқпахтыхун

альхықунъалютың киягусихқамыхның, аңьяқпагит

ағулиқат уяванльютың Вавилонымың кумағаққан.

- 18 Ысхадлюку агыпс̄я кумальхан, акилг̄угут:
 “Алья ныхлягитук х̄уатылңуғмың!” 19 Нәскутың
 пагулялихтуғйт қияткыльюку, қивгуткыльюку акилг̄угут:
 “Сығлығ̄уағ̄уқ! Сығлығ̄уағ̄уқ ныхляк!
 Акльюңиҳляганың қамахльютың аңьяхпалгыт
 акльюңиғикаюгуяхтут!
 Иўырңа атәсими афльюми акльюңиҳлягитә!”»
- 20 Тәхкын қиягмың кина пйқ:
 «Кай қиягмылңуғни, қуякитыху қаюхляк
 Кияғныңым нәфқә Вавилон!
 Қуятык Кияғныңым югитни,
 апостолыни, үкналиқистынилью!
 Кияғныңым ағьōгә қаюхляк сығлытун
 пикақыхкаңиси!»
- 21 Тәхкын икнақыхлялғим якулгым кывгә
 уйғагрухляк, зерномун кагимтисистун аюқылғи. Милбәтә
 кыльимун, х̄уатын пимағми:
 «Таўатыхпигақ ныхляк Вавилон,
 Кияғныңым милбәтыхляхльықә аситмун ынкәм
 альямыңлью ысхағнәңгитәт.
- 22 Китум алңунак нагақуғнәңгити гуслистытын,
 пильхуғикат айңанаңастытын,
 свирелыстытын, қалғиҳтақтытынлью!
 Қамахльютың пильхуғикат қыпхақтытын
 авиғусяхқәгут,
 зерномың кагимтыстытын альялью
 нагақуғнәңгитит!
- 23 Кынылғутам ниғуга күкхуньәниғнақук лыпыни.
 Мыңик нулихтуғнақылғимлью угйғнақылғимлью
 нагақуғнаниғнақук лыпыни.
 Акильпығақтытын ахтиғатңуағьяхтут нунатахәни
 тамахәни.
 Алигнахтәлтыхпыгун пұхқуқақатын
 қамахтыңуағлюки нунам юги!
- 24 Вавилоными тәўа аўит үкналиқистыт,
 Кияғныңым юги, қамахльютыңлью туқуткәт нунами».
- 19** 1 Киңуңаның икнақыхлялғим якулгым
 азузильхан, қиягми нагақуғанка юлғутыхлягыт
 акилдүлғит:

«Аллилуия!

Югулилъық, құлвалъық, ахтугьяхқангилъықлюю
Кияғнымта пикй!

2 Лънан нанқихтильхи ипаңұт, ыльқуғутнāt!

Лънан агъбōқақā апыхсығуқ ағнақ югусиминың
акикикаюк қаюхлъяк нунам юги пистыкақи
блудакун атуқыстақлъюни.

Кияғнығым акиткақā қаюхлъяк қыпхақтыңи
туқуқуқтыстыкақи».

3 Юлгутыхлъягыт акилцўлятахтут:

«Аллилуия!

Ныхлъяғым кумалдй̄м агыпс̄я маб̄югуқ қўнпырухлъяк
кынлыңунāн!»

4 Тāхкын югинақ стамат сйпнықлъюки утфат,

стаматлюю уңувалдй̄т нй̄нцукўльютың манигуғāt

Кияғнық, ақумгалдй̄ умй̄лгусигмикун. Пикāt:

«Аминь! Аллилуия!»

Пыньйгаҳām Ныңухтылъхан Нықынғахқылъха

5 Тāхкын умй̄лгусигның ақумутахлъягыгның ма хўатын
пй̄қ:

«Усюқитыху Кияғныхпуд,

қамахлъюси қыпхақтыңани аликилцй̄ни лъңаның,
укаванлыңуғнилюю, āңўāғнилюю!»

6 Тāхкын нагақуғанка льяңақа мыңит юлгутыхлъягыт.

Нагаткāлютың сюксюгистун тывлюхтыхлъялдй̄т

мығыт, калъюгымлюю тыңб̄ахталъхатун аюқлъютың.

Акилцўгут:

«Аллилуия!

Атанық Кияғныхпуд, Ахтугьяхқахқангилңуқ
иглыгутй̄қ!

7 Қуятылъта, ынңātаль куяхлъягылъталюю,
усюқылътыхулюю!

Пыньйгаҳām ныңухтылъыхқā кātуқ,
нулй̄хқālюю ятāхқумāқ.

8 Кияғнығым āсихтўмā угй̄ғнақылдй̄ пинигракыхтамың
қатылдй̄мың виссонымың».

(«Виссон» хўатын писй̄гуқ, ыльқуғутнālдй̄т
анығныхқилъхыт Кияғнығым югита пй̄қыхкаңит.)

⁹Тәхкын яқулғым пйңа: «Уна игақигу: Пынғйғақам ныңұхтыльхан нықынғақкыльханун нығьяхтйскыхкат қуястыкәгут». Хўатынлью пйңа: «Укут ипаңұт акузитаңи Кияғнығым».

¹⁰Тәхкын нйңдугуға яқулғым итыгәкун манигуғналюку, иўырңа пйңа: «Таўатын пихпынаң! Манигуху Кияғнық! Қыпхәтақақа Кияғнық льпытун, ухпықәлгугыфпытунлью. Лъңаңут атәсиймылңұт ипальығмун Иисусым апыхтўсяқыкәнун. Ипальық Иисусым апыхтўсяқыкә тәнаңұқ ипальық Кияғнығым Тағнығахкынка ўкналиқистынун уңипақыстыкә».

Иглығастыңа Қатылғым Кўним

¹¹Тәхкын ысқағақа қиляк қыльпылғй, тәўа қатылғй кўни! Кўникун иглықльықым әтха «Атәсиймылңуқ, Ипапик». Ыльқугутнәт нанқихтильхи, пильюўақанилью аңуяни. ¹²Йскык кумағульхатун кыңғым аюқльютык, нәсқумикун қахпалгугытлгугуфтуқ. Әтха льңакун игақнафтуқ китум алңунак нальюкыхкаңа иўырңақун льңинән. ¹³Аткуяғык атукык ныптыкәфтуқ аўкун. Атқыфтә: «Кияғнығым Акузитаңа». ¹⁴Қиляғмың пильюўахтыңита малихсйғәт ўхльютың қатылғйтхун кўнитхун, аткуяғлютың иқанилңуғмың қатылғймың виссонымың. ¹⁵Қанғаның аңуқ ипылғй сявихпак, тәхун қамахтыңўәғлюки накумйт каяльқуқльықй. Иглығульықй сявиқынғағмың анагуталиғлюни. Тәхкын тутмақльықй аңуяни катам югыт тутмағақыльхистун виноградыт қағыққўсигнилңұт. Тәна тутмалық сякшәльықльыкә Кияғнығым Ахтуғьяқхәңгилңұм. ¹⁶Аткуяғакунлью, қухтуқәкунлью игақнафтуқ атық хўатын: «УМЙЛГА УМЙЛГЫТ, АТАНҒА АТАНҒЫТ».

¹⁷Тәхкын ысқағақа яқулык ныкывғалғй сиқиныққун. Қамахлюки қаўәлғутыт құлвани тыңәлғйт игляхтупихльюни пй: «Тагиляғәльюси қырңугутык Кияғнығым нықынғақкыльықльыганун! ¹⁸Тагитык, нығьяхтухтыки кымыхқўәғит умйлгыт, пильюўахтыт умйлгыт, пильюўахтытлью. Нығьяхтухтыки кымыхқўәғит кўнит, кўникун иглықтыстыт, қамахлюкилью югыт,

қыпшақтылығыз, қыпшақтылыгунгилнұт, укаванлыңұт, аңұағытлыю».

19 Тәхкын ысхағанка тығикусяльбюкляю, нунамлыю умйлги, пильюуақтыкульхит қырнугутут пильюуағналюку иглыхлбыхй куникун, пильюуақтыңилью. 20 Тугуахкыт тығикусяльбюгилью, укналиқистысиуағылыю альяхлыюуахтигатақақ тауанлюку тығикусяльбюк. (Альяхлыюуахтиқылбыгмикун пухкуқи нальюнйлбыххкат тығикусяльбюгмың, манигуқатлыю наағныға.) Тығикусяльбюкляю, укналиқистысиуағылыю уңувахкынка милботак найвам кынғанун кумағулғимун укумьягмун. 21 Пильюуахтым куникун иглыхлбыхйму тукукуғи сывихпахкун қанығминың аныхкакун. Тәхкын қамахлыютың қауағыт нығит кымыхкуағит кыпсюқиналбығмыхнун.

Тысяча Аюмиқульхыт

20 1 Тәхкын ысхағақа яқулык қилигмың укилғи тугумйқлыюни қипытаыңаның Сямаңилнұм Ляуағым, қипшагутыхлбыхныңлыю. 2 Каяльқылбюку дракон тууа. (Дракон танаңуқ аюмихтақ нымыгьяқ, атха Тугнығақ, Тугнығақ.) Тәхкын яқулгым асихқа қипшагутның тысяча аюмиқульбыхнун. 3 Милбюлюку Ляуағмун, тәхкын амигмың умгульюку махқатуткә печатлюку. Ынкәм Драконом пухсяқананиғи югыт кынляңа тысяча аюмиқульхыт альпальхитнун. Альпаката итымутахлықат.

4 Тәхкын ысхағанка умйлгусит акумулят, акумулялғитлыю такутхун. Кияғнығым нанкихтияхқахтыстыкй югның. Ысгағанкалыю уңувасит тамакут нәсқуйхтуқит апальбюкляюку Исус. Уңипақыхкақыхқанат ипалық Исусым қайвиқыхкә, акузитаңилью Кияғнығым. Такут манигүсимаңитут тығикусяльбюгмун, налиғмың наағнығанун. Талұа қағумыхтыхун, налиғмың йхмыхтыхун альхыхтыльхитат нальюнйлкутә тығикусяльбюгым. Уңувахтүлбютың иглығутилгусиғат Христос тысяча аюмиқульбыхнун.

5 Тана сивулигуқ уңувахқульық. (Иляңи тамакут тукукат

уңувахтўнъангитут кынляңа тысяча аюмиқульхыт альпальхитнун.) ⁶Тамāкут Кияғныңым уңувахтыкī уңувахтўсюхўальығми қуястыкāгутлью, аглығнахтутлью. Туқунāнгитут тўңлихāни туқульхым. Иўырңа священнигаңунақнўт Кияғныңмунлью, Христосымунлью. Иглығутилгусихльықātлью Христос тысяча аюмиқульығни.

Кияғныңым Кайльқыхқаңа Туғнығақ

⁷Тысяча аюмиқульхыт альпаката, Туғнығақ анусимиңльығвиганың итымусяқāгук. ⁸Ынкāм āнлюни пўхқульықй нунатат миңитңалғйт нунатахāни тамахāни. Тамāкут нунатат āтқйт Гогылью, Магогылью. Югит угляхльыхтут қынāвзығātун ысыным. Тāхкын Туғнығām қырңульықй пильюўамун. ⁹Туғнығām пильюўахтыңи иқылмун миңильютың иглыхльықут нунакун. Кāльютың қаңльюльықахкыт нунāқлью Кияғныңым югита найт, ныхльыаклью Кияғныңым пиниқыхкā. Тāхкын қияғмың Кияғныңым кынық укихтысльюку паныхтыкī пильюўахтыт. ¹⁰Тāхкын Туғнығақ пўхтикақ нунатаның, Кияғныңым яқулгита милўольықāt нāйвамун кумағулғй уқумьягмың. Таўавык милўотқақыхкыкыт тығикусяльюгылью, ўкналиқистысиғўāқлью. Таўани икфиқыхльыхльықут ағныхтўмāн унухтўмāн қўнпырухльык кынлыңунāн.

Киңулик Нанқихтилльық

¹¹Тāхкын ысхағақа Кияғның ақумгалғй қатылғйгныкун умйлгусигныкун ақумутахльыгыгныкун. Нуналью, қияғалью қимāгўтук Кияғныңым таўантыльханың, альялью ысхағьяхқāхпынатык. ¹²Ысхағанкалью туқуляғātкат, укалйўақльютыңлью, āңўāғўақльютыңлью аюқылғйт. Ныкывғатңуфтут сивуңани умйлгусим ақумутахльыгым. Тāхкын игат қыльпыхтйт, Игй Уңувальхым, игақуғвикыхкат āтхитның тамāкут уңуваяққат қўнпырухльык. Иляңилью игалғутыт қыльпыхтйт игақуғвикыхкат туқукат кияхтāльхитның аюқылғйт. Кияғныңым нанқихтй атуқльюки игақуқат игатхун. ¹³Тāхкын

кыльїм тукумастїни пыхтї. Тукульхымлью, Адымлью тукумаститың пыхтїт. Қамахтыңўағлюки Кияғнығым нанқихтї кияхтальхистун. ¹⁴Тәхкын Тукульықлыю, Адылью милїотакыт найвам кынғанун. Найвам кыңга тўнликә тукульхым. ¹⁵Китум алңунак әтха игакумаңилңуқ Игәни Уңувальхым, милїосимәт найвам кынғанун.

Қияграғақлыю, Нунаграғақлыю

21 ¹Тәхкын ысхағахка қияграғақлыю, нунаграғақлыю. Қияксюхўағїсимәк, нунаксюхўағїсимәк, кыльїңйткәгуқлыю. ²Ысхағақалыю Аглығналғї Ныхляк, Иерусалимыдрағақ, укилғї Кияғнығмың қиягмылңудмың. Ныхляк ятәхқылыюни угїгнақылғїм ульңақылхатун угиминун. ³Нагақуғақа ма игляхтупихлыхї умїлгусигның ақумутагның пилғї: «Ысхағақхукун, Кияғнығым кияхфига югнитуқ! Кияхфикылықкї ынкәм лъңит юкылықкї. Кияғнық лъңа катам лъңитнилықуқ ынкәм лъңа Кияғнықылықкәт. ⁴Қуниңхлықкї қамахлыюки. Туқуңильықә, қивғуңильықә, қияңильықә, талўа ақниҳқыңғїльықә қаюхляк тамәкут атуқсяқәңит атуқнанихлықкїт».

⁵Тәхкын умїлгусигнилңуқ ақумутагни пїқ: «Ысхағаққикун, улимәқанка сяңўәт қамахтыңўағлюки нутағәлюки!» Хўатынлью пїқ: «Игақики тамәкут әпқанка лыпынун қаюхляк тамәкут акузитыт ипаңўт, ухпықсяхқәгутлью». ⁶Пїңалыю: «Апығїхтуқ! Хўаңа Альфаңўңа, Омегаңўңа, хўаңа пїнлығўңа, кынлыңўңа. Кина алңунак мықсюлғї, акиңунән мыхсылыққақа сыңзулғїмың уңувальыңыстикаюгмың мығмың. ⁷Китум алңунак каяльқылғїм альхыхлықкї тамәкут хўаңамның. Кияғнықылықкәтңа ынкәм лъңит авақутақылыққанка. ⁸Иўырңа тамәкут қуюхталғїт, ухпықильхилңўт, сығлылыхпигағның сығлыхқылғїт, юхтақтыт, ныңуқтыхпынатың атуқульхїт, алиғналғїт, манигўткаюгыт кияғныңляяқанун, қамахлыютыңлью иқлыңалғїт, ныкақкәт найвәгуқ кумағулғї кынығмыңлью, уқумьякмыңлью. Тәнаңўқ тўнлї тукульхым».

Иерусалимыҗраҗак

⁹Тәхкын яқулгыт мәҗраҗвинлыгның сьгнылгыт ыслықңалғиның киңулиғның сығлылйлтыхлъягның, атәсим тәкуның такүәңа. Пйңа: «Таги, кылгувикнақамкын Уғиғнақылғиың, нулиҳқә Пынғйғаҳәм».

¹⁰Кияғныңым Тағныҗахкынкун яқулгым тугулюңа аглятәңа ўсқалгыҳпигәнун нәйғам. Таўани кылгутә Иерусалим, Аглығналғи Ныхлъяк укилғи Кияғныңмың қиягмылңуғмың. ¹¹Күкхутңағми Кияғныңым ниғуҳқыльханың. Ныхлъяк күкхутуқ акитухлъялғитун уйғахтун, ясписытун, мығрақыхтуткағми кристаллытун.

¹²Ўсқахлъягмың миңльютылык, қуля мәлғук сйпнықльюку амихлъялғатақ. Қуля мәлғук сйпнықльюку яқулгыт амихлъягнитыфтут. Атәсикаҳтағмың амихлъягыт игақфикңафтут атығмың қуля мәлғук сйпнықльюку рамкыни Израилым. ¹³Миңльютәңа ныхлъягым қуля мәлғук сйпнықльюку амихлъялык, пиңают асивағми, пиңают айўәни, пиңают икывағми, пиңают пакфальями. ¹⁴Ныхлъягым миңльютәңа тунымиқәфтук қуля мәлғук сйпнықльюку уйғагның. Атәсикаҳтағмың уйғагыт игақфикңафтут атығмың қуля мәлғук сйпнықльюку апостолаңаның Пынғйғаҳәм.

¹⁵Яқулык алыҳқуҳтыка золотамың успуталғуфтук успутағналюку ныхлъяк, амихлъягилью, миңльютәңалью. ¹⁶Ныхлъяк ульювиғрақыхтыфтук тахталңа, патыҳтулңатун аюқыфтук. Яқулгым ныхлъяк успутағьяқминигу: 2,400 километра тахталъкыфтә, патыҳтулькыфтә, ўсқахтулькыфтәлью. ¹⁷Миңльютәңалью успутағьяқминигу, 65 метраңуфтук ўсқахтулңа.

Яқулгым успутальҳатун аюқыфтук юғым успутальҳа. ¹⁸Миңльютәңа улимәғуфтук ясписымың. Ныхлъяк улимәғуфтук золотапырығўағмың. Маникаҳқак мығрақыхтыпихлыҳй сиқинғўахтун. ¹⁹Ныхлъягым миңльютәңан тунымй пиниғнәқусиглютың алььяҳйнағның акитухлъягның уйғагның. Сивулик ясписыңуфтук, тўнлиҳә сапфирыңуфтук, пиңая агатыңуфтук, стамә смарағдыңуфтук, ²⁰талъима ониксыңуфтук, ағвинлыга сардисыңуфтук,

мәҗрағвинлыга хризолитыңуфтуқ, пиңаюның иңлюлга вириллыңуфтуқ, стаманың иңлюлга топазыңуфтуқ, құлңуғутаңа хризопрасыңуфтуқ, қуля атәсим сйпнйға гиацинтыңуфтуқ, қуля мәлғугым сйпныңан аметистыңуфтуқ. ²¹ Қуля мәлғуқ сйпныңкльюку амихлягыт жемчугыңуфтут, тамахағмың амихлягыт атәсимиң жемчугмың улимәғуфтут. Ныхлягыт тўмңи золотапырығўағуфтут; золото мығрақыхтыпихльыҳй сиқинғўахтун.

²² Ныхлягми ысхәнбығитуңа Храмымың, қаюхляк Храмыңа Атанғўк Кияғнық Ахтуғьяхқахәнғилңуқ, Пынййғағағуқлью. ²³ Ныхляк сиқиныхсюғнитук, налиғмың танқихсюғнитук ниғухкамың, қаюхляк ниғуҳқыльха Кияғныңым ниғукухкаңа, Пынййғахақлью кынылғутақыхкаңа. ²⁴ Қамахтыңўағлютың нунам юги кияхльықут ниғугакун кўкхутңалғйкун. Нунамлью умйлгита акльюңитың тағиқўтйт ныхлягмун. ²⁵ Ныхлягыт амихляги умыгнәнғитут ағныңым нәнныңани қаюхляк унугнәнғилңуқ тамәни. ²⁶ Нунам югита ныхлягмун тағиқўльықйт пиниғнахлягыт акльюңитың. ²⁷ Иўырңа ныхлягмун итығьяхқәнғитук сяңўа сығлық, талўа кина алңунак сығлығнатун писта, налиғмың иқльыңиқыста. Иўырңа ныхлягмун итығьяхқәгут тамәкуңинахәт әтхит игақңалғйт Игәкун Уңувальдым. Такут Игат Пынййғахәм пикй.

22 ¹ Тәхкын яқулғым кылғувикәңа кйўығның мәқылғйғның Кияғныңымлью, Пынййғахәмлью умйлгусихкынка ақумутахкының. Уңувальытикаюгмың мылгык, мығрақыхтуткалғйк кристаллытун. ² Мәқңалғйк қукакун тумаңан ныхлягыт. Кйўық иңлюхтун уқфихтуқак уңувальыликаюгның. Тамахағми уқфик пйтыстикаюгўк плодының танқйнахқун, аюмиқульығми, қуқуңйтлью нәльхутусйфтут нунатәнун. ³ Сяңўа алңунак Кияғныңым нанқихтыкә ағьюғьяхқәлюку, ныхлягмынбәнғитук. Кияғныңымлью, Пынййғахәмлью умйлгусик ақумутахкыт ныхлягмысяхқәгук, Кияғныңымлью қыпхахтыңита маниғуҳльықәт. ⁴ Хинә ысхахльықәт, әтхалью қаўйтхун игақңалтықуқ. ⁵ Тамәни унугнанихльықә, кынылғутахсюғниғульықй, налиғмың

сиқиныхсюгнйгулбықй, қаюхляк Атанық Кияғнық ниғукулбықат. Иглығутилбықутлю умйлгулютың қўнпырухляк кынлыңунан.

Тагильыхқә Исусым

6Тәхкын яқулғым пйңа: «Укут акузитыт ухпықсяхқәгут, ипаңұтлю. Атанғым, Кияғнығым иглығутилғым тағнығитның ўкналиқистыми, каяхтыкақә яқулыни кылгувикысқылбьюки қыпхақтыни сяңұат пияхтуңыстағнилюки».

7Иисус пйқ: «Нагатык! Тагияхтухтуңа! Қуястыкәгут қаткульхйт ўкналиқылбығнун игақналғйнун укутхун игатхун».

8Хўаңа, Иоанн, нагаткақанкалю, ысхақақанкалю тамәкут. Нагақуғақнамкилю, ысхағақнамкилю тамәкут, нйңутуңа яқулғым итығани манигуғналюку, кылгувикыстыка тамәкын. 9Иўырңа пйңа: «Таўатын пихпынаң! Хўаңалбью қыпхақтыңуңа лыпытун, ухпықәлгутыхпытунлю ўкналиқистыстун, қаткульхйстунлю акузитаңитнун укут игат. Манигуху Кияғнық!» 10Пйңалбью: «Аксяқыхпынаки ўкналиқылбыхт укут игат әпқйт, қаюхляк тамәкут пилбыхқйт кәсяхтүмәт. 11Кина алңунак сығлытун пилғй нағнығли сығлытун, ынкәм кина алңунак нукухнамың сйомқылғй нағнығли нукухнамың сйомқылбьюни. Кина алңунак ыльқуғутңалғй нағнығли ыльқуғутңалюни, киналбью алңунак пылюңилнуқ нағнығли пылюңилбьюни».

12Иисус пйқ: «Нагатык! Тагияхтухтуңа! Акилыхтўсяхқанка кылтықылбықанка нальяңихтуғналюки югыт кияхтәльхистун. 13Хўаңа Альфаңуңа, Омегаңуңа, хўаңа сивулигуңа, киңулигуңа, хўаңа пйңлығуңа, кынлыңуңалбью».

14Қуястыкәгут тамәкут аткуятың ағвикйт иқаңйтыслбьюки. Тамәкын апальюқлбьюку нығьяхқәхтыкәгут пйтыстыкәның уңувальылитикаюғым уқфигым. Итығьяхқәхтыкәгутлю ныхляғым амихлягитхун. 15Иўырңа ныхляғым ыслыятәнилңұт қикмйгут, алигналғйңұт, ныңухтыхпынатың атуқистыңұт, юхтақтыңұт, кияғныңляқанун манигутыстыңұт, иқлыңиқсюныхтұт, иқлыңиқумаңаңақутлю.

16 «Хўаңа, Иисус, каяхтыкақақа яқулька лыпысинун ухпықанун югағвигнилңуғнун. Апыхлығықак укук лыпысинун: “Хўаңа Давидым киңунқаңа, хўаңа ниғугракыхтāгуңа унāнум иғалықытāға”».

17 Тағнығаклыю, Угйғнақылғйлью пйк: «Таги!» Тамахағмилъю нагалъхй пили: «Таги!» Кина алңунак мықсюлғй тагили; тугуклығлигу акиңилңуқ мық уңувалылитикаюк.

Нāннйыт

18 Хўаңа, Иоанн, кылыңасяғъюганка нагалъхйт ўкналиқылғығнун игақыхкатхун укутхун игатхун. Китум алңунак илярāқаки ўкналиқуткыхкат укуни игани, Кияғнығым ағъюхлығықā. Лъңанун илялғықй тамāкут сығлылйльыхлығыт игақңалғйт укутхун игатхун.

19 Китум алңунак икувикыхкаки ўкналиқуткыхкат укуни игани, Кияғнығым иқилғықй ныңихқй пйтыстыкат уқфиганың уңувалылитикаюғым. Кияхтыснāңцитāлью ағлыңналғйми ныхлығыми. Тāкук апығңāк укуни игани.

20 Иисусыңўқ āпхилғй тамāкын қамахлығытың ипаңунилюки. Пйқлыю: «Ипапыстāқ тагияхтухтуңа!»

Аминь. Таги, Атанық Иисус!

21 Наңлыхталъха Атанымта Иисусым тамахахпысинилъи. Аминь.